



PQ2496A316T81923

001

PQ2496A316T81923 001  
L'ASSOMMOIR. OTTOMAN TURKISH

A standard 1D barcode with vertical black bars of varying widths on a white background, used for library identification and tracking.

D	8	AISLE	03	SECT	02	SHLF	06	SIDE	8	POS	15	ITEM	007	C	0
---	---	-------	----	------	----	------	----	------	---	-----	----	------	-----	---	---



**LIBRARY**  
**OHIO STATE UNIVERSITY**



A NOTE TO THE READER:

Because of its value and condition,  
this volume has been microfilmed to  
preserve its content.

Please check the Libraries' catalog  
for location of a copy of that  
microform.

Thank you, 12/3/1992  
Dg  
The Preservation Office







Zola, Émile, 1840-1902.

# أولمز امرلر كلباني

---

آسسوموار  
L'ASSOMMOIR

---

مترجمي :  
اسماعيل مشتاق

محرري :  
اميل زولا

---

طينك علاوه سي

١٩٢٣



STX

PQ 2496

A68

1923



ژه روهز صباحك ايكيسنه قدر لانتیه یی بکله مشدی . صوکره ، پنجره اوکنده  
 پنجه بر کیجه لك کوملکیله آیازه قارشى قتره یه رك حمار ایچنده کندی یاتاغه آتمشدی .  
 یاناقلری کوز یاشلریله صیر صیقلام ایدی . سکز کوندن بری اونکله برلکده یمك  
 یدکلری ( ایکی باشلی طانه ) میخانه سندن چیقنجه لانتیه اونى اوه ، چوجوقلرك  
 یاننه کونده ریر ، کندیسی صباحه قارشى کلیر وهر دفعه سنده ایش آرامق ایچون  
 بویله کج قالدیغنی سویلردی . بو آقشام پنجره اوکنده ینه هر وقت کبی یولنی  
 بکلرکن اونك ، سوقاغه ناظر اون پنجره سندن چیقان آیدینقلر بولوارلرك اوزون  
 قارا کلنلری تنویر ایدن ( غران بالقون ) غازینوسنه کیردیکنی کورور کبی اولمشدی .  
 آرقه سندن ده کوچوك آدهل عینی بالویه کیرمشدی . اساساً اوده آقشام یمکلری  
 عینی میخانه ده بیردی . آدهل ، لانتیه دن بش آلتی آدیم کریده قالمشدی . ایکی  
 یاننه صارقان قوللرینك اویله برحالی واردی که لانتیه نك قولندن همان آیرلش اولدقلری  
 آکلاشیلیوردی . بالونك قاپوسنده کی لامبه لرك ضیاسی آلتندن برلکده کچمه مك  
 ایچون بر برینك قولنی ترك ایتدکلری بللی ایدی .

ساعت بشه طوغرو اویاندینی زمان وجودی قاص قاتی اولمش ، پریشان برحاله  
 ایدی . کوزینی آچوبده لانتیه یی ینه اوه کله مش بولونجه هیچقریقارینی ضبط  
 ایدمه دی . لانتیه ایلک دفعه اواق اوزره کیجه یی باشقه یرده ، باشقه یاتاقدہ  
 کچیریوردی . قالقدی ، یاتاغنك کنارینه اوطوردی و آغلامقدن یاش طولو کوزلریله  
 بو مفروش اوطه نك سفیل اشیا سنی آغیر آغیر تماشایه باشلادی : بوتون اشیا  
 چکمه سنك بری اکسیك بر قونسولدن ، اوچ حصیر اسکمله ایله اوستنده قیریق  
 بر صو دستیسی طوران یاغلی و اوافق بر ماصه دن عبارتدی . اوطه نك بر طرفنه  
 چوجوقلر ایچون بر دمیر قاریوله قونولمشدی . قونسولك اوکنی قاپایان بو قاریوله  
 اوطه نك اوچده ایکیسنی اشغال ایدیوردی . ژه روزله لانتیه نك برتک صندوقلری واردی . بر  
 گوشه ده قاپاغی آچیق طوران بوسندوغك ایچی بوم بوشدی . تادیبنده کیرلی چوراب و کوملکلر



آره سنده اسكى براركك شاپقهسى كوزه چارپيوردى . اوطه نك ديوارلى بويجه ،  
 انكمله لك ارقلرنده دليك دليك اولمش براورتو ، چامورلر آلتده پالانمش  
 بر بانطالون ، آرتق اسكيچيلرك بيله رغبت ايمه دكلرى پلاسپاره لر ، اوجاغك  
 اورته سنده ده امنيت سندوغنك مقبوض سندلرندن بريغين صولغون كاغدپارچه لرى  
 واردى . ايشته اوتلك برنجى قاتنده ، بولواره ناظر اك كوزل اوطهسى بوايدى .  
 دمير قاريوله ايچنده ايكي چوجوق ، باشلرني عيني ياصدغه قويמש ، اويويورلردى  
 قلود سكز ياشنده برارككدى . ميني ميني آللرني يورغاندن طيشارى چىقارمش ، آرسى  
 آغير تنفس ايدييوردى . آتیه ن دوت ياشلرنده برقىزدى . قولنى قارده سى  
 بويينه آتمش ، اويقوسنده كولومسيوردى . ژهروه زك كريان نظرلى بوي  
 چوجوغه تصادف ايدر ايتز . يكي دن برر هيچقريق باشلادى . آغلار كن بوغازندن  
 چيقان خفيف صيحه لرى باصديرمق ايچون منديليله آغزني قاپاتيوردى . بر آز  
 صوكره ياقاغندن تكرار قالدى ، بابوخلرني كيمكى بيله عقل ايمه يهرك يالين آياق  
 ينه نچره نك اوكنه كلدى ، نظرلريله ينه قالديرملرى آراشديره رق انتظاره قويولدى .  
 اوطوردقلى اوتل پوواسسونيه ر قوردوتنك صولنده ، شاپهل بولوارى  
 اوزرنده ، ايكي قاتلى ، ايلك قاتى قيرمى شراب طورطوسى رنكنه بويانمش ،  
 پانجورلى ياغموردن چورومش بر چوكوك بنا ايدى . ايكي نچره آواسنه تعليق  
 ايدلمش بر فنارك جاملرندن انتشار ايدن ضيا يارديميله شويازى اوقونپوردى :

## بون كور اوتلى — مستأجرى : مارصوليه

ايرى ضارى حرفلرله يازيلي اولان بولوحه نك بعض اقسامى ديوارك كوف  
 طومش صيوارلريله برابر دو كولمشدى . فنارك ضياسى ساحه رؤيتنى اشكال ايدن  
 ژهروه ز ، حالا منديل آغزنده اولدينى حالده ، آياقلىرينك اوجنه باصه رق اوزاقلىرى  
 تفتيش ايدييوردى . صاغ طرفده روششوار بولوارنده ، قاتلى اوكلكلريله سلخخانه لك  
 اوكنده بلكلر ييغين ييغين قصابلر طورپيور ، صباحك تازه روزكارى هنوز  
 بوغازلانمش حيوانلرك آغير قان قوقوسنى كتيرييوردى . صول طرفده برشرىت  
 حالده اوزانان جاده ، تانهايتده هنوز انشاآتى ختام بولامش لاريبووازييه ر  
 خسته خانه سنك بياض جئه سته منتهى اوليوردى . ژهروه ز شيمدى نظرلريله اوقتروا



پوردوتی بر اوجدن اوتەکی اوجه قدر طولاشیور ، بعض کیجه لر پوردوتک  
 آرقەسندن اولدورولن انسانلرک فریادی ایشیتدیکنی خاطر لیوردی . صانکه  
 بویله آراشدیروب طوررکن بر طرفده لانتیه یی ، قارنی ییچان ضربه لرله  
 هلیک دشیك ایدلش بر حالده کوره جکمش کی قارا کلک کوشه لره ،  
 ماده نك دونوم نقطه لرینه خوف و خاجانله باقیوردی . شهر ی بر باشدن  
 تکی باشه قدر قوشاتان بو چیلاق و اسمر دیوارک اوتە طرفنده بویوک بر ضیا  
 النده بر کونش و هپسنگ اوستنده پارسک غلغله صباحی واردی . فقط  
 بونلرک هیچ برینه دقت ایتیور ، اونک نظرلری هپ اوقترووا قوردونک  
 سنده توقف ایدیور ، مون مارتردن کلن انسانلرک ، حیوانلرک ، ال آرابالرینک  
 سیک مأمورلرینه مخصوص ایکی بودور قولبه آره سنندن آقین آقین کچیشلرینه  
 یوردی . بو ، طبقی بر قویون سوروسنک آیاق سسلرینه مشابه بر کورولتو ایله  
 له یور ، بعضاً بردن طوره رق بر حوضک صولری کی شوسه نك اوستنه یاییلیوردی .  
 سترینی اوموزلرینه آتمش ، اکملرینی قولتوقلری آلتنه صیقیشدیرمش عمله لر  
 یدی آرقه سی کلز بر زنجیر حالده اوزانوب کیدیورلردی و بوتون بو ازدحام  
 یدی بر جریان ایله آقەرق پارسک ایچنده غائب اولیوردی .

ژروەز بو غلبه لق ایچنده بعضاً برینی لانتیه یه بکزه تچه دوشه جک کی اکیلیور ،  
 کره یاکیلدیغنی کورونجه اضطرابی طور دیرمق ایچون مندیلمی آغزینک اوستنه  
 صیق باصدیرییوردی .

او آره لق اوطه نك ایچندن کلن کنج وشوخ برسسته پنجره نك او کندن چکیلدی :  
 — دها افندی کله دیمی مادام لانتیه ،

ژروەز کولومسه مکه چالیشه رق ؟

— خایر موسیو قوپوا دیدی .

موسیو قویو عینی اوتلک ایکنجی قاتنده اون فرانغه بر اوطه ده اوطوران بر  
 عمله سی ایدی . چانطه سی اوموزنده ، ایشه کیدرکن ژروەزک قاپوسنی آچیق  
 هەرك تکلیفسزجه ایجری کیرمشدی .

— خبرکز وارمی ، بن شیمدی خسته خانه ده برایش بولدم . اما نه کوزل مایس  
 ؟ انسانک یوزینی ایصیریور .

ژروەزک آغلامقدن قیپ قیرمزی اولمش یوزینه ، اوندن صو کره یاتاغک هیچ اورسه  
 شش حالته باقدی و خفیفجه باشلادی . بر آره لق دمیر قاریوله لر ایچنده پنجه  
 یله برر ملک کی اویویان چوجوقلرک یاننه یاقلاشدی ، ویواشجه :

— آکلاشیلان افندی یاراماز برشی ، دیدی ، فقط بوندن صاقین مایوس اولما یکر مادام



لانتیه. پولتیقه ایله چوق اوغراشیورده اوندن... کچن کون (اوژهن سو) ایچون رای  
طوبلانیوردی. حقیقتده بو (اوژهن سو) فنا آدم دکلدی. حالبوکه لانتیه چیلدیرمش کبی ایدی.  
احتمال بو کیجه یی ده بر قاچ آرقداشیله برلکده بونا پارت ماسقاره سنک علیهنده  
بولونقله کچیرمشدر.

— خایرخایر، ظن ایتدی کز کبی دکل. بن لانتیه نک نرده اولدیغنی بیلیرم.  
نه چاره دنیا بو، بزم ده کدرمن بو یوزدن...

قوپوبو بالانی یونمادیغنی کوسترمک ایچون کوز قیرپدی. اگر ایسترسه چارسی به  
کیدوب اونک سوتی صاتین آلاجغنی سویله دی. اونی کوزل و تمیز یوره کلی بر  
قادین اولق اوزره بیلیردی. نه زمان باشی صیقیلیرسه کندیسنه مراجعت ایده بیلیردی.  
قوپو چیقوب کیتدکن صوکره ژروهمز ینه پنجره نک اوکنه کلهرک اطراف ترصده  
قویولدی.

کومرک قوردوننده، حالا او دمیکنی کبی، خلق متصل آقوب کیدیوردی.  
مائی جا کتلیله چلنکیرلر، بیاض اوکلکلیله دولکیرلر، اوزون بلوزلری اوستنه  
کچیرلمش بالطولریله رساملر برر برر کچیرلردی. بعضاً عمله دن بری طوره ررق  
پیوسنی یاقیور، اوته کیلر تبسمسز وساکت، متصل یوریور وپارس شهری آجیق  
بر آغز کبی طوران پوواسسونیه جاده سنندن بو صولغون یاناقلی خلق برر برر  
یوتیوردی. جاده نک ایکی گوشه سنده کینکلیری یکی آچیلغنه باشلایان ایکی میخانه  
واردی. عمله دن بعضیلری بو میخانه لک اوکنه کلنجه آدیملرینی آغیرلاشدیریورلر.  
ایچری کیرمه دن اول بر مدت قالدیریمک اوستنده طوره ررق پارسه طوغری یان بر  
نظر عطف ایدیورلر، ایچریده تزکاهک اوکنده کومه کومه انسانلر کندیلرندن  
کچمش، آباقد، توکوره رک، اوکوره رک، آره لقه اوافق قدحله بوغازلرینک  
حرارتی سوندیرمک سالونی طولدیریورلردی.

ژروهمز صول گوشه ده (بابا قولومب) ک میخانه سنی کوزه تلیوردی. لانتیه یی بر  
آره لق اورایه کیررکن کوردیکنی ظن ایدیوردی. ژروهمز بو ترصده مشغول  
ایکن جاده نک اورت سنندن، اوکنده بر اوکلک، باشی آجیق، شیشمان بر قادین  
اوکا طوغرو سسله ندی؟

— مادام فونتیقه، بو صباح نه ایرکن اویانمشسکز!

ژروهمز سنک کلدیکی طرفه طوغرو اکیلدی.

— آی سزمیسکز مادام بوش؟ بوکون ایشم پک چوقدی ده اونک ایچون...

— حقکز وار، چالیشمانجه اولیورکه...

و پنجره ایله قالدیریم آراسنده بر صحبت باشلادی. مادام بوش (ایکی باش)



انه ) ميخانه سنك اوستنده كي اوك قاپوجيسى ايدى . ژروەز لانتیه ي آرامق ايجون  
ميخانه يه كيتك لازم كلديكي زمان ايجريده يكلريني يين ار ككلرك ياني باشنده بر  
صه يه اوطوروب بگله مكدن ايسه مادام بوشك اوطه سنده وقت كچيريردى . مادام  
ش كومه زه لكه باشلادى : شاربونه سوقا فنده اوطوران بر آدمي زيارتن  
ايديكنى سويلدى ، دون كيجه اوطه سنده بر قادين كتيره ن كيراجيلرندن برينك  
باجه قدر بوتون او خلقنى اويوتما ديفنى آكلادى . مادام بوش بر طرفدن بويله  
زه لكه ايدر كن ديكر طرفدن كسكين بر نظر صراق ايله كنج قادينك يوزينه  
يوردي . بللى كه اورايه كلوب پنجره آلتندن بويله قونوشمى برشى او كره نك  
ازوسنه مستند ايدى .

بردن صورتى :

— موسيو لانتیه حالا اويويورمى ؟

ژروەزك يوزى بلاختيار قيزاردى :

— اوت اويويور !

بوتنى سويلر كن بچاره قادينك كوزلرى ياشارمىدى . مادام بوش . ار ككلرك  
الكلرينه قارشى ايچندن كفلر ايدرك اوزاقلاشير كن بر آره اق طورەرق تكرار  
يوردى :

— بوكون چاشير ييقامغه كيده جكسكز دكلى ؟ بنمده ييقايه جق بعض شيلرم  
. سزه ياني باشمده برير حاضر لادم . كليرسه كز قونوشورز .  
وصافكه بوتون طويدينى برحس مرحمتله

— ياوروم ، ديدى ، پنجره او كنده طورەماسه كز چوق اى ايدرسكز .  
كره خسته اوله جقسكز . باقكز يوزيكز مو ص مور كسيلمش ...

ژروەز پنجره او كنده دها ايكي ساعت طوردى . كوندوزك سكزى اولمش ،  
ون دكانلر آچيلمىدى . ي قاريدن سوكون ايدوب كلن بلوزلى انسانلرك قافله سى  
بق كسيلمشدى . يالكز كچ فالش بر قاچ كشى كنيدش وحيزلى آديملره  
مروكك قوردونندن ايجرى كيريورلردى . ميخانه لرده ينه او آدمار ، ينه  
له آياق اوستى ، متصل ايجيورلر ، توكوريورلر ووكسوريورلردى . ار كك  
دن صوكره قادين عمله باشلادى : جلاجى ، موديستره ، چيچكجى قادينلر ،  
ه اتوابلرى ايچنده صقيشيق ، جاده نك قالدبرملرنده بوكسك سسله قونوشه رق ،  
وشه رك ، آره لنده بر اطرافلرينه پارلاق نظرلر عطف ايدرك اوچر دردر  
رلردى . بعضاً تا اوزاقده تك باشنه بر قادين ، ضعيف ، صولغون وجدى  
طور ايله اوقترووا ديوارينك كناريني تعقيب ايديوردى . بونلردن صوكره



مأمور طاقی باشلادی : بونلرده پارمقارینک اوجنی نفسلرله ایصیتهرق ، آللرنده کی اکک پارچه سنی ایصیره ایصیره یوریورلردی . بونلرک کیمیمی ضعیف یوزلی ، قیصالمش ائوالی ، کوزلری موصل مور اولمش ، اویقوسزلقدن سیاسی یوزولمش دلیقانلیر ، کیمیمی آیاق اوستنده طورمغه طاقی قالمامش ، ماصه باشنده چالیشقله کچن اوزون ساعتلرک خیربالادیغی رنکسز اختیارلردی و بونلر وقتنده ایشلرینه یتشمک ایچون ایکیده بر ساعتلرینه باقیورلردی .

آرتق جاده لره صباح منظره سی گلشیدی ، جوار اولرده اوطوران ایراد صاحبلی کونشله نیک احتیاجیله کزینیورلر ، آرقه لرده کیرلی فیستانلرله بهض آنه لر چوجوقلرینی قوجاقلرنده صاللیورلر ، اوستی باشی پریشان ، سوموکللی برنیغین چوجوق ، طوپراق اوستنده ، باغیریشه رق ، کولوب آغلایه رق طولاشیوردی . ژرومز بونلره باقدقچه بوغولیور کبی اولدیغنی حس ایتدی . بوتون امیدلرینک منقطع اولدیغنی کورمکدن متولد بر عذاب ایچنده عادتاً باشی دونیوردی . بر آرهلق اگاه اولله کلدی که آرتق هرشی بیتمش ، بوتون امللری سونمشدی ، آرتق لانتین آوه کله به جکدی . نظرلری گاه متعفن و قاتل برسیاهلق ایچنده یوکسلن اسکی مذبحه لرک مظلم منظره سنه طالیور . گاه صیره صیره جامسز پنجره لرندن چیپلاق سالونلری کورونن خسته خانه نیک یکی و صواغون کتله سنه کیدیوردی . قا قارشیده ، اوقتروا دیوارینک اوته طرفنده پارلاق برسا ، هنوز اویانان پارسک اوستنده یوکسلن بر کونش واردی و ژرومز بونلره باقه رق کوزلری قاماشیوردی .

زووالی قادین پنجره کنارندن چکیله رک بر اسکمله یه اوطوردی . قولاری یاتنه سارقش ، آغلامغه طاقی قالمامشدی . بو آرهلق لانتیه اوطه دن ایچری کیردی . ژرومز اونی کورور کورمز بوینه آتیله جقمش کبی فیزلادی :

— کلدکی ؟

— دییه حاقیردی .

— اوت کلدن نه اولیورسکز ؟ ینه باشلايه جقمیسک یوقسه ،

آلیله قادینجیزی ایتدی و باشندن چیقاردیغی سیاه شاپقه سنی قونسراک اوستنه فیزلادی . لانتیه یکریمی آلتی یاشلرنده ، اوراق تفک ، صاریشین ، کوزل یوزلی برار ککدی . اینجه بیقلرینی پارمقارینک غیر اختیاری برحرکتیه متصل بوکوب طوربیوردی . آرقه سنده بر عمله منتانی ، اونک اوستنده لکلی بر ردینحوت واردی . طرز تلفظندن طشره لی اولدینی پک آشکار آکلاشیلیوردی .

لانتیه نیک خوشونته ایتدیکی ژرومز تکرار اسکمله سنه کلدی و اورادن قیصه جمله لره خفیف خفیف تظلمه باشلادی :



— بونون بويکجه کوزمه اويقر کيرمدی ... باشکه برفلاکت کلدی صاندم .  
نرده ايدك ؟ کيجه يي نرده کچيردك ! قوزوم بردها بويله ياپما ، مراقدن عقالی  
قاجيريرم . سويله اوکوست ، نرده ايدك ، کيجه يي نرده کچيردك ؟  
لانتیه اوموزلرينی سيلکهرک جواب ويردی :

— ايشم نرده ایدی ايسه بن ده اوراده ايدم . ساعت سکره طوغرودوستمک  
يانه کيتمشدم . بو آدم ياقينده بر شاپقه فابريقه سی ياقمق نيتنده در . اوراده بر آز  
کچ قالدم ، او وقت اوه دونمکدن ايسه اولديقم برده کيجه يي کچيرمکی ترجيح  
ايتدم . هم باق سکا برشی سويليم : بن اويله هر ياپديقم ايشك آرقاسنده خفيه کي  
طولاشانلری سومم . هايدی آرتق بنی راحت براق !

کنج قادين تکرار هيچقريلرله آغلامفه باشلادی . بويچقريلردن ، صنداليه لرينی  
ده ويردن لانتیه نك سرت حرکتلرندن چوجوقلر اويانمش ، يانافلری ايچنده ياری  
چيلاق طوغرولهرق ميني ميني آلاريله صاحلرينی دوزلتمک چاليشيورلردی . آنه لرپنك  
آغلاديقی کورونجه يچاره ياوروجقلر قورقونج فريادلرله ، هنوز تمام آجيلاماش  
کوزلرندن ياشلر آقهرق آغلامفه باشلاديلر .

لانتیه ، بر حدت ، حايقيردی :

— تمام ، آل سکا بر موريقه ! باق سزه خبر ويرهيم : بو بويله کيدرسه  
شيدی قالقار کيدرملر آکلایورميسکز ؟ هم بوسفر کيدرسه م علقی کيدرملر ها !  
حالا صوصمايه جقميسکز ؟ اويله ايسه اللهه ايه مارلادق ، بنينه کلديکم يره کيدهيم ...  
قونصول اوستنده طوران شاپقه سنی آلدی ، کيتمک ارزو ایدی . او وقت  
زرومز آتيله رق :

— خاير خاير ، کيمه !

ديدی وچوجوقلری نوازشلره غرق ايدهرک صوصديردی . اونلرک صاحلرينی  
اويدی ، مشفق سوزلرله اونلری تکرار ياتاغه ياتيردی . آنه لرپنك بوالفتاييله بردن  
سکون بولان ياوروجقلر باشلرينی ينه ياصدغه قويديلر ، کولوشمکه ، بربرينی  
چيمديکمه کوه قويديلر . بو آرهلوق بابالری ، آياغندن پوپينلرينی بيله چيقارمقسزين ،  
يورغون آرغين ، کندین ياتاغه آتمشدی . اويقوسز کچن بر کيجه نك يورغونافيله  
يوزی صوصمه کي بم بياض ایدی . اويومبور ، آچيق طوران کوزلريله اوطنه نك  
دورت طرفه باقيوردی .

— ماشاه اوطنه چوق تمیز :

وبر آرهلوق زرومزه ک قياضه قياضه باقدقدن صوکره مستهزی وممذب بر ادا  
ايلاهلاوه ايتدی :



— سن یوزکی کوزکی ییقامازمیسک ؟

ژرودز یکریمی ایکی یاشلرنده ، ایری جتهلی ، اینجه انداملی ، حیاتک محنت و مشتقری آلتنده کهریلش اولقله برابر نارین و نازک چزکیلی بر قادین ایدی . صاچلری هنوز طارامامیدی . آرقه سنده دوشمه لک توز و یاغریله اسکله نمش بیاض بر ایچ کوملکی واردی . پنجره اوکنده آغلایه رق کچیردیکی شو بر قاچ ساعت اونی اون سنه اختیار لاش کیدی . لانتیه نک سوزی اوزرینه او قورقاق و متوکل حالندن سیلکنه رک جسور برسسه مقابله ایتدی :

— حقسنزلق ایدیورسک لانتیه ! سن ده بیلیرسک که آلمدن کلنی باپیورم . بو حاله دوشدک ایسه بونک قباحتی بنده می ؟ بر پارچه صو قاینانه جق بر بر او چاغی بیله اولایان بر او طه ده ایکی چوجوقله باش باشه قالده اوزمان سنی کوره می ... پارسه کلدی کک زمان آلکده آووجکده کی پاره یی سیوب بیتره جککه وعدکی طو توب ده ایلاک اوکجه یرلشه جک بر مسکن تدارک ایتلیدک .  
لانتیه حایقیردی :

— پاره یی رلکده یدیکمز زمان ائی ایدی ، شیمدی نازک و راک ایتک سکایا قیشمیور . قادین بو حایقیرمه نی ایشتمه مش کبی کورونه رک دوام ایتدی :  
— مع مافیه بر پارچه جسارت کوستررسه ک بو وضعیتدن قورقوله من ممکندر . هون آقشام نوو سو قاغنده اوطوران چاشیرجی مادام فوقونیه یی کوردم . بی بازار ایتسی کونی یانه آله جغنی وعد ایتدی . سن ده غلاسیه رده کی دوستکله او یوشمه موفق اولورسه ک آلتی آیه قالمه دن قورتوور ، باشمزی صوقه جق بر یر بولور ، اومر ، یرلشیرز .. فقط بوتون بونلری یایمق ایچون چالیشمق لازم چالیشمق ...  
لانتیه یوزینی سوقغه چویردی ، بو سوزلردن صیقیلش کبی بر حالی واردی . او وقت ژرودز بوتون بوتون جدتلندی :

— اوت چالیشمق لازم ، فقط بللی که سنده چالیشمق ایچون هیچ آرزو یوق . سن حرصدن کندنکی آله میورسک ؛ سنک بوتون املاک بر افندی کبی کینمه ک ، قواکه اپک نیستانلی قادینلری طقوب کز نمکدر . اثوابلری امنیت صندوغنه دهن ایده لی بری آرتق بی باننده طاشیمغه لایق بولیورسک . سویله مه یه جکدم ، صبر ایده جکدم اما دون کیجه بی نره ده کچیردیکنی بیلیورم ده اونک ایچون صبر ایده مدم . دون آقشام سنی او آدهل دنیلن سورتو کله غراند بالقون لوقنطه سنه کیدرکنی کوردم . طوغروسی چوق ایی مالار انخاب ایدیورسک ! هله بو آدهل چوق عزیز شی ! بوتون لوقنطه ده کی آرککلرله یاتان بر قادین البته او یله پرنسس کبی طور لر طاقنیر .



لانتیه بر صیچرايشده ياتاقدن فيرلادی . صولفون سیاسی اوزرنده کوزلری قاب قاره اولمشدی . بو اوافاجق تفته جك آدم حدت ايتدیکی زمان فیرطنه کبی اورته لنی قیرار کچیریدی .

ژروهز صوك سوزلرینی بردها تکرار ایتدی :  
— اوت ، بوتون لوقنطهك ارککلریله یاتان بر قادین ، آکلادکی ؟ مادام بوش اوکاده ، قیز قارده شنه ده یول ویره جك . چونکه اونلرک یوزندن مردیون باشی صیره صیره ارککلرله طولو ایش .

لانتیه اورمق ایچون یومروقلرینی قالدیردی . فقط حدتنه غلبه چالهرق اورمقدن واز کچدی . ساده جه قولارینی طوته رق شدتله سیلکدی و بر فیرلانیشده چوجوقلرک قاریولاسنه قدر آتدی . یاوروجقلر تکرار آغلاشمغه باشلادیلر . لانتیه تکرار یاتاغنه کیردی و اوزون بر ترده نهایت ویرن بر قرار اتخاذا ایدنلره مخصوص وحشی بر سسله میرلاندی :

— یاپدیغك شیئی بیلمیورسك ژروهز ... نه قدر حقسنزلق ایتدیکنی صوکره کوزه جكك .

چوجوقلر بر مدت هیچ قیره رق آغلادیلر . آنه لری ، یاتاغك کنارنده ، اونلری قوللری آره سنه آلمش ، یکنسق برسسله بلسکه یکر می دفعه بوجه لنی تکرار ایدییوردی .  
— آه سز اولماسه کز ... آه اوت سز اولماسه یدیکز ، سز اولماسه یدیکز ...  
لانتیه یاتاغنه اکنه بوینه اوزانمش ، کوزلری طاوانه مرکوز ، بو تظلملری ایشیتییوردی . او بوتون دماغیله ثابت بر فکرک ایچنه طالمشدی . بویله جه بر ساعت قالدی ، یورغو نلقدن کوز قاپاقلری آغیرلاشدینی حالدیه بر درلو او یویه میوردی . بر آره لق دیرسکنه طیانه رق دوندی ، بر شیئه فرار ویرمش کبی سرت بر حال واردی . ژروهز اوطه یی دوزه لیمکله مشغول ایدی . یاناقلرندن قالدیردینی چوجوقلری کیدیردکن صوکره قاریوله لرینی تنظیم ایدیوردی . بو ایش بیتنجه سوپورکله یی آله رق اوطه یی سوپوردی ، دوشمه لرینک اوستنده کی توزلری سیلیدی . لانتیه بر مدت بونلری سیر ایتدی . اوطه دوماندن سیم سیاه کسيلمش طاوانیله ، رطوبتدن آیرلمش دیوار کاغدلریله ، سقط و قیریق قونصولیله ، اسکمله لرله قاره بر منظره عرض ایدیوردی . ژروهز ، دیوارده آصیلی طوران اوافق بر آینه قارشیسندنه صاچلرینی قالدیردقدن صوکره بول صو ایله یوزینی ییقامغه باشلادی . شیمدی لانتیه اونک چپلاق قولارینی ، چپلاق کردانی ، وجودینک آچه بیلدیکی بوتون چپلاققلرینی سیر ایدیوردی . صانکه ذهنآ بونکله ، باشقه چپلاق وجودلر آره سنده مقایسه ایدیوردی . بو آره لق دوداقلرینی بوروشدوردی . ژروهزك صاغ باجانی طوپالیدی . فقط بو اوطه



بر طوبالقدر که آنحق پک یورغون اولدینی کونلر، بوتون وجودی قیرغین و دوشگون اولدینی دقیقه لرده فرقنه واریله بیلیردی. دون کیجه نك یورغونلنی اوننی بیتاب دوشورمشدی، باجانی سوروكله یرك، دیوارلر طیانہ طیانہ یوریوردی.

اوطه ده درین بر سکون حکم سوریوردی. هیچ برشی قونوشمیورلردی. لانتیه ده برشیته انتظار ایدیورکی بر حال واردی. ژروہ ز اضطرانی کیرہ یرك لاقید کورونمکه چالشیور، طورماقسزین ایش کوریوردی. بر آراق صندوغک آرقه سنده، بر گوشه یه آتیش طوران کیرلی چاشیرلی طویلا یه رق بر پاکت یاپیوردی. اووقت لانتیه آغزینی آچدی:

— نه در او یاپدیغک شی! نره یه کیدیورسک؟

ژروہ ز ایلك اوکجه جواب ویرمه دی. فقط لانتیه سؤالی حدتله تکرار ایدنجہ:  
— کورمیورمیسک، دیدی، ییقامغه کوتوره حکم. چوجوقلر پسلک ایچنده یاشایه مازلر آ...

کنج قادین چاشیر پاکتنه ایکی اوچ کیرلی مندیله دها قویدی. یته برمدت سکون ایله کچدی. لانتیه تکرار صوردی:  
— پاره ک واری؟

ژروہ ز آلتده طوندینی کیرلی چوجوق کوملکلرینی برافقسزین یوزینی لانتیه یه چویردی:

— یارامی! چالادم که پاره م اولسون؟ دون سیاه قیستانی صاتم، المه اوچ فراتق کچدی. بونک ایکی فرانغی اوکله ممکنه ویردک... پارانامنه طوی طوی درت (صو) قالدی. اوننده چاشیر خانیه ویره جگم، بن اوپله پاره قازانان قادینلردن دکلم که...

لانتیه بوتلیجی آکلاماش کی کوروندی. یاتاقدن آتلا یه رق اوطه نك دیوارلرنده آسیلی طوران اسکی پوسکی البسه لری شویله بر کوزدن کچیردی. بونلر آره سندن بر بانطالون، برده بویون آتقیسنی آلدی، قونصولی آچه رق اورا دن ده برارکک ایکی قادین کوملکی چیقاردی و هپسینی ژروہ زک قولنه ویره رک:  
هایدی، دیدی، بونلری صندوغه کوتور!

— صانه حق بر چوجوقلر قالدی و اونلری ده صاتیافه چیقارمه یی ایسته مزسک دکلم؛ چوجوقلری رهن ویروب پاره آلق عادت اولسه ایدی اونلردن ده قورنولوردک. چاره قادین هم بویله سویلندی، هم ده لانتیه نك ویردیکی اشیایی امنیت صندوغنه کوتورمکه کیتدی. یاریم ساعت صو کره عودت ایدهرک آلتده کی بش فرانلق بر پاره یی او جاغک اوستنه براقدی:



— ايشە وىردىكلى پاره ، دىدى بىن آلتى ايسەتمە فقط قابىل اولمادى .  
بوكىدىشلە بانقە جىلرە يىقىم يوق ... كىتىرىلن اشيايە قارشى دىكرلەردىن چوق آشاغى  
پاره وىردىكلى حالە يەنە مىراجەت ايدىنلر قوم كى ...  
لانتىيە بىردىن پاره نىك اوستىنە آتلىمادى . ژروەز بىپارەنى اوفاتلىق كىتىرەيدى  
دەها اىي اولوردى . كىندىسى ايسەدىكى قدرىنى آلىر ، برازىنى دە قادىنە براقىردى .  
فقط قونىدىك اوستىندە كاغەدە سارىلى برژانىون پارچە سىلە بىردىلەم اكىك بولوندىغى  
كورونجە تىردە نىھائىت وىرەك پارهنى يىلكىك جىنە آتدى .  
بونىك اوزىنە ژروەز :

— سودجىيە سىكز كونىك بورجىزار ، دىكانە اوغرايە مىورم . چاشىر  
خاتەن چابوق دونه جىم . سىن برپارچە اكىك ، براز ات ساتىن آل ، بونىكلە اوكلە  
يىمكىنى يىرۇ . بىرلىترە شراب آلمى دە اونوتما !  
لانتىيە خايردىمەدى . خەتتى ياتىشمىش كى ايدى . ژروەز چاشىر باكتە صوك كىرايلىرى  
بىرلەشدىرەك مشغول ايدى . آنجى لانتىيە نىك كومىكلىرىلە چورابلىرىنى دە باكتە قويمىق  
ايسەنچە خايقىرەرق :

— بىم چاشىرلىرى براق ، ايسەتمە !  
دىدى . ژروەز طوغرولەرق سوردى :  
— نەنى ايسەتمەن سىك ؟ بومەدار شىلىرى بويلە كىرلى مى كىيە جىكسك ؟ البتە  
يىقامى لازم .

واندىشەلى برنظرلە لانتىيە نىك خاتى تەقىقە باشلادى . اونىك سويلە برچوچوق  
جىنى وىرەن سىماسىندە شىمدى هىچ برشىدن متاثر اولمايان اسكى خشوتى كورىيوردى ،  
لانتىيە قىزدى ، قادىننىك آلتىن چاشىرلىرىنى آلەرق سىندوغە آتدى :  
— اللەك غىزى قادىن ! بر دفعە دە دىدىكىمى ياپ ! ايسەتمە ، يىقامە  
دىيورم سىكا !

ژروەز بىردىن يوركنە دوشىن قورقونچ برشەپە ايلە بوزولش ، سارارمىشدى :  
— نەنى اونىك يىقاندىغى ايسەتمە مىورسك ؟ شىمدى بونلىرى كىيە جىك  
دىكسك ، بر طرفە دە كىتمە نىتىك يوق ، او حالە نەدىن براقىيورسك  
اونلىرى دە يىقايەم ؟

لانتىيە ، ژروەزك آتشىن نظرلى آلتىندە بىرمدت تىردە ايتدى :  
— نەدىن مى ؟ شونىك اىچون كە سىن بونلىرى يىقامە كوتورورسەك راست  
كلەن بى سىن اداره ايتدىكى ، چاشىرلىرى سىن يىقاندىغى ، سو كوكلىرى سىن دىكىدىكى  
سويابوب طورە جىكسك ... چاشىر جىلرە نە كونه طورىيورلر ، اونلرە يىقانىم .



ژرودز يالواردی ، بۆكۈنە قدر بىر دفعە اولسون خىدمىتىدىن شىكايت ايتىمەدىكىنى سويلەدى . فقط لانتىيە چاشىرلىرى خىتلىق آلەرق اوستىنە اوطوردى ويوزىنە طوغىرو : «خاير اولماز ويرىم !» دىيە باغىردى . بونلر دە انك مالى دكلىدى ؛ جانى فاصل اىسترسە اويلە ياپاردى . مع مافىيە ژرودز حالا او آتشىن نظىرلە كىندىسە باقىوردى . لانتىيە بو نظىرلردىن قورتولماق اىچون ياتاقىدە آرقەسىنى دوندى ، اويقوسى كىدىكىنى ، دىھافىلە قفا باطلا تىمامسىنى سويلەدى ، فى الحقيقە بوسفر اويقويە دالمش كى كورونىوردى . ژرودز بىر مدت نە ياپەجىنى تەيىن ايدەمكەسىزىن ، اويلەجە طوردى . بو آره لىق چاشىر پاكىتە بىر تىكمە اورەرق كىتمەك ، اوطورروب دىكىش دىكىمك اىستەدى . فقط لانتىيەك منتظم تىفسىلردىن حقيقە اويقويە دالدىغى كورونجە صوك چاشىردىن قالان چىويت و صابون پارچەلىرىنى آلدى . نىجرە او كىندە شىشە طيارلىقە اوينايان چوجوقلىرى اوبەرك ياواش سىسلە :

— اوصلو اوصلو اوطورك ، كورولتو ايتەيك ، باباك اويويور . دىد كىدن صوكرە چىقەدى كىتەدى . قاپويى قاپادىنى زمان ايكى ياورجىك خففىق قىچقەلرى قارە طاوانلى اوطەك سكون عمىقى اىچىندە چىنلايوردى . ساعت اون اولشىدى ، يارى آچىق نىجرەدن اىچرى بىر كوش شىعائى كىرىيوردى . جادەيدە چىقنچە ژرودز صولە صاپدى ، (نوو) و (غوت دور) سوقاقلرىنى تەقىب ايدەرك مادام فوقونىيەنى دكانىدە قىصە بىر باش اشارتيلە سالاملاقدىن صوكرە كچدى . چاشىر يىقانان بىر سوقاغاك اورتەسىندە ويوقوشك باشلادىنى نقتە دەدايدى . بوراسى ياصى بىر بنا ايدى . يوقارىدە اسطوانى شىكلندە چىنقودىن مەمول اوچ بويوك خزىنەسى وبونك آرقەسىندە چاشورلىرى قوروتىمغە مەخسوس مەل واردى . بىنانك ايكىنجى قاتنى تىكىل ايدىن بو مەل ھەر طرفى اىچە پانجورلە قاپادىلىشىدى . ھوا بو پانجورلر ك آره سىندىن كىرىيوردى . بويلى بونە كرىلىش ايلار اوزونىدە قورومق اىچون قونولش بىر چوق چاشىرلر واردى . صو خزىنەلرىنىك صاغىندە بخارما كىنەسنىك طار برونىدىن كىكىن ومطر دىر نىفس كى بىاخىس دوماللىرىچىيوردى . ژرودز صو بىرىكىنىتىلرى آره سىندە چالشمىغە آلىشىق اولمىدىن مەتولد بىر سەھولتە ، آتكلرىنى طوپلامىغە لزوم كورمەكەسىزىن ، صو تىكەلرىنىك آره سىندىن آتلايەرق چاشىرخانەيە كىردى . چاشىرخانەك صاحىبەسى اوفاجق ، تەھجك ، فازك ، كوزلرى خستەلقلى بىر قادىندى . اطرافى جامىلرە قوشاتلىش بىر يازىخانەسى واردى ؛ بوتون كون اوزادە طورور ، او كىندە دفتىرلر ، راف اوستىندە صابون قابلىرى . شىشەلر اىچىندە چىويت پارچەلىرى و بىر لىترەك بىتقار بونات پاكىتلىرى بولونوردى . ژرودز بو قادىنى اوتەدىن بىر طانىردى . او كىندىن كچىر كىن طوردى و كچىن چاشىردە مەخافىظە



ایچون براقش اولدینی اوقلاواسیله فیرجه سنی ایسته دی ، نهایت هر کس کبی بر  
نومرو آلهرق ایچری کیردی .

بوراسی باصیق طاوانلی ، دوکه دیرکار اوستنده بغدادی تخته لری کورون  
کنیش پنجره لی بر واسع هانقاری آ کدیریوردی . سوت رنگلی بر سیس کبی  
هواده اصیلی طورین صیجاق بخار آره سندن صولفون بر کونش ضیاسی کچیوردی .  
اوتهدن بریدن صیجاق صو دومانلری یوکسیور ، یاییلیور ، بنانک قارا کلق گوشه  
لرنده ماویعتراق بر تول حالی آلیوردی . یوقاریدن آشاغییه دوغرو یاغمورحائنده  
آغیر بر رطوبت یاغیور ، صابونلی بر قوقو ، طاتسز ، طوکوک و متمادی بر رایحه  
طالقه لانیوردی . بنانک اورتیه سنده کی یولک ایکی طرفنه قونمش اولان چاشیر  
تکینه لرینک باشنده صیرا صیرا قاریلر قولاری تا اوموزلرینه قدر آچیق ، بویونلری  
چیپلاق ، فیدستانلری رنگلی چورالری و آتقیلی قاباقوندره لرینی تشهیرایده جک قدر قالدیرلمش ،  
چاشیرلرینی بیقامقله مشغول ایدیلر . سرت ضربه لرله چاشیرلره اوریورلر ، کولیورلر ،  
آره لنده بر آرقه یه دونه رک چاشیرخانه نک ولوله سی آره سنه کندیلری ده برسوز ،  
بر جله فیرلاتقدن صو کره یه کردالرینک ایچنه ا کیلیورلردی . هپ مستکره ،  
قانا صابا ، صانکه بر صاغناغه طوتولمش کبی صیر صیقلام ، وجودلری صیجاقدن  
قیمپ قیرضی کیلشمش ، هر طرفلرندن دومانلر چیقیوردی . یانلرندن ، آتلرندن  
چای کبی صولر آقیور ، صیجاق صو قووالری بربری آردنجه کلدرک بوشالیور ،  
صو ثوق صو موصلقلری متصل ایشله یور ، چاشیرلرک اوستنه این اوقلاوالردن  
هوایه صابونلی صولر صیجرا یور ، چالقانی صولری طامله طامله سوزوایوردی ؛  
وقادینلرک ولوله سی ، چاشیر طوقاقلرینک ، طرد ضربه لری ، ایصلاق طاوان آلتنده  
بوغوق بر فیرطنه یی آ کدیران بوتون بو خومورتی آره سنده بخار ما کنه سی ،  
هم بیاض وجودی ایچنه شبنملرله محاط اولدینی حالدیه متصل ایشله یور ، چاشیرخانه نک  
بو مددهش کورواقوسنی صانکه تنظیم ایدیورمش کبی چرخلرینک اهتزاز رقصانیله  
متصل خوموردیوردی .

ژرومز صاغه صوله باقینهرق قیصه آدیملرله اورته یولدن ایلریله یوردی .  
قولتوغنک آلتنده چاشیر پاکتی ، دها فضله طوپالایور ، ایکیده بر کندیسنی ایتوبه  
تاقان چاشیرچی قادینلرینک آره سندن یوریوردی .  
مادام بوش سسله ندی .

بورایه کل بورایه .

ژرومز قاپوچی قادینک صول طرفنده آیردینی یره چوممه لدی . او ،  
بر طرفدن کیرلی بر جورابی حیزلی حیزلی اووشدیریرکن دیگر طرفدن قیصه قیصه  
جمله لرله آ کلاتیوردی :



— ايشنه بويى سزك ايچون آيىردم . بىم ايشم چوق سورمى ، ذاتا قوجهم چاشيرلرني او قدر كيرله تمزكه . . . سزكده چوق ايشكز يوق كبي كورييورم ، پاكتكز او فاجق . . . اوكله اوله دن ايشمى بىتير ، يىمكه كيدرز . بن بر زمانلر چاشيرلرمى باشقه بر قادينى بيقاديريردم . شيمدى كندم يىتاييورم . او كا ويرديكم پاره جبيده قاليور ، ساده بر صابون مصرفي كيدييور . . . چوجوقلرك كوملكنى اوله بر صو چالقا ، اوندىن صو كره بيقارسك . آد بوجوجوقلر ، صانكه آرقه لرندى زيفير وار صانيرسك .

ژروهم بر طرفدن پاكتنى آچيور ، چوجوقلرك كوملكلرني چيقارييوردى . مادام بوش بر قووا چاشير صويى كىترتمنى توصيه ايتدى . ژروهم بوكا لزوم كورييوردى :

— خاير ايسته من ، صىجاق صو كافيدر ، هپ اونكله بيقارم . پاكتى بوشالتدى ، رنگيلرى بر طرفه قويدى . ارقه ده طوران موصلقدن درت قووا صوئوق صو آلوب كردله بوشالتدقن صو كره بياض چاشيرلرني ايچنه طالديوردى . فستاقنى ايكي ياننه طوللادى ، تا قارننه قدر كرداك ايچينه كيردى . — بللى ، بوايشك هيچ ده بابانچيسى دكلسكز ، مملكتكزده چاشيرجىلق ايتديكزى ؟

ژروهم بلوزينك يىلرني قيويرمش ، ديرسك طرفلرى آنجق پنبه له شى كىنج وكوزل قوللرينك چيلاقلىنى كوسترهرك چاشيرك كيرلرني چيقارييوردى . بر طرفدن ده چاشير تنكه سنده قوللانه قوللانه اورسه له شى تحتى اوستنه بياض بر كوملك سرمش ، صابونله بونى اويوشديرييور ، بر طرفى تميزله تنجه اوتى طرفنى چويرهرك عىنى عمليه يى تكرر ايدىيوردى . مادام بوشك سؤالنه جواب ويرمه دن اول طوقاغنى آلدى ، هم حيزلى حيزلى اورييور ، هم ده بو مطرد ضربه لك آهنگنه اويديردنى جمله لرله جواب ويرييوردى .

— اوت مملكتده چاشير بيقاردم ، هم ده اون ياشنده ايكن . . . بوندى اون ايكي سنه اول ، هپ برلكده چاي كنارينه كيدر ، اوراده بيقاردق . اوراسى بورايه هيچ بكزه مندى ، ده كوزل قوقاردى . هله آغاجلر آلتنده بر كوشه واردى . او كنده براق بر صو كچردى . . . بزم مملكتنى بيليرسكز دكلى ؟ بلاسسان ، هانى شومارسيليانك ياننده كى بلاسسان . . .

مادام بوش . كىنج قادينك جانلى جمله لرله ايشديردىكى طوقاق ضربه لرينه يايلىيوردى ، او قدر بگه نمشدى :

— نه كوزل ياييورسكز ، ديدى ، ماشالله نه قوت ! اللركز ميني ميني امان .



ایسته گز دمیری بیله یام یاصهی ایدرسکز .

یوکسک سسله محاورهیه قویلدیلر . قاپوجی قادین ، قولاغی پک ایی ایشیتمدیکی ایچون آره صیره اکیلکه مجبور اولیوردی . چاشیرلرک بیاض قسمی هپ دوکولدی . ژروهز بونری بردها کردهله طالیدردی . اورادن برر برر آلهرق صابونلی صو ایله ییقاددی ، فیرچالادی . بر آیلله ییقادقیرینی سرییور ، اوتتهکی ایله ایصلاق چاشیرلر آره سندن برکیرلی آلهرق ییقامغه باشلیوردی . شیمدی ایکی قادین بربرینه دهها یاقلاشمش ، فیرچه ضربهلرینک قیصه آهنکی آره سنده دهها تکلیفسز قونوشمغه باشلامشردی . ژروهز حیات خصوصیه سنی آ کلاتیوردی :

— صاقلامغه نه حاجت ، بز قاری قوجه دکلز ، اساساً لانتیه ناک قاریسی اولمق ده ایسته هم ، چونکه اخلاق ایی دکل ... اکر آرادده چوجوقلر اولماسه ییدی پایه جغمی بیلیردم . . . . ایلاک چوجوغی طوغدیغم زمان بن اون دوت یاشینده ایدم ، اوده اون سکزندده ... ایکنجی چوجوغم بوندن دوت سنه صو کره طوغدی . معلوم آ ، بویله شیلر هپ بردرلو کلیر ، باشقه لرینه اولان بکاده اولدی . آنامک بابامک اونددهده راحتم یوقدی یا ، اوت دیسه م طایق ، خایر دیسه م طایق ، بابام متصل دوکردی . بنده چار ناچار کوکله اکانجه آرامغه باشلادم . بزى اوله ندرمک ایسته یورلردی ، فقط بیلیم نهدن انامز بابامز راضی اولمادیلر .

بیاض صابون کوپوکلری آلتنده قیرمز یلاشمغه باشلایان الارینی سیلاکدی .

پارسک نهده سرت صوینی وار !

مادام بوش . چاشیرلرینی آغیر آغیر ییقایوردی . بعضاً ژروهزک آ کلاتدینی حکایه یی دهها ایی دیکلهمک ایچون ، الارینی صابون کوپوکلری ایچینده یلوتهرق ، طورییوردی . بو حکایه اون بش سنهدن بری اونک مراقفی جلب ایتکندده ایدی . قوجه مان یوزینک اورته سنده آغزی یاری آچیققدی ؛ الماجق کیکلری حنا سنده کوزلری پاریل پاریل پارلیوردی .

ساق ایتدیکی نقطه بی کشف ایتش اولمقدن متولد بر ممنونیتله کندی کندینه :

آ کلاشیلدی ، قادینک کوهز لکنه باقیلیرسه ینه اوده غوغا اولمش . .

دیدى و صو کره یوکسک سسله صوردی :

— دیمک لانتیه سزه قارشى ایی حرکت ایتیمور ؟

— اونک بمحشنى ایشتمک بیله ایسته هم . مملکتده ایکن پک ایی داورانیردی . فقط

پارسه ککالی بری بردرلو باش ایده میورم . . . . کچن سنه آنه سی وفات ایتد کدن صو کره اوکا بیک یدی یوز فرانق قالمشدی . مطلقا پارسه کلمک ایسته یوردی . او آراق بابامده



بی متصل دوکوب طور ییوردی. برلکده کلکه راضی اولدم. ایکی چوجوقله یوله چیققدق. قرار من وجهله بن چاشیرجیلق ایده جکدم، اوده شایقه جیلق یایه جقدی. اکر بو قرار ی تطبیق ایتسه یدک چوق بختیار اولاجقدق. فقط نه چاره که لانتیه حریص روحلی، مسرف، ذوق وصفادن باشقه برشی دوشونمز بر آدمدر پارسه کلنجه مون مارتر جاده سنده مون مارتر اوتلنه ایندک. آرتق ضیافتلر، آراهلر، تیارولر، کندییی ایچون بر ساعت، بکا بر اییک اثواب، واقعا طوغروسنی سویله مک لازم کلیرسه قلبی فنادکلدر، هله جینده پاره سی اولورسه ایی بر آدمدر. خلاصه بومنونال اوزره ایکی آی یاشادق، ایکنجی آی نهایتنده آله آووجده برشی قالمایچه ایشته شو کوردیککز حاله دوشدک. سزک اوتله کلکه مجبور اولدق، اوندن صو کره جهنم حیاتی باشلادی...

بوغازی صیقیلور کی برشی طویدی، کوزلری یاشارمشدی. سوزینی کسیدی. چاشیرلری فیرجه لایوب بیترمشدی :  
— کیده یم بر پارچه صیجاق صو آله یم.

دیدى. فقط حکایه نك بویله بردن بره توقفه اوغرامسندن جانی صیقیلان مادام بوش او آرهلق کچمکده اولان خدمتجی چوجوغه سسله ندی :  
— قوزم شارل، مادامک عجله ایشی وار. بر قووا صیجاق صو کتیریرمیسک؟  
چوجوق قووا یی آلدی و طولدیره رق کتیردی. ژروه ز قووا بدلی اولان بر (سو) یی ویردی، صوینی کرده له بوشالتدی و صاریشین صاچلرینه اسمر بر دومان طافه سی حالنده طیرمانان بخار آره سنده اکیلهرک چاشیره صوک صابونی سورمکه، صابونلامغه قویولدی.

قاپوجی قادی ن لطف کار کورونمک ایسته یین برادا ایله :  
— بنده قاربونات وار، ایسترسه کز آلکمز.

دیدى و بر پاکتک دیننده طوران بیقاربونات دوسودی ژروه زک کرده له بوشالتدی، فضله اوله رق اوکا بر پارچه پوتاسلی صو اوزاتدی. فقط ژروه ز ایسته مدی. او، پوتاسلی صوینی یالکمز یاغ و شراب لکه لرینه قارشى قوللانیردی.  
مادام بوش بحثی تکرار لانتیه یه نقل ایتدیرمک ایسته یوردی. اسم ذکر ایتمکسزین :  
— بن اونى بر پارچه چاپقین صانیردم.

دیدى. ژروه ز ایکی قات اولمش، آلاری کرده لک ایچنده، ساده جه باشنی صاللامقله اکینفا ایتدی. مادام بوش دوام ایدیوردی :  
— اوت بر پارچه چاپقینلنی وار، بر قاچ دفعه لر اوفاق تفک بعض حالارینی کوردمده...



بوسوز اوزرىنه ژروەز طوغرولدى ، يوزى صارى كسىلەشدى . قاپوچى  
قادينىك يوزىدن نە دىمىك ايستەدىكىنى آ كلامغە چالشيوردى . مادام بوش كىندىنى  
طوپلادى :

— خاير اودىمىك دىكلى ، يعنى شى ، اويلە ظن ايدىيورم كە لانتىيە بونلرى آلاى  
اولسون دىيە ياپيور . مثلاً بزم اوتلەدە اوطوران ابكى قىز قاردەش ، آدەللە  
ويرژىنى يوقى ، لانتىيە بونلرلەدە اكلەنيور ، فقط امىم كە جدى برشى دىكلەر ،  
برا كلەنجەدن عبارت ...

كلەنج قادين دىم دىك دىكىلمش ، يوزى كوزى تر ايچىندە ، قوللارنىڭ سولر  
آقەرق حالا اودرىن وثابت نظرىلە قاپوچىنىك يوزىنە باقيوردى . بونىك اوزرىنە  
مادام بوش خەتە كەلدى ، يوسروغىلە كو كىسە اورهىق ناموسىنە تامينات وىردى :

— دىدم آ ، بىن برشى كورمىم ، برشى بىلمىيورم .

و سىسە برحلاوت وىرەرك علاوہ ايتدى :

— مە مافىيە طوغروسىنى ايستەرسە كىز اونىك باقىشلارنىڭ غل وىش يوق ، تىز  
يورەكلى بر آدم اولدىنى بللى . بىخت ايدىرمەكە مطلقا سىز كە اولنە جىگەر .

ژروەز ئىلى آلارىلە آلنى سىلدى وباشنى صاللايەرق كوردەك ايچىندىن برچاشىر  
پارچەسى دىھا چىقاردى . بىرمدت ايكىسىدە صوصەشلردى . اطرافلارنىڭ دىمىندىن  
برى قايناشان كورولتويەدە بىرسىكون كەلشدى ساعىت اون برى چاليوردى .

چاشىرجى قادينلر كىرەللىرىنىك كىنارىنە باجاق اوستى ايلششمىلر ، اكەك و  
طوموز صوجوقلىرىنى بىكەكە مشغول ايدىلر . آرە صىرە آياقلىرىنىك دىبىندەكى شىرايدىن

ايچىيورلردى . يالەكز كەلدى چاشىرلىرىنى كەلدىلرى يىقاماق ايچون كەلش اولان قادينلر  
چاشىر خانە صاحبەسىنىك يازىخانەسى اوستىندە طوران مدور ساعىتە باقەرق عىجلە

ايدىيورلردى . بەضاً تەك توك طوقماق سىلرى ، شورادىن بورادىن قەھقەھلر يوكىليور .  
لەقەلرىنى چىكەنەن چىكەلرەك كورولتوسى آراسىندە كەھوبىكەھ مخاورەلر ايشىدىلييوردى .

بىرطرفىندە بخار ما كەنەسى . سىكوتسىز و فاصلە سىز بىرسى ايلە ، صانەكە كىتەكە سىسنى  
يوكىلييورمش كى تەرىيەرك ، خور دانهىرق قوجامان صالونى كورولتوسىلە تولدىرييوردى .

بوكورولتىنى اورادەكى قادينلرەك ھىچ برى ايشىتمىيوردى . چاشىر خانە عادىتا  
نفس آليور وبوحرارتلى نفس طاوانەك دىركلرى آلتىندە ھىچ اكسىك اولمايان بوغويى ادامە

ايدىيوردى . صىجاقلىق غىر قابىل تەمىل بر درجەنى بولمىشدى ، يوكىسكەكەكى نىجرەلردىن  
كىرن كوشىز ھىزەلرى ھوادە داغەلانىن صىجاق بخارى طوتوشدىرەرق خففىف

اسمىر پەنە ايلە اسمىرماوىيە بويايوردى . قادينلر بو صىجاقىدن شىكايتە باشلامىشلىرىدى ،  
خەدمەتچى چوجوق بر نىجرەدن اوتە كەنە قوشىيور ، قالىن بىزدىن مەمولى استورلرى چىكەرك



صالونی هوالاندیریوردی . بو ایش بیتنجه سالونک کونشه معروض اولمایان طرفنه کیتدی ، اوراده کی پنجره قاناتلرینی آچدی . چوجوق بونلری یابدیقه اطرافدن ال چیرپدیورلر ، آلفیشلیورلردی . بوتون سالونک ایچنده مدھش بر نشئه و سرور واردی . نہایت طوقاق سسلری بوسبوتون کسیددی . چاشیرجی قادیلر ، آغزلری قوجه مان لقمه لرله طولو ، الارنده طوتدقلری بیچاقلرله اشارتلیریا پهرق قونوشیورلردی . سکوت او درجه نی بولمشدی که تا اوبر اوجدن ما کنه نك اوجاغنه کومور آتان آتشیچینک کوره کندن چیقان سس بیلہ ایشیدیلیوردی .

ژروہ ز صابونلی صوینی دوکمه مشدی ، شیمدی بو صوده رنگلی چاشیرلرینی ییقاییوردی . نہایت هپسی بیتنجه بوتون چاشیرلری درت آیاقلی بر کره وت اوستنه سردی . بونلردن آقان صولر یرده ماویمتراق بریکینتیلر یاییوردی . مادام بوش : — چوق بر شی قالمادی ، ایسترسه کز سزه یاردیم ایدیم ، چاشیرلری براسکده صیقه لم .

دیدی . ژروہ ز بر طرفدن بونلری یومروقلریله بوغیور ، دیگر طرفدن رنگلی چاشیرلری تمیز صویہ طالیدیروب چیقاییوردی . — تشکر ایدرم مادام ، زحمت ایتہ یکز ییقادیغم شیلر چارشف دکل که یاردیمہ حاجت اولسون .

مع مافیہ قاپوجی قادینک تکلیفنی ینہ قبول ایتدی . شیمدی ایکیسی بردن ، هربری بر اوجندن طوته رق کاه برفیستانی ، کاه صاریمتراق بر صو سوزولان قهوه رنگلی بریوک اثوابی صیقیورلردی . بر آره لق مادام بوش حایقیردی : — آی ، ویرژینی بوراده ! عجبا اوچیقین ایچنده نلر کتیردی ؟ نه ییقایه جق عجا ؟

ژروہ ز بردن باشنی قالدیرمشدی . ژروہ ز کندیسی یاشده ، فقط بویجه کندیسندن دها ایری ایدی . سیماسنک بر پارچه اوزونلغنه رغما کوزل ، صاریشین برقیزدی . آرقه سنده وولانی اسکی برسياه اثواب ، بویننده قیرغزی بر قوردلا واردی . صاچی اعتنا ایله طارانش ، باشنک اوستنده کی اورتوی مائی بر آغ ایچنه آلمشدی . بر ثانیہ قدر اورتہ یولده طورہ رق صانکه برشی آرییورمش کبی کوز قاپاقلرینی اوغوشدیردی ، صو کره ژروہ زی کورونجه سرت حقارت آمیز بر طور ایله قوللرینی صالایه صالایه او کندن کچہ رک عینی صیره ده بشنجی کرده لک پاننه کیتدی یرلشدی . مادام بوش آلچاق بر سسلہ سویله نیوردی :

— بورایه کلک نره دن عقلنه اسدی بیلمم که ... عمرنده بر چیفت قولاق ییقامش قادین دگل ... او یله تنبل ، او یله تنبل که ... سوزده دیکیشجی ، فقط



پوطينلرينك سو كوكنى بيله ديكمز. هله همشيره سى آدهل او چاپقن قيز يوقى، اوچ  
كونك ايكي سنى حايلازلقله كچيرير، ايشنه كىتمز. نه آنالرى بللى نه بابالرى. نه ايله  
ياشادقلى معلوم دكل. سويله مك لازم كلسه نه لر يوق نه لر... نه در او اوراده كى  
اوغوشديروب طوردينى شى، آ، بر فيستان! نه ايكرنج نه ايكرنج! بو فيستان الله  
بيلير نه لر كورمشدر!

مادام بوش بو سوزلرله ژروعه خوش كورونمك ايسته يوردى. حالبوكه ايكي  
همشيره پارلى اولدقلى زمانلر مادام بوش قهوه نى هپ اونلرده ايچوردى. ژروعه ز  
هيچ جواب ويرييور؟ حالى بر استعجال ايله ايشنى بىترمكه چالشيوردى. اوچ  
قدم ارتفاعده اوفاق بر كردهل ايچنده چيويدينى حاضرلامشدى. بياض  
چاشيرلى بردفعه بورايه صالديرييور، صويك ايچنده برمدت چالقادقن صوكره  
خفيفجه صيقه رق يوقاريده كى تخته دكنكلر اوستنه سرييوردي. بو ائاده آرقه سنى  
قصدا ويريژينيه چويرمىشدى. واقعا اونك يوزينى كورمىيوردي، فقط آلايلى  
سوزلرينى ايشيدييور، كنديسنه طوغرى يان باقىشلرينى حس ايدىيوردي.  
بللى كه ويريژينى بورايه صرف اونى قيزديرمىق ايچون كلىشدى. بر آره لى ژروعه ز  
يوزينى دونجه ايكي قادين، قارشىلقلى، باقىشديلر. مادام بوش مداخله ايتدى:  
— براقك اونى كندى حالنه! شيمدى بوراده صاچ صاچه كله جك دكلسگىز آ...  
دمينده سويله دم، ينه تكرار ايدم: ميدانده هيچ برشى يوق، هم اولان  
شىده بونكله دكل!

ژروعه ز صوك چاشيرينى آصاركن چاشيرخانهك قاپه سندن قهقهه لر ايشيدلدى.  
خدمتجى شارل باغيرييوردي:

— ايكي چوجوق كلش، آنه لرينى ايسته يورلر.

بوتون قادينلر كورمك ايچون باشلرينى اكديلر. ژروعه ز، بو كلنلرك كندى  
چوجوقلى قلود و آتیه ن اولديغنى طانيدى. اونلرده آنه لرينى كورونجه باغلرى چوزولمىش  
قوندره لرينك او كجه لرينه باصه باصه، صو بريكىنتيلرينك اوستندن قوشه رق كلدیلر.  
چوجوقلرك بويوكى قلود، كوچوك قارده شنك آلندن طوتىوردى. اونلر، قورقاق  
وعينى زمانده بشوش برسما ايله اوكلرندن كچركن چاشيرجى قادينلر مشفق صيحه لرله  
خفيف خفيف باغيريشيورلردى. آنه لرينك ياننه كيدنجه طورديلر. حالا آل آله  
طوتونملرلردى. صاريشين باشلرينى هوايه قالديرمش، باقىنيورلردى.  
ژروعه ز صوردي:

— سزى بابا كزى كوندردي؟

دها اونلرك جوانى بكمه مهن، آتیه نك قوندره سنى باغلامق ايچون اكيلديكى



بر صر ده قلودك ا لنده اوطه قاپوسنك اناختارینی کوردی. مصراق و حیرتله :

— بوده نه، دیدی ، بواناختاری نه دییه کتیردك؟

چوجوق ، پارماغنده طاقیلی قالان اناختاری کورونجه خاطرلادی و دوزگون برسسله :

— بابام کیتدی ده اونك ایچون ...

دیدی .

— کندیسى مك آلمغه کیتدی ، سزی ده بنی آراغه کوندردی دکلئ ؟

قلود ایلک اوکجه قارده شنه باقدی ، تردد ایتدی ، نه جواب ویره جکئی بیلیموردی. صوکره براقدینی یردن باشلایهرق :

— بابام کیتدی ، دیدی ، یاتاقده یاتارکن بردن قالقدی ، نه قدر اشیایی وارسه هپسنى صندوغه قویدی ، صندوغی آشاغیده بکلین بر آرابه یه ایندیردی. اوندن صوکره کندیسى ده کیتدی .

ژروهز بوسوزلری دیکلرکن اولدینی یرده اویوشمش کبیدی . یاواش یاواش قالقدی ، یوزی بم بیاض اولمشدی . صانکه قفاسی چاتله یوب طاغیله جقمش کبی بر اندیشه ایله یاناقلرینی ، شقاقلرینی آلر یله طوتیوردی . سویله یه جك برسوز بوله میور ، بربری آردنجه بلکه یکر می دفعه « امان اللهم ! امان یاربى ، اللهم ، اللهم ! » دییوردی .

مادام بوش ، بوسر کذشتك ایچنه دوشمش اولمندن متولد بر مصراق ایله بری طرفده چوجوغه صورییوردی :

-- یاوروم نه کوردکسه هپسنى سویله ، قاپویی بابك قاپادی ، اناختاری سزکله اوکوندردی دکلئ ؟

و چوجوغك قولاغنه اکیلهرك علاوه ایتدی :

-- آرابه نك ایچنده بر قادین وارمیدی ؟

چوجوق تکرار شاشه لادی و مظفرانه بر طور ایله ایلک آ کلاتدیغنی بردها تکرار ایتدی :

-- یاماقدن آتلادی ، نه قدر اشیایی وارسه صندوغه قویدی. اوندن صوکره

چیقدی کیتدی .

قلود ، مادام بوشك ا لندن قورتولنجه قارده شیه برابر موصاغك اوکنه کیتدیلر و صویی آقیتهرق اوینامغه باشلادیلر .

ژروهز آغلا یامیوردی . دیرسکلرینی کرددلاک کنارینه طایامش ، یوزینی آووجی ایچنه آلمش دورییوردی . آره لقه بر کره قیصره رعه لرله بوتون وجودی صارصیلایور ،



بمضاً اوزون بر نفس آئیوردی. مترو کیتنك ظلمتلری ایچنه طالمق ایسته میورم شجه سنه  
یومروقلربله کوزلرینی ناصدیر یوردی. صانكه ظلمتلرله اور تولوبرقویونك ایچنه  
دوشیورمش کبی بر شی حس ایدیوردی.

مادام بوش میریلدانیرجه سنه :  
— هایدی ، چو جوقلغك لزومی یوق .

دیوردی .

— آه بیلسه کز ، بیلسه کز مادام ! بوسباح کوملکارمله بویوك آتقیمی  
امنیت صندوقنه کوندردی مکر مقصدی اونلرك پاره سیله او آرابه بی کیرالامق ایش !  
و آغلامغه باشلادی . بوسباح امنیت صندوقنه کیدیشك خاطره سیله کوز  
یاشاری بوشانمشدی . بوغازی طیقانیوردی . بوخااره به تحمل ایده میور ،  
امید سزایکی ایچنده الكچوق بونك عذابنی طویوردی . آلارینك ایصالا قایلله  
یام یاش اولان چکه سنه کوز یاشاری سیل کبی آقیوردی . بونلری سیلمك ایچون  
مندیلنی ارامق بیله خاطرندن کچمیوردی .

— عتلیکی باشکه طوپلا قیزم ، هرکس سزه باقیور . برار كك ایچون انسان  
کندی بی بو قدر اوزهرمی ؟ دیمك اونی حالا سویوردیکیزها ؟ زواللی یاوروجق !  
حالبوکه ده دمن اوکا قارشى آتش پوسکوریوردیکیز . سیمدی ایسه اونك ایچون  
کوز یاشاری دو کیورسکیز ، یوره ککیزی چاتلاتیورسکیز . امان اللهم ، بز قادینلر  
نه سرسم شیلرز !

وبر والده شفقتیله دوام ایتدی :

— سزك کبی بر قادین ، بویله آغلاسون صیزلاسون هیچ یاقیشیرمی ؟  
آرتق سزه هر شیئی آب آشکار سویله مهنك زمانی کلسدر . هانی بو صباح پنجره -  
كزك او کندن کچرکن قونوشمشدق خاطر لیورمیسکیز ؟ او وقت ایچنده شبهه واردی .  
چونكه دون کیجه آدهل آوه کیرد کدن صو کره آرفه سندن ارکك یورووشنه  
بکیزر بر سس ایشیتدم . بونك کیم اولدیغی او کره نك ایستدم ، مردیونه طوغری  
باقدم . بن باقنجه یه قدر او ایکنجی قاتك مردیونه طیرماشدی . اوزاقدن موسیو  
لانتیه نك ردینغوتی طاییدم . صباحلین نوبته قالقان قوجه م ، لانتیه بی مردیونلردن  
تلاش سزجه اینرکن کورمش . آرتق شبهه یوقدی : کیجه بی آدهله برلکده  
کچیرمشدی . (ویرژینی) نك باشقه بر ارککی وار ، هفته ده ایکی دفعه او ارککك  
اوینه کیدر . نم بوايشده تمیز بولمادیغم نقطه شوکه ایکی قیزقارده شک براوطه سی ، بر  
نك پاتاقلری واردی . عجباً او کیجه ویرژینی نره ده یاتدی ؟  
بر مدت طوردی ، دونوب آرقه سنه باقدی و بوغوق ، قابا سسیله تکرار  
دوام ایتدی :



— کوریوورمیسکنز شوقلبسز قیزسزك آغلامه كزه فاصل کولیور. یمین ایدرم که بوکون بورایه کلکدن مقصدی چاشیر ییقامق دکل، بر کوستریشدی. اوده قیز قارده شيله سزك لانتیه بی قیزیشدیردی، اوندن صوکره سزك بوراده نه حاله کیره جککیزی کوروب اونلره آکلامق ایچون بورایه کلدی.

ژروهز آلارینی سیله رك باقیندی. قارشیده ویرژینی بی، اوچ دوت قادیك آره سنده، آلچاق سسله برشیلر سویلرکن کوردی، اووقت بوتون وجودینی چلغین برحمت استیلا ایتدی. اوکه طوغرو اوزاتدیغی آلریله یرده برشی آریور، وجودینك اعصاسی زلزله یه طوتولمشجه سنه تتره یوردی. برقاق آدیم یورودکن صوکره اوراجفده برطولو قووا بولدی، ایکی آلریله بوقووا بی یاقه لادی و بوتون صوینی ویرژینك اوستنه طوغرو فیرلاتدی. ویرژینی باغیردی :

— حیوان !

ویرژینی قووانك صوینی اوستنه باشنه کیینمه مك ایچون کری صیچرامشدی. یالکز بوتینلری ایصلانمشدی. اساساً دمیندن بری کنج قادیك کوز یاشلری قارشیشنده چاشیرخانه مك بوتون قادینلری بربرینه کیرمشلردی. شیمدی هپسی بردن غوغایی دهایی سیر ایتک ایچون بریرینی ایتوب قاقیورلردی. یمکلرینی سیوب ببتره ن قادینلر کرده آلرینك اوستنه چیقمشلر، برفسمی ده آلرینك صابونیه قوشوشوب کلشلردی. جوق کچمه دن غوغاجیلرک اطرافنده برچنبر وجوده کلدی. ویرژینی متصل باغیریوردی :

— حیوان قادین ! طوروب طورورکن قودوردی...

ژروهز اولدینی یرده طورمش، چکه سی ایلری یه طوغرو متوجه، یوزی کوزی پریشان، هیچ جواب ویرمیوردی. او، هنوز پارس قادینلری کی باغیرمه آلیشیق دکلدی. ویرژینی دوام ایتدی :

— مملکتده سورتو نمکدن بیقمشده بورایه کلش، هله شوکا باقک ! دهایی اون ایکی یاشنده ایکن نفرلره یاتوب قالمش، کیم بیلیر باجاغنك برینی نرهدم چوروتهرک براقش...

اطرافده کیلر کولوشدیلر. ویرژینی بو موفقیتندن طویدینی غرور ایله برایکی آدیم دهایی یاقلاشدی، وجودی دیم دیک اولمشدی، دهایی یوکسک حایقیردی :

— یاقلاش یاقلاشده آغزک پانی ویرهیم. باق سکا سویلهیم، سنك بورایه کلوب قنا باطلاعه کی کیمسه چکه من. باری عمرمه طانیدیم بر قادین اولسه ! ...

الهدن اولدی که آنی قالدیرمادی یوقسه فیستانی باشنه کچیریردم. صورك الله عشقنه، اوکا برشی یایدمی؟ سویله قاری سویله، سکا برشی یایدمی؟



ژروەز کیکەر کبی بر سسله:

— فضله میریلدا نەنک لزومی یوق، دیدی، نە یاپدیغکی سەندە بیلیرسک. دون  
آقشام قوجە می سزە کیررکن کورمشلر. صوصکزی یوقسە شیمدی غیرتلاغکزی صیقارم.  
— قوجە سی می؟ آه ایشته بوکا کولەرم ... مادامک قوجە سی ... هانکی  
ارکک بویله برقادینە قوجە اولور بیلیم کە ... قوجەک سنی براقدی ایسە قباح  
بندە می؟ هرحالە اونی سنک الکن آلان بن دکلم، ایسترسەک اوستمی باشمی  
آرا، باق قوجەکی برطرفە صاقلادم می؟ سکا برشی سویلە یەیم می، سن قوجەکک  
حیاتنی زهرا یورسک، سنک کبی بر قادینە او قدر ای بر ارکک فضله در. یا هو،  
چو جوقلر مادامک قوجە سنی بولان وار می؟ بولانە هدیە ویرەجکزی ...  
تکرار کولوشمکە باشلادیلر. ژروەز، میریلتی نوعندن برسسلە متصل سویلە نیوردی:  
— قوجە می کیم آلدی پک اعلی بیلیرسکزی. قیز قارده شکزی آلدی، آله  
کچرسە بوغازینی صیقە جغم.

ویرژیتی مستهزی برادا ایله:

— بر تجربه ایتدە کور، دیدی، اوزمان قیز قارده شک کیم اولدیغنی  
آکلارسک. بلکه قوجەکی آلان اودر، فقط اونردە، سن نرەدە، آره کزده  
طاغ قدر فرق وار. هم قارده شک یاپدیغندن بکانە؟ آرتق بوندن صوکرە  
راحت راحت چاشیرمزی دە ییقایە مایە جق می یز؟ چوق اولدک ها! چکیل اورادن یوقسە ...  
شیمدی حدت صیراسی ویرژیتی یە کلشدی. دمنندن بری کفرلر اونی عادتاً  
سرخوش ایتشدی. آئندەکی طوقاغی بش آلتی دفعە یرە اورەق بر قاپ آدیم  
ایرلیلەدی. بر مدت صوصەرق صوکرە تکرار باشلادی.

— اوت قوجەکی آلان قارده شمدی. بونی می ایستە یوردک؟ ایشته سویلە یورم،  
او آلدی. ایکسی دە بر برینی چیلدیرە سی یە سوییورلر. کورەلی اونه طاتلی معاشنە!  
قوجەک قارده شم اوغورینە سنی دە، پیچلرکی دە براقدی. هله شوچو جوق دبدیکی  
شیلرە بق، یوزی کوزی قابوق باغلامش شیلر! بر دانه سی دە بر ژاندارمە نفرنندن  
اولە، دکلی؟ بونلردن باشقە اوچ دانه دها وارمش، اونلری باغیمسزلقدن  
کبرتمشک، چونکە یانکدە فضله یوک طاشیمق ایستە مە مشک. بونی قوجەک آکلادی.  
زووالی آدم، سندن بیقمش اوصانمش، نەلر سویلە میور نەلر!

ژروەز ایکلە یور کبی بر سسلە باغیردی:

— پیس قادین! مردار قادین!

آرتق کندنن کچمشدی. بوتون وجودی زلزله یە طوتولمش کبی تیتیرە یوردی.



هونەرك يردن آتە جى بر شى دها آرادی . او كنده اوفاق بر كردلن باشقه بر شى بوقدی . بونی یاقه لادی وایچنده کی چیو بدلی صوی و برژینیک صور اتنه فی رلاتدی .  
— حیوان قادین ، اثوام بیتدی .

فی الحقیقه اوموزینک بری صیر صیقلام اولمش ، صول آلی چیوید رنکسه بویانمشدی .  
— باق بن سکا کوستیرم شرفینتی !

اوده بر قووائی یاقه لایه رق ژروه زك اوستنه بوشالتدی . مدھش بر محاربه باشلامشدی . کرده لر صیره سنجه ایکسی ده قوشیور لر ، یاقه لادقلری قووالری بر برینک اوستنه بوشالتیورلردی . بو صورتله بوشالتیلان هر قووا ایله برابر برده چیغلق قویوردی . سوز صبراسی ژروه زه کلشدی :

— آل صردار قاری ! قیزغینلغکی سوندیرمك ایچون آل بر قووا دها !  
— سورتوك ؛ آل بوده صردارلغکی تمیزله مك ایچون ! عمر کده بر دفعه یوزك صو کورسون !

— طوزلی بالق قیافتلی قاری ! طور بن سنك طوزکی چیقاریم !  
— آل بوده توالک ایچون ! گوشه باشنده بکله دیکک از ککاره باری میز کورو نورسك !  
بوشالان قووالری موصلقلر ده تکرار طولدوره رق متصل بر برینک اوستنه فی رلاتیور لر ، قووالر طولونجه یه قدرده قارشیلقلی سوکوشوب طور ییورلردی . ایلك قووالری ایی فی رلانە مامشاردی ، صولر تام یتیشه میوردی . کیت کیده آللری آلیشدی . بوتون طولوسی ایله صویی ایلك کیننه ن برژینی اولمشدی . بوینندن کیره ن صو آرقه سنندن و کوکسندن سوزوله رك باجقلرینک آراسندن آقیوردی . بوضربه نك ویردیکی شاشقینلق هنوز زائل اولدن بر ایکنجی قووا دها کلدی ، بوسفر صو قوتلی بر شامار کبی صول قولاغنده شاقلامش ، صاچنك اورکوسنی طارمه طاغنیق ایتمشدی . ژروه زه کانجه اونك اوستنه آتیلان ایلك قووا صو ساده باجاءلرینی ایصلا تە بیلمش ، ایکنجی قووا ده صو قوندیره لرینی طولدیره رق قالچه سنه قدر چیتشمشدی . بوندن صو کره کلن ایکی قووا صو قایناق کیکلرینی ایصلا تە شمشی .

بر آز صو کره کیمك کیمه قووا صاووردینی آ کلاشلماز حاله کلشدی . ایکسی ده تپه دن طیرناغه قدر صیر صیقلام کسيلمشر ، ایچ کوملکاری اوموزلرینه ، فیستانلری باجقلرینه یاپیشمش ، ضعیف ، قاص قاطی اولمشلر ، تتره شهرک ، طبق شدتلی بر یاغموره طو تومش شمسیره لر کبی هر طرفلرندن صولر آقهرق قارشى قارشى یه طور ییورلردی .  
بر آراق چاشیرجی قادینلردن بری قیصیق یرسسله :

— ایکسی ده نه تحف شى !  
دیدى ، فی الحقیقه بوتون چاشیرخانه خلقی بو غاوغایی پك اکلنجه لی بولیورلردی .



سیرجیلر صو سر پنتیلرینه معروض قالمق ایچون کری چکیلمشلردی. قووالرده کی  
صولر قارشیکلی فیرلاتیلدقجه هپسی بردن آلفیشلیورلر، کولوب اکلہ نیورلردی.  
یاواش یاواش اوتہ ده بریده کوللر پیدا اولمعه باشلادی. ایکی قادین، طوپوقلرینه قدر، صو  
ایچنیده یوزیورلردی. بر آرہلق ویرژینی بر خائیک دوشوندی وقاینار بر صو  
قوواسنی یاقہ لادینی کبی ژرودزک اوستنه صاووردی. بر فریاد قوپدی. هرکس  
ژرودزی حاشیلاندی ظن ایتدی. حالبوکه صول ایاغنه بر پارچه صیجاق صو  
کشدی. آجینک ویردیکی حدتله اوده قووالردن برینی یاقہ لادی وایچنه صوقویمہ دن  
اوله یی کبی ویرژینک باجاقلرینه صاووردی. بو ضربہ ایله ویرژینی یرہ یووارلاندی.  
شیمدی بوتون قادینلر هپ بردن قونوشیورلردی:

— قادینک آیاغنی قیردی غالباً!

— قیرار ظاہر، اوتہ کی ده اونی دیری دیری قاوورہ جقدی.

— صاریشین قادینک حق وار. انسانک الندن قوجہ سی آلینیری؟

مادام بوش، الارینی هوایه قالدیرمش، باغیریبوردی. مع مافیہ کردہ لک  
آرہ سنده کندیسنه امنیتلی بر موقع تأمین ایتشدی. ژرودزک چوجوقلری ده اونک  
اتکنہ یاپشمشلر، خوف ودهشتدن حایغیریورلر، آنہ، آنہ! فریادلری ایچنیده  
هیچقرہرق آغایورلردی. مادام بوش ویرژینی یرہ یووارلانش کورونجه قوشدی  
ژرودزک اتکلرندن طوتہرق:

— آلوریر آرتق، دیدی، دلیلکک لزومی یوق... علیم اہ قائم دوندی.

عمرمده بیلہ شی کورمہ دم. آیول سز بربریکزی بوغازلایہ جقسکز.

فقط فضلہ طورمہ دن ینہ یرینہ قاچدی، چوجوقلری ده برابر سوروکلہ دی.  
چونکہ ویرژینی آیاغہ قالمش، ژرودزک بوغازینہ صالدیرمشدی. بوغہ حق کبی  
بوتون قوتیلہ صیقیوردی. ژرودز شدتله سیلککنہ رک بوغازینی قورماردی.  
خصمنک صاچندن یاقالادی، قفاسنی قوپارہ حق کبی چککک باشلادی. ینہ محاربه  
باشلامشدی، فقط محاربیلر آراسنده نہ بر سس، نہ بر سوکونتی، هیچ  
برشی یوقدی، ساده جه بوغوشیورلردی. قوجاق قوجاغه صاریلماشلردی، ساده جه  
الاریله بربرینک صوراتنه اوریورلر، بربرینک نرہ سنی یاقالارلر سہ طیرمالیورلر،  
چییدیکلیورلردی ویرژینک قیرمزی قورده لاسیلہ صاچنک اوستنده کی ماوی فیله قوپمش،  
کوملککک یاقہ طرفی یرتیلمش، اوموزینک بر قسیمیله بوتون کردانی چیرچیبلق  
میدانه پیقمشدی. ژرودزه کلنجه اونک ده بلوزینک بر قولی اوده فرقنه وارمہ دن  
چیقمش، ایچ کوملککنک یرتیلان بر طرفندن و جودینک بر قسیمی آچیلامشدی. بر  
پارچہ لری حوادہ اوچوشیورلدی. ایلک اوکجه ژرودزک وجودی قانادی. دوداغندن



چکه سینه طوغرو اوچ طرناق یرندن قانلر آقیوردی . او هپ کوزینی صاقینمقله مشغول ایدی . احتیاطسز بر ضربه ایله کور اولماسون دییه هپ کوزلرینی محافظه ایدیوردی . ویرژینک اوزرنده هنوز قان یوقدی . ژروهز متصل اونک قولاغنی قوللایور ، یاقه لایه مدقه حدتدن قودوریوردی . نهایت صامنه نائل اولدی . قولاغنک برینی آلنه کچیردی ، چکدی ، ییرتدی ، قان آقغه باشلادی .  
اطرافدن باغیریشیورلردی :

— آمان بونه حال ! بو قادینلر بر برینی اولدوره جکلر !

چاشیرجی قادینلر فوغایرینه دها یاقلاشمشلر ، ایکی جبهه اولشلردی . بر قسمی سوقاقده کوپکاری قیزیشدیریرجه سینه ایکی قادینی قیزیشدیرمقله مشغول ایدی ، دیگر بر قسمی صوک درجه عصبیاشمش ، تتریشیورلردی . ایچلرندن بعضاری کورمه مک ایچون باشلرینی چویریورلر ، آرتق بو حاله طیانهمیه جقلرینی ، بوکا باقدجه خسته لانه جقلرینی سویلیورلردی . آز قالدی محاربه عمومیه شه جک ، بوتون قادینلر بر برینه کیره جکدی . کندی آرالرنده سوکوشمکه ، بر برینه صرحمتسز ، قلبسز ، قابلیتسز دییه آتیشغه باشلامشلردی . چیپلاق قولار تهدیدکار بر وضع ایله هواده طولاشیوردی . او آرهلق اوچ طوقات سسی ایشیدیلدی .

مادام بوش خدمتجی چوجوغنی آراشدیرمقله مشغول ایدی .

— شارل ! شارل ! جانم بو چوجوق ده نرهیه کیتدی ؟

حالبوکه شارل اک اوک صفده ، قوللارینی قاوشدیرمش ، سیر ایدیوردی . شارل قوجه مان بویونلی ، ایری یاری بردلیقانیلی ایدی . کولایور ، ایکی قادینک چیپلاق وجودلری کورولدجه سوینجدن چرپنیوردی . ژروهزی کوزینه کسیدیرمشدی . بیلایر جین کبی سمیز اولان بو قادینک صیرتندن کوملکی بوس بوتون دوشسه کم بایر نه اکلنجهلی برشی اوله جقدی !

بر آرهلق کوز قیرپه رق سویله ندی :

— آی آی باقکیز . قولتوغنک آلتنده قرمنی بر ات پارچه سی وار .

مادام بوش اونی کورونجه حایقیردی :

— سز بوراده سکزده بونلری آیرمیورسکزها ؟ سزدن باشقه کیمسه بونی

یاپه ماز ، هایدی باقه لم !

— اویله یا ، آرهیه کیره یمده کچن کونکی کبی یوزمی کوزمی طیرمالاته یم دکلکی ؟ بو بکا عائد بر ایش دکل . اکر بویله شیلره قاریشقم لازم کلسه صباحدن اقشامه قدر اوغراشوب طورملی یم . هم مصراق ایتیه یکنز . برشی اولماز ، برپاچه حاجامات ، بالعکس فائده لیدر . قیزغینلقلری کچر .



شارلدن امیدینی کسنجه مادام بوش پولیسه خبر ویرمهکه طاوراتدی . فقط چاشیرخانه صاحبه سی بوکا شدتله اعتراض ایتدی :

— خایر اولماز ، پولیس کلیرسه چاشیرخانهک حیثیتی بوزولور .  
ایکی قادین ، یرده ، حالا دوکوشیورلردی . بر آرهلق ویرژی تی دیزلری اوستنده طوغرولدی . آله کچیردیکی بر طوقاغی هواده صالایهرق خریلتیلی . ده کیشیک بر سسله باغیردی :

— کوپک ، سنی کیرلی چاشیر کی طوقاقلایه مده کور !  
ژروه زده شدتله یرندن قالقدی ، اوده بر طوقاق آلدی . وبر صوپاکی هوایه قالدیرهرق بوغوق بر سسله اوده حایقیردی :

— کیرلی چاشیری دیدک ؟ باق بن سکا بر طوقاق آتیمده وجودیکی بزکی پارچه پارچه ایدیم .

برمدت ، دیز اوستی ، قارشیاقلی بر برینی تهدید ایدر وضعیتده قالدیلر . صاحباری بوزلرینه دوکولش ، کوکسلری خیزلی خیزلی نفس آلتدن شیشکین ، اوستلری باشلری ملوث ، هجوم ایچون فرصت قوللایورلردی . ایلاک ضربه یی ژروه ز ایندیردی . طوقاق هوادن اینرکن ویرژینک اوموزینه اوردی . ژروه ز خصمنک ضربه سنی صاوشدیرمق ایچون یانه قاچدی ، ویرژینک ضربه سی ده اوته کنک قالچ سینه خفیفجه اصابت ایتدی . آرتق اوروشمغه قوبولدیلر : چاشیری قایان قادیلر چاشیرلرینی ناصل دوکرلر سه سرت ومطر دضربه لرله اونلرده بر برینه اویله جه اورییورلردی . ضربه لر وجوده تماس ایتدکجه بر صوکرده لنک ایچنه بر شاپلاق ایندیرلش کی سسلر چیقارییوردی .

آرتق سیرجیلر کولیورلردی . اساساً ایچلرندن بر چوغی بومنظره یه طیانه مایه رق کیتمشلردی . کری قالانلر ، بویونلری اوزانمش ، کوزلرینک ایچنده وحشی پارلتیلر طوتوشه رق غاوغای سیر ایدیورلر ، غوغاجیلرک ایکسینی ده پک ماهر بولیورلردی . مادام بوش ، چوجوقلری چاشیر خانهک اوته کی اوجنه کوتورمشدی . اورادن یاوروجقلرک هیچریقلری ایشیدیلیوردی .

بر آرالق ژروه ز ایکله دی ، ویرژینی دیرسکنک اوستنه ، قولنک چییلاق طرفنه آدم عقللی بر ضربه ایندیرمشدی . اورولان یر قیپ قیرمزی اولدی ، وبر آن ایچنده شیشدی . بونک اوزرینه ژروه ز خصمنه صالایردی ، بو اویله بر صالایریش ایدی که اولدوره جک صاعمشلردی .

قادیلر حایقیریشدیلر .

— آرتق الیوریر ! یتیشیر !



ژروەزك سېاسنە قورقوتۇپ بىر حال كەلشدى كېمە يە ياناشىغا جىسارت  
 ايدەمىوردى . آجىنىك تائىرىلە ايكى قات اولمشدى . وىرژىنى بىنەن ياقەلادى .  
 ايكى بۆكلوم ياپدى ، يورنى يە ، بىلەك آلت طرفى هوايە چویردى . او ، آلتە  
 چىرپىنىوردى . فقط ژروەز بىر ھەلەدە اونك فېستائى قالدیردى . فېستائىك آلتەدە بىر  
 طون واردى . ژروەز آلنى طونك يارىق یرىنەن سوقەرق بىر چكىشەدە پىرتەدى .  
 قالچە ، بوط . بالدیر نە وارسە ھېسى چىرچىلاق میدانە چىقدى . سوکرە مەلکەندە  
 چای كەنارەندە ، عسكەرلەك چاشىرىنى ناصل دوكر ایدیسە وىرژىنىك بو چىپلاق  
 طرفلەرنى دە اویلەجە دوكمەكە باشلادى . طوقاق ضربەلەرى آتە دكەجە اىصلاق بىر  
 بىر كورولتو چىقاریور ، ھەر اوروشدە بىاض درىنىك اوستى شرحە شرحە  
 قىرەزى اوليوردى .

شارلك كوزلرى سوينجەن بويومشدى :

— اوح اوح !

دییوردى . سىیرجىلرىكىدن كولوشمەكە باشلادىلار . فقط چوق كچمەدن «ألوریر ، یتیشیر  
 آرتق !... سىلەرى تکرار ایشیدلدى . ژروەزك قولاغى برشى ایشتمیور ، او متصل اورییوردى .  
 خصمىنىك وجودندە قىزارمادق برىر براقمامغە قرار ویرمەشدى . او قدر اورە جقدى كە  
 درى فرق اولونمايە جقدى . شىمدى ھەم اورییور ، ھەمدە چاشىرىنى قادینلەك  
 سويلەدكلىرى بر شرقىنى خاطر لایەرق وحشى بر ذوق ایلە :

— آل ، دییوردى . بو سىنىك ایچون ، بو قىز قارەدەشك ایچون ، بودە  
 لانتیە ایچون ... اونلرى كوردىكك زمان ویرىرسك ئەمى ؟ بر دەھا بىشلايورم :  
 بولانتیە ایچون ، بو قىز قارەدەشك ایچون ، بودە سىنىك ایچون ، آكلادكى ؟

كوج بلا وىرژىنى قورناردىلار . يوزى قىپ قىرەزى اولمش ، كوزلرى ياش  
 ایچىندە . چاشىرلەرنى طويلایەرق چكىلەدى . غوغادەن مغلوب چىقمەشدى . شىمدى  
 ژروەز كوملەكنەك قولنى طاقیور ، فېستائى طوتدیرمە چالیشیوردى . قولەندەن  
 اضطرابى واردى . چاشىر بوخجەسنى اوموزىنە آتمىنى مادام بوشدن رجالتىدى .  
 قايوجى قادىن غوغايى آكلاتیور ، بو منظرەدن طويدىنى ھىجائى سويليور ، قولنە  
 برشى اولوب اولمادىغى آكلامق ایستیوردى .

— احتمال قولكەزك بر طرفى قىرەشدر ، چونكە قولاغىمە اویلە بر سىس

كەلدى ...

فقط ژروەز اۆینە دونەك ایستەيوردى . اطرافى قوشانان قادینلەك نە ترحمكار  
 سىلەرىنە ، نەدە آلتیشلەرىنە اھمىت ویرمیوردى . بوخجەسنى اوموزىنە آلدقدەن  
 سوکرە قاپويە طوغرى دوندى ، چوجوقلار اورادە بکلیورلردى .



دمن غوغايي سيرايدن چاشيرخانه صاحبه سي جاملي يازيخانه سنه كلوب يراشمشدي .  
ژروه ز چكر كن :

— ساعت اليكي ، ديدى ، ايكي ( سو ) ويره جكسكز .

ايكي سونه دن ؟ اويله بر حالده ايدى كه بونك معناسنى اكلابه ميوردى . مع  
مافيه ايسته نيلن پاره يي ويردى ، و اوموزندن اشاغى صولرى آقان ايضلاق چاشيرلر  
آلتنده دها چوق طوپاللايه رق ، ديرسكى مورارمش ، ياناغى قان ايچتده ،  
حالا هيچقيريتلرله صارصيلان ايكي چوجوغنى سوروكليه سوروكليه اوزاقلاشدى  
كيتهدى .

آرقه ده ، چاشيرخانه اومعظم كورولتو ايله ينه اسكى فعاليتيه كيرمشدى .  
چاشيرجى قادينلر يمكلريني يمشلر ، شرابلريني ايچمشلر ، دمنكى غوغانك ويره ديكي  
نشئه ايله چاشيرلرى دها حيزلى دو كويورلردى . كرده لار بويجه قوللر تكرار حركته  
كلشدى . سالونك بر اوجندن اوته كي اوجنه قدر محاوره لر دوام ايدييوردي .  
قهقهه لر ، سسلر ، آچيق كله لر هر طرفدن بوشانان صولرك غورولتوسى آره سنده  
چاتليور ، موصلقلردن متصل صولر فيشقيرييور ، قووالر بربرى آردنجه بوشاليور ،  
تكنه لرك آلتندن عادتاً برنهر آقييوردي . اوكله صوكينك ايشى باشلامشدى .  
دوكولن چاشيرلر استيف ايديليوردى . قوجه مان بنالك ايچنده دومانلر صارى  
ايله قيرهنرى آره سي بررنك باغلامشدى . پرده لرك ييرتيقلرندن كيرن كونش ضياسى  
بودوماني دهلوب كچيوردى . تنفس ايديلن ايليقي ، بوغيچى ، صابونلى قوقولرله  
بردن بره هانغارك ايچنى بياض بر بوغوقايلادى . ايچنده چاشير صويى قاينايان  
تكنه نك قاياغى ديشلى بر مانيوه له قولى بويجه كنديله كندن آچيولوب قاپانيور ، اطرافى  
طوغله لرله قايلى اولان بوباقير تكنه نك آغزندن پوناسلى صوبخارلرى فيشقيرييوردي .  
ژروه ز ، اوطوردقلرى ( بون كور ) اوتلنك بولندينى طار سوقاغه صايجه  
كوزلرى ياشاردى . بوراسى طار ، قارا كلك بر سوقافدى . اولردن دوكولن  
كيرلى صولر ديوار بويجه برچاي حالنده آقوب كيدييوردي . بومستكره منظره  
قارشيدسنده ژروه ز لانتيه ايله بوأوده كچيرديكي اون بش كونك غوغالرينى ، سفالتلرينى  
خاطرلادى . شو دقيقه ده او خاطره لر بر آتش كې خيالى ياقيور ، قلبنى اسفله  
طولديرييوردي . طار سوقاغه آديم آتدينى زمان صانكه متروكيتنك اعماقنه طالمش  
كې برشى طويدى .

اوطه سي بوم بوش ، پنجره چيپلاق ايدى . ايچرى يه كونش ، مزدول ضيالريله  
كيرمشدى . بو كونش ضيا سنك تأثيريله طالغالانان آلتون صاريسى رنكسنده برتوز  
حزمه سي قاب قاره طاوانه ، كاغدلرى قوپمش ديوارده أليم بر منظره ويرييوردي .



اوجاغك اوستنده كى چيوى يه بر اىپ كې بوروشد يريله رق آصيلمىش بر قادين آتقىسندن باشقه اوطه ده برشى يوقدى . چوجوقلرك قاريوله سى اوطه نك اورتە سنه چكىلمىش ، اونك آرقە سنده طوران قونصولاك بوتون چكمله لرى آچىلمىش ، بوشالتىلمىشدى . لانتیه كىتمە دن اول يوزى يىقامىش وبر اسقامبيل كاغدى اوستنده كى بومادانى بىترمىشدى . كووه تك اىچى كىرلى صو ايله طولو ايدى . صندوغك بولوندىنى كوشه شىمدى قوجه مان بر دليك كې بوش طورىيوردى . پنجره نك سورمه سى اوستنده كى اوفاق يووارلاق آينه بيله یرنده يوقدى . اووقت بر حس قبل الوقوع ايله اوجاغه باقدى : لانتیه امنيت صندوغنك مقبوض علم وخيرلرینى ده آلوب كوتورمىشدى .

ژروەز چاشيرلرى بر صنداليه نك آرقه لغنه سردى . بر مدت اوطه نك اىچنده دوندى طولاشدى . درشمه لرى معاينه ايتدى . اويله برشاشقىنلق اىچنه دوشمىشدى كه آغلامغه بيله مقتدر اولاميوردى . چاشير اىچون آيىردىنى دوت سودن طوپى طوپى ياننده بر سو قالماشدى . بو آرهلق چوجوقلرى ، آتیه ن و قلود ، پنجره اوکنده كولوشيورلردى . ژروەز بونلرك ياننه ياقلاشدى ، باشلىرى قوللرى آره سنه آلدى و دها بو صباح پارسك حيات سعینى اويانديران عمله ييغينلرينك كذرائى تاشا ايتدىكى بو پنجره اوکنده بر مدت كىندن كچدى . بو دقيقه كونسوزك حماى فعاليتيله طوتوشان قالدیر يىل برانشعاع يو كسله رك شهر ك اوستنده طالغه لانيوردى . ايشته اونى ايكى چوجوغيله بو قالدیرمه ، بو سوقاغك بر فرون كې قيرغین آغزیننه آتيورلردى ! بو ملاحظه ايله ژروەز صاغه صوله باقىندى ، اوزون جاده لرى كوزدن كچىردى و صانكه بوندن صوكره حياىى قارشىكى سايخانه ايله خسته خانه آره سنده كچمكه محكوم اولمش كې بوتون موجوديتنى بوغوق بر خشيت قاپلادى .

## ۲

اوچ هفته صوكره ، كوشلى بر كوندى . ساعت اون بر بچه طوغرى قلايجى اوسته سى ( قوپو ) ايله ژروەز باباقولومبك ( آسسوموار ) آدى ميخانه سنده اوطورمش ، اريك ييورلردى . قوپو بر آرهلق قالدیريم اوستنده سيفاره سنى اىچرکن ژروەز ، ييقادىنى چاشيرلرى يرلرينه كوتورمكدن دونيوردى . زورلايه رق قاديى اىچرى صوقدى . ژروەز بويوك چاشير سېتى يره براقدى ، برلكده بر ماصه نك باشنه اوطوردیلر .

بابا قولومبك آسسوموار ميخانه سى پوواسسونيه ر جاده سيله روش شووار



يولوارينك تلاقى ايتدكلرى كوشه باشنده ايدى . ميخانهك بر اوجندن اوتتهكى  
 اوجنه اوزانان قوجه مان بر لوحه ده ماوى حرفلاره « مسكرات فابريقه سى » يازىلى  
 ايدى . كرك طيش قاپونك اوستنده ، كرك مسكرات فيچيلرينك اشاغى و يوقارى قسملرنده  
 اوزرلىرى توزلاشمش پنبه رنگلى دفته دالارى واردى . كيرنجه صولده ، قوجه مان  
 تزكاهك اوستنده صيره صيره قدحار ، موصلا نلى بر چشمه ، برچوق اولچولر  
 طورى-وردى . ميخانهك دوت بر طرفى آچىق صارى رنگلى ، اوزرلىرى  
 مجلا فيچيلرله محاط ايدى . بو فيچيلرك باقردن معمول چنبرلرله موصلاقلرى پاريل  
 پاريل پارليوردى . دها يوقاريدى ، رافلر اوزرنده ليكور شيشه لرى ، يمش  
 پاريل پارلي-وردى . يوقاريدى ، رافلر اوزرنده ليكور شيشه لرى ، يمش  
 قاونوزلىرى ، چشيد چشيد صراحيلر ، هپسى منتظم بر صورتده قونولمىدى ، اويله كه  
 ديوار كورونمور و بونلرك هپسى تزكاهك آرقه سنده كى آينه يه يشيل باخود  
 آچىق لاهه لكه لر حالنده عكس ايدىوردى . آنجق ميخانهك هر شيدن زياته  
 كوزه چارپان جهتى ، تا اوتتهكى اوجده ، ميشه دن بر پارمقلفله آبريلان جاملى بر اولوده كى  
 تقطير ماكنه سى ايدى . بوما كنه ميخانه يه كان مشريلرك كوزى اوكنده ايشله ردى .  
 اوزون بويونلى اينبيقلر ، ير آلتندن ييلانقاوى كيدن مبرد بورولر ، سرخوشارك  
 بعضاً قارشيسنه كچوب خيالاته طالداقلى بر مطبخ ، هپ ميدانده ايدى .

وقت اوكله يمكى زمانى اولدينى اچون ميخانه بوم بوشدى . قرق ياشلرنده ،  
 آرقه سنه قوملى بريلك كيمش ، ، ابرى يارى بر آدم ، ميخانهك صاحى بابا  
 قولومب اون ايكي ياشنده بر كنچ قيزك اوكنده طوران قدحه اكسير  
 بوشالتمقلا مشغول ايدى . قاپودن كيرن بر كونش حزمه سى تزكاهدن مشريلرك  
 توكوروكلرله حالا يام يال طوران پاركه قورونيوردى . تزكاهدن ، فيچيلردن ،  
 خلاصه ميخانهك هر طرفندن برايكور قوقوسى ، كونشك طالغه لانديردنى توز دابقه لرينه  
 ثقلت ويرن براسپرتو دومانى انتشار ايدىوردى

قوپو بر سيغاره دها سارمغه باشلادى . آرقه سنده جاكى ، باشنده ماوى بزدن  
 قاسكىتى ايله پك تميز بر آدمدى . كولاكجه بياض يشارى كورونيوردى . آلت چككسى  
 چيقينتىلى ، برونى خفيفجه ازيك ، كوزلىرى كسانه رنگنده ايدى . يوزنده شن بر  
 كوپك حالى ، بر چوجوق معصوميتى واردى . باشك اوستنده قيويرجق صاحلرى  
 ديمديك طورىوردى . يوزينك دريسى حالا يكرمى آلتى ياشه مخصوص طراوتى محافظه ايتمىدى .  
 قارشيسنده ژروه ز ، سياه پاموقدن اثوابيله ، شاپقه سبز باشيله اوطورمش ، پارمقلىرىك اوجيله  
 صاپندن طوتدينى اريكي بيترمكه چاليش-يوردى . تزكاهك اوكنده ، فيچيلر صيره سنجه  
 قونولمش اولان ايلك ذرت ماصه دن برينه اوطورمشلردى .



قوپو سیغاره سنی یاقدی ، دیرسکگرینی ماصه یه دایادی ، یوزینی اوزاتهرق برمدت هیچ برشی سویله مکسزین ژرووه زه باقدی . اوکون ژرووه زک کوزل یوزی بیاض بر پورسلن کبی شفاف ایدی . نهایت کندیلرنجه معلوم اولان بر مسئله یی تلمیجاً صورتی :

— دیمک راضی اولمورسکیز او یله می ؟

ژروه ز ، ساکن و متبسم ، جواب ویردی :

— البته راضی اولام موسیو قوپو . ظن ایتیم که بوراده ده او مسئله یی آچه سکیز . بکا وعد ایتشدیکیز . اوصلو عقللی اوطوره جقدیکیز ... اکر بویله پایه جغکزی بیله یدم تکلیفکزی قبول ایدوب بورایه کلزدم .

قوپو سس چیقارمادی ، ینه دمیکی کبی یوزینه باقغه قویولدی . نظرلرنده شیمدی دها جسور بر معنای محبت واردی . بالخاصه ژرووه زک ایکی درداغک اسمر ینبه رنگلی ، نمناک اوجلری ، کولومسه دجه دها قویولاشان قرصی رنگی احتراصنی آرتدیریوردی . ژروه ز بو محترص باقیش اوکنده چکیلیور ، هر وقتکی سکونتلی و مشفق حالی محافظه ایدیوردی . بر مدت سکوتدن صوکره سوزه باشلایان ینه ژروه ز اولدی :

— آ کلاشیلان سزیندن ایستد بککیز شیئک نتیجه سنی دوشونمورسکیز . بن آرتق اختیارله مش بر قادین اولدم . سکیز یاشنده بر چوجوق آناسی یم . ایکیمز بوندن صوکره نه پایه بیلیرز ؟

— نه می پایه بیلیرز ؟ هر کسک یاپدیغنی ...

ژروه ز بر آز صقیلیر کبی اولمشدی :

— ظن ایدیورمیسکیز که بودیدیککیز ایش صوکنه قدر هپ بویله اکلنجه لی کیدر؟ آ کلاشیلان سز اونه دیمک اولدیغنی هنور بیلیمورسکیز . خایر موسیو قوپو خایر ، بن شیمدی جدی بر قادین اولمغه مجبورم . ذوق و صفا ، اکلنجه ، آلائی ، بونلرک صوکی کلمیور . اوده قارنلرینی طویورمق ایجاب ایدن ایکی چوجوق وار ، همده ماشاء نه یوتیورلر ! وقتی اکلنجه ایله کچیره جک اولورسه م بو چوجوقلری ناصل بسله یه بیلیرم ؟ اوندن صوکره ، اوغرا دیغم فلاکت بکا بر درس عبرت اولدی . آرتق ارککلرله ایشم قالمادی . بر دها اونلر بنی زور یاقه لارلر .

وصانکه برایش مذاکره ایدیورمشجه سنه سکون و بصیرتله ، صوئوق قانلیقله ، تلاش وحدته هیچ قاپیلیمقسزین بوقرارینک سبیلرینی ایضاح ایتدی . بللی که او ، بوقراری ویرمه دن اول بر چوجوق دوشونوب طاشینمشدی . قوپو یر حکایه دن رفته کلدی :



— بیلسه کز بنی بوقدر متالم ایدیورسکیز !

دیوردی .

— اوت، بونی کوریورم و بوندن بنده متأثرم . هر حالده رنجیده اوله کزی ایسته هم ... اکر اکلنجه یه ، ذوق و صفایه هوسم اولسه یدی باشقه سیله کیتمکدن ایسه البته سزی ترجیح ایدردم . ای یوره کلی ، نازک بر آدم اولدیغکزی کوریورم . سزکله آل اله ویریر ، کوزمک کوردیکی یره کیدردک . واقعا دیم که بو هیچ برزمان واقع اولمایه جقدر ، آنجق شیمدی بویله شیلره هیچ هوسم یوق ، اونک ایچون بختی بیله ایتک ایسته میورم . اون بش کوندن بری مادام فوقوتیه نک یانه یرلشدم ، چوجوقلم مکتبه کیدیورلر ، بن چالیشیورم . حالدن ممنوم . بویله قالمق البته دها ایدر .

سپتی آلمق ایچون اکیلدی :

— بنی لافه طوتدیکز ، دکانده مادام بکلیور ... سزه کوره قادین می یوق ، بر باشقه سنی بولورسکیز ، هم بندن دها کوزل ، بنم کبی صیرتنده طاشیه جق ایکی چوجوغی ده اولماز .

قوپو ، آینه نک یوقاریسنه یرلشدرلش اولان ساعته باقدی ، ژروه زی تکرار اوطورتدی :

— هنوز ایرکن ، ساعت اون برپنجی بش کچیور ... دها بنم یکر می بش دقیقه وار . سزه قارش می مناسبترجه حرکت ایتیه جکمدن امیلسکیز یا ؟ هم باق ، آرامزده قوجامان برماصه وار . شیمدی سویله یک باقه یم : ایکی چفت صحبت ایتیه دجک قدر بندن نفرت می ایدیورسکیز ؟

ژروه ز ، قوپونک خاطرنی قرمامق ایچون سپتی تکرار یره براقدی . ایکی دوست کبی قونوشمغه باشلادیلر . چاشیرلری کوتورمه دن یمکنی یمشدی . (قوپو) ده اونک یولنی کسديره بيلمک ایچون چار چابوق اتلی چورباسنی یوتمش ، یوله چقمشدی . ژووه ز هم اوکا خاطر نوازانه جوابلر ویریور ، همده یمشلی ایچکیلرک بولوندی قانوانوزلرک آرقه سندن سوقاغه باقیوردی . اوکله یمکی ایچون طاغیلان ییغزلرجه انسانلر بربرینی چیکنه رجه سنه یورویهرک کچیورلردی . طار اولرک آلتنده ازیلیورمشجه سنه اوزانان هرایکی قالدیریمده ، قولارینی صاللایه رق ، بربرینی چارپوب کچه رک ، سریع و متلاشی آدیملرله ایلرله ین برانسان آقینتسی واردی . ایشلرندن کج قورتولان عمله ، سیالرنده آچلغک عبوس افاده سیله ، جاده نک برطرفندن او برطرفنه کچیور ، قارش می طرفده کی ا ککچی دکاننه کیریور ، آلارنده برلیبره لک ا ککچله چیقهرق (ایکی باشلی طانه) میخانه سنه طالیورلر ، اوراده آلتی سو ویره رک قارنلرینی طویوریورلردی . ا ککچینک یانی باشنده قیزارمش



پاتانس و مايدانوسلی میدیه صاتان بر یمشجی واردی . بورادن صیره صیره ایشجی قادینلر ، اوکارنده اوزون اوکلکلر ، آلارنده قیزارمش پاتانس و بارداق ایچنده مدیه اولدینی حالدہ چیقورلر ، صاچلری ارقه لرینه دوکولمش کوزل کنج قیزلر نازک طورلریله بویمشجیدن دمت دمت بطورپ صاتین آلیورلردی . ژروہز بر آزدھا آکیلدی ، ایچریسی مشتری ایله طولو اولان قارشیک بر قصاب دکاندن آلارنده برپاکتہ صارلش اولدینی حالدہ بر قوتلت پانه ، بر طوموز صوجوغی ، یاخود تازه پیشمش عادی صوجوقلر ایله چیقان چوجوق آلاینی کوریورلردی . اک کوزل هوالرده بیله اورته سی دایما سیاه برچامورله مستور اولان شوسه بویجه عمله دن بعضیلری لوقنطه لردن چیقمش ، طاقم طاقم دونیورلر ، یدکلری ممکن شیدن قارنلرینه آللریله اوره رق بطنی و ممنون آدیملرله اوغلبه لک تلاشی آره سنده ساکنانه یوریورلردی .

آسسو موارک قاپوسنده بر غلبه لانی طوپلانیدی . ایچارندن بری قیصیق برسسله

صوردی :

— هی بکاباق بیبی لاغرییاد ، بزه برقدح اکرام ایدرمیسک ؟  
 بوسوزی متعاقب بش عمله ایچری کیره رک تزکاء اوکنده طور دیار .  
 دمینکی آدم ینه سویله نمکه باشلادی :

— شوبابا قولومب یوقمی ، خرسزک اعلا سیدروالسلام .  
 بابا قولومب بوسوزلره آلدیر مقسزین مشتریلرینه خدمت ایدیورلردی . دیرکن اوچ کشیلک بر عمله طاقی دها کادی . یاواش یاواش گوشه باشنده طوپلانان عمله قیصه بر توقدن صوکره ایتیشه قاقیشه میخانه یه کیریورلردی .  
 بو آره لق ژروہز قوپویه چیقیشیورلردی :

— سز ، ارکلر ، هپ بویله سکز . عقلکزه فنا لیدن باشقه برشی کلز .  
 نه ظن ایتدیکز یا ، البته لانتیه یی سویوردم . آنجق بنی او یله عادیجه بر اقدقن صوکره ...

شیمدی لانتیه دن بحث ایدیورلردی . معهود وقعه دن بری ژروہز اوئی کورمه مشدی . او یله ظن ایدیورلردی که لانتیه کندیسنی ترک ایتدکن صوکره ، بر شایقه قابریقه سی تأسیس ایتکی دوشوندکلری آرقداشک یاننده ، ویرژینک قیز قارده شیه برابر یاشایورلردی . مع مافیہ نه ده اولسه آرقه سندن قوشمق خاطرندن کچمیورلردی . واقعا اوندن آیرماق ایلاک اوکجه پک زیاده کوچنه کیتمشدی . حتی بر آره لق کدرندن انتخار ایتکی دوشونمشدی . فقط شیمدی عقلی باشنه کلشیدی ، آرتق راحت یرنده ایدی . لانتیه او قدر مسرفدی که اگر آبرماسه یدی بلکه چوجوقلرینی بویوته ضردی . واقعا لانتیه چوجوقلرینی کورمکه



کلیسه ژروەز اوئی قابو طیشاری ایتزدی ، فقط بر دها اونکله برابر  
 یاشامغه راضی اولمقدن ایسه اولمکی ترجیح ایدردی . بوسوزلری سویلرکن اونده  
 طرز حیاتی تثبیت ایتمش ، ای دوشونهرک اوندن سوکره قرارینی ویرمش برقادین  
 حالی واردی . حاجبوکه قوپو اوکا تملک ایتمک ارزوسیه طوتوشیور ، المشی هپ  
 لطیفه یه چویریور ، اک مستهجن تعبیرلرله قونوشیور ، لانتیه حقنده اوندن بیک  
 درلو آچیق صاچیق شیلر صوریوردی . آنجق قوپو او قدرشن ، او قدر نشه لی بر آدمدی که  
 ژروەز اونک بوسوزلرندن هیچ رنجیده اولیوردی .  
 قوپو تکرار سوزه باشلادی :

— اوسزی دوکزدی ، سز اوئی دوکزدیکز ، اوح بن بیلیورم ، سز  
 هیچ ده یوموشاق برقادین دکلکیز . طیاغکزی بین ساده قوجا کز می یا ...  
 ژروەز اوزون بر قهقهه ایله قوپونک سوزینی کسیدی . حقیقه ورژینی  
 دنیان اوچام یارمه سی قیلیقلی قادینی نه مکمل دوکمشدی ! مع مافیه اوکون او قدر حدتلی ایدی که  
 هیچ بر عذاب دویقمسزین خصمینی بوغه بیایردی . کیتدکجه قهقهه یی آرتدیردی .  
 چونکه قوپو ، اوکون ژروەزک قوللری آره سنده بوتون وجودی آپ آشکار  
 میدانه چیقمسنندن پک صیقیلان ویرژینیک محله یی تر که ناصل مجبور اولدیغنی حکایه ایدیوردی .  
 ژروەزک یوزنده بر چوجوق حلاوتی واردی . طومبوله اللرینک اشارتلیله  
 آ کلاتدی که عمرنده برسینک بیه ازمک آلندن کزدی ، هیچ کیمسه یی دوکمه مشدی .  
 بالعکس بوتون حیاتی طیاق یمکله کچممشدی . سوز بورایه انتقال ایدنجه ژروەز  
 پلاسسان کوینده کچن کنجلکینی حکایه یه قویولدی . او زمان ارککار آرقه سنده  
 قوشان بر قیز دکلدی ، بالعکس ارککارله بولونمقدن جانی صیقیایردی .  
 بویله اولمقله برابر دها اون درت یاشنده ایکن بکارتی آلندن آلان  
 لانتیه دن ممنون ایدی ، چونکه لانتیه کندیسینک قوجه سی اولدیغنی سویلر ،  
 کندیسیده اونکله قاری قوجه اویونی اوینادقلرینی ظن ایدردی . کندیسینک  
 یکانه قصوری فضله حساس اولمسی ایدی . او هر کسی سور ، حتی سوکونده کندیسینه  
 اولمادق فلاکتلریا پانلره قارشى بیه ابتلا طویاردی . او بر ارککی سودی می بو مناسبتک  
 فناوچیرکین جهتی دوشونمزدی ، بالعکس اونکله برابر یاشامنی ، بختیار اولمفی دوشونیردی .  
 قوپو سوزک بوراسنده اوکا طاقیلدی . مادام که ارککارله مناسباتنده  
 شهوانی جهتلری دوشونمزدی ، او حالده ایکی چوق نره دن چیقممشدی . بونلر یاصدغک  
 آلتندن می پیدا اولدیلر ؟ ژروەز آلله قوپونک پارمقلرینه اوردی . طبیعدر که کندیسى  
 اوته کی قادینلردن بوسبوتون آیری بر مخلوق دکلدر ، آنجق هرقادین شهوتدن ،  
 احتراصدن باشقه برشی طانیماز دیمکده طوغرو صاییلماز . اولرینی دوشونن ،



صبحا دىن اقشامە قدر يوالرىنىڭ ايشىلە اوغراشان ، آقشاملىرى ياتاغە يورغون آرغىن دوشىن قادىنلار دەۋاردىر . اساساً ۋالدىسى دە كىندىسى كېلىدى . اوده صوك درجە چالدىغان بىر قادىندى . باباسىنىڭ قەھرىنى يىكرى سەنە چىكىدىكىن صوكرە مىخت آلتىدە جان وىرمىشى . اووقت كىندىسى نارىن بىر قىز جىغىزدى . حالبو كە آنەسى قاپۇلى دەۋىرە جىك قدر اىرى ياپىلى ايدى . وجودجە بويىلە اولدىنى حالە روخا آنەسى دە كىندىسى كېيدى ...! سودا كلىرىنە صوك درجە مىبۇط ايدى . حتى آياغىندە كى طوپاللىق بىلە ارثى ايدى ، باباسى آنەسىنى او قدر دو كوردى كە بويۇزدىن قادىن جىغىزىك بىر آياغى طوپال اولمشدى . آنەسىنىڭ بىلگە يۈز دىققە ايشىتمىشى : باباسى اۋە سىرخوش دۈندىكى كىچەلر كىيىكلەرنى قىرنىچە دە قدر اۋنى دو كرمىش . احتمال كە بويىلە بىر كىچە ، طىباقىن باجاغىنىڭ سىقط اولدىنى بىر كىچە ، كىندىسى رىحم مادىرە دۈشمىشى .

قوپۇ ، ملازىمت عاشقانە سەنە دوام ايدىيوردى :

— آياغى كىزدە كى عارضە بىللى بىلە دىكل !

فقط ژرۈەز بو جىلە كارلغە اھىت وىرمىدى ، چونكە طوپاللىق نە درجە بىللى بىر شى اولدىنى كىندىسى بىليوردى . بو كىدىشلە قىرق ياشىنە كىلدىكى زىمان بىلى ايكى قات اولدىقەدى . دۈداقلىرىندە خففىف بىر تېسىم بلىردى :

— سىزىك ذوق كىزدە چوق تىخف شى ، ھىچ طوپال بىر قادىن سۈيلىرمى ؟

او وقت قوپۇ ، ايكى دىرسىكىنى ماصەيە دايدى ، يۈزىنى ژرۈەزىك يىزىنەدەھا ياقلاشدىردى وقولاندىنى كىلەلر كە اتخابىنە پىك دقت ايتىكسىزىن اۋنى سىرخوش ايدە جىك سۈزلەرلە قولتوقلامغە باشلادى . مە مافىە بوتۇن بوتۇن غىرتى بوشە كىدىوردى . ژرۈەز حالا باشىلە « خاىر ! » دىيور ، بۈاركىك سىسىنىڭ وىردىكى ذوقىدىن مىنون اولمىقلە بىر ابر طوزاغىنە دۈشمىكىن صاقىيورى . ژرۈەز بىر طرفىدىن قوپۇنى دىكلەيور ، دىكىر طرفىدىن نظىرلىلە سوقاقدە كىتىدكە آرتان خاقى سىر ابيوردى . شىمىدى دىكانجىلر مىشتىلردىن بوشالان دىكانلىرىنى سۈپۈرييورلر ، ىمشىجى قادىن صاتىلمە دىن قالان بىر طاۋەلىق پاتاسىنى اچىرى آيور ، قصاب تىزكاھنىڭ اۋستىندە قارىشىق طوران طىباقلىرى تىنظىم ايدىيوردى . بوتۇن مىخانىلردىن طاقم طاقم عملەلر چىقىيور ، صىقاللى دىلقانلىلر كاھ بىر بىرىنە طوقات آتوب ايتىشەرك ، كاھ طىبانلىرى چىويلى قوندىرەلرىنى چۈحقىلر كېلىرەۋرەرق يۈرييورلردى . بىعضىلر اللرىنى جىبىلرىنىڭ تادىبنە طالدىرمىش ، يازى قاپالى كىرپىكلرىنىڭ آردىسىدىن كۈنشە باقەرق ، سىغارەلرىنى طالغىن بىر طور ايلە اىچە اىچە كىدىيورلردى . سوقاغىڭ قالدىرىمى ، شۈسەسى ، ھىر طرف مىخانىلر كە آچىق قاپۇلردىن چىققەرق بىر نەھر كېلى آقان تىنبل آلايىلە طولوايدى . بۈنلر بىعضا آرابەلر كە آردىسىندە طورىيورلر ، بىعضا ماۋى بلۈزلىرىنى . اسكى پالطۇلىرىنى سۈرۈكلەپەرك



کونشك ضیاسی آلتنده رنکی قاجش، صولغون قیافتلریله دیزی دیزی اوزاقلاشیورلردی.  
 اوزاقدن فابریقه لرك چاك سسلری ایشیدیلیوردی. عمله یی ایش باشنه چاغیران  
 بوسس اونلرده هیچ بر حس استعجال اویاندیرمیوردی. اونلر تلاشسزجه پیپولرینی  
 یاقیورلر، شراب دکانلرینک برندن اوته کینه اوغرایه رق آیاق سورتته سورتته ایشلرینه  
 کیدیورلردی. یر آرهلق ژروهز، بری بویوک ایکسی اوافق، اوچ عمله دن  
 مرکب برغروبى تماشا یه طالدى. بونلر اون آدیمده بر کره آرقه لرینه دونوب  
 یاقیورلردی. نهایت آسسوموار میخانه سنه کلدیله.

ژروهز میریلده انان برسسه :

— ایشته، دیدی، اوچ تنبل ده!

قوپو، کلنلره باقدقدن صوکره جواب ویردی:

— بویوکنی طانیورم، آرقداشلرمدندر، آدینه مه بوط دیرلر.

میخانه آغزینه قدر طولمشدی. قیصیق سسلرک میریلتی آکدیران قونوشملری  
 آراسنده بر چوقلری هوای محیطی یی یرتان یوکسک سسلره کوروشیورلردی. آره  
 صیره تزکاهک اوستنه ایندیریلن یومسوق ضربه لری قدح لری شینگیردایوردی.  
 هرکس آیاق اوستی، کیمی اللری قارننک اوستنه قاووشدیرمش، کیمی آرقه سنه  
 کلیدله مش، هنوز ایچکیلرینی بیتیرمه مش اولانلر اوافق غروب لر حالنده، صیقیشیق  
 طورییورلر، بر قسم مشتریلر صیره بولوب ایچکی ایصمارلامق ایچون فیچیلرک دیننده  
 کومه کومه بکله شیورلردی.

او آرهلق مه بوط، قوپونک اوموزینه قوتلی برتوقات عشق ایتدی:

— آی کبار زاده م، سن ده بوراده میسک؟ شوکاده باق، قولالی کوملک

کییمش، حاضر سیغاره ایچیور.

بولطیفه قوپونک پک زیاده جانی صیقمشدی:

— چکیل اورادن، قفا پاطلاتیورسک:

مه بوط بوکا هیچ اهمیت ویرمه دی. او متیصل آلا ی ایدیوردی. نهایت  
 ژروهزه معنیدار برنظر عطف ایتدکدن صوکره اوزاقلاشدی. ژروهز بوباقیشدن  
 قورقه رق کری چکیلمشدی. پیپولردن چیقان دومان، بو آدم لرك وجودندن اتشار  
 ایدن سرت قوقو میخانه نك اسپر تو ایله مشبوع هوا سنده بر بخار کبی یوکسیوردی.  
 او کسورمکه باشلامشدی، بوغوله جق کبی اولیوردی.

— اوف، دیدی، سرخوشلق نه فناشی!

وقتیه کیمی ده آنه سیله برابر آنا صونلی راقی ایچرلردی. برکون آز  
 قالدی بوندن اوله جکدی. او وقتدن بری ایچکدن نفرت ایدیور، لیکور شیشه لرینی



کوزيله کورمکه بيله تحمل ابدە ميوردى. او کنده طوران اريك شرابی قدحنى کوستردرك:  
 — باقيگز، دیدى، اريکي يدم، صوينى ايچە مدم، ايچرسەم طوقونور.  
 قوپوده عینی حالده ایدی. اوده برانسانک قدح قدح رانی ايچە سنی حوصله سە  
 صیغديرە ميوردى. آرە صیره برقدح اريك شرابی، ئەه نه ايسە، بونک ضررى يوقدی.  
 فقط آآنزەت، يتریول، آسیت، بوپیسلیکار یوتولورشی دکل. آرقداشلری کندیسيله  
 اوقدر آلاى ایتدکلى حالده او قابل دکل، میخانه قاپوسندن آیاق  
 آتازدی. قوپونک باباسی ده کندیسى کبی قلايجی اوستەسى ایدی. برکون ايچکی  
 فضله قاچیرمشدی، اوکون برأوک طاملاغنى قلايليوردی. تايوقاربیدن آشاغیک  
 قالدیرمە دوشدی. قفاسی پاطلادی. بووقمە بوتون عائله یه عقل اولدی. شیمدی  
 کندیسى باباسنک دوشوب اولدیکی یردن هر کجە بوقمە خاطرينە کایر، اووقت  
 باد هوا برقدح شیشه شراب ايچمکدن ايسە سن نهرينک بوتون صوينى ايچمکی ترجیح یسر.  
 — بزم صنعتمز صاغلام باجاق ایستەر.

ژروەز یردن سېتی آلدی. دیزینک اوستنه قويدی، بردزلو قالقه ميوردی.  
 قوپونک سوزلری حیاتنک پک اوزاق خاطره لری اویانديرمش کبی طانغین، متخیل  
 طور ییوردی. هیچ رنک ویرمکسزین آغیر آغیر دوام ایتدی.

— حریص برقادین دکل، بویوک امل پیشنده قوشام... بوتون آرزوم  
 ساکن ساکن چالیشمق، اکمکسز قالماق، کیجەلری باشمی صوقه جق تیزجه  
 بریووا صاحبی اولق، بریاناق، برماصه، ایکی صندالیه، ایشته اوقدر... اوندن  
 صوکره چوجوقلرمی بویونک، اونلری ممکنسه مملکتە انی بروطنداش اوله رق  
 یتیشدیرمک ایستهرم. بر ایستەدیکم ده، اکر او بارق صاحبی اولورسەم طیاق  
 یمە مکدر. لوغروسى طیاق یمک هیچ خوشمه کیتمز. ایشته دنیا ده بوتون امللرم  
 بوندن عبارت...

آرزولرینی خیالاً برر برر کوز اوکندن کچیردرك بونلردن فضله بر املی  
 اولوب اولمادیغنى آراشدیریور، بوله ميوردی. بر مدت تردددن صوکره  
 علاوه ایتدی:

— اوت، راحت دوشکنده اولمکی ایستەمک انسانک حقیدر. بنده حیاتده  
 قوشدیروب طور دیردقدن صوکره البته اومده، راحت دوشکنده اولمک ایستهرم.  
 آیاغه قالدی. قوپو اونى بوتون آرزولرنده حالى بولمشدی. اوده آیاغه قالدی،  
 ساعت کجە اندیشه سی آرتیوردی. هان میخانه دن چیقما دیلر. ژروەز میشه پارمقلاک اوتە  
 طرفنده کی جاملی اولوده، بویوک تقطیرما کنه سنک ناصل ایشله دیکنی کورمک ایستە یوردی.  
 او اوکده، قلايجی قوپو آرقه ده کیتدیار. شیمدی قوپو، پارمقلا یله ماکنه نک



مختلف اقسامنى كوسترييور ، قوجه مان جام بورونك ايچندن بر ايپلاك كې آقان  
 براق اسپرتوي اشارت ايدەرك بونك ناصل ايشلەديكىنى اكلا تيوردى . معظم  
 اينىق او غريب شكللى نقطير قابىرلە ، يىتمز توكنمز حازونى بورولرلە  
 قورقونج بر منظره عرض ايدىيوردى . قوجه ما كنه دن برتك دومان بيلە  
 چىقميوردى . سادەجە ايچين ايچين بر سس ، ير آلتىدن كليور كې بر خورولتو  
 ايشيداييوردى . سانكە كور ، صاغر ، كوجلى قوتلى بر ايشجى كوندوزين  
 بر كيجە ايشى كورييور كې ايدى . ( مەبوط ) لە ايكي آرقە داشى دە ، تزكاه دە  
 بوشالە جق بر برە انتظارا پارمقانك كنارينه كلشلىر ، اونلر دە ما كنه يى سيرايدىيولردى .  
 مەبوط ياغى آزالمش بر مقارە كې بوزوق قهقهەلرلە باشنى صاللايور ، كوزلرني  
 سوزييور ، قارشىيىندە كى سرخوشلق ما كنه سەنە باقويوردى . اللهم نەدە  
 سويىلى ما كنه ! بوقوجه مان باقر قابك ايچندە بر انسانك بوغازني سىكز  
 كون ايصالە جق قدر ايچكى واردى . شو بورونك بر اوجنى كنديسنك  
 آغزينه لەملىسەلر دە ايچندە مايىع بر اوافق چاي كې تا دوداقلرندن طوقلرني  
 قدر متصل آقوب طورسە ، اوح بونە اي اولە جقدى ! هيىچ اولمازسە  
 ايكي دە بر قالفوب ميخانه يە قدر كلەكدن ، صوكرە دە تزكاه باشندە بابا قولومبك  
 بوكسوك قدر اوافق قدحلىرني محتاج اولمق دن قورتولوردى . مەبوط بونلرى سويلە دكجە  
 آرقداشلىرى كولوب ا كلانيولردى . اوتە دە اينىق ما كنه سى هيىچ بر ضيا نشر  
 ايتىكسزىن ، باقراقسامنك پارلاقلىقلىرى هيىچ بر نشە و ير مكسزىن بوغوق بر سس ايشلە يور ،  
 بر صو منبەندن آقان بطى وعنادجى قطرەلر حالندە اسپرتو طاملە طاملە دوشيولردى .  
 بو طاملە طاملە آقان مايە دە اويلە بر حال واردى كە انسان باقنجه بونلرك بر آز صوكرە  
 ميخانه يە استيلا ايدە جكنى ، اورادن سوقاقلرە طاشەرق پارسك اومعظم معدە سنى  
 طوليرمغە كيدە جكنى صانيولردى . ژرودەز بوتون وجودندن كچن بر رعشە ايلە  
 كرى چكىلدى :

— بن دە اما تحف انسانم ، ديدى ، بوما كنه يە باقدجە وجوديە بر اورپرە  
 كليور ، ايچكىدن دە اويلە اورپرييورم .

صوكرە دمىن حكايە ايتدىكى بختبارلق بختنە كچەرك :

— اويلە دكلى ، ديدى ، چاليشمق ، اكسكسز قالماق ، باشنى صوقە جق بر يوو اجنى  
 اولق ، چوجوقلرني بويوتەك ، ياتاغنە اولك « البتە دها ايدر .  
 قوپو علاوہ ايتدى :

— صوكرە ، طاياق يەمەك ... اكر ديدىكمە راضى اولورسە كز بن دە سزى  
 دوكم مادام ژرودەز ... بو يوزدن قورقويە محل يوق ، ايچكى ايچم ، اوندن صوكرە



سزى پك چوق سوييورم... بو اقشامه، راضى اوليورسكزيا؟ هم كزينيرز، هم ده اياقلىرىمىزى بر پارچه ايصيتمش اولورز.

ژروهز آلنده طوتدينى چاشير سپتيله ار ككلر آره سنده يول آچار كن قوپو، آغزىنى اونك تا بوينه ياقلاشديرمش، بو سوزلى خفيف بر سسله سويله يوردى. ژروهز پاش اشارتيله هپ «خاير!» دييوردى. مع مافيه آره لقدم بر كره دونيور، كولومسيور، اونك ايچكى قولالما ديغندن ممنون اواش كې كورونيوردى. اكر ار ككلرله دوشوب قالمايه جغنه يمين ايتمش اولماسه يدى محقق اوت دىردى. ميخانه نك قاپوسنه قدر كلديلر، سوقاغه چيقديلر. آرقه ده آسسوموار ميخانه سى جاده يه قدر طاشان قيصيق سسلرله، بوشالان قدحلك نشر ايتديكى ليكور قوقولريله حالا طوپ طولى ايدى. بابا قولومبه خرسز ديه باغيران، قدحنى يارى طولديردينى ايچون كورواتو ايدن مه بو طك سسى سوقاغه قدر كليوردى. ژروهز سوقاغه چيقتنجه:

— اوح، ديدى، انسان نفس آله بيلور. نه آرتق، اللهه ايصمارله دق موسيو قوپو، بن عجله دكانه كيتملىم.

بولوار استقامتجه كيده جكدى. فقط قوپو آلندن طوتدى و براقيوردى.

— بنمله برابر (غوت دور) سوقاغندن كچه كز اولمازى! مسافه اعتباريله ايكي سى ده بر... بنده ايشمه كيده جكم، فقط دها اول همشيرمه اوغرامق ايسته يورم. بر برهنه يولداشلق ايتمش اولورز.

ژروهز رد ايدهمدى. بر برينك قولنه كيرمكسزىن، پان يانه، پواسسونيه ر سوقاغننه طوغرو آهسته آهسته چيتمغه باشلاديلر. قوپونك آنه سى مادام قوپو اسكيدن بلك ديكككل تا مين معيشت ايدردى، فقط شيمدى كوزلى اى كورمديكى ايچون او ايشلريله اوغراشيوردى. كچن آيك اوچنده آلتش ايك ياشنه باصمشدى. قوپو، قارده شلر بلك كنجى ايدى. قيز قارده شلرندن برى مادام لورا اوتوز التى ياشنده بر طول ايدى. بر چيچكجى مغازه سنده چاليشير. باتيولده اوطوروردى. اوته كى همشيره سى لوريو اسمنده بر ساعت كوستكجيسيله اولمش، اوتوز ايكي ياشنده بر قاديندى. ايشته قوپو (غوت دور) سوقاغنده اوطوران بو همشيره سنه اوغرايه جقدى. همشيره سى صول قول اوستنده كى بويوك اوده اوطورييوردى، قوپو اقشام يمكى بوراده ييردى. يمك مصرفنه اشتراك ايتديكى ايچون بوندن همشيره سى ده، انشته سى ده، كنديسى ده كارلى چيقيورلردى. اوكون بر دوستنه دعوتلى اولدينى ايچون كنديسى يمكه بگلامه مه لرني سويله يه جكدى. قوپو بو تفصيلاتى ويرير كن ژروهز بردن سوزىنى كسهر ك صورتى:



— سزك بر آدكزده ( قاده قاسسى ) ميدر موسيو قوپو ؟  
— يوو... آرقداشلك طاقدقلى برلقب... چونكه بعض كره بنى زورلايوب  
ميخانه يه كوتوردكارى زمان بن ساده جه قاسسى ( بر نوع ايچكى ) ايچرم ده  
اونك ايچون بكا بو آدى ويرديلر... مع مافيه لقبم ( قاده قاسسى ) اولسون ده بو  
( چيزمه لرم معنا سنه در ) اولماسون ، دكلى ؟

— اوت حقكزوار ، هم قاده قاسسى فنا برلقب ده دكل ...  
ژروه ز قوپو يه نه ايشله مشغول اولديغنى صوردى . او قتر و واقوردونك آره سنه  
يكي يايلاقده اولان خسته خانه ده چالشيوردى . اوراده او قدر ايش رازكه  
بوسنه دن اول بيمسى ممكن دكل ... يوزلرجه مترو طامله لنى ايله مك ،  
آز ايش مى ؟

— بن طامدن سزك او طور ديگنر اوتلى راحت راحت كورسيورم . دون  
نجره او كنده طور سيوردى كز . قولى صاقلادم . فقط سز فرقنده اولما ديكز .  
قونوشه رق ( غوت دور ) سوقاغنده ايچه ايلريله مشلردى . بر آره لق  
قوپو طوره رق :

— ايشته آنهم ، ديدى ، بن بو آوده طوغمشم . ايچريسى او قدر بويوك كه  
عادتا بر قيشله كى ...

ژروه ز چكه سنى هوايه قالديرمش ، بنانك جبهه سنى سير ايديوردى . بوراسى  
سوقاق اوستنه بش قاتلى بر او ايدى . هر قاتنده صيره ايله اون بش نجره واردى .  
پانچورلى قارارمش ، معدنى اقسامى قيرلشدى . بو حاليله قوجه بنا خراب بر منظره  
عرض ايديوردى . زمين قاتى درت دكان اشغال ايتمكده ايدى : قاپونك صاغنده كى  
دكان كيرلى بر ميخانه ايدى . صولنده بر كومورجى ، اونك ياننده ايكنه ايلك  
صايلان بر دكان ، دها اوتده بر شمسياهى دكانى واردى . ايكي طرفندن ، صانكه  
ياپيشيق كى طوران ايكي آلچاق ، باصيق او آره سنه بنا دها معظم كورونيوردى .  
خارجدن باقىشى ، ياغمور آلتنده كوندن كونه چورويوب طاغيامغه  
يوز طوتان فنا ياپلش درت كوشه لى بر خرج ييغنى آكديرسيوردى .  
جوار بنالك طاملرى اوستندن سمانك براقلغنه طوغرو يوكسلن  
بو معظم كتله نك يان جبهه لرى صيوانماش ، چامور رنك كنده ، طبق حبسه خانه  
ديوارلى كى چير ييلاق ايدى . بوجبه لرده اوست اوسته بنممش طبقه لرك نهايتلرنده كى  
بوشلقلر هوايه آچيلمش فرسوده چكه لره بگزسيوردى . مع مافيه اصل ژروه زك نظر  
دقتنى جلب ايدن شى بنانك مدور ، معظم قاپوسى ايدى . بو قاپونك ارتفاعى  
ايكنجى قاته قدر يوكسليور ، آچيقلغندن باقيلديغى زمان تا ايلريده بر ايچ اولونك



صوآغون آیدینلغی کورونیوردی . قاپونک برسوقاق قالدیریمی کبی دوشهلی اولان اورتہ یرندن آچیق بررنکده برصو آقیرردی .

— کیریگز مادام کیریگز ، قورقايگز سزی بمنزل .

ژروہزایسه اونی طیشاریده بکلہ مک ایستہ یوردی . پونکل برابر کیرمکدن منع نفس ایده مدی . صاغ طرفده قاپوجی قادینه مخصوص اوطہ یه قدر ایلرله دی . اورایه کلنجه باشنی بردها قالدیرهرق باقدی . ایچریدن بنا آلتی قاتلی ایدی . ایچ اولونی دائراً مدار دوت جبهه احاطه ایدی یوردی . دیوارلر اسیر رنگلی ایدی . طاملردن آقان صولر تا یردن تپه یه قدر اوزون شرحه لر تشکیل ایتشدی . یالکیز صو اولوقلری بر قاتدن دیکرینه کچرکن دبرسک یاپیور ، بو دبرسک یرلرنده قورشوندن معمول شیلته جکلر برر لکه حالنده طور ییوردی . یانچورسز پنجره لر چیر چیملاق ، جاملرک رنگی بولانیق صولر کبی قویو ییشیل ایدی . بعضیلرنده ماوی بزدن معمول شیلته لہ لر هوالاندیرملق ایچون سیریش ایدی . بعضیلرینه برایب کریش ، بوایپارک اوستنه ارکک منتانلری ، قادین کوملکاری ، چوجوق طونلری ، خلاصه بوتون بر او چاشیرلری آصیلیمشدی . اوچنچی قاتده بر پنجره ده ، اوتہ سی بریسی کیرلہ نمش بر چوجوق یاتاخی واردی . یوقاریدن آشاغی یه قدر بوبنانک بوتون مسکینلری صانکه طارلفدن چاتلامش کبی یاریقی ایدی و بوتون بویاریقلردن ایچرده اوطورانلرک سفالتی کورونیوردی . اک آشاغیدم یوکسک وطار بر قاپودن بوتون قانلره چیتیا یوردی . ایشلنمہ مش بر تخته دن پایلہرق دیواره قونیلان بو قاپو آچیلنجه هر طرفی چاتلاق بر دهلیز کلیور ، بودہلرک بیتدیکی یردن دمیر پارمقلقلی بر سردیونک چامورلی باصامقلری باشلا یوردی . دمیر سردیون اک اوست قاتہ قدر دوت دفعه دونیوردی . بنانک زمین قاتلری تزدن سیم سیاه کسيلمش جاملرله آیریلان آتہ لیه لره تخصیص ایداشدی . برنده بر دمیرجی واردی ، اوجاگک آلہ ولری کورونیوردی . دها اوتہ دن بر طوغراماجینک رنده سندن چیققن سس ایشیدیل یوردی . قاپوجی قادینک اوطہ سنہ متصل اولان بر دیکری ده بویاجی دکانی ایدی . سوقاق قاپوسنک اورتہ سندن آقان بویالی صو ایشته بو دکاندن چیقیوردی . ایچ اولوده بویالی صولر ، طالاشلر ، کومور قیربنتیلری ، اوتہ ده بریده یتیشمش اوتلر ، خلاصه هر درلو لوئیات واردی و بر برتدن آیرلمش دوشمه طاملریله بو اولونی چیک بر کونش ضیاسی صانکه ایکی یه آیرمش کبی ایدی . کولسکه طرفنده بر چشمه واردی ، بو چشمه نک متصل آقوب طوران موصلقلرینک نشر ایتدیکی رطوبت ایچنده اوچ کوچوک طاووق ، یری غاغلایه رق بوجک وقیرنتی آرییورلردی . ژروہز شیمدی بطی نظرلرله بوبنای تا آلتنجی قاتدن باشلا یه رق آشاغی یه قدر سوزیور ، و بونک



دهشتندن اور كرك تكرر باشنى يوقارى يه قالدییور، كندینى جانلى برءضوايچنه، سانكه بر مملكتك قلبكاهته دوشمش ظن ایدەرك چوق بويوك برانسانله قارشى قارشى يه كلشجەسنه بر مصاق ايله بونايى تدقيق ایدیوردی .

ژر وەزك بودقتلى باقىشلرندن مراقلانان قاپوجى قادین ، قولبەسنك قاپوسنى آچەرق صورتی :

— برینى آرئیورسكز مادام ؟

ژر وەز برینى بکلەدیكنى سويلەدی وسوقاغه طوغرو دوندى . فقط قوپو حالا اینجه مشدی . ژر وەز تكرر اولویه کادی ،ینه باقىنمغه باشلادی . بنایى چیرکین بولیوردی . پنجره لره اصیلی طوران پاچاوره لر آره سندن بعض شن گوشه لری کورمك ده ممکندی . مثلاً بر صاقسینك اینجده چیچك آچش بر زتیق ، آره اقلرندن بلبل سسلری چیقان بر قفس واردی ، اشاغیده بر مرانغوز ، رنده سنك چیقاردیغی ایصلقلر آره سنده شرقی سويلیور ، دمیرجی دکانندن ایشیدیلن چکیك سسلری قالین بر چا كك مطرد آهنگنى وجوده کتیریوردی . صوکره آچیق طوران بوتون پنجره لردن ، اچرلرک منظره سفالتیه برابر کیرلی چوجو قلرک متبسم سهارلی کورونیوردی . آل ایشلرینك اوستنه اکیلەش قادینلرک ساکن پروفیللری بللی اولیوردی . اوکله یمكنی اولرنده یین ارککلر دکانلرینه کیدنجه قادینلرده کندی ایشلرینه باشلامشلردی . قوجه مان بنا درین برسکونته طالمشدی . اشاغی قاتده چالیشان ایشجیلرک برنقرات کبی ساعتلرجه سورن کورولتولرندن باشقه هیچ بر شی بو سکونتی اخلال ایتیوردی . اولو بر یارچه رطوبتلی ایدی...

ژر وەز دوشونیوردی : اکر کندیسنك بو اوده اوطورمسی لازم کلسه یدی تا آلت قاتده ، کونشلی طرفده بر یر انتخاب ایدردی . اولوده بش آلتی آدیم ایلریله اینجه برونه فقیر اولره مخصوص بر قوقو، توزلی واسکی یرلرک کیرلی وبوزوق قوقوسی کادی . انجق بویاخانه دن چیقان صولرک سرت قوقوسی بوپیس رایحه یی باصدیره بیایوردی . مع مافیه کندی اوطوردیغی (بون کور) اوتلنه نسبته بوراسنی دها آزنفا بولیوردی . بنانك صول گوشه سنده بر پنجره واردی ، ژر وەز بوراسنی کندیسسی ایچون موافق بولیوردی . بو پنجره نك اوکنه تحته بر صندوق قونلمشدی . صندوقك اینجده ، اینجه دالاری بر ایپه صارلغه باشلامش بر اسپانیا فاصولیه سی یوکسلیوردی .

دیرکن یاننده برسس :

— سزی چوق بکلەتدم ، دکلی ؟

— دیدی . ( قوپو ) کلشدی .



— یمکه کله دیکم کیجه لر آرتق بر مسئله اولور . هله بوکون ، فیز قارده شم طانه ائی صاتین آلمش .

ذاتاً شاشقین بر حالد طوران ژروهز (قوپو) نك بردن بره کلیو بر مسی اوزرینه اوافق بر رعشه کچیرمشدی . شیمدی اونکله برابر ( قوپو ) ده بنایی تدقیقه قویولدی :  
— اوه می باقیوردیکز ؟ باشند آشاعی قدر هر طرفی کیراده . ظن ایدر سه م اوچ یوز قدر کیراجی وار . نم او اشیم اولسه یدی بر راده اوافق بر اوطه کیرالایه جقدم .  
بوراسی نه راحت دکلی ؟

— اوت او یله اوله جق ... پلاسساند او طور دیغمز محله ده بیهل بو قدر غلبه لق یوقدی . مثلاً شو بشنجی قاتده کی پنجره ، هانی شو اوکنده فاصولیه صاقسیسی طوران پنجره یوق می ، باقک نه قدر خوش !

(قوپو) حالا اسکی تکلیفتمده اصرار ایدیور ، قادیندن موافقت چوایی آلمغه چالیشیوردی . بر قاریوله صاتین آلیر آلاماز همان اوراده بر اوطه کیرالایه جقاردی . فقط ژروهز بو تکلیفک تضیق آلتندن قور تولق ایچون یوریور ، ، قاپویه طوغرو ایلریله یوردی . بر طرفدن ده بو ابدالجه سوزلری براقسنی رجا ایدیور دی . بو تون بنا ییقیلسه ینه اونکله بر یورغان آلتنده یاتمغه راضی دکلدی . مع مافیه مادام فوقونیه نك دکانی اوکنه کلدکاری زمان ( قوپو ) اونک ائی بر مدت کندی آلتده طوتدی .  
ژروه زده یر دوست تسلیمیتله ائی ترک ایتشدی .

آره لرنده کی مناسبات دوستانه بر آئی قدر دوام ایتدی . ژروهزک کندینی تلف ایدنجه یه قدر چالیشمی ، چو جوقلرینه باقسی ، بو تون کون مغازه ده اوغراشدقن صوکره کیجه لری چو جوقلرینک دیکیشنی دیکمسی قوپونک حیرتی موجب اولیور ، اونده کی جسارتی تقدید ایدیور دی . کیجه صباحلره قدر سفاهت پیشنده طولاشان او کیری قادینلره بونک آره سنده نه بویوک فرق واردی ! ژروهز ، حیاتی پک جدی تلقی ایدن بر قادین اولمشدی . قوپو اونک بو حالنی کندیسنه آ کلاتیرکن ژروهز متواضعانه مقابله ایدردی . مع التأسف ظن ایتدیکی قدر او صلو عقلی بر قادین دکلدی . بوسوزی ایله ده ها اون درت یاشنده ایکن ارککلرله اولان مناسباتی ، والده سیله بر لکده ایچدیکاری اوقه لرله راقی بی آ کلامق ایسته دی .  
حیاتک تجربه لری صوکره لری اونی ده کیشدیرمشدی ، ایشته شیمدی قوپونک کوردیکی فرق بوندن ایلری کلیور دی . اونی عزملی بر قادین ظن ایدنلر آلدانیورلردی . بالعکس اوپک ضعیف اراده لی بر قادین ایدی . اونی نره یه ایسته رلر سه سور و کله مک ممکندی ، چونکه خاطر قیرمشدن پک قورقاردی . بو تون املی ناموسلی بر محیط ایچنده یاشامقدی . چونکه فنا محیطلر انسانک قفاسنه ایندیریلن



طوقاق ضربه لرینه بکزر ، برقادین بومحیط ایچنده پارچه پارچه اولور ،  
 عادتاً هیچ منزله سینه اینر . استقبال شیمدی اونک نظرنده هوایه آتیلان  
 ویره دوشونجه یازی می طغرامی هانکی طرفی اوسته کلهجکی بللی اولمایان  
 بر پاره یه بکزیوردی . تصادفک بو ایکی جبهه دن هانکیسینی کندیسنه  
 قسمت ایتدیکنی دوشوندکجه اندیشه دن تر دوکیوردی . تا چوجوقلفندن بری  
 کوردیکی شیلر بوکون کوزینک اوکنده بر صحیفه عبرت کبی آچیق طورییوردی .  
 فقط قوپو بومظلم دوشونجه لرندن طولانی اونکله آلائی ایدیور ، بودوشونجه لر  
 آره سنده اوکا جسارت ویرمک ایچون اوته سنی بریسنی چیمدیکیوردی . ژرومز  
 بوچیمدیک ضربه لرینه قارشى اونک آلنه شامارلر ایندیریوردی . قوپو آلابدن  
 خوشلانیان برآمدی ، اونک نظرنده استقبال اندیشه سی یوقدی . او کونی  
 کوننه چالیشانلردی . اوکا کوره برانسان ناصل اولسه باشنی صوقه جق بریووا ،  
 معده سینه یوارلایه جق برلقمه اکک بوله بیلیردی . محله خلقنک قولایلقله تمیزله نسی  
 ممکن اولان سرخوشلری خارجه برافیله جق اولورسه اوست طرفی انیسانلردی .  
 کندیسى ایسه نه فنا ، نه ده شیطان آدم دکلدی . بعضاً پک یولنده نطقلر ایراد  
 ایدر ، حتی آره صیره قادینلره قارشى ظرافت نیله طاسلاردی . دائماً دقتله طارادینی  
 صایچنک یان طرفنده منتظم برچترکی ، صیق صیق ده کیشدیردیکی کوزل قراواتلری ،  
 بازارلری کیدیکی برچیف پارلاق پوٹینی واردی . اوندن صوکره برمایمون قدر  
 مهارتلی ، کوزی ییلاماز ، پارسلی عمله لره مخصوص برشطارتله شن و تحف ایدی .  
 بر چوق دفعه لر بربرینک متقابلاً خدمتترینی کورورلردی . ژرومزک سوتی  
 قوپو آلیر ، ایشلرینی او کورور ، چاشیرلری او کوتوروب یرلرینه براقیردی .  
 آقشاملری اکثریا ایشدن ده ایرکن کلدیکی ایچون چوجوقلری آلیر ، بولوار  
 اوستنده تنزهه چیقاریردی . ژرومز بو نزا کته مقابله ایتش اواق ایچون اونک  
 طاوان آلتنده کی اوطه سینه چیقار ، البسه لرینی یوقلارو جاکتتک اکسیک دوکله رینی  
 تماملار ، منتانلرینک سوکوکنی دیکردی . اوتق آره لرنده بویوک بر تکلیف سزلاک  
 تأسس ایتک اوزره ایدی . ژرومز اونک زیارتندن صیقینتی طویمیور ، اونک  
 آره صیره کتیردیکی شرقی نوطه لرندن ذوق آلیوردی . پارس محله لرینک آلایحی روحنی  
 کویسترن بوشرقیلر اوکا کوره ییکی برشیددی . قوپو یه کلنجه ژرومزک اتکلری دیننده طولاشمقدن  
 متولد بر احتراض ایله او ، هر کون برپارچه ده فضلر آله وله نیوردی . قادینک سوداسنه  
 یاقالانش ، هم آدم عقللی یاقالانشدی . بو یاقه لانه کیت کیده اونى صیقه خه  
 باشلامشدی . واقعا شطارتنه هیچ خلل کله مشدی ، متصل کولوب طوروردی .  
 فقط بوقرارسز وضعیت اونک معده سنی اوقدر تضییق بضییق ایدیوردی که آرتق



بوايشارى تحف بولامغه باشلامشه. اوکا هر تصادفنده ايلک سئوالى شواولوردى. «دهامى؟» ژرودز، اونک بوسئوال ايله نهى قصد ايتديکنى آکلار، هر دفعه سنده وعدينى اوزانه رق آتى به تعليق ايدر، اووقت قوپو يکيدن طاقيلمغه باشلار، کويا اونى دوکمه کلش کبی آئنده تر لکلرله اوطه سنه چيقاردى.

ژرودز بوندن خوشلانير، اونک چاپقینجه و کتابه لى سوزلرندن هيچ قيزارمقسزین طاتلى طاتلى وقت کچيريردى. قابالق ايدوب اوستنه صالديرمامق شرطيله باشقه هر حاله مسامحه ايدم جکدى. يالکز بردفغه زورله اونى اوپمکه قالقيدشدينى زمان جانی صيقيلمشدى، قوپو بوتجاوزنده اونک صاحلرينى يولمشدى.

حزيران اينک صوکلرينه طوغرو ايدى. قوپونک نشئه سى قاقچشدى. آرتق، هيچ ده اسكى آدم دکلدی. ژرودز اونک باقىشلرندن قورقغه باشلامشدى. کيجه لرى قاپوسنک آرقه سنه صنداليه ماصه کبی شيلر طيامه دن ياتمازدی. بر آره لق بربرينه صورت ايتديلر، بر بازار کونندن صالى به قدر طارغين طورديلر. صالى اقشامى، کيجه ساعت اون بره طوغرو، قوپو کلرک ژرودزک قاپوسنى اوردی. قادين ايلک اوکجه قاپوي آچق ايسته مه دى. فقط سسس او قدر طاتلى، او قدر تترک ايدى که قاپونک آرقه سنه طيامش اولدينى قونصولی چکدى. ايچرى کيرديکى زمان ژرودز ايلک اوکجه اونى خسته صاندى. رنكى او قدر صارى، کوزلرى او قدر قيزارمش، يوزى اويله صرصر کبی بياض ايدى! آياقده طوربيور، ياشنى صاللايه رق ککه له مه نوعندن برشيلر سويليوردى. خاير خاير، خسته دکلدی. ايکى ساعتدن برى اوطه سنده آغلامقه وقت کچيرمشدى. قومشولر ايشيتمه سون ديه آغلارکن چوجوق کبی هپ ياصديغنى ايصيرمشدى. اوچ کوندر کوزينه اويقو کيرديکى يوقدى. بوبويله دوام ايدم مزدی. بونی آکلایرکن کوزينه ياشلر هجوم ايتدی، بوغوليور کبی بر حال اولدی:

— بنی دیکله يکز مادام ژرودز، آرتق بو حاله بر نهايت ويرمک لازم. کليور. اوله نعلیز، بن بويله ايستيورم، بوکا قطعياً قرار ويردم.

ژرودزک حاله بويوک بر شاشقینلق کلشدى. غايت جدی بر طور ايله، — آه موسيو قوپو، دیدی، اوله نمکدن نه اوکره نه جکسکز بيلم که... پک اعلا بيليورسکز، بونی بر ثيئى هيچ آرزو ايتمه مشدم. چونکه ايشمه کله يوردی. فقط شيمدی کورييورم که لطيفه ايتيورسکز، پک جدی بر تکليقه بولونيورسکز. اونک ايچون رجا ايدرم: اي دوشونکز.

فقط قوپو، صوکل قرارينى ويرمش بر آدم غزميله ياشنى صاللامقه دوام ايديوردى. او، کافی درجه دوشونوب طاشينمش، بو اقشامى خوش کچيرمک،



ایچون اوطوردینی اوطه دن بورایه اینشدی . طبیعیدر که اونی اوطه سنه نومید کوندورمه یه جک اوکا تکرار کوز یاشلری دو کدورمه یه جکدی . بوتون ایسته دیکیشی اونک آغزندن بر جواب موافقت آلمقدی . او بر دفعه اوت دیسون ، اوندن صوکره کندیسنی هیچ ازعاج ایتیه جکدی ، آرتق راحت راحت یاته بیلیردی . اوت ، بوتون ایسته دیکیشی اونک آغزندن بر اوت جوابی ایشیتمکدی . اوست طرفنی یارین کوروشورلردی . — مقصد کزی آکلایورم ، فقط او یله قولای قولای اوت دییه مم که ... ایلربده ، سزی عقلسزجه بر ایشه سوق ایتیش اولفله بنی اتهام ایتدیککزی ایسته مم . بو ایشده بو درجه عنادجیلک کوسترمه کز طه غرو بر شی دکل موسیو قوپو . بکا قارششی طویدیفکیز حسک نه ماهیتده بر شی اولدیفنی هنوز سز بیله بیلیمورسکیز . سزکله بحثه کیریشیرم : بنی بربری آردنجه سکیز کون کورمه یکنز ، بو حالکیز تمامیه زائل اولور . ارکککرا اکثریا بر کیجه ایچون ، ده ها طوغریسی ایلک کیجه نک خاطری ایچون اوله نیرلر ؛ اوندن صوکره کی کیجه لر بر برینی تعقیب ایدر ، کونلر بربری آردنجه اوزایوب کیدر و بوتون حیاتلرنده آرتق ایچ صیقیندیسندن قورتوله مازلر ... اوطورکیز شوراجغه ده سزکله قونوشه لم .

قوپو اوطوردی وفتیانی کسمکی اونو تدقلری بر مومک فئاتنویر ایتدیکیشی بوقارا کلق اوطه ایچنده صباحک برینه قدر ازدواج بحثی قونوشدیلر ، مناقشه ایتدیلر . یانی یاشلرنده ، ایکیشی عینی یا صدقده ، خفیف نفسلرله اویویان چوجوقلری اویاندر مامق ایچون آلقاق سسله قونوشیورلردی . ژروه ز ایکیده بر بحثی بونلره انتقال ایتدیریور ، آلیله قوپویه بونلری کوستیریوردی . کندیسيله اوله نیرسه ایشته جهاز اوله رق بونلری کتیره جکدی . تحف بر جهاز ، دکلی ؟ ژروه ز بواز دوا جدن قوپو حسابنه بر حجاب طویوردی . محله لی نه دییه جکدی ، بونی هیچ دوشونیور میدی ؟ بر زمانلر کندیسنی عاشقی لانتیه ایلله برابر کورمش اولان محله خلقی اونک بوتون سرگذشتی بلییوردی . آره دن ایکی آی کچمه دن باشقه بریسیله اوله نک هر حالده تمیز بر ایش صاییلمازدی . بوتون بومعقول سوزلره قوپو ساده جه اوموز سیلکمه کله مقابله ایدیوردی . محله لینک دیدی قودیشی اوکا ویز کلیردی . او باشقه سنک ایشلرینه قاریشیور میدی ؟ کندیسندن اول لانتیه ژروه زک عاشقی ایش ، اوت او یله ؛ فقط فنالق بونک نرسنده ؛ باشقه قادینلر ، هم پاره یه احتیاجی اولمایان زنکین قادینلر اولرینه چشید چشیدارکک طاشیمیورلرمی ؟ هیچ اولمازسه ژروه ز بویله برشی یا پاماشدی . چوجوقلره کلنجه ، آدم سنده ، اونلر کندی کندیلرینه بویورلردی . اوندن صوکره ال برلکیله ، او قویوب یازمه لرینه ده دقت ایدیلیردی . قوپو ژروه ز قدر جسور ، تمیز یورکلی ، ایی اخلاقلی بر قادین نرسده بوله بیلیر ؟ حتی بویله اولماسه ،



قالدیریلرده سورتن چرکین، حایلار، مستکره برقادین دخی اولسه اونک اومورنده دکلدی، چونکه قوپو ژروه زی احتراض ایله ارزوایدیوردی.

— اوت، دییوردی، سزه مالک اولق ایسته یورم آ کلا یورمیدسکز؟ بـم اوله کزی آرزو ایدیورم. آرتق بوکا قارشى بر شی دییه منرسکز آ!

وبو سوزلری سویلرکن یومروقلرینک مطرد ضربه لرله دیزینی دوکیوردی.

ژروه زیاواش یوموشامغه باشلامشدی. بوتون موجودیتنی قاپلایان بو قوتلی

احتراض ایچنده قلبنک، حواسنک ضعه اوغرادیفنی حس ایدیوردی. قوللری

یاننه دوشمش، سیاسنه درین بر حلاوت کلشدی. واقعا آره صیره ینه اعتراض

ایدیوردی. فقط بو اعتراضلرده اسکیزی قدر جسارت و قطعیت قالمامشدی. اوطه ناک یاری آچیق

نجره سندن نفیس بر حزیران کیجه سنک صیجاق نفسلری کیریور، قیر منیمتراق فتیلی

قارارمغه باشلایان مومک ضیاسنی اوتیه بریه صاووریوردی. درین درین

اویویان محله نک سکون خوابی ایچنده، جاده نک قالدیریمنه آرقه اوستی اوزانمش

بر سر خوشک چوجوق کبی هیچ قیر یقلری ایشیدیلیور، اوزاقده، تا اوزاقده، کیم بیلر هانکی

غازینونک بر کوشه سنده، بر کمان کج قالمش بر ليله سفاهتک اوستنه شوخ برقادریلک

نغمه لرینی یاغدی ریوردی. ژروه زک قوه مقاومتی نهایته کلشدی. آرتق صوصیوردی، یالکـز

دوداقلرنده مبهم بر تبسم واردی. بونک فرقنه واران قوپو آلرندن طوته رق

قادینی کندینه طوغرو چکدی. ایشته بچاره قادینک اک چوق قورقدیفنی شی

بو ضعف و تسلیمیت ایدی. قوپونک سوزلری اونک قلبنی او قدر الده ایتمش،

او درجه هیجان ایچنه آتمشدی که آرتق رد ایده من، خاطر قیرمه مازدی. فقط

قلایحی اوسته سی بونک معناسنی آ کلا یامادی. او، قادینک بیلکارینی قیره جق

قدر صیقیور، آرزوی تملکنی بهمه حالی تطبیق ایتک ایسته یوردی. بوندن طوبدقلری

خفیف بر آجی ایله بر آره لق ایکیزی ده ایکله یور کبی اولدیلر. بو ایکاتی صانکه

بر درجه یه قدر قیلرلنده کی حسن محبتی ممنون ایتمشدی.

قوپو صورتی:

— او حالده اوت دییورسکز دکلکی؟

— بنی چوق خیر پالایورسکز موسیوقوپو... اوت دیدیکیمی ایسته یورسکز؟

پکی او یله ایسه اوت! احتمالکه شو دقیقه ده پک بویوک بر ده ایملک ایشله یورز.

قوپو آیاغه قالدی، قادینی بلندن یاقه لادی و یوزینک راست کلن یرینه

قوجه مان بر بوسه قوندیردی. صو کره بو بوسه نک کورولتوسیه

چوجو ققلری او یاندیرمه قدن قورقه رق آیاقلرینک اوجنه باصه باصه یورودی

و آچاق برسسه:



— امان ياواش ، دیدی ، چوجوقلر اویانماسون ... یارین قونوشورز .  
اوطهسنه چیقدی . ژروهزك بوتون وجودی رعشه ایچنده ایدی . صویونق  
عقانه بیله کلیوردی . بر ساعت قدر اویلهجه یاتاغنك کنارنده اوطوردی .  
قوپونك حالی اوکا طوقونمشدی . حقیقه چوق ناموسلی برارکك ایمش ! چونکه  
بر آرهلق هرشی اولدی بتمدی ، آرتق اوطه دن چیقوب کیتمز صانمشدی . آشاغیده  
قالدیریم اوستنده ایکلهین سرخوش ، شیمدی یولنی شاشیرمش بر حیوان کبی  
بوغوق بوغوق حایقیریوردی . اوزاقده ، کمان صوصمشدی .

بوکیجه یی تعقیب ایدن کونلر قوپو ، ژروهزی همشیره سنك غوت دورسوقاغننده کی  
اوطهسنه کوتورمك ایچون چالیشدی . فقط اساساً قورقاق برخلقتده یارادلمش  
اولان ژروهز لوریو عائله سنی کیدوب زیارت ایتمکدن بالخاصه تدهش ایدیوری .  
قوپونك اونلردن قورقدیغنی پك آشکار ایدی . واقعا همشیره سی یاشیجه کندیسندن  
بونوك اولمقلا برابر اوکا قاریشه مازدی . آنه سنه سنه کلنجه شیمدی به قدر اوغلنك  
هیچ بر آرزو سنه قارشى طورمامش اولان اختیار قادین ازدواج خصوصنده  
بوتون قابیله موافقت کوستره جکدی ، بوکاده شبهه یوقدی . آنجق همشیره سیله  
انشته سی کونده اون فراتق پاره قازانیرلردی ، بواعتبار ایله بوتون عائله اوزرنده  
حقیق بر نفوذ صاحبی ایدیلر . بناءً عایه زوجیه سی اوله حق قادینی اونلره تقدیم  
ایتمه دن اول اوله نمك قوپو ایچون امکانسزدی .

ژروهزه ایضاحات ویریوردی :

— اونلره سزدن بحث ایتدم ، تصور منزه اونلرده واققدرلر . طوغروسى کیتمه مکده  
اصرار ایدیشکیز چوجوقلقدن باشقه برشی دکل . هایدی بواقشام کیده لم ... اونلرک  
نه چشید انسانلر اولدیغنی اولجه سزه سویله مشدم . بر دفعه همشیره م بر پارچه  
سرت قادیندر ، انشته مه کلنجه اوده هر وقت یوموشاق کورونمز وهیچ  
بریسى اوله نه جکمدن ممنون دکلدر . چونکه اوله ندکدن صوکره  
آرتق کندیلریله برلکده یمک یمه یه جکم . بندن یمک مقابلی آلدقلى پاره یی  
آرتدیریورلردی . آرتق بونی یاپامایه جققلر . مع مافیله نه ده اولسه سزی قوغه جق  
دکلر آ . . . هایدی خاطر م ایچون راضی اولکیز ، کوریورسکیز که بو زیارت  
الزمدن ...

بوسوزلر ژروهزی بوسبوتون قورقوتیوردی . بونکه برابر برجهه ایرتسی  
ایدی ، کیتمه راضی اولدی . قوپو ساعت سکیز بچغه طوغرو اونى آلمغه کلدیکی  
زمان ژروهز کینیمش ایدی : آرقه سته سیاه بر اثواب ، اوموزنده موسلیندن  
صاری ایشلمه لی بر آتقی ، باشنده کنارى اوافق دانته لرله سوسلی بر بیاض تاکیه واردی .



ژرروه ز آتی هفته دن بری ایشندن بر یکدیردیکی پاره نك یدی فرانگیله بو آتی نی ، ایکی بچق فرانگیله ده اوتا کیه نی آلمشدی . اثواب اسکی اثواب ایدی ، یالکز اوته سنی بریسنی دکیشدیرمش ، برپارچه تمیزله مشدی .

پوواسسونیه ر جاده سنده ، یوروپیورلردی .

— سزی بکلیورلر . آرتق تأهلمه آیشیرکی اولدیله . بو آقشاه ، کوره جکسکز ، نه قدر نازک طاورانه جقلر ... آلتون کوسه تکلرک ناصل یاپیلدیغنی بیلمیورسه کز بو آقشام کورورسکز . بازار ایرته سی به یتیشدیرلک اوزه عجله برسپارش آلمشله . ژرروه ز صوردی :

— اولرنده آلتون بولنورمی ؟

— البته ... دیوارلرده ، یرده ، هر طرفده آلتون طولو ...

کیده جکلری یره کلدیله ، بویوک قاپودن کچهرک اولویه کیردیله . لوریو عائله سی بنانک آلتنجی قاتنده اوطوریوردی . مرادیونلرینک باشنده B حرفی یازیلی ایدی . قوپو ، مرادیونی چیقارکن پارمقلغه صیقی صیقی طوتومسنی ، تا یوقاری قدر هیچ بر اقامسنی تنبیه ایتدی . ژرروه ز بر قفس کبی اوزانان مرادیونک عمقنه باقهرق کوزلرینی قیرپدی . هرایکی مرادیونده بر اوچ لامبه لی بر هوا غازی یانیوردی . اک صو کده کی لامبه قارا کلک بر سماده پارلایان بر ییلدیز کبی تتره ک ایدی . اوته کی لامبه لر مرادیونک نامتناهی حلزونیه انقطاعه اوغرایان ضیالر نشر ایدیورلردی .

برنجی مرادیونک صحنه گنه کلنجه قوپو حایقیردی :

— صوغانلی چوربا قوقیور . محقق بو قاتده اوطورانر بو کیجه صوغانلی

چوربا ایچمشله ...

فی الحقیقه B حرفلی مرادیونک اسم و کیرلی پارمقلنی ، یاغلی باصه ماقلری ، صیواسی کورونن دیوارلری سرت بریمک قوقوسیله مشبوع ایدی . هر صحنه گنه ایچرلرندن طنان بر طاقم سسلر ایشیدیلن قوریدورلره تصادف ایدیور ، طوقاقلری باغلی آلارک تماسیله قارارمش صاری بویالی قاپولر آچیلیور ، پنجره لرک حذا سندن متعفن بررطوبتله پیشمش بر صوغان قوقوسی کلیوردی . زمین قاتندن اعتباراً هر یرده طباق کورواتولری ، طاوه طاقیردیله ، دیبلری تمیزله نك ایچون قاشیقه قازینان تجره سسلری ایشیدیلیوردی . برنجی قاتده یاری آراق طوران بر قاپونک اوزرنده ژرروه ز شو یازی نی اوقودی : رسام . قاپونک اونه طرفنده ایکی آدم بر مشمع اوکنه اوطورمش ، پیپولرینک صاووردینی دومانلر آره سنده حدتلی حدتلی قونوشیورلردی . ایکنجی واوچنجی قاتلر ده



سکونتلی ایدیلر . بونلرک قاپوآره لقلرندن کاه بر بشیکک مطرد کورولتوسی ، کاه  
یر چوجوغک بوغوق کریه سی ، بعضاًده برقادینک طبق بر صوجریانی کی قیصیق  
بر میریلمتی حالنده اوزانوب کیدن کسکین سسی کلیوردی . بوقاتلره تصادف  
ایدن قاپولرک اوزرنده شولوحه لرواردی ، حلاج مادام غودرون ؛ مقوواجی موسیو  
مادینه ؛ دردنجی قاتدن بردو کوشمه سسی کلیودی : پینن آیاقلر آقنده دوشمه لر صار صیلیور  
موبیلیه لر یره یووارلانیور ، کفر وتوقات بر برینی تعقیب ایدیوردی . حالبوکه  
قارشى اوده اوطورانلر ، هوا آلمق ایچون قاپولرینی آچش ، راحت راحت اسقامبیل  
اوینا یورلردی . بشنجی قاته چیقنجه ژروه زک نفسی کسیلدی . بویله یوکسک یرلره  
طیرمانغه آلیشیق دکلدی . متصل دونه رک اوزایان بودیوار ، بویاری آچیق مسکنلر  
بر بری آردنجه کلرک صانکه قفاسنی چاتلاتیورلردی . اساساً بوقاتک صحنلغنده بوتون  
برعائله واریدی : پدرطوپراقدن معمول کوچوک براوجاق اوستنده یمک طباقلرینی ییقامقله  
مشغول ایدی ؛ والده آرقه سنی پارمقلغه طایامش ، اویقویه یا تیره جنی چوجوغنی تمیزله یوردی .  
قوپو ، یورغون دوشن ژروه زه جسارت و یرمکه چالیشیوردی . آرتق آلتنجی قاته چوق برشی  
قالمامشدی . نهایت . واصل اولدیلر . قوپو دونه رک ژروه زه باقدی و کولدی ،  
بوتسمله اونى تشجیع ایتک ایستیوردی . ژروه ز باشنی قالدیرمش ، دها مرادیوه نک  
ایلمک باصه ماغندن بری ایشیتدیکی سسک نره دن کلدیکنی آ کلامغه چالیشیوردی . بو  
نافذو براق سسس اوقاتک بوتون کورولتولرینه حاکم ایدی . نهایت آ کلاشیلدی : چاق  
قاتنده عادى بیکلره اثواب دیکن اختیار بر قادین شرقی سویلیوردی .  
اوآره لق عینی قاتده کی اوطه لردن برینک قاپوسی آچیلمش ، بر قیزغز آلنده  
بر صو قوواسیله کیرمشدی . ژروه ز قاپونک آره لغندن باقارکن انچریده قارمه قاریشیق  
بر یاتاق کوردی . آیاقدی ، جا کتسز بر آدم ، کوزلرینی هوایه قالدیرمش ،  
طوریوردی . قاپو تکرار قاپانجه ژروه ز بر قارت ویزیت اوستنه آل ایله یازیلش  
اولان شو کله لری اوقودی : اوتوجی مادمازل قله مانس . آلتنجی قاته واصل  
اولدقلری زمان باجاقلرنده تاب و توان قالمامشدی ، تنفسی طارالمشدی . صراق  
ایدوب بر دفعه ده یوقاریدن آشاغییه باقدی . بو سفر ییلدیز بی تیره یین لامبه  
اک آشاغیده یانان لامبه ایدی . بولامبه آلتی قاتلی بر قویونک دیدنده برایشیغه  
بکزییوردی ، قوجه مان بنانک بوتون قوقولری ، بوتون او خوموردایان حیات  
شیمدی بر اوچورومک کنارندن باقینان بو قاپونک اندیشه لی سیماسنه صیجاق  
بر نفس کبی چارپیوردی .

قوپو :

— دها بیتمدی ، بیتمدی ، اوف نه اوزون سیاحت !



صوله قوریدوره صاپدی . بردغه صوله ، اوندن صوکره بردغهده صاغه دوندی . قوریدور اوتدهده بریده متعدد قولاره آیریلهرق متصل اوزانیوردی . دیوارلر چاتلاق ، صیوالری دوکولاش ، اوزاقدن اوزاغه بعض نقطه لری خفیف برغاز لامبه سیله تنویر ایدلمشدی . حبسخانه یاخود مناستر قاپولرینه بکزه یین صیره صیره قاپولر، آرقه لرینه قدر آچیق ایدی . صیجاق حزیران آقشامنك اسمر بر بوغو ایله طولدیردینی حیات سعی وسفالت، بوتون چپلاقلغیله بوراده کورونیوردی . نهایت قاب قراکلق بر دهلیزه کلایلر . قوپو :

— کلدك ، دیدی ، دیواره اینی طوتونك ، اوککزده اوچ باصه مقلی بر مرادیون وار .

ژرودز ، ظلمت ایچنده اون اون ایکی آدم قدر احیاطله یورودی . بر آز صوکره آیاغی بر یره طوقوندی ، صایهرق اوچ باصا-ماق چیقدی . قوریدورک نهایتنه کلدکلری زمان قوپو اورمه دن بر قاپویی ایتهرک آچدی . قوتلی بر آیدینلق مدخلی تنویر ایتدی . کیردیلر .

بوراسی قوریدورک امتدادینی آکدیران طار بر اوطه ، یر آاتنك کیزلی یوللرینه بکزه یین بر شیدی . رنکی آتمش بر پرده اوطه یی ایکی یه آیریبوردی . بو دقیقهده پرده چکیلمشدی . بوایکی پارچه نك برنده ، بر گوشه یه یراشدیرلمش بر قاریوله ، اوزرنده حالا آقشام یمکنك بقیه سی کورونن بردوکه صوبا ، ایکی اسکمله ، بر ماصه ، اوطه ایله قاریوله آراسنه صیقیشدیر یله بیلیمک ایچون پروازلری کسيلمش بردولاب واردی . ایکنجی قسم اعمالا تخانه یه تخصیص اولونمشدی : تا گوشه ده کوروکیله بر آتش اوجاغی ، صاغده دیواره میخلانمش بر منکنه ، بر آتارک آلتنده بر چوق دمیر پارچه لری واردی . صوله کی پنجره نك یاننده ، اوزری مینی مینی کرپتیلرله ، ییچیلرله ، دستره لرله طولو اوفاجق بر تزکاه طوریبوردی .

قوپو یوک پرده نك یاننه قدر یاقلاشدقدن صوکره حایقیردی :  
— کلدك !

بوسس بر مدت جوابسز قالدی . ژرودز ، ایچریسی آلتون طولو بر یره کیرمش اولمقدن متولد برهیجان ایله قوپونك آرقه سننده کککایهرک ، باشنك اشارتیلرله ره وورانس لر یاهرق سلام ویریوردی . تزکاهک اوستنده یانان لامبه نك قوتلی ضیاسی ، اوجاقدن طوتوشان کومورک قیزیلانی هیجانی بوسبوتون آرتدیریبوردی . نهایت مادام لوریوی کوره بیلدی . قوپونك همشیره سی اوفاق بویلی ، قولارنکننده ، صاغلایجه یاییلی بر قادیندی . قوجه مان بر کرپتنله طوتدینی سیاه بر معدنی تلی قیصه قوللرینك بوتون قوتیه چکهرک منکنه نك اوستنده طوران بر حده نك دلیکلرندن کچیرمهک چالیشیوردی .



قوجه سی تزگاھك او كنده طور یوردی . اوده اوافق بویلی بر آدمدی ، فقط قاریسنه نسبتله اوموزلری دها جیلزدی . ا لنده طوتدینی کرپتنلرله او قدر نازك بر ایش کوریوردی که ناصیری پرمقلری آره سنده بونلر عادتا کورونیوردی . مسافرلر کلنجه ایلک باشنی قالدیران قوپونك انشته سی اولشدی . سیرهك صاحبزلرله دونامش اولان بو باش اسکی بر موم کبی صارارمش ، اوزامش ، خسته ایدی . — آ سزمیسکیز ، خوش کلدیکنز ... معلوم آ ، المزده کی ایش بر آزعجله ... بوراده طور مایکنز ، ایچری اوطه یه کیریکنز .

و بونی سویله یهرك ینه او مینی مینی ایشنه قویولدی . اوستنه ا کیلادیکی صویك پیشیلمتراق سطحنه لامبه دن قوتلی برضیا دو کولیوردی . بوسفر مادام لوریو سسله ندی :

— اسکمله لری چك ده اوطور ! بحث ایتدیك مادام بومی ؟ آ ، طوغروسی

پك ایی !

شیمدی صارمغه موفق اولدینی معدنی قلی اوجاغه کوتورمشدی . بوراده تحت بریلپازه ایله آتشی کورکله یهرك بردفعه ده پیشیریوردی . قوپو آلدینی اسکمله لردن برینی پرده نك کنارینه کتیرهرك ژروه زی اوطورتدی . و طه اوقدر طارایدی که کندیسی اونك آرقه سنه اوطورمشدی . انشته سیله همشیره سنك ایشلری حقنده ، اوموزندن قونوشه رق ، ایضاحات ویرمکه باشلادی . ژروه ز دها ایلک آدیعه اوغرا دینی طرز قبولدن مبهوت ، اوصاحبلرینك یان باقیدشلی آلتده یایه جغنی شاشیرمش ایدی . قولاقلری اوغولدا یور ، سویله نن سوزلردن برشی آ کلایه میوردی .

قوپونك همشیره سی اوتوز یاشندن چوق فضله اختیار کورونیوردی ، خرچین برطوری واردی . کوملکینك پریشانلی اوستنه طاغیلان اینك قویروغنه مشابه صاحبزلی کیرلی ایدی . اوندن بر یاش بویوک اولان قوجه سی عادتا اختیار ایدی . اینجه دوداقلر-ندن فنا خویلی بر آدم اولدینی آ کلاشیلیردی . آرقه سنده بر کوملک واردی . طوپوقلری باصیق بر چیفت ترلك ایچنده کی آیاقلری چوراب سزدی . ژروه زك اك چوق حیرتی موجب اولان شی اعمالا تخانه نك کوچوکلکی ، آلتلرک صولغون رنکلی ، طبق بر خرده واتجی دکاننده کی اشیا کبی قارمه قاریشیق طوران بو اوافق تفك شیرك کیریلکی ایدی . اوطه ده مدهش بر حرارت واردی . لوریونك یوزی ترطامله . لرله طولوایدی . بر آره اق مادام لوریوایش کوملگنی چیقاردی . قولاری چیرچیپلاق کوروندی ، ایچ کوملکی دوشوک مه لرینك اوستنه عادتا یاپیشمش کبی ایدی . ژروه ز ، خفیف برسسله ، صورتی :



— هانی آلتون؟

تجسسکار نظرلرله اوطه نك اوته سنی بریسی قاریشدیریور ، خیالنده تصور ایتدیکی آلتونی بومعدن پارچه لری آره سنده آراشدیریوردی .  
ژروه زك بو سؤالی اوزرینه قوپو کولومسه دی :

— آلتون می ؟ ایشته ناه ، شوراده ، بوراده ، باصدیفکنز یرده ، هر طرفده آلتون طولو !

قیز قارده شنك ایشله مکده اولدینی اینجه بر معدنی تلی ، دها اوتده دمیر تللردن مرکب بردمتی ا کدیران باشقه برکومه تلی ، دها صوکره دیوارده آصیلی ، منکنه نك یاننه طاقیلی طوران تللری کوستردی . بر آره لق درت آیاق اوستی بره ا کیله رک تحته یونغه لری آره سنده بر معدن پارچه سی بولدی . بومعدن پارچه سی باصلاشمس برایکنه نك اوجنه بکزیوردی . ژروه ز اعتراض ایتدی . بو ، آلتون دکلدی . بوسیاهم تراق معدن پارچه سی بردمیر قدر چیرکین منظره لی برشیدی . قوپو معدن پارچه سنی دیشله دی ، دیشلرینك اوستنده پارلاق برشی حاصل اولمشدی . بونی ژروه زه کوستره رک ایضاح ایتکه قویولدی :

آلتون صاحب لری بو معدنی ایشته بویله تل حالده عمله یه تسلیم ایدرلر ، عمله بونلری ایلک اوجنه حده دن کچیره رک آرزو ایدیلن قالینلنی ویریر . بالا آخره قیرماسون دییه بو عملیه بربری آردنجه بش آتی دفعه تکرار ایدیلیر . فقط بوچوق کوچ برایشدر ، قوت لازم ، مهارت لازم ... لوریو اوکسوروکلکی بر آدم اولدینی ایچون قاریسی اونی حده ما کنه سنه یاقلاشمقدن منع ایتمشدی . قادی نك کوچی قوتی بو ایشه او قدر کافی ایدی که صایچ قدر اینجه تللری بلامشکلات چکه بیلیردی . بو اثناده لوریونك اوکسوروك نوبتی طوتدی . اوکسوردیکی مدتجه اسکمله سنك اوستنده ایکی قات اولیوردی . هم اوکسوریور ، همده ژروه زك اولدینی طرفه هیچ باققسزین بوغولیور کی بر سسله :  
— دیره کی یاپدم بیتدی .

دیوردی . قوپونك اصرار یله ژروه ز قالفه رق تزکاهه یاقلاشدی . لوریو خورداندی ، فقط برشی دیعه دی . ژروه ز لوریونك یاپدینی ایشه باقیوردی : لوریو ، قاریسنك حاضر لادینی بر آلتون تلی غایت اینجه چلیکدن معمول بر معدنی چوبوغك اطرافنه صارمقله مشغول ایدی . بوایش بیتدکن صوکره خفیف بر دستره ضربه سیله بونی بویلی بویجه کسیدی ، کسک نقطه لردن لهمله دی بوندن بریغین یوزوك حلقه سی حاصل اولمشدی . بو حلقه لری برسیاه کومور پارچه سی اوستنه قویدی . یانی باشنده ، قیریق بر بارداغك دیننده طوران بوراقسدن برطامله



آلهرق اوستنه دوكدی و هیچ بکله مکسزین بوتون بوحلقه لری برقه بوجی لامبه سنك  
ایقی شعاعنه طوتهرق قیپ قیرمزی برحاله کتیردی. بویله جه یوز قدر حلقه یی یاپوب  
یتیردکن صوکره آلارینك متمادی تماسندن پاریل پاریلان تخته ترکاھك  
کنارینه طیانهرق ینه اوایجه ایشه قویولدی. بواشی اوقدرمطرد برانتظام دائره سنده  
یاییور، حلقه بربری آردنجه اوقدر سرعتله حاصل اولیوردی که ژه روهز بوعملیه یی  
آدم عقلی تعقیب ایدهرک بر فکر ایدنجه یه قدر زنجیر کوزی اوکنده اوزامفه  
باشلامشدی. قوپو ایضاح ایدیوردی :

— ایشته بوکا دیرهك دیرلر ، بونك درلو درلو نوعلری اولور : بویله  
مدالیونلره مخصوص زنجیر ، پرانغه . کمر صونفی ، ایپ . . . فقط لوریونك یاپدیفنك  
آدی دیره کدر. اوبوندن باشقه برشی یاماز .

لوریونك یوزنده برتدسم ممنونیت بیاردی. برطرفدن سیاه طیرناقلری آراسنده  
رنکی بللی اولمایان حلقه لری حده دن کچیریرکن دیگر طرفندن ده :

— باق، دییوردی، بوصباح کندی کندیه برحساب یاپدم. بوایشه دهاون  
ایکی یاشنده ایکن باشلامشم. اووقتدن بوکونه قدر قاچ مترو اوزونلغنده دیرهك  
اعمال ایتشم بییورمیسك ؟

صارارمش یوزنی قالدیردی، کوز باشلرله قیپ قیرمزی اولان کوزقناتلرینی قیرپشدیرهرق :

— سکز بیک متره! دیدی، آ کلا یورمیسك ، سکز بیک مترو ، یعنی ایکی  
فرسخلق بر مسافه . . . بوقدر اوزون بر ایهله محله نك بوتون قادینلرینك بوغازینی  
طولامق ممکندر. بوسکز بیک مترو هرکون دها آرتیور. یاقینده پارسدن ورسایه  
قدر اولان مسافه درجه سنده براوزونلق حاصل اوله جق . . .

ژروهز بوتون بو کوردیکی شیلرده کی چیرکینا کندن سقوط خیاله اوغرامشدی ،  
تکرار کلدی یرینه اوطوردی . لوریویه خوش کورونك ایچون ایه ته میهرک  
کولومسه دی . اولك اك زیاده صیقیلدینی شی ازدواجه دائر بر تك کله بیله  
قونوشولماسی ایدی حالبوکه اوکا کوره اک مهم مسئله بوایدی. ذاتاً بو اولماسه ییدی  
بوکون بورایه کلزدی . لوریو عائله سی کندیسنه قوپونك دلالتیه اعمالاتخانه یی  
کورمه کلهش مراقلی بر زیارتچی نظریله باقیورلردی . برمدت صوکره بناده کی  
کیراجیلره دائر بر محاوره باشلادی. مادام لوریو، هر دیونلری چیقارکن دردنجی  
قاندبردو کوشمه ایشیدوب ایشتمه دیکنی قارده شنندن صورتدی. بوقانده (به نار) عائله سی  
اوطورییوردی. قاری قوجه، صباحدن آقشامه قدر دو کوشورلر؛ قوجه سی هر آقشام  
اوه کور کوتوک سرخوش کلیر، قاریسی ده آغزی بوزوق برقادین اولدینی ایچون  
دنیا نك اك چیرکین شیلرینی سویلرطوروردی. اوندن صوکره، محاوره برنجی قانده کی رسامه



انتقال ایتدی . بونک آدی (بودکن) ایدی . ایزباندودیاپیلی ابری یاری برحریف ،  
 بوغازینه قدر بورج ایچنه باطمش برساخته وقار ، متصل سیفاره ایچنه ، آرقداشلریله  
 دائما باغیره رق قونوشان بر آدم ... موسیو مادیینه مک مقوی اعمالاخانه سنه کلنجه ،  
 دها دون ایشسزاکدن دولای عمله دن ایکسینه یول ویرمشدی . بوکیدیشه مغازه  
 طوب آمازسه چوق ای متصل سرما به دن ییور ؛ چوجوقلریزک آیانه بر طون  
 بیله آله میور . خلاج مادام غوردونک شیلته لری آتسی نه تحف شیدی ؛  
 قادینجیزینه کبه ، طوغروسی بو یاشیده هیچ یاقیش میور . بنا صاحبی  
 بشنجی قاتده اوطوران (قوکه ی) لره یول ویرمش ، چونکه اوچ آیلق  
 بورجلری وارمش ، فضله اوله رق دوشمه اوستنده اوجاق یاقیورلرمش ؛ حتی  
 کچن جمعه ایرتسی کونی آلتنجی قاتده اوطوران بکچی مادمازل (رومانزو) وقتنده  
 یتشمه یه ایمش اوفاق برچوجوق اوجاقده جایر جایر یانه جقمش .. اوتوجی مادمازل  
 قله مانسه کلنجه او ، کوکلی ناصل ایستهرسه اوله یاشایان بر قیزدر ، حیوانلره  
 یک زیاده محبتی وار ، معافیله اونک علینه فنا بر شیر سویله ندیکی یوق ، قابی  
 آتون کی تمیزدر . آنجق بو قدر کوزل بر قیزی هرراست کلن ارککک قوجاغنده  
 کورمک انسانه آجیمق حسنی ویریور . بوکیدیشه محقق کونک برنده قالدیرمه  
 دوشه جک .

بو آرهلق لوریواوکلهدن بری چالیشدینی بر کوستکک اوجنی قاریسنه اوزاته رق  
 — آل ، دیدی ، بونی طوغرولت !

وشقه یی ا زانمقدن خوشلانان بر آدم اصراریله علاوه ایتدی ؟

— یاپدیغم سکز بیک مترو زنجیرده علاوه درت بچق قدم بوینده بر زنجیر

دها ! بونکله وهرسایه بر آز دها یاقلاشمش اولیورم .

او بونی سویلرکن قاریسی تلی فرونه صوقوب چیقارمش ، حده دن کچیره رک  
 طوغرولتمه قویولمشدی . بونی متعاقب تلی اوزون صاپلی ، ایچی صو طولو بر اوفاق  
 باقر تجربه طالدیردی . قوپونک اصراریله ژرودهز بو صوک عملیه یی ده کورمک  
 ایچون یرندن قالدی . کوستک بو تصفیه عملیه سندن صو کره قویو قرمزی بررنک  
 آلمشدی . آرتق هر ایشی بتمش ، تسلیمه اماده بر حالد بولونیوردی .

قوپوینه ایضاحات ویرمکه قویولدی :

— رنکی بیاضلانمده دن صاآیلغه چیقارماز . بوندن صو کره سی . لاجیلرک

ایشیدر ، اونلر قماش پارچه لریله معدنی جلالارلر .

ژرودهزک تحمیلی قالمامشدی . اوطه نک کیتدکجه آرتان حرارتی ایچنده بوغولیور

کبیدی . لوریو اوفاجق یر جریان هوادن نزله اولدینی ایچون قاپوی دائما قابلی



طوتارلردى . حالا ازدواج بچى ايدليوردى . ژروەز قالقوب كىتمك ايسەدى .  
قوپونك اتيكنى خفيفجه چكدى . قوپو ژروەزك مقصدينى آكلادى . ازدواج  
بجشك بويلە قصداً سكوت ايله كچيشديرلسندن اوده صيقيلامغه باشلامشدى .

--- آرتق بز كيدهلم ؛ ديدى ، سزك ايشكنز وار .

بر مدت آياق اوستى ، يرندە صايار كې حر كترلە بگلدى . بلكە بر سوز  
سويلرلر ، بر ايمادە بولونورلر ظن ايدليوردى . نهايت مسئلەنى بالداك كنديسى  
آچغە قرار وىردى :

— لوريو ، دوكونمزدە زوجهك شاهدهى سز اولەجقسكنز ، بورجامزى  
رد ايتمىسكنز صانيرم .

كوستىكجى باشنى قالديردى ، صانكە بونى ايلك دفعە اولەرق ايشيدىيورمش  
كې بر حيرت علامتى كوستردى . بو آرملق زوجهسى ايشنى براقەرق اعمالاتخانةك  
اورتەسنە ككشدى . لوريو ميرلەنير كې بر سسلە صوردى :

— ديك كە ايش جدى ؛ سىك هرشيئك او قدر آلاى كە انسان آكلايه ميور .  
مادام لوريو ژروەزك يوزينە دقتلە باقەرق :

— ها آكلادم ، ديدى ، اولنەجكك قادين بو مادام دكلى ؟ بو خصوصە  
سزە ويرەجك بر نصيحتمن يوق كە ... چونكە ؛ معلوم آ ، اولەنك تحف بر  
فكردر . آنجق مادام كە ايكيكزده بونى موافق بولايورسكنز اولەنكز . هيچ اولمازسە  
اولەندككن صوكرە ازدواج اىي كىتمزسە كىمسە يە ديهەجك بر سوزكز قالماز .  
ذاتاً ازدواجلك هانكيسى اىي چىقيوركە ...

بوصوك سوزلرى سويلركن سسنى آغيرلاتمشدى . برطرفدن باشنى صالليور ،  
برطرفدن دە ژروەزى صانكە اثوابنك آلتندەكى چىپلاق يرلرينە وارنجه يە قدر  
تدقيق ايتك ايسە يورمشجه سنە تپەدن طيرناعە سوزيوردى . . نتيجه دە ظن ايتديكندن  
فضله اىي بولدى .

شىمدى سسنىە دها فضله قيصيقلق ككشدى :

— قاردهشم ديله ديكى كې حر كت ايتمكده حر در . واقعا عاٹلەسنە قالسەيدى  
باشقە تصورلردە بولونيوردى . آنجق ايشلر او قدر تحف بر رنك آليوركە ...  
بكا كلنجە بن بونك ايچون قاوغا ايدەجك دكلم . قادينلرك اك باياغيسى كتيروب دە  
بن بونكلە اولنەجكم ديسەيدى ينە « نە ياپارسەك ياپ ، بنى راحت براق » ديهەجكدم .  
مع مافيه بزملە برابر ياشامقندن بر ضرر ، بر راحتسزلق كورميوردى . حالندن بللى كە  
قارنى آدم عقللى طوييوردى . صيچاق كككى هر كون ساعتى ساعتنە حاضر بولوردى .  
بكا باقسەك آ لوريو ، مادام ، شو كنجلك كندە ورمدن اولن ( ترەز ) دە بگزە ميورمى ؟



توجه سی جواب ویردی :

— اوت ، آ کدیریور ...

— سزك فضله اوله رق ایکی ده چو جو غک زوار ، دکلی مادام ؟ ذاتا قارده شمه سو یله مشدم : ایکی چو جو قلی بر قادی نله اوله نمسی بر درلو عقم آلامدی ، بوکا جانکیز صیقلامسون مادام ، چونکه نه اولسه قارده شمدر اونک طرفنی التزامه مجبورم . ذاتا کورو نوشده ده او یله پک صا غلام بر قادی ن دکلسک ز . سن نه دیر سزك لوریو ، مادام او قدر کوچلی قوتلی کورو نمیور دکلی ؟

— اوت کوچلی قوتلی دکل .

واقعا با جاغ نك طوبالانندن بحث ایتمه دیلر . فقط ژرو هز یان باقی شلرندن ، دوداق بو کوشلرندن طوبالانغه تلمیح ایتمه کلرینی آ کلایوردی . او ، صاری طوقومه لی آ تقیسنک ایچنه صیم صیقی صارلمش ، صانکه بر حاکم قارشیدسنده ایمش کی تک مجه لی کله لرله جواب ویریوردی . قوپو زواللی قادی نك بو اضطرابی کورو نجه کندینی ضابط ایده میهرک حایقیردی :

-- بو دیدکلرکز هپ بوش شیلر . دو کون تموزك یکر می طقوزنجی جمعه ایرتسی کونی اوله جق . تقویمده حساب ایتم : ۲۹ تموز تام او کونه کلیور . ناصل ، اهشکزه کلیور می ؟

همشیره سی جواب ویردی :

-- بزه کوره هوا خوش . اساساً کلوب رأی می صورتی ده احتیاج یوقدی . لوریو شاهدکی قبول ایدرسه بوکا ممانعت ایده جک دکلم . بنم باشم دینج اولسون ده .. ژرو هز باشنی یره ایندیرمش ، نه ایله مشغول اوله جقنی بیلمه ین بر شاشقینلق ایچنده آیاغنی ، دوشمه نك اوستنی قاپلایان طالاش ییغینلری آره سنه صوقشیدی . صوکره اوراده بلسکه بر لزوملی بر شیئه طوقونمش اولق قورقوسیه آیاغنی چکهرک آلله ده دوشمه ینی یوقلامغه قویولدی . لوریو همان لامبه ینی یاقلاشدیره رق ژرو هزك پارماق لری آره سنده بر شی اولوب اولمادیغنی معاینه ایتدی .

-- پک دقت ایتک لازم ، چونکه آلتون پارچه لری قوندره نك آلتنه یاپیشیده انسان خبری اولمقسزین بو پارچه لری سوقاغه طاشیه بیلیر .

بو بحث اوزادجقه اوزادی : مال صاحب لری بر میلیگرام آلتونک بیه ضیاعنی قبول ایتمه دکلرینی سویلیدی ، منکنه نك آره لقلرنده قالان آلتون توزلرینی طوبلامق ایچون قوللاندینی طاووشان آیاغندن معمول فیرچه ینی کوستردی . بو صورته طوبلانان آلتونلر بر دری اوزرینه بریکدیریلیر ، اعمالاتخانه آنجق هفته ده ایکی کون قیزله تیر ، سوپرونتیلر هیچ آتیلماز ، بالعکس آتشدیه یاقیلیر ، کوللری



آله كدن كچريلير ، بعض آي بو كولارك ايچون يكرى بش اوتوز فرانلق آلتون چيقاريليرمش ...

لوريو بونلري آكلاتيركن قارىسى نظرلريله متصل ژروهزك قوندره لرني تدقيق ايدىوردى . بر آرهلق سوزه قارىشهرق :

— بونده قىزاجق نه وار ، ديدى ، شيمدى مادام كندى قوندره لرنيك طاباني معاينه ايدر ، آلتون توزى وارمى يوقمى آكلاشيلير .

ژروهز قىپ قرمزى كسيلمشدى . يره اوطوردى ، آياقلىرىنى قالديردى ، طابانلرينه هيچ بر شى ياپيشمامش اولديغنى كوستردى . بونك اوزرينه قوپو قاپىنى آچدى ، يوكسك سسله : « بون سوار ! » ديهرك چيقدى ، قوريدوردن ژروهزه سسله ندى . ژروهز ياقينده تكرر كوروشه جكلرينى واووقت انشااه دهاينى آكلاشه . جقلىرىنى تمنى ايدن نازكانه بر قاچ سوز سويله يهرك اودن چيقدى . حالبوكه لوريو ايله قارىسى بوسوزلرك هيچ برينه قولاق آصمتمسزىن ، اوطه نك قارا كلك كوشه سنده طبق بويوك بر فرونك قوتلى حرارتيله ناربيضا حاله كلكش صوك بر كومه ور پارچه سنى آكديران مينى مينى اوجاغك باشنده ايشلرينه قويولمشلردى . . كوملكنك بر دارفى اوموزينك اوستنه قايمش ، آتشك عكس حرارتيله دريسى قىپ قرمزى كسيلمش اولان مادام لوريو يوكيدن برتلى حده دن چكك مشغول ايدى . بونى ياقىق ايچون صرف ايتديكى قوتله بوينى شيشيور ، عضلاتى ايلك كى قيورم قيورم اوليوردى . قوجه سى صو قبار جفنك يشيل ضيا سى اوستنه اكيلمش ، كرپتنله بر حلقه يى اكككه ، بر طرفنى صيقيدشيره رق اوست حلقه يه كچيرمكه چاليشيور ، بوتون بو ايشلرى دائمى وميخانيكى بر عجله ايله كورر كن بر طرفدن ده بوينك ترلرينى سيليوردى .

كوزلرى ياشارمش اولان ژروهز قوريدورلردن قورتولوب صحنلغه چيقنجه كندىنى ضبط ايدمه يهرك :

— بن بو ايشده چوق بختيارلق كوره ميورم .

ديدى ، قوپو حدتلى حدتلى باشنى صاللادى . لوريو بو آقشامكى سوزلرينى اونو تماسون ، باق ناصل اونك يرونندن فتيل فتيل كتيره جكدى . نه چنكانه حريفمش بو ؟ او چ دانه آلتون توزى كيده جك قورقوسيله بوياپيلير شى ميدى ؟ بوتون بونلر خسيلا كدن كليوردى . قىز قارده شى غالبا كندى سنى هيچ اوله نمه يه جك ظن ايدىوردى . بوسايه ده هر كون يك پاره سندن درت ( صو ) قازانه جقلىردى . آرتق اونلر نه ديرلر سه ديسونلر ، ايش قرارلاشديرلمشدر ، ۲۹ تموزده دوكون اوله جقدر . قوپو ، قىز قارده شيله انشته سنه اهميت ويرنلردن دكلدى .

فقط ژروهز هرديونلرى اينر كن قلبنك حالا صيقيشيق اولديغنى طويور ،



پوره کنک ایچی کیرن بر قورقو ایلله ایشیناک اظرلرله پارمقلاک کیتدکجه آرتان  
ظلمتلرینی آراشدیریوردی . بوساعتده صدیونده کیمسه لر یوقدی . یالکز ایکسجی  
قاتک اوفاق ضیالی لامبه سندن چیتان بر ایشیق برظلمت قویوستی آکدیران  
صدیونک ایچنده برکیجه قندیلی کی یانیوردی . هرطرف اویویوردی . قاپالی قاپولرک  
آرقه سنده بویوک بر سکون حکم سوریوردی . یمکدن قاقار قالفماز کندیلرینی  
یاتاغ . آتان ایشجیلر بی تاب بر اویقویه طالمشلردی . بوسکون ایچنده اوتوجی قادیکنک  
اوطه سندن طاتلی بر قهقهه ایشیدیلیور ، بیکارینه اثواب یچمکله مشغول اولدیی  
مقاص ضربهلرنده آکلاشیلان بیکجینک اوطه قاپوسنده کی کلید آره لغندن ده برضیا  
حزمه سی انتشار ایدیوردی . آشاغیده . مادام غودرونک اوطه سنده بر چوجوق  
آغلیور ، کیجه نک ساکت وقارا کلق سکوتی ایچنده بویاجی قازانلرندن ده کسکین  
بر قوقو کلیوردی .

آلویه چیققلری زمان ژروهز آرقه سنی دونه رک بر دفعه ده بیا به باقدی .  
قرسز بر سما آلتنده شیمدی بنا اوکا بویوک کورونیوردی . کیجه نک  
ظلمتلری صانکه اونک بوتون چاتلاقلرینی اورتمش ، اوکا عادتاسیاده بر بادانه اورمش کبیدی  
بو قوسوم آلتنده جبهه اکنه بوینه اوزانیور ، یوکسلیوردی . کوندوزین  
کونش آلتنده قورومق ایچون قونولان پاچاوره لر شیمدی قالدیرلمشدی ، بنا شو  
دقیقه ده ده اچیللاق ، ده دوم دوز ایدی . قاپالی پنجره لر هپ اویقویه طالمشدی .  
بونلردن بعضیلرنده قوتلی برضیا کورونیوردی ، وبوضیا ایلله آجیق برر کوزی  
آکدیران بونجرلر صانکه قارا کلقلرده بعض نقطه لره کوزقیرپیور کبیدی . آشاغیدن  
یوقاری به قدر هرقاتک صحنه آچیلان بیاض پنجره لرده اسمر برضیا پارلیور ، بومنظرلر ایلله  
اوراسی ایچی تنویر ایدلمش طار برقوله یی آکدیریوردی . ایکنجی قاتده کی مقوا جینک  
اوطه سندن چیتان بر لامبه ایشیقی زمین قاتنده کی اعمالا تخانه لرک اوستنه چوکن  
ظلمتلری ده لهرک اولوک قارا کلکی ایچنده صاری بر اتک کی اوزانیوردی .

اوتوده ، چشمه نک ایی قاپاتیلماش موصلغندن بوقارا کلقلرک ایچنه طامله طامله  
صو آقویوردی . اووقت ژروهز بوقوجه مان بنا کندیسنک اوستنه چوکه جکمش کی  
برشی ، اوموزلرینی طوکدیران برصو وثوقلق حس ایتدی . حالا یوره کنده  
دمینکی قورقو حکم سوریوردی . صوکره لری بونی خاطر لادجه کندیسیدی ده کولردی  
او آره لق قویو سسله ندی :

— دقت ایدیکز ؟ —

بواخطار اوزرینه ژروهز اوکنه باقدی ، بویاخانه نک صولرندن اوراجقده قوجامان بر  
بریکینتی حاصل اولمشدی . بورادن قاپویه کچمک ایچون اویریکی نیتینک اوستندن آتلامغه مجبور



اولدی. او کون او صوبیر کینتیدی دها ماوی، طبقی او یاز کیجه سنک قیوما ویلککه بکیزه یین  
پررنکده ماوی ایدی، وقاپوچی قادینک کیجه لامبه سنده چیقان ضیا بو ماوی  
صو بریکینتیدی اوستنده ییلدیزلر یانمشدی.

### ۳

ژروه ز دو کوز صراسمی یاپیلدیقنی ایسته میوردی. بهوده پار، صرف اتمککه نه لزوم واردی؟  
هم بر پارچه ده اوتانیوردی. ازدواجنی بوتون محله لی به اعلان اتمکی فائده سز بولایوردی.  
فقط قوپو بوفکره معارضدی: هیچ اولمازسه اش دوستله برانکده بریمک یمکسزین  
أوله نمکده اولمازدی یا... ذاتاً بویوک برشی ده یاپه جق دکلردی که... او کون  
اوکلدن صو کره بر تنزه، بو تنزه دن صو کره ایلمک تصادف ایدمله جک لوقنطه ده،  
یریمک ینیله جک، ایشته او قدر... یمک نهایتنده نه موسیقه، نه قلا رنتا ساده جه بر  
قدح پارلاتیلاجق، اوندن صو کره هرکس اوینه یانمغه کیده جک.

دو کون وسیله سیله فصله ا کانجه یاپیلما یه جغنه دائر قوپونک و بر دیکی تأمینات  
اوزرینه ژروه ز موافقت ایتدی. آرقداشلر طاشقینلق ایتسونلر دبه قوپو کوزنی  
سفره دن آیرمایه جقدی. بوقرار اوزرینه آدم باشنه بش فرانق حسابیله یمک  
ترتیب ایتدی. بویک بولوار دولاشاپلده او کوستک کوموش دکرمن میخانه سنده  
ینیله جکدی. او کوست اوجوز فیثالی شراب صانتان بر میخانه جی ایدی. دکانک نا آرقه  
طرفنده، اوچ آقاسیا آغاجنک سوسله دیکی بر اولونک اورتیه سنده دنسه مخصوص  
بر پرده واردی. دو کون ایچون میخانه نک کندیسی کافی ایدی. قوپو اون کون  
ظرفنده همشیره سنک او طور دینی اوده کی کیراجیلردن دعوتلی تدارک ایتدی: بودعوتلیار مادام  
مادینه، مادمازل ره مائره، مادام غودروز و قوجه سی ایدی. قوپو بونلرله برابر بی لاغری یاد  
ایله (مه بوط) ی دعوت ایچون ژروه زک موافقتی آلمشدی. واقعا مه بوط عیاش بر  
آدمدی، فقط او یله ا کانجه لی بریمک پیشی واردی که هر ضیافته اوتی چاغیریرلردی.  
او بر او طور یشده اون ایکی لیتره ا کمکی یوتارکن لوقنطه جینک حالی کوروله جک  
شیدی. ژروه ز کندی طرفندن دعوتلی اوله رق دکان صاحبه سی مادام فوقونیه  
ایله قاپوچی مادام (بوش) ی وزوجنی کثیره جکدی. بونر ده پک ایی انسانلردی. خلاصه  
سفره ده دعوتلیار اون بش کشی اوله جقلردی. بوقدری کافی ایدی. فضله غلبه لق  
اولورسه ا کثریا ضیافت صو کنده غوغا اولوردی.

آنجق قوپونک جبنده بش پاره یوقدی. بونک ایچون لزوم سز یره شاماته  
یا بمقدن ایسه ناموسکارانه حرکت اتمکی ترجیح ایدیوردی اونک ایچون باننده چالشدینی



دكان صاحبندن اللى فرانىق بورج آلدی . بونك طقوز فرانغیله بر آلتون نشان حلقه سی تدارك ایتدی . بوحلقه اساساً اون ایکی فرانىق قیمته ایدی . فقط لوریو، اصل فابریقه سندن بونی طقوز فرانغه آلمشدی . اوندن صوکره کندیسى ایچون بر ردینفوت ، بر پانطالون ، بر یاک ایصارلادی . بونلری دیکه جک اولان ترزییه علی الحساب یکره بش فرانىق ویردی . پارلاق پوطينلری هنوز کییه یله جک حالد ایدی .

ژروه زله کندیسى ایچون یك پاره سی اوله رق بشر فرانقدن اون فرانىق ده آیرنجه کرییه آلتی فرانىق قالیوردی . بونکله ده کلیساده یاپیله جق آیینک مصرفی اوده یه جکدی . واقعاً پاپاسلردن خوشلانمزدی . اونلر قوپونک ویره جکی آلتی فرانغه هیچ محتاج دکلمردی . صوک پاره سنی کوتوروب بونلره ویرمک یوره کنی صیقیوردی . فقط کیم نه دیرسه دهمون کلیساده آیین یاپیلمه سزین ازدواج اولمازدی . حتی بالذات کلیسایه کیده رک پاپاسله بازاراق ایتدی . کیرلی قیافتلی ، اوفاجق بویلی اختیار بر پاپاسله بواپش ایچون بر ساعت نفس توکه تدی . پاپاسه کلاه کییدیرمک ایسته یوردی . بر آره لق لطیفه قبیله نندن کلیساده کلپیر نوعندن اوجوز بر آیین بولونوب بولونما دیغنی صورتدی . اوت اوجوز ، کلپیر بر آیین ، فقط پک کهنه اولماسون ... پاپاس بولطیفه دن خوشلانمادی ، دینی بو طرزده آلایه آلان بر آدمک ازدواجنی جناب حقک تقدیس اتمه یه جکنی حدتله سویلیدی ، فقط کیت کیده یوموشایه رق بش فرانغه راضی اولدی . بوندن ده بر فرانىق قازانمشدی . ایشته کندیسنه قاله قاله بوپاره قالیوردی .

ژروه زه کلنجه اوده دو کوننک تمیز اولسنى ایسته یوردی . دو کون تقرر ایدنجه کیجه لری چالیشمق صورتیله اوتوز فرانىق بریکدیردی . پوواسسونیه رجاده سنده کوردیکی قیصه بر ایك مانطویه پک ایمره نمشدی . اون اوچ فرانغه بونی صاتین آلدی . مادام فوقونیه رک اونده اوطوران بر آدم واردی . بو آدمک قاریسی وقتیه وفات ایتمشدی . بوندن ماوی رنگلی بویوک اثواب قالمشدی . ژروه ز اون فرانىق ویره رک بواثوابی آلدی ، بونی کندی بویه کوره اصلاح ایتدی . کری قالان یدی فرانغه پاموقدن بر چفت آلدون ، تا کیه سنه برکل ، بویوک بر چوجوغی قلوده بر چفت آباق قابی آلدی . چوق شکرکه چوجوقلرک کییه یله جک بلوزلری واردی . دوت کیجه بوتون بونلری تمیزله مکله وقت کچیردی ، چورابلر کده و کوملککنده اک اوفاق ده لیکه وارنجه یه قدر هر شیئی تعمیر ایتدی .

دو کون کونندن بر کون اون ، جمعه کونی آقشای ، ژروه ز وقوپوایشلارندن دو نجه ساعت اون بره قدر کزیندیله . اون برده اولرینه دونه رک بر ساعت قدر ژروه زک اوطه سته اوطوردنلر . اسکیدن بویله باش باشه قالدجه صیقیلیرلردی .



شیمدی بوصیقینتی قالمامشدی و بوندن ایکسی ده ممنون ایدیلر. او قدر یورغون دوشمشلردی که اوطه لرینه چکیلدکاری زمان ایکسی ده آیاقده اویو یورلردی. مع مافیله باشلرندن بر درد قالدیغی ایچون شیمدی کنیش نفسلرینی آله بیلورلردی. بوتون ایشلر یولنه قونولمشدی: قوپونک شاهدلری موسیو مادینه ایلله بیی لاغریاد ایدی. ژروه زک شاهدلری ده (لوریو) ایلله (بوش) اوله جقدی. ایلک اولجه درت شاهد، ایکی ده کندیلری، آلتی کشی بلدییه واورادن کایسایه کیده جکلردی. بو مراسم ائناسنده پیلرینه فضلله غلبه لاق طاقق ایسته میورلردی. حتی قوپونک ایکی قیز قارده شی، بومراسمده کندیلرینک بر ایشی اولمادیغی ایچون اولرنده اوطوره جکلردی. یالکز قوپونک آتیه سی آغلادی صیرلادی، بهمه حال مراسمده حاضر بولونمق ایسته یوردی. مراسمی بر کوشه د سیر ایتکه بیله راضی ایدی. نهایت بونی ده کوتورمکه موافقت ایتدیلر. اوتنه کی دعوتلیر تام ساعت برده کوموش دکرمن میخانه سنده حاضر بولونه جکلردی. اورادن شمندوفرله (سن ده نیسی) طرف لرینه کیدیله جک، بر قیز تنزعی یاپیلهرق اشتیالر تسکین ایدلدکن صو کره یایان دونوله جکدی. کورونوشه کوره اکلنجه پک کوزل اوله جقدی. بر پارچه آلا ی ایدیله جک، فقط خوش، ناموس کارانه بر اکلنجه اوله جقدی.

قوپو، جمعه ایرتسی صبحی یکی البسه لرینی کیه رکن جیبنده قالان بر فرانژی دوشونهرک بر اوزونتو طویغه باشلادی. شاهدلره برر قدح شراب، برر پارچه ژامبون اکرام ایتکه نزا که مجبور اولدیغی خاطرلادی. اوندن صو کره هیچ تخمین ایدلمه ین بعض مصرفلرده چیه بیایردی. هر حالده بر فرانق بونلره کافی کلزدی. بونک اوزرینه قرار ویردی: قلود ایلله آتیه نی مادام بوشه کوتوروب بر اقدقندن واقشامه یمکه چوجوقلری ده بر اکلده کتیرمسنی رجایتدکن صو کره طوغروجه غوت دور سو قاغنه کیده رک انشته سندن اون فرانق اودونج ایسته یه جکدی. واقعا بویله بر طلب قارشیسندن انشته سنک ناصل صورت ایددجکنی بیلور، بونی دوشوندکجه بوغازی صیقیلیر کی اولیوردی. نته کیم تخمین وجهله لوریو خومورداندی، فنا بر حیوان کی صیریتدی، مع مافیله نتیجه ده پاره یی ویردی. انشته سی پاره یی ویریرکن قیز قارده شی دیشلرینک آره سندن مستهزیانه:

— نه اعلا باشلانغج!

دیوردی: بونی قوپو ایسته مشدی.

بلدییه ازدواج مراسمی ساعت اون بچقده اوله جقدی. هوا پک کوزلادی. شدتلی بر کونش جاده یی یاقوب قاووریوردی. کلین کووه کی، مادام قوپو وشاهدلری یولده نظر دقتی جلب ایتهمک ایچون ایکی قافله اولدیلر.



اك او كده ژرودز ، لوريونك قوننه كيرمش ، يوريوردى . موسيو ماديئيه قواني مادام قوپويه ويرمشدى . قارشىكى قالدريمدهده ، يكرمى آدېم كريدن قوپو ، بېي لاغرياد وبوش ، اونلرى تعقيب ابديورلردى . اوچنكده آرقه سنده سيپاه رهدينغوتلر واردى . اوموزلرى قالقىق ، آلارى يانلربنه صارقش ايدى . (بوش)ك آياغنده صارى بر پانطولون واردى . يالكز بېي لاغرياد كييدىكى ردينغوتك دوكمه لىنى تا بوغازينه قدر ايليكلمش ، ساده بويننه بر ايب كې طولادېنى قراواتك بر كوشه سى كورونيوردى . ايچلرنده يالكز موسيو ماديئيه فراق كينمىشى . بو فراقك اتكلى دوت كوشه ايدى . يولدن كچلر يشىل آتقىلى ، سيپاه تا كيهلى قيرمىزى قورده لالى مادام قوپونك ايرى جشهنى قولنه طاقه رق يوروين بو آدمى سىر ايتك ايچون طور يورلردى . ژورهك خلاوتلى بر سىماسى واردى . آچىق ماوى رنگلى اثوابى ، اوموزلرىنى صيقان طارمانطوسى ايچنده شن كورونيور ، هوانك صيجاقلغنه رغماً كيندىكى چوال چىمى قوجه مان بر ۱۰ الط ايچنده غائب اولان لوريونك لطيفه لىنى جيله كارانه ديكليوردى . بعضاً كونش باشلرينه كلدكجه آرقه سنده دونه رك كونشك ضيا سيله پارلايان يكي اثوابى ايچنده صيقيلدېنى حس اولونان قوپويه ظريف بر تبسم كوندريوردى .

يولده يك آغىر يورودكلرى حالده بلديه دائيره سنده وقت معيندن ياريم ساعت اول كلكش لردى . اساساً بلديه مديرى ده بر پارچه كچ قالمشدى . اونك ايچون ساعت اوننه قدر صيره بلكه ديلر و نوبتلرينه انتظاراً سالونده برر اسكمله يه اوطورديلر . يوكسك طاوانه ، جدى منظره لى ديوارلره باقىورلر ، خدمتجى هر كلوب كچدكجه نزاکة اسكمله لىنى كرى چكك صورتيله او كا يول ويريورلر ، آره ده صيره ده آچاق سسله قونوش يورلردى . بلديه مديرينك كچ قالمىنى كندى آره لرنده ايضاح ايد يورلردى : كيميسى . طاقا سو كيميسنك باجاقلرنده كى صيريلرى اوغدير مقله مشغولدر ديور ، كيميسى يولده كلير كن رسمى قوشاغنى يوتمشدر . اونك ايچون كله ميورد يورلردى . دير كن بلديه مديرى كورونجه هپسى بردن حرمتكارانه آياغه قانقديلر . مدير اوطورملرىنى اشارت ايتدى . كنديلرندن اول اوچ ازدواج مراسى اولدى . بياض اثواب كينمش كلينلر ، صاچلرى قيوريلش ، بللرينه پنبه قوشاقلر صارمش كنج قيزلر ، كبار طورلى قادين و اركل قافله لرى بربرى آردنجه كچوب كيتديلر . صيره كنديلرينه كلوب چاغيرلدقلى زمان آز قالدى ازدواجلىرى پايله ماياجقدى چونكه شاهدلردن بېي لاغرياد اورته دن غائب اولمشدى . (بوش) اونى سوقاقده ، پپوسنى ايچر كن بولدى . كنديلرينك ازدواج مراسى او قدر چابوق بايلدى كه بلديه مأمورى قانونك ازدواجه متعلق ماده سنى او قدر سرعتله



اقودی ، معتاد اولان سؤالرك ايراسی ، وثیقه لره امضا وضعی اودرجه عجله بیتدی که کندیلرندن اولکنه نسبتله مراسمک یاریسی خذف اولوندیغنه ذاهب اولدیلر . ژرودز تأثر دن مندیله دوداقلرینی قاپایور ، مادام قوپو حرارتلی کوز یاشلریله آغلیوردی . هرکس بلدییه دفترلی اوستنه اکیلمش ، اکری بوکری بریازی ایله امضالرینی قویورلردی . یالکیز قوپو یازمق بیلمه دیکی ایچون امضا برینه بر خاچ چیزمشدی . هر بری فقیرلر ایچون آلتی ( سو ) صدقه ویردی . داثره خدمتجیسی ازدواج وثیقه سنی قوپویه تودیغ ایدنجه ژرودز دیرسکیله دورتدی . بونک اوزرینه خدمتجیه بش ( سو ) ویردی و

بلدییه دن کلیسایه اچجه مسافه واردی . یوله ارککار طورهرق برر قدح بیرا ایچدیلر . ژرودز ایله مادام قوپو برر قدح صولی قاسسی آلدیلر اوندن صوکره قیز غین بر کونشک عمودی شعاعیله طوتوشان کولکه لکیز بر اوزون جاده بی طوتدیرهرق یورومکه باشلادیلر کلیسا خدمتجیسی بوم بوش کلیسا ایچنده کندیلرینه منتظر ایدی . خدمتجی هم اونلری کلیسا ایچنده کی اوافق شاپهله کوتوریور ، هم ده کیچ قالمالری عادتادین ایله استهزادیمک اولدیغنی سویله بهرک چیقیشیوردی . دیر کن عبوس طورلی ، آجلقدن یوزی صرارمیش بر پاپاس کنیش آدیملرله یورویه رک کلدی . اوکی صیره کیرلی البسه لی بر پاپاس یاماغی یورویوردی . پاپاس افندی لاتینجه جمله لری یاری یاری به یوته رق ، کاه دونه رک ، کاه اکیله رک ، بعضاً قولارینی آچه رق ، بعضاً کلین کووه کی به وشاهدلره یان کوزله باقه رق آیینی چارچابوق بیتیردی . کلین کووه کی محرابک اوکنده دوریورلردی . نه زمان دیز چوکمک لازم کلدیکنی ، نه وقت اوطوریلوب قالفیله جغنی بیلمدکاری ایچون پاپاس یاماغنک اشارتیه باقیورلردی . شاهدلر رابطه لی کورونمک ایچون هپ آباقده طورییورلردی . اوته طرفده مادام قوپو بر قومشوسندن امانت آلدیغی بردعا کتابنک اوستنه اکیلمش ، حرارتلی کوز یاشلریله آغلیوردی .

بو اثناده اوکله اولمش ، صوک دعا اوقونمشدی . کلیسانک ایچی بکجیلرله طولمشدی . بونلر اسکمله لری یرلی برینه قویورلردی ، باش محرابی بر بویوک آیین دینی ایچون حاضر لایورلردی . اوته یه بری به خالی میخلایان دوشمه جیلرک چکیجیلرینک سسی ایشیدیلیوردی . ایشته بو دقیقه ده ایدی که خدمتجی نک اورته لنی تمیزله یین سوپور که سندن قالفان بر توز بولوطی آره سنده عبوس صوراتلی پاپاس قورو الارینی سریع حرکتلره ژرودز و قوپونک باشلری اوستنده کزدیریور ، کلیسانک اشیایی ایکی مهم آیین آره سنده اوته یه بری به داغیلمش ، کلیسا بونون روحایتدن صیریلوب چیقمش اولدینی بر صیره ده بو ایکی انسان تشریک مفدرات ایدیورلردی . جماعت بردفعه ده بوراده بر



دفتره امضا آتەرق کلیسا قاپوسنك او كنده كوشك مبدول ضیاسیله قارشیلانجیه درت نعله قوشدیرمش اولمقدن متولد بر شاشقینلق ایچفده حیزلی حیزلی نفس آلفه باشلامشدی . قوپو ، صیقیلدیغنی کوسترن بر تبسمه :  
— بوده اولدی .

دیدى . اولدیغی یرده صالانوب طور ییوردی . هر حالده صباحدن بری یاپیلان بو شیلری هیچ ده اکلنجهلی بولامشدی . بونکله برابر ایشی آلایه اوردی :  
— نه ده چابوق اولدی ! ... انسان کوزینی آچوب قاپانجه یه قدر اوله نیویریور . هانی دیش حکیملری دها اوف دیعدن بردیشی ناصل سو کوب چیقاریرلرسه پاپاسلرده انسانی هیچ آجی طویقمسزین اوله ندیریورلر .  
لوریو مسهزیانه :

— اوت ، دیدی ، چوق تمیز ایش . . . بش دقیقه ده یاپیلیور اما ، بوتون بر عمره سوریور . . . زواللی قاده قاسی ، سن ده یاقالاندک !  
شاهدلر کدی کی قاباران قوپونک آرقه سنه اوردیلر . بو ائاده ژروهمز نمناک کوزلریله مادام قوپوی اوپیور ، اختیار قادینک کسیک جمله لرله صوردینی سؤالره جواب ویریوردی :

— مصراق ایتهمیکیز ، ائلدن کان یاپاجم . اگرینه موفق اوله مازسه م قباحه بنده دکلدیر . چونکه بنده بختیار یاشامنی ایسته یین بر قادینم . هم بیلسه کز نه قدر آرزو ایدیورم ! شیمدی اوله ندک ، بوندن صو کره سی ایکیمزه عائددر ، آی کیچنمک ایچون بوتون غیرتمزی صرف ایتلی بز .

کلیسا دن چیقنجه طوس دوغرو کوموش دکرمن . میخانه سنه یوللاندیلر یوله قوپو قاریسنک قولنه کیرمش ایدی . صانکه بر روزکار اونلری سوروب کوتورییورمش کی حیزلی حیزلی یورییورلر ، کولییورلر ، اطرافلرینه باقییورلر ، نه اولری نه یوله کلوب کچنلری ، خلاصه هیچ بر شیئی کورمه یه رک ایکی یوز آدیم ایلربدن کیدیورلردی . جاده نک قولاق زارینی پاتلاتاجق قدر قوتلی کورولتوسی اونلرک قولافلرنده کلیسا چاکلری کی عکسلر یاپیوردی . میخانه یه کیرر کیرم قوپو ایکی لیتره شراب ، اکمک ، ژامبون ایصمارلایه رق زمین قاننک جانلی اوطه سنه کیردی . بوراده نه طباق ، نه ده سفره واردی . اساساً بورایه کیرمکدن مقصدلری صافره باصدیرمقدی . فقط ( بوش ) ایله بیی لاغریادک اشتهالی اشتهالی یمک ییدکلرینی کورونجه بر لیتره شرابله بر پارچه پینیر دها ایصمارلادی . مادام قوپونک قارنی آجینمامشدی . ذاتاً او ، یمک ییه میه جک قدر یورغون دوشمشدی . صوسزلقدن بوغازی یانان ژروهمزرنکی



قرمزی به چالان شرابی قدح قدح ایچپوردی . قوپو :  
— بو مصرف بکا عاآددر .

دییه ركه تزگاهه کیتدی ودرت فراتق بش سو پاره ویردی .  
ساعت بر اولمشدی . دعوتلیلر برر برر کلیورلردی . ایلک کلن مادام فوقونیه ر  
ایدی . مادام فوقونیه ر کوزللكی هنوز ضایع اولمامش شیشمان برقادیندی . اوزری  
چیچك باصقیلی ، خام ایپکدن بر اثواب کینممشدی . بوینده پنجه بر قراوات ، باشنده  
چیچكلرله محمول بر تاکیه واردی . اونی متعاقب ، یاتاغه کیررکن ده آرقه سسندن  
چیقارما دینی ظن اولونان اوهرزمانکی سیاه اثوابیله اینجه ، نارین مادمازلره مانرو ،  
دها صوکره اك اوفاق بر حرکته بیله اسمر جا کتنی چاتیرداتان حیوان یاییلی ،  
موسیو غودرون ایله چيك منکشه رنکلی فیستانی آلتنده کبه لکی بر قات دهابللی  
اولان ایری بویلی مادام غودرون کلدیله . قوپو ، مه بوئی بکله مه ملرینی جماعته سویلیدی .  
او ، سن ده نیس یولی اوستنده کندیلرینه التحاق ایده جکدی .

او آرهلق مادام لورات حایقیردی :  
— چوجوقلر ، اویله کوریورم که آدم عقللی بر یاغمور ییه جکیز ... اصل  
ا کلنجه او زمان باشلایه جق ...

بو سوزی سویله یهرک جماعتی میخانهك قاپوسنه چاغیردی و پارسك جنوبندن  
حیزلی حیزلی یوکسه لن قاب قاره بولوطلرک طویلادیغی فیرطنه یی اونلره کوستردی .  
مادام لورات ، قویونك بویوک همشیره سی ایدی . ایری بویلی ، قورو ، ارکک  
یاییلی ، برونندن قونوشان بر قادیندی . آرقه سسنده وجودیله متناسب اولمایه جق  
قدر کنیش بر اثواب واردی . بو اوزان صاحاقلی اثوابیله طبق صوده ایصلاشمش  
ضعیف بر کوپکه بکزیه ردی . آلتنده کی شمسیه ایله بر باستون کبی اوینایوردی .  
ژروه زله اوپوشدیله :

— بیلمز سکیز سوقاقلر نه قدر صیجاق ! ... صانکه یوزکزه آووج آووج  
آتش آتیورلر کبی ...

بونك اوزرینه هرکس بو فیرطنهك کله جکینی دها چوق اولدن کشف ایتمش  
اولدقارینی سویله دیله . موسیو مادینه کلسادن چیقارکن بونی آکلامشدی .  
دون کیجه ناصیرلرینك آغریسی طوتهرق ساعت اوچدن صوکره کوزینه اویقو  
کیرمه مش اولان لوریو اوچ کوندن بری حکم سورن بو صیجاقلرک صوکی مطلقا  
بر فیرطنه اوله جغنی سویلیوردی .

قوپو ، میخانهك قاپوسی اوکنده طورمش ، اندیشناك نظرله کوك یوزینه  
باقیوردی .



— ياغمور ياغمسى محتمل ديدى ، همشيرەمدن ماعدا ھېچنە تاماشا ، اوكلير  
كلز يوللانيرز .

جماعت ايچىندە اكسيك اولان لوريونك زوحەسى ايدى . بويوك همشيرەسى  
مادام لورات بورايە كەلەدن اول اونى دە آلوب برلىكدە كىتىرمك ايچون بر آرەلق  
اوينە اوغرامىشدى . فقط مادام لوريو ھنوز قورسەسىنى كىيىمكە مشغول ايدى .  
بوندن طولايى ايكي همشيرە غوغا ايتىشلردى . مادام لورات ، لوريونك قولاغىنە  
شە سوزلرى فيصلىلادى :

— بىندە قىزدىم ، اونى براقىدىم كىدىم ... آمان نە خرىسىز شى : شىمىدى  
كليرسە كورورسك ، نە صورت ، نە صورت ...

مىخانەك ايچىندە بر چاريك دھا وقت كچىردىلر . تز كاه باشىندە بر قىدىح ايچمك  
ايچون كلن مشتريلر بونلرە دىرسك اورەرق ، ايتوب قاقەق كچىورلردى .  
بعضاً بوش ، مادام قوپو ياخود بىيى لاغرياد مىخانەدن چىقەرق قالدىرىم اوستىندە  
بر پارچە ايلربلەيورلر ، كوزلرىنى كوك يوزىنە قالدىرەرق هوايى معاينە ايدىيورلردى .  
خاير ، ياغموريوقدى . كونس آلاىغە باشلامىشدى . طوپراغى يالاين بر روزكار  
يردن بياض توز قاصىرغەلرى قالدىريوردى . دىركن كوك كورلەدى ، بونك  
اوزىنە مادمازل رىمانزو خاچ چىقاردى . بوتون نظرلر آينە اوستىندەكى آصمە  
ساعتە توجه ايتىشدى : ايكي يە يكرى واردى .  
قوپو حايقىردى :

--- ايشتە ، ملكار كوزياشى دوكمەكە باشلاديلر !

فى الحقيقە شدتلى بر ياغمور شوسەيى سوپوريور ، سوقاقدە قادينلر ايكي آلاريلە  
اتىكلرىنى طوتەرق قاچىشيورلردى . مادام لوريو بو ايلك صاغىناغى يىەرك كىلدى .  
مىخانەدن ايچرى كىردىكى زمان نفسى كىيىلش ، حدتدن قىپ قرىزى اولمشدى .  
بر درلو قاپانمايان شمسىيەسىنى قابونك اشىكەنە اوروب طورىيوردى .

--- بويلە بر ياغمور ، كورولش شى دىلدى . سوقاق قاپوسىندە ايكن ياقالادى ، آز  
قالدى كرى دونوب صويونەجقدىم كاشكى ياپەيدىم ... نە اكلنجەلى بر دوكون ؟  
ذاتاً بىن سويلەدىم ، شونى كەلجك جەمە ايرتسى يە براقەلم دىدىم . بىن دىكلەيدىلر بوي ياغمور  
ياغمازدى . ا ح اولسون ، انشاالله كوك يوزىنك بوتون دىكلرى آچىلير .

قوپو همشيرەسىنىك حدنى تسكىنە چاايشدى . فقط مادام لوريو او قدر قىزغىندى كە  
قاردهشنى دە ترسلەدى . البسەسى بوزولورسە يرينە يىكىسىنى اومى ياپدىرەجقدى ؟  
آرقەسنە سىياھ اىپىكدن اثواب كىيىمىشدى . ايچىندە عادتا بوغوليوردى . اثوابك  
بلى او قدر طار ايدى كە دوكمە ايلىكلرىنى چكىور ، اوموز باشلىرىنى عادتا كسىيوردى .



طار فيستانی ايچنده بالديرلری او قدر صيقيشيق ایدی که کنیش آدیم آته میوردی .  
 بویله اولقله برابر قادین دوزتیلر اونک بو توالتنه حیران اولمشلر ، دوداقلرینی  
 ایصیره رق اوکا باقیورلردی . مادام لوریو ، او آرهلق مادام قوپونک یاننده  
 اوطور مقده اولان ژروهزی کورمه مزلیکن کلدی . قوجه سنی چاغیره رق مندیانی  
 ایسته دی و میخانهک بر گوشه سینه چکیله رک اثوابده اوستنده کی یاغمور طامله لرینی  
 برر برر دقتله سیلیدی .

یاغمور بردن بره طور دی . کونش آلا یوردی . کیجه نک قارا کلنی باصمغه  
 باشلامشدی . اورتهلق آره صیره کنیش شمشک ضیالرینک تنویر ایتدیکی قورشونی  
 رنکده ایدی . دیرکن فیطنه صوک شدتیه باطلادی . یاریم ساعت قدر یاغمور  
 بارداقدن بوشانیرجه سینه یاغدی ، شمشک بلا فاصله چاقدی . ارککلر میخانه  
 قاپوسی اوکندن بو صاغناغک اسمر بر اورتو کی نسقوطنی ، سوقاقدن کیتدجه  
 بر نهر حالی آلان صولری ، صوکومه لری اوستنه دوشن دامله رک ضربه سندن  
 هوایه توز حالنده اوچان صو ذره لرینی سپر ایدیورلردی . قادینلر برر  
 اسکمله یه اوطورمش ، قورقودن الاربله یوزلرینی قاپا یورلردی . بو قورقو ایله  
 بوغازلری صیقیشمش کی ، هیچ برشی قونوش میورلردی . بر آرهلق ( بوش )  
 لطیفه اولسون دییه ییلدیرمک معناسنی ایضاح ایتدی : بوشمشک دنیلن سن پیه رک  
 آقصیرمه سندن حاصل اولورمش . فقط بو لطیفه یه کیمسه کوله دی . کیت کیده  
 شمشک ضربه لری فاصله لاشدی ، کومبورتیلر اوزاقدن کلکه باشلادی . شیمیدی  
 جماعت صهرسنز لانیور ، فیطنه یه آتوب طوتبور ، هواده کی بولوطلره یومسروق  
 صیقهرق کفر ایدیورلردی . شیمیدی کول رنکی سمان ایجه وفاصله سز بر یاغمور  
 یاغمغه باشلامشدی .

بر آرهلق مادام لوریو حاقیردی :

— ساعت ایکی یی کچور . بوراده یانهماز آ .

مادمارل رومانرو هوانک بوزوقلغنه رغما قیر تنزهندن واز کچیلمه سنی تکلیف  
 ایدنجه بوتون جماعت اعتراض ایتدی : یاغموردن صوکره بولار کوزلاشمشدراما  
 طوپراق ایصلاق اولدینی ایچون یرره اوطور ولاماز . هم یاغمور تمامیه دیش  
 صایلاماز ، احتمالکه برابرکنجی صاغناق دها کلکیلیر . او ائشاده سوقاقدن یاغمورک  
 صیر صیقلام ایتدیکی بر عمله کچورلردی . قوپو بونی کوروچه مه بوطی خاطرلادی .  
 — اکر مه بوط حیوانلق آیدوبده بزی سن دد نیش بولی اویستنده بکلورسه  
 کیم بیلیر ناصل ایصلا مشدر .

کولوشیلر فقط هر کسده کیتدجه آرتان بر نشئه سزلاک واردی . صیقنتیدن باغلیورلردی .



مع مافیه آقشام ممکنه قدر بویله قارشى قارشى یه ، بربرینک کوزینک ایچنه باقهرق اوطوره مازلردی یا ... طیشاریده یاغمور حالا اسکی عنادیلله یاغارکن بونلر ایچریده ناصل وقت کچیره جکلرینی دوشونمکه قوبولدیلر . بی لاغریاد اسقامبیل اوینامنی تکلیف ایدیوردی . چاپقین مزاجلی بوش بیلدیکی سرکاغد او بوننی یاپق ایسته یوردی مادام غودرون قینانغور جاده سنده کی بر دکانه کیروب صوغالی بوردک یمک ، مادام لورانده ماصال سویله یه رک وقت کچیرمک فکرنده ایدک . مادام غودرونک قوجه ی هیچ صیقیلیمیوردی ، همان سفره یه اوطورمق شرطیلله بوراسنی پک ایی بولیوردی . هر تکلیف بر مناقشه نی دعوت ایدیور ، هر مناقشه غاوغا ایله بیتیوردی . بر آرهلق لوریو پارسک خارجی بولوارلرندن کزینه کزینه پورلاشه ز هزارلغنه کیتمکی ، اکر وقت قالیرسه اوراده نه لویز ایله آبهلارک هزارلرینی زیارت ایتمکی تکلیف ایدرکن مادام لوریو پارلایویوردی . آرتق تحمینی قالامشدی ، چیقوب کیدیوردی . بو حاللر عادتاً کندیلرله اسنه ز ایتک دیمکدی . صیاحلین قالفسون ، کینسون ، تپه دن طیرناغه قدر ایصلانسون ، صو کره کلسون بر شرابچی دکاننده طیقیلسون قالسون ، خایر بوکا قاتلانده مازدی . آرتق بو دو کوندن بیقمش اوصانمشدی . اوینه کیتمکی بیک آره ترجیح ایدیوردی . قوپو و لوریو مانع اولق ایچون قاپونک اوکنی کسیدیلر . مادام لوریو حایقیردی :

— چکیلنکز اورادن ! کیده جکم دیورم .

نهایت قوجه سی مداخله ایدهرک تسکین ایتدی . او اثناده قوپونک حالا اسکی یرنده ساکن ساکن اوطورمقده اولان ژروه زک یانه یاقلاشدی . ژروه ز قاشن والده سی و مادام فوقونیه ایله قونوشیوردی . توپو اونکله حالا سنلی بنلی کوروشه میوردی :

— سز برشی تکلیف ایتیورسکیز .

ژروه ز کوله رک جواب ویردی :

— بن نه یه قرار ویریلیرسه راضی یم . هیچ مشکاپسند دکلم . چیقسه قده

قالسه قده بنجه مساویدر . شیمدیلک بوراده پک اییم ، فضله سنی ایسته مم .

فی الحقیقه یوزنده ساکن بر ذوقک انطباعاتی واردی . دعوتلیر میخانه یه کله ی

بری او ، بونلرک هر بریلله آیری آیری بر قاچ کله تعاطی ایتشدی . آچاق

برهیجان واردی . حالنده براوصالوق کورونیور ، غوغایه هیچ قاریشمیوردی .

فیرطنه دوام ایتدیکی مدتیجه کوزلرینی شمشکره دیکمش باقیور ، صانکه

بونلر سرت لمعه لرله تنویر ایتدیکی اوزاق بر استقبالده حیاتنک اهمیتلی حادثه لرینی

کورنیوردی .



موسیو مادینه هنوز بر فکر بیان ایتمه مشدی . تن کاهه طایانمش . اثوابنك  
اتكاری بر بردن آیراش ، هر زمانکی جدی طوریه طورییوردی . بر خیلی مدت  
تو کورد کدن و ایری کوزلری دوندیرد کدن سو کره اوده بر تکلیفده بولوندی .  
— موزهیه کیتسهك ناصل اولور ؟

آیله چکه سنی او تشایه رق کوز قاپاقلری قیرپه شیر قیرپه شیر اطرافه باقینیوردی .  
— موزهده آنتیقه لر ، رسم لر ، تابلو لر ، خلاصه کوروله جك بر چوق شی  
وار ... انسان بونلره بافه رق بر خیلی معلومات الیه ایده بیلیر . احتمال که هنوز  
موزهیه کورمشسکزدرد . طوغروسی بر دفعه اولسون کورمه که دکر .

بوتکلیف اوزرینه هر کس بر برینه باقیشدی ، بونظرلرله یکدیگرینك مطالعه سنی  
او کره نك ایسته یورلردی . ژروهر موزهیه هیچ کو مه مشدی ؛ مادام قوقونیه ده  
هنوز موزهیه کیتمه مشدی . نهایت آ کلاسیلیدی که هیچ بری موزهیه بیامیورلردی .  
قوپو وقتیه بر بازار کونی بو موزهیه کیتدیکنی خاطر لایوردی فقط کوردیکی شیلری  
تاماً اونوتمشدی . بویه اولقه حالا متردد ایدیلر . دیرکن مادام لوریو آیلهر رق  
بوتکلیفی پک ایی ، پک تمیز بولدیغنی سویله دی . موسیو مادینه اوتهدن بری مادام  
لوریو اوزرنده بویوک بر نفوذی حائر اولدیغنی ایچون کوسته کچینك قاریسی بوتکلیفی  
تهالکله تصویب ایتمشدی . مادام که کون هدر اولمش ، کندیلری ده کینمش  
بولونیوردی ، او حالده بوش اوطور مقدن ایسه فائده لی بر شیئی زیان ایتمهك  
البته خیرلی ایدی . نهایت هر کس بوتکلیفی موافق بولدی . یاغور حالا کیلمه مشدی .  
میخانه جیدن مشتریلرک اونوتوب بر اقدقلری ماوی ، یشیل ، کستانه رنگلی بر قاچ  
شمسیه تدارک ایدهرک موزهیه طوغرو بوله چیقیدیلر .

دوگون آلائی ایلک اوکجه صاغه صاهر رق سنده یس محله سی طریقیه پارسه  
طوغرو اینمکه باشلادی . بو سفرده قوپو ایله زوجیه سی قافله نك اوکنده ، عادتاً  
قوشارجه سنه کیدیورلردی . مادام قوپو باجاقلرنده کی آغریلر مناسبیه میخانه ده  
قالدیغنی ایچون موسیو مادینه مادام لوریونك قوانه کیرمشدی . بونلرک آرقه سندن  
لوریو ، مادام لوران ، بوش ، مادام قوقونیه ، بی لاغریباد ، مادمازل  
رومانزو ، اک آرقه ده ده مادام غودرون ایله قوجه سی کلیورلردی . هپسی اون  
ایکی کشی ایدیلر . قالدیریم اوستنده خوش بر قافله تشکیل ایتمشلردی .

مادام لوریو ژروهر حقنده موسیو مادینه یه ایضاحات ویریوردی .

— بز هیچ قاریشماق . بو قادینی نروده بولدیغنی بیله بیلمیورز ، ده  
طوغروسی بره مالی اولدیغنی پک اعلا بیلیورز آما ، سویله مکه بز دوشمه دیکی  
ایچون سبس چیقارمیورز . نشان حلقه سنی قوجه م صاتین آلدی .



دها بو صباح ياناقدن قالفار قالماز آلتی فرائق بورج پاره ده ويردك . يوقسه بو  
مصرفلك هيچ بريني ياپامازلردى . دوشونكيز ، بر كلين كه دوكوننه اقرباسندن  
بر آدم بيله دعوت ايتيور ، ديديكنه باقيليرسه پارسده قصابلق ايدن بر همشيره سى  
وارمش . پكى اويله ايدى ده نه دن بونى دعوت ايتدى !  
سوزك بوراسنده طورهرق تا ايلريده آدم عقللى طوپاللايان ژروه زى  
كوستردى :

— هله شو حاله باقيكيز ، بويله بر قادينله هيچ اوله نيليرمى ؟  
مادام لوريونك بو استهزا كار لسانى درحال جماعت آره سنده شايع اولدى .  
لوريو ژروه زه بر لقب طاقيله رق بدمما هپ اويله چاغيرلسنى تكليف ايدىوردى .  
فقط مادام فوقونيه ژروه زى مدافعه يه باشلادى . بچاره قادينله بويله آلاى ايتك  
طوغرو بر شى دكلدى . تميز بر قادين ، اوندن صوكره ايشنك او قدر ارى كه ...  
ديلندن چاقينجه تلميحلى ا كسيك اولمايان مادام لورات ژروه زك باجاغنه « عشق  
چوماغى » ديمكى موافق بوليوردى . مع مافيه ار ككلر بو نوع باجاقلردن دها چوق  
خوشلانيرلرمش . مادام لوران بوكا اميندر ، آتجق سببى سكون ايله كچيشديرمشدى .  
قافله سن ده نيس سوقاغندن بولواره چيقدى . بر طالغه حالنده اينن آرابه لرك  
كچوب كيتملرينه انتظاراً بر مدت بكلدى نهايت فيرطنه نك سيلى بر چامور كولى  
حاله كتيرمش اولديغى شوسه يه آتيلدى . ياغمور تكرر باشلادى . شمسيله لر  
آچيلدى . ار ككلرك طوتدقلى بو اسكى پوستكى شمسيله لر آلتنده قادينلر اتكلرينى  
قالديرهرق ، سوقاغك چامورلىر ايچنده كيرله نهمك ايچون بر برندن اوزاقلاشهرق  
بر قالديرمدن اوتنه كى قالديرعه كچوب كيدييورلردى . او آره لق ايكي كلخان  
بكى « قارناواله باقك » ديهه باغيردى . بو سسس اوزرينه خلق قوشوشدى .  
دكانجىلر دكانلرينك جاملى آرقه سندن باشلرينى قالديرهرق اكلنجه لى برشى كورمك  
عراقيله باقينديلر . خلقك كوروايتوسى ، جاده نك اسمر وياغمورلى منظره سى آره سندن  
ژروه زك ماوى اثوابى ، مادام قوقونيه نك باصمه چيچكلره ايشله مش قاتندن توالتى  
بوشك قناريه صاريسى رنك كنده پانطولونى قوتلى برر لكه كى درحال نظره چارپيوردى .  
قوپونك پارلاق ردينغوتيله موسيوماندينه نك درت كوشه فراقى منظره يه بر قارناوال  
تحفلى ويرييور ، مادام لوريونك كوزل توالتى ، مادام لوره نك اثوابندن صارقان  
صاچاقلر ، مادمازهل رومانثرونك بوروشوق فستانى ، بر اسكيچى دكانك صيره  
صيره ديزيلش فقيرانه اشياسنى آنديرييوردى . بالخاصه ار ككلرك شاپقه لرى  
اكلنجه لى بر منظره عرض ايدىيوردى . دولابلرك كوش كورمه ن دكانلارنده  
اوزون مدت محافظه اولوغندن صولان بو اسكى شاپقه لر پك كولونج شكلرده ايدى .



کمینک آغز طرفی کنیشه مش. کیمی سیپ سیوری اولمش بعضیلرینک کناری بویوک بر قانات کبی آچیلمش ، بعضیلری یوقاری یه قالمش ، بر قسمی یام یاصی ، بر قدسی یا چوق کنیش یاخود چوق طازدی .

قافله نك اك صوکنده مادام غودرون کلیوردی . چیک منکشه رنکلی البسه سی ایچنده برقات دها ایری کورونن کبه قارنی طاشیه رق یورون بوقادینک منظره سی سیرجیلرک تبسمی آرتدیریوردی . اونلر هرکسک نظری کندی اوزرینه معطوف اولقدن بالعکس ممنون ایدیلر ، ایشیتدکلری آلایلی سوزلر خوشلرینه کیدیوردی ، آدیملرنی هیچ صیقلاشدیرمقسزین صاف بر چوجوق طوريله آغیر آغیر یوریورلردی .

بر آرهلق کلخان بکلردن بری مادام غودرونی کوستره رک حایقیردی :

— کلینه باقک ! اماده قوجه مان چکدرک یوتمش ها !

بوتون جماعت قهقهه لرله کولوشدی . بیی لاغرییاد ، کلخان مکنک سوزنی تام یرنده بولدیغنی سویله دی . هپسندن زیاده کولن بالذات مادام غودروندی . او ، کولسکدن عادتاً یرلره سریلیوردی . کبه اولمق عیب برشی دکلدی یا ... دمیندن بری تصادف ایتدیکی قادینلرک قاچ دانه سی اوکا ایمره نهرک بفتشدی .

قله ری سوقاغنه صاپدیلر ، اورادن مای سوقاغنه کچدیلر . ویقتوار میداننده بر مدت طور دیلر . ژروه زک صول آیاغنده کی قوندوره نك باغی چوزولمشدی . آیاغنی اون دردنجی لوئینک هیکنه طیایه رق باغی باغلارکن آرقه دن کلن جماعت صیقیشیق بر وضعیتده بکله شسور : بالديرینک کورونن بر پارچه سنی اشارت ایدهرک لطیفه ایدیوردی . نهایت ینه یوله قویولدیلر و بر سوقاق دها کچهرک لوور موزه سنه کلدیلر .

موسیو مادیینه ، قافله نك اوکنه کچمکی نازکانه تکلیف ایتدی . موزه او قدر بویوکدی که انسان ایچنده غائب اولوردی حالوکه کنده سی بورایه بر آرتیستیه برابر بر چوق دفعه کلشدی . بو آرتیست بویوک بر مقوا فابریقه سنک یاپدینی قوطولرک اوستنه قویوله جق رسملرک اورنه کنی چیقارمق ایچون صیق صیق موزه یه کلن ذکی بر دلیقانیل ایدی . دوکون آلاپی آلت قاتده آثوریلره عائد اشیانک تشهیر اولوندینی آلت قات صالونه کیرنجه بردن خفیف بررعه شه طویدی . بوصالون هیچده صیجاق دکلدی . بالعکس بر یر آلتی مخزنی کبی صوئوقدی . طاشیدن هیکلر ، روحانی برقادینقله صاف و ساکت طوران سیاه صرمدن معبودلر ، یاری قادین یاری کدی یه بکزه یین اولو یوزلی ، ایجه برونلی ، شیشکین دوداقلی قورقونج حیوان تمثالاری آره سنده بزم قافله - چکه لر یه هوایه قالفیق ، کوز



قاپاقلری دوشوک ، چیفت چیفت اییرله یوردی . بوتون بو کوردکاری شیاری  
 یک چیرکین بویورلردی . بوکون یاپیلان هیکار بونلردن البته چوق کوزلدی .  
 بر آرهلق فنیکه ایلرک حروفیه یازیلی بریازی کوردیلر ، بونک قارشیدینه حیرتلی  
 بوسبوتون آرتدی . ممکن دکل ، بوقارغه جق بورغاجقلر اوفونمه مازدی ، او آرهق  
 مادام لوریو ایله برابر برنجی قانک صحنلغنه چیقمش اولان موسیو مادینه سسله ندی .  
 — بورایه کلیکز ، اونلر برشی دکل ، اصل کوروله جک شیلر برنجی  
 قاتده دکل ...

مردیونک چیپلاقلی قارشیدینه اطیفه نی بر طرفه براقیدیلر . قرصی یلکلی ،  
 صیرمه شریتمی ، ایری بولی بر موزه بکجیسی ، صانکه مردیون باشنده اونلری  
 استقباله حاضر لاش کی وضعیتیه هیجانلری بوسبوتون آرتدیردی . آدیقلری  
 ممکن اولدی قدر سسز آتهرق ، حرمتکار برطورایله فرانسه غالهرینه کیردیلر .  
 شیمدی هیچ طورمه دن سالوندن سالونه کچیورلر . اوقدر چوق ونه واردی که  
 نه اولدقلری آ کلامق قابل دکلدی . بونلر طورمه دن بر کچید رسمی یاپیورلردی .  
 ایجه آ کلامق ایچون هر برینک اوکنده بر ساعت طورمق لازمدی . اللهم بونه قدر  
 تابلو ! آردی آرقاسی کلیوردی . بونلر کیم بیلر نه مدهش پاره ایدرلر ! سالونک  
 تا اوجنده بر تابلونک اوکنه کانجه موسیو مادینه ک اخطاریلر طوردیلر . بوتابلونک  
 آدی : « مه دوزک صالی » ایدی . مادینه تابلونک موضوعی کنیدیلرینه ایضاح  
 ایتدی . هپسی حکایه ک تاثیرینه قایلشمس ، سسسز و حرکتسز ، دیکله یورلردی .  
 مادینه ایضاحاتی بیتیروبده تکرار یورومکه باشلادقلری زمان بوندن طویدقلری  
 حسیاتی ( بوش ) بر جمله ایله خلاصه ایتدی : قفالرینه دائق دیمشدی !  
 آپولون غالهرینه کی پارکه بالخاصه حیرتلینی موجب اولدی . بو پارکه او  
 قدر پارلاقدی که اوتیه بریه قونولش اولان اسکمله لرک آیاقلری آینه کی عکس  
 ایتدیریوردی . مادمازل رومانزو عادتاً صو اوستنده یوریورمش حسیله  
 کوزلری قاپایوردی . کبه لکندن طولای یره دقتله باصمسنی مادام غودرونه تنیه  
 ایتدیلر . موسیو مادینه اونلر طاوانک یالیزلریله رسملری ک سترمک ایسته یوردی .  
 فقط باشلری هوایه قالدیردقلری زمان بونلری قیریلر جق کی اولیوردی ، برشی  
 کوره میورلردی . صربع سالونه کیرمه دن اول موسیو مادینه بر پجره یی کوستره رک :  
 — ایشته دیدی ، دردنجی شارل بوبالقوندن خلقک اوستنه سلاج قوالاشدی .  
 هم او کدن کیدیور ، هم اک آرقه ده قالانلر قدر هپسنه نظارت ایدیوردی .  
 صربع سالونک اورتیه سنه کانجه بر اش-ارمله قافله یی طوردیردی . بوراده کی



تابولرک طبق کلیسالرده اولدینی کبی هر بری بر شاه اثر صنعت اولدیغنی ایضاح  
ایتدی صالونی بر اوجدن اوتته کی اوجه قدر طولاشدیلر . ژروهر (قانانک ازدواجی)  
عنوانلی تابلو حقنده ایضاحات ایستهدی . قابلدلرک موضوعنی عجبا نهدن  
چرچوهلرک اوستنه یازمیورلر دییه دوشیوندی . قوپو (ژوقوند) تابلوسنک  
اوکنده طوردی . بو تابلوده کی قادین ایله خاله لرندن بری آره سنده بر مشابعت  
بولیوردی . بوش ایله بی لاغریاد کوز اوجیله چیللاق قادین رسملرخی اشارت  
ایدهرک آلا ی ایدیورلردی . بالخاصه (آنتیوب) ک بالدرلری پک زیاده صرافارخی  
موجب اولمشدی . قافله نك تا اک کریسنده مادام غوردونله قوجه سی (وییه رژ دو -  
موریللو) تابلوسی قارشیدسنده آغزلری آچیق ، رقتدن شاشقین بر حاله کلش ،  
طوریورلردی .

صالونک زیارتی بیتدکن صوکره موسیو مادیینه یکی باشند بر دها طولاشمغنی  
تکلیف ایتدی . بو صالون ایکنجی بر زیارته دکردی . موسیو مادیینه ، ایپک  
اثوابندن طولانی مادام لوریو ایله پک زیاده مشغول اولویوردی . مادام لوریو  
اوکا بر شی صوردقه عادتاً آغیر بر طور ایله جواب ویریوردی . مادام  
لوریو صاری صاچلری کنیدیسنککنه بکزه یین بر قادین رسمنه صراق ایله  
باقیوردی . بونک کیمه عاڈ اولدیغنی صورتی . موسیو مادیینه بو رسم دردنجی  
هانرینک متره سی کوزل مهرونیهرک رسمی اولدیغنی ، آجیفو تیاتروسنده بوکا عاڈ  
بر اویون بیله اویناندیغنی سوبله دی .

اوندن صوکره قافله ایتالیان و فلامان رساملرینک تابولری تشهیر ایدیلن اوزون  
غاله ریه طالیدی . تابلو ، تابلو هر طرف تابلو طولو ایدی . عزیزلرک ، کیملره  
عاڈ اولدیغنی بیلمه یین قادین ارکک بر چوق انسانلرک رسملری ، قاپ قاره طبیعت  
لوحه لری ، صارارمش حیوان تصوبرلری ، خلاصه طاشغین برحوشش الوان ایله  
عادتاً باشلرینه آغری ویرمکه باشلایان بر ییغین اشخاص ، اشیا و رسملر بو صالونی  
طولدیریوردی . موسیو مادیینه آرتق آغزینی آچیور ، ساده جه قافله یی آغیر  
آدیملره طولاشدیریوردی . اونلر بو بونلری قالفیق طور مقدن بورقولمش ، کوزلری  
هوایه متوجه ، سکون وانتظام ایله کنیدیسنی تعقیب ایدیورلردی . ایلاک دورهلرده  
کلش رساملرک اینجه ویابس اسلوبی ، ونديک مکتبنک احتشامی فلمنک ، مکتبنک  
هر طرفدن ضیا طاشان حیات صنعتی ، خلاصه عصرلرک زبده صنعتی اونلرک شاشقین  
وجاهل نظرلری اوکنده بر کچید رسمی یاپیوردی .

بوتون بو کوردکاری تابولردن زیاده نظر دقتلرینی جلب ایدن شی اوتابولرک  
قوپیه سنی آلفه اوغراشانلرک حالی ایدی . بونلر رسم مهپالرینی زیارتچیلرک کذرگاهلرینه



قورمش ، هیچ بر صیقنتی طوبه‌سزین ایشلرله مشغول اولیورلوردی .  
 بونلر آراسنده اختیار بر قادین یوکسک بر صد یونه چیقمش ، بر بادانه فیرجه سیاه  
 قوجه مان بر تابلونک آچیق مور رنگلی سماسنی بویامغه چالیشیوردی .  
 بونی بالخاصه شایان دقت بولدیله . یاواش یاواش سالونک ایچنه بر شایعه  
 یاییلدی : زیارتجیلر آراسنده بردوگون قافله سی وارمش .. اووقت رساملردوداقلرنده  
 بر تبسمله قوشوشدیله ، دیگر زیارتجیلر دوگون آلائی دها ای سیر ایده بیلمک  
 ایچون صیره صیره اسکمله لره او طور دیله .

موزه غاردیانلری دوداقلرینی بوکهرک نکته لی سوزلر صرف ایدیورلوردی .  
 یورغونلقدن تاب توانی توکهنمش اولان قافله آرتق اسکی حرمتکارانه طورینی براقش ،  
 آلتی چیویلی قوندوره لری س-ورویه رک سالونلرک چپلاق و منتظم تمیزلیکی  
 آراسنه صالیویرلش بر س-ورو کبی اوکجه لرله پارکی اوزرنده کورلتو چیقارم  
 چیقاره ایلرله یوردی .

موسیو مادینه بر شی سویله میوردی ، بللی که بر مقصدی واردی .  
 دیرکن طوغروجه ( رونس ) ک کرمی عنوانلی تابلوسنه کی ده رک  
 طوردی تابلونک قارشیدنده ینه آغزینی آچایه رق ساده جه تابلویه شن  
 بر نظر عطف ایتدی واونی آلیله اشارت ایده رک کوستردی بو اشارت اوزرینه  
 قادینلر برونلرینی یاقلاشدیره رق تابلویه باقدیلر و اوافق صیخه لرله حایقیریشه ره ق قیپ  
 یرمزی کسین یوزلرینی اوته یه چویردیله . ارککلر آلائی ایده رک اونلری تکرار  
 تابلوی تماشا یه سوق ایدیورلر ؛ اونلره باشلرینی چویرتهن چیرکین نقطه لری  
 آراشدیریورلر .

بوش سوزه باشلامشدی ،

— بوبه مدهش پاره ایدر کورویور میسکز ؟ شو آدمه باقک ناصل استغراغ  
 ایدیور . شواوته طرفده کی ، هله بو ارکک صوکره اونک یاننده کی . . . اماده  
 چیرکین شی ها !

موسیو مادینه اونلری بو تابلو قارشیدنه کتیرمش اولقدن متولد بر ذوق  
 موفقیت ایچنده مست وحیران ایدی :

— هایدی ، دیدی ، آرتق کیده لم بوراده کوره جک برشی قالمادی .  
 کری دوندیلر ، صربع سالونله آپولون غاله رینی تکرار کچدیله . مادام لوران  
 ایله مادمازل رومانرو آرتق باجاقلری اوستنده طوره جق درمانلری قالمادیقنی سویلیه رک  
 متصل شکایت ایدیورلوردی .

فقط موسیو مادینه مادام لوریوریه آنتیقه مجوهراتی کوسترمک ایسته یوردی . بو



محوه راب شوراجقده، اوافق بر اوطه نك كوشه سنده تشهير اولونمىدى. بوراسنى او قدر اى بياوردى كه كوزىنى قاپاسه مشكلاتىز كیده بيليردى. بويله ديدكى حالدۀ ينه يولنى شاشيردى و قافله يى يدى سكر سالونده بيهوده طولاشديردى طوردى. زيارتچيلرك التفات ايتديكى بوصوغوق سالونلرده برچوق جامكانلر، بوجامكانلرايچنده حدسىز حسابسىز قيريق دسقيملرله، غايت منظره لى انسان هيكللى واردي. قافله اوشومكه آدم عقللى صيقلمه باشلامىدى. چيقه جق بر قاپو آزاركن تكمرار رسملرك آره سنه دوشديلر. يكيمن بر زيارت باشلادى. تابلولرك آرقه سى كليور. نه سالونلر بر برى تعقيب ايدىوردى بوراده كى رسملر هيچ ده تخف شيلر دكلدى. كاه ديوارلره پايئشديرلمش بر چوق قاره لاه نوبعدن شيلردى. موسيو مادينه ده شاشيرمىدى. فقط يولى غائب ايتديكى اعتراف ايتك ايسسته ميوردى. نهايت بر مرديون باشنه كلدى و اورادن قافله يى بزقات يوقارى چيقارتدى. بوراسى بحريه موزه سى ايدى. آت و طوب موده لارى، قبارتمه پلايلر، اويونجوق بيوك ككنده كى كمى مينيا تورلرى بوصالونى طولديرمىدى. برچارىك ساعت يورودكن صوكره قاشلرينه باشقه بر مرديون چيقدى. بو مرديوندين اينجه ينه تابلولرك آره سنه دوشديلر. آرتق اميدسزلك ايچنده پايديغى بيلمكسىز سالوندين سالونه كچمكه قويولديلر چيقدقلىرنده ينه يان يانه، ينه بوتون قافله موسيو مادينه يى تعقيب ايدىرك يورييورلردى. موسيو مادينه بر طرفدن آلنك ترلرى سيليور، ديكر طرفدن قاپولرى دكيشديرديكى ايچون موزه اداره سنه كفرلر صاوورييوردى. اوتكه كى زيارتچيلرله غارديانلر متحير نظرلرله اونلرى سيرايدىيورلردى. ايلك زيارتلىرندين يكرى دقيقه صوكره صابع سالونى، فرانسىز غالهريسى، شرق معبودلرينك تشهير اولونديغى جامكانلرى تكمرار زيارت ايدىيورلردى.

آرتق بر يول بولوب چيقمقدن قطع اميد ايتمىلردى. باجاقلىرى قيريق دوكونك آديملرىنى تصادفه ترك ايتمش، شيشمان قارتى سوروبهرك كلن مادام غوردونى كرده براقه رق مدهش كورواتو ايله ايلرله يوردى.

او آره لق غارديانلرك قوتلى سسلرى ايشيدىلدى :

— موزه قاپانيور !

آز قالدى قافله موزه ايچنده قاپالى قاله جقدى. نهايت غارديانلردن برى اوكه دوشهرك اونلرى قاپويه قدر كوتوردى. كيرركن قاپوده براقدقلىرى شمسيله لرىنى آلويه چيقدقلىرى زمان هپسى بردن كنش بر نفس آلديلر. موسيو مادينه اسكى متين و جدى طورى تكمرار طاقينمىدى. اوراده خاطرلادى كه اكر صوله صاپسه يدى آنتيقه محوه راتك تشهير اولونديغى سالونه كیده جكلردى. بو سالون صوله ايدى.



ساعت دردی چالیوردی . دها يمك زمانه ايكي ساعت واردی . وقت  
 كچسون ديه شويله جه بر طولاسمغه قرار ويرديلر . قادينلر يك بورولمش اولدقلى  
 اچون اوطورمى ترجيح ايدىيورلردى . فقط ار ككاردن هيچ برى اولره بر  
 اچكى تكليف اتمه يوردى ، اونك اچون ريختيم بويجه بورومكه قوبولديلر .  
 ديركن بر صاغناق دها باشلادى ، هم او قدر شدتلى كه باشلرينك اوستنه  
 آيدقلى شمسيله لره رغماً قادينلر ك ائوابلرى برباد اوليورلردى . اييك تواتنه هرياعمور  
 طالاسى طوقونديچه اچى ارييه ن مادام لوريو ياغموردن قورتولمق اچون كوپرى  
 آتته كيمكى تكليف ايتدى . ذاتاً اوتنه كيلر راضى اولماسلر بيله كنديسى مك باشنه  
 كيده جكدى . نهايت بوتون قافله بو تكليفه موافقت ايدهر ك كيمديلر .  
 بورايه كلكله نه اعلا ايتشاردى . حقيقهً بو ، اي بر فيكردى . قادينلر  
 منديللرينى طاشلره سرهر ك او تنه اوطورديلر و باجاقلىرى آچهرق طاشلر آره سنده  
 بيتمش اولان اوتلىر طويلامغه باشلاديلر . صانكه برقىر نيزهنده ، برچاي كنارينه  
 اوطورمى كى ، قارشيلرنده آقان سن نهرينك قويسياه صولرى سيرايدىيورلردى .  
 ار ككار كوپرونك كمرلى آتنده يوكسك سسله باغرييورلردى ، كمرله چاربان  
 بو سسك يوالادىنى عكس صدا ايله اكله نيورلردى . بوش و بي لاغريياد هوايه  
 كمرلر صالايور ، « طوموزا » ديه باغرييورلر ، وبو كمر كوپر پيك كمرلردن كنديلرينه  
 كرى دوتنج ، برچوق كوليورلردى . بويله جه سسلرى قيصيانجه قدر باغريديلر ،  
 اوندن صوكره يردن دوزطاش پارچهلر آله رق صواوستنده سكديرمه اويونى اوينامغه  
 باشلاديلر . ياغمور ديتمشدى ، فقط بوراده او قدر راحت ايديلر كه قالقوب كيمكى  
 خاطرلرينه بيله كتيره ميورلردى . سن نهرى ، اوتنه سى بريسى باغلانمش براور توكى  
 آقيور ، اوستنده طاشيدىنى اسكى شيشه طيله لى ، سزه وات سوپرونتيلرى ،  
 درلو درلو صردارلقر بعضاً بوكردابه طوتيله رق سمدت طور ييورلر ، صوكره ،  
 كمرلر ظلمتى آتنده قاراران صويك قسوت اورسطخنده تكرار آقوب كيدىيورلر ،  
 كوپرينك اوستندن اومينبوسلر ، آرابلر ، شهر ك قارمه قاريشيق غلبه لى كچيورلردى .  
 پارسك يالكز طاملرى ، بر قويو ديبندن باقار جاسنه كوروليورلردى . مادمازهل  
 رومانرو تحسره اچنى جكدى . اكر بو نهر ك كنارنده بر پارچه يشيلك اولسه  
 حالا آرقه سندن آغلايوب طور دىنى بر دليقانى ايله برابر كريندكلرى مارن نهرينه  
 نه قدر بى كزه يه جكدى !  
 بر آره لق موسيو ماديذه نك اشارتيله قافله قلفه رق ( توويله رى ) باغچه سنه  
 كيردى . بوراده چوجوقلر ك يوارلادقلى چنبرلر ، هوايه اوچورتدقلى بالونلر قافله  
 انتظامنه حلل ويرمىدى . باغچه دن چيقه رق واندوم ميدانه كلديلر .



میدانك اورته سنده كي ستونه باقیورلردی. موسیو مادینه قادینلره خوش کورونك مقصدیله قلهیه چیقهرق اورادن پاری تماشایتمکی تکلیف ایتدی. بو تکلیفی چوقا کلنجهلی بولدیله. حقیقه قلهیه چقمغه دکردی. صوکره لری بوزیارتك خاطره سیله کیم بیلیر نه قدر کوله جکلردی! او کونه قدر اینك آخوری کبی او طه لردن باشقه برشی کورمه مش اولان انسانلرایچون بوتماشاعینی زمانده استفاده لی برشی اوله جقدی. موسیو مادینه نك بوتکلیفی اوزرینه مادام لوریو مریدانه نوعندن برسسه : — اما یاپدیگنلرها ، دیدی ، ظن ایدیورمیسیکز که کلین خام طوپال باجاغیله بو مریدیونلره طیر مانمغه راضی اولسون ؟  
مادام لورات سوزه قاریشدی :

— بن کندی حسابمه ، چیقارم ، یالکز آرقه مده ازك اولاملی .  
چقمغه باشلادیله . مریدیونك طار حازونی ایچنده بواون ایکی کشی ، آلاریله دیوارلره طوتونه رق ، قوللانمقدن پیرانش باصامالره چارپه چارپه طیرمانیورلردی. بر آرزو کره مریدیونك ایچی قاپ قارا کلک اولنجه ، بر قهقهه درقوباردیلر . قادینلر اوافق صیحه لرله باغیریشیورلر ، ارککلر اونلرك باجاقلرینی چیمدیگیلره رك غیدیقلا یورلردی . برر فارهی آ کدیران بو انسانلر او قارا کافده طوروبده قونوشه حق دکالردی یا ، البته ال شاقه سی یاپیله جقدی ؟ هم بونده نه ضرر واردی ؟ هپسی ناموسکار انسانلردی ، نره ده طورمق لازم کله جکنی بیلیرلردی . او آره لق ( بوش ) بر لطیفه ایجاد ایتدی . بو لطیفه هپسك خوشنه کیتمشدی :

هرکس آرقه یه دونه رك مادام غودرون دییه سسله نه جك ، اونی یاری یوله قالمش فرض ایدهرك : شیشمان قادینك طار مریدیونلره چیقوب چیقما دیغنی صوره جقدی . بو حقیقه آلایلی بر شیدی . دوشونك بر کره ، مادام غودرون ایری قارتی نه ایلری ، نه کری کوتوره میور ، قوجه مان جهه سیله مریدیونی طیقابور ، اوته کیلر ایشك ایچندن ناصل چیقه جقلرینی بیله میورلر ... بونی دوشونك بیله اورته لعه او قدر نشئه ویریوردی که بوتون جماعت قهقهه دن صارصیلیوردی . بو آره لق ( بوش ) بو بیتوب توکنمک بیله من صوبابوروسی قیلیقلی مرده بون ایچنده عمرلری توک نه جکنی سویله دی . حقیقه مریدیونك آردی آرقه سی کلیوردی . بو کیدیشه کوك یوزینه می چیقه جقلردی ؟ ( بوش ) قادینلری فورقو تمق مقصدیله قله نك والاندیغنی ادعا ایتدی . قوپو هیچ برشی سویله مه یور ، ژروه زك تسلیمیت کارانه ترك ایتدیکی وجودنی بلندن یاقه لامش ، آرقه سی صیره چیقیوردی . نهایت بردن آیدینلغه واصل اولدیله . تام او ائنده کندیسی ده ژروه ژری بوینندن اوپمك اوزره ایدی .

بونی کورمش اولان مادام لوریو کپازه لك چیقارمق ایسته یین برطور ایله :



— ما، ااه ، دیدی ، تام یرینی بولدیکیز ، سزك هیچ ده صیفیلمه کز یوق می؟

بی لاغری یاد حدتلی کورونیوردی . دیشلری آره سنده مریدانه رق :

— بونه کورولتو یا هو ، دیوردی ، باصامقلری صایوردیم ، کورولتو کزدن

حسابی شاشیردم .

او آره لق صحنه چیمهش اولان موسیو مادینه پارسك بویوك بنالرینی کورستره رك ایضاحات ویریوردی . مادام فوقونیه ایله مادمازل رومانزو صردیوندن طیشاری چیقما یورلردی . بوتیه دن سوقاڭك قادیریمنی تخیل ایتك بیله صافره لرینی قاربارتیوردی . اونك ایچون صردیون باشنده طور مشلر ، صحنه آچیلان اوراق قاپودن باقیمتله اکتفا ایدیورلردی . دها جسور اولان مادام لورات فیه نك طونجندن جئه سنه وجودینی ایجه یاپیشدیرمش ، طارتراسه نی دائرأما داردونیوردی . مع مافیه باجانی برقایه جق اولسه ایش تمامدی ، بونی دوشوندکجه هر طرفنی شدتلی بر هیجان قاپلایوردی . ریم بورادن آشانی به دوشمك نه مدھش برشی اوله جقدی ! ارککلرک بکزی بر پارچه صارارمشدی . اولرده آشاغیده میدان باقیورلردی . انسان بوراده کندینی هرکسدن آیری ، صانکه معلقده ایمش کبی ظن ایدیوردی . حقیقه بوارتفاعده آدمك باغرساقلری طوکیوردی . موسیو مادینه باش دوئمهمسی ایچون یکانه چاره کوزلرینی قالدیره رق طوس طوغری ، تا اوزاقلره باقق اولدیغنی سویله یوردی . برطرفندن ده یارماغیله انوالیدی ، پانتھونی ، نوتردام کایساسنی ، سن ژاق قله سنی ، مون مارتر تپه لرینی کورستریوردی . بر آره لق مادام لوریور اقشام یمكنی بیه جکلری کوموش دکرمن میخانه سنی بورادن کورمك ممکن اولوب اولمادیغنی صورمشدی . بو سوال اوزرینه اون دقیقه قدر میخانه نك یرینی آراشد برمقله وقت کچیرلدی ، عادتاه ناقصه باشلامشدی : هر کس میخانه نی آیری بریرده کورستریوردی .

پارس ، اوزاقلره طوغرو ماویمتراق بر رنك آلان منظره سیله ، حدس حسابسز چانیلرک طولیدیردینی درین وادیلرله نامتناهی بر اسر ساحه کبی اوزانیوردی . سن نهرینك صاغ ساحلی باقر رنگلی بر بولوط کومه سنك آلتنده ظلمته بوغولمشدی . کنارلری یالیزلی بر صاچاق کبی پارلایان بو بولوطدن کنیش برضیا آقهرق صول ساحلده کی بیکلرجه اوك جالرینی برقیویلجیم پریتیسیله طوتوشدیریور ، شهرک بو قسمنی فیرطنه نك ییقایوب صاووردینی تمیز برسا اوستنده پارلاق برعکس ایله دیگر قسمدن آیریوردی .

(بوش) اینك اوزره تکرار صردیونه دوئمش ، حدتلی حدتلی سویله نیوردی :

— برون برونه یاپیشیق یورومك ایچون می بو قدر زحمته قاتلانوب بوتیه به

چیقدق ؟



هركسك صورتى آصيق ايدى . سنده ليه رك ، سسز صداسز ، صردىونى  
 اتمكه باشلاديلر . آشاغى ايتد كدن سو كره موسيومانديزه پاره ويرمك ايسته دى . فقط قوپو  
 بوكا راضى اولمادى و آدم باشنه ايكي (سو) حسابيله بىكجى يه كنديسى يكرى درت (سو)  
 ويردى . ساعت بش بچغه كليوردى . يمكه كيتمك ايچون آنجق وقت  
 واردى . بولوارلرى طوتديره رق پوواسسونيه ر طريقيله يوله قويولدير . بو آره لق  
 قوپو بو تفرجك بويله نهايت بولسى طوغرو اولامايه جغنى سويليه رك جماعتى بر  
 شرايجى دكاننه سوروكلدى ، اوراده برر وهرموت ايچديار .

آفشام يمكى ساعت آلتيد ، ايصارلانمى . كوموش دكرمن ميخانه سنده يكرى بش دقيقه دن  
 برى دعوتليره انتظار ايدى ليوردى . اوكون ايچون آپرمانده كى قلبه سنى كراجيلردن  
 برينه امامت ايمش اولان مادام بوش ، يك سفره سىك قارشى سنده قوپونك آتاسيله  
 قونوشيوردى . برلكده كيتيردىكى ايكي چوجوق ، قلود و آتیه ن ، سفره نك آلتنده  
 اوينا يورلر ، اسكمله لرى آلت اوست ايدى يورلردى . ژروه ز ميخانه يه كيروب ده او  
 كون صباحدن برى يوزلرني كوره مديكى چوجوقلرله قارشىلاشمنجه ايكي سنى بردن  
 قوجاغنه آلدى ، اوزون اوزون اوپدى ، سو كره مادام بوشه دونه رك سوردى :  
 — بارى اوصلو اوطورديلرمى ؟ اميد ايدرم كه سىك جانكزى چوق

صيه مامش لردر .

مادام بوش آكلاندى : اوكلادن برى بومينى مينى بوجكار اويله تحف شيلر سويله مشلدى كه  
 كوله كوله بايله شدى . بونك اوزرينه ژروه زه تكرار چوجوقلرني قوجاغنه  
 آلدى ، طاشقين برشفقتله اونلرى تكرار كوكنه باصديردى .  
 مادام لوريو سالونك او بر كوشه سنده طوپلانان قادينلره آكلتيوردى :  
 — هر حالده قوپو ايچون تحف بر ازدواج !

ژروه ز صباحكى ساكن و متبسم حالى محافظه ايدى يوردى . مع مافيه تزه دوام  
 ابتدكي مدتجه بر طرفدن قوجه سنده ، بر طرفدن لاريو عائله سنده باقورق آره صيره  
 مكدر بر سىما طاقيدور ، تفكراتى ايچنده طالب كيديور ، فقط هيچ طاشقينلق  
 كوسترمه يوردى . بللى كه قوپو ، همشيره سندن قورقيوردى واقعا دون بوكسكدن  
 آتوب طومش ، اونلر حدلرني بيلديره جكنى . كنديسنه حرمتده قصور ايدرلر سه  
 ديشلرني سو كه جكنى سويله شدى . فقط يوز يوزه كلنجه افندي سىك آغزندن بييقه ق  
 سوزه باقان كوپكار كى سورونيور ، اونلر حدتله نديكنى كورنجه صيويش يوردى . بولدى  
 بيله كنج قادينك استقبالن انديشه يه دوشمه سى ايچون كافى كليوردى .  
 مه بوطدن باشقه بوتون دعوتلير كاشدى . يالكز اونى بىكديورلردى . قو  
 بر آراق جانى صيقيه رق :



— دها فضله بکله بهمه نيز، دیدی، هایدی بکله اوطورهم. شیمدی نرده ایسه اوده کلیر. بورنی قوتلیدر، بک قوقوسی اوزاقدن آلیر . . . عجباً حالا سن ده نیس یولی اوستنده بزی بکله یورمی دیرسکیز؟ اکر اوبله ایسه چوق تحف اوبله جق . . .

شطارتی صوک درجه یه کلش اولان دعوتلیلر اسکمه لری طاقیرداتهرق بویوک برکوراتو ایله سفره باشنه اوطوردیار. ژروهن، لوریو ایله موسیو مادینه نک آره سنده، قویو مادام فوقونیه ایله مادام لوریو نک آره سنده اخذ موقع ایتشاردی. اوتیه کی دعوتلیلر راست کله اوطورمزلردی. چونکه اولدن برلر تفریق اولونورسه بوندن قیصقا نجلق، حتی غوغا چیقادیغنی بیلیورلیدی. بوش مادام لوراتک یاننه ایلیشیورمشدی. بیی لاغری یادک قومشولری ده مادمازل رومانزو ایله مادام غودرون ایدیلر. مادام بوش و مادام قویویه کلنجه: اوزلر سفره نک تا اوجنه، چوجوقلرله برابر اوطورمشاردی. قلودله آتیه نک طباقلرنده کی آتلی کسپورلر، قدحلرینه فضله پیراب قونما سینه دقت ایدیورلردی.

قادیلر البسه لرینه یاغ ضاملاماسون دییه سفره بزینک آلتنده اتکارنی طوپلا یورلردی. بوش بر آراق آلایلی برطرز ده صوردی: — بک دعاسی اوقونما یه جق می؟

مادام لوریو بو نوع لطیفه لردن خوشلانمازدی. بوز کی صوغومش بر شعریه چورباسنی، قاشیقلر ایچنده دوداقلریله ایصلیق چاله رق بر حمله ده ایچدیلر. بیاضلی زائل اولمش اوکلک لریله، اوزرلری یاغدن لکه لکه اولمش قیصه جا کتاریله ایکی چوجوق سفره اطرافنده خدمت ایدیورلردی. آقاسیا آغاجلرینک سوسله دکی ایچ اولویه آچیلان دوت پنجره دن صاغناق یاغورلرینک ییقادینی حالا صبحاق بر کونک صوک ضیالری کیریورلردی.

بو راطب محیطده یتیشه ن او آغاجلرک یشیللرکی صالونک دومانلی محیطنه عکس ایدرک کوف قوقان سفره اورتوسنک اوستنده پاقلرک کولکهنی تتره تیورلردی. صالونک ایکی کوشه سنده برر بویوک آینه واردی. بو آینه لرک اوستی سینک پدسلرکله طولو ایدی. ایکی آینه نک اورته سینه تصادف ایدن سفره، بیچاقلرک بر اقدینی چیزکی برلری، بولاشیق صولرینک سیاه ایزلرینی طاشیان هارارمش طباقلریله بو آینه لرک ایچنده نامتناهی عکسار پاهره ق اوزانوب کیدیورلردی. خدمت ایدن چوجوقلرله طبخه کیتماک ایچون تادیبده کی فاپوینی آچوب قاپادجه ایچریدن بریانیق ات قوقوسی کلیورلردی.

بوتون دعوتلیلر، برونلری طباقلرینک ایچنده، سسسسس صداسز یملک لری بیورلردی. (بوش) آلا ی مقامنده:

— اماده کورواتو ایدیورسکیزها، دیدی، هپ بردن قونوشمایکیز . . .



خدمتجی قیمه لی بوره کی طاغیتیر کن هر کس ایلک قدح شرابی ایچمهکه باشلامشدی .

بو آراق مه بوط قاپودن کیردی .

— اما یالانجی انسانلر ایمشکنر ها ... یولاک اوستنده اوچ ساعت طابان تپدم ، طولاشدم ، طوردم . بر آراق ژاندارمه نك بری بنی سرسری ظن ایدهرک و شیقه صورددی . بردوسته هیچ بویله مناسبستیزلک یاپیایری ؟ انسان بریسیله اوفاق بر خبر اولسون کوندهدیر . مع مافیه لطیفه بر طرف ، اماده فنا هوا ایدی ها ... اویله یاغمور یاغدی که جیبارمک ایچنه قدر صو کیردی . هانی اولطه آت ، بالق طوت ، او قدر یاغمور یاغدی ...

دعوتیلر کولمکدن قیریلیورلردی . حالبوکه مه بوط بورایه کله دن یوکنی طوتمش اک آشاغی ایکی لیتره ایچمشدی . قوپو سسله ندی :

— هی ، قوت جنابلری ، کیت ده مادام غودرونک یاننده اوطور . کوریورسک یا ،

سنی بکله یوردف .

مه بوط کری به قالدیغنه هیچ صیقیلما یوردی . اونه یاپوب یاپوب اوتنه کیلرینه یتیشه جکندن امین ایدی . اوچ قاب چوربا کتیرتدی و هر دفعه سنده ایچنه ایری ایری اکمک دیلیملری طوغرا بهرق یوتدی . صیره بوره که کلنجه هر کس حیرتله اوکا باقیوردی . امانه یوتیوردی ! غارصونلر ، بری دیگرینه اوزاتمق صورتیله اوکا متصل ایچنه دیلیملی اکمک ویریوریوردی . اوده بو اکمکلری بر لقمه ده معده سنه ایندیریوردی . نهایت بر زمان اولدی که بو طرزده اکمک ویرمه لرینه جانی صیقیلدی . او ، یانی باشنه بوتون بر صومون آلق ایسته یوردی . بو حالدن تلاشه دوشن میخانه جی بر آرهلر صالونک اشیکنه کلدی . بونک بویله اوله جفنی اولجه تخمین ایتمش اولان دعوتیلر تکرار قاتیلیرجه سنه کولکه باشلامش لردی . میخانه جینک اوستنه عادتاً فنالق کلیوردی . حقیقهً بو ( مه بوط ) اولور آدم دکلدی ! بر کون تام ساعت اون ایکیده اون ایکی لوپ مورطایمش ، اون ایکی باردق شراب ایچمشدی . بو چاپده آدم نادر بولونوردی . مادمازل رومانثرو اونک لقمه لری چبکنه یشنه دقتله باقیور ، موسیو مادینه بو اوبورلق قارشیدسنده طویدیغی حرمتکارانه حیرتی افاده ایدمک بر کله بوله مایه رق بونک خارق العاده بر قوت اولدیغنی سویله یوردی .

بر آرهلر هر کس صوصمشدی . غارصونلرک بری صلاطه طباغنه بکزه من بر چوره ور طباق ایچنده کتیردیکی طاوشان یخنیسنی سفره نك اورته سنه قویمشدی .

لطیفه دن چوق خوشالانان قوپو بونی کورونجه غارصونه خطاباً :

— بکا باقسه ک آ ، دیدی ، بو حیوان حالا باغیرییور .

فی الحقیقه طباعک ایچندن کدی میا ولامه سنه بکزر بر سس کلیور کیمیدی ، بونی یاپانینه قوپو



ایدی ، دوداقلرینی اوینا تمفسسزین بوغازینک برحر کتیله بوسسی چیقارییوردی . قوپونک بوخصوصده مهارتی واردی ، بومهارت سایه سنده خیلی موفقیت قازانمشدی . بونی اوقدر آئی یاپاردی که نه زمان بر لوقنطه ده یک یسه مطلقا طاوشان یخیدسی کتیرتیردی . میا ولامه بیتد کدن صوکره کدی کبی میرلدامغه باشلادی . قادینلر اوقدر کولیورلردی که حاولو ایله یوزلرینک ترینی سیلمکه مجبور اولیورلردی . مادام فوقونیه طاوشانک باشنی ایستهدی ؛ قویروق طرفنی هیچ سهومزیدی . مادمازل رومانزو ایسه یاغنی طرفندن خوشلانیردی . مادام بوشه کلنجه او ، ای پشمش اولقی شرطیله یخینک صوغانلرینی ترجیح ایدردی . بونی ایشیدن مادام لورات دوداقلرینی بوکهرک :

— پک طبیعی برشی ،

دیدی . مادام لورات فصولیه صیرینی کبی قوری برقادیندی . بوتون عمری اوطه سنک قاپالی محیطی ایچنده چالیشمقله کچمشدی .

قوجه سندن طول قالدینی کوندن بری بر ارکک یوزی کورمه مشدی . بویله اولمقله برابر نهدر مستهجن شی وارسه هپ اونرله مشغول اولور ، دائما ایکی معنالی ، چاپقنجه تلیحارله طولو سوزلر سویلردی . بوسوزلر اوقدر درین شیلردی که معنالرینی یالکز کندیس آکلردی . مادام لورات جواب ویردی :

— البته ، اوافق صوغانلرک چوق فائده سی وار .

محاوره کیتدکجه جدی بر شکل آلمغه ، هرکس کندی صنعتندن بحث ایتکه باشلامشدی . موسیو مادینیه مقوا جیلای صنعتی بالاندره بالاندره آکلایوردی . مقوا جیلر ایچنده حقیقی صنعتکارلر واردی . . . بعض او یله هدیه لک مقوا قوطولر اولوردی که حقیقه نفاستده امثال سزدرلر . لوریو بوسوزلره استهزا ایله مقابله ایدیوردی . اوده آلتون حقنده معلومات ویریوردی .

اونک یارماقلرنده ، حتی بوتون وجودنده آلتونک پارلاق عکسلرینی کورمک ممکندی . وقتیله قویو مجیار اوقدر اهمیتلی انسانلر ایش که بللرینه قلیچ طاقارلر مش . مثلا ( برنار پالیس ) بونلردن بری ایدی . مع مافیه لوریو بو آدمک ترجمه حالنه واقف دکلدی ، ساده جبه اسمنی بیلیوردی . قوپویه کلنجه اوده آرقداشلرندن برینک یاپدینی فوق العاده مکمل بر مسوبا فیرلداغندن بحث ایتدی . بو فیرلداق برستون اوستنه طاقیلمش بر فیسقیه ، یش سیتی ییچیمنده برشی ، برده بایراقدن عبارتدی . بوتون بونلر بر برینه لهله ن چینقو پارچه لرندن یاپیلامشیدی . مادام لورات ، یچاغنک قولینی یازمقلری آره سنده قیویردوق برکل صاپنک ناصل بو کولدیکنی بیی لاغرییاده آکلایوردی . شیمدی هرکس یوکسک سسله قونوشیور ، بوتون



سفره نك اوستنده چارپيشيور دى . بو كورولتو آره سنده  
بعضاً ايشجيارندن شكات ايتدى . مادام فوتونيه نك حايقيره رق صويله ديكي سوزلر  
ايشيديلوردى . دها كجن كون چيرائلردن برى بر چيفت ياتاق چارشائنى ياقشدى .  
بو آره لق لوريو يومروغيله ماصه يه اوره رق حايقيردى :

— نه درسه كزديكز ، آلتون آلتوندر ..  
بو حقيقتك دعوت ايتديكي سكون ايچنده بالكنز مادمازل رومانرونك تيرسىسى  
ايشيدلدى :

— بىكلرك فيستانلرينى چوبرير ، ايچردن ديكرم ... تا كيه لرى دوشمه سون  
ديه برطوبلوا بكنه ايله باشلرينه ايلاشديررم . اوندن صوكره بهرينى اون اوچ سوپه  
صاتارم .

چكه لرى آره سنده كى لقمه لرى آغير آغير او كوتىكله مشغول اولان مه بوط بو ايضاحانى  
ديكله مكسزىن سادده باشنى صاللايوردى . اونك بوتون دقتى غارصونلرك اوزرينه معطوف ايدى .  
او كنده كى طباعى آدم عتلى سيلوب سوپورمه دن قالد يروب كوتورمه سونلرديه  
كوزينى دوت آچيوردى . صالچهل طانه قيزارتمسى ، اونك آرقه سندن يشيل  
فصوليه كلدى . بوندن صوكره فرونده پيشمش و آلتنه برقات تره قونمش ايكي طاووق  
قزاقسى كتيرديلر . طيشاريده ، كوشك صوك شعاعانى آقاسيا آغابارينك بوكسك داللى  
اوستنده پارلايور ، بو آغاجلرك صالونه عكس ايدن يشيل كولكه لرى كيرلى طباعلرله طولو واوته سى  
صالچله و شرابه لكه لى يك سفره سندن بوكسلن بو غولر آره سنده كشافت پيدا ايتديوردى .  
ديوار بو نجه غارصونلرك كتيروب براق دقلى كيرلى طباقلر ، بوش شراب شيشه لرى ،  
طبق بر ضيافت سفره سنىك سوپورولوب آيلامش من خرفاتى حالنده طور يورلردى .  
بر آز صوكره ار ككلر دىنه وتلرينى چيقاره رق كوتىكله يمكه باشلاديلر .

ژروهن يك آز يك يور ، عيى زسانده چوجوقلرى كوزلردن قاچيرمايوردى .  
بر آرائى مادام بوشه دونه رك ؟

— رجا ايدرم مادام ، ديدى ، چوجوقلره چوق يك يديرمه يكز ...  
بر آز صوكره يرندن قالفه رق چوجوقلرك او طور دقلى صنداليه لرك آرقه سنده  
كيتدى واورادن قونوشمغه باشلادى . چوجوق بو ، طويديغى بيلمزكه ... صباحدن  
آقشامه قدر نه ويرسه ك رد ايتز ، يوتار . بونكله برابر ايكي سنده برر پارچه  
طاووقله بر آز بياض شراب ويرديلر . قوپونك آناسى ايسه بول بول يديرمك  
طرفدارى ايدى . بركون سوء هضمه او غرارلرسه بوندن نه چينار ؟

مادام بوش قوجه سنىك قولاغنه اكيلاهرك مادام لوراتك ديزينى چيمديكلركن  
كورديكىنى . وبله دى . قورناز حريف ، متصل ايچوب طور يورلردى . فقط قارىسى



اونك ألتى سفره آلتنده بردن غائب اولوركن كورمشدى . اكر بردها كورهك اولورسه علم الله صراحى بى قفاسنه آتاردى .

بو آرهلق اورتالغه ينه سكونت كلدى . شيمدى موسيو مادينه سياياتدن بحث ايديوردى :

— ۳۱ مایس قانونى برباد شى... شيمدى ايكي سینه مدت بر برده اقامت

ایتمك لازم . او چ ميليون وطنداشلى ايسته دن چيتارمشار . ايشتمديكمه كوره بوناپارت بوندن پك چوق صيقيلمش ؛ چونكه كنديسى خلق سهوهر ، بونى آتاريله اثبات ايتمشدر .

موسيو مادينه هر نه قدر جمهوريتجى ايديسه ده آنجق پرنس بوناپارتى عموجه سندن دولاي تقدير ايدردى . اونك عموجه سى كې بر آدم بر دها كله مزردى . بېي لاغريياد قيزدى : او ته ليزه سراينده چالشمش ، شيمدى مه بوطنى او ناصل كورييورسه بوناپارتى ده اويله كورمشدى . هر كك برى ايدى . روايته نظراً ليون طرفارينه طوغرو بر سياحت ايتمك فكرنده ايمش . انشاءاه يولده قفاسى باطلارده هر كس قورتولور . مناقشه چيركين بر طرز آلمغه باشلامشدى . قوپو مداخله ايتدى :

— پولتيقه ايله بو قدر حرارتلى حرارتلى مشغول اولديغكمزه باقيليرسه سز چوق صافدل انسانلر سكرز . پولتيقه ديديكك بر آلاى صاحبه شيدر . بزرگيم ، پولتيقه كيم ؟ باشمرك اوستنده ايستهر بر قرال ، ايستهر بر حكمدار ، يا خود باشقه برى اولسون بجه مساويدر . بن ينه هر كون بش فرانغمى قازانير . يكمكى بر ، اويقوى اويورم . پولتيقه ايله ذهن يورمق ، طوغرو سى آبداللقدن باشقه بر شى ...

مع مافيه لوريو باشنى صاللايه رقى ينه پولتيقه دن بجه كيريشدى . اوده قونت دوشامبورله برابر ، عيني كونده ، ۱۸۲۰ ايلونك بكرمى سكرزنده طوغمشدى . يوم ولادتى بو قدر بويوك بر آدمك طوغدينى كونه نصادف ايديشى اونك اوتنه دن برى نظر دقتى جلب ايدر ، بونى دوشونديجه كندى خيالاته قاپديرير ، بوخوليا ايچنده قرالاك تكرار فرانسه طوپراغنه عودتى ايله كنديسنك ثروت و طاللى آره سنده بر مناسب تصور ايدردى . واقعا بو طالعك نه اولديغنى آچيقجه سويلمه يوردى . فقط بوندن كنديسنه فوق العاده بر ايلمك كله جكنى احساس ايديوردى . بو اعتقاده او قدر ربط نفس ايتمشدى كه نه زمان بويوك بر املى اولسه بونك تحقنى قرالاك عودتى زمانه تمايق ايدردى . سوزينه دوام ايتدى :

— بر آقشام قونت دوشامبورى كوزمله كوردم ...

بو سوز اوزرينه بوتون يوزلر كنديسنه توجه ايتدى :

— اوت كوزمله كوردم . چو چوق سيالى بر آدم ، آرقه سنده قوجه مان



بر پالطو واردی . بر کون شاپل سوقاغنده دوستلرمدن دوشمه مه جی په کینیویه کیتمشدم . قونت دو شامبور بر کون اول په کینویک دکاننده شمسیه سنی اونوتمش ایش . تام بز قونوشورکن کلدی : « لطفاً شمسیه می و بریر میسکز ؟ » دیدی . اوت بو ، بالذات قونت دوشامبور ایدی . په کینیوخی ناموسیله تأمین ایتشدی .

هیچ کیمسه اعتراض ایتهدی . یمکک صوکنه کلشاردی . غارصونلر طباقلری بر برینه اورهرق سفره نك اوستنی تمیزله یورلردی . او وقته قدر غایت رابطهلی ، غایت آغیر باشلی بر قادین کبی اوطوران مادام لوریو بردن : « های الله بلاکی و برسون ! » دییه بر صیحه قوپاردی . غارصونلردن بری بر طباغی قالدیریرکن اونك اوموزینه ایصلاق برشی دوکشدی . اثوابی محقق لکله ندیکنی ظن ایدیوردی . موسیو مادینه اثوابك آرقه سنی معاینه ایتدی . یمین ایدمرك تأمین ایتدی که اثوابه برشی اولامشدی .

سفره نك اورته سنه ، بر صلاطه طباغی ایچنده قره مالی یورطه ، اونك یانزه ایکی طباق پنیر ، ایکی طباق ده یمش کتیردیلر . بیاضی فضا په پشمش یورطه لرك صاری قیره ما ایچنده منظره سی بوتون دعوتیلرک نظر دقتی جلب ایتشدی . بو ، هیچ ده بکله نیامه ین بر شیدی . هپسی بونی کبار بولایلر . مه بوط حالا ییوردی . بر آرهلق غارصونلردن تکرار اکمک ایسته دی . ایکی طباق پنیری بیتیردی ، قره ما طباغی اوکنه چکه رک چوربا ایچنه اکمک طوغرارجه سنه بوکاده قوجه مان اکمک دیلیملرینی باطیره رق یمکه باشلادی .

بو او بورلق قارشیدسنده حیرتدن کنندینی آلامیان موسیو مادینه :

— طوغرونی ، افدی چوق شایان حیرت شی !

دیدی . ارککلر سفره دن قالمشلر ، پیولرینی یاققله مشغول ایدیلر . هربری صیره ايله مه بوطك آرقه سنه کلهرک آلريله اوموزلرینه اوریورلر ، قارنی طویوب طویمادیغنی صوریورلردی . بی لاغری یاد اسکمله سیله برابر اونی سفره باشندن قالدیردی . او قدر یمک یمشدی که آغیرلانی ایکی قات اولمشدی . قوپو لطیفه مقامنده مه بوطك ده یی باشلادیغنی ، بوندن صوکره بوتون کیچه بومنوال اوزره اکمک بیه جکنی سوله دی . بونك لطیفه اولدیغنی تقدیر ایدمه یین غارصونلر قورقودن قاجدیلر . بر آرهلق سالوندن اوزاقلاشمش اولان (بوش) تکرار کلدی ، میخانه جینك حالنی آکلادی . بیچاره آدمک یوزی صاپ صاری صولش قاریسی اکمک تدارکی ایچون میخانه نك بوتون اوشاقلرینی فرونلره صالیرمش ، بو ضیافت دکانك کدیسنه وار مجیه قدر هرکس ایچون یقیم اولمشدی .



حقیقهٔ مه بوطك او بورلنی او قدر تحف ، او یله اكلنجه لی بر شیدی که ساده  
 بونی کورمك ایچون بر ضیافت ویرمکه دکردی . اساساً اونسر هیچ بر اكلنجه  
 یاپیلمازدی . ارککار هم پیولرینی ایچورلر ، همده قیصقانیچ نظرلرله اوکا  
 باقیورلردی . فی الحقیقه بوقدر يك ییه بیلمك ایچون انسان قیصقانیله حق درجه ده  
 صاغلام بر بنیه یه صاحب اولمیدر .

مادام غودرون مه بوطه دونهرك :

— طوغروسی ، دیدی ، سزی بسله مکی بکا حواله ایتسه لر بن یوایشی اوستمه  
 آلام ؛ چوق کوچ ایش !

مه بوط مادام غودرونك كه لكدن شیشمش قارننه یان باقهرق :

— بوش لافك لزومی یوق ، دیدی ، دقت ایتدم : سز بندن فضله یدیکز .  
 بو سوزی هپسی آلقیشلادی ، هر طرفدن براوو سسلری ایشیدیلدی ،  
 مه بوط طاشی کدیکنه قویعشدی . آرتق باص بایاغی کیجه اولمشدی . صالونك ایچنده  
 یانان اوچ هوا غازینك چیقاردینی بولانیق ضیالر پیولردن یوکسلن دومانلر آره سنده  
 تتره شیوردی . غارصونلر قهوه و قونیاغی طاغیتدقدن صوکره کیرلی طباقلرک متباقی  
 قسمنی ده آلوب کوتوردیلر . آشاغیده ، آقاسیالر آلتنده پیستونلی بر بورو ایله  
 کسکین سسلی ایکی کاندن مرکب بر میخانه اورکسترسی ، کیجه نك صیجانلغیله  
 قیصیلشمش چیقان قادین سسلرینه قاریشه رق آهنکه باشلامشدی .  
 بر آره لق مه بوط سسله ندی :

— شیمدی ایکی لیتره ایچکی ، بر لیون ، بر پارچه شکر کتیرته لمده هپسی  
 یاقه لم ، صیره بوکا کلدی .

قوپو ، ایچکیدن خوشلانمایان ژروه زك سیماسنی بر اندیشه قاپلادیغنی  
 کورمشدی . هان آیاغه قالقدی . آرتق بوندن فضله ایچیه مزدی . اساساً یکریمی بش  
 لیتره شراب ایچیلشمشدی . آدم باشنه بر بچق لیتره اصابت ایدیوردی . بوندن ایلریمی  
 حد معقولی تجاوز ديمك اولوردی . دوستجه ، کورو توسز بریمك ینیلدی . هرکس  
 بر برینك خاطرنی کوزه تدی ، کندی آره لرنده بر عائله بایرامی یاپیلدی . هرشی  
 یولنده کچدی ، بوتون دعوتلیلر اكله ندیلر ، شیمدی قالقوبده حیوان کی ایچمه نك  
 معناسی وارمی یا ؟ هم بر دین مجلسنده بوندن بویوک حرمتسنزلك اوله مازدی . بناء علیه  
 بوندن صوکره یاپیه حق شی سرخوش اولمق دکل ، کلین کووه کینك شرفنه بر قدح  
 قونیاق ایچمکدر . قوپو هر جله نهایتنده آنی کوکسنه اوره رق ایراد ایتدیکی بوصمیچی  
 نطق بیترنجه لوریو و موسیو مادینه کنیدیسنی حرارتله تطیب ایتدیلر . فقط دیکرلری ،  
 بوش ، غودرون ، بیی لاغرییاد ، بالخاصه مه بوط آدم عقلی قفای قوتسوله مش



اولدقلری ایچون سرخوشقدن آغیرلاشان دیلرله برخیلی آلائی ایتدیلر . بونلرک یوغازی یانیوردی ، مطلقا برشی ایچمک ایسته یورلردی .  
مه بوط فکرینی سویله دی :

— حرارتی اولان ایچر ، اولمایان ایچمز . بزایچکی یی ایصارلایه جغز . کیسه یی زورلامیورز که ... کبارلر شکرلی صو ایچسونلر .

قوی تکرار نصیحت ویرمکه قالفیشدی . فقط مه بوط او وقته قدر آیاغه قالمشدی . فوپونک آرقه سنه بر شاپلاق ایندیره رک حایقیردی :

— آرتق سن چوق اولیورسک ... غارصوق ! بزه ایکی لیتره اسکی شراب کتیر !

بونک اوزرینه قوپو :

— پک اعلی ، او یله ایسه یمک پاره لرینی همان ویره لم ، صو کره بلسکه کورواتو چیقار . اوصلی عقللی ، آدملر سرخوشلرک ایچکی پاره سنی اوده منلر آ ...

دیدی . مه بوط برچوق قاریش دیردینی جیننده طوپی طوپی او چ فرانق یدی (سو) بوله بیلمشدی . سن ده نیس یولنده بکله تمشلردی ، اوده پاره سنک بر قسه یله ایچکی ایچمشدی .

هی قباح کندی سنی اوراده بوش یره بکله توبده پاره سنک بر قسه یی ایچکی به ویرمکه مجبورایدنلرده ایدی . مه بوط جیننده کی پاره دن او چ (سو) یی ایرتسی کونکی توتون پاره سی ایچون آلیقودی ، یمکه او چ فرانق ویردی . قوپو او قدر قیزمشدی که اکر ژروه ز قورقودن اونک اتکنی چکه رک یالوارماسه یدی . مطلقا مه بوط چاته جقدی . نهایت لوریودن ایکی فرانق بورج آلمغه قرار ویردی ، فقط لوریو ویرمکه راضی اولمایوردی . قاریسی بوکا اصلا موافقت ایتزدی . بناء علیه یاننده پاره اولمادیغنی سویله یه رک رد ایتدی . بو آرائی موسیو مادینه آلنه بر طباق آلهرق هر کسدن کندی یدیکی یمکک پاره سنی طوپلامغه باشلادی . ایلک اوکجه مادام لوراب ، مادام قوقونیه ، مادمازل رومانژه کوستریشمز بر طور ایله کندی بشر فرانقلرینی ویردیلر . ارککلر ، هربری برکوشه یه چکیلمش حساب یاپیورلردی : دعوتلیلر اون بش کشی ایدی . بهر فرانقدن یتش بش فرانق ایده جکدی . بو پاره طوپلانجه غارصونه بخشیش اولهرق هرکس طباعه بش (سو) آتدی . توزیعات هرکسی ممنون ایده جک طرزده یاپیله بیلمک ایچون بر چاریک قدر حسابله وقت کچیریلدی .

صیره میخانه جینک یاره سنی ویرمکه کلشدی . میخانه جی فضله صرفیات یاپیلدیغنی ، یتش بش فرانقله بو صرفیاتک اوده نه مه یه جکنی سویلیوردی . بو سوز اوزرینه هرکسی حیرت قاپلادی . فضله صرفیات کله سی بوتون دعوتلیلری خیلدیرتمشدی .



او وقت میخانه جی تفصیلات ویرمکه قویولدی : یکریمی لیتزه شراب اوزرندن بازارلق یاپیلدیغی حالده یکریمی بش لیتزه شراب اچیلیمشدی اوندن صوکره یش کافی کوروئمه دیکی ایچون ایسته یه آریجه قیره مالی یورطه علاوه ایتشدی .

بلکه ایسته یین بولونور دییه قهوه ایله برابر برشیشه روم کونده رمشدی . بو ایضا حاندن صوکره دهشتلی برغو عاباشلادی : قوپواوکه آتیلیمش ، مناقشه ایدیوردی . هیچ یرزمان یکریمی لیتزه شراب دیه بر بازارلق اولمامشدی . قیره مالی یورطه یه کلنجه ، مادام که یش صیره سنده ویرلمشدی ، ایسته یه داخل دیمکدی . امام میخانه جی بونی کندیلکندن علاوه ایتیمش ایش ، اونلربوتدن مسؤل اوله مازلردی . برشیشه روم محضا حساب پوصله سنک یکونی قبارتمق ایچوق علاوه اولونمشای ، بواولماسه ده اولوردی . — مادام که قهوه تبسیسنک اوستنه قویوب کتیردیکز . قهوه ایله برابر طوتملیسکز . هایدی شو پاره یی آلده بوش یره قفا باطلانما ؛ بردها سنک دکانه آیاق باصارسه ق ایکی اولسون ...

میخانه جی اعتراض ایدیوردی ؟

— آلتی فرانق دهه ویره جکسکز ، بو آلتی فرانقی ویرکده نه یاپارسه کز یاپک ... موسیونک فضله اوله رق یدیکی اوچ ا ککی ده حساب قاتما یورم . میخانه جینک اطرافنی آلمشله . حدتلی حدتلی ال اشارت لر بله ، تهوردن قیصیلان سسلرله اونی تهدید ایدیورلردی . بالخاصه قادینلر هر درلوا احتیاط کارانی اونوتمشلردی . برسانتیم بیله فضله ویرمه یه جکارینی سویله یورلردی . طوغروسی یا بودوکون چوق پارلاق شی ! مادمازل رومانثره بردها بویله دعوتلره اشتراک ایتمه یه جکنه عهد ایدیور ، مادام فوقونیه یدیکی یملکری بکنمه یور ، کندی اوند قرق سو مصرف ایتسه بوندن بیک قات اعلا برقاب یمک ییه بیله جکنی ادعا ایدیوردی . مادام غودرون سفره نیک اشاغیسنه آتیلدیغندن ، سفره قومشوسی مه بوطک کندیسنه قارشى رعایت سزک کو ستردیکندن شکایت ایدیوردی . ذاتاً بو نوع ا کلنجه لر دائماً صوکنده بویله بوزوق چیقار عادتدر : برانسان دوکون یایمق ایسته یه مصرفنی کندیسى کورور ، دعوتلی چاغیریر ، بویله هر کسه کندی پاره سنی ویردیرمک صورتیله دوکون ضیافتی کورلمش شی می ؟ قوجه سنک آنه سیله برابر بر نجره نیک اوکنه چکیلیمش اولان ژروهز محجوبیتندن هیچ آغزینی آچایور و بوتون بو اتهاملرک کندیسنه متوجه اولدیغنی حس ایدیوردی .

موسیو مادینه میخانه جی یی آلهرق برلکده آشاغی یه ایندیله . شیمدی اورادن کورواتولری کلیوردی .

یاریم ساعت صوکره مادینه کندی و اوچ فرانق فضله ویرمک صورتیله حسابی تمیزله دیکنی سویله دی . فقط دعوتلیلرک حدتی زائل



اولا مشدی ، متصل فضله صرفیاتدن بحث ایدیلیوردی . دیرکن مادام بوشك  
بر شدتلی حرکتیله وضعیت بوسبوتون فنا لاشدی . دمیندن بری نظرلریله قوجه سنی  
ترصد ایتکده اولان مادام بوش اونی بر کوشه ده مادام لوراتی چیمدکارکن  
کورمشدی . بر آنده یاقالادینی بر صراحی یی بوتون شدتیه فیرلاتدی آتدی ،  
صراحی دیواره چارپهرق پارچه پارچه اولدی .

مادام لورات بونک اوزرینه مادام بوشه دونه رک تلمیح کار بر طور ایله :  
— قوجه کزک صنعتی ترزیلک اولدینی بللی ، هله فستاقیلقدکی مهارتی قابل  
انکار دکل . آنجق بنده ماصه آلتندن اوکا کافی مقدار تکمه اوردم .  
دیدي . هرکسک کیفی قاچمشدی . نشئه سزک کیتدکجه آرتیوردی . موسیو  
مادینه شرقی سویلنمسنی تکلیف ایتدی . آنجق ایچلرنده سسنگ کوزالکیله  
معروف اولان بیی لاغریاد اورتهدن غائب اولمشدی . پنجره لرک برندن اولوبی  
سیر ایتکده اولان مادمازدل رومانرو اونی آقاسیا آغاجلری آلتنده ، صاچلری  
طارمه طاغنیق بر ایری یاری قیزله دانس ایدرکن کوردی . پیستونلی بورو ایله  
ایکی کماندن مرکب اورکستره برقادریل چالیور ، اطرافده کی خلق اللری بر برینه اورهرق  
چالنی به رفاقت ایدیوردی . نهایت جماعت طاغیلدی . مه بوط ، غودرن وقاریسی آشاغی  
یندیلر . بوش چیقدی کیتدی . اولوده ، دالره آصیلشمش فنارلرک ضیالریله چیک یشیل  
رنکه بویانان یاقارلر آره سندن چیفتلرک رقص ایتکلری کورولیوردی . کوندوزک یوکسک  
حرارتی ایچنده بایلمش کی طوران کیجه ، هیچ نفس آلمسزین اویویوردی . سالونده  
لوریو ایله موسیو مادینه جدی بر محاوره یه طووشمشلردی . اوتده حدتدن نه یاه جقلرینی  
بیله مه یین قادینلر آره لده بر کره اثوابلرینی یوقلایهرق لکه اولوب اولما دیغنی تدقیق ایدیورلردی .  
مادام لوراتک اثوابنده کی صاچاقلره مطلقا قهوه دوکولش اوله جقدی . مادام  
قوقونی نك البسه سی باشند آشاغی یه صالحه لکه سی اولمشدی . اختیار مادام قوپونک  
اسکمله دن یره دوشن یشیل آتقیسنی ، آیاقلره چیکنه نمش اولهرق بر کوشه ده  
بولدیلر . مادام لوریو یه کلنجه ، او بر درلو حدتی تسکین ایده میوردی . چونیکه اثوابنک  
آرقه سی لکه اولدیغنه امین ایدی . واقعا هرکس عین ایدهرک اوکا تأمینات ویریوردی .  
آنجق مادام لوریو بونامیناته اینا میوردی . ایله حس ایدیوردی که مطلقا آرقه سنده  
بر لکه واردی نهایت آینه ده معاینه ایدهرک لکه یی کوردی :

— بن دیمه دم می ؟ بومحقق طاووغک صالحه سندن اولدی . اثوابنک پاره سنی غارصونه  
وده تدیره حکم . یوقسه محکمه یه کیدوب دعوا ایده حکم . کلنجه ده بر بوا کسیکدی  
وده اولدی . کاشکی اومده اوطوره یدمده راحت راحت اویویه یدم ... ذاتا فضله  
طوره جقلردن دکل . دوکونلرینی باشلرینه چالسونلر ، الویریر آرتق ...



او كجه لرینك آلتنده غچیردایان باصه ماقلری صارسه رق حدتلی حدتلی چیقدی گیتدی .  
لوریو آرقه سندن قوشدی . قادین دونمكه راضی اولیوردی . اكر كندیسیله  
برابر اوه كلك ایسترسه اونى نهایت بش دقیقه بکله یه بیلیردی . اساساً فیرطنه  
طورور طورماز قالقوب گیتمکی دوشونمشدی . کاشکی کیتسه یدی... بو کون بوتون  
چکدکارینی قوپویه اوده ته جکدی .

قوپو، مادام لوریونك حدتندن خبردار اولونجه شاشیردی قالدی . ژروهمز ،  
قوجه سنی بو اذادن قورتارمق ایچون همان اوه دونمكه راضی اولدی . بونك اوزرینه  
عجله عجله قوجاقلاشه رق وداع ایتدیله . موسیو مادینیه ، اختیار مادام قوپو یی اوینه  
کوتورمکی تعهد ایتدی . چوجوقلری ده مادام بوش کندی اوینه کوتوره جکدی .  
بو حصوصده ژروهمزه تأمینات ویردی .

اساساً قره مالی یورطه نك آغیرلیله ایکسی ده اسکمله اوستنده اویومشلردی .  
نهایت کلین کووه کی ، اونه کی دعوتلیلری میخانه ده براقه رق لوریو عائله سیله  
برلکده چیفدیله . اونلر کیدرکن آشاغیده مه بوط و بوش برطاقم یابانچیلرله غوغایه  
طوتوشمشلردی . دانس یرنده مه بوط و بوش برقادینی اوپمشلردی ، اونه ده ایکی عسکر  
بو قادینك کندیلرینه عاٹد اولدیغنی ادعا ایدیورلردی ، بزمکیلر قادینی عسکرلره  
ویرمك ایسته میورلردی .

اورکسترا بر پولقا چالارکن اونلر قادینی آلارندن ویرمه مك ایچون اورته لنی  
آلت اوست ایده جکارینی سویله یه رك عسکرلری تهید ایدیورلردی .  
ساعت هنوز اون بره کلمشدی . شاپهل بولوارنده و بوتون غوت دور محله سنده  
طاشقین بر سرخوشلق واردی . چونکه او کون عمله نك پاره آلدقلى آيك اون  
بشی ایدی .

مادام لوریو میخانه دن یکریمی آدیم ایلریده ، بر هوا غازی فنارینك آلتنده  
بکلیوردی . اونه کیلر اوکا التحاق ایدنجه مادام لوریو قوجه سنك قولنه کیره رك ،  
هیچ ارقاسنه باقمه دن ، یورومكه باشلادی . اویله حیزلی کیدیورلردی که ژروهمز  
ایله قوپو یتیشمك ایچون آرقه دن صولوق صولوغه قوشویورلردی . بعضاً قالدیریم  
اوستنه یووارلانه رق طبانلرینی هوایه دیکمش بر سرخوشه چارپامق ایچون شوسه یه  
اینیورلردی . لوریو، قاریسنك حال و حرکتندن متولد طاتسزلنی ازاله مقصدیله بر  
آره لق دونه رك ژروهمز ایله قوجه سنه :

— سزی قاپو کزه قدر کوتوره جکز .

دیدى . مادام لوریو سسنى یوکسلته رك بویله ایلک دو کون کیجه سنی بون کور  
اوتلنك کیرلی بر اوطه سنده کچیرمکی پك تحف بولدیغنی سویله دی . ازدواجی بر آرز



دها صو کره یه بیراقسه لردی ده بش اون پاره طویلایوب ایکی اوچ پارچه اشیا صاتین آله لردی ، اوندن صو کره ایلک کیجه یی کندی اوطه لرنده کچیرسه لردی اولماز میدی ؟ شیمدی آیلنی اون فرانقه کیرالانمش ، طار ، هواسز چاتی آلتنده استیف اولق صانکه ابی برشیمی ؟

قوپو قورقاق بر سسله جواب ویردی :

--- بن اوطه می بر اقدم . یالکز ژروه زک اوطه سنه کیرا ویریورز ، بوراسی نمکدن دها بویو کدر .

مادام لوریو کندنن کچه جک درجه ده حدتلی ایدی . قارده شنک بو سوزی اوزرینه سرت بر حرکتله :

--- بو دها فنا یا ، دیدی ، دیمک که بوندن صو کره (بان بان) ک اوطه سنده یاته جقسک ! (بان بان) ، مادام لوریونک ژروه زه طاقدینی لقب ایدی . ژروه ز ، صوراته ایندیرلش بر طوقات کی بو لقبی ایشیدنجه صاب صاری کسیدی . مادام لوریونک بونکله نه دیمک ایسته دیکنی ژروه ز آکلامشدی . (بان بان) ک اوطه سی دیمک . کندیسنک بر آی مدت لانتیه ایله یاشادینی ، ایچنده حال حیاتنک ملوث بر پارچه سی سورو کله نوب طور دینی اوطه دیمکدی . قوپو همشیره سنک بو مقصدینی آکلامادی . او ساده ، قاریسنه او یله بر لقب ویرلمسندن متأثر اولمشدی .

— باشقه لرینه لقب طاققله حق سزاق ایدیورسک . چونکه سنک ده لقبک وار ، سکاده صاچلر کدن کنایه اینک قویروغی دیورلر . بونی یوز که قارشی سویلسه لر خوشلانمازسک صانیرم . هم نه دن ژروه زک اوطه سنده اوطورمایه جقمشز ؟ باخصوص بو آقشام چوجوقلرده یوق ، پک اعلی راحت ایدرز ...

مادام لوریو کندیسنک ده بر لقبی اولدیفنی او کر نمکدن پک متأثر اولمشدی ، وقارینی بوزمامق ایچون هیچ سیس چیقارمادی . قوپو ، ژروه زک کوکلنی آلمق ایچون خفیفجه قولنی صیقیور ، بوتون مصرف چیققدن صو کره کندیسنه قالان یدی ( سو ) یی بانطولوننک ج بندده شیقیرداتهرق عائله حیاته بوقدر جق بر پاره ایله کیردکلرینی قاریسنک قولاغنه فیصله ایوردی . فی الحقیقه بو سوز ژروه زک خوشنه کیتمش ، اسکی نشئه سی یرینه کلشدی . بون کوراوتلنک قاپو . نه کلنجه طارغین برادایله کیجه لر خیر اولسون دیه رک آیرلدیلر . قوپو ، ایکی قادینی بویونلرندن طوته رق باریشدیرمق ایچون بر برینه ایتراکن صاغ طرفدن کچمکه چالیشان بر سرخوش بردن صوله تبدیل استقامت ایدهرک ایکی قادینک آره سنه دوشدی .

لوریو بو سرخوشی طانیمشدی :

— آی ، بابا (بازوق) ... بو آقشام عقللی اولمش ...



ژروەز قورقوسىندىن اوتلىك قاپوسىنە سىنىمىشىدى . مىزارجى بابا (بازوق) اللى ياشلىرىنىمۇ  
بر آدمى . آياغىنىمۇ چامور لىكەلرلە طولو برىياھ پانطولون ، باشىنىمۇ سىياھ بر شاپقە  
واردى . شاپقە كىم بىلەر نردە يره دوشدىكى زمان ياه ياصى اولمىشى .  
لورىيو قادىنلىرى تېمىنە چالیشيوردى :

— قورقايىكز ، برشى ياپماز ، بىزىمە عىنى قاتىدە اوطورور . بىزىم اوطەيە وارمەدن  
قورىدور اوستىندەكى اوچىنچى اوطە كىندىسىنىكىر .

ژروەزك كىندىسىندىن قورقەرق قاقچى بابا (بازوق) ك خوشنە كىتمەمىشىدى :  
— قورقا ، دىدى ، بىز آدم يىنلردىن دىكلىز ، بىزدە سىزك كى بر انسانم .  
واقعا بر آرز فضلەجە قاقچىردىم . فقط معلوم آ ، انسان جوق چالیشىرسە تىكرلىكلىرى  
ياغلامغە احتىياج وار . بىز بىكون ايكى آرقداش ، اوچ يوز كىلو آغىرلىغىنىمۇ  
بر آدمى قىروب دوكمەسىزىن دىردىنچى قاتىدىن تا قالدىرىمە قدر ايندىردىك . بونى  
نە سىز ، نەدە آرقداشلىرىكز ياپەمازسىكز ...

آنچىق ژروەزك قورقوسى حالا زائل اولمامىشىدى . او ، قاپونىك آره لىغىنىمۇ  
دەها چوق صوقوايور ، تا اچىندىن قىباران بر آغلامق احتىياجى اىللە بوذوقلى كونىك بوتون  
نەشەسى بوزولدىغىنى حس ايدىيوردى . مادام لورىيو اىللە قوجا فلاشمىنى اونوتىمىشىدى ،  
متصل سرخوشى اوزاقلاشدىرمىسى اچىون قوپويە يالوارىيوردى . بونىك اوزرىنە  
بابا (بازوق) قلندىرانە بر طور استىخفاف اىللە :

— سىزدە كونىك بىرنە بوىرلدىن كچە جىكسىكز ، سىزى دە بوىللە طاشىيە خىم . احتىمال كە  
بوندىن دە مىنن اولە جىكسىكز . چونكى بىز نىچە قادىنلىر طانىرىم ، مىزارە كىتمىكى  
جانە مىنت بىلىرلىر .

دىدى ، لورىيو اىللە قارىسى اونى قولدىن طوتوب كوتورىمكە اوغراشورىوردى .  
مىزارجى دونەرك ايكى هىچقىرىق آره سىندە شو صوك جەلەيى دە مىرلەندى :  
— انسان بىردىنە اولدىمى ، آرتىق بىردەها كلىز ، بوينىمە كىدر ، بو سوزىمى  
اونوتمايىكز .

## ۶

درد سىنە مىشكىل برسىمى اچىندە اصرار حىيات ايتدىلر . مىللە دە ژروەز لىقوپو اىنى  
عائىلە تىشكىل ايدىيورلردى . كىمىسە اىللە احتىلاط اىغىزلىر ، مىسىللىرى ايشىدىلزدى .  
هفتە دە بىردىنە ، بازار كونلىرى ، مىنتىظما بر تىزە ياپارلردى . ژروەز كونىك اون  
ايكى ساعىتى مادام فوقونىيەنىك دكانىندە چالیشەرق كچىرىردى . بونىكە برابر اونى



چيچك كې تميز طوتمغه وقت بولور ، صباح آقشام سفره نك يمكنى حاضر لامغه  
موفق اولوردى . قوپۇدە سرخوشلىقدن وازچىمىشدى . قازاندىغى اون بىش كۈتدە  
بىز اوينە كىتىرىدى . بوتون سفاقتى كىچەلرى ياتىدەن اول هوا لىق ايچون پىجرە او كىندە  
اوپۇرەرق برپىپو ايچىمىكدن عبارتدى . محله دە اونلرى نىزا كىتك تىمالى اولەرق  
كۈستىرلىردى . من حيث المجموع كۈندە طقوز فرانغه ياقىن پاره قازاندىقلىرى ايچون  
اولدقچە پاره آرتىدىردىقلىرى ظن اولونيوردى .

حالبوكە ، بالخاصه ايلك كۈنلر ، مصرفك ايكى اوجنى بر آره يە كىتىرمك ايچون خيلى  
زحمت چىكىمىشلىرىدى . ازدواج كىندىلىرىنى ايكى يوز فرانقلىق بر بورج آلتىنە سوقىشىدى .  
آرتق بون كۈر اوتلىك بو ايكىرنىچ اوپۇسنىدە ، كىرلى بر طاقم انسانلرك دوام  
ايتىدقلىرى بو ملوت محيطدە اوپۇرمىقدن استىكراه ايدىيورلىردى . بوتون امللرى  
كىندىلىرىنە عائد اشيا ايله دوشە نىش بر اوپۇس يە مالك اولمىقدى . او وقت بو  
اشيا يە ، بو اوپۇس يە دها فضله اعتنا ايدە چىكىلىدى . بىلكە يىكرى دفعە حساب ايتىدىلر .  
بونك ايچون اوچ يوزاللى فرانق قدر بر پاره يە احتياج واردى . بودرجه مهم بر مبلغى  
برىكىدىرە بىنمك لاقىل ايكى سنە يە متوقفىدى . تام بوندىن اميدلىرى كسە چىكىلىرى صيره دە  
طالع امدادلىرىنە يىتىشىدى : پلاسسانلى اختيار آدم ، چو چوقلرك اك بويۇ كنى اوراده مەكتبە  
يرلىشىدىرمك اوزرە آلدى كۈتۈردى . بوچو چوقلرك مصرفى اونلرە پك آغير  
كليوردى . او كىدوب دە كىندىلىرىنە سادە كوچوك آتەن قانچە اوچ يوزاللى فرانقى  
يدى بىچق آى ظرفىندە برىكىدىرمكە موفق اولدىلر . بەلوم سوقا غنىدە كى برپرا كىندە جىدن  
لزومى اولان اشيا لى صاتىن آلدقلىرى كۈن اولرىنە دۈنەدن اول پارسك طيشارى  
بولوارلىرىدە برتنزە ياپدىلر . قىللىرى سونجىدن طاشيورلى . صاتىن آلدقلىرى اشيا بر قارىولە ،  
بر كىچە دولابى ، اوزرى صرمىلى بر قونصول ، آلتى اسكىمە دن عبارتدى . بونلرك ھېسى  
اسكى آقا ژو آغاچىدن معمول شىلردى . فضله اولەرق لزومى قدر ياناق چارشىنى ، چاشىر ،  
اولدقچە يكى مطبخ ادواتى دە آلمىشلىرىدى . بونكە حىياتە قىطى وجدى صورتدە كىرمىش  
اوليورلىردى . او كۈن مال صاحى اولمىقلە برابر عىنى زماندە محله نك وقتى حالى يرندە  
انسانلرى آره سنىدە بر اهميت دە كىب ايدىيورلىردى .

ايكى آيدىن برى كىندىلىرىنە بر مسكن آرامقە مشغول ايدىلر . ايلك او كچە  
غوت دور سوقا غنىدە ، لورىپو عائله سنىك اوپۇردىنى بنادە براوطە طوتمق ايستە دىلر ؛  
فقط ھېچ بر اوپۇس بوش دىكلىدى . اسكىدىن برى بىلە دىكلرى بو املە وداع ايتىك  
لازم كلىدى . مع مافىه طوغروسنى آراسە كىژرۈمەز بوندىن ھېچ متاثر اولمامشىدى : لورىپو  
عائله سنىك قاپو قوموشوسى اولمق اونى فنا حالدە قورقۇتتيوردى . بناءً عليه باشقە طرفدە اوپۇس



آرامغه قويولدىلر . قوپو فوقونيهك دكانندن اوزاقلاشمق ايسته ميوردى . ژروەز كوندوزين هر هانكى بر لازم اولان ساعته هان اوه كەبىلىملى ايدى . نهايت غون دور محله سنك (نوو) سوقاغنده ، مادام فوقونيهك دكانيله قارشى قارشى به بر بويوك اوطه بولدىلر . بو اوطهك بر اوراق قابينه سى ، برده مطبخى واردى . بو اوطهك قاتلى اوفاجق بر اوك قارشىلىقلى ايكي اوطه سندن برى ايدى . اوك ديك بر مردونىدن چيقنجه اوطه لك برى صاغه ديكرى صوله اصابت ايدردى . اوك آلت قاتى آرابه كيرا جيلغيله كچن بر آدم اشغال ايتكده ايدى . بو آرابه جينك آلات وادواتى سوقاق بونجه اوزانان واسع بر هانغارده طوروردى . ژروەز بو اوطه ي بولونجه صانكه كوى حياثنه عودت ايتمش كى برسوينج طويدى . نه قومشو ، نه قورقه جق ديدى قودى ، هيچ برشى يوقدى . استحكام ديوارلرينك آرقه سنده ، پلاسسان قصبه سنك اوفاجق سوقاقلرنى آكديران برسوقاق ايچنده ساكن بر كوشه ايدى . فضله اوله رق دكانده ايشنى براققسزين ، شويله باشنى اوزاققله اوطه سنك پنجره سنى كوره بيليوردى .

بسان اينده اوطه يه طاشيدىلر . اوتارنخلرده ژروەز آلتى آيلق كبه بولونيوردى . فقط بو كبه لك اوكا هيچ مانع اوليودى . لطيفه قبيلىندن آره صيره كوله رك سويله ديكنه باقاييرسه قارنده طاشيدىنى چوجوق بالهكس اوكا چالشمقده يارديم بيله ايدىيور ، اوميني ميني مخلوقك ميني ميني اللرله كندىسنى چالشمقده سوق و تشويق ايتديكى طوييورمش . بعضاً قوپو ، اوني نازلامق متصدله آرتق ياتاقدن قالماماسنى سويله دكجه ژروەز راضى اولمايور ، بويوك آغريلر باشلامه دن اول ياماغه كيرمه يه حكى سويليوردى . لحوسه ياتاغنه ياتمغه دها چوق وقت واردى . شيمدى اوده بر نفوس دها آرته جقدى اولر ايچون فضله چالشمق لازمدى . بناه عليه اوطه يى كندىسى تميزلهدى ، قوپو اشياى يرلشديريركن اوده قوجه سنه يارديم ايتدى . ژروەز اشياىنى ديندارانه بر محبتله سوييور ، اولرى طبق بر آنهك چوجوغنه كوسترديكى اعتناالله سيلوب سوپورييور ، اوزرنده اوراق بر چيزمك برى كورسه يوره كى صيرليوردى . سوپوروركن اولرك بر طرفه چاربه جق اولسه صانكى بو صربه كندىسنى كمش كى تأثر طوييوردى . بالخاصه قونصولى بك سوييوردى . بوكوزل ، صاغلام وجدى قونصولك برا كسيكى واردى ، صرصرينك اوستنه برساعت قويه بيلسه اوا كسيكده تمام اوله جقدى . حقيته اويله برساعت بو صرصر اوستنه بك چوق ياقيشه جقدى . اكر دنيايه كلكك چوجوئك صرصر اولماسه يدى بلكه بويله برساعت تدارك ايدى بيليردى . شيمدى بوكا امكان يوقدى ، ايچنى چكرك ، خويامك تحقنى آتبه براقبيوردى . قارى قوجه بويكى مسكنك ويرديكى بويوك بر ذوق ايچنده باشامغه قويولدىلر .



أنته نك قاريوله سنى اوراق قابنه يه يرلشدير مشلردى . بوراسى كوچوك اولقله برابر  
 بر چوجوق قاريوله سى دها آله بيليردى . مطبخ آووج ايچى قدر اوراق وقاب  
 قارا كلك بر يردى . مع مافيه قاپوسى آچيق براقيلنجه كافى درجه ضيا كيريبوردى .  
 ذاتاً ژروده زده اوراده اوتوز كشى يه يمك پيشيره جك دكلدى يا ! بر تجره يمك  
 قايناتا جق قدر يرى اولدقدن صوكره اوست طرفنه لزوم يوقدى . بويوك اوطه يه  
 كلنجه ، ايسته اصل بونكله افتخار ايدييورلردى . هركون صباحلى اوطه نك  
 اوستنده كي بياض پرده اورتولور ، ياتاق اوطه سى پرده نك اوتة طرفنده قالير ، برى  
 طرفى يمك اوطه سى اولوردى . اورته ده يمك ماصه سى ، كنارلرده قارشيلقلى طولاب  
 وقونصول طوروردى . اوجاق ساعتده اون بش (سو) لق معدن كمورى باقدىنى  
 ايچون اونى قاپامشلىر ، بونك يرينه بر دوكه صوبا آلمشلردى . بر صرصر پارچه سنك  
 اوستنده طوران بر صوبا فضله صوئوق هوالرده ساعتده بش (سولق) كمور  
 ياقاردى . قوپو ديوارلى دورلو دورلو شيلرله سوسله مشدى وایلريده  
 دها فضله سوسله يه جكنى سويايوردى . آيينه لرى اولمادىنى ايچون اونك يرينه  
 ديواره بويوك بر تابلو آصمشلردى . بو تابلو بر طوب ايله بر ييغين كله آره سنده  
 كزين بر فرانسز مارشالى تصوير ايدييوردى . قونصولك اوزرينه كبريتلك  
 وظيفه سنى كورن يالدىزلى ايكي پورسلن قاب قونولمش ، بونلك آره سنه عائله  
 فطوغرافلى ايكي صيره اوله رق ديزلمشدى . طولابك پروازى اوستنده برانژه نك  
 بونك آلتنده ده باستالك برر يارم هيكللى طوريبوردى . بونلك يانى باشنده  
 غوغوقلى برساعت واردى . باستقال متبسم طوريله ، برانژه جدى باقىشلىريله صانكه  
 بو ساعتك صدای رقصنى ديكايور كى ايديلر . خلاصه كوزل بر اوطه صاحبي  
 اولمشلردى .

يكي اوطه لىنى كورمك ايچون كلن هر مسافره ژروده زك ايلك سئوالى شوايدى :  
 — بيلك باقهم كيراسى قاچه در ؟

اونلر اوطه يه باقهرق يوكسك بر كيرا تقدير اينجه ژرودز ، قولتوقلىرى  
 قبارهرق ، بو كوزل اوطه يى اونلرك تقديرندن چوق آشاغى كيرالامش اولمقدن  
 متولد بر مسرتله چرپينيردى .

— حالبوكه بز يوز اللى فرانغه طوتدق ، بر سائيم بيله فضله دكل ، عادتاً  
 باد هوا ، دكللى ؟

أوك سواقغندن ده آيريجه ممنون ايديلر . ژرودز بوتون وقتى بو سواقده ،  
 ايشندن آوينه كيدوب كلكله كچيريوردى . قوپو آرتق آفشاملرى پيپوسنى ايچمك  
 ايچون أوك قاپوسنه قدر ايدىوردى . سوراق بر يوقوشه تصادف ايتمشدى ، طاشلىرى



بوزوقدی، یا یا قالدیری یوقدی. یوقوشك تا یوقاریلارنده، غون دور محله سنه دوغرو اولان یئرلرده کیرلی پنجره لی، ایچرلری قارا کلک بر طاقم قوندره جی، فیچیجی دکانلری، دهاصو کره بر کوزی کور بر بقال، هفته لردن بری قاپالی طوران کینکلری اوستنه اعلانلر یاپیشدیرمش مفلس برمیخانه جی واردی. سوقاغك اوتته کی اوچنده، پارسه طوغرو کیدن طرفنده کوك یوزینه طوغری چیقمش دوت قاتلی بنالر کورولیوردی. بوبنالك زمین قاتلرینی، یان یانه برچون چاشیرجی قادینلر اشغال ایتشلردی. یالکیز طیشی یشیله بویانمش بر اوافق بربر دکانك جا کاندیه کی رنکلی شیشه لر، غایت تمیز طوتولان باقر قوطولر بومظلم سوقاغی قوتلی برضیا کی نشئه لندیربیوردی. آنجق سوقاغك اك کیفلی قسمی تام اورتیه رنده، بنالك سیرکشدیکی ودها باصیق اولدینی نقطه ایدی. بورایه کونش وهوا مبدولاً کیریوردی. آرابه کیراجیلرینك هانغارلرله غازوز اعمال ایدن بر بنا قارشیده بوچاشیرخانه آره سنده ساکت وکنیش بر میدان آچیلیمشدی. بر طرفدن چاشیرجی قادینلرک قیصیق سسلری، دیگر طرفدن چاشیر ما کنه سنك منتظم برتنفسی آکدیران ایشله یشی سوقاغك حضور و آسود کینسی آرتدیریور کی ایدی. اوتدهه بریده درینلکنه اوزانوب کیدن بوش یرلر، سیاه دیوارلر آراسنه کومولش بر طاقم لوش یولار بورایه برکوی منظره سی ویریوردی. قوپو، سوقاقده آقان صابونلی چاشیر صولرینه باصماق ایچون آتلایهرق یوروین انسانلری کوردکجه کوچوکلکده، هنوز بش یاشنده برچوجوق ایکن عموجه سنك کنديسنی آلوب کوتوردیکی بر مملکتی خاطر لایهرق بو خاطره ایله ذوقیاب اولیوردی. ژروه زك ذوقی ده پنجره سنك صولنه اصابت ایدن بر اولو ایچنده کی آقاسیا آغاجی ایدی. دالارندن یالکیز بر دانه سی اوزایان بو آغاجك جیلر یشیلکی بوتون سوقاغه نشئه و برمکه کافی کلیوردی.

ژروه ز نیسانك صوك کونی وضع حمل ایتدی. اوکون مادام فوقونیه نك دکانده، ساعت درده طوغرو، برچفت پرده یی اوتوله مکله مشغول ایکن آغریلری طوتمشدی. آغریسی باشلا پنجه در حال اوبنه کیتمه دی، براسکمله اوستنده قیوریلهرق اوطوردی. آغری هر سکون بولدجه قاله رق پرده نك بر قسمی دها اوتولیوردی. بو پرده لری عجله یتیشدیرمک لازمدی. اوده مطلقاً اوتوله یوب بیترمکه عزم ایتشدی. کندی کندينه، بونك علی العاده بر قارن آغریسی اولق احتمالی اولدیغنی دوشونیور، بو قدر جق بر آغری ایچون ایشندن قالمغه کوکلی راضی اولیوردی. پرده لری بیترمش، ارکک کوماکلرینی اوتوله مکله باشلادی. بردن یوزی بم بیاض کسیددی. دکانده اوطوره مادی. ایکی قات اولدینی حالدیه دیواری طوتونه طوتونه سوقاغی کچدی. ایشجیلردن بری کنديسیله برلکده اوه قدر کیتمه کی



تکلیف ایتشدی. ژر وەز بوکا لزوم کورمەدی، یالکیز شاربونیه سـوقاغنـده کی  
 ابیه کیدوب خبر ویرمەسـنی سـویله دی. اوده یـک پیشیرمک ایچون آتش یوقدی.  
 بو آغری، شېهەسز، بوتون کیجه دوام ایدەجکدی. اوه کیدر کیتمز قوپونک یـمکنی  
 حاضرلامنی دوشونیوردی. نەدەاولسە بوکا برمانع یوقدی. قوپونک یـمکنی پیشیردکن  
 سوکرە هیچ سویمەغە لزوم قالقسزین شویله جه یاتاغە یاتغنی تصور ایتدی. حالبوکه  
 دها صەدیونک باشنەدە اولە بر نوبت کلدی که باصاماقلرە اوطورمەغە مجبو اولدی.  
 شایدباغیرە جق اولورسە ارککلر کلیرلردە کندیسنی او حالە کورورلر دیه اوتانـدیغنـدن  
 حایقیرمادی، و حایقیرماق ایچون یوسروقـلرینی آغزینە طیقادی. بر مدت سوکرە  
 آغری کچدی، قاپوسنی آچەرق ایچری کیردی، آلدانـدیغنە حکم ایدەرک متسلی  
 اولدی. او آقشام ایچون قویون باصطیسـی پیشیرەجکدی. پاتاسلرک قابوغنی تیزلەنجە یە  
 قدر برشی طویمادی. تام اترل تاودەدە بر پارچە پیشمک اوزرە ایکن آغریلرە برابر  
 تکرارتر باصـدیـردی. فرونک او کـندە هم اـتک صالحەسـنی یاپیور. هم دەاضطرا بدن تینـه رک  
 آغلیوردی. چوجوق طوغورە جق دیه قوپوبو کیجه آچی قالسون؟ الحاصل بوکوللی آتش  
 اوستندە اـتی پیشیردی. اورادن اوطە یە کلدی، ماصەنک اوستنە قوپونک یـمک  
 طباغنی قویە جق قدر وقتی اولدیغنی ظن ایدیوردی. فقط آغری اوقدر صیقشـدیـردی کی  
 یاتاغنە کیتمکە وقت قالەدن یرە دوشدی واوراجقەدە، بر حصیرک اوستندە  
 طوغوریویردی. ابە بر چاریک سوکرە کلدیکی زمان وضع حمل عملیاتنک مابعدینی  
 اورادە تـمـامـلا مشدی.

قوپو او ساعـتـدە خستە خانەدە ایشیله مشغولدی. کیدوب خبر ویرمک ایستە دیلر  
 فقط ژر وەز قوجەسـنک راحتسز ایدلسنە راضی اولامشدی. آقشام ساعـت یدیدە  
 اوه دوتجە ژر وەزی یاتاق ایچندە، هر طرفی اورتولش، رنکی صاب صاری  
 بولدی. بر آتقی یە صاریلەر ق آننەسـنک آیاق اوجنە قونولش اولان چوجوق  
 آغلیوردی.

قوپو، ژر وەزی اوپەرک؛

— آه قاریجـم، دیدی، بن اوتەدە آلا ی ایتـمکـه وقت کچیریرکن مکر سن  
 یورادە فریاد ایدوب دورییورمشک ...

ژر وەز خفینجە کولومسەدی. ومیرلەنمە نـوعـدن بر سسلە :

— قیز !

دیدی. قوپو، قاریسـنی نشئەلندیرمک ایچون :

— تام بنم آرزو ایتدیکم، دیدی، بن دە بر قیز ایصمارلامشدم، سـپـارشم

یرینە کلدی. باق بوتون ارزولرمی یرینە کتیریورسک ...



وچو جوغى قوللىرى آره سەنە آلەرق دوام ايتدى:

— ھە باقەلم شو كوچوك خانم ناصل شى ! آي نەدە قارە بر صورانى وار  
فقط ھېچ مىراق ايمە، كيت كيدە بياضلانير . باق سكا سويلەيم كوچوك بېك :  
اوصلو اوطورمەلى ، سوقاق شىرفىنتىسى اولماملى ، اماك باباك كې غىللى غىللى  
بويومەلى، ئەمى؟

ژرۈەز، كوزلىرىنى آچش، جەدى بر نظرلەرلە قىزىنىك يوزىنە باقىوردى مائوسانە  
باشنى ساللادى: بوچو جوق ارىكك اولسەيدى دىھاللى اولەجقدى، اونك بونون آرزوسى  
بر ارىكك جوجوق ايدى. چونكە ارىكك جوجوق نردە اولسە كىندىنى قورتازير، پارس  
حياتى ارىكك ايچون اوقدر تەلىكەلى دكلدر . ابە قادين چو جوغى قوپونك آللىرى  
آره سەندن آلدى . ژرۈەزى دە سوز سويلەمەكەن منع ايتدى. اساساً كىندىسى كې  
برخستەنك اطرافندە بو قدر كورولتو ايتك بىلە ضرر ويرىردى . قوپو ،  
آنە سىلە ھەشیرە سنى آنشە سنى خېردار ايتكى دوشوندى. فقط آجلىقەن كېرىوردى .  
ھەشىدن اول برشى يەك ايستەيوردى . اونك يەك كىتىرمك ايچون مطبخە كىتدىكى،  
چقور بر طباق ايچندە يەك بىدىكى ، اماك بولامادىغى كوردكە ژرۈەز فنا حالە  
اوزولپوردى . ابە قادينك ممنوعىتنە رغماً قىورانپور ، چارشاف آلتىدە صاغە صولە  
دونوب طورىيوردى . طوغورمەدن اول سفرەيى حاضرلامادىنى ايچون كىندى  
كىندىنە قىزىيوردى . آنجق نە چارە كە آغرى بردن ياقەلامش وبر صوپا ضرە سىلە  
اورولشجە سەنە اونى برە يىقمىشى . كىندىسى ياتاق ايچندە ناز ايدوب طوروركن  
اوتەدە قوجەسى فنا بر يەك يىدىكىندىن طولايى نە قدر جانى صىقىلسە حقى واردى .  
بارى پىتاسىنى پىشە بىلمش مېدى؟ يەكە طوز آتوب آتادىغى بىلە خاطرلایە مېوردى؟  
ابە قادين حاقىردى :

— فونوشمايكز دىيورم سزە !

قوپو ، آغزىنى طولدوران لقمە سنى چىكەنە يەرك :

— كورىيورمىكزىيا ، اوزونتودن كىندىسى بىترييور؛ رجا ايدرم بونى منع  
ايدىكز . اكر سز اولماسەيدىكز ، بىت ايدرم كە ، اتمەكى كىندىسى كىمك  
ايچون شىمەدى يە قدر چوقدن قالمش اولەجقدى ... ھايدى رقىم ، قىمەلەنما ،  
آرقە اوستى يات ، اكر كىندىكى بويلە خىرپالارسە كز صوكرە اون بىش كوندن  
اول قالمە مازسك ... يەكەدە اوقدر كوزل پىشمش كە ... سز بر پارچە برىسكز  
دكللى ابە خانم ؟

ابە قادين اعتذار ايتدى . مع مافىە شرابى رد ايتەدى ، چونكە اوطە يە  
كېر كېرمن زواللى قادينچەزى ، طوغوردىنى چوجوقلە برابر حصير اوستىنە



يېغىلىش كۈرۈنچە بىردىن مەنەپچ اولمىدى . بىر قەدح شراب ھېچان تىكىن ايدە .  
 بىلەردى . يەنى بىر بىز قوپو عائىلە سەنە خەبەر وىرمەكە كېتەدى . يارىم سەعت سۈكرە  
 آنەسى ، ھەشیرەسى والىشتەسى واپا ارەلق لورىيولرى زيارتە كەلىش اولان اوتەكى  
 ھەشیرەسى مادام لورات ایلە ھې بىرلەككە لىۋسەنك يانە كەلدىلەر . قوپونك كېنىمىسى  
 ایلەشكە لورىيە عائىلە سەنك طرز مەاملەسى دە دە كېشمەشدى . شىمەدى ھەرىدە  
 ژرۈەزى مەدح ایدیورلردى . مە مافىە كوز قاپاقلرىنىك اشارتلىرىلە ، چەكەلرىنىك  
 اوینامسىلە ، سەلەسە بەئىز مەنىدار اوضاع ایلە سانكە اصل دوشۇندۇكلرىنى سۈیلەمەكى  
 سۈكرەيە بىراقىللىرىنى آكەتلىورلردى . دىمەك ایتە بىورلردى كە اونىركە دە بىر بىلەدىكى  
 شى واردى . آنەق مەلەنك نەاعتى خەلفە بىان فەكراتىمك درجە سەنە چىقە ما بىورلردى .  
 قوپو اچرى كىر كىرەن چاقىردى :

بوتون قافلەنى آلدەم كەتەردەم . طوغرىسىنى ایتەرسەنك اونىر كەلك  
 ایتەدىلەر ... مە مافىە ، بىلەورسەك آ ، سەكە فونۇش قىياساق ، ھېچ آغزىكى  
 آچاھە چەكەك . اونىر قەشەككە اوطورورلەر ، سادە جە سەنك يۈز كە بىقەلە اكەفا  
 ایدىرلەر ، بۇكە ھېچ طارمازلەر اویلە دىكەلى ؟ بىندە كەیدەم ، مەسەرلەر بىر  
 قەھۋە پەشیرەم ...

مەطبەخ طرفە كەتەدى . قوپونك آنەسى كەلىنى اوپەكەن سۈكرە چۈجۈنى  
 مەنەپچە بائەلەدى . چۈجۈق اوقدەر طوپىلى ایدى كەاختیار قەدىن حەرت ایدیورلردى .  
 مادام لورىيە ایلە مادام لورات دە ژرۈەزى يانەغەندەن اوپەدىلەر .  
 شىمەدى اۈچ قەدىن ، لىۋسەنك ياتەغنى سەرمەشەر ، طبىقى . دىش چىقارلەر .  
 جە سەنە طوغرى بىرەن بۇ چۈجۈغەك دىنەپە كەلەشەننى حەرتلە دىكەلە بىورلردى . مادام  
 لوران چۈجۈغەك ھەر طرفنى بوقلادقەن سۈكرە تەشەككەت وچۈدەپەسى سەغلام  
 بولەپەننى ، ایلەپە چۈق كوزل بىر قەدىن اولە جەننى سۈیلەدى . يالەنكەز نوزادەك  
 باشنى پەك سەورى بولىورلردى . اونكە اچچون آلارلە بۇ سەورى باشى بىوارلق  
 ياپەمە چالەشەورلردى . او باصەتە چۈجۈق آغلىورلردى . مادام لورىيەنك بۇ خەلدەن  
 جانى سەپەلمەشەدى . چۈجۈقى مادام لورانك آلەردەن آلدە . بۇپاشە بىر چۈجۈغەك  
 خەور كەپ بۇموشاق قەنەسى ھېچ بوقدەر بۇغولورمەپەدى ؟ دىنەنكە بوتون فەنالىرى  
 بۇ يۈزدەن كەلەپەلەردى . مادام لورىيە چۈجۈغەك كەپە بىكەزە دىكەنى آ كەلامە  
 اوغراشەورلردى . آ قالەدى قۇجەسەپە غوغا ایدە جەكەدى . چۈنكە قۇجەسى بۇغەنى  
 قەدىنلەر اوموزلرى آرە سەندەن اوزانەرق چۈجۈغەك باباسەنە ھېچ بىكەزە مە دىكەنى  
 ادەا ایدیورلردى . بۇنى بىكە بىر پارچە بىكەزەورلردى ، فەقەت اوست طرفى ، ھەلە  
 كوزلرى تەمەپە ژرۈەزە ایدە . خەلەسە بۇكوزلەر بابا طرفەندەن دىكەلەدى .



قوپو حالا مطبخدن كېلەمىشى . آرە صېرە اوجاق وقھوۋە جزوۋەسىلە غوغا  
ايتىدىكى ايشىدىلىوردى . ژروەزك قان تېەسنە چىقىوردى . جام ، قھوۋە پىشىرمەك دە  
اركاك اېشىمىدىيا ؟ أبە قادىنك ، پارمىغىلە صوص ! دېە اشارتلىر ايتىسنە رغما  
ژروەز ياتاغىدىن يوكسك سىسلە قوجەسنە داغىرەرق قھوۋەك ناصل پىشىرىلەجكنى  
آكلاتيوردى .

او آرەلق قوپو ، آلندە قھوۋە جزوۋەسىلە اېچرى كىردى :

— قىجانلارمىز ھىوز دكاندىن كېلەدى ، قھوۋەنى بارداقلا اېچەجىز قىسورە  
باقازىسكز دكلى ؟

دىدى ۋەھىسى بردن سفىرەك باشنە اوطوردىلر . قوپو ، جزوۋەنى بوشالتدى ،  
قھوۋە مسك كې قوقويوردى . أبە قادىن قھوۋەسنى اېچىدكن صوكرە كىتمەكە  
قالدى . آرتق خستەك يانندە بولۇغىسنە احتياچ قىلماشى . شايد لحوسە كىچەنى  
اي كىچىرمىسە ايرتسى صباح كىندىسنى چاغىرملرىنى تىيە ايتدى . اودھا مىردىونلرى  
اىنمەدن مادام لورىو ، علمەندە بولۇغى پاشلادى : بىر قىجان قھوۋە اېچنە درت  
پارچە شىكر آتارمىش ، لحوسە كىندى كىندىنە طوغوردىنى حالە سانكە بىر خدمتى  
كىچمىش كې اون بش فرانق آليرمىش ... مادام لورىوونك بو عىوملرىنە قارشى  
قوپو أبە قادىنى مدافىعە ايدىيوردى : اون بش فرانق آلدى ايسە حلال اولسون ؛  
أبە اولقى قولاي مى ، انسان بوتون كىنجلىكەندە اوقوملى ، طبىعى فضلە پارە ايسە .  
مكەدە حقلىدرلر . بو آرەلق لورىو ايلە مادام لوران آرەسندە بىر مناقشە پاشلادى :  
لورىو ، طوغەجق چوجوق اركاك اولقى اېچون ياناغك باش طرفنى شىمالە  
چو يىرمەك لازم اولدىغى ادعا ايدىيور ، مادام لوران بو چوجوچە ادعاۋە اوموز  
سىلكىيوردى . اركاك چوجوق اېچون اونك آىرى بىر رچتەسى واردى : قادىنك  
خبرى اولقىسىزىن كوشلى بىر بردن طويلا نەجق بىر آووج اىصىرغانى كىتروب  
شىلتەك آلتە قويلى ، او وقت طوغەجق چوجوق اركاك اولور دىيوردى .  
طويلو اوطورمىق اېچون ىمك ماصەسنى قارىولەك يانە سورمىلردى . ژروەز  
بوتون وجوۋدندە بويوك بىر بورغونلىق طوييوردى ، مع مافىە سىماىى بشوش  
ايدى ، يوزىنى اوتەيە چو يىرەرك كىچە يارىسندىن صوكرە ساعت ايكى يە قدر  
اويلەجە قالدى . ھى شىئى كورىيور ، بوتون سويلەنن سوزلرى ايشىدىيور ، فقط  
كىندىسندە نە سوز سويلەمەك ، نەدە قىلماقغە طاقت بولەمىيوردى . سانكە طاتلى  
بىر اولوم اونى قوجاغىنە آلمىش ، بو اولومك اېچىندىن او حياتدە قالان انسانلرك  
ياشايشلرىنى سىرايدىيور كې ايدى . ماصە اطرافندە كىلر قالىن سىسلە قونوشيورلر ،  
بىر كون بون پوئى سوقاغىندە وقوع بولان بىر جنائىت ك تىرعاقى اوزرىندە



يېتىم توگنمىز مطالعه سىرد ايدىيورلردى . آرەلقده بر كره چوجوڭك فريادى ايشيدىيورلردى .

نهایت قالمقوب كېتىمە زمانى كەلدى ، او وقتدە چوجوڭك وافتىرى بىشى اورتەيە آتېلدى . لورىيو ايله قارىسى چوجوڭك وافتىر باباسى و وافتىر آناى اوغە راضى اولشلردى .

مع مافيه آرقەدن يورلرىنى اكشيتمشلردى ، بو ايشدن هيچ ممنون دكللردى . حالبوكه قوپو كندىلرندن باشقەسنە بو ايشى حوالە ايتسەيدى او زماندە صورات ايدەجكلردى . ذاتاً قوپو ، چوجوڭى وافتىر ايتىمكه پك دە لزوم كورمىيورلدى يا ... وافتىر اولورسە چوجوق زىنكىنى اولەجقدى ؟ فضله اولەرق چوجوڭى اوشونك احتمالى دە واردى . انسانك پاپاسلرلە نە قدر آز آلىش ويريش اولورسە او قدر ايدىر . قوپونك آنەسى بوسوزلردن طولايى اوغلى دىنسزلككە اتھام ايدىيورلدى . لورىيو ايله قارىسنە كلنجە ، اونلر كلىسايە دوام ايدىر انسانلر اولامقەلە برابر دىندارلقلرلە افتخار ايدىرلردى .

لورىيو وافتىر كوتى تعين ايتدى :

— اكر موافقسە بوپازارە اولسون .

ژروەز بر باش اشارتيلە بوکا موافقت ايتدى . مسافرلر قالدېلر ، ژروەزى صحت وعافيت تەنيسىلە اوپدىلر ، مېنى مېنىيە آديو ديدىلر ، صانكە سويلەن سوزلرى آكلایورمش كې ھەكس بو مېنى مېنى مخلوڭك باتى اوجنە ككارك اوکا محبت كارنە بر قاچ سوز سويلەدىلر ، وافتىر آنەسى مادام لورىيونك كىنج قىزاق اسمى آنا ايدى ، بونك مخفى اولەرق نوزادە نانا ديدىلر .

— بونسوار مادمازل نانا ... ھايدى باقەلم مادمازل نانا ، بويودە كوزل بر قىز اول تەمى ؟

مسافرلر كېتىدگەن سوكرە قوپو اسكەلەسنى قاربولە طايابەرقى ژروەزك آلى كندى آلەك اچنە آلدى وپيوسنى اچمكە دوام ايتدى . حالا هيچانى زائل اولامشدى ، سيفارەسنى اچيور ، ھەمدە قونوشيورلدى :

— اما قفا باطلاتدىلرھا ! آدم عقللى باشكى آغرتدىلر والسلام . فقط منع ايتك آلە دكل كە ؛ مطلقا كلوب سنى كورمك ايستەيورلردى . ھەم منع ايتك طوغرو برشى دە اولمازدى . چونكە دوستلقلرندن كلىيورلردى . مع مافيه نەدە اولسە باش باشه قالمق هيچ بر شىئە بگزەمن . ھلە بن بويلە سنكە يالگىز قالمق او قدر ايستەيوردم كە ... نەدە اوزون كىجە ! عادتا يېتمەيەجك صاندم .. زوالاي قارىچىم ، كېم بىلير نە قدر اذيت چكدك ! بو يومورجاقلر نە زحمتلە دنيايە كلكلرىنى



بر بیلسه لر ... حقیقه کوچ شی ، اویله تخمین ایدیورم که بر قادن چوجوق  
طوغورور کن طمارلری آچیلوب چاتلایور کی بر شی طویه جقدر . هانی باقه یم اویومور جانی  
طاشیدیان قارنک؟ کوسترده اونی براوپیم !

بر اونی یاواشجه آرقه سنه صوقه رق ژروه زی کندینه طوعرو چکدی و آنه  
اوله نك اضطرابلری تمیل ایدهرک بردن قلبه چوکن بر حس رقت وشفقتله  
چارشافک اوستندن قاریسنک قارنی اوپدی . بوحرکتیله اونک برطرفنی آعربتوب  
آغریتمادیغنی صوردی . آه نه اولوردی اُلندن کلسه ده نفسیله اونی درحال ای  
ایده بیلسه یدی ... ژروه ز بو مشفقانه معامله دن بویوک بر بختیارلق طویورودی .  
شو دقیقه ده هیچ بر اضطراب طویمادیغنه اونی یمینلرله تأمین ایدیورودی . بوتون  
املی بر آن اول یاتاندن قالمه بیا مکی . هله بوندن صوکره بوش او طور مق  
املی بر آن اول شو یاتاندن قالمه بیا مکی . هله بوندن صوکره بوش او طور مق  
هیچ جاژ دکلدی . قوپو اوکا تأمینات ویریورودی : چوحوغک ییه جکنی  
چیقارمغه چالیشمق اونک وظیفه سی دکلیدی ؟ بو یاورو جغزک مصرفنی ده آنه سنک  
بوینه بر اقمندن دها بویوک آچاللق اولورمیدی ؟ چوجوق یایمق کوچ بر شی دکل ،  
اصل هنر اونی بسله یه بیلیمکده در .

او کیجه قوپو هیچ اویومادی . اوجاغک آتشی سوندیرمشدی . هر ساعت  
باشنده بر دفعه قالمه رق چوجوغه بر قاشیق شکرلی صو ویریورودی . مع مافیه  
ایرتسی صباح ینه هر وقتکی کبی زماننده ایشک باشنه کیده بیلدی . حتی اوکله  
پایدوسندن استفاده ایدهرک بر آزلق بلدیله دائره سنه ده اوغرادی و چوجوغک  
ولادتی قید ایتدیردی . قوپو بو ایشاری کورورکن ژروه زک بر قیز چوجوغی  
دنیا یه کلدیکنی خبر آلان مادام بوش ده هان قوشه رق کلدی . ژروه ز اون  
ساعت سورهن بر اویقودن اویاندیغی زمان بو قدر مدت یاتاقده یایمق بوتون  
وجودینه بر قیریقلاق کتیردیکنی سویله یهرک صیرلانیورودی . اکر یاناقدن قالمه  
اذن ویرمزلرسه محقق خسته اوله جقدی .

آقشام قوپو کلنجه ژروه ز شکایتی اوکاده تکرار ایتدی . واقعا مادام بوشه  
امنیتی واردی . فقط نه ده اولسه ینه یابانچی دیمکدی . یابانچی بر قادینک بوتون کون  
اوطه سنده اوطوردیغنی ، دولابلری آچدیغنی ، اوتیه یی بری نی قارشدردیغنی کورونجه  
حدتن نه یاپه جغنی بیله میوردی . فرداسی کونی مادام بوش تکرار کلنجه ژروه زی  
آیاقه بولدی ، ژروه ز کیدنمش ، اورتیه نی سوپورمش ، قوجه سنک یکنی حاضر لاقله  
مشغول ایدی . آرئی بر دها باتاغه کیرمه دی . بورغون ، بی قاب و توان کورونمک  
بویوک خانملره باقیشان بر شیدی . زنکین اولمایانلرک یاتاقده کچیره جک بوش وقتلری



یوقدر. لحوسه لښك اوچنچى كونی چيقوب ايشنه كېتمش، بر آئنده اوتو، اوجانك  
حرارتى قارشيدنده بورام بورام تر دو كرك فيستاتىرى اوتوليپوردى.  
جمعه ايرتسى كونی مادام لوريو وافتيز آناى صفتيله ويره جكى هديه لرى  
كتيردى: بونلر اوتوز بش سوبه آلمش برچوجوق تا كيه سى، برده دكانده اوزون  
مدت قاله رقى قاچدينى همچون آلتى فرانغه ساتين آلمش كنارى دانته لى بروافتيزا ثوابندن  
عبارتدى وافتيز باباى لوريو هديه اوله رقى ژرو هزه آلتى ليتره شكر كتيردى. طوغروسى،  
درست حركت ايدىپورلردى. حتى او آقشام قوپونك اوندە يىكە بيله آلى بوش  
كله مشلردى. لوريو برايتره ابى شراب، مادام لوريو ده محله نك اك مشهور  
شكرله جيمسندن ساتين آلمش بر قوجه مان پاسته كتير مشلردى. يالكنر شوواركه  
قارى قوجه بوسماحتلرينى بوتون محله يه اعلان ايتمش، بكمى فرانغه ياقير، صرف  
ايتدكلرينى راست كلنه سويله مشلردى. ژرو هز بوديدى قودى يى خبر آلتجه  
بوغوليور كى برشى طويشمىدى. اودرجه ده كه لوريو عائله نك كوستردىكى جيله  
اونلر نظرندە صفره اينمشدى

وافتيز مناسبتيله وبردكلرى آقشام ضيافتندە قوپو ايله قارىسى كنديلريله عيني  
قائده اوطوران قومشولريله دها صيقى دوست اولمشلردى. بونلر بر آئنه ايله  
اوغلندن عبارتدى. محله ده اونلردن بحث اولوندىنى زمان (غوژه) لر دينيردى.  
اووقت بوتون مناسبتلرى مرد يونده وسوقا قده قارشىلاشدجه سلاملاشمقدن عبارتدى.  
اساساً آئنه سى ده اوغلى ده مردمكيز انسانلردى. ژرو هزك لحوسه لښك فرداسى  
كونى مادام غوژه او كا آشاغيدن بر قووا صو طاشيمش اولدينى همچون ژرو هزه  
اونلرى وافتيز يىكەنه دعوت ايتكى موافق كورمشدى. ذاتاً اوتە دن برى اونلرك  
حالى بكه نيردى. بويك مناسبتيه طائيشمشلردى. (غوژه) لر فرانسە نك شمال اياالتلرندن ايدير.  
آئنه سك صنعتى دانته تعمير ايتىكدى؛ اوغلى ده بر چيوى قابريقه سنده دمير جيلك  
ايدردى. بش سنە دن برى قوپونك اوطوردىنى قاتده، اونلرك قارشيلرنده كى  
اوطه ده اوطوريپورلردى. سسسز وساكن حياتلرينك ايچ يوزنده اسكى بر كدر  
ياشاردى: غوژه نك باباى بر كون ليل شهرندە سرخوشلقله نه ياپديغنى بيلميه رك  
بر دمير پارچه سيله آرقداشلرندن برىنى اولدورمش، صو كره حبسخانه ده منديليله  
كندىنى بوغهرق اتخار ايتمشدى. بو صورتله طول قالان آئنه ايله چوجوغى پارسه  
كلشلردى. باشلرينك اوستنده بو فلاكتك اغيرلغنى حالا حس ايدن بو ايكى وجود  
صوك درجه ناموسكار ساكن ومتوكل بر حيات كچره رك او خاطره نك لىكە سنى  
سيلمكه چاليشيورلردى. حتى بو حيات ايچنده كنديلرينى اطرافنده كيلره نسبتله دها  
يوكسك كوردكلرى همچون بوندن غرورده طويپورلردى. آرقه سنده دا ئا سياه بر



اَنواب ، باشنده پاپاسلرك كيمدكاري طرزده بر تا كيه طاشيان مادام غورنهك يوزي  
سانكه ايشلهديكي دانتلهلرك سواغونلغني آلمش كبي بياض وساكن ايدى . اوغلنه  
كلنجه . يكرى اوچ ياشلرنده ، لوند ، پنبه يوزلى ، ماوى كوزلى ، صولكدرجه  
قوتلى بر دليقايلى ايدى . فابريقهده ياقيشقلى صارى صقالندن كناية اوكا آلتون  
آغز ديرلردى .

ژروهمز بونلره قارشى درحال قلمبده بر محبت طويدى . اولرينه ايلك كيتديكي  
كون بوراده كوردىكي تميزلكك حيراني اولمشدى . هيچ بر طرفده برتك تون بيله  
يوقدى دوشمه آينه كبي پاريل پاريل پارليوردى . مادام غورنه ، ژروهمزه اوغلنك  
اوطهسى كوستردى . بوراسى بر كنسج قيز اوطهسى قدر سويلى و بياض ايدى :  
دوشمهسى موسلين پردهلى بر دمير قاريوله ، بر ماصه ، بر توالت و ديواره آصيلي  
طار بر كتيخانهدن عبارتدى . هر طرفده بر چوق تصويرى ، اوتهدن بريدن  
كيسلمش فنا رسملر ، رسملى غزتهلردن چيقاريله رق ديواره درت چيوي ايله مخللمش  
مشاهير فطوغرافلرى واردى . مادام غورنه اوغلندن بحث ايدر كن اونك ايچون  
قوجامان چوجوق تعبيرنى قولالانيردى . انسانلر او قومقدن يورولدينى زمان بو  
بورسلره باققله اكلنيرمى . اوكون ژروهمز بوزيارتى او قدر اوزاندى . مادام  
غورنه بر ساعتدن برى پنجهرك كنارنده دانتلهلريله مشغول اولدينى حالده اوحالا  
اوطوريوردى . بر آرهلق مادام غورنهك ايشلهديكي ايشه مراق ايتدى : اوطهك  
تميز هواستى تنفس ايتمكدن طويدىنى بر حظ ايچنده دانتلهلايى طوتان يوزلرجه طويلى  
ايكنهيه دقت وعلاقه ايله باقيوزدى .

اولرنده صيق صيق مسافر قبول ايتك (غورنه) لرك منفعتنه خدمت ايدىوردى .  
ايكيسى ده فضله چاليشيرلر ، قازاندقلى پارهك درتده برينى بانقه يه ياتيريرلردى . محلهده هر كس  
حرمتله سلاملار ، اونلرك بريكدير دكلرى پارهدن بحث اولونوردى . غورنهك ائوابنده  
هيچ بر ييرتيق يوقدى ، جاكتى دائما تميز ، لكه سز ايدى . چوق نازك ، حتى كنيش  
اوموزلرينه رغما بر پارچهده قورقاق ايدى . محلهده كى چاشيرجى قيزلر اونك باشنى  
يره اكلرك كچيشنى سيرايتمكدن حظ طويارلردى . غورنه بونلرك قابا سوزلرندن  
خوشلانماز ، بر قاديك آغزنده اويله كيرلى تعبيرلرله قونوشمىنى ايكوره بچ بولوردى .  
كونك برنده سر خوشمىسى بر حالده اوه كلمشدى . آنهسى ستم مقامنده او كاباباستك  
صندوق ديبنده صاقلانمقدن بوزولمش بر رسمنى كوسترمكله اكتفا ايتدى . غورنه شرابندن  
نفرت ائتمهكله برابر اوتارنخدن صوكره لزومندن فضله ايچمز اولمشدى . اعتقادنجيه ،  
شراب ايچمهسنه بر عمله ايچون ضرورى ايدى . بازارلرى آنهسىله برابر سوقاغه  
چيقار ، اونكله دائما قول قوله كزردى . بوتنهده اكلتيا وه نسان اورمانه ،



ضاده تياترويه كیده لرلردی . آنه سی ابتلا کارانه بر محبتله سه وهردی . چو جوقلغنده  
نه سیله ناصل قونوشور ایسه حالا او یله ایدی . درت کوشه لی قفاسی ، چکیچ  
وللانقدن آغیرلاشمش وجودی ایله ایری حیوانلره بکزه ردی . قاپانیق برذکاسی  
اردی ، مع مافیة ایی قلبی ایدی .

ایلك كونلر ژدروه زدن پك صیقیلدی . آنجق برقاچ کون صوکره اوکا  
آلیشدی . شیمدی اونك پاكترخی طاشیمق ایچون یولنی بکیوردی ، خشین بر  
تکلیف سزا کله اوکا قیر قارده شی کبی معامله ایدیوردی . بر صباح قاپی بی اورمه دن  
اوطه سنه کیرنجه ژروه زی یاری چییلاق کوردی ، بوینی یقایوردی . غوژه بوینندن  
اوتانه رق سکر کون ژدروه زك یوزینه باقه مادی . او درجه ده که ژروه زده غوژه نك  
بو معامله سندن قیپ قرمنی اولمشدی .

کندی بکنمش بر پارسل اولان قوپو ، طشره لی غوژه بی احق بویوردی . واقعا انسان  
سوقاقده هر راست کلدیکی قیزه صوقوله رق صولایق ایتک ایی برشی دکلدی . آنجق برارکک  
نه ده اولسه ینه ارککدر . ارککلکنی بوتون بوتون اونوته حق اولدقدن صوکره  
اوکا ارکک بی ده نیر ، باجاغنه بر قادی ن فیستانی کچیر سین دها ایی اولور . قوپو ،  
ژروه زك اوکنده غوژه یه اکیده بر طاقیایر . محله نك بوتون قادی نلرینه کوز قیر پیور  
دیه اونک آلا ی ایده ردی . زواللی غوژه بوئی جدی صانه رق کندی شیدله  
مدافعه یه قالقیشیردی . بونکله بو ابر آرا لرنده بر آرقاداشلق تأسس ایتمشدی . صباحلری  
بر برینه سسله نیرلر ، ایشلرینه برابر کیدرلر ، اقهاملری اوه دونه رکن برلکده  
بررقدهح بیرا ایچرلردی . وافتیز کیجه سنده کی ضیافتدن صوکره بر بریله سنلی بنلی  
قونوشمغه باشلامشلردی .

« سز » ضمیر یله کورو شدکلری زمان جمله لر اونلره ادها اوزون کورو نیوردی .  
ایشته نام بوا ثنالرده ایدی که غوژه قوپویه بوتون مدت حیاتجه اونوته مایه جنی بر خدمت  
ایفا ایتدی : کانون اولک ایکنجی کونی ایدی . قوپو آلا ی اولسون دیه جهوویت  
نمایشنی سیره کیتمشدی . واقعا اوکا کوره جهوویت ، بونا پارت فلان ویرکلیردی .  
آنجق نروت قوقوسنه بایلیردی . تفنکلرک آتله یغنی سیرایتمک خوشنه کیدردی .  
بو آره لی سیرلردن برینک آرقه سنده او یله بروضعیته دوشدی که اکر غوژه ایری  
وجود یله اونی محافظه ایدوب قاجیر ماسه ییدی ایشی بیتمشدی . غوژه بورادن  
قور تولوب پورسسونیه جاده سنه طوغرو حیزلی حیزلی یورورکن سیاست بر جدیت  
کلمشدی . واقعا کندیسی پواتیقه دن خوشلانیر بر جهو ریتجی ایدی . آنجق اوصلو  
عقللی بر پواتیقه جی ایدی ، جهو ریتی ده عدالت نامنه ، عمومک سعادت ایچون سوردی .  
یارادیلشی سلاح قوللانمغه مساعد دکلدی . هم نه دن سلاح قوللانمغه جمش ؟ زنکینلر



کیف ایتسون دییه نهدن خلق کندیسنی آتسه آتسون؟ خایر آرتق هرکس باشقه سنك  
 خطاری ایچون تهلکایه آتیلمدن بیقمش اوصامشیدی. شباط و حزیران وقعه لری  
 لزومی قدر درس عبرت تشکیل اتمشلردی. بوندن صوکره زلکینلر ناصل  
 ایستلرسه حرکت ایتسونلر، فقیر محله لر اولرک ایشنه قاریشما به جقدی. بواسیونیه ر  
 جاده سننده، یوقوشك باشنه کانهجه دونه رك پارسه بر نظر عطف ایتدی.  
 هر حالده شوراسی محقق که پارس دینلن بو مملکتک ایچنده شو دقیقه ده ینه بر  
 دولاب دونیور. بو کیدیشله کونک برنده خلق شیمدی بوبله النی قولی قاووشدیر هرق  
 اوطوردیفنه پشمان اوله جقدر. مع مافیه قوپو مستهزیانه کویور. او جگری بش  
 پاره ایتمین مبعوثر اوطوروب تخصیصاتلری آسونلر دییه بچاره خلقك کندینی  
 تلف ایتسینی اشکجه بر حرکت تلق ایدیوردی. او آقشام قوپو ایله قاریسی  
 (غوژه) لری یمکه دعوت ایتدیلر. یمکک صوکلرنده ایکی ارکک بر برینك باتاغنی  
 اوپدیلر، آرتق اولونجه یه قدر دوست اولشلردی.

اوچ سنه بوايکی عائله نك حیاتی، عینی قانك قارشیلقلی ایکی اوطه سننده بلا حاده  
 کچدی. ژرور، هفته ده ایکی کون ایچون آیری بر ایش بولمق صورتیه فیزی  
 بویوتمه موفق اولمشدی کیت کیده ای بر ایشچی اولیور. بعض کونلر اوچ  
 فراتق قدر قازانیوردی. اورتانهجه چوجوغی آتیه ن سکر یاشنه باسحق اوزره  
 ایدی. یوز (سو) اجرت مابلنده بونی ده مشارقی سواقانده، پانیسونه، برلشدیردی.  
 ایکی چوجوغك مصرفیه برابر قاری قوجه آیده ینه یکر می اوتوز فراتق قدر  
 برپاره آرتدیر هرق بانقه یه یاتیریورلردی. بانقه ده کی پاره آلتی یوز فرانقه بالغ  
 اولونجه آرتق کمنج قادینك کوزینه اویقو کیرض اولدی، قلبی بر حرص کچیریوردی.  
 اوده اوفاجق بردکان صاحبی اولمق، اوده اجر تلی ایشچی طوته رق کندی حسابنه  
 چالیشدیر مق ایسته یوردی. هرشیئی حسابلامشدی! اکر ایشی یولنده کیدر سه  
 یکر می سنه صوکره اولرده ایراد صاحبی اوله بیله جکر، بوایراد ایله بر صیفیه ده  
 اوطوروب یاشایه بیله جکلردی.

مع مافیه پکده جسارت ایده میوردی. بر طرفدن دکان آراشدیر هجی، دیگر  
 طرفدن ده بو آره ق دها بر پارچه دوشونه جکدی. پاره بانقه ده حاضر، اوکابرشی  
 اولماز، بالعکس نه قدر چوق قالیر سه اوقدر فضله فائض کتیر یوردی. بو اوچ سنه  
 ظرفنده امللرینك بالکز بردانه سنی وجوده کتیر مش، قونصولاک اوسننه بر ساعت  
 آله بیلیمشدی. قیور علی ستونلر اوستنده طوران بوساعت پلینك آفاجندن، رقاصی  
 آلتون یالیزلی باقردن معمول ایدی. هفته ده یکر می سو ویرمک شرطیه بونی  
 برسنه ده اوده یه جکدی. نه زمان قوپو بوساعتی قورمغه قاتیشسه ژرور دزك



جانى صيقللەردى. سائىتىڭ جانى ياللىق كىندىسى چىقارمى، ستونلارنى كىندىسى تەزلەردى.  
بۇنى ياپاركن قونىدولك مىرەرى سانىكە بولساڭ كوشەسى ايمىش كې دىندىلارەنە بىر  
حس طوبىلاردى. سائىتىڭ آرقە طرفىە اصابت ابدىن جامك آلتىدە باقىنىڭ ج وۋدانى  
صاقلى طوروردى. بەزى بۇ سائىتىڭ قارشىدەنە كچەرك مستقىل دكانى تخیلە طالار ،  
بۇ قادىرانك اوستىندەكى يلفوانلرك دوندىكىنى سىر ایدەرك سانىكە قىلارنى وىرمىك  
ايچون اشرف سائىت آرىيورمىش كې بىر طور ایلە كىندىن كچردى .

هان ھى بازار ايكى عائىلە بىر اكدە كزىكە چىقارلردى . كاه (سنتاۋوان) دە  
كاه ولسان اورمانى جوارىدە بىر لوقنطەيە كىدرلر ، اورادە يا بىر ات قىزارمەسى ،  
ياخود بىر طاۋشان يىغىسى يىرلر ، كوزلجە اكلەنلردى . ار كىكلر آنجى بولغانلرىنىڭ  
حرارىتى ازالە ایدەك قدر اىچىلر ، قەدىنلارنى قوللارنى تىقەرق  
صاپ صاغلەم دونىلردى . اۋە كەلەكەن صوكە او كۆك مىصرىنى  
حساب ایدەرك آزالىدە يارى يارى بە تىقسىم ایدىلردى .

اكىيك ويا فضلە بىر سو ايچون بىلە آرەدە مناشە اولمازدى . لورىو عائىلەسى  
ھوزەلرى قىسقانىيورلردى . كىندىلرى عائىلەدن اولدىلرى حالە قويۇ ایلە قارىنىڭ  
ھىپ ياباچىلرلە دوشوب قالقىلارنى غىرىب بولمىيورلردى . بىللى كە نە قويۇ نەدە قارىسى  
بولىلە شىلرە متالىك وىرن انسانلردىن دىكلدىلر . بىش اون پارە آرتىدەرىلى بىرى ھى  
كسە قىفا طوتىيورلردى . مادام لورىو ، قارەدەشنى اۋلدىن قاچىردىنى ايچون بوتون  
خىنجى ژروەزدىن چىقارمىيور ، اوكا آغىر طولوسى كىكلر ایدىيورلردى . مادام لورت  
ايسە ياللىق ژروەزە طرفدارلق ایدىيور ، اونك بىر آقشام يولە كىدركن ار كىكلر  
طرفىدن فاصل تىجاۋزە اوغرا دىغىنى ، بۇ متىجاۋزلردىن سوراتىنە بىر چىمت توقات  
آتەرق اونلرك اۋلدىن بىر قەرىمان كې فاصل قو تولدىغىنى آ كلاتىيور ، خلاصە قارەدەشنى  
مىدافە ایدىيورلردى . قوپونك آنەنەنە كىنجە ، اونك ايشى كوجى آرە بولمى ،  
چوچوقلرىنىڭ اىي كچىملرىنى تامين ايتىكەدى . آرتىق كوزى كىت كىدە كورمى  
اولمىيورلردى ، چوچوقلرىدىن ھانكىسىنىڭ اۋندە اولورسە اولسون ایدە يوز سوقازانمىدىن  
باشقە بىر املى قالمامىشى .

ھانانك اوچ ياشىنە باسدىنى كۆنك آقشامى ایدى . قوپو اۋە كەلدىكى زىمان ژروەزى  
قىفا بىر حالە بولدى . بىيى صوردى ، صوردى ، ژروە جواب وىرمىيور ، بىرشىيى  
اولمادىغىنى سويلەيورلردى . آنجىق مىحق بىرشى واردى ، چونىكە تىلاشنىدىن يىك  
سفرەسىنى بىلە ترس قويمىيور ، اۋندە طباقلىرى كىتە بىر كىن اىكەدە بىر طورەرق دىرىن  
دىرىن دوشونجەلرە طالىيورلردى . قوپو مىراق ايتدى ، مىطلان آ كلامى ايسە يورلدى .  
يۈنك اوزىرىنە ژروەز آ كلاتدى :



— غونډور سوقاغنده کی اوافق قوردلاجی دکانی کرایه ویریایور ... بر ساعت اول کیتدم ، دکانی کزدم ، پک بکندم .

بودکان وقتيله اوطورمق ایستدکاری بنانک آلتنده ایدی ، ایچی خایت میزدی . دکان بری جاده اوستنده دیکری آرقه طرفده ایکی قسمدن ، وصالی صوالی ایکی اوطه دن عبارتدی . واقعا اوطه لری چوق کوچوکدی ، فقط بوقدری کافی ایدی یالکز کیرایی چوق بویوردی . مال صاحبی بش یوز فرانقن قاپو آچشدی . قوپو صورتدی :

— دیمک دکانه کیتدک ، کیراسنی ده صورتدک ؟

ژروه ز لاقید کوروئمکه چالیشه رق :

— اوت اما ، دیدی ، شویله جه بر اوکره نمک مراقيله ... باققدن نه چیقار ،

بونکله انسان سوز ویرمش صایلمازکه ... یالکز بو دکانی چوق بهالی بولدم . بونی کیرالامق عقللیجه بر ایش اولمایه جق .

مع مافیه یمکدن صوکره ینه دکان بحثی آچدی . بر غزته نک بیاض طرفنه دکاننک پلانی چیزدی . کیت کیده دها حرارتله نیور ، دکانک گوشه لری اولچپور . صانکه هان ایرتسی کون اشیالری اورایه طاشیه جقمش کی شیمیدن اوطه لری تقسیماتی یاپیوردی . قوپو ، ژروه زک هوسنی کوره رک دکانی کیرالامغه تشویق ایتدی . تمیز بر دکان بولق ایچون نره ده اولسه بش یوز فرانق ویرمک لازمدی . اوندن صوکره مال صاحبک بر تنزیلات یا عیسی ده عتملیدی . بر نقطه ژروه زک جانی صیقیوردی : اوده لوریو عائله بيله عینی چاتی آلتنده اوطورمقدی . بوکا تحمل ایده میوردی . مع مافیه آرزوسی او قدر طاشقین ایدی که بو آرزو ایچنده باشقه لرندن نفرت ایتکه بر قالمیوردی . حتی بر آره لق ده ایلری کیده رک لوریو عائله سنی مدافعه یه بيله قالدیشدی . حد ذاتنده بونلر فنا انسانلر دکلدی ، اونلرله ده پک اعلا کچینیه بیلیردی . یاناغه کیردیلر . قوپو حورول حورول اویورکن ژروه ز دکانی کیرالایوب کیرالاماق خصوصنده هنوز بر قرار ویرمش اولماقلا برابر ذهناً هپ مستقل دکانک تقسیمات داخلیه سنی دوشونیوردی .

ایرته سی کون یالکز اوده قانجه ساعتک جامنی قالدیردق باتقه جزدانی معاینه ایتمکدن کنندی آله مادی . ایشته آچه جنی دکان بو جزدانک یازیلرله کیرله تله ش اولان صحیفه لرده ایدی . ایشته کیتمه دن اول بردفعه ده مادام غوریه اوغرایه رق فکرینی صورتدی . مادام غوریه بوتصوری پک بکنددی ، قوپو کی اوصاو عئلای ایچی ایچمز بر ارکی اولدقن صوکره محقق ایشی بولنده کیدر ، پاره سی مح اولمازدی . ژروه ز اوکله یکی زمانی لوریو ايله قاریسنه زیارته کیده رک اونلرکد



رأینی صورتی . طوته جنی ایشی عائله سندن صاقلامق ایسته میوردی . مادام لوریو حیرتله ایچنده قالدی : ناصل ؟ بو طوپال قادین شیمدی تک باشنه بردکان صاحبی اوله جقدی ، قیصقا نجلقدن یوره کنه فنالق کلیوردی . مع مافیله بللی ایتمه دی و ژر ووه زک تصورندن یک ممنون کوروندی . دکانی پک قولانیشلی بواندیغنی سویله دی ، ژر ووه زهیچ طور میوب بونی کیرالاملی ایدی . ژر ووه ز کیتدکن صوکره قاری قوجه بنانک آلت قاتنده کی رطوبتدن ، بورطوبتک روماتیزمه یه سبب اوله جغندن بحث ایتدیلر . آنجق اکر قوپو ایله قاریسی دکانی کیرالامغه قرار ویرمشرسه بوملاحظه اونلری تصورلرندن ، طبیعی واز کچیره میه جکدی .

آقشام ژر ووه ز قوجه سنه اعتراف ایتدی : اکر بو کون فکرلرینه مراجعت ایتدیکی انسانلر عکسنه برشی سویایوب اونی قرارندن واز کچیرسه یدیلر ، محقق کدرندن خسته اوله جقدی . مع مافیله صوک قرارینی ویرمه دن اول بودفعه ده دکانی قوپویه کوسترمک ، قابل ایسه کیرادن بر مقدار تنزیلات یاپدیرمق ایسته یوردی . قوپو راضی اولدی :

— پکی ، یارین ساعت آتی به طوغرو ، ناسیون سوقاغنده چالیشدیغ بره کلیر . بنی آلیرسک ، اورادن غوق دوره کیدر ، دکانی کورورز ، صوکره اوه دورز . قوپو ، یکی یاپیلان اوچ قاتلی بر اوک طامنده چالیش-یوردی . او کون طامک چنقو لوحه لرینی قویه جقدی . طام دوز اولدیغنی ایچون تزکاهنی اورایه قورمشدی . کوزل برمایس کونشی اولرک باجالرینه صوک شعاعاتی کوندره رک غروب ایدیوردی . قوپو براق سمایه باقان بو طام اوستنده ، طبقی ماصه سنک باشنده بر پانطولون بیچن ترزی کبی چنقو لوحه لرینی کسمکله مشغول ایدی . بیتیشیک اوک دیوارینه دایاییلان اوجاغک کنارنده چوغی ، اون یدی یاشلرلنده صاریشین و نارین بر چوجوق ، قوجامان بر کوروکله آتشی کوروکله یور ، کوروکک هر نفسنده اوجاقدن بر ییغین قیویاجیم چیقیوردی . بر آراق قوپو چراغنه سسله ندی :

— هی زیدور ، دمیرلری قیزدیر !

چراق لهم دمیرلرینی ، کوندوزک آیدینلغنی ایچنده صولغون بر پنجه لیکله قیزارمش طوران اوجاغه صوقدی . اوندن صوکره اوجاغی کوروکلامکه قویولدی . قوپو آنده صوک چنقو لوحه یی طوتیوردی . بو لوحه طامله لفک یاننده ، چاتینک کنارینه قونیله جقدی . بورادن صوکره بردن کسکین بر میل باشلایور ، بو میلدن صکره ده شو طاغک بر دلیک کبی درینلشن چوقوری کورونیوردی . قوپو صانکه اوندن طولاشیورمش کبی چوخه ترلکارله آیاقلرینی سورویهرک ایلریله دی . بر طرفندن ده ایصلق چالهرق بر شرقی تفتی ایدیوردی . سوقاغه آچیلان دلیکک کنارینه کلنجه



بر ديزنی اوراده کی اوجاغه طياهرق چاتی بی قالدیریدن آیران مسافه نك یاریسنه کلنجه یه قدر کندینی براقدی ، یاری تولده طوردی . باجانلرندن بری هواده سالانیوردی . باشنی قالدیروبده چانی اوستنده کی چیراغه سسله نك لازم کلنجه قالدیرمه دوشمه نك ایچون اوجاگك بر کوشه سنه طوتونیوردی .

— اولان تنبل ، هایدی دمیرلری ویر ! نه اوله آلیق آلیق کوك یوزینه باقیورسك ؟ هواده کی چایر قوشلری لقمه اولوبده آغز که دوشه جك دکلا آ...

فقط چیراق زبدور بیلدی کی ، آلی هیچ چابوق طوتونیوردی . اوده از یاده قومشولرك چاتیلر یله مشغولدی . پارسك تا اورته سندن یو کسلن بر دومان ستونی نظر دقتی جلب ایتشدی . کندی کندینه ، بو بریانغین دومان ی اولسه كرك دیبوردی . نه دن صو کره ، قوپونك ایسته دیکی دمیرلری ویرمك ایچون جاتینك کنارینه کلدی ، ویوز اوستی یاهرق دمیرلری قوپویه اوزاتدی ، قوپو ، چنقو لوحه یی لهله مکه باشلامشدی . کاه اوزانهرق ، بعضاً بر قالجیسی اوستنه اوطورهرق ، بعضاً بر آیاغنك اوجنه یاخود بر پارماغیله طوتونهرق موازنه سنی محافظه یه چالیشیوردی . چوق جسور بر آدمدی ، تهه کدن هیچ کوزی ییلمازدی . او ، سوقاغه دوشمکدن دکل ، سوقاق ارندن قورقاردی آغزندن ده پیوی هیچ آیرمیور ، آره صیره باشنی چویرهرك سوقاغه طوغرو توکورپیوردی . بر آرهلق سوقاقدن کچن بوشی طایهرق حایقیردی :

— آی مادام بوش کیدیور !

بوسس اوزرینه قاپوجی قادین باشنی هوایه قالدیردی ، قوپوی طانیدی . بونك اوزرینه چانی ایله قالدیریم آره سنده بر محاوره باشلادی . مادام بوش ، آلاری کوکسلکنك آلتنده ، باشی هواده ، قوپو صول آلیله بر بوری قوجانلامش ، بوتون وجودی آشاغی طوغرو صارقیتی ، قونوشیورلردی .

قوپو صورتی :

— قاریمی کورمدیکزی ؟

— خایر کورمه دم ، بورایه اوغرامادی می ؟

— بی آلفه کله جکدی ... ناصل چولوق چوجوق هپ ایسکزی ؟

— تشکر ایدرم ، یالکز بن بر پارچه راحتسزم . ذاتاً حالمندن ده بللی یا ...

بن آزیچق ات آلق ایچون قصابه کیدیورم . بزم طرفده کی قصاب آرادینم آتی اون آلتی سودن آشاغییه ویرمیور .

او آرهلق بوش و کنیش جاده دن بر آراهه کچیوردی . بونك جیتاردینی کورولتو آره سنده بر برینی ایشیده بیلک ایچون یوکسك سسله قونوشمه مجبور اولشلردی . مع مافیه بو قارشیلقلی حایقیریشه کیسه نك نظر دقتی جلب ایتمیوردی . یالکز



اختيار برقادىن ، پنجره سىنك اوكنه كلش ، اونلره مىراق ايله باقىوردى . اختيار  
قادىن ، دىزلرىنى پنجره يه طايامش ، چاتى اوستىنده طولاشان بو آدمك نرده ايسه  
آياغى قايوب يره دوشه جىكى سىر ايتىك اميديله بويوك برخلجانه طوتولش كېايدى .  
بر آره لق مادام بوش :

— الله ايسمارلادىق ، سىزى فضله مشغول ايتمه يه يم .  
دييه رك اوزاقلاشدى . قوپوبوزىنى چويره رك زېدورك اوزاندىنى دمىرى آلدى .  
نام بو ائىناده ژروهمز ، كوچوك نانايى آلدىن طوتولش اولدىنى حالده قارشىيىكى  
قالدىرمدىز كليورى : مادام بوش دونوب قوپويه سىله نه جىكى . فقط ژروهمز هان  
ايله آغزىنى قاپادى وقوپونك ايشيده مه يه جىكى قدر خفيف برسىله اوكا چچىن باغىر مسنه  
مىساعده ايتمه دىكىنى اىضاح ايندى : بردن كورونه جىك اولورلرسه قوپو ايركيله رك  
شدتلى بر حركت ياپه بيلير ، بونكله موازنه سى بوزولهرق آشاغى يوارلانه بيليردى .  
چوجوغى دىرت سنه اچىنده يالگىز بردفعه باباسىنى ايشى باشنده كورمكه كتىرمشدى .  
بوده ايكىنجى كىدىشى ايدى . ژروهمز قوجه سىنى يرايله كوك آره سنده ، سرجه لرك  
بيله چيقمادقلىرى بر نقطه ده كورمكه تحمل ايدمىدىكى اچون بورايه هيچ كلزدى .  
مادام بوش بو خصوصده ژروهمزه حق ويرىوردى .  
— حقكز وار هيچ ده خوش بر منظره دكل... بىمكنك صنعتى رزىلنكدر .

چوق شىكر بويوزدن بر انديشه م يوق .  
— هله ايلك كونى صباحدن آقشامه قدر هپ اوزونتو ، هپ قورقو اچىنده وقت  
كچىريردم . خيالاً اونى دوشوب قفاى پاتلامش ، برسديه اچىنده كوروروم .  
شىمدى اسكېسى قدر دوشونمورم . انسان هر شيه آليش-يور . نه چاره اكمك  
پاره سى قازانق لازم . هم بويله قازانيلان اكمك چوق قيمتلى اولور ، چونكه جان  
بهاسنه قازانيلىور .

صوصدى وباباسنه سىله نمسون ديه چوجوغى فيستانك اچنه صاقلادى .  
زوواللى قادىن يوقارى يه باقدىنى مدتجه يوزى صاپ صارى ايدى . قوپو ، طامله لك  
ياننده ، چنقو لوحه نك اك صوك مسمنى لهمله مكله مشغول ايدى . ممكن اولدىنى قدر  
اوزانيور ، فقط ممكن دكل لوحه نك اوجنه يتشه ميوردى . ژروهمز آشاغيده بو  
منظره يه بويوك بر عذاب ايله باقىوردى . بوغازى طيقامش ، صيتيشان آووجيلرىنى  
بر وضع نياز ايله هوايه قالدىر مش هيچ برشى سويله يه ميوردى . قوپو ايشى يتيردى .  
سوقاىك اوتنه سنه بر فعه دها تو كوره رك تلاشىز بر حركتله تىكرار طامه چيقدى .  
ژروهمز كنش بر نفس آلمشدى .

قوپو طامك اوستىندن سوقاقده قارىسيله چوجوغى كورمشدى :



— وای کلدیکیزی ؛ دمیندن اوراده بنی می کوزه تلیوردیکیز ؟ مادام بوش سزی کوردی ده بکا نه دن سسایه نه دی عجا ؟ هر نه ایسه بکله ، اون دقیقه لق ایشم قالدی کلیرم .

فی الحقیقه اوجاغك تپه سنه بر شابقه ایله برده یوقاریدن اشاغی یه طوغرو بر قوردون کچیرمکدن باشقه یاپه جق ایش قالمامشدی . ژروه زله مادام بوشده قالدیرم اوستنده تکرار صحبتیه قویلدیلر هم محله نك دیدی قودیلرندن بحث ایدیورلر ، هم ده نهر کنارنده کوچوك بالفاری طومغه کیدن نانانك صویه دوشمه سنه نظارت ایدیورلردی . آره لقدمه باشلری هوایه قالدیره رق متبسم نظرلرله یوقاری یه باقیورلر ، بوباقیشلرله قوپویه عجله لری اولمادیغنی آ کلامق ایسته یولردی . قارشیده ، پنجره سنك اوکندن قوپوی سیر ایدن اختیار قادین حالا بر قضا وقوعنه انتظاراً بکلدیوردی .  
مادام بوش صورتی :

-- بوقادین ده نه او یله باقوب طور یور ذ هله شو صوراته باق اه عشقنه !...  
طام اوستندن قوپونك شرقی سویله ین سسی ایشیدیلیوردی . شیمدی تزکاهنك اوستنه ا کیلمش ، بر صنعتکار مهارتیه چنقو لوحه یی کسیونردی . پرکارله بر خط چیزه رك کهرلی بر مقاصله یلپازه شکلنده کنیش بر پارچه کسیدی . اوندن صوکره بر چکیجلاه خفیف خفیف اوره رق او یلپازه یی سیوری اوجلی بر مانطار شکلنه صوقدی . اوتده کونش پنبه بر دریای نور ایچنده یاواش یاواش صوله رق خفیف ایلاق رنکیله غروپ ایدیوردی و کوندوزك بوساعتنده ظل مرآتسملری فوق العاده بویون ایکی عمله او طام اوستنده ، تزکاهك مظلم حالی و کوروکك غریب پروفیلی ایله هوای محیطینك صاف و براق زمینده بر لوحه کی کورونیورلردی .  
اوجاغك شابقه سنی قویدقن صوکره قوپو تکرار سسله ندی :

— زیدور ، دمیملری !

حالبوکه زیدور میدانده یوقدی . قوپو کفرلر ایده رك باقیور ، کوزلریله اونی آریور ، چانینك آچیق قالان دلیکندن حایقیریوردی . نهایت اونی ایکی او اوتده ، بر طام اوستنده کوردی : چاقین چوجوق صاریشین صاچلرینی هواده صاللایه رق ، قارشیده بوتون قسیمیله اوزانان پارس شهرینه کوز قیرپه رق کزینه کزینه اطراف تماشا ایدیوردی .

-- قوپوسراپا حدت کیلمشدی :

— هله شو حیلازه باقك ! اولان ، کنه یی قیرده می صانیورسك ؟ یوقسه ایشی شاعرلکه اوردكده شعر می یازیورسك ؟ هایدی طورمه ، شو دمیملری اوزات ؟ هیچ ده بویله دام استنده سیران یاپیلدیغنی کورمه مشدم ... طورمه دیورم سکا ، چایوق اول شو دمیملری اوزات ، یوقسه ...



بر لهم دها اوردقدن صوكره ژروهزه سسلندی :

— بیتدی آرتق، کلیورم .

شایقه یی طاقه جفی بورو قاپینک اورتەسندە ایدی . ژروهزك کوکلی راحتلاشمادی .  
نظرلریله اونك حرکاتی متبسمانه تعقیب ایدیوردی . او آرهلق باباسنی کورمش  
اولان ناناده ال چیرپیوردی .  
طامك اوستنی دها ای کوره بیلمك ایچون قالدیربه اوطورمشدی . سسك بوتون  
قوتیله :

— بابا ، بابا بکاباق .

دیوردی ، قوپو اکیلمك ایسته دی ، فقط آیاغی قایدی و طبقی باجقلری بربرینه  
طولاشان بر کدی کبی بوتون حیزله یووارلاندی ، ا لنه طوته جق بر نقطه  
کچره مکسزین چاتینك خفیف سطح مائلندن آشاغی طوغرو اینمکه باشلادی .  
بوغازندن بوغوق بر سس چیقدی :

— های آناسنی ...

وباشقه برشی سویله مکه وقت قالمادن دوشدی . هواده اوافق بر منحنی چیره رک  
ایکی طاقلاق آندی و یوقاریدن آشاغی صاوورریش بر چاشیر پاکتنك سقوطنی آکدیران  
بر سسله سوقاغك تا اورتەسنه ییغیلدی .

ژروهز ، بوغازینی بیرتان کسکین بر فریاد قوپاره رق ، آلری هـواده ،  
شاشقین شاشقین قالدی . بولدن کچنلر قوشوشدیله ، اهالی طویلاندی . مادام  
بوش پریشان بر حالده ایدی . دیزلری طوتیور ، باباسنك او حالنی کورمه سین  
دییه نانایی قولاری آره سنه آلمش ، باشنی صاقلیوردی . او وقتە قدر قارشیکی  
نجره ده طوران اختیار قادین ، صانکه مرهمه نائل اولمش کبی ممنونیتله آغیر  
آغیر نجره یی قابایوردی .

درت آدم قوپوی قالدیره رق کوشه ده کی اجزاخانه یه کوتوردیلر . لایری ووازییه  
خسته خانه سندن بر سدییه کلنجه یه قدر اجزاخانه ك اورتەسندە ، بر چارشفك  
اوستندە بر ساعته یاقین قالدی . هنوز نفس آلیوردی ، فقط اجزاجی اوافق  
حرکتلرله باشنی صالایه رق امیدسزلکنی آکلتیوردی . ژروهز یره دیز چوکمش ،  
متمادیاً هیچقیریوردی . متمادیاً آقان یاشلر ایچنده کوزی کورمش اولمشدی . غیر  
اختیاری حرکتلرله آلرینی اوزاتیور ، خفیف تماسلرله قوجه سنك اعضای بدنی  
یوقلیوردی . فقط اجزاجی اونك وجودینه طوقوننی منع ایتدیکنندن هان آلنی  
کری چکیوردی . بر آز صوکره اونوته رق وجودنده حالا حرارت اولوب  
اولمادیغنی آکلامق مراقیله تکرار طوقونیوردی . بوتماسلردن قوجه سنك وجودی  
راحت طوته جق ظن ایدیوردی .



سهايت سديه كلدى ، قوپوي خسته خانه يه كوتوره بكاردى . اووقت ژروهر  
آياغه قالدی و حایقیران برسسه :

— خایر ، دیدی ، خسته خانه یه دکل ، اومزه . . . غوت دور محله سنده  
( نوو ) سوقاغنده اوطور برز .

قوجه سنی اوه كوتوره جك اولورسه اوکا باقق چوق . مصرفی اوله جغنی  
سویله دیلر ؛ فقط بو سوزك هیچ بری اونك قولاغنه کیرمیوردی . او ، متصل  
تکرار ایدیوردی :

— غوت دور محله سنده ( نوو ) سوقاغنده . . . بن سزه قاپوی کوستیرم .  
مصرف اوله جقمش ؛ بوندن سزه نه ، بنم پارهم وار . قوجه م دکل ؛ اومه  
کوتوره جکم ، بن اوله ایته یورم .

چار ناچار خسته یی اوینه کورتور دیلر . سديه ، اجزاجینك دکانی اوکنده  
بربری آزرجه نه طویلانان اهالینك آره سندن کچرکن محله نك قادیلری حرارتلی  
حرارتلی ژروه زدن بحث ایدی-ورلردی : قادین طوپال اما ، کوره جکسکز  
قوجه سنی قورتاره جق ؛ خسته خانه یه آیتسهیدی بویله آغیر خسته لرله اوغراشمندن  
بك خوشلانمایان دوقتورلرک آئنده کیم بیلیر نه اولوردی ! مادام بوش نانای اوینه  
کوتوردکن صوکره دوندی . هیجانندن بوتون وجودی صارصیله رق بیتمز توکنمز  
تفصیلاتیله وقعیه یی حکایه یه باشلامشدی :

— قصابه آتی آلفه کی-درکن بنانك اوکندن کچیوردم ، کوزمك اوکنده  
دوشدی . چوجوغی سبب اولدی ، اونی کورمك ایچور باشی جویرمشدی ،  
بردن یووارلانیوردی . اللهم اونه منظره ایدی ، برایکنجیسنی ممکن دکل کوره م .  
هرنه ایسه ینه قصابه کیدوب آئی آلمی م .

سکز کون قوپونك حالی بك فنا کیتدی . عائله سی ، قومشولری ، هرکس  
صباحه آقشامه اوله جك دیه بکله شمشلردی . ویزبته سینه بش فراتق آلان  
یوکسك تعرفه لی بر دوقتور وجودك داخلنده بر بوزوقلق اولسندن قورقیوردی .  
بو « بوزوقلق » سوزندن فناحاله اورکیوردی . محله ده هرکس قوپونك طامدن  
دوشونجه اوغرا دینی صدمه ایله قلبی یرندن قوپدیغنی سویله یوردی . کیچه لر صباحه قدر  
اویقوسز قالمقندن بکزی صاپ صاری اولان ژروه ز بوسوزلره اوموز سیلکیوردی .  
چونکه او ، قوجه سنك ساده جه صاغ باجانی قیرلایغنه امین ایدی ، اساساً بونی  
هرکس بیلیوردی ، تداوی سایه سنده بر مدت صوکره بوده ایله شه جکدی .  
قلبك یرندن قوپمسه کلنجه ، بونك هیچ اهمیتی یوقدی . او ، یرندن قوپان بوقلی  
ینه یرینه قویاردی . یرلرندن قوپان قلبلرک اعتنا ودقتله ، تمز باققله ، حقیقی



بر دوستقله تکرار یرلرینه قونوله بیله جکلرینی بیایوردی . قوجه سنک یاتاغی یاننده  
 اوطورمقله ، اونک حمالی دقیقه لرنده وجودینی اوقشامقله خسته اغنی ای ایده جکنه  
 امین ایدی و بو امنینی قوتلی بر قناعت حالنده هر کسه اظهار ایدیوردی . قوجه .  
 سنک اعاده عافیت ایده جکندن بر دقیقه بیله شبههیه دوشمه شدی . بر هفته هپ  
 آیاق اوستی طولاشدی ، پک آز لقردی سوبله دی ، قوجه سنی قورتارمق عزیمیه  
 چوجوقلری ، س-وقاغی ، شهری ، خلاصه هر شیئی اونوتدی . طقوزنجی کونی  
 اقشام ، دوقتور آرتق . خسته لک تهلاکسی قالمادیغنی سوبله نجه زواللی قادین  
 باجاقیری یره باصه مابه جق قدر کهوشه مش ، بل کهیکی قیریق دوکوک ، کوزلری  
 یاش ایچنده ، بر اسکمله نک اوستنه بیغلیویوردی و اواقشام باشنی قاریولنک آیاق  
 اوجنه طیا بهرق ایلاک دفعه ا لمق اوزره ایکی ساعت قدر اویودی .  
 قوپونک اوغرادینی بوتون عائله نی تلاشه ویرمشدی . آنه سی کیجه لری  
 ژروهن یاننده کچیریر ، فقط اختیارلقدن ساعت طقوز اولونجه اسکمله اوستنده  
 اویویه قالیردی . لورات هر آقشام ایشندن دوزرکن یونی اوزانه رق اوغرار ،  
 قوپونک خاطری صوراردی . لوریو ایله قاریسی ایلاک زمانلر کونده ایکی اوچ  
 دفعه کلیرلردی ... بر آره لق کیجه لری خسته نک باشنده بکله مکی ده تکاتف ایتدیله ،  
 حتی ژروهن ایچون بر قولتوق صندالیه سی ده کتیردیله . فقط خسته یه ناصل بافیلیمق  
 لازم کله جکی بحثنده چوق کچمه دن آرهلرنده بر غوغا قوبدی . مادام لوریو یونی  
 هر کسدن ای بیله یکنی ، بر چوق کیمسه لک حیاتی بوصورتله قورنارمش اولدیغنی  
 ادعا ایدیوردی . ژروهن اونو ایکیده بر ایتوب قاقیور ، قارده سنک یاغنه  
 یاناشدیرمق ایسته میورمش . واقعا ژروهنده قوپونک بر آن اول ایله شدیکنی  
 کورمک ایسته ر ، بوکا شبهه یوق . چونکه قضایه سبب اودر ، اگر  
 قوپو تهلاکینی آتلاقدن صوکره ژروهن اونک اطرافنده کی اسکی خشین  
 قیصه نانجاغه نهایت ویردی . شیمدی آرتق قوجه سنی اولدیره مزلردی ، بوکا فاعت  
 کتیرمشدی و بو قناعتله آرتق باشقه لرینک یاتاغه یاناشلرینه سس چیقارمیوردی .  
 بوتون عائله فرادی خسته نک اطرافنه یاییلیورلردی . نقهت دوری چوق اوزون  
 سوره جکه بکزیورلدی ، دوقتورک افاده سنه باقیلیرسه خسته دوت آبدن اول  
 ایله شه مزدی . قوپو بو مدت ظرفنده یاغنده ساعتلرجه سورن بر اویقر ایله  
 اویورکن لوریو ایله قاریسی ، خسته یی خسته خانه یه کوندرمیوب اوده باقدیردینی  
 ایچون ژروهنی آبدالقله اتهام ایدیورلردی . خسته خانه یه کیتسه یدی ایکی دفعه ده  
 چابوق ایله شیردی . لوریو ، برخسته اولسه بر دقیقه تردد ایتز خسته خانه به کیدردی .  
 مادام لوریونک طانیدقندن بر قادین کچلرده خسته خانه دن چیقه شدی . خسته لنی



مدتجه بو قادينه صباح و آقشام طاووق اُتى يدير دكلرينى سويله يوردى . قارى قوجه بو درت آيلىق نقاھتك قاچه مال اوله جفنى بلسكه يكرمنجى دفعه اوله رق حساب ايتمكه قويولديلر : ايشسز كچن كونلرك ضررى ، دوكتور اجرتى ، علاج پاره سى ، اى شراب و اى ات ، صرفى ، اكر بر طرفه آرتدير دقلرى پاره ايله بو خسته لنى صا ووشديره بيليرلرسه كنديلرينى بختيار عد ايتليدرلر . مادام لوريو بونى هيچ اوممايور ، مطلقا بوتون پاردلرينى صرف ايتدكدن صوكره بورجه كيره جكلرينى ظن ايدى يوردى . مع مافيه بوندن كنديلرينه نه ؟ پاره اونلرك ، نه ايسته رلرسه ياپسونلر . هر حالده كنديلرندن برشى بكمه سونلر ، اونلر او قدر زنكين دكل كه اوندن باقىلان بر خسته ايچون پاره يتلديره بيلسونلر ! ژروه زده عقلليلىق ايدوب ده باشقه لرى كى قوجه سنى خسته خانه يه كوندره يدى ! كبرايلىك ايتدى ، جزاسنى چكسون ... مادام لوريو ، بر آقشام ، فنالق اولسون ديه بردن شو سؤالى صورمشدى : — صحيح ، سزك دكان ايشى نه اولدى ؟ اونى نه وقت كيراليورسكز ؟ لوريو مستهزيانه علاوه ايتدى :

— قاپوچى حالا كله جكسكز ديه بكليور .

ژروه ز بوغوليور كى اولدى . فى الحقيقه دكان مسئله سنى كلياً اونوتمشدى . آنجق بو تصورك عقيم قالمش اولسى اوته كيلرك يوزنده ناصل چيركين بر ممنونيت اوياندير دىنى كوزندن قاچامشدى . آرتق او آقشامدن اعتباراً اونلر هر فرصته ژروه زك صويه دوشن بو خولياسيله اكلنمكه باشلامشلردى . تحقيقى غير ممكن بر اميددن بحث اولوندجه برنى ژروه زك سوقاغه ناظر كوزل بر مغازه صاحبي اوله جفنى زمانه تعليق ايدرلردى . يوزينه قارشى بويله معامله ايتدكلرى كى آرقه دن ده اونلكه آلاى ايتمكدن خالى قالميورلردى . واقعا بو درجه سوء ظنده بولونمق ايسته ضردى اما طوغروسى قوپونك خسته لنى كنديسنى آيرى بر دكان آچقدن منع ايتدىكى ايچون لوريو ايله قارىسى قوپونك باشنه كلن قضادن پك ممنون اولمش كى كورونيورلردى . اونلرك بو حالى اوزرينه ژروه زده مستغنى كورونمكه قرار ويردى ، قوجه سنك عافيتى ايچون او هر شئي كمال ممنونيتله فدا ايتمكه حاضردى . ساعتك جامى آلتنده طوران بانقه جزؤداتنى هر چيقاردجه شن وشاطر بر طور ايله :

— دكانى كيرالامغه كيديورم .

ديردى ، بانقه ده كى پاره يى هپ بردن آلمق ايسته مه مشدى . قونصولنك ايچنده كايتلى پاره بولوندير مامق ايچون هر دفعه سنده برر قرائق آليوردى . اوندن صوكره قوجه سنك بر معجزه ايله ناكهان ايلشهرك بوتون نقدلرينى صرفه مجبور قالمايه جقلرينى اميد ايدى يوردى . اونك ايچون بانقه ده كى پاره يى بر دفعه ده



كەمكە لزوم كورمەمشىدى . بانقەدن پاۋىۋە آلمىغە - ھەركىدوب كەلگە كرى يە دھا  
ندر پارەلرى قالدېغنى بركاغدە يازەرق حساب ايدردى . آنجق بونى مۇساحسابى  
تابى بېلسون دىە ياپيوردى . كون كچدكە پارەك دىيى دھا چوق كورونىكە  
لامىشىدى . بويلە اولمقلە برابر ژروەز، بريكدير دكلرى احتياط اچقەسنىك انقراضى  
كن وطبىيى بربىسمە حساب ايتىكدن واز كچميوردى . اساساً بوبارەنى بوقدر  
قوللانمىق ، فلاكت زمانندە اللارنىك آلتندە قوللانيلەحق بويلە بربارە بولونمىقدە  
تسلى دكليدر ؟ بودوشونجە ايلە ، قلىندە ھىچ براسف طونمىسىزىن ، بانقە  
دانى يە ھەروقتكى يرينە ، ساعتك جامى آلنە يرلىشديرىردى .

مادام غوژە ايلە اوغلى قوپونك خستەلنى اتناسىندە ژروەزە قارشى پك اى  
وراندىلر . ھلە مادام غوژە بوتون بوتون اونك خدمتتە وقف نفس ايتىشىدى .  
سوقاغە چىقىشىندە اوغرار، شكر ، ياغ ، طوز، خلاصە برشى آلدىرمىق ايتىشەرمى  
يە صوراردى . نەزمان ات يىكى پيشىرسە ايلك اوگجە چىقان ات صوينى اوکا  
رير ژروەزك فضلە مشغول اولدىنى كونلردە يىمكىنى پيشىرمكە ، بولاشىقلىرىنى  
امغە ياردىم ايدردى . اوغلى غوژە بىكلەصباح ژروەزك قوالرىنى آلەرق چشمەدن  
كا صوكتيرىردى .

سايەدە كندىلرىنە ھەركون ايكى سو فضلە صرف ايتىكدن قورتارىردى . قوپونك  
لەسى هجوم ايتەدىكى كىچەلر يىمكىدن صوكرە آنا اوغول كليرلر ، قوپو ايلە قارىسنە  
قداشلق ايدرلردى . ساعت سىكزدن اونەقدر ، ايكى ساعت مدت ژروەزخستەك  
رافندە پروانەكبى طولاشيركن (غوژە) دەپپيوسنى ايچر طوروردى . بوايكى ساعت  
رفندە اون كەلەدن فضلە سوز سويلە مىزدى . صارىشىن وكنىش يوزى ايرى اوموزلىرى  
اسنە كومولش، ژروەزك قوجەسى ايچون حاضر لادىنى اخلامورى فنجانە بوشالتدىغنى  
رواتو اولماسون دىيە قاشىغك خفيف ضربەلر يە فنجانەكى شكرى قارىشديرديغنى  
ر دكجە رقتە كليوردى . ھلە خستەك ياتاغى اطرافندە اويلە بر طولاشمەسى ،  
ستەيى طاالى بر سىلە اويلە بر تشجىع ايدىشى واردى كە غوژەنى صارصيوردى .  
رندە بوقدر اىي قادين كورمەمشىدى . حتى طولالايغنى بيلە ياقىشىقلى بوليوردى .  
تون كون صباحدن اقشامەقدر قوجەسنىك خدمتندە ايدى ، يىك زمانى بيلە بربارچە  
طورمازدى . اجزاخانەيە كيدر ، اك كپرى خدمتلىرى كورور ، ھە ايشىنىك  
يىلدىنى بو اوطەيى تىز طونمىق ايچون كندىنى ھلاك ايلەردى . مع مافىە آغزىدن  
كلە شكائت بيلە چىقماز ، يورغونلقدن اياق اوسقى اويوقلادىنى اقشاملر بيلە كولر  
ز كوسترمىكدن خالى قالمىزدى . دميرجى غوژە ، اونى بو فدا كارحاليە ، بوھر  
فى طولدوران . علاجلر آرەسندە ، بوتون قلىيلە قوجەسنىك خدمتتە موقوف



کور دکه اوکا قارشى بويوك بر محبت طويوردى .

نهايت نقاهتک ايريله ديکى برکون غوږه فوپوه :

— شه آرتق ، ديدى ، آرتق قيرىك دوکوکک قالمادى . ذاتا بن هېچ

سراق ايتمه شدم يا ... يانکده ژروژ کي برقادين اولندن صوکره ...

غوږه ده اوله نىک ايسته يوردى . والده سى پک اى برقىز بولمىدى . بوقير

کنديسى کي دانتله جيلک ايدن برايشجى ايدى . اوغلنک بوفيزله اوله نديکنى پک

آرزو ايدى يوردى . غوږه آنه سنى متأثر ايتمه ک ايچون موافقت ايتمش ، ازدواجک

ابلول ابتدالرنده اولمى قرارلاشديرلمش ايدى . يکى عقلى ايچو لازم اولان پاره

چوقدن برى بانقه ده ايدى . آنجق ژروه ز بو ازدواجدن بحث آچرجه غوږه باشنى

صاللايور ، کندينه مخصوص اولان آغير برطرز تلمظ ايله :

— هرقادين سزه بکزه من مادام قوپو ، هرقادين سزک کي اولسه يدى اون

دانه سنى بردن آليردم .

دييوردى . ايکنجى آيک صوکلرينه طوغرو قوپو آياغه قالمغه باشلامىدى .

آنجق چوق فضله يورويه ميور ، ژروه زک قولنه طيهانه رق ياناقدن پنجره يه قدر

کيده بيلیوردى . پنجره کنارينه کلنجه لوريولرک کتيردکلرى قولتوغه او طور ييور .

صاغ باجانغى اوزاته رق برناپوره اوستنه قوييوردى . قيشين بوزلر اوستنده

قايارق باجانلرى قيريلانرله آلاى ايتدى . شقجى قوپو کندى باشنه کلن بوقضابه

صوک درجه قيریيوردى . ياتاقده کچيرديکى ايکى آى مدت طيفنده متصل سوکوب

طورمش ، هرکسى حدتندن قودورتمىدى . واقعا آياغى طوموز صوجوغى کي

سرت بر دکنکه صاريلي ، ايکى آى مدت آرقه اوستى ياتقى چکيليرشى دکلدى .

طاوانک رسمى حافظه سنه او قدر اى نقش اولمىدى که ... ياناغک گوشه سنه

تصادف ايدن طرفده بر ياريق واردى ، کوزى قاپالى بو ياريقک رسمى ياپه بيليردى .

ياتادن قالقوبده قولتوغه او طور ونجه بوده باشقه بر ماجرا اولمىدى . شيمدى ده

بوراده بر موميا کي ميخلانوب قاله جقدى . عجبا بو اوزون سورده جکيميدى ؟

سوقاغک منظره سى خوش دکلدى ، اساساً کيمسه لرک کچديکى ده يوقدى . بوئون

کون چاشير صبي فوقاردى . بو او طور ووشنده اويله بر اختيار حالى بوليوردى که

شيمدى يرندن قالقهرق استحکاملره قدر بر تنزه ياتمغه امکان اولسه عمرينک اون

منه سنى فدا ايدردى . بو دوشونجه لر آره سنده متصل طالعنه سوکر صاباردى .

باشنه کلن بو قضا طوغرومى ايدى يا ؟ کنديسى کي چاليشقان ، خيلارلقدن وسرخو

شلقدن خوشلانماز بر عمله بويله بر قضايه اوغرايمى ايدى ؟ بو قضا باشقه لرينک

باشنه کله نه ايسه ...



بابام فضله سرخوش اولدیغی برکون دوشوب اولمشدی . واقعا اولوی  
حق ایتشدی دییه مم ، فط هیچ اولمازسه اونک اولومنه برسبب واردی . حالوکه  
بن سوقاغه یووارلاندىغیم زمان قورصاغنده براتمه یك ، وجودمده بر قطره ایچکی  
یوقدی . بو حالد ایکن ، همده نانایه باقیم دیرکن قالدق یووارلان ... بونی  
طوغرو بولورمیسکز ؟ اکر برالله وارسه طوغروسی ، یاپدیغی ایشلر پک تحف ...  
هر حالد بکا روا کوردیکنی بن هیچ اونوتمایه جنم .

ماجاغنده کی سقطلق تامیله اییلشدکن صوکره ایشدن ایچین ایچین نفرت ایتدی .  
کونلرینی کدی کبی طاملرک کنارنده کچیرمک ، طوغروسی ، چوق برباد بر  
صنعتدی . بر باق زنکینلر بویه آبدالق ایدرلری ؟ اونلر مردیون  
تیه لرنده حیاتلرینی تهلکیه قویقمقن قورقارلر ، اونلرده اوجاقلرینک قارشیدینده .  
راحت اسکمله ره قوروله رق اوطورورلر ؛ طام تیه سینده ، مردیونلر اوستینده  
اولمکه باشقه لرینی کونده ریرلر ، فقرا اولمش ، اولامش اونلرک اومورنده می ؟  
اوکا قالسه هرکس ، کندی اوینک طامنده کی چینقوبی کندیسی طاقلیدر . اکر  
مقصود حقیقه عدالت ایسه عدالت بویه اولور . عادتدر : یاغموردن قورقان  
اوستنه بر اورتو آیر . شیدی قوپو ، آنده باشقه برصنعتی اولمادیغه ، تأسف  
ایدیوردی . مثلا ابانوزجلیق کبی کوزل ، تهلکه سی آز بر صنعت ... بوده  
باباسنک خطاسی ایدی . بابالر چوجوقلرینه هپ کندی صنعتلرینی اوکره تیرلر .  
بونه فنا عادتدر !

قوپو اییله شدکن صوکره دها ایکی آی قولتوق دکنکیله یورودی . ایلک  
زمانلر سوقاق قیوسنه قدر اینر ، اوراده سیفاره سنی ایچردی . صوکره لری کونشلی  
هوالرده بولوارلره قدر اوزانیر ، جاده کنارنده کی تحته قولتوقلردن برنده ساعتلرجه  
اوطوریردی . بو اوزون تنزهلری اثناسنده یاواش یاواش اسکی شطارتی برینه  
کلکه باشلامشدی . شیمدی یاشامه نک ذوقیله برابر بوتون اعضای وجودینی طالتنه  
صالویره رک عضلاتنک طاتلی ودرین اویقوسی ایچنده هیچ برایش یایماق ارزوسندن  
متولد بر مسرت طویوردی . صانکه مذلاک اونی آغیر آغیر قبضه تسخیرینه  
کچیرمش ، نقاهتندن استفاده ایده رک اونک درینک ایچینه نفوذ ایتشدر ، بو مذلاک  
ایچون بوتون موجودیتی اویوشور ، غیدیقلا نیورکی ایدی . بو تنزهلرندن هر دفعه سینده  
وجودجه دها زنده ، دها شن وشاطر عودت ایدر ، نظرنده حیات دها کوزلله شیر ،  
بوایشسز کونلرک بویه الی الابد دوامنی برمانع تصور ایتزدی .

نهایت قولتوق دکنکلرینی ده آنجه تنزهلرینی برپارچه دها تمید ایتدی ،  
آرقداشلری کورمک بهانه سیله اوزاق محله لرده انشا اولونان بنالره قدر کیتدی .



بوينلر قارشىستده آلنى قولنى قاووشدیرهرق ، آلاى ایدهرک ، باشنى صالایهرق اوزون اوزادییه طورور ، اوراده تلالشلى تلالشلى چالیشان عمله ایله شاقالاشیر ، سقطلانان باجاغنى اوزاتهرق فضله یورولمهك عاقبتى نه اوله جغنى بوصورتله اونلره آكلاتیردى . باشقهلری چالیشیرکن کندیسى قارشیلرینه کچوپ اونلرله استهزا ایتدکجه چالیشمقدن انتقام آلیورمش کبی بر ممنونیت طویاردی . واقعا ایرکیچ کندیسى ده چالیشمغه باشلایهجقدی ، یاشامق ایچون باشقه چاره یوقدی . فقط بونی ممکن اولدینی قدر کیچ یاپه جقدی . چالیشمق هوسى اوکا خلی بهالییه اوطورمشدی . هم بویله اینك کبی باشی بوش طولاشمق خوشنه کیدیوردی .

اوکله صوکلری ، جانی صیقیلدکجه همشیره سیله آنشته سنی کورمکه کیدردی . بونلر قوپونك حالنه پك مرحمت ایدیورلر ، اونى طاتلی دیلرله دائما کندیلرینه چکیلیورلردی . ازدواجنك ایلک سینه لرنده ژروهك نفوذ و تاثیریه اونلر قوپونی آلدن قاچیرمشلردی . شیمدی تکرار آله ایدیورلردی . بونده موفق اولق ایچون قوپونی قاریسندن قورققله اتهم ایدهرک اونکله اکلنیورلردی . قاریسندن بودرجه قورقان بر آدم هیچ ارکک صاییلیری ؛ لوریویله قاریسی بر طرفدن قوپونی بویله ایکنه له مکله برابر دیگر طرفدن نه اولور نه اولماز دیه ژروزك هنریتلرینی اعتراف ایتمکدن ده کری قالمیورلردی . قوپو ژروهز ایله مناقشه لرنده همشیره سنی کندیسنى پرستش ایدرجه سینه سودیکنی یمنلرایدهرك تأمین ایدر . اوکا کارشی فنا معامله ایتمه سنی سویله دی . مع مافیه بو مناقشه لر هیچ بر وقت مجادله درجه سنی بولمازدی . عائله نك ایلک غاوغاسی آتیهنك یوزنون چیقمشدی . اوکون قوپو اوکله صوکنی لوریولرک أونده کچیرمشدی . دوندیکی زمان هنوز يك حاضر دکلدی ، چوجوقلر کندی یملکرینی یدکدن صکره باغیریشمغه باشلامشلردی . قوپو بردن حدتلهرك آتیهنه آدم عقللی بر چفت توقات آتدی و بر ساعت خورداندی طوردی : کندیسنك چوجوغی اولمایان بویومورجاغه نه دن بویله قاتلاملی ایش ؟ کونك برنده قولندن طوتدینی کبی قاپو طیشاری آته جقمش . بو حادثه نك فرداسی کونی قوپو شرف وحیثیتدن بحث ایدیوردی . اوچ کون صوکرده چوجوغی صباحلی آقشاملی تکمه لرله دوکمه که باشلامشدی . او حاله وارمشدی که قوپو آوه کیرر کیرمن چوجوق غوژه لرك دائره سنه قاچار ، اختیار مادام غوژه اونى ماصه نك بر اوجنه اوطورتیر ، اوراده درسنى یاپاردی .

ژروهز ، ایشنه باشلایه لی حیلل زمان اولمشدی . آرتق ساعتك جانی قالدیروب آلتدن بانقه جزو داتی آغه لزوم کورمیوردی . چونکه بریکدیردکلری پاره نك هپسنى صرف ایتشلردی . شیمدی یکیدن چالیشمق ، هم درت کشی حسابنه چالیشمق چوق چالیشمق لازمدی . چونکه بسلنه جك درت بوغاز واردی . بو درت کشی بی



بِسْله مك وظيفه سى تك باشنه ژروه زه عائد ایدی . دوستلری اوکا بو قدر چوق چالیشدیغندن طولای آجیدجه او ، درحال قوپوی معذور کوستره جك سبیلر بولوردی . زواللی آد مجزك چکدیكى الم واضطراب او قدر چوقدی که بوندن طولای حراجنه برپارچه خشونت کلدی ایشه بونده شاشیله جق نه وار؟ هم بو حال کچیجی برشیدر . عاقبتی یرینه کلدجه اوده زائل اوله جقدر . قوپونك صحتی یرینه کلدیکنی ، اسکیدی کبی ینه صاب صاغلام اولدیغنی ، آرتق ایشنه دوام ایده بیله جکنی سویله یلره قارشیده باغیره رق اعتراض ایدیوردی : خایر ، قوجه سی دها ایشه باشلایه مزدی . آدم عقللی ایلشمه دن ایشه باشلاسون ده یکیدن خسته لانبوب یا تاغهی دوشسون ؟ ژروه ز بوکا راضی دکلدی . دو قتورک سویله دکارخی اونوتامشدی . هر صباح اوکا کندینی صیقوب زورلاماسنی توصیه ایدن او ایدی ، ایشه باشلامسینه مانع اولانده او ایدی . حتی هر کون خرجلق اولارق یلککنک جینه بر فراق قویوردی . قوپو بونی غایت طبیعی بولیوردی . قاریسی کندیسنی بویله نازلانسون دییه متصل اضطرابلرندن ، وجودینک هر طرفنده آجیلر طولاشدیغندن بحث ایدر طوروردی . یتاقدن قالقه لی آلتی آی اولدینی حالد هئوز نقاهتنه ختام ویرمه مشدی شیمدی کوندوزلری اوتوده بریده چالیشان آرقداش لریله کوروشمکه کیتدیکی زمان بعض بونلرله برابر میخانه یه کیرر . یر پارچه ایچکی ایچردی . میخانه ده برپارچه وقت کچیرمک ، آرقداش لریله برپارچه آلا ی ایتک هیچ ده فنا برشی دکلدی ، بونده شرف محل وحیثیتی بر حال ده کور میوردی . برطاقم ساخته وقار انسانلرکی صوسزلقدن یوغازی چاتلادینی حالد محضا کوستریش اولسون دیه میخانه قاپوسندن ایچری آیاق آتامقده صانکه نه مزیت وار؟ اوچ بش آرقداش اوطوروب برپارچه شاقه لاشمقده برحق دکلیدر ؟ هم برقاچ شرابدن نه چیقار ؟ بو قدر ایچکی آدمی اولدور من آ... آلیله کوکسینه اورارق ایشته عهد ایدیور که شرابدن باشقه برشی ایچمه یه جکر . آغزینه بر قطره راقی قویما یه جقدر . شراب عمری اوزاتیر ، صحتی بوزماز ، فضله اوله رق سرخوشلق ده ویرمن . مع مافیه بعض کونلر آرقداش لریخی زیارت مقصدیله بر بنادن دیکر بنایه ، بر میخانه دن دیکرینه اوغرایه اوغرایه وقت کچیروب آقشامه آوه عودت ایتدیکی زمان باص بایاغی سرخوش اولور ، او وقت ژروه زاونک مناسب سزلکنی کور مسونلر دییه بوباش آغزینسی بهانه ایده رک کیمسه یی ، حتی غورهلری بیله قبول ایتزدی .

کیت کیده بو حاللر ژروه زی کدرلندیرمکه باشلادی . هر کون صباح آقشام غون درو سوقاغنه کیدر ، حالا کیرالق طوران معهود دکانی زیارت ایدردی . بونی کوردکجه صانکه بویوک بر آدمه یاقیشمایه جق بر چو جوقلق پامش کبی



صاقلانیردی . بو دکان تکرار دماغنك ایچنده بر عقده اولمشدی . کیجه لامبه یی سوندوردو کدن صو کره ، یاتاغنك ایچنده ، کوزلری آچیق ، بونی دوشونمکه قوبولورلر ، بوندن ممنوع بر ذوقك ویردیکی خطه مشابه برشی طویارلردی . او وقت یکی باشدن حساب یانغه باشلار : کیرا ایچون ایکی یوز الای فرانق ، تأسیسات و آلات واردات ایچون یوزاللی فرانق ، اون بش کون اؤك مصرفی ایچون آوانس اوله رق یوز فرانق ، خلاصه یوارلاق حساب ایله تام بش یوز فرانق لازمدی . بودوشونجه سنی قوپویه آچقدن احتراز ایدیوردی ، اونك خسته لنی یوزندن بوتون احتیاط پاره لری صرف ایتدکلرینه آجیورمش کبی بر ملاحظه یه دوشدیکنی ایسته مزدی . حیاتنك بویوک آرزوسی فوت اولدیغنی دوشوندکجه بعضاً یوزی صاب صاری کسلیردی . شیمدی بوقدر کلیتلی بر پاره یی بریکدیره بیلمك ایچون یکیدن درت بش سنه چالیشمق ایجاب ایدیوردی .

ژروه زی مایوس ایدن شی هان بردکان صاحبی اوله مامقدی . بر دفعه دکانه یرلشه جك اولسه قوپونك یاردیمنه حاجت قالمق سزین اؤك اداره سنی تأمین ایده بیلیر ، قوپوده چالیشمغه هوس او یانجه یه قدر او تك باشنه هپسنه یتیشیردی . شیمدی قوپو بعض آقشاملر شرقی سویله رک فضله حه نشئه لی دونوب ده اوکا او کون مه بوطله اکلندکلرینی ، بو حیوان حریفه میخانه ده برلیتره شراب اکرام ایتدیکنی آکلندجه ژروهز کیزلی بر قورقو ایچنده قلبنك ازیلمکه باشلادیغنی طویاردی . . بر دفعه دکانه یرلشه جك اولسه آرتق استقبالدن امین اوله ق بو قورقولره هیچ محل قالمایه جقدی . بر آقشام ژروهز اوده یالکز ایدی . غوژه کلدی واکثریا یاپدینی کبی بر اسکمله آلهرق اوطوردی ، یوزینه باقه رق سیغاره سنی ایچمکه قویولدی . حالندن بللی که اهمیتلی برشی سویله مک فکر نده ایدی . بو سویله جکی شیئی دماغنده دوندیروب طولا شدیر ییور ، صانکه اونی اولغون بر حاله کتیرمکه چالیشیور ، فقط اوکا ویره جکی شکلی بر درلو بوله میوردی . نهایت اوزون بر سکوتدن صو کره قرارینی ویردی . ومقصدینی بر جمله ده سویلیوردی بترمک ایچون پیپوسنی آغزندن چیقاره رق :

— مادام ژروهز ، دیدی ، ایسترمیسکز سزه پاره اقراض ایده می ؟

او آراق ژروهز قونصولاک کوزینی آچش ، ایچندن بر نوزبزی چیقارمقله مشغول ایدی . باشنی قالدیردی ، یوزی قیپ قیرمزی کسيلمشدی . دیمک که غوژه اوصباح ژروهزی ، بر دورلو کیرالایه مادیغنی معهود دکانك قارشیسینده ، استغراق ایچنده دوشونوب طورورکن کورمشدی . غوژه ، مخاطبنك قلانی جریحه دار ایده جك بر تکلیفده بولومش کبی صیقیلیوردی . ژروهز پارا تکلیفنی شدتله رد ایتدی . نه زمان اغاده ایده بیله جکنی بیلمدیکی بر پاره یی قبول ایده مزدی .



هم كنديسنه لازم اولان پاره كلتيلىجه ايدى . فقط غوڭره اصرار ايدىيور ، ژروه زك رد جوابندن مأيوس اوليوردى . نهايت ژروه ز حايقيردى :  
— پكى اما ، سزك ازدواجكز ؟ دوكونكزه صرف ايدىجككز پاره يى بن آله مام !

بوسفر غوڭره نك يوزى محجوبيتدن قيزارمىدى :

— بوندن طولايى هيچ صيقيلمايكز ، چونكه بن آرتن اولنميه جكم . پاره يى سزه اقراض ايتكى دها موافق بوليورم .

بونك اوزرينه ايكيسى ده باشلرينى اوكلربنه آلديلر . آره لر نه بربرينه اعتراف ايدىمدكلرى طاتلى برحس واردى . نهايت ژروه ز اقراض تكليفنى قبول ايتدى . غوڭره مسئله يى والده سنه آچق ايچون ايكيسى برلكده چيغه رق مادام غوڭره يى كورمكه كيتدى . كر كفنك اوستنه اكيلىش اولان مادام غوڭره نك ساكن سماسنده برپارچه كدرلى برجديت واردى . اوغلنك آرزوسنه مخالفت ايتك ايسته ميوردى . ژروه زك تصورينه ده طرفداردكلدى . بونك سببى صاقلايهرق آچيقدن سويله دى : قوپونك كي ييشنى بكنمىيوردى ، قوپو كونك برنده بو دكانك ده آلتندن كيروب اوستندن چيغه جقدى . هله نقاهتى ائناسنده او قويوب يازمى او كرغى حقنده كي تكليفى قبول ايتدىكى ايچون قوپونى بر درلو هفو ايدىميوررى . غوڭره او كا اوقويوب يازمه او كره تمى تكليف ايتمىدى ، قوپو بو تكليفى رد ايتدى . اونك فكرينه كوره او قويوب يازمى السا نلرى ضعيفلا تديرمش ! حتى بو يوزدن ايكى آرقداش بربرينه طارلمشردى بيله ... شيمدى اسكيسى كى بولوشميورلردى . مع مافيه مادام غوڭره اوغلنك نيازكار باقىشلى قارشيسنده ژروه زه ينه لظنكارانه قبول ايتدى . خلاصه غوڭره نك ژروه زه بنس يوز فرائق بورج ويرمى قرارلاشديرلدى . هراى يكرى فرائق ويرهرك بوبورج اوده نيله جكدى . بورجك مدتى بوضورتله تعيين اولونمىدى .

قوپونى خبر آلدنى زمان ژروه زه :

ظالبا ، ديدى ، دميرجى سكا كوز قويدى . آنجق حريف احمددرده اونك ايچون قورقوم يوق . ذاتا پاره سنى ييه جك دكلر كه . . . اكر قارشيسنده برطولانديرىجى اوله يدى حالى خرابدى . . . ايرتسى كونى دكانى كيرالاديلر . ژروه زه اوكون آفشامه قدر اوى ايله دكانى آرسنده مكيك طويودى . اونى عادتاً طويالانى بيله كورنميه جك درجه ده سويغلى ، خفيف وچالاك كورن محله لى مطلقا آياغنه عمليات پايديرمزه ذاهب اولمىدى .



مادام بوش ایله قوجه سی نیساندن بری پوواسسونیه ر سوقاغنده کی ایشلرینی ترک ایتشلر ، غوت دهر محله سنده کی بویوک بنانک قاپوجیلغنی آلمشلردی . شیمدی ژروه زک جانی صیقان شیلردن بری ده بوکونه قدر اوطوردینی اوده قاپوجی بولاسندن آزاده یاشارکن بوندن صوکره برقاپوجی قادینک تحکمی آلتنه کیرمک ، سوقاغه فضله صو دوکولدی ، کیجه لین قاپوخیزی قاپاندی دییه ایکیده بر بوقاپوجی ایله غوغا ایتمه مجبور قالمقدی . قاپوجی قادینلرک نه برباد مخلوقلر اولدیغنی پک اعلا بیلیردی .

آنجق مادام بوش کندیس ایچون اونوع قاپوجیلردن دکلدی ، اونیکله برابر بولونمق عادتتا بر ذوق ایدی . اوتهدن بری طانیشرلردی ، پک اعلی آکلاشه بیلیرلردی ، برعائله کی کچینه جکارینه شبهه یوقدی .

استیجار مقاوله نامه سنی امضالامغه کلدکلری کون بنانک بویوک قاپوسی آلتندن کچرکن ژروه ز بویوک برهیجان ایچنده ایدی . بیتوب توکنمک بیلمه ین مر دیونلریله ، قوریدورلریله عادتتا اوافق بر قصبه یه بکزه ین بوواسع بناده آرتقیرلشیوردی . پچر دلرنده قورومق ایچون یرتیق چاشیرلر آصیلمش اسمر جبهه لریله ، طبقی عمومی میدانلرده کی قالدیریلر کی طاشلری بوزولمش ایچ اولوسیله دیوارلرینک آرقه سندن طویولان سعی و فعالیت کورولتولریله بو بنا اونده هم هاجان اویاندیریور ، هم ده بو قدر سنه لک املنده موفق اولمش بولونمقدن متولد بر ذوق حاصل ایدیوردی . عینی زمانده ایشنده موفق اولاماق ، قورقونج نفسلرینی طویار کی اولدینی آجلغه قارش کی ریشه جکی معظم جدالک آلتنده ازیلک قورقوسی یوره کنی ازییوردی . پک جرأة کارانه بر ایشه باشلامش ، زمین قاتنده کی آتله یه لرنده چالیشان چلینکرک چکیجی و آبانوزجینک رنده سی بری بوغوق ضربه لرله اوته کیسی ایصلیق کی سسلرله ایشلرکن کندیس بو ماکنه نک ایچنه آتیلیمشدی . او کون بویاجینک دکانندن آقان صولر آچیق الما یشیلی رنکنده ایدی . ژروه ز بو صویک اوزرندن آشارکن کولومسیور ، بورنکی فال خیر عد ایدیوردی .

بنا صاحبی ایله قاپوجینک اوطه سنده بولوشه جقلردی . ره دولایه ده بویوک بریچاق مفازه سنک ده صاحبی اولان بنا صاحبی موسیو مارسقو بروقتلر قالدیریلرده سورونور بر آدم ایکن شیمدی بر چوق میلونرلره مالک ایدی . الی بش یاشلرنده ، کوچلی قوتلی ، ایری کمیکلی بر آدم اولان موسیو مارسقو حکومتدن نشانله ثلطف ایدلمش ایدی . قوجه آلارندن اسکی بر عمله اولدینی بللی ایدی . اک بویوک اکلنجه سی شتریلرینک کندی آلیه بیلهدیکی بیچاق و مقاصلرینی بالذات



اولرینه قدر کورتورمکدی. کبرلی اولمادیغنی کوسترمک ایچون صاحبی اولدیغنی بنالرده کی قاپوجیلرک اوطه سنه کیتمکدن ایکره نمر، اوراده ساعتلرجه اوطورده رق حساب کوروردی. بوتون ایشلرینه بو قاپوجی اوطه لرنده باقاردی. ژرودهز ایله قوجه سی مقالله نامه یی امضالامق ایچون کلدکاری زمان اونی قاپوجینک اوطه سنده بولدیله. مادام بوش ایکنجی قاتده A اشارتلی مرادیونک باشنده کی اوطه ده اوطوران دیکیشجی قادینک ناصل قاپا برطرزده آیلغی ویرمکدن امتناع ایتدیکنی آ کلاتیوردی. مقالله نامه امضالاندقن صوکره قوپونک آلی صیقدی. عمله دن خوشلانا برآمدی، چونکه انسان چالیشمق سایه سنده هر شیئه موفق اوله بیلیردی. قوپونک ایلمک آتی آیلق تقسیط اولق اوزره ویردیکی ایکی یوز الی فرانفی کنیش جینه یرلشدیردکن صوکره ترجمه حالی حکایه یه باشلادی، نشانی کوستردی.

ژرودهز، مادام بوش ایله قوجه سنک طوریدن برپارچه صیقلمش کی کورونیوردی. اولر کندیشنی هیچ طانیورلرمن کی طاورا نمشردی. هپ بنا صاحبی ایله مشغول ایدیلر، اونک اطرفنده پروانه کی طولاشیورلر، اونک آغزندن چیه جق سوزلره بافیورلر، ایکی بوکلوم بر وضع انقیاد ایچنده اونک هر دیکنی باشلریله تصدیق ایدیورلردی. بر آره لق مادام بوش حیزله اوطه دن چیه رق آچبق موصلغندن آقان صولر قالدیریمی استیلا ایدن چشمه نک اوکنده کی چوجوقلری طاغیتدی. بو وظیفه یی کوروبده فیستانی ایچنده دوم دوز طوران وجودینک جدی و آغیر رفتارله اولوی کچهرک یاواش یاواش کلیرکن هرشی یرلی یرنده اولوب اولمادیغنی آ کلامق ایچون بوتون نجره لره عطف ایتدیکی بطی نظرلرنده اوچ یوز کیراجینک اداره سنه مأمور ایدلمش اولمقن متولد بر افاده غرور وار ایدی. قوجه سی تکرار ایکنجی قاتده کی دیکیشجینک محنتی آچدی. اونک فکرینه قالیرسه بو قادینی قاپو طیشاری ایتلی ایدی. حسابلری بوزولق تهلاکسه سنه معروض بر وکیل خرج جدیتی ایله بو دیکیشجی قادینک تداخلده براقه جنی آیلقلری حساب ایدیوردی. بنا صاحبی ده قادینی قوغمق طرفداری ایدی، آنجق بو آیک ده یاریسی کچملی ایدی. بر آدی اوطوردیغنی اودن آتمق آجی شیدر، باخصوص بونکله مال صاحبک جینه ده برشی کیرمش اولمایه جقدی.

ژرودهز بو محاوره یی دیکلرکن کونک برنده کندیسینک ده بر فلاکت سببیه آیلغنی بره مرسه بویه قاپو طیشاری ایدیه بیلیمسی احتمالی اولدیغنی دوشونه رک خفیف رعشه لرله تتره یوردی. قاپوجینک اوطه سی دومان قوقوسیه طولو ایدی. هر طرفده کوزه چارپان سیاه رنگلی دوشمه لرله لوش وراطاب بر مخزنی آ کدیرنیوردی. بکانه نجره دن کیرن ضیا مان اوراجغه قونولش اولان برترزی ماصه سنک اوستنی نیر ایدیوردی. بو ماصه نک اوستنده ایچی طیشنه چویریه جک اسکی برردینغوت



طورییوردی . مادام بوشك قیزی پولین ، دوت یاشنده ، قومرال رتیکلی بر  
چو جو جغز ، بره او طومش ، اوجاقدن انتشار ایدن سرت بریمك قوقوسی ایچنده  
مست و مستغرق ، طانه یخنیسك تجروده پیشیشنی اوصلو اوصلو سیر ایدیوردی .  
موسیو ماره سقو بردفعه دهها صیقمق اوزره آلتی اوزاتیرکن قوپو اوکا ،  
دكانك تعمیراتی حقنه کی وعدینی خاطر لاتهرق بوندن بحث استدی . بوجت مال  
صاحبك جانی صیقمشدی . اونك وعدی هیچ برتعهدی متضمن دکلدی ، هم  
دكانك تعمیر ایدلدیکی کورولن شی میدر ؟ معافیله بردفعه کیدوب دکانی کورمه  
راضی اولدی . قوپو ایله قاریبی ، قاپوجی بوش ، هپ برابر دکانه کیتدیله . دکانی  
اولج ، کیرا ایله طوتان آدم کیدرکن رافلری ، ترکاهلری آلوب کونورمشدی .  
سیاه طاوانیله ، دهلیك دهشیک دیوارلریله ، اوتوده بریده صارقاناسکی کاغدلریله  
دکان چرچیلاق ایدی . شیمدی بواو طه لرك عکس صدا یاپان بوشلغی ایچنده بر  
مناقشه باشلامشدی .

مال صاحبی ، دکانلرینی سوسله مک کیراجیاره عا ئدا اولدیغنی ادا ایدیوردی . کیراجی  
ایسته رکه هر طرف یالیز ایچنده اولسون ، مال صاحبی قالقوب ده دیوارلری  
یالیز لایه ماز آ... رودولایه ده کی دکانی ده کندی جیدندن سوسله مش ، بواو غورده  
یکرمی بیک فرائق صرف ایتشدی . ژروه ز غیر قابل حرج عد ایتدیکی نقطه نظرند  
بر قادین عنادیله اصرار ایدیوردی : مسکن دییه کیرایه ویریلن یرلری کاغدلامق  
مال صاحبنه عا ئد دکلی ؟ او حالده دکانی مسکندن آیری تئق ایتکه نه معنا وار ؟  
ذاتاً اونلر فضله برشی ایسته میورلرکه ... طاوانه بر بادانه اورمق ، برده  
دیوارلری کاغدلامق ...

قاپوجی بوش بومناقشه یی دیکلرکن وقور سیماسنده نه دوشوندیکی سزدیرمه یی  
بر حال واردی . کوزلرینی هوایه قالدیرمش ، بر نقطه دن دیکرینه باقه رق ، سس  
صداسز ، محاوره یی تعقیب ایدیوردی . قوپو اوکا کوزیله اشارتلا ایدیور ،  
فقط بوش مال صاحبی اوزرندکی نفوذینی سوء استعمال اتمك ایسته مه یی بر آدم  
وضع یله بو کوز اشارتلرینی کورمه مزالکدن کلپوردی .

بر آره لق سیماسنده خفیف بر تبسم بلپردی ، عینی زمانده باشنی ده صالادی .  
تام بو ائشاده مال صاحبی ماره سقو ، آلدن آلتونلری قاپیلان بر خسیس کبی ایکی  
آلنك اون پارمغنی آچهرق یاپدینی بر حرکت مأیوسانه ایله ژروه زك آرزوسنه موافقت  
ایتدی ، کاغدك یاری پاره سنی ژروه ز ویرمك شرطیله طاوانه بادانه اورمغه  
ودیوارلری کاغدلامغه راضی اولدی .

یالکوز قالدقلمی زمان قاپوجی بوش ، قازاندقلمی موقتیدن طولانی یکیسك ده



اوموزلرينه اوردى ، نهايت ديدكارنى ياپديرملردى ! مع مافيه كنديسى اولماسه بىدى نه طاوان بادانه لانيردى ، نه ده ديوارلر كاغدا تديريله بيليردى . اونلرله قوشوركن مال صاحبنك « سن نه فكرده سـاك ؟ » ديمك ايسته ين بريان باقيشله اوندن مطالعه صورديغنه دقت ايتمه ديلرمى ؟ اونك تبسمندن صوكره ماره سقونك موافقت ايتدبكى كورمه ديلرمى ؟ محرم اوله رق شونى ده سويله دى كه بوبنايه يكانه حاكم كنديلردير ، كيراجيلرى چيقارمق كندى الارنده در ، ممنون اولدقلى كيراجيلر حقنده مال صاحبنه اونر حسن شهادت ايدرلر ، آيلقلى اونلر طويلارلر ، طويلادقلى باره يى اون بش كون كندى دولابلرنده صافلارلر . اوكونك آقشامى قوپو ايله قارىسى ، خدمتلىرينه مكافاة بوش ايله قارىسنه ايكي ايتره شراب كوندرك طرزنده برا نزاكت كوسترديلر . بازارا يرتسيدن اعتباراً دكانه تعمير قونولدى . ديوار كاغدينك انتخابى مهم بر مسئله اولمشدى . ژروه ز ، اوطه يه آيدىلق وفرح وىرسون ديه اوزرى ماوى چيچكللى اسمر بر كاغدا ايسته يوردى . بوش ، كنديسىله برابر كاغدجياره كيده جكنى وعد ايتدى ، انتخابى ژروه ز ياپاردى . يالكىز مال صاحبي قطعى امر وىرمشدى : كاغك بهر طومارى اون سودن فضله اولمايه جقدى . كاغدجينك دكاننده بر ساعت قدر قالديلر . ژروه ز ، طومارينه اون سكىز سو ايسته نيلن عجم باصمه سى تقليدى بر كاغدى يك بكنمىشدى ، وته كى كاغدلر آله آلنير شيلر دكلدى . قاپوجى چارناچار موافقت ايتدى . مال صاحبنى قىزدىرمامق ايجون ايجاب ايدرسه بر طومار فضله صرف اولومش كوستردرك ايشى حل ايده جكنى سويله دى . بونك اوزرينه ژروه ز اوه دونركن بوشك قيزينه پاسته آلدى . بويله ايشلرده منت آلتنده قالمقن خوشلامازدى ، كنديسنه قارشى جميله كار حركت ايدنلر دائماً كارلى چيقارلردى .

دكانك تعميراتى درت كونده بيهته جك ايكن اوچ هفته سوردى . ايلك اوكله اسكى بويلارى ساده جه يى قايوب تميزلهمك دوشونولدى . فقط شراب طورطوسى رنك كنده اولان بواسكى بويا او قدر كيرلى ، او قدر قساوتلى بر منظره عرض ايدى يوردى كه ژروه ز بونى ازاله ايجون دكانك جهه سنى آچىق ماوى رنكه بويا ته رق اوستنه صارى چيزكيلر چكديرمكه مجبور اولدى . بو يوزدن تعميرات اوزادچقه اوزادى . حالايشنه باشلامامش اولان قوپو تعميراتك نه راده يه كلديكى كورمك ايجون صباح ايركن دكانه كلير ، ( بوش ) ايليكلربنى تعمير ايله مشغول اولدى رديغوت ويا پانطالونى براقه رق اوده عمله يى چاليشوب چاليشمادىلرنى تفتيش ايدردى . هرايكيسى ، آلارى آرقه لرنده ، يوزلرى عمله يه متوجه ، سيفاره لرنى ايجهره ك ، ايكيده بريره تو كوره رك بوياجيلرك اوردقلى هرفيرچه ضربه سى اوستنده بر مطالعه بيان ايدرك آقشامه قدر اويله جه وقت كچيربرلردى . بر چيوونك چيقارلمسى بعضاً بيهته ز تو كمنز وكرلر



درمیانته ، درین درین تخیلاته وسیله اولوردی .

بویاجیلرده ایکیده بر ، اسکله لرندن اینه رک دکانک اورتیه سنه کلیرلر ، باشلادقلری  
ایشک قارشیدینده ساعتلرجه مدت باشلرینی صالایه رق مناقشه یه قاریشیرلردی .  
طاوانک بادانه سی چابوق بیتدی . بیتوب توکنمک بیلمه ین شی ، بویا مسئله سی ایدی .  
بویا بر درلو قورومیوردی . هر کون صباحلین ساعت طقوزده ایکی بویاجی بویا  
چانالریله کلیرلر ، بونلری بر گوشه یه قویه رق اطرافه بر نظر عطف ایتدکن صوکره  
کوزدن غائب اولورلردی . آرتق بردها اونلری کورمک ممکن اولمازدی . یا اوکله  
یمکنه کیتمشدرلر ، یاخود گوشه ده کی غازیئوده بر بیلاردو پارتیسنی اکمال ایله  
مشغولدرلر . بعضاً قوپو بویاجیلری ، قاپوجی بی ، او آره لق یولدن کچن آرقداشلرینی  
طوپلایه رق هپ برانکده برقدح ایچکی ایچمکه کوتورور ، بوصورتله ده بوتون اوکله  
صوکی هدر اولور کیدردی . تعمیرات بوصورتله اوزادچقه ژروه زک ایچنه فناقلر  
کلیوردی . نهایت بر آره لق ایکی کون ظرفنده بوتون تعمیرات بتیوردی ، بویالرک  
جلاسی اورولدی ، کاغدلر یاپیشدیرلدی ، مولوزلر سوپرونتی آرابه سنه آتیلدی .  
عمله بوتون بوایشلری صانکه اویون اوینایورمشجه سنه اسکله لر اوزرنده ایصلق  
چاله رق ، بوتون محله بی سرسم ایده جک قدر یوکسک سسله شرقی سویله یه رک بتیرمشلردی .  
درحال طاشیدیلر . ژروه ز ، ایلاک کونلر برشی صاتین آلق ایچون سوقاغه چیقوب  
اوه هردوندکجه چوجوق کبی برسوینج طوییوردی . دکانک اوکنده اوزون اوزون  
طورور ، مستقبل یوواسنه باقه رق کولومسه ردی . صیره صیره سیاه دکانلر آره سنده  
کندیسنک دکانی ، ماوی زمین اوستنه ایری صاری حرفلرله یازلمش « ایجه چاشیرجی »  
لوحه سیله یپ یکی ، شن ، پارلاق کورونوردی . ایچ طرفی موسلین برده لرله قاپالی  
طوران جامکانلر چاشیرلرک بیاضلغنی برقات دها کوسترمک ایچون ماوی کاغده  
قاپلانمشدی . بوجامکانلرک ایچنده سرکی حالنده یاپیشمش ارکک کوملکلی ، اوتیه بری  
آصیلمش قادین تاکیه لری ، پرنج چبوقلره دوکومله نمش قوشاقلر طورییوردی .  
ژروه ز کوکرنکنده کی دکانی پک خوش بولیوردی . ایچری کیرلرکجه رنک ماویا شیوردی .  
دیوار کاغدی پومبادور تقلیدی ایدی ، اوزرنده کی رسملر صارماشیق صاریلی  
آصمه دالارینی تصویر ایدیوردی . اوطه نک اوچده ایکیدی اشغال ایدن کنیش  
برماصه دن عبارت اولان نزکاهاک اوستنه قالین براورتو اورتولش ، ماصه تک  
آیاقلری ماوی دالی قره تون باصمه سیله صاریلشدی . ژرودز دکانه کانجه اوافق  
بر اسکمله یه اوطورور ، یپ یکی آلات وادواتنه باقه رق بوکورل تمیزلکدن  
طوبدینی برحظ ونشاط ایله برغونلق چیقاریردی . آنجق هر دفعه سنده نظری  
ایلاک اوکجه ماکنه یه عطف ایدردی . بوماکنه دوکمه برصوبا ایله اونک اوستنده



طوران اون اوتودن هبارتدی . لوحه لر اوزرنده صوبانك اطرافنه دائراً مدار دیزیلن بواوتولرك اونى بردن ایصینیردی . ایکیده بر صوبانك اوکنه چومه لیر ، چراغك فضله کومورله صوبایی چاتلاتمئسندن قورقه رق ایچریسنى معاینه ایدردی . دكانك آرقه طرفنده کئندی اقامتگاهلری اولان اوطه غایت اویفوندى . قارى قوجه دكانه بتیشيك اولان اوطه ده یانارلر . یمکلرینی بوراده پیشیریر ، بوراده بواوطه نك تانهایتمده برقاپودن اوك اولوسه چیتیلیردی . نانانك قارولوسنى صاغ طرفده کئیش بر اوطه یه قورمشلردی . بواوطه طاوانه یاقین بریرده کی مدور بر پنجره دن ضیا آیردی . آتیه نه کلنجه ، ییغین ییغین کیرلی چاشیرلر آتیلان صولده کی اوطه اوکا تخصیص اولونمشدی . اوك بر محذوری واردی ، اوده رطوبتی ایدی . واقعا قوپو ایله قاریسی ایلک اوکجه بونی انکار ایتمشلردی . فقط کیت کیده رطوبت دیوارلر اوستنه چیقمه باشلامشدی . آقشامه طوغری ساعت اوچدن صوکره اشیایی انی فرق ایتك ممکن اوله مازدی .

ژروه زك بو یکی دکانی بونون محله ده بویوک بر هیجانی موجب اولدی . محله لی قوپو ایله قاریسنى چوق چابوق ایلریله مکه ، فضله کورولتو و تلاش یاپمقله اتهام ایتدیلر . فی الحقیقه غوژهدن استقراض ایتدکاری بش یوز فرانك هپسنى تأسیساته صرف ایتمشلردی . بو پاره نك بر مقدارینی اون بش کونلك او مصرفنه آیرمغی اولجه طاسارلامش اولدقلری حالد بونی بیله یاپماملشردی ، دكانك کپنکلری ایلک دفعه اوله رق آچلاینی کون ژروه زك چانطه سنده پاره نامنه آتی فرانقدن باشقه برشی یوقدی . فقط بوندن هیچ اوزولیوردی . مشتریلر برر برر کله که باشلامشدی . ایشلرك بك انی کیده جکی کورولیوردی . سکز کون صوکره ، بر جمعه ایرتسی آقشامی ، یاتاغه کیرمه دن اول ژروه ز بر کاغد پارچه سی اوستنده ایکی ساعت قدر حساب یاپدی ، بو حساب نتیجه سندن او قدر ممنون ایدی که یاتاغنده اویویان قوپوی اویاندره رق شن و مسرور بر سیما ایله اوکا اکر هپ بویله کیدرلر سه یوزلرله بیکلرله فراتیق قازانمق محقق اولدیغنی سویله دی .

بری طرفده مادام لوریو ، غون دور محله سنده هرکسه باغیره باغیره شو سوزلری سویله یوردی :

— آبدال قارده شمك باشنه ده قلم بانه لر کله جك !

طوپال ژروه ز شیمدی ده ایشی ارککلرله اکلنجه یه اوردی ، بر بوا کسیکدی ، کل باشه شمشیر طاراق !

لوریو عائله ی ژروه زله آرتق بردها باریشمایه جق صورتده طاریلشمشلردی . بو طارغینلق ایلک اوکجه دكانك تعمیراتی صیره سنده باشلادی . ژروه ز یکی دکانی



تعمیر ایتدیریرکن اونلر حدتدن قودوریورلردی . دها اوزاقدن دكانك بویاسنی کورور کورمن اوتەکی قالدیریمه کچرلر و دیشلرینی صیقهرق طورمه‌دن اولرینه کیررلردی . جکری بش پاره ایتمین بو قادینه بویله بر دكان ؟ بونی بویامق ایچون صباحدن آقشامه قدر قوللری قیریلان زواللی عمله‌یه یازیق ! دكان آچیلدیغناک ایکنجی کونی ، تام مادام لوریو قابودن چیقارکن ژروه‌زك چراغی بر چاناق نساسته‌یی سوقاغه صاوورمشدی . مادام لوریو بوندن بر حقارت معناسی چیقاردی ، ژروه‌زك بوصورتله کندیسنی چراغنه تحقیر ایتدیردیکنی سویله‌دی . آرتق آرەلرنده هر درلو مناسبات منقطع اولمشدی . سوقاقدە قارشیلان دجقه حشمی حشمی باقدیشیرلردی .

مادام لوریو ، ژروه‌ز علیمنده سویله‌نمکه باشلامشدی :

— اوت ، آرتق ایشی ذوق وصفایه اوردی . صانکه او دكان کیمک پاره‌سیله یاپیلدی بیلیمورمی‌یز ؟ ژروه‌ز دكان ایچون صرف ایتدیکنی دمیرجی غورّه‌دن قازاندی . ذاتاً او غورّه‌لرده تمیز برشی دکل‌که ... باباسی اعدامدن قورتولمق ایچون حبس‌خانه‌ده بیچاقله بوغازینی کسمشدی . خلاصه چیرکین ایشلر والسلام !

مادام لوریو ژروه‌زی دمیرجی غورّه‌نک متره‌سی اولمقله اتهام ایدیورلدی . حتی بونک ایچون بریالان‌ده اویدورمش ، ژروه‌زی غورّه‌ایله بر آقشام بولوارلردن برینک قنایه‌سی اوستنده یان‌یانه کوردیکنی سویله‌مشدی . خیال‌خانه‌سنده اویدیردینی بومناسبت غیره‌شروع‌یی دوشوندکجه ، بوندن ژروه‌زك کیم بیلیر نه قدر ذوقیاب اولدیغنی تحیل ایتدکجه ناموسکار قالمش چیرکین برقادین یأسیله حدتدن قودوریورلدی . هرکون تاقلبندن قوپان برغیظ ایله دوداقلری شوغله‌یی تکرار ایدیورلدی :

— پکی اما ، برطوپال قادینک سه‌وله‌جک نه‌سی وار ؟ باق بی‌سویورلرمی ؟ بونک اوزرینه قومشولرله بیتمز توکنمز دیدی قودیلر باشلامشدی . آرتق مادام لوریو ژروه‌ز ایچون بوتون بیلدکلرینی اونلره آکلاتیورلدی . او ذاتاً بونک بویله اوله‌جغنی دها قارده‌ش‌نک ازدواجی کونی حس ایتمشدی . ازدواجی متعاقب ژروه‌ز اوقدر ملایم ، او یله ریاکار طاورا نمش‌دی که کندیسی ایله قوجه‌سی برخیلی مصرفی کوزه آلدیرهرق ژروه‌زك چوجوغنه وافتیز آنالغیله وافتیز بابانی ایتشلردی . چونکه قوپونک خاطرنی پک صایارلردی . فقط شیمدی اولسه برودوم صوبیله ویرمی‌ه‌جکدی .

کندیسی سفیه ، حیلار ، مسرف قادینلردن خوشلانمازدی . نانایه کلنجه او ، وافتیز آناسیله وافتیز باباسنی کورمک ایستهرسه پک ممنونیتله قبول ایده‌جکارلدی . چونکه معصوم برچوجوق هیچ آنه‌س‌نک قباحتمدن مسؤل طوتولوری ؟ قوپونک کیمسه‌دن عل اوکره‌نمکه احتیاجی یوق ، اونک یرنده باشقه بر ارکک اولسه‌یدی



بيله بر قادييه تير بر طياق آتدقدن صو كره قفاسنه برده قوجه مان بر شي اوروردی .  
 مافيه بوراسی قارده شتك بيله جكي ايشدر . لوريولرك كنديسندن ايسته دكلری شي ،  
 ريسنی عائله سنه قارشى حرمت ورعايته مجبور ايتكدرد . ژروه زك ياپديغنى كنديسى  
 پسه يدى ده قوجه سى اونی جرم مشهود جالنده ياقالاسه يدى ژروه زكې قولای  
 ولای قور تولورمیدی ؟ علم الله مناهى قارنه صاپلاردی !

بناده نه قدر اهميتلى غوغا اولورسه هپسنده حكيم اوله رق رايلىرینه مراجعت  
 بدیلن قاپوجى بوش ايله قارىسى بومسئله ده لوريو ايله قارىسى حقسز بوليورلردی .  
 كرچه لوريو ده ، قارىسى بومسئله ده لوريو ايله قارىسى حقسز بوليورلردی .  
 كرچه لوريو ده ، قارىسى ده اوصلو عقللى ، تيرانسانلردی ، بوتون هفته ايشلرينك  
 اشندن آيرمازلر ، آيلقلىرى وقتنده ويريرلردی . آنجق ژروه زى قيصقاندىلرينه  
 شبه يوقدی .

يا كنديلارينك خيسيلكنه نه ديملى ؟ انسان او طه لرينه كيتديكى زمان بر بارداق  
 ولسون اكرام ايتمه مك ايچون شرابلىرى بيله صاقلارلر . طوغروسى پك او قدر  
 تير انسانلر ... بر كون ژروه ز ، قاپوجى او طه سنده مادام بوش ايله قوجه سنه  
 معدن صوبى ايله بر ايچكى اكرام ايدييوردي . او آرهلق مادام لوريو سرت  
 بر بوزله او طه نك او كندن كچدى وقاپونك او كنه طوغرو تو كوره رك آينه چيقدی .  
 او وقتدن برى مادام بوش ، هر جمعه ايرتسى كونی ، بنانك مرديون وقوريدورلرى  
 سوپوردكدن صو كره نه قدر پيسلك وارسه هپسنى لوريولرك قاپوسى او كنه براقيردي .  
 مادام لوريو شيمدى باشقه نقرات طوتديرمشدى :

-- وای جاننه به ! طوپال قارى ايكي پيس بوغازه متصل يديروب طور يور ...  
 نام بر برلرى بولشلر ! بنم جامى صيقماسونلر ، صو كره كيدر مال صاحبنه شكایت  
 ايده رمها ... ده ها دون كوزلرمله كورددم ؟ او قورناز قاپوجى ، مادام غودرو نه  
 سور تونيوردی . ياريم دوزينه يه ياقين چوجوق طوغورمش بر قادييه طاقيلمق  
 ماسقاره لك اك بويوكيدر . بو هنر دارلنى ياپدی ، بارى قارىسى اوله جق او قادييه  
 سويله يمه ده قوجه سنه بر اعلا طياق آتسون ، بزده بر پارچه كوله لم ...

قوپونك آنه سى هر ايكي طرفه ده كيدر ، بر كيجه قيزنده او بر كيجه كايننده  
 بئكه قالير ، ايكيسنك ده بر برى عليهنده سويله دكلرى عيني صورتله ديكله ردی .  
 مادام لوزانه كلنجه ، اونك چاليشدينى دكان صاحبه سنك بورتنى اوسطوره ايله كسن بر  
 عسكردن طولايي ژروه زله غوغالى اولدقلى ايچون اوده قارده شنه كيتييوردي .  
 مادام لورات ، سببى سويله كسزين ، او عسكره حق وييريور ، اونك اورديني اوسطوره  
 ضربه سنده پك عاشقانه بر حال بولييوردي . ژروه ز اون بش يكرى كشى او كنده



هيچ صيقلمه دن، مادام لوريوي (اينك قويروغى) ديه ياد ايتمش ايمش؛ مادام لوران بونى مادام لوريويه سويله دى. مادام لوريونك حدتى بونكله برقات دها آرتمشدى. فى الحقيقه قاپه جى قادينله قوجه سى، قومشولر شيمدى مادام لوريونك اسمى كچدكجه هپ (اينك قويروغى) ديورلردى.

بوتون بوديدى قوديلرى تبسم وسكونتله قارشيلايان ژروه ز دكانك اشيكندە اوطوره رق كلوب كچن دوستلرى، مودتكار باش اشارتلىله سلامليوردى. بعضاً چاليشيركن اوتوسنى براقه رق دكانك اوكنه قدر چيقار واوراده قالديرمك بر قسمى كنديسنه عائد برتجار غروريله كوكنى قبارته رق كولومسه ردى. غوت دور محله سى، ياننده كى سوقاقلر، خلاصه بوتون اوحوالى كنديسنك مالى ايمش كى برحس طوياردى. . . آرقه سنده بياض كوملكيله، چيپلاق قولاريله، چاليشمقدن طاغيلمش صاريشين صاچلريله باشنى اوزاتير، كلوب كچنلرى، اولرى برى كوكنى قوجاقلامق ايسته ين برنظرله برصاغه برصوله باقاردى. صوله غوت دور سوقاغى طبقى اوافق برطشره قصبه سنك بر كوشه سى كى ساكن وايص سز طورور، اولرك قاپولرى او كنده صيره صيره قادينلر آلقاق سسله قونوشورلردى. صاغده برقاق آديم اوتده پواسسونيه جاده سى آرابه لرك ازدحاميله، خلكك متمادى ضرور وعبوريله كوزه چارپاردى. ژروه ز، سوقاغى بوزوق جاده نك ده ليكلرى آره سنده يوك آرابه لر ينك چيقاردىنى كورولتوينى، طار قوريدورلرده بربرينه چارپه رق كچن خلكك ازدحامى پك سوردى. دكانك او كندن آقان اوچ مترو طولنده كى صو اونك نظرندە بويوك برنهر قدر اهميت كىب ايدر. بو صويك دائماً تميز اولسنى ايسته ردى. اوندن صو كره محله نك مغازه لر ينده آيرى آيرى علاقه دارلق كوستيردى. اوزرينه اينجه آغلى فيله لر اورتولو فوروميوه سركيلريله كنيش بر بقال دكانى، باجاق وقولارى كريله رك آصيلان مائى كوملكاريله، عمله جاكتلريله بوقيل اشيا صاقان بردكان اونك نظردقتنى جلب ايتمكدن خالى قالمازدى. صو كره يمشجى دكانى، اونك ياننده سويلوساكن كديلرك طولاشدينى اشكنبه جى دكانى، يانى باشنده كومورجى دكانى. . . بودكانك صاحبه سى مادام ويغورو اسمنده شيشمان، قاره يوزلى، پارلاق كوزلى، اوفاجق تفه جك برقادنندى. ژروه زك سلامنه دائماً مقابله ايدن مادام ويغورونك، دكانه آرقه سنى طيايه رق ارككارله اويله چاپقينيجه برشاقه ايديشى واردى كه كولهمك ممكن دكادى. برى طرفده كى قومشولرى كورورژ ايله قيزى، بر شمسيه جى دكانى طوتاردى. بو آنا قيز هيچ كورونمز لردى. دكانلرينك جامكانى قارا كلق بر منظره عرض ايدردى. اوستنده، قويو آل رنكه بويانمش ايكي چنقو شمسيه آصيلى طوران دكانك قاپوسى دائماً قپالى ايدى.



ژرودز ، كندى دكانك قاپوسى اوكنه هر چيقيشينده تكرار ايچرى كيرمه دن  
اول ، تام قارشیده طوران بياض رنگلى بويوك بر ديواره مطلقا بر دفعه باقاردى .  
اوزرنده هيچ بر پنجره بولونمايان بوديوارك اورته سنده قوجه مان بر قايوده واردى .  
بو قاپودن بقیلنجه ، ايچرىسى ال آرابه لريله ، يايلى آرابه لرله ، باش آشاغى ديكيلمش  
سديه لرله طولو بر آولو ، بو آولونك تاديبنده قيرمى آله ولريله بر دميرجى اوجاغى  
كورونوردى . ديوارك اوزرنده ، بر آت نعلی ايچنه ايرى حرف لرله ( نعلبنده ) كله سى  
يازىلى ايدى . بوتون كون بو نعلبنده دكاننده چكيچ سسلرى كلير ، آولونك صولوق  
محيطنى تنوير ايدن متمادى قيويلجيملر پارلاردى . بوديوارك تاديبنده ، بر دميرجى ايله  
بر پاتاسجى دكانى آره سنده ، دولاب كنيدشلكينده بر دليك ايچنده ردينغوتلى ، تير  
قيافتلى بر افنديك ساعتجى دكانى واردى . بو آدمجغز ، آلترنده نازك بر طاقم ساعت  
اقسامى طوران جام محفظه لرله سوسلى بر تزكاهك باشنده ، بوتون كون مینی مینی  
آلترله ساعتلك ايچنى قارشى ديرير طوروردى . آره سنده ايكى اوچ دوزينه قدر غوغوقلى  
ساعتك رقاصلرى ، سوقاغك قوپو سفالتى ونعلبنده دكانك مطرد كورواتوسى  
آره سنده ، اوراق رقص لرله هپ بردن ايشلردى .

محله لى ژرودزدن پك ممنون ايدى . اونك ايرى كوزلرى ، اوراق آغزى ،  
بم بياض ديشلرى محله لى آره سنده خيلى مناقشه يى موجب اولوردى . الحاصل صاريشين  
بر كوزلدى . اكر باجاغك سقطنى اولماسه اك كوزل قادينلر آره سنده صاييله  
بيايردى . هنوز يكرمى سكز ياشنده بولونيوردى . صوك زمانلرده بر پارچه سميرمشدى .  
يوزينك ايجه خطوطنه بر يوموشاقاق ، اوضاع و حر كاتنه ياشامقدن ممنون اولانلره  
مخصوص بر آغى رلق كلشدى . بعضاً صوبانك اوستنه قويدىغى اوتونك قيرمسنه انتظاراً  
قاپو اوكنه ، كلارك براسكمله كنارينه ايليشر ، دوداقلرنده مبهم بر تبسم ، يوزنده  
اويور بر ذوق پارلايه رق كندندن كچردى . اساساً يك مخصوصنده ده اوبور اولمشدى ،  
بونى هر كس كورييوردى . آنجق بو بر قصور دكلدى كه . . . بالعكس اونك قدر  
قازانان بر انسانك ايجه يكلريمسى برحق ايدى . آبدالاق ايدوب ده پاتاس قاپوغى ييه جك  
دكلدى يا . . . باخصوص او قدر چالديشوردى كه . . . بعض عجله ايشلرى وقتنده يتيشدير مك  
ايچون كيجه لرى بيله اوغراشير ، مشتريلرى ممنون ايتك ايچون نه ياپه جغنى بيلمزدى . محله اينك  
طالعلى بر قاديندى . بناده اوطوران موسيوماندينه نك ، مادمازل رومانزونك ، قاپوجى  
ايله قارىسنك چاشيرلرى هپ اوييقاردى . حتى بوندن اول ياننده چالديشده يى  
مادام فوقونيه نك مشتريلرندن بر قسمنى ده آلمش ، پوواسسونيه ر محله سنده اوطوران  
پارسلى قادينلردن بيله مشترى بولمشدى . دكانى آچديغك اون بشنجى كوني مادام  
پوتوا ايله اولجه بنانك آلتنجى قاتنده اوطوران معهود مادمازل قله مانسى چراق



دیه یاننه آلمشدی . ایلاک کوندن بری خدمتنده بولونان او چیرکین صوراتلی  
 اوغوشینه برابر شیمدی دکانده اوچ چراق جایشیوردی . ژروه زک یرنده باشقه  
 بریسی اواسه طالعک بو توجهندن ، شبهه سز ، عقلنی قاجیر بردی . بوتون هفته  
 طور میوب چالیشدقدن صوکره بازار ایرتسی کونلری بر پارچه خوارداق ایدر ،  
 بر آرز فضلہ یر ایچر سه بونی کیمسه چوق کوره مزدی . هم بوکا احتیاجی ده واردی .  
 ژروه ز هیچ بروقت شیمدیکی قدر خاطر شناس اولامشدی . قوبون کبی حلیم  
 سلیم ، ملک کبی ای ایدی . انتقام آلمق مقصدله مادام لوریو حقنده قوللاندی  
 ( اینک قویروغی ) تعبیرندن ماعدا هیچ کیمسه علیهنده فنا برشی سویله مر ،  
 کیمسه یه قارشی غیظ و نفرت بسله مر ، هرکسک قصوری خوش کوروردی .  
 قارشی کوزلجه طویوروب قهوه سنی ایچدکن صوکره بوتون انسانلره قارشی قلبنده  
 بر حس صرحت اویانیر ، اووقت چکه سی آچیلهرق سویلر طورور ، « مادام که  
 وحشی انسانلر دکلز ؛ بر بر مره قارشی مسامحه کار اولملی بز » دیردی . اوکا قلبنک  
 ایلیکندن بحث ایتدکلری زمان کولر ، کندیسندن هیچ بر مزیت اولمادیغنی  
 سویلردی . هم ایی اولمایوبده نه یاپه جیدی ؟ دنیا ده نه قدر املی وارسه هپسینه  
 نائل اولمش دکلیدی ؟ حیاتده ده ها نه ایسته یه بیلیردی ؟ آلنده آووجنده بش پاره سی  
 اولمادینی زمانلر غایه خیالی چالیشیق ، ییه جک بر لقمه اکمکی ، یانه جق بر بو اسی  
 اولق ، چوجونلری بو یوتک ، قوجه سندن طیاق یمه مک ، نهایت کندی یاتاغنده  
 اولمک ایدی . شیمدی بولره معزیاده مالک ایدی . هر شیئه ، فضلہ سیله نائل  
 اولمشدی . یالکز راحت دوشکندن اولمک قلمشدی . لطیفه طرزنده دییوردی که ،  
 کچ اولق شرطیله بوندن ده محروم قالمایه جغنی امید ایدیوردی .  
 ژروه ز بالخاصه قوجه سنه قارشی پک نازک طاورانیوردی . اونک نه یوزینه  
 قارشی فنا بر لقردی سویله مش ، نه ده آرق سندن بر شکایتده بولونمشدی . اساساً  
 قوپوایشنه ده باشلامشدی . چالیشدینی بنا پارسک تا او برادجنده اولدینی ایچون ژروه ز اوکایمک  
 ایچمک و توتون پاره سی اوله رق هر صباح قرق سوویر یردی . قوپو هفته نک یالکز ایکی کوتنی بر  
 دوستیله بر لکده بول اوستی بر میخانه یه کیردک قرق سووی اوراده صرف ایدر ، صوکره  
 آوه دونه رک قاریسنه بر مارطاوال آتار ، اوکون اوکله یمکنی آوده یردی . حتی  
 بر دفعه سندن پک اوزاغه بیله کیمه یه رک مه بوط و دیگر اوچ آرق داشیله بر لکده  
 ( قاپوسه ن ) لوقطه سنه کیر مشلر ، اوراده صایانغوز و قیزارمه ییه رک بر شرابده  
 ایچمشلردی . جبندکی قرق سوو بونی اوده مکه کفی کلدیکنی کورونجه حساب  
 بوصله سنی بر غار صونله قاریسنه کوندرمش . لوقطه ده رهن اوله رق قالدیغنی سویله تمشدی .  
 ژروه ز اوموزلرینی بیلکهرک بوکا برخیلی کولمشدی . قوجه سی بر پارچه اکله مش ،



بۇنىڭ فېئاقى نەرسىدە ؟ ئۇندە راخت ياشامق اىستەيس قادينلر قوجەلرئى بر پارچە سربست براقلىدرلر . ارکک برشى سويلر ، قادين اوکا مئابلەيە قالفارسە بۇنىڭ صوکی چارچابوق طياغە منجر اولە بيایر . انسان برپارچە حال آشنا اولملى ؛ قوپۇنىڭ باجاغندە کی صيزيلر هنوز تماميلە کچمە مشدر . اوده باشقە ارککلرک کيتدیکی بولدن چارناچار کیدە جکدر ، يوقسە انسانە آرقداشلىرى اوکوز دیرلر . هم بو قدر جق برا کلنجه دن ضرر کلز که .. اوه برپارچە نشئە لی کلدیکی زمانلر همان ياناغە کیریور . ایکی ساعت صوکرده برشى قالمیوردی .

يازک صیجاقلری کلشدی . حزیران ایچندە ایدی . برجهه ایرتسی کونک اوکا صوکی ، ایشلر صیتیشمش ایدی . ژرودز صوبایە کندی الیلە کومور طولدیرمشدی . یانان آتشک کورولتوسی صوبانک بوروسی ایچندە خوردايور ، اوستندە طوران اون اوتوبردن ایصینیوردی . کونشک عمودی ضیاسی سوقاغک قالدیر یعنی طوتوشدیرەرق قیزغین انعکاسلرلە دکانک طاواننە اورییور ، اورادە کنیش خارەلر شکندە رقص ایدیوردی . رافردە وجامکاندە کی کاغدلرک عکسیلە ماویلشەن بوضیا اینجە چاشیرلر آره سنده سوزولەرک برتوز حزمەسی کی تزکاھک اوستندە کوز قاشدیرجی بر آیدینلق یاپیوردی . هوا انسانى بوغە جق قدر صیحاق ایدی . دکانک سوقاغە ناظر قاپوسنی آچشلردی ، فقط برپارچە اولسون روزکار اسمیوردی . برنج چوبوقلر اوستنە قورومق ایچین آصیلشمش اولان چاشیرلردن دومان چیقئور ، برچاشیر اوچ چاریک ساعت ایچندە طالاش کی قوپ قورو کسلییوردی . بر فرونی آ کدیران ب آغبر حرارت ایچندە کیسە برشى سويلەمیور ، یالکیز قالین اوتو بزى اوستندە اوتولرک چیقاردینی بوغوق سسلر ایشیدیلییوردی . بر آرهلق ژرودز :

— اکر بوکون دە آریمزسەك هییچ قورقومن قالماز .

— دیدی . یردە برچناغک اوکنە چومەلمش ، چاشیرلری نشاستەيە یاطیرمقلە مشغول ایتدی . آرقە سنده بیاض بر فیستان واردی . اوموزلرندن دوشن کوملککک یکلرئنی قیویرمش ایدی . قولاری ، بوینی چیر چپیلاق ، یوزی آل آل اولمش ایدی . اوستندن او قدر تر آقیوردی که قارمە قاریشیق صاچلری مینی مینی دمتلر حالندە دریسنە یاپیشیوری . مع مافیە او ، کمال دقتلە قادين تا کیه لرئنی ، ارکک کوملکلرینک اوکارئنی ، فیستانلری ، قادين پانطولونلرینک غارنیتورلرئنی قولایە باطیرمقلە مشغول ایدی . قولالی صودن چیقاردقلرئنی بر قووايە طالديرەرق کوملک وپانطولونلرک قولاً طوقونمايان طرفلرئنی بو قووانک ایچندە الیلە چالقاددن صوکرە بۆکەرک درت کوشە بر سپتە قوییوردی .



— بوايش بىتدكەن سوكرە مادام پوتوايه دونەرك :

— آلکز بوسپتی ، دیدی ، هم الکزی بر پارچه چابوق طونکیز ، چاشیرلر بونکون چوق سورمەدن قورویورلر . آرەدن بر ساعت کچرسە تکرار قولایە باطیرمق ایجاب ایدر .

قرق بش یاشلرندە ، ضعیف ، اوفاق بویلی بر قادین اولان مادام پوتوا ، بونون دوکەلری ایلیکلی طوران کستانە رنکلی اسکی بر اثواب ایچندە بر طاملە تر بیلە دوکەکسزین چاشیرنری اوتولیوردی .

حتی قوللانە قوللانە صاری بررنک آلان یشیل قورده لالرلە ایشلمەلی سیاهە تا کیەسە بیلە باشندن چیقارماشدی . اوفاجق بوینە نسبتلە چوق یوکسک اولان تزکەھک اوکنندە ، دیرسکلری هوايە قالقیق ، دیم دیک طورییور ، طبق بیکارککینی آکدیران قوللارینک قیریق حرکتلریلە اوتوی قوللانیوردی . بردن حایقیردی :

— رجا ایدرم مادمازل قلەمانس ، کوملەککیزی کییکیز . سزده بیلیرسکیز که بس ادب خارجی شیلردن خوشلانام . اولدی که اولدی ، باری بونون بونون صوینکیزده هرشی میدانە چیقسون ... باقکیز دکانک اوکنندە اوچ ارکک طورمش ، سزی سیر ایدیور .

مادمازل قلەمانس ، میریلدانعە نوعندن برسسلە « آبدال ! » دیدی . صیجاقدن بوغولیوردی ، ایستەدیکی کبی چالیشە بیلەمکەدە حق یوقی ایدی : تهرکس اونک کبی قاو وجودلی دکل که ... هم صانکە وجودینک نرەسی کورونیوردی ؟ قوللارینی هوايە قالدیردقە بوغازینک کوزل و طاشقین سمیزلیکی اثوابنک یاقەسنى عادتاجانلاتیور ، کنیش اوموزلرینک تضییق آلتندە کوملەکنک قیصە قوللری ییرتیلەجق کبی اولیوردی . مادمازل قلەمانس دها اوتوز یاشنە کلدیکی حالده اوقدر ذوق و صفایە دوشکون ایدی که آدم عئللی اکنجە ایچندە کچیردیکی کیجەلرک فرداسی کونی آیاقده طورمغە طاقی قالماز ، صانکە قفاسنی وقارنی پاچاورەلرلە طولدیرمش کبی ایشنک باشندە اویوقلایوردی . بونکە برابر ژروەز اونی ایشندن چیقارمیوردی . چونکە ارکک کوملەکلرینی اونک قدر ای قولەلایان برایشجی دها یوقدی .

بردن حدتە کلدی چیپلاق کرداتی توقاتلایەرق :

— بونلر نئم مالم ، دیدی ، کیمسە یە ضرر ویردکلری یوق که .. ژروەز مداخلە ایتدی :

— قلەمانس ، کوملەککیزی ، کییکیز . مادام پوتوانک حق وار ، یاپدیغکیزشی لای دکل سوکرە دکانم حقندە فنا سوزلر سویلرلر .



قله مانس خوردانه رق کوملکني کيیدی ... اماده تخف ها سو قاقدن کچنلر کندیسندن باشقه چيلاق قادین کورمه مشلرمي صانکه؟ يانی باشنده اوغوشين منديل وچوراب نوعندن دوز چاشيرلری اوتوله مکله مشغول ایدی . قله مانس بر دیرسك اوره رق خنجی اوندن چيقاردی . آنجق اوغوستين خرچين طبيعتلی ، صوك درجه حيله کار وفنا قلبی برقيز ایدی . قله مانسك ياپيغنه قارشى انتقام آلق ايچون اوده آرقه سندن اونك اتمکنه قوجامان بر توکوروك آتدی .

بوانئاده ژروه ز مادام بوشك برتاکيه سنی قوله لامغه باشلامشدى . تميزاواسون ديه بونك ايچون تازه قولاً حاضرلامشدى . ايکي اوجی يوارلاق بر اوتوايله تاکيه نك ايچ طرفنى خفيف خفيف اوتوليوردی . تام بواره لق دکاندن ايچری ايرى کيکلى ، يوزى يرير قرمزى لىکلى ، فستانى صيرصيقلام اولمش برقادين کيردى . بوقادين غوت دور چاشير خانه سنده اوچايشجى قولانان برچاشيرجى اوسته سى ایدی . ژروه ز اونى کورونجه :

— دها پک ایرکن ، دیدی ، سزه بو آقشام ايچون سوز ويرمشم . هيچ

بو ساعتده کلنيرمى ؟

فقط چاشيرجى قادين صيرلامغه باشلامشدى . بونك اوزرينه ژروه ز چاشيرلری کيرلى اوله رق ويره جکنى آکلاتدی . ايکيسى بردن اوچاشيرلری بولق ايچون اتيه نك ياتدينى صولده کى اوطه يه کيتديلر و برآز صوکره بر قوجاق طولوسى کتيردکلری کيرلى چاشيرلری دکانك برکوشه سنده ييغهرق يارم ساعت قدر بويغينك ايچنده اوغراشدیلر . ژروه ز چاشيرلری برر برر آيره رق اوست اوسته قويور ، ارکک کوملکلرينى قادين فيستانلرينى ، منديللری ، چورابلری ، توز بزلرينى هپ بريره بيغيوردی . بوانئاده يکى بر مشتری يه عائد برچاشير آلنه کچنجه اونى آيريبور ، بالاخره طانيه بيلمک ايچون قرمزى ايلکله اوستنه برخاچ رسمى ديکيوردى . آلتى اوستنه کتيريلن بوکيرلى چاشير ييغيندن ياوان ومتعفن برقوقو حيقه رق دکانك صيجاق هواسى ايچنده طالغه لانيوردی .

قله مانس بوقوقونك تأثيريله بروتنى طيقا به رق :

— اوف ، آمان نه قوقو !

ديدى ، ژروه ز صوئوق قانليقله جواب ويردى :

— البته فنا قوقو ؛ تميز اولسه يدي کتيروبده بزه ويريرلرميدي ؟

و چاشيرجى قادينه دونه رک دوام ايتدى :

— قاچ دانه ديمشك ، مادام بيژار؟ اون درت ، دکلى؟ اوت اون درت قادين

کوملکى ، بو اون بش ، بو اون آلتى ، بو اون يدي ...



یو کسک سسله صایبور دی . بویله کیرلی شیلره آلبشیق اولدینی ایچون هیج بر نیکسینتی طویمور ، کیردن صارارمش کوملکارک ، یاغلی بولاشیق صولرله قاص قانی کسيلمش توزبزلرینک ، تردن چورو یوب ده لینمش چورابلرک آردسنه بده وچیلاق قولارینی بلاتردد طالدير ییوردی . یو کیرلی چاشیر ییغینی اوستنه اکیلدیکی زمان یوزینه اوران کسکین قوقو ایله وجودینه بر رخاوت کلش ایدی . آچاق بر اسکمه اوستنده بلی ایک قات اولمش ، یو کیرلی چاشیر ییغینک نشر ایتدیکی متعفن انسان قوقوسی باشنه اورمشجه سنه آلارنی آغیر حرکتلرله ، کاد صاغه کاد صوله اوزاتیوردی . کوزلری طالمش ، دوداقلری خفیفجه متاسم ایدی . اوکا او یله کلیوردی که دکانک هواسنی زهرله یین بواسکی چاشیر قوقوسی اونک وجودینه ایلاک دفعه اوله رق بر تنبلاک ویریوردی .

کیمه عائد اولدینی طانیه مادیفی سیدیگی بر چو حوق قونداغنی تام سیلکوب چیقاره جنی صیره ده قوپو دکاندن ایچری کیردی .

— بو نه کونش یا هو ! صانکه انسانک قفاسنه طوقاق کی اوریور ! دوشمه مک ایچون تزکاهه طایاندی . عمرنده بو قدر صیجاق کورمه مشدی . او کون ایلاک دفعه اولق اوزره بر کوزینک اوستنده ، کیم بیلیر هانکه ایتیشوب قاقیشمه اثناسنده یا کلشقله کندیسنه کلن بردوست توقاتنک ایزی واردی . آره لرندک توك بیاضلر بلیرمه که باشلایان قیویرجیق صاچلری توز ایچنده ایدی ؛ بللی که کیرلی بر میخانه کوشه سنده وقت کچیرمشدی ، چونکه ا کسه سنک اوستنه بر اورومجک آغی طاقیلوب قالمشدی . مع مافیله بر پارچه کرکین واختیارلامش خطوط وجهیه سیله اوستده کندن دها فضله چیقمش آلت چکه سیله تحف بر حالی واردی . بوکا رغما دریسی حالا برقادینی ایمره ندیره جک قدر یوموشاق ایدی .

ژروهزه دونه رک :

— باق آ کلاته جم ، دیدی ، هان شو ( پیه ده سله ری ) یوق می ؛ طانیه جفسک جام ... ایشه او ، مملکتنه کیده جک ، بکا ضیافت ویرمک ایسته دی . سوقا قده هرکس خسته کی کزیور ، او قدر صیجاق وار هرکس سرخوش کی یالپه اوریور ...

بو تون جاده نک سرخوشلر کی یالپه اورمسی قله مانسک پک خوشنه کیتمشدی . اونک بو حالی قوپویه ده سرایت ایتدی . او قدر کولیوردی که عادتاً بوغوله جق کی اولمشدی .

— هرکس سرخوش ، اما کورسه کز نه تحف اولیور ! متصل یالپه اوروب طور یورلر . آنجق قباحت کندیلرنده دکل ، کونشده !



دكانده هر كس ، حتى سرخوشلردن هيچ خوشلايمان مادام پوتوا بيله  
كوليوردى .

ژروهز قوجه سنك بو حالندن ايلك او كجه شهبه اندى : عجبا قوپو ايشندن دو نركن  
اوه كله دن اول لوريولره اوغرادى ده اونلرك وردكارى فنا نصيحت اوزرينه مى  
كيدوب بو قدر اچدى ؟ آجق قوپو ، قيز قارده شنه اوغراما ديمنه عيىن ايدنجه  
كوكلنى مسترى اولدى . شيمدى اوده كوليوردى . او قدر صرحتلى برقادين ايدى كه  
قوجه سنك اكلنجه خاطرى اچون بوتون بركون ايشيندن قالش اولسنى بيله معذور  
كوليوردى .

بر آره لق خفيف برسسه :

سه هايدى آرتق ديدى ، آلويرى ، مناسبتمزلكك لزومى يوق ؛ بو قدر مناسبتمزجه  
سوز هيچ ايشتمه مشدم .

وصوكره بر آننه شفتيله علاوه ايتدى :

— كوليورسك آنه قدر ايشمز وار ، سن كيتده اويو ، بزي بوش يره  
لافه طوتيوررسك ( مادام بيژاره دونهرك ) منديل اوئوز ايكي دانه ايدى ،  
ايكي ده بو ، اولدى اوئوزدورت ...

فقط قوپونك اويقوسى يوقدى . بر مدت دها دكانده قالدى . بر ساعت رقاصى كى  
اولدينى يرده ساللانهرق كزيناور ، شوكا بوكا طاقيه رق آلاى ايدىوردى .  
مادام بيژاردن بر آن اول قورتولمى ايسته ين ژروهز ، قله مانسى چاغيره رق چاشيرلرى  
اوگاسايدىردى ، اوصايدجه كنديسى بر طرف قيد ايدىوردى . قله مانس هر صابى باشنده قبا  
بركله ، چيركين بر سوز هر ف ايدىيور ، مشريلرك بوتون رذالته ريخى ، ياتاق او طه لرينك بوتون  
ماجرالرينى آكلتيور ، صايق اچون آلنه آلدغى چاشيرلرك اوستنده كوردىكي هر اكله اچون  
بر آلايلى سوز بوليوردى . او غوستين بوسيله ن شيلردن صانكه هيچ برشى آكلاميورمش  
كى آليق آليق طور دىنى حالد بوتون اخلاقسز كنج قيزلره مخصوص بر مراق  
ايله سراپا دقت كسيلمش ، بر كلسنى بيله قاچيرمىوردى . مادام پوتوا بر ار ككاه  
او كنده بويله شيلر سويله نى مناسبتمسز بولهرق دوداقلرينى ايصيرمىوردى . هم  
تربيه لى انسانلر ار ككلرك ياننده بويله ايج چاشيرلرينى آچازلر ، بولرى كورمكه بر  
ار ككك احتياجى يوقدر ژروهزه كلنجه ، او متصل ايشيله مشغولدى . سويله ن  
سوزلرك هيچ برينى ايشيتمىورمش كى كمال جديتله چايش يوردى . بر طرفدن  
او كنده كى كاغده چاشيرلرى قيد ايدىيور ، ديكر طرفدن صايلان چاشيرلرك كيمه  
عائد اولدقلىرى كورمك اچون دقتله اونلره باقىوردى . مشريلرينك مالارنى او قدر  
ابى طانيردى كه قله مانس برر برر صايدجه او ، هر برينك كيمه عائد اولديغى



اسميريله سويله يه بيليردى . مثلا اوزرلرنده هيچ بر تجره ليكه سي اولمايان شو حاولولر بللى كه غوژه لره عاڭدر . شو يا صديق قياڭى مادام (بوش) كدر . چونكه مادام بوشك بوتون چاشيرلرنده كي پوماده بونده ده واردى . شو فانيه يلكار موسيو ماوينيه يه عاڭ اولديغنى بياڭك ايچون قوقلامغه لزوم يوق ، اوزاقدن بللى اولوردى . حريفك وجودى او قدر ياغلى كه عادتاً يوك قوقيوردى .

ژروەز مشيريلرينك دها باشقه خصوصيتلرينده واقفدى : هربرى نه قدر تميز ويا كيرليدر ، ايپكلى فستانلره سوقاقدن كچن قادينلرك ايچ چاشيرلرى ناصلدر ، هفته ده قاچ چوراب ، قاچ منديل ، قاچ كوملك كيرلترلر . بعض انسانلر بعض چاشيرلرى دائماً عيني نقطه دن فاصل ييرتوب اسكتيرلر بونلرك هپسنى بيليردى . خلاصه معلومات ققمه سي ايدى . مثلا مادمازل رونژونك كوملكلرى تميز توكنمىز تفسيراتى موجب اولوردى . بواختيار قيزك اوموزكميكلى مطلقا سيوريدر ، چونكه كوملكلرينك دائماً يوقارى طرفى اورسه له نمش بولونيوردى . مع مافيه اون بش كون آرقه سنده طاشيوب چيقاردىڭى كوملك بيله كيرلى اولمازدى . بوده كوستريوردى كه اوياشده كي قادينلرك وجودى ، تحته كي اوليور ، ايچندن برطامله صو بيله چيقييور . خلاصه كيرلى چاشيرلر برربرر صاييلدڭه محله نك بوتون قادينلرى چيرچيلاق ايديله رك درلو درلو شيلر سويلنيوردى .

او آره لق قله مانس يكي برپاكتى آچقله مشغول ايدى . بردن حايقيردى :  
— آي بوده نه ؟

ژروەز پاكتك ايچنده كيلردن برحس استكراه طويه رق كرى چكلى .  
— مادام غودرونك چاشيرلرى ... بونلرى ييقامايه جڭم ، كرى كوندركم ايچون بهانه آرييورم . مشكاپسندلكمه حمل ايتمه ييكز ، مدت حياتمه ، اويله كيرلى ، او قدر ايكره نچ چاشيرلر كوردم كه ... آنجق بونلرى ممكن دكل ييقايه مايه جڭم . او قدر ايكره نچ شيلر كه انسانك يوره كي آغزينه كله جك . بو قادين نه ياپيورده چاشيرلرى بو حاله صوقيور آ كلامام كه ...

قله مانس آلنى عجله طوتمسنى رجا ايتدى . فقط قله مانس بيلديكندن شاشميور ، هرده ليكه پارماغنى صوقه رق ، كيرلى برظفر بايراغى كي هواده صاللا دىڭى هر چاشير ايچون ايمالى بركله صرف ايدهر ك دوام ايدنيوردى . ژروەزك اطرافنده چاشيرلر كيت كيده بويوين بريغين حالنه كلكشدى . اوطوردىڭى شو آلچاق اسكمله سي اوستنده كوملك وفستان ييغينى آره سنده غائب اولش كي ايدى . شيمدى كوزينك او كنده ياتاق اورتولرى ، طونلر ، سفره بزلرى ، خلاصه بوتون كيرلى شيلردن مركب بر پريشانلق واردى ، ژروەز بر صو طبقه سي كي كيتدڭه يوكسلن بو چاشير



يېغىنك اوربەسەندە ، چىيلاق قولارى ، چىيلاق كردانى ، شقاقلىرىنە ياپىشمىش لولە لولە صارىشىن ساچلىرىلە ، پنبە ويورغون ، طورىيوردى . طورىندە بر آغىر باشلىق ، دوداقلرىندە كوزىدن هيچ برشى قاچىرمايان دقتلى بز دكان صاحبهسى تبسمى واردى .

آرتق مادام غودرونك كىرلى چاشىرلرنىدەكى قوقويىدە اونوتىشىدى . برىا كالىشلىق اولماسون دىيە آلاريلە بوچاشىر كومه سنك ايچنى قارىشىدىروب طورىيوردى . ايكيده بر صوبايە كومور آتمىدن ذوق طويان شاشى اوغوستىن صوبانك ايچنى او قدر طولدورمىشىدەكى اوتولرى اوطورتدقلى لوحەلر قىپقىرمىزى كسىلمىشلىرىدى . كونشك منخرف ضياسى دكانك اوك طرفنى قاوورىيور ، ايچرىدە سانكە بر آلە و طوتوشىيوردى . حرارتك شىدتىدن سرخوشلىنى برقات دها آرتازقوپو بردن طويدىنى بر احتياج محبتله قولارىنى آچەرق ، تەييج و مختص ، ژروەزە طوغرو يورودى .

— آه بىم جى جى قارىچىم ، گل دە سنى بردىغە اوپەيم ؟

ايلرىلەر كن آياغى ، يولينك ارستىندە طوران وملك يېغىنە چارپدى ، سىندەلەدى ، آز قالدى دوشەجكدى . ژروەز بوكا طارلامىشىدى .

— راحت طور قوپو ، باق صوكنە كلك ، بىترييورز .

خاير ، او سوز دىكلەميور ، مطلقا قارىسنى اوپمك ايستەيوردى . بوكا احتياجى واردى ، چونكە قارىسنى سوييوردى . سرخوشلىق ككەليەرك چاشىر يېغىنك اطرافىندە طولاشيور ، فيستانلردن قورتولانجە كوملكرك ارەسنە دوشىيوردى . مطلقا آرزوسىنە نائل اولەجقدى . بو عناد ايله بردىغە صالدىرنجە آياغى طاقيله رق توز يرلرىنك اورتەسنە يوزى اوستى دوشو ويردى . ژروەزك صبرى توكنمىشىدى . چاشىرلر شىمدى قارمە قارىشىق اولەجقدى . قوجه سنى قالدىرمىق ايچون دورتييوردى . قله مانس و مادام پوتوا ژروەزك بو سرتلكنى حقسىز بولدىلر . چونكە نەدە اولسە قوپو قارىسنى جيله كوسترىمك ايچون بويلە پامىشىدى . مقصدى قارىسنى اوپمكدى . چونكە ژروەز بوكا راضى اولورسە قىامتى قوپاردى ؟

سرخوش بر چيلانكر اولان قوجه سندن هر آقشام مدەش طياقلىرىنەن مادام بىزار قوپونك بو ياپدىغىنە باقەرق :

— نظر دكەسون مادام ، ديدى ، سز جداً بختيارسكز . بىمكىسىدە بىكا بويلە ياپسە نە قدر خوشمە كىدردى !

عصبىتى زائل اولان ژروەز شىماى قوپويه قارشى كوسترديكى خشوتە متأسف ايدى . پانە كىدەرك دوشدىكى يردن قاقمىسنى ياردىم ايتدى ، اوپسون دىيە ياناغنى اوزاتدى . فقط قوپو ، اطرافدە كىلردن هيچ صىقىلمىسزىن قارىسنىك مەلرىنى ياقەلادى



— توکلی چاشیرلرک بو قدر کسکین قوقاز ... اما نهده اولسه ینه سنی سورم قاریجغم !

ژروهز قهقهه ایله کولمکه باشلامشدی :

— براق قوپو، غیدیقلانیورم ! قوجه آدمسک ، حالا مناسبتسزلکدن واز کچمیورسک، هییچ ده بویله سنی کورمه دم.

فقط قوپو اونى باقه لامش، براقیوردی . کیرلی چاشیرلرک ویردیکی خفیف بر باش دوئمه سیله سرسمله شن ژروهز، قوجه سنک شراب قوقان آغزندن ایکره نمه یهرک کندینی براقیویوردی. درت طرفلرینی قوشاتان بوملو ثات ییغینی آره سنده قاری قوجه اوزون بر بوسه ایله اوپوشدیلر . بو بوسه اونلرک آغیر آغیر گهوشه مکه باشلایان حیاتلرنده صانکه ایلاک علامت سقوط ایدی.

اوتهدده مادام بیژار چاشیرلرینی طوپلامش ، بر طرفدن پا کتنی دوکوملیور ، بر طرفدن ده هنوز ایکی یاشنده اولان (ألودی) اسمنده کی قیزینک طبقی بر قادین کبی عقللی درایتلی اولدیغی آکلاردی . چوجوغی تک باشنه اوده براقه بیلیوردی . نه آغلار ، نه ده کبریتلرله اویناردی ، یوکلک آلتنده بلی ایکی قات اولمش ، یوزینه یریر منکشه رنکسده لکهلر اوطورمشدی . ژروهز یوزینک ترلرینی سیلیدی ، مادام بوشک یاری براقدینی ناکیه سنه باشلامه دن اول :

— آمان بونه صیجاق ، دیدی ، آرتق تحمل ایده میورم پیشه جکز ...

صوبا قیپ قیرمزی کسيلمشدی . بونی یاپان هپ اوغوستین ایدی . شو قیز دایاغی حق ایتمشدی . اوتولربيله قیزارمشدی . حقیقه شو اوغوستین بر اللهک بلاسی ایدی ، قاشله کوز آره سنده مطلقا بر حنریراق یاپیوردی . شیمدی ده برچارک بکله ملی که اوتولرک قیزغینلانی کچسون . . ژروهز صوبایه ایکی کوره کول آتدی . طیشاردن کلن کونشک حرارتی کسمک ایچون ده پرنج چبوقلرک اوزرینه پرده مقامنده ایکی شیلته اورتوسی کرمکی دوشوندی ویاپدی . شیمدی دکانک ایچریسی سرینله مش ، پک ایی اولمشدی . طاتلی بر حرارت حکم سورییوردی . سوقاقدن کچن ار ککلرک آیاق سسلری ایشیدلمکله برابر انسان کندینی شیمدی بوراده دنیادن اوزاق . پنجره لرندن بیاض بر ضیا نفوذ ایدن اوینک قویتو برکوشه سنده ظن ایدیوردی . پرنج چبوقلر اوستنه یتاق اورتولرینی آصدقدن صوکره ایسته دیکی کبی صویونمق ده ممکندی . نته کم قله مانس ایچ کوملکنی چیقاردی . قوپو کیدوب یاتمغه بردرلو راضی اولمایوردی : برکوشه ده راحت اوطورمتی شرطیله اونکده دوکانده قالمسغه مساعدده ایدلای .



بر آرق، لق ژروەز ، آرادیڭی بر اوتوی بولامانجه حایقیردی :  
— بو مضر قیز اوتوی نه یاپدی ؟

ژروەز بو سوزی ایله اوغوشینی قصد اییدیوردی . بر چوق آرادیقن  
صوکره اوتوی مناسبتسز بریرده بولایلر ، اوغوستین معذبلك اولسون دییه اورایه  
صاقلامشدی . هر نه ایسه ژروەز مادام بوشك تاکیه سنی اوتوله مکی بیتردی .  
تاکیه نك دانته لرینه اوفاق بر اوتو اوردقن صوکره بونلری ده برینه کچیردی .  
بو تاکیه هر ایکی قیورینك آره یری ایشلمه لی وبر بری آردنجه صیق صیق  
قیورینلردن یاپیلمه غایت سوسلی برشیدی .

شیمدی دکانه بر سکون حکم سورییوردی . بر آره لق اوتولرك ماصه  
اورتوسی اوستنده جیقاردیڭی بوغوق کورواتودن باشقه هیچ بر شی ایشیدن  
اولمشدی . درت گوشه کنیش ماصه سنك برر اوجنده ژروەزله ایکی ایشیجی  
قادین وبر چراق ، اوموزلری قانله بولاشمش ، قوللری مئادی حرکتلری ایله ایلری  
کری کیدوب کلرك ، متصل چالیشیورلردی . هر برینك صاغ طرفنده اوفاق  
بر اوتو اورتوسی و قیزغین اوتولرك تماسیله یری یاتمش دوز بر طوغله واردی .  
ماصه نك اورته سنده ، ایچی براق بر صو ایله آغزینه قدر طولو یر چوقور  
طباغك کنارنده بر بز پارچه سیله بر فیرچه طورییوردی .

اسکی بر راقی شیشه سنك ایچنه قونلش بر دمت زنبق ، قار کبی بیاض  
یاپراقلریله بوراسنی شاهانه بر باغچه نك گوشه سی حانه افراغ ایتمشدی . مادام  
پوتووا ژروەزك حاضرلادیڭی چاشیر سیتی ایچنده کی حاولولری ، بانطولولری ،  
کوملکاری ، قوللری اوتوله مکه باشلامشدی . اوغوشین اوتوله مك ایچون آلدیڭی  
چوراب وتوز بزلرینی اونوته رق هواده اوچان ایری برسینکه باقیور ، قله مانس ده  
اوتوز بشنجی کوملکی آلمش اوتولیوردی .  
قوپو بردن حایقیردی :

— شرابدن هیچ شاشمالی ! ایچی سوزی اولدی می اوستمه فنالق ویریور  
بوندن صوکره قوللانمایه جنم .

قله مانس صوبا اوستنده طوران اوتولردن برینی مشین قاپلی صاچ قولپندن  
طوته رق کافی درجه ایصینوب ایصینمادیڭی ا کلامق ایچون یاناغنه یاقلاشدیرمشدی .  
اوتوی صاغ طرفنده کی برك اوستنه سوردی ، آلت طرفنی بلنده آصیلی طوران  
بر بز پارچه سیله تمیزله دکدن صکره اوتوز بشنجی کوملکک ایکی قولندن اوتوله مکه باشلادی .  
قله مانس ، قوپویه جواب اوله رق :



— اما یاپدیکزها ، دیدی ، آرەدە صیرەدە برقدح قریک ایچمک  
هیچ دە فنا دکل . بن بونی ایچنجه ققام دومانلانیور . . . برده انسان  
نه قدر چابوق سرخوش اولورسه او قدر تحف اولیور ! هم اويله  
ایجه آله یوب صیق طوقومايه لم ، چونکه اوزون مدت یاشامغه نيم یوق . . .  
قوتلی سوزلرندن هیچ خوشلانمايان مادام پوتو اعتراض ایتدی :  
— سزده بو اولوم حکایه لرینی نرده بولورسکیز ؟ سزی دیکله دجه انسانک  
ایچنه صیقینتی باصیور . . .

قوپو آياغه قالدی . کندیسى ، راقی ایچمش ظنیله اوستنه هجوم ایدیورلر  
فرض ایدهرک جانی صیقیلماشدی . کندی باشنه ، قاریسک چوجوغنک باشلرینه یمین  
ایدهرک تأمین ایدیوردی که آغزینه بر قطره راقی قویماشدی . طوغری سویلدیکی  
آبات ایچون آغزینی قله مانسک یوزینه یاقلاشدیره رق هوهادی . شیمدی قوپونک  
یوزی قله مانسک چیپلاق اوموزلرینه تماس ایدیوردی . قوپو آلاى ایتکه باشلادی :  
قله مانسک ناصل اوتو اوتوله دیکنی کورمک ایسته یوردی . قله مانس ، اوکنده دوران  
کوملکی قاتلایه رق ایکی یانی برر دفعه ده اوتوله دکن صوکره قول و یاقه لری  
اوتوله یه جکدی . قوپومتصل اونک اوستنه طوغرو یوکلنیرجه سنه کلیوردی . قله مانس  
بر آره لق شاشیردی ، کوملکی قاتلادی ، یاکلش اوتوله دی ، بو خطایی تصحیح  
ایچون چقور طباقده کی قوله دن بر پارچه آلوب کوملکه سوردی و عینی زمانده  
شکایت ایتدی :

— مادام قوجه کزه سویله یکزده بنی راحت برافسون . . .

ژروهز هیچ استیفنی بوزمایه رق :

— براق قوپو ، دیدی ، کورمیورمیسک ایش . نه قدر عجله ؟ دهیندن بری

هیچ اوصلو طورمیورسک . . .

پکی اما ایشلری عجله ایسه قباحث قوپوده می ؟ اوفنا برشی می یاپیور ؟ هیچ  
برشیئه آل سورمیور ، ساده جه باقیور اللهک یاراتدینی کوزل شیلره باقق یاساق می ؟  
شو قله مانس حنزیرینک قولارنده کی لطافته باقیکز ؛ هانی برآل طوقوندیریشه  
ایکی سو پاره ایستسه انسان ویردیکی پاره یه آجیمیه جق ! اساساً اونلرکده بویله  
شیلردن قاچدینی یوق یا ، اک چیپلاق سرخوش شاقه لرینه کوله رک مقابله ایدن  
برقیزدی . باخصوص قله مانس ده قوپو ایله آلاى ایدوب طوروردی .  
قوپو ، ارکک کوملکارندن طوتدیره رق قله مانسه طاقیلیموردی . اونک بوتون  
عمری بوکوملکار ایچنده کچیوردی . قله مانس اوت ، دییوردی ، بوتون عمری  
ارکک کوملکاری آره سنده کچمشدی . برارکک کوملکنک نه دیمک اولدیغنی ،



ناصل ياپلديغنى اوقدر اوكره نمىشدى كه ... شىمدى يه قدر قاچ يوز كوملك الندىن كچمىشدى ! محله نك اسمر ، صاريشن نه قدر ار كىكلرى وارسه هپسك ارقه سنده كى كوملكلرده كنديسك آل أمكى واردى . قله مانس بونلرى آ كلاتيركن كوملكدن بايلىوردى . او آرهلوق اوتوله مكده اولديغى كوملكك اوك طرفنده كى ياريقدن اوتوي صوقه رق آرقه طرفده بش قيوريم ياپمىشدى . بوندن صوكره اوك اتكى قيويره رق كنيش اوتو ضربه لريله بونى ده قاتلادى ويوكسك بر قهقهه قوپاره رق ؛ — بوكا كوملكك بايراغى ديزلر .

ديدى ، تعبير اوغوستينك اوقدر خوشنه كيتمىشدى كه قهقهه دن چاتلايوردى . معناسنى آ كلامادىنى بر كله يه بوقدر كولدىكى ايچون اوغوستينى تكدير ايتديلر . بو آرهلوق قله مانس ، صىجاقلى آزمغه يوز طوتان اوتوسنى اوكا وىردى . اوتولر قولالى چاشيرلره كافى كله يه جك قدر صوغونجه اونلرى ، اوغوستينه ويريرلردى ، اوغوستين ده بوسوغومغه باشلامش اوتولرله چوراب وتوز بزلرى اوتوله ردى . فقط قله مانسك وىردىكى اوتوي بوسفر اوقدر عجميجه ياقالادى كه دميرك صىجاق طرفى تام بيلكىنك اوستنه كلرك اوزون بريانيق ياپدى . جاني يان اوغوستين هيچقيره رق آغلامغه باشلادى . قله مانسك بونى مخصوص ياپديغنى سويله يوردى . او آرهلوق قله مانس صوبادن قىزغىن بر اوتو آلمغه كيتمىشدى . اوغوستينى بويله آغلار كورونجه يانه ياقلاشهرق صوصمىنى تنبه ايتدى . وا كردها دوام ايدرسه صىجاق اوتو ايله قولاقلىرى اوتوله يه جكنى سويله دى . قله مانسى اوتوله مكه باشلايه جنى كوملكك قولاسىنى فوروتق ايچون پلاشرونك آلتنه بريوك پارچه سى قويوش ، صىجاق اوتوي بونك اوزرنده خفيف خفيف كزدير يوردى . بوسورتله كوملكك اوك طرفى هم قاتلاشيور ، هم ده كاغدكى پارلاق بر جلا آليوردى .

بر سرخوش عناديله قله مانسك پيشنى براقايان قوپو :

— وای جاننه يانديمن !

ديدى . پرمقري نك اوجنه باصوب يوكسليور وفنا باعلامش بر مقارا كى غير منتظم قهقهه لرله كوليوردى . قله مانس بوتون آغيراغيله ماصه يه طيامش ، بيلكلرى صيوالى دىرسللىرى بر برندن آيرى وهواده ، بر كوملكك ياقه سنى بوكمه چاليشيوردى . وجودينك بوتون آتري شيشمش كى ايدى . اوموزلى اينجه دريسك آتنده قوتلى ضربانلر ايله ايشله ين عضلاتك بطى حركتلرني تعقيب ايد يوردى . تردن يرير حاره با لايان كردانى آچيق كوملكك پنبه كولسكه سى آتنده قباري يوردى . بر آرهلوق قوپو ال شاقه سى ياقق ايسته دى ، قله مانس حايقيردى :



— مادام ژروەز ، سويله يک راحت طورسون يوقسه برافير ، کيدرم  
حقارته کله مم .  
بو ائاده ژروەز مادام بوشک تاکيه سنى شايقه آصمغه مخصوص بر باشلغه  
کچيرمش ، دانتله لرني خفيف خفيف اوتوله مکله مشغولدي . قله مانسک فريادی اوزرينه  
کوزلرني قالد يروب باقديني صيره ده قوپو آلاريله اونک کوملکاري ني قاريشدير يوردی .  
رچلني اکسکسز يين بر چوجوق ناصل تکدير ايديليرسه اوده قوپويي اويله  
تکدير ايتدی .

— اما هيچ اوصلو طور ميورسک قوپو! هايدی کل سنى ياتيره يم .  
مادام پونوا ژروەزی تصديق ايتدی؟  
— اوت موسيو قوپو ، کيدوب ياتسه کز چوق اي اوله جق .

قوپو شايه يي بر درلو الدن براق يوردی؟  
— نه تحف شيلرسکز ياهو! ... آرتق لطيفه ده ايمه ملي مي؟ بن قادينلره قارشی  
فاصل معامله ايديله جکني بيلمزلردن دکلم . شيمدی يه قدر هيچ بر قادين نم بوزمدن ضرر  
کورمه مشدر . فضله کيتمه مک شرطيله بر چيمد کدن نه چيقار؟ هم بوقاديني چيمد يکله مک اوکا  
شرف ويرمکدر . مالني بوقدر آچان بر قادين ، بکن بکن ده آل ديمکدر . اوکا سورک  
نه دن بويله بوتون وجوديني آچوب کوستريور؟ صانکه بو ايش برشی مي؟  
وقله مانسه دونه رک علاوه ايتدی :

— هپ قباحه سنده ! اطرافکي غلبه لق کوردکده اونک ايچون بويله

ياپيورسه ک ...

سوزيني اکاله وقت بوله مادی . ژروەز بر آيله اونى بيلکندن ياقه لامش ،  
اوته کي آيله ده آغزيني طيقامه شیدی قوپو جير پينوپ طور يوردی . فقط ژروەز  
اونى ايته ايته دکانک تا اوجنه قدر کوتورمه شیدی . بر آره لق آغزيني طيقاچدن  
قورتاردی ، قله مانس کلوب آياق لريني اوغمق شرطيله اويويه جفني وعد ايتدی .  
نهايت ژروەز اونى اوطيه طيقه بيلمه شیدی . ايلک اوکجه آياق لرندن پاپوجلرني  
چيقاردی ، اوندن صوکره بر آنه کي طارتا قلايه رق اونى صويدی . قوپو ، ياتاغنک  
ايچنده کولمکدن باي يليوردی . باجاقلرني صالايور ، غيديقلا ندیغني سويل يوردی .  
نهايت اونى بر چوجوق کي صيقي صيقي اورتدی . شيمدی راحتدی يا؟ فقط قوپو  
راحت فلان دوشونمور ، او حالا قله مانسه سسله نيوردی :

— هايدی کل آياق لرمي اوغوشدير !

ژروەز قوجه سنى يات يروب دکانه دوندیکی زمان قله مانس اوغوستينک صورانه  
بر شامار آتيوردی . چونکه مادام پونو ، صوبا اوستمندن آلدیغني براوتونک



آلتنه دقت اتمکسزین بونی برکوملکه اورونجه سیم سیاه چیشمدی ، مکر اوتونک آتی کیرلی ایمش . واقعا قباحث قله مانسده ایدی ، او اوتونی بویله آلتنی تمیزله مکسزین صوبایه قویان کندیزی ایدی ، فقط قباحثی استنه آلامق ایچون اوغوستینی قباحثلی چیقاریبور . اوتونک آلتنده حالا طوران قولا پارچه سنه رغماً بونک کندیسنه عاند اولمادیغنی ادعا ایدیوردی . اوغوستین حقسزلغک به درجه سنه طیانه مایه رق و آرتق کیزله مکله لزوم کورمه دن قله مانسک اثوابنک اوك طرفنه قوجه مان برتو کوروك آتمشدی .

ایشته شاماره پوسبب اولمشدی . شاشی قیز کوز یاشلرینی دیندیرهرک اوتونی تمیزله دی ، برموم پارچه سیله اووه رق قازیدقدن صوکره آلتنی سیلیدی . فقط بوندن صوکره قله مانسک آرقه طرفندن هرکچدکجه بردفعه دها توکوریبور بو توکوروکلرک بویلی بوینه آقدقیرینی کوره رک ایچین ایچین کولیوردی .

ژروهز ، تکرار مادام بوشک تا کیه سنده کی دانته لری دوزدلتکه قویولمشدی . شیمدی دکان یکیدن برسکون ایچنه طالمشدی . بر آرهلق تالایچری طرفدن قوپونک قالین سسی کلدی . کندینه سویله نه رک برچوجوق نشئه سیله کولدیکی ایشیدیلیوردی . — شوبزم قارینک هیچ عقلی یوق عایم اه ! نه دییه بنی یاتاغه یاتیردی . بیلمم که ... انسان کوپه کوندوز ناصل اویویه بیلیر ؟

فقط چوق کجه دن خورولدامغه باشلادی ژروهز قوجه سنک اویودیغنی آ کلادقدن صوکره کنیدش بر نفس آلدی . بو اویقو ایچنده سرخوشلغنک تأثیری زائل اوله جغنی دوشونهرک ایچی راحت ایدیوردی . برطرفدن الارینک سریم حرکتلریله دانته لری اوتولیور ، دیگر طرفدن دکانک سکونی ایچنده بطی برسساه قوجه سنک حالی آ کلاتیوردی :

— انسان سرخوش اولونجه عقلی باشندن کیدیور . نه دییه قیزه جقسیک ؟ فرض ایت که چیقشمشدم ، بر فائده واری ؟ خویجه کیدوب یاتاغه یاتیرمقدن باشقه چاره یوق . هیچ اولمازسه بر آن اول اویورده راحت ایدرم . بانخصصوص فنا قلبی بر آدمده دکل ، بنی حقیقه سور . سزده کوردیکز آ ، بنی اوپک ایچون نه لر یامادی ! بو حالی کوردکجه خوشلاماق قابل اولیور . باشقه ارککلر برپارچه ایچدیلمی هان بایاغی قادینلرک یاننه قوشارلر ، حالبوکه قوپو طوس طوغرو اوینه کلیر . واقعا ایشجی قادینلره صاتاشیر ، اما ایشته اوقدر ، فضله کیتمز ... اونک ایچون ، مادموازل قله مانس ، کوکلکزه برشی کله سون . معلوم آ سرخوش نه یاپدیغنی بیلمز آناسنی باباسنی بیله اولدورورده کندینه کلدیکی زمان خاوارلاماز بیله ... بن اونک یاپدقیرینی داغما خوش کورورم . ارکک دکلی هپ بر ...



ژرورەز بوسوزلری ، قوجەسەنک تاشقینلەرینە آلیشیق اولمەدن متولە هیجانسەز  
 برادا ایله سویلیور ، اونک کەنج قیزلرک قولارینی چیمدیكلەمسەندە برفئالق بولمئوردی .  
 آکلەتەجفی شیلر بیتنجه صوصدی ، شیمدی دکانک ایچندە یکیدن بر سەکوت  
 باشلادی . و بوسکوتی آرتق هیچ برشی اخلال ایتەدی . مادام پونوا هر دفعە سەندە  
 ماصەنک قرەتون اورتوسی آلتەندەکی سەتی چکەرک ایچندەن برچاشیر پارچەسی آلیور ،  
 بونی اوتولە یوب بیترنجه قیصە قوللریلە اوزانەرق بررافک اوستەنە یرلشدیر ییوردی .  
 قلە مانس اوتوز آلتەنجی کومەلکک اوتوسنی اکمال ایتەکلە مشغولدی . بو کون ایش پک فضلە ایدی  
 بر دقیقه بوش کچیرمە مک شرطیلە آنجق ساعەت کیچەنک اون برندە بوتون چاشیرلرک آرقەسی  
 آلنە بیلیردی . دکاندە هرکس بلا آرام و صوک غیرتلە چالیشیور ، چاشیرلرک بیاض  
 رنکی اوزرینە پنبە کولەکلەرنی عکس ایتدیرەن چپلاق قوللر مەادی کیدوب  
 کلیوردی . صوبایە تکرار کومور آتدیلر . پردەلر آره سەندن سوزولن کونش بوتون  
 قوتیلە صوبانک اوستەنە کلیور ، کومورک حرارتی کونشک ضیالرینە قاریشیور ، غیر  
 هرئی بر آلو دکانک هواسی ایچندە رعشەلر یاپیوردی . قورومق ایچون طاوانە  
 آسیلامش اولان فیستائلرلە سفەرە بزلرینک آلتەندە او قدر بوغوجی بر هواواردی کە  
 آغزینک ایچندە توکوروکی قوروین شاشی اوغوستین دیلنک اوجنی دوداقلرینک بر  
 کئارندەن چیقارمەغە مجبور اولمشدی . صوک درجە یە قدر قیزدیرلمش دوکە صوبا ،  
 اکشیمش نەشاستەلی صو ، دمییر یانیفی ، درت قادینک چپلاق اوموزلرلە آللرینی ایچنە  
 طالیدرقلری تەکنەلردن چیقان و درت ایشجینک صاچلرندە و ایصلاق اکسەلرندەکی  
 کسکین قوقویە قاریشان ایلیق و طائسز بر قوقو ، بوتون بونلر برلشە رک هواو  
 طائفە لانیوردی . اوتەدە ، صوبی بشل بر رنک باغلامش اولان شیشە ایچندە ، ایری  
 زنبقلر صاف و کسکین بر رایجە نشر ایدە رک آغیر آغیر صولیورلردی . آره لفدە  
 بر کرەدە ، اوتولرک چیقاردینی سسلە صوبانک ایچنە طالیدیریلان ماشەنک یاپدینی  
 کورولتو آره سەندە قوپونک خورولتوسی ، طبق دکانک حرکات سەینی  
 تنظیم ایدن قوجامان بر ساعەتک منتظم طیقیردیسی کی ایشیدیلیوردی .  
 قوپو سرخوش اولدینی کونلرک فرداسی دائما صاچلرندە بر آغری ایله قالقاردی .  
 اویله دەشتلی بر آغری کە صاچلری ترس دوزر ، یوزی کوزی بوزولوردی .  
 او کونلر دائما کچ قالقار ، سکز اولمەدن یاتاغنەن اینزدی . دکاندە اوتە یە بری یە  
 توکورور ، ساعەتلرجه آیاق سورتر ، بردرلو کەندینی طوپلایوب ایشنە کیدە مژدی .  
 او کونی هدر اولوردی . مادام کە هر اکەنجەنک فرداسەندە بویله اولەجقدی ،  
 او حالە پاتلاینجە یە قدر ایچمک بدلاق دکلەدە نەدر دیردی . اووقت پشمانلق طویەرق  
 آرتق بر دەها یاتماغە قرار ویریردی . بویله کەنج یاشەدە نعللری دیکمە نیتی



یوقدی . آنجق اوکله اولنجه کندینه چکی دوزن و بره رک حالا کوچلی قوتلی اولدیغنه  
 کندی کندینی قاندرمق ایچون او هو او هو ! دییه اوکسوروردی . او وقت  
 برکیجه اول یاپدیغنی اونوش کبی اولور ، او یاپدیغنی شیئک سفاهت دکل ،  
 پک پک برچاقر کیفلک اولدیغنی ادعا ایدردی . بونک اوزرینه آقشامه طوغرو  
 ینه محله ده طولاشمغه باشلاردی . ژروهر ، دکانده کی ایشجیلری اونک ازعاجاتندن  
 قورتارمق ایچون آله برفرانق ویریر . قوپو پاره یی آلیر آماز همان پوواسیونه  
 سوقاغنده کی توتونجی یه کیده رک توتوننی تدارک ایدر ویولده بر احبابه تصادف  
 ایدرسه برلکده برمیخانه یه کیده رک برقدح اریک راقیسی ایچردی . اوندن صوکره  
 غون دور محله سنک کوشه سنده کی فرانسوانک میخانه سنه کیره رک برفرانگک اوست  
 طرفنی اوراده بیتیردی . فرانسوانک کوزل ، نازه ، عادتانا سنک بوغازینی غیدیقلایان برشرابی  
 واردی . فرانسوانک میخانه سی اسکی زماندن قالمه آلچاق طاوانلی ، ایچی دومان طولو برشیدی .  
 میخانه نک یاننده چور باصاتیلیردی . قوپو بوراده آقشامه قدر ایچرطوروردی . فرانسوانک  
 میخانه سنده اوکا قره دی ایدرلردی . نه قدر ایچر سه ایچسون فرانسوا پاره سنی ژروهر زدن  
 ایسته مه یه جکنی وعد ایتشدی . چیوی چیوی یی سوکر دیرلر ، بر آقشام اونک توزلرینی  
 تمیزله مک لازم کلنی یا ؟ ایسته بو ملاحظه ایله ماصه باشنه او طوریر ، برقدح شراب بر ایکنجی یی  
 دعوت ایدر ؛ واقعا بو قدخلر اونیده نشئه له ندیریر ، فقط مقصد بر اکلنجه در .  
 یوقسه بر سرخوشلقله بر قادینه فیسکه بیله اورمش آدم دکادر ، اسپرتو ایچنده  
 سرخوشلقدن باشلرینی قالدیرمغه وقت بوله میان انسانلری اساساً سومن . نه قدر  
 ایچسه شن شاطر ، طبقی بر اسپنوز قوشی کبی چلی چلی اوینه کلیردی .  
 بعض دفعه لر ژروهره طاقلیردی :

— بو کون عاشقک کلدی می ؟ چوقدن بری کورونمز اولدی ، باری بن کیدوب

آرایه یم ...

عاشق تعبیریه غوژه یی قصد ایدیوردی . فی الحقیقه غوژه راحتسزاق ویرمه مک  
 ویدی قودی یه سبب اولماق ایچون ژروهرک زیارتنه نادراً کلیردی . بونکله برابر  
 اونی کوره بیلمک ایچون بوتون وسیله لردن استفاده ایدر ، ییقانه جق چاشیرلری  
 بالذات کتیریر ، دکانک اوکنده کی قالدیرمدن کونده بلکله یکر می دفعه کچردی .  
 دکانک نادیدنده برکوشه واردی که غوژه بوراده ساعتلرجه او طورمقدن خوشلانیر ،  
 هیچ قیمه لانه سزین قیصه پیپوسیه توتوننی ایچر طوروردی . بوزیارتلری اون  
 کونده برکره اکثریا آقشام یکنندن صوکره یاپاردی . اساساً فضله قونوشان بر  
 بر آدم دکلدی . صانکله آغزی کلیدی کبی ، ساده جه ژروهرک یوزینه باقان ،



اونك هر سوزی تحف بولور و هر تحف بولدی سوزه كولك ایچون پیوسنی بر دغه  
 آغزندن چیقاریردی. جمعه ایرتسی آقشاملری دکانه ایش کیچ وقته قدر دوام ایله ردی.  
 غوزه ده اونلرله برابر اوطور بر، کندنن کچه رك صانکه برتیا تروده ایمشجه سنه. حتی ده  
 زیاده اکلنیردی. بعضاً ایش-جیلر صباحك اوچنه قدر چالیش-یرلردی. بر دمیر تلله طاوانه اصیلی  
 طوران لامبه نك آباژورندن دو کولن مدور و پارلاق ضیا آلتنده چاشیر لر طانی بر قار  
 بیاضنی آلیرلردی. اوغوستین دکانك کپنکارینی قاپاتیر. آنجق تموز کیجه لری  
 انسانی یاقوب قاووره جق قدر صیجاق اولدی ایچون س-وقاغه ناظر قاپو آچیق  
 بر اقلیردی. وقت کچدکجه ایشجی قادینلر ده راحت چالیشه بیلک ایچون انوابلرینك  
 دوکمه لرینی چوزه لرلر، لامبه نك ضیاسی آلتنده بر آلتون کبی پارلایان اینجه دریلرینی  
 میدانه چیقاریرلردی. صوك زمانلرده سمیرمکه باشلایان ژروه زك ایپک کبی پارلاق  
 و صاریشین اوموزلرینی، کوزینی قاپاسه از بردن رسمنی چیزه بیله جك قدر حافظه سنه  
 یرلشن کردانك قاتمرینی و بونك اورته سنده کی چوقورینی اوزون اوزون سیر ایلردی.  
 او زمان صوبانك قوتلی حرارتی، او تو آلتنده دومانلر چیقاران چاشیرلرک قوقوسی  
 بوتون وجودینی صرار، دوشونجه سنه بر عطالت عارض اولور، محله لی به بازار  
 چاشیرلرینی یتیشدیرمک ایچون قولارینك متمادیاً حرکتلریله بوتون کیجه چالیشوب  
 طوران بو قادینلره باقه باقه باشنه خفیف بر سر سملک کلیردی. او دقیقه ده اطرافده  
 بوتون قومشولر او یومش، درین بر سکوت خواب آغیر بر پرده کبی یاواش یاواش  
 چوکه که باشلامشدر. کیجه یاریسی اولور، دیرکن ساعت بری ایکی یی چالار،  
 آرتق طیشاریده نه انسان وار، نه آرابه کچر؛ سوقاق بوش و قارا کلندر، یالکز  
 دکانك آچیق قالان قاپوسندن قالدیریمه طوغرو بر ضیا، طبق یره سریش بر صاری  
 قوماش کبی اوزانیر... آره لقه بر کره اوزاقدن بر آیاق سسی کلیر، برینك دکانه دوغرو  
 یاقلاشدینی ایشیدیلیر. بو آدم دکانك آچیق قاپوسی اوکنه کلنجه ایچریدن طویدینی او تو  
 مسلری حیرتی موجب اوله رق باشنی اوزاتیر و قومرا، بر بوغو ایچنده، آچیق  
 صاحب چالیشان قادینلره سریع بر نظر عطف ایده رک اوزاقلاشیر کیدردی.  
 غوزه، هم ژروه زی آتیه ن یوزندن چکدیکی صیقینتیدن هم ده آتیه نی قوپونك  
 تکه لرندن قورتارمق ایچون چوجوغنی کندیسنك چالیشدینی چیوی فابریقه سنك  
 کوروکیلکنه آلدیرمشدی. واقعا چیوی فابریقه سنده چالیشمق تمیز برایش دکلدی.  
 بوتون کون اوجاگ کیرلری آره سنده متصل عینی دمیر پارچه لرینی دوکوب طورمق  
 لازمدی. آنجق کارلی بر صنعتدی، چونکه کونده اون اون ایکی فرانق پاره  
 قازاندریردی. اکر استعدادینه موافق دوشرسه آتیه ن اون ایکی یاشنده بر جوجوق



اولسنة رغماً بوصعتی بجره بیلیدی . او کوندن اعتباراً ائیهن ، ژرودز ایله غوژه آره سنده فضله بر رابطه اولمشدی . آقشاملری چوجوغی اوه غوژه کتیریر ، چوجوڭک فابریقه ده ناصل ایی چالیشدیغنی آنه سینه اوبیلدیریردی . غوژه نك کندیسینه کوز یومدیغنی لطیفه طرزنده هرکس ژرودزه سویله یوردی .

بونى ژرودزه آ کلا یوردی . غوژه نك کندیسینه قارشى طاشیدیغنی حسی اونى عادتاً بر کنج قیز کبی قیزاریور و جکرلرنده نه قدر قان وارسه هپسی یوزینه هجوم ایدیوردی . آه نه سویلی چوجوقدی بو غوژه ! هم هیچده انسانی صیقمآزدی . بر دفعه ارسون ژرودزه حیاتندن بحث ایتهمشدی مه چیرکین بر اشارت ، نه چاپقینجه بر لاف ، خایر هپچ ، هپچ بر شی ... بو قدر ناموسلو ارککه نادر تصادف اولونور . ژرودز کرچه اعتراف ایتک ایسته میوردی ، فقط طوغروسی ایسته رسه کنز بویله عزیزه کبی سه ویلکدن بویوک بر حظ طویوردی . بر آرزویقینتیسى اولسه همان غوژه یی خاطرلار ، دردینی اوکا آچار ، اوده همان تسلیسنى بولوردی . یالکز باشنه قالدقلى زمان هپچ صیقيلمآزلردی . قارشى قارشى یه اوطورورلر ، دوداقلرنده بر تبسمله بر برینك یوزینه باقیشیرلر ، قیلرلرنده کیزلننن حسیاتی یکدیگرینه آچغه لزوم کورمزلردی . آره لرنده معقول بر محبت واردی ، هپچ برینك نلمبندم کیرلی بر امل کچمزدی . اوصلو عقللی اوطوره رق بختیار اولابیلمك امکائی اولدیغنی زمانلر سکون اچنده وقت کچیرمك ده اای دکلیدی ؟

یاز صوکلرینه طوغرو نانا اوی آلت اوست ایتکه باشلادی . آلتی یاشنه کلشدی . دهشتلی بر حیلار اوله جنی ا کلاشیلیوردی . کوندوزلری اقشامه قدر آیاق آلتنده طولاشماسون دییه والده یی اونى پولونسو سو قاغنده مادام ژوس اسمنده بر قادینك اداره ایتکده اولدیغنی اوافق بر پانسیونه ویرممشدی . نان پانسیونده کاه آرقداشلرینك اثوابلرینی آرقه دن بر برینه باغلار ، کاه معلمه خانمك بوتون طبقه سینه کول طولدوریر ، ده ا آغزه آلتمایه جق نیجه نیجه کیرلی شیلر ایجاد ایدهرک یاپاردی . پانسیون صاحبه سی اونى ایکی دفعه پانسیونندن طرد ایتکه مجبور اولمش ، فقط هرآی اجرت اوله رق آلدیغنی آلتی فرانکی غائب ایتهمك ایچون تکرار قبول ایتشدی . نانا آقشاملری مکتبدن چیقینجه بوتون کون مکتبده حبس ایدلمش اوله نك انتقامنی آلمق ایچون . ننانك طیش قاپوی اوکنده او قدر کورولتو یاپاردی که ایشی قادینلر اوکا صوص دیمکدن غیرتلافلی چاتلاردی . اوراده قاپوجی بوشك قیزی پولینی وژرودزه نك اسکی او صاحبه سنیک اوغلی ویقتوری بولوردی . اون یاشنده بر چوجوق اولان ویقتور کنج قیزلرله بشاقه لاشمغه بایلیردی .



ژر و هزله هيچ آره سی آچيامامش اولان مادام فوقونيه ، چوجو غنى اوينا مق  
ايچون بالذات كنديسى كوندريردى. اساساً بنانك ايچنده برسورو چوجوق واردى.  
بونلر صباحدن آقشامه قدر اوك مرديونلرندن اورته لنى آلت اوست ايدن بر آلاى  
سرجه كورولتوسيله بوتون كون سسوقا غك قالديريمنده باغيريشير طور ورلردى .  
ساده مادام غردرونك كيمى صاريشين ، كيمى اسمر ، هپسى فنا طارامش ؛  
سوموكللى ، طونلرى تا برونلرينك اوجنه قدر چيقمش ، چورابلىرى قوندره لرينك  
اوستنه دوشمش ، ييرتيق جاكتلى ، دوت طرفلى پيسلك ايچنده طقوزچوجوغى  
واردى . بشنجى قاتده اوطوران بر اكه كجى قادين يدى چوجوق آناسى ايدى .  
بنانك هر اوطه سندن برقاق دانه چوجوق چيقاردى . يوزلىرى كوزلىرى آنجق  
ياغموردن ياغموره صو كورهن بوپننه آغزلى يومورجاق آلاينك ايچنده بعضيلرى  
ايب كى اينجه اوزون بويلى ، بيقلىرى بر ارلك قدر شيشمان قارنلى ، كيميلى  
بشيكدن قاچش ، آدم عقللى آياقده طوره مايه جق قدر اوافق ، قوشمق لازم كلنجه دوت آياق  
اوستى بوروين ميني ميني شيلردى . نانا بو اجيش بوجوشلرك اوزرنده اجر اى حكم ايدر .  
كنديسندن ايكي دفعه بويوك اولان قيزلره قارشى آمرانه طورلر طاقينيردى . (پولين)  
ايله (ويقتور) كنديسنگ هر آرزوسنه مظاهرت ايتدكلرى ايچون نانا آمرلك صفت  
و قوتندن بر قسمنى لطفاً اونلره بخش ايتشدى . نانانك اك بويوك مراق آنه  
اويونى اوينا مق ، چوجوقلرك اك كوچوكلرينى تپه دن طيرناغه قدر صويدقن صو كره  
تكرار كيديرمك ايدى . ياشجه دها بويوك اولانلرك وجودلرينه باقار ، نه قدر كيزلى  
قابالىرلى وارسه قاريشديرر ، مستكره ذوقلردن خوشلانا بعض بويوك انسانلر  
كبي بو غريب مراق ايله اونلر اوزرنده عادتاً مستبدانه حركت ايدردى . اويونلر  
هپ اونك اداره سى آلتنده ايديلر . بوتون قافله بوياجى دكانندن آقان رنكللى صولر  
ايچنه طالار ، تاديزلره قدر ماوى ويا قيرمى رنكه بويانمش اولديغى حالده چيقاردى .  
اوندن صو كره چلينكر ك دكانه كيده رك چيوى و معدن قيرينتيلرى آشيريرلر ،  
اورادن مرانغوزك دكانه كچرلر ، چيپلاق قيچلريله ايرى طالاش ييغملرى ايچنده  
يووارلانار قاكله نيرلردى . اونلرك مالكانه سى اولان اولو بوتون كون دوشوب قالقانلرك آياق  
ياطيرديسييله ، هر قوشوشده يكي بر چيغلق قوپاران قافله نك فريادى ايله طولو  
ايدى . بعض كونلر اونلره اولو بيله طار كليردى . او وقت قافله بنانك  
محزنلرينه طالار ، مرديونه نلردن چيقار ، قوريدورلردن كچر ، اورادن  
باشقه بر مرديونه طيرمانير ، باشقه بر قوريدوره صاپار وساعتلرجه مدت ، هيچ  
يورولوب بيقمقسزىن بويله قوشديره رق ، طبق دوت طرفدن بوشانمش مضر



حيوانلر كې ، قوجه مان بىناك ايجرىنى فریاد و كورولتويه بوغارلردى .  
بعضاً مادام بوش حدتله نير ؛

— آمان بو چوجوقلر نه فنا شيلر ! بر قادين دنيايه بو قدر چوجوق كتير مك  
ايچون باشقه ياپه جق بر شيئي اولماق لازم ... صوكردهده ييه جك اكملرى  
اولماديغندن شكايت ايديورلر .

قوجه سنك ادعاسنه باقيليرسه چوجوقلر ، كوبره اكده يتيشن مانطار كې ،  
سفالت ايچنده بويورمش . مادام بوش صباحدن آقشامه قدر ، ائنده سپوركه  
ايله اونلرى تهديد ايدهر ك باغير بردى . نهايت باشه چيقاما نجه محزنلر ك قاپوسنى  
قاپامغه مجبور اولدى . چونكه قىزى پوليندن خبر آلمشدى ؟ نانا محزن ايچنده  
دوقتور اويونى اوينامنى دوشونيورمش . مادام بوش بونى طوي نجه ايلك او كجه  
كندى قىزى نك يوزينه ايكي توقات عشق ايتدى . نانا دوكتور اويوننده خسته  
رولنى ياپان اوتته كى چوجوقلرى طياقله تداوى ايدرمش .

بر اوكله صو كى ايدى . دهشتلى بر وقعه اولدى . اساساً اونلر ك كيديشنه  
كورده بويله بر شيك اوله جنى محققدى . نانانك عقلنه تحف بر اويون كلكشدى .  
قاپوجى نك اوطه سى او كنده طوران قوندره لرك برتكنى آشيردى ، بونى بر ايپه باغلايه رق  
آرابه كې سوروكلامكه باشلادى .

پولين و ويقتور ، برى صاغنده اوتته كيسى صولنده ، يورييورلردى .  
ويقتور كده عقلنه برشى كلى : اوده قوندره نك ايچنه پاتاس قاپوقلرى  
طول دوردى . ديركن بر قافله تشكل ايديوردى . ناناك او كده ، قوندره يي  
چكيور ، صاغندن صولندن پولين ايله ويقتور كليور ، آرقه دن اوتته كى چوجوقلر ،  
ياش صيره سيله ايتيشه قاقيشه يورييورلردى . قافله نك دم دارنده بونى آنجق بر  
چزمه قدر اوافق ، ففاسنه ياصديقلى بر تا كيه كچيرلش بر ميني ميني واردى .  
هپ بردن ماعلى نغمه لرله بر شيلر سويله يورلردى . نانا بونلره جنازه اويونى  
اويناتيوردى . قوندره نك ايچنده كى پاتاس قاپوقلرى اولونك نغشى ايدى . اولويى  
باشندن آشاغى طولاشدير قدن صوكره عىنى مسافه يي بردها قطع ايتديلر . چوجوقلر  
يو اويونى چوق اكلنجه لى بوليورلردى .

چوجوقلر ك حاشا ريلغندن طولايى امنيتى زائل اولمش اولان مادام بوش بر آره لق  
اونلر ك نه ياپدقلى نى آكلامق اوزره اوطه سنك قاپوسى او كنه كلى :

— ينه نه ياپيورلر ؟

وايشى اكلانجه مدهش بر صورتده حدتله نرك :

— واى يارامازلر واى ! بىم قوندره مى آشيرمشلر !



دیدى . قوشه رق اونلرك ياننه كلدى ، ياقه لادىغنى باطاقلادى ، بوميانده ناناك ،  
 ياناقلرينه ايكي توقات آتدى ، آنه سنك قوندوره سنى آشيريرلر كن سس چيقارمادىغندن .  
 طولاي پولينه بر تكمه اوردى . تام بو ائشاده ژروه ز چشمه دن بر قووا صو آلمه  
 كلشدى . ناناي برونى قان ايچنده ، هيچ قيريقلرله آغلار كورو نجه قاپوجى قادينك  
 اوستنه آتيلدى ، آز قالدى صاحنى باشنى يوله جقدى . بو تدرجق بر چوجو غك  
 اوستنه او كوز كې صالديريليرمى ؟ انسان بو نى ياپايلىمك ايچون قلىنده ذره قدر صرحت  
 اولملى ، انسانلرك اك باياغيسى اولميدر . مادام بوش بو هجوملرى بالطبع جوابسىز  
 براقمادى . بويله برباد بر قىزى اولان آنه اونى كلید آلتنده صاقلاردیدی . ديركن  
 قاپونك اشيكنده قاپوجى بوش كوروندى ، اوده قارىسنه سسلنه رك بويله صردار  
 انسانلرله مناقشه به كيريشمه سنى سويله دى . آرتق آدم عقللى طاريليشمىلردى .  
 اساساً بر آيدى برى قاپوجى ايله قوپو عائله سنك آره لرى به زوقدر . خلقه  
 جو صرد اولان ژروه ز ايكيده بر اونلره ايتره ليتره شراب ، فنجان فنجان آت صويى ،  
 پورتقال ، پاسته كوتوروردى . بر آقشام بر صلاطه طباعنك ديدنده ، روقه  
 وپانجاردن ياپيلمه بر پارچه صلاطه كوتورمشدى . مادام بوشك صلاطه يى سوديكنى  
 بيليوردى . ايرتسى كون مادمازل رومانژو آكلاتدى : مادام بوش ، اللهه شكر  
 دهاهنوز باشقه لر ينك آرتيقلريله كچه جك حاله كله دك ديه رك هر كسك كوزى او كنده صلاطه يى  
 سوقاغه دو كمش . ژروه ز بو نى ايشيدنجه حدتندن يوزى به بياض كسيلدى و او كوندن  
 اعتباراً بوش عائله سنه نه شراب ، نه آت صويى ، نه پورتقال ، نه پاسته خلاصه هيچ  
 بر هديه كوندرمى اولدى . آرتق بوش ايله قارىسنده كى صوراتى كورملى ايدى ؟  
 قوپو ايله قارىسى اونلرك بر شيئنى چالمشلكى ايدى . ژروه ز بو حاله كندى قباحتى  
 سبب اولديغنى آكلامشدى . چونكه اونلره متصل هديه ويرمك سر سملكنده  
 بولونماسه يدى قاپوجى ايله قارىسى بويله فنا آليشمازلر ، كنديسنه قارشى دها اي  
 طاورانيرلردى . آرتق مادام بوش ژروه ز ايچون آغزينه كلنى سويله يوردى .  
 تشرين اول تقسيطنده مال صاحى موسيو مارسقويه ژروه ز عليهنده بر چوق شيلر  
 آكلاتدى ، چاشيرجى قادين آله كچن پاره يى ذوق و صفا يولنده صرف ايدر .  
 آيلنى كونى كونه ويرمىش . اساساً نازك بر آدم اولمايان مال صاحى بوسوزلردن  
 قوشقولانه رق بر كون بالذات دكانه كلدى ، حتى ايچرى كيرر كن باشندن شاپقه سنى  
 بيله چيقارمادى ، آيلنى ايسته دى ، ژروه ز همان پاره يى ويردى . بوش ايله قارىسى  
 شيمدى لوريو عائله سيله باريشمىلر ، بو تازه ائتلافك ويرديكى رقتله بو تون كون  
 صاحدن آقشامه قدر ژروه زى چكيشدير بيورلردى . طوبال باچاغيله طالعلىرى ،



ده ویرن بو ژروہز اولماسہیدی اونلر هیچ طاریلدشماہ جقلردی ! مادام بوش،  
ژروہزك نه مال اولدیغنی شیمدی آکلایور، اونك یوزندن زواللی لوریو عائلہ سنك  
چكدکارینی شیمدی تقدیر ایدیوردی . اونلر بو دیدی قودی ایله مشغول ایکن  
بعضاً ژروہز قاپونك او کندن کچردی؛ اوتہ کیلر قاپونك آشیکندن اونكله آلائی ایدرلردی .  
برکون ژروہز لوریولرك اوطه سنه چیقدی . مقصد زیارتی او زمان آلتش  
یدی یاشنه گلش اولان قاش آناسنی کورمکدی . اختیار قادینك کوزلری آرتق  
هیچ کورمض اولمشدی . باجقلری دهایی کیتمیوردی . صوك دفعه اولارق کبردیکی  
قاپودن بالجبوریه چیقمشدی . اکر برطرفدن یاردیم کورمضسه آجلقدن اولسی  
حققدی . ژروہز ، اوچ چوجوق آناسی اولان بویله برقادینك هرکس طرفندن  
ترك ایدلمنی عیب بولیوردی . قوپو حالا قیز قاردهشی و آنشته سیله قونوشمیوردی .  
آننه سنك حانی ایشیدنجه ژروہزه کیدوب اونی کورمسنی سبویله مشدی . ژروہز  
او کون قلبی کین ونفرت طولو اولدیغنی حالده لوریونك اوطه سنه کیتدی .  
قاپویه اورمه دن فیرطنه کی ایچری کبردی . هانی ایلک دفعه اولارق کلوب ده  
او هیچ حسن معامله کورمه دیکی کون اوطه نه حالده ایدی ایسه ینه عینی حالده  
بولونیوردی . عینی صولوق یوک پرده اوطه نی اعمالا تخانه دن آیری یوردی . تزکاه  
ینه اسکیزی کی تا دییده ایدی .

لوریو تزکاهك اوکنده ، برکوشكك حلقه لرینی طوتدیرمقله مشغول ایدی .  
اوتده مادام لوریو ، منکنه نك باشنده ، بر آلتون تلی حده دن کچیریوردی .  
کوندوزك آیدنلنی ایچنده کوچوک او جاقلری پننه برضیا عکس ایدیوردی .  
— اوت بنایم ! شاشدیکز دکلې؟ قانلی بیچاقلی اولدیغمز حالده ناصل اولیورده  
او کزه کلیورم بوکا تعجب ایتدیکز ... فقط نه کندی آرزومله کلدیم ، نه ده  
سزنی کورمکز ایچون ... قاش آنام ایچون کلدیم . بو قادی نجغزی بر دیلم اکمه  
احتاج براتوب براقایه جغمزی آ کلامق ایسته یورم .

مادام لوریو میریلداندی :

— بوناصل اوطه دن کیریش ؟ طوغریسی بونی یاپه بیلیمک ایچون انسانده چوق  
جراث اوللی ...

ژروزك اوراده بولونیشنی کورمه منلکدن کلن بر طور ایله آرقه سنی دونه رك  
یشنه دوام ایتدی ، فقط قوجه سی ، حدتن صاب صاری کیله رك حایقیردی ،  
— نه دیدیکز ، نه دیدیکز ؟

حالیوکه ژروہزك نه دیدیکنی پك اعلا ایشیتمشدی . دوام ایتدی .:



— هپ دیدی قودی؟ دیمك كه بزم قائن آنا هر کیتدیکی بریرده ضرورتندن  
آچاقدن بحث ایدیور ها! طوغریسی وزل شی حالبوکه اولیسی کون یمکده بزملا  
برابردی. بزم المزدن کلنی یاپیورز آنجق اوتدهده بریده کوهزه لك ایده جك اولورسه  
بردها بورایه کله سون، چونکه بزم جاسوسلردن خوشلانمايز ...  
و آرقه سنی دونه رك اوده ایشنه قویولدی:

— هر آیده بش فرائق ویرسون، بزده کندی پایمزه او قدر ویریرز ...  
ژروه زك حدتی زائل اولمش، اونلرك صوراتلرینی کورونجه آتشی تمامیه  
سونمشدی. اساساً نه زمان بورایه چیقسه مطلقاً اوستنه بر فنالق کلیردی.  
شیمدی ده کوزلرینی یره ایندیرمش، نظرلری آلتون قیرینتیلرینك دوکولدیکی  
طالاش ییغنی آره سنده، تلاش سوز و مقبول بر سسله آ کلاتیوردی: مادام قوپو  
اوچ چوجوق آناسیدر! چوجوقلرینك هر بری کندیسنه آیده بش فرائق  
ویره جك اولسه آیده اون بش فرائق ایدر؛ حالبوکه بوقدری یاشامق ایچون کافی  
دکل، بونك هیچ اولمازسه اوچ مثلنه چیقارمق لازم ... فقط لوریو بوکا اعتراض  
ایتدی: آیده اون بش فرائق نره دن بولوب ویرسون؟ شو انسانظ نه تحف شی،  
آلتون ایشله یور دیه کندیسینی زنکین ظن ایدیورلر. لوریو بوندن صو کره  
هجوملرینی قائن آناسنه توجیه ایتدی. صباحلری بردرلو قهوه ایچمکدن واز کچه من،  
اکسری ایچر. اویله شیلر ایسته رکه کندیسینی کورن صانکه وقتیه زنکین  
بر حیات سورمش ظن ایدر. دنیاده کیم راحتتی ایسته مه ز؟ فقط انسانك  
بر طرفده بریکن اوچ بش غروش اولما نجه، چاره یوق، باشقه لر می کبی قاتلانوب  
اوطور ملی. هم مادام قوپو هنوز چالیشه مایه جق بریاشده دکل که ... طباغك ایچنده کی  
آت پارچه سی پك اعلی کوریور. خلاصه قورناز بر اختیار والسلام؛ ایسته یورکه  
اطرافنده کیلر کندیسینی نازلاندرسونلر. لویونك وقتی حالی یرنده بیله اولسه  
ینه اونی تنبالا که آلیشدرمازدی، چونکه بویله یامقله چوق فنا حرکت ایتمش

اوله جغندن امین ایدی:  
لوریونك بو حدتنه رغماً ژروه زملازم طاورانیور، اونك بو مخالف فکرلرینی سکونتله  
مناقشه ایدیوردی. لوریو ایله قاریسینی یوموشاتمغه چالیشیوردی. مادام لوریو  
شیمدی اوجاغنك اولنه کلش، ایچی کذاب طولو اوزون صاپی بر اوافق  
تجره د بر آلتون پارچه سنی تقیصه ایتمکه مشغول ایدی. صانکه ژروه زدن  
یوز فرسخ اوزاقده ایمش کبی هپ اوکا آرقه سنی چویریوردی.  
اونلر اعمالاتخانه نك سیاه وتوزلی محیطنده، بویلی ایکی بوکوم، البسه لری  
پارام پارچه ویاغلی، بومحدود ماکنه ایشیه چالیشمقدن وجودلری طبق آلرنده کی



آلتلر کبی قاتیلانمش اولدیغی حالده متصل اوغراشیورلردی ، ژرووه زده متصل سویله یوب طور یوردی . بر آرهلق ژرووهز آنی بر حدته قاپیلهرق حاقیردی :  
 پکی او یله اولسون ، سز پاره کزی صافلا یکنز ، بن قاشن آنامی یانمه آلیرم .  
 آکلادیکنمی ؟ کچن کون سوقاقده آچ قالمش بر کدی بی بیله آلوب اومه  
 کتیرمشدم ، والده کزی ده پک اعلی آله بیلیرم . هر ایسته دیکنی ده ویریرم ؛ قهوه ،  
 اکسیر ، هپسینی بنده بولور . آمان یاری نه برباد عائله !

مادام لوریو بردن یوزینی دوندیردی . صانکه کذابلی صوی ژرووه زک صورانه  
 آته جقمش کبی تجره بی آنده صالیوردی .

— دفع اول کیت یوقسه آلمدن شیمدی بر آضا چیقار... بش فرانق دکل ،  
 برباش طور پ بیله ویرم آکلادکمی ؟ هم آنه مه اویک زده خدمتچیلک ایتدیرد سکز ،  
 هم ده بنم ویرد جکم بش فرانمی آلمدن آلهرق یوته سکز او یله می ؟ او اکر سزه  
 کیده جک اولور سه بندن بر یودوم صو بیله کوره من ! هایدی باقهلم طایی طاراغی  
 طوپلاده شورادن دفع اول !

ژرووهز چیقادی ، حدتله قاپوی قاپارکن :

— قادین دکل ، جانوار !

دیوردی . ایرتسی کونی قاشن آناسنی یاننه آلدی . نانانک یاتدیغی اوطه ده  
 اوکاده بر یاتاق یاپدی . بو اوطه طاوانه یاقین بر پنجره دن ضیا آلیردی . مادام  
 قوپونک اوته کی اودن بورایه طاشینمسی کافتلی اولامشدی ، چونکه بیچاره قادینک  
 بوتون اشیاسی بر یاتاق ، جوینزدن معمول بر اسکی طولاب ، بر ماصه ، ایکی  
 اسکمله دن عبارتدی . طولابی کیرلی چاشیرلرک بولوندیغی اوطه یه قوبدیلر : ماصه بی  
 صاندیلر ، اسکمله لرک حاضرلرینی یکیلتدیلر . اختیار قادین ده ایلک آقشامدن  
 اورته انی سوپورمکه ، بولاشیقیری ییقامغه ، خلاصه اود فائده سی طوقونغه باشلامشدی .  
 بوایشلری بجره بیلدیکندن طولانی ده ممنون کورونیوردی . لوریولر حدتدن  
 قودور یورلردی . باخصوص قوپو اوته کی همشیره سی مادام لورانله باریشمشدی .  
 بوکا بوسبوتون قیزمشلردی . بو حدت بر آرهلق اودرجه بی بولمشدی که ایکی نیرقاردهش  
 ژرووه زک سبینه دو کوشمشلردی بیله... او کون مادام لورات بر صحبت اثناسنده ژرووه زک  
 آنه لرینه قارشى طرزحرکتی پک بکندیکنی سویله مش و ژرووه زک مدحی مادام لوریوی فنا  
 حالده قیزدیردیغنی کورونجه معذللک اولسون دییه اونک کوزلرنده کی فوق العاده لیکی مدحه  
 باشلامشدی . بو کوزلر اوقدر بارلاق ، او یله آتشلی ایدی که یاننه بر کاغدیاقلاشدیر سهک  
 طوتوشه جق دیوردی . بوندن صوک درجه حدتله ن مادام لوریو همشیره سنک



اوستنه هجوم ایدهرک بر توقت آتدی ، مادام لورانده بالمقابله اونی شامارلادی .  
و بردها بربریله کوروشمه مک اوزره آریلدیلر . شیمدی مادام لوران کیچیلری  
وفتی دکاده کچیرر ، قله مانسک سویلدیکی چیرکین چیرکین سوزلری دیکلیدهرک  
اکله نیردی .

بویله لکله اوچ سینه کچدی . بر چوق دفعه لر گاه طاریلشوب آریلدیلر ،  
گاه باریشوب برلشدیلر . ژرومز لوریولره نه بوش ایله قاریسنه ، نه ده کندیسینه  
قفادار بولادیفی انسانلرک هیچ برینه اهمیت ویرمیوردی . جانی ایسته یین کلیر ،  
ایسته مه یینه اوغورلر اواسون ! او چالیشوب قازانیوردی یا ، اوکا لازم اولان بو  
محلده اعتباری کوندن کونه آرتیوردی . اونک کی مشتری نرده بولونور .  
آلدیفنک پاره سنی تمامی تمامنه ویریر ، اوزون اوزادییه بازارلق ایتمز ، اوزمکدن  
خوشلانماز . اکمکنی پواسسونیه جاده نده اگمکچی مادام (فولودن) ، آنی پولونصو  
سوقاغنده کی قصاب تارلدن ، بقالیه اشیاسنی دکانک تام قارشیسنده کی بقال (لوهونفی) دن  
آلیردی . گوشه باشنده کی شرابچی فرانسا اونک شرابی الیشر لیتره اوله رق سبتله  
کتیرر ، ارککلرک چیمدکلرندن قاریسنک قولاری موص مومور اولان کومورجی ویغورو  
اوکا قومپانیا فیئاتندن کومور ویریردی . بو اصناف اوکا قارشى ای طاورانق  
منفعتلری اقضاسندن اولدیغنی بیلدکلری ایچون ویردکلری اشیابه هیچ حیله قاتمازلردی .  
بعضاً آیاغنده ترلک ، صاچلری طارانامش اولدینی حالد سوقاغه چیقنجه صانکه  
بوتون جاده اونک مالکانه سی ، بوتون جوار سوقاقلر اونک اوبنک قالدیرمه آچیلان  
برر شعبه سی ایمش کی هرطرفدن اونی سلاملارلردی . اونک ایچوندرکه برایش  
سببیل سوقاغه چیقاجق اولورسه آیاغنی بالخاصه آغیر آلیر ، طانیدق انسانلر  
آره سنده طولاشمقدن ذوق طویارق اوه ممکن اولدینی قدر کج دونردی . بعض  
کونر اوده پیشیرمه وقت بوله مازدی ، اوزمان کیدر لوقنطه دن حاضر یك صاتین  
آلیر ، بنامک اوته کی اوجنده بردکان اشغال ایدن . لوقنطه جی ایله چکه چالاردی .  
بولوقنطه جینک سراپا توز ایچنده کی جاملرینک کیرلری آرقه سندن ایچ اولونک صولوق  
منظره سی کوزه چارپاردی .

بعضاً لوقنطه دن آلدینی یك طباقلری وفنجانلرله قوی قولتوغی طولواولدینی حالد  
زمین قاتنده کی دکانلردن برینک پنجره لری اوکنده طوره رق لافه طالاردی . بوراسی  
بر یاماجی دکانی ایدی . پنجره نك آرقه سندن قارمه قاریشیق بر یاتاق ، اوسق  
یامالرله طولو بر دوشمه ، ایکی قیریق بشیک ، ایچرلری سیاه بر صو ایله طولو بر  
زیت چناغی کورونوردی . قومشولری ایچنده اک چوق حرمت ایتدیکی ، قارشیکی



دكانده اوطوران ره دینغوتلی ساعتجی ایدی. آئنده طوتدینی مینی مینی آلتلرله دائماً ساعت ماکنه لرینگ اپچنی قاریشدیروب طوران بو تمیز قیافتلی افندی یه پک رعایت کوستیر، چوق دفعه لر بالخاصه اونى سلاملاق مقصدیله او طرفدن کچر، اونک بر طولاب قدر اوفاجق دكانه، رقاصلری هپ بردن ایشله ن غوغوقلی ساعتلك شطارتنه باققدن ذوق طویه رق کولردی.

۶

بر صوك سهار كونهك اوكله صوکی ایدی. ژروه ز پورت بلانش سوقاغنده اوطوران بر مشتری یه چاشیرلری کوتورمش، عودت ایدیوردی. بواسوئیه سوقاغنگ آلت باشنه کلدیکی زمان ورتلق قرارمشدن. او صباح یاغفور یاغدیغی ایچون هوا پک لطیف ایدی؛ کیرلی قالدیرملردن برقوقو انتشار ایدیوردی، قوجه مان سبتک آغیرانی آئنده صیقیندی ایله یورون ژروه ز آغیرلری آغیرلاشدیرمش، وجودینه بر رخاوت عارض اولمش، خیالی بو یورغونلغک آرتدیردیغی؛ آرزوی شهوتله مشغول اولدیغی حالده یوقوشی طیرمانیوردی. شیمدی بیهجی ای برشی اوله نه قدر ممنون اوله جقدی! او آرداق کوزلرینی قالدیرنجه نظرلری بر لوحه یه ایلیدشدی. بو لوحه نك اوستنده (مارقادم سوقاغی) دیبه یازیلی ایدی. بر آئنده عقلندن، کیدوب غوژهی آرامق آرزوسی کچدی. اعمالاتخانه ده چیویلرک ناصل یاپیلدیغنی کورمکی چوقدن بری مراق ایدیوردی، برکرن وقت بولورسه کیدوب کوره جکنی غوژهی بلکه یکریمی دفعه وعد ایتشدی. اساساً بو زیارت ایچون کلش اوله جقدی.

یرینی تام بیلیمه مکله برابر چیوی فابریقه سنك بوسوقاقده اولدیغندن معلوماتی واردی. آرالی بوش عرصه لرله آیریلان بنالرك اکثریسنده نومرو اولمادیغنی ایچون چیوی فابریقه سنك بونلردن هانکیسی اولدیغنی تعیین ایدیوردی. بورای کنیش کیرلی، جوارده کی فابریقه لرك کومورتوزلریله قاب قاره، بوزوق قالدیرملرینك چوقورلریده صو یکینیلری کورونن بر سوقاق ایدی. دنیاك شرونی ویرسه لرژروه ز، ممکن دکل بوسوقاقده اوطورامازدی. سوقاغنگ قاشیقلی ایکی طرفنده صیره صیره هانغارلر جا. کانیلر بویوک اعمالاتخانه لر، کورونن کرده میدلری وچانیلریله ناتمام قالمش حینی ویر اسمر بنالر، بیقیمغه میال بر اخشاب بیغینتی، قارا کلک اوطه لر، شبهه لی میخانه واردی. ژروه ز آتیهنك چایشدیغنی چیوی فابریقه سنك نروده اولدیغنی بیلمیوردی. یالکیز غوژهنك تعریفندن خاطرینه قالدیغنه کوره بر پاچاوره وخرده دمیرلرك



بیکارجه فرانق قیمتندە اولدیغنی غوژەدن ایشتمشدی . بونی خاطرلایه رق ، اطرافندە یوکسلن کورولتولر آرقە سەندە چیوی فابریقه سنی آرامغە قویولدی .  
 طاملرک اوستندن سماه اوزانان اینجه بورولردن کسکین حمەلرله بخارلر فیشقیریور ،  
 بخار ایلە ایشلەین بریچنی فابریقه سندن طبق بر بز پارچه سنک یرتیلەسنە بکزه ین  
 سسلر کلپور ، دوکە فابریقه لرینک ما کەنە لرندن چیقان کورولتو یری صارصیوردی  
 ژروەز چیوی فابریقه سنی بولق ایچون دها ایلری کیتەک ایجاب ایدوب ایتەدیکنی  
 دوشونن قرار سز بروضعیت ایچندە ، کوزلری مون مارتیرتپە لرینە معطوف ، طوررکن نا کھانی  
 چیان سرت برروز کار طاملردە کی اوجاقلردن برینک بوتون قوروولمرینی سوقاغە صاووردی .  
 بوسیاه توزیغینی ایچندە بوغولیور کبی کوزلرینی قاپادی . تام بواشنادە یاقین بریردن مطرد بر  
 چکیج ایشیتدی : مکر کندیسک خبری اولقسزین چیوی فابریقه سنک او کەنە کلشدی :  
 کوزلرینی آچودە او چکیج سسلرینک کلدیکی یرک یانی باشندە کی بر دلیکدە  
 یاچاورەلری کورونجە درحال طانییدی :

فابریقه یە نرەدن کیریلەجکنی بیلەدیکی ایچون ایلک اوکە تردد ایتدی .  
 چاتلاق بر بولەنک آچدنی بریول برانقاص بیغینی آره سندن اوزانوب کیدیوردی .  
 چامورلی برصو بریکینتیدی بویولی قاپادینی ایچون اوستنە ایکی قالاس اوزاتیلەمشدی .  
 ژروەز بو قالاصلرە باصه رق یورودی ، صولە دوندی ، قارشیسنە ترس دونمش  
 آل آرابە لرندن ، آیاقلری هوا یە قالمش سدیه لرندن ، یالکز دیرە کلری آیاقدە قالمش  
 بنا انقاصندن صرکب بر اورمان چیتدی . تا دیبدە ، ظلمت لک ملوث قارا کلغنی  
 تنویر ایتدی . بر اوجاقلدن قیرمزی بر آتشک پارلادینی کورولیوردی . چکیج  
 سسلری طورمشدی . ژروەز اوجاغلک آتشیلی استقامتی طوتدیرە رق احتیاطکار  
 آدیملرله ایلریلە یوردی . او آرهلق یانندن بر عملە کچدی . یوزی کوموردن قاپ قارە  
 اولمشدی . چکە سنک اوجندە قیللری قارمە قاریشیق بر سیوری صقال ، صولغون  
 کوزلرندە بر یان باقیش واردی .  
 ژروەز صوردی :

— عفواید رسکز موسیو ، آتیەن اسمندە بر چوجوغلک چالیشدینی فابریقه بزرانی  
 کللی ؟ او بزم اوغلەدر .

• عملە قیصیق سسیلە کندی کندینە :

— آتیەن ، آتیەن ، گنایر بواسمەدە بر جوجوق طانیوزم .

بوسوزی سویلرکن آغزینک ایچی ، طبق طیاجی قالدیرلش اسکی بر راق  
 چیدی کبی قویوردی . بویله قارا کلک بر کوشەدە بر قادینە تصادف ایتک اونده



باشقه هوسلر اويانديرمق اوزره اولديغك فرقنه واران ژروهمز برقاق آديم كرى  
چكىلدى وعيىنى زمانده صورتى :

— موسيو غوزه بوراده چاليشمازى ؟  
— ها غوزه مى ؟ اوت، اوت، اوتى طانيرم . اكر غوزه مى آرامغه كلديكزسه

ايچرى به كيديكز .

ويوزنى دوندورهك چاتلاق باقري آ كديران برسسه حايقىردى :

— غوزه ! باق سنى برقادين آره يور .

فقط بر دمير كورواتوسى بوسسى بوغدى . بونك اوزرينه ژروهمز عملهك  
كوستردىكى يولدن ايچرى به طوغرو يورومكه باشلادى . بوراسى واسع برصالوندى .  
ژروهمز ايلك اوچكه برشى آ كلايه مادي . بر كوشه ده صولوق بريلايز ضياسيله  
پارلايان اوجاق اولوكى طور ييوردي . اطرافده كنيش كوالسكلر رقص ايدييوردي .  
آره لقمه بر كره ، كومه كومه قارارتيلر اوجاغك او كندن كچهرك او ظلمت ايچنده  
يكانه پارلاق نقطه اولان آتشى قاپاتيورلردى .  
ژروهمز دهافضله ايلريله مكه جسارت ايده مديكى ايچون قاپودن سسسه نمكه

باشلامشدر :

— موسيو غوزه موسيو غوزه !

بردن اورنهلق آيدينلاندى . كوروكان برنفسيله اوجاقده بياض برألهو  
پارلامشدى . بو آيدينلغك يارديميله هانغارك ايچى كوروندى : بوراسى درت طرفى  
تخته بولمهلرله احاطه ايدلمش ، آچيق يرلرى غايت قابا طرزده اور تولمش ، كوشه  
طرفلرى كيره ميتدن ديوارلرله ثورولمش برير ايدى . كومور توزلرى بوتون هانغارك  
ايچنى اسمر بر ايس طبقه سيله اورتمشدى . ديركلرده سنه لردن برى ترام ايدن  
پيسلكلرك برقات دها آغبرلاشديردنى اورومجكلر چاشيرلرني آصيلي طوتيورلردى .  
ديوارلرك درت بر طرفنه چاقيلامش چيويلرده ، قاراكلق كوشه لرده اسكى  
دميرلر ، اكرى بوكرى آلتلر ، قوجه مان ما كنه پارچه لرى ، كيمي آصيلي كيمي  
يغين حانده كورونيورلردى . اوجاغك بياض آلهوى كيتدكجه دها پارلايهرق بو  
قاراكلق يري بر كوش ضياسيله تنوير ايرييور . كوتوكارى ايچنه كومولمش درت  
اورسك مجلا چليكى آتون پوللرله ايشله نمش بر كوموش عكسلرله پارليوردي .  
ژروهمز بو آيدينق ايمانه سيله ؛ اوجاق باشنده چاليشان غوزه مى وزل صارى  
صقالندن طانيدى . اوتة طرفده آتیهن كوروك چكمله مشغولدى . ايكي عمله دها  
واردى . فقط ژروهمز غوزه دن باشقه سنى كورميوردي . ايلريله يهرك تام قارشيسنه  
قدر كلدى . غوزه حيرتلىر ايچنده ، حايقىردى :



— آی مادام ژروەز ، سز بورادە ؟ هیچ امید ایتیموردەم ، نه اعلی بر شی !

او اناده اوتەکی عملەلرک یوزلری تحفلاشمغە باشلاشدی . بونک اوزرینە غوژە ژرودزی ائینەنک بولوندیغی طرفە طوغرو کوتورەرک :

— اوغلەنکیزی کورمکە کلدیگیز اویلهی ؟ صراف ایتەیکیز اویک اوصالوعقللی برچوجوقدر ، کیت کیدە بیلەیکیدە قونلەشیور ...

— اوح اوح ممنون اولدم ... اماجانم ، بورایە کلەبیلەمک او قدر کوچ کە ... کندیی دنیاک او بر اوجنە کیتەش صانیورم .

ناصل کلەیکینی آکلادی . فابریقەدە ائینەنک اسمنی نەدن کیمسە بیلەیکینی صوردی غوژە کولەرک ایضاحات ویردی : ائینەنک صاچلری زخاف عسکرلرینک صاچلری کبی قیصە کسیلەش اولدیغی ایچون اوکا فابریقەدە (زوزو) لقی ویرلشدر . غوژە ایله ژروەز قونوشورلرکن ائینەن دە کوروکی براقشیدی . اوجاغک آلەوی کیتەگجە آزالیور ، ینە اسکیزی کبی ظلمتلرە طالان هانفارک ایچندە بو آلەو پنبە بر شعلە ایله یاواش یاواش ئولیوردی . ژروەز بو آیدینلغک عکسیلە تروتازە ، متبسم وبشوش طورورکن غوژە رقت وشفقتلە اونک یوزینە باقیوردی : شیمدی ایکیسی دە ارافنی احاطە ایدن ظلمتلر ایچندە ، هیچ برشی سولەمکسزین طوربیورلردی . بر آرهلق غوژە یاری براقدیغی ایشنی خاطرلایهرق اعتذار ایتدی :

— مساعده ایدرسکیز دکلای مادام ژروەز ؟ ائلدە بیتەمک اوزرە بر ایش وار ، سز شورادە طوریکیز ، هیچ کیمسەیی راحسز ایتەرسکیز .

ژروەز طورودی . ائینەن یکیدن کورکە آچلای ، اوجاق کومە کومە قویلەملر صاوورەرق تکرار پارلادی . ائینەنک بیلەکلەندەکی قوتی آنەسنە کوسترمک ایچون اوقدر جیزی چکیوردی کی کوروکدن قاصرغە کبی نفسلر چیقیوردی . غوژە ، ائندە ماشەلرلە ، اوجانلە قیزاران بر دمیر چوبوغە باقیوردی . آتاشک کسکین آیدینلغی یوزینک هر طرفنی تنویر ایدیور ، هیچ بر کولەکی بری براقیوردی . کوملەکنک قوللارینی قیویرمش ، یاقەسنی آچشیدی . قوللری وکوکسی چییلاق ، اوتەسەندە بریسندە صاریشین قیلر بلیرمکە باشلایان وجودینک دریسی بر کنج قیز دریسی کبی پنبە ایدی . قالین عضلەلرک چیقینتیلری کوروشن ایری اوموزلری آردسندە قیصە بوینی ، هیچ قیرپلەدن آتە باقان صولفون کوزلری ، سراپا دقت کسیلەش سماسی ایله قوتندن امین بر پهلوان کبی سەکونت ایچندە طوربیوردی ، دمیر چبوق بم بیاض آتاش حالنە کانجە غوژە بونی ماشە ایله آلەرق اؤرسک اوزرینە قویدی



وصانکه بر جام پارچه سنی قیریورمش کی خفیف چکیج ضربه لرله اوره اوره  
ایکی به بچدی . بو ایکی پارچه بی تکرار اوجاغه صوقدی ، بر مدت  
صوکره چیقاردق ایشلامکه باشلادی . غوژدنک ایشی آتی یووالی ویده  
یایمقدی . بونک ایچون دمیرک اوجلری چیویلاک دنیلن بریرده قویار ، طوقاقله  
اوستنه اوره رق چیوونک تپه سنی یاپار ، اونندن صوکره آتی یووالی آچار و بونلر  
دها هنوز قیپ قیرمزی آتش حالنده ایکن بره صاوورور ، اوراده یاواش یاواش  
صوغوردی . صاغ آلنده بش لیتره آغیرلغنده بر چکیج ، هر ضربه ده ویده نک  
بر پارچه سنی تماملایه رق بلا فاصله ایشلر طور بردی . ایشنده اوقدر ملکه  
ومهارت کسب ایتشدی که بر طرفدن قوتوشور ، دیگر طرفدن ویده لرینی یاپاردی .  
اورسک کوموش کی طنان بر سسی واردی . غوژه ایشنک باشنده بر طامله تر بیله  
دوکه دن ، صانکه هیچ بر زحمت چکمیورمش کی چالیشیردی . دنیله بیلر که کیجه لری  
أوده غزته لردن رسملری کسوب چیقارمق ایچون دها چوق زحمت جکردی .  
شیمدی ژروهز ، ایشی حقنده غوژه دن معلومات ایسته یوردی :

— بومی ؟ بونک آدینه یکر میلک ویده دیرلر . قالینلنی یکر میلیمتره اولدینی  
ایچون... کونده اوچ یوز ویده یایمق ممکندر . آنجق آلیشمق لازم ، چونکه  
انسانلرک قولاری چابوق پا صلانیر...

بو تون کون بویله چالیشدقن صوکره عجب آقشامه طوغرو انسانک بیلکلی  
اویوشمازی ؟ ژروهزک بو سؤالنه غوژه کولومسه دی . نه دن اویوشسون ؟ او بر  
قیز دکل که... اون بش سنه دن بری بو بیلک شو آلتله سور تونه سور تونه اویله  
بر حاله کلاشدی که شیمدی دمیردن فرق یوقدر . واقعا ژروهزک صور مقده حق  
وار : عمرنده نه بر ویده ، نه ده بر چیوی یایمامش اولان بر آدم شو بش  
لیتره آغیرلغنده کی چکیجی ایکی ساعت قولالانسه وجوی خردوخاش اولور .  
کورونوشده هیچ برشی دکل أما ، بعضاً ایکی اوچ سنه ایچنده قوجه مان بر آدمی  
ده ویریور . اونلر بویله قونوشورلرکن اونه کی عمله لر متصل چکیجیلرله دمیری دوکوب  
طور یورلردی . ایری کولکه لری اوجاغک آیدینلغنده رتص ایدیور ، آتشک  
ایچندن چیقان دمیر پارلتیلری هانفارک ظلمتلرینی یاروب کچیور ، اورسک اوستنه  
چکیجیلر ایندکجه کومه کومه قیویلاجیملر اوجه رق کونشک حزمه لری کی اطرافه  
صاغیلوردی . شیمدی ژروهز بو اوجاغک جاذبه سنه قاپیلیمش ، بوراده طوروب  
سیر ایتکدن بر حظ دویور ، بریره قییلداغق ایسته میوردی .



بر آرهلق قيويلجملرك ساحه تأثيرينه كيروب الاريني ياقمامق ايچون كنيدش بر قوس چيزهرك اتيهك يانه كيتمك ايستهدي . تام بو ائاده ، دمين تصادف ايدوب كنديسندن چوجوغى صوردينى سيورى صقاللى ، كيرلى بوزلى عمله ايچرى كيردى .

عمله كوهزه ، سرخوشلره مخصوص بر ادا ايله ژروهزه خطاب ايدهرك :  
— بولديكز دكلى مادام ؟

ديدى و غورتهيه دونهرك علاوه ايتدى ؟  
— آلتون باش ، بكا باق ، سنى مادامه بن كوستردم بيليورسكز آ؟  
بو آدم ( بهك ساله ) آدى برچيويجى عملهسى ايدى . كونده بر ليتره راقى ايچمه دن چاليشه مازدى . شيمدیده برقدح اكسير ايچمكه كيتمشدى ، ايچمه سه آقشامه قدر طيانه ماهه جقدى ، زوزونك اصل اسمى اتيه ن اولديغنى آ كلايجه قاره ديشلرني كوسترهرك برحيلي كولى . صوكره ژروهز مادام قوپونك قارىسى اولديغنى اوكرنجه دون قوپو ايله ميخانه ده برلكده ايچكى ايچدكلرني سويله دي . قوپويه ( بهك ساله ) اسمنى بركره سويله ك ، باق باصل طانير ! آه شو خنيرقوپو آه ! مع مافيه نه ده اولسه ينه خوش آدمدر . آرقداشلا آره سنده دوستلرينه اك صيق اكرام ايدن اودر .

— ديمك سز قوپونك زوجه سيسي سكز ها ؟ باق بوكا جوق ممنون اولدم . چونكه قوپو سزك كى كوزل برقارى يه مالاك اولغه لايق بر ار ككدر . نه ديرسك غوزه ، مادام حقيقه كوزل بر قاديندر . دكلى ؟  
( بهك ساله ) عقانجه ژروهزه جيله كوسترمك ايچون آديم آديم ياقلاشيوردى . ژروهز كنديسي له اونك آره سنده بر حائل بولونسون ديه سىتنى يردن آلهرق اوكنه طوتدى . بو سوزلردن جاني صيقيلان غورته حايقيردى :

— قرق ميليمتره لكلى نه زمان ياپه جغز قوجه حايلاز ؟  
آرتق كافى درجه ايستيم آلك ، شيمدى چاليشه بيليرسك دكلى ؟  
قابريقه صوك زمانلرده ايرى چيوى ايچون بر سپارش آلمشدى . غورتهيه بوندن بحث ايتمك ايسنه يوردى . بو چيويلىرى ياپه بيلمك ايچون اورسك باشنده ايكي چكييج اوريچى يه احتياج واردى .

— اكر ايسترسهك هان شيمدى باشلايه بيليرم .  
— بك اعلى ، هان باشلايه يم ، هايدى كل ، بر سن برده بن ...  
— هاى هاى ...



ژروەزك اورادە بولونىشى ايكىسنى دە قىزىشىدىر مەشى . كىندىلارنى كوستىرمەك  
 اىچون عادتا بىر بىرلە يارىش ايدىيوردى . غوژە دىھا اولجە كىمەش اولدىنى دىمىر  
 پارچەلەرنى اوجاعك اىچنە سوردى ، اورسك اوزرىنە بويوك چاپدە چىوى اعمالنە  
 مخصوص بىر قالب قويدى . ( بەكسالە ) يە كىنچە ، اودە دىواردە آسىلى طوران  
 يىكەمىشەر لىترە آغىرلغىندە ايكى چكىچى يە اىندىردى . فابرىقەك اك آغىر چكىچى  
 بونلر ايدى . فابرىقەدە بونلرك آدى ( فىضىن ) و ( دەدەل ) ايدى . بىرطرفدن دە  
 كوزەلك ايدىيور ، دونلرك فەنارى اىچون ياپدىنى وىدەلرى آ كلاتىيوردى .  
 بوویدەلر اوقدر كوزل ياپلىشى كە عادتا موزدە لایق شىلردى . رقابتدن هېچ  
 قورقوسى يوقدى ، پارسك اىچندە كىندىسى كى بىر ایشچى دىھا بولونەمازدى .  
 ژرووزە دونەرك :

— شىمدى كورورسكز مادام ،

دیدى . غوژە سىسلەندى :

— آرتق كوزەلك یترا زوزو سىندە كوروکى چك باقمە ، اوجاق انشلەمىيور .

بەكسالە تکرار سوردى :

— دىمىرى بىرلەدەمى دوکەجکز ؟

— یووو ! هەكس كىندى چىويسى دوکەجک ...

بەكسالە بوندن هېچ خوشلانمادى . دىمىندن بىرى آلايە طوتدىنى حالە  
 شىمدى تەك باشنە چكىچ اورارە جىغنى آ كىلچە نىشەسى قانچىدى . قىرق مىلەترە  
 قالپانغىندە چىوى بىر آدم تەك باشنە ناسىل ياپە بىلەر ؟ بوھىچ كورولش شىمىدر ؟  
 باخصوص بوچىویلرك تپەلرى يىوارلاق اولەجقدى . بو نەقدەر كوچ ، نەدرجە  
 زىھتى بىراىشدى ! اوتەكى عملەلر ایشلارنى بىراقوب كەشلىردى . اىچلرندن بىرسى ،  
 قوپ قورو بىر آدم ، بو ایشدە غوژەنەك غائب ایدەجکنى ادعا ایدەرك بىخە  
 طوتوشمەشدى . ايكى چكىچىدن بىرى اوتەكەندىن يارىم كىلو دىھا آغىردى . ايكى  
 عملە كوزلارنى قاپانەرق چكىچلرى آرەلەندە تەقسىم ایتدىلر . بەكسالەنەك قىسمەنە  
 خفیف چكىچ اصابت ایتدى . آغىر چكىچ غوژەيە قالدى . اوجاغە سىورولن  
 دىمىر چوبوغك نار بىضا حالنە كەلسە انتظارا بەكسالە جكىچنى آلەرق اورسك اوكنە  
 كەلدى ، بىر طرفدن دە طاتلى نظرلەرلە ژرووزە باقىيوردى . اورسك اوكنەدە طبقى  
 دوئللویە حاضىرلانمىش بىر كىبار آدم وضعىتلە طورىيور . آياقلىرى بىرە اورىيور ،  
 چكىچى ناسىل هوايە قالدىروب نە استىنامتەدە اورسە اىندىرەجكەنك رىسمى ياپىيور .  
 غوژە چىوى قالپنە چوجوق بىلەكى قالپانغىندە بىر دىمىر چىوق قویەرق :



— هایدی باشلا ؟

دیدى ، بهك ساله حرکته کلرک ایکی ایلله چکیجی یاقه لادی ، اورمه بهشلادی . اوفاجق تفه جک ، قوپ قوری ، سیوری صقاللی ، فنا طارانش صاچلری آلتنده قورت کبی پارلاق کوزلی برآمدی . چکیجی هر ایندیریشنده بوتون وجودی قیریلیور کیمدی وهر ضربه ده آياقلری بردفعه یردن کسلییوردی . دمیر چبوغک سرتلکی جانی صیقیور ، اونکله عادتاً غوغا ایدر کبی چکیجی ایندیرییوردی . چبوغک اوستنه آدم عقللی بر چکیچ ضربه سی ایتدیردیکنه قناعت کتیردیکی زمان خورردانیوردی . راقی بلکه باشقه لرینک طمارلرینه کهوشککک ویره بیلیر ، فقط کندیسی طمارلرینک ایچنده قانندن زیاده راقی بولوندیرمغه محتاج ایدی . مثلاً دمین ایچدیکی بر قاچا کسیر اونک وجودینی براوجاق کبی ایصیتمشدی . وجودینک ایچنده بر بنجار ماکنه سی ایشله دیکنی حس ایدییوردی . بو آفشام کندینی او قدر قوتلی بولیوردی که عادتاً دمیر اوندن قورقییوردی .

بر اوروشده یام یاصهی ایدیورییوردی . هیچ طورمه دن اورییوردی ، چونکه بر پارچه آرهلق ویره جک اولسه دمیر صوغویویریوردی . نهایت اونوزنجی چکیچده ، چیوینک تپه سنی یاپدی . آنجق یورغونلاندن نفسی کسلیمش ، کوزلری چشم خانه لرندن طیشاری فیلامشدی . قوللری قیریله جق کبی چاتیردا یوردی . فنا حالدده حدله نمشدی . بو حدله چیوینک تپه سنه ایکی چکیچ ده ا ایندیردی . بو ایکی ضربه ایله عادتاً چکدیکی زحمتک انتقامنی آلق ایسته یوردی . نهایت چیوی بی قالبندن چیقاردی . بو چیوی بیچیمسز برشی اولمشدی . تپه سی ایی پایله مامش ، عادتاً قنبورمسی بر چیقینتی وجوده کلشدی . چیوی بی ژروه زه کوستره رک :

— ناصل ؟ اولدی می ؟

دیدى . ژروه ز متردد و محترز بر طور ایله جواب ویردی :

— بن آ کلمام که ...

حالبو که صوک ایکی ضربه نک چیوی بی برباد ایتدیکنی کورییوردی . بوموفقیته سیرلک ژروه زک خوشنه کیتمشدی . کوله مک ایچون دوداقلرینی بوکیوردی ، چونکه غوژه کندی چیویسنی محقق اوندن ایی یاپه جقدی .

فی الحقیقه صیره غوژه یه کلشدی . غوژه ایشه باشلامه دن اول ژروه زه امنیت و محبت طولو بر نظر عطف ایتدی . صوکره هیچ تلاش ایتکسزین چکیجی یوکسک و منتظم ضربه لرله اوزاقدن اؤرسک اوستنه ایندیرمه که باشلادی . ضربه لر قلاسیق ، منتظم ، موزون و چالاک ایدی . چکیچ اونک آ لنده میخانه رقاصه لری



کې رقص ایتیمور ، بالعکس کبار قادیلرک رقصنی آکدیران جدی بر وضعیتله  
مطرد . آهنگدار ، اورسک اوستنه ایدیوردی . هر چکیچ ضربه سنده اوکجه لری  
یزدن کسینه رک تکرار یره اوریور ، بیلهرک و حساب ایدیلهرک دمیر چبوغک  
اوستنه ایندیریلن هر ضربه ایلک اوکجه اونک تپه سنی یاصصیلاشدیریور ، اوندن  
صوکره موزون و مطرد ضربه جکر اوکالازم اولان شکلی ویریوردی . بللی که  
غورهنک طمارلرنده طولاشان شی رقی دکل ، قان ایدی . بو خاص قان یالکز طمارلرنده دکل ،  
چکیچک ضربه لرنده ده کندین کوستیریور ، بوتون ایشک انتظامنی او اداره ایدیوردی .  
حقیقه غورهنک ایشک باشنده امثالسر بر آدمی ! او جاک بوتون آلورلی یوزینه  
کلیوردی . آچاق آلنک اوستنه قیوریم قیوریم دوکوان قیصه صاچلری ، کوزل صاری  
صقالی آلهوک عکسیله طوتوشیور ، تام معناسیله آلتون قدر تمیز اولان یوزینی  
آلتون کبی بارلاق خزمه لرله تنویر ایدیوردی . کردانی بر دیرک کبی دوم دوز ، بر چوجوق  
بهینی قدر بیاض ایدی . کوکسی ، اوستنه بر قادین اوژانه بیلهرک قدر کنیش ،  
قولاری و اوموزلری موزه لرده کی دیولره بقهرق یاپلش کبی محتشم ایدی . چکیچی  
اورسک اوستنه ایندیرمک ایچون یاپدینی هر جمله ده عضلاتنک شیددیکی ، دریسک  
اوزرنده برر مینی مینی طاغ پارچه سی کبی سرت چیقنتیلر حاصل اولدینی کورولیوردی  
اوموزلری ، کوکسی ، کردانی هپ قارباریور ، اطر فنده بر آیدینلق پیدا اولیور ، حاله بر کوزلک  
کلیور دابق بر معبود قدر قدرتلی کورونیوردی . نظرلری دمیر چبوغک اوستنه صرکوز  
اولدینی حاله یکر می قدر چکیچ ضربه سی ایندیردی . هر ضربه ده بر کره نفس  
آیله ردی . شقاقلرنده یالکز ایکی دانه ایری تر دامله سی پیدا اولمش ، یاناقلرنک  
اوستنه آقیوردی . ضربه لری صایغه باشلادی : یکر می بر ، یکر می ایکی ، یکر می  
اوچ ... چکیچ کبار بر قادین وضعیله ره وهرانسیرینی یاپهرق متصل ایشله یوردی .  
بهک ساله میریلدانه نوعندن برسسه آلا ی ایدیوردی :

— اماده ساخته طورلی آدم ها !

ژروهن غورهنک قارشیدینه کچمش ، مشفق بر تبسمله یوزیه باقیوردی .  
کندی کندینه ، امان یاربی بوار ککلرنه آبدال شیر دیوردی . بوا یکی ارککل  
دهیندن بری چکیچلریله دمیر چبوغی دوکوشلری کندینه یارانق ایچون دکلیدی ؟  
بللی که کندینی پایلاشه میولردی . بیاض برطاووغک اطار فنده جاقه صاتان ایکی  
فوجه مان خروسه نه قد بکزه یورلردی ! بونی آ کلامق ایچون کرامته احتیاج یوقدی .  
قباک اعلان حسیات ایچون نه تحف یواری وار ! ایشته شوایکی فوجه مان چکیچ  
صرف کندینه اعلان عشق مقصدیله اوردی دوکوب طور یورلردی . بو ازیلن



دمیر ، زلزله یه طوتولش کبی صاللانان دمیرخانه ، بویانغین آلهولری صاحان ، بواطرافه یاییلان قیویاجملر هپ کندیسسی ایچوندی . ایکی ارکک بوراده اوکا برعشق حاضرلایورلر . اونی کندی آرهلرنده پایلاشمغه چالیشیورلردی . طوغروسی سويله مک لازم کلیرسه ژروهز بوندن خوشلانیوردی . چونکه بوتون قادینلر قومپایمان مفتونیدرلر . بالخاصه غوژهنک چکیچندن چیقان سس نالبنه عکس ایدیوردی . طبقی اؤرسه اورمیورمشجه سنه بوچکیچک پارلاق سسندن طویدیغی موسیقی قلبنک خلجانلی ضرباتنه رفاقت ایدیوردی . معناسز اما ، اوکا اویله کلیوردی که که بوچکیچ ضربهلری قلبنه عادتا چیوی کبی صاغلام برشی صاپلیوردی . بورایه کله دن اول ، آقشامک آلاجه قارا کلغنده اوینه دونمک اوزره سواقاغک ایصلاق قالدیریملری بونجه ، یورورکن قارنی آجیقمش ، بریره کیروب آدم عقللی بریمک یمک احتیاجنی طویمشدی . حالبوکه شیمدی بوراده اواحتیاج زائل اولمشدی . صانکه غوژهنک چکیچ ضربهلری اونک قارتی طویورمشدی . برنجیلکی غوژه قازاندیغنه شبهه یوقدی . کیرلی جا کتی ، اسکی کوملکیله طبقی مایمونه بکزه بن بهک ساله نه چیرکین آدمدی ! ژروهز ، اوجاغک قوتلی حرارتی قارشیدسنده طویدیغی بر حظ ایله یوزی قیپ قرمزی کسيلمش ، غوژهنک چکیچندن اینن صوک ضربهلره تپه سندن طیرناغنه قدر صارصیله رق ، بکله یوردی .

غوژه حالا صایيوردی :

— یکریمی سکز !

وچکیجی یره برافه رق بجلاوه ابتدی :

— اولدی ... شیمدی باقه بیلیرسکز .

چیوینک تپه سی مجلا ، تر تمیز ایدی . هیچ برطرفنده بر پروز یوقدی . قالبده یاپیلمش بر بیلاردو یووارلاغی کبی مدورایدی . قویوجی آلندن چیتهمشجه سنه منتظمدی . ایشجیلر چکه لرینی صاللایه رق باقدیلر : طوغروسی قصورسز بر اثر صنه تدی . اعتراف ایتک لازمدی . بهک ساله ایلاک اوکجه آلا ی ایتک ایسته دی ، فقط محجوبیتدن میریلانه رق اوکنه باقه باقه اؤرسنک یانه کیتدی . ژروهز یاییلان ایشی دها یاقیندن کوره بیلیمک ایچون غوژهنک تا یانه صوقولمشدی . ائیهن آرتق کوروکی ایشاله تمیوردی . اوجاغک قیزیلانی سیاه بر کیجه نک قارا کلقلری ایچنده غروب ایدن قرمزی بر کونش کبی دمیرخانه نک ظلمتلرینی تنویر ایدیوردی . ژروهز و غوژه ، درت طرفدن خرده دمیر قوقولری انتشار ایدن بو ایسی هانغار ایچنده ، موجودیتلرینی صاران بو ظلمتلردن بر حفظ طویيورلردی . کندیلرینی بو ظلمت ایچنده او قدر



یا لکیز فرض ای دیورلردی که ونسان اورمانک قویتو بر گوشه سنه کیتسه لردی  
بو قدر یا لکیزلق طویمایه جقلردی .

طیشاریده هیچ بر کله تعاظمی ایتهدیلر . غوژه سوبله یه جک بر سوز  
بوله میوردی . یا لکیز دها یاریم ساعتلق ایشی اولماسه یدی چوجوغنی آلوب کوتوره .  
بیله حکمی سوبله دی . ژروه ز کیتمک اوزره دوندی ، فنط غوژه اونی دها بر قاق  
دقیقه فضله آلیقویمق ایچون :

— کلیکز ، دیدی ، دها کورمه دیککز شیلر وار . هم او یله مراقلی  
شیلر که ...

صاغ طرفده باشقه بر هانغاره کیتدیلر . دمیرخانه نك صاحبی بوراده ما کنه  
ایله ایشله یین بر فابریقه تأسیس ایتشدی . هانغارک قاپوسی اوکنه کلنجه ژروه ز  
غیر اختیاری بر قورقو طویهرق بر مدت تردد ایتدی . ما کنه لر ایشله یور ،  
قوجه مان هانغار زغیر زغیر تیره یوردی . اونه ده بریده ، قرمنی ضیالرک بر راکه کی پاریلدا .  
تدینی ایری کولکه لر رقص ای دیورلردی . غوژه ژروه زک قورقدیغنی کورونجه کوله رک  
اوکا تأمینات ویردی : قورقوله جق هیچ برشی یوقدی ، یا لکیز بورورکن اُتکلرینی  
چرخلره قاپدیرمامغه دقت ایتمک لازمدی . کندیس ی اوکدن یورودی ، ژروه ز آرقه دن  
نعیب ایتدی . هانغارک هر طرفندن کیمی ایضاغه کیمی خورولدامغه بکزه یین سسلر  
چیقیور ، ما کنه لرک نشر ایتدیکی دومانلر آره سنده سیاه یوزلی بر طاقم آدملر  
عجابه عجله قوشوشیور ، هانکی ما کنه یه عائد اولدقلری فرض ایدیه میه جک سرعتله  
حرکت ایدن قوللر قوللاغه صاغیرلق ویرنجی بر کورولتو ایله متصل ایشله یوردی .  
ما کنه لر آره سنده کی کچیدیرلری پک طارایدی ، بورالردن کچه بیلیمک ایچون ما کنه لر  
آتلامق ، چوقورلره دوشمه مکه ، آل آرابه لرتدن صاقینه مغه باقق لازمدر . او قدر  
کورولتو واردی که انسان یاننده کنک سسنی ایشیده میوردی ژروه زک ، ساحه  
رویتنده هر شی رقص ای دیورلردی ، هیچ برشی تفریق و تثبیت ایده میوردی .  
بر آراق باشنک اوستنده قانات چارنمسی آکدیران برسس طوعشدی ، کوزلرینی  
قالدیردی ، طاوانده معظم بر اورومجک شبکه سنه بکزه یین اورون قایشلرک بی انتها  
بر حرکتله دوندکارینی کوردی . بخارلی موتور ، طوغله دن یاپیلمه بر اوراق  
هر وارک آرقه طرفنده بولندینی ایچون قایشلر کندی کندیلرینه دونیورلریش ظن  
اولونیورلردی . ژروه زه او یله کتیوردی که برر کیجه قوشی کی طاتلی براوچوشمه ایله  
ظلمتلرک ایچنه طالان بوقایشلر اورادن آلدقلری قوتله فابریقه یی حرکت کتیر یورلردی  
بر آره لق دوشه جک اولدی ، ما کنه لرک یانی باشنده کی کوچوجک اوجاقلره هوا



ویرمکه مخصوص اولان وانتیلاتورک طوپراق حذاسنجه اوتیه بری به آریلان  
 بورولردن برینه آیاغی چارمشدی . غوژه بو بورونک فاصل ایشله دیکنی کوسترمک  
 ایچون اوجاغه هوا صالیویردی . دیرکن اوجاغک درت طرفدن یلپازه ییچیمنده  
 کنیش آلهور چیقمه باشلادی . بو آلهورک ضیاسی اوقدر پارلاقدی که عملهک  
 آلارنده کی اوفاق لامبه لر کونشک ایچنده کورونن طامله طامله لکه لره بکزیوردی .  
 بوندن سوکره غوژه ما کنه لر خقنده ایضاحات ویرمکه باشلادی : ایشته بخارلی  
 دسترله ، دیشلریله برطرفدن دمیر چبوقلری ایصیره رق اوتیه طرفدن بو ایصیروب  
 قوپاردینی اوجلری آتان برجهاز ، دها سوکره چیوی وویده اعمالنه مخصوص  
 ما کنه لر ، بونلر یوکسک وایچه قاریشیق شیلردی . بر باصقیده چیوی وویده لریک  
 تپه لرینی یاپارلردی . اوندن سوکره چیویلرک پوروزلرینی تمیزله مکه مخصوص  
 ما کنه لر ، بونلرک دوکه دمیردن قنادلری وپوارلاقلری واردی . پوروزلری  
 تمیزله نه جک هرچیوی کلدکجه بونلر خیزلی خیزلی دونه رک هوایی قامچیلارلردی .  
 ایشته شوده ویده باشلرینی آچمه ما کنه ، بونی قادینلر اداره ایدیوردی .  
 بونلر ما کنه یاغلریله پاریل پاریل پارلایان چلیک ترتیباتنک منتظم ضربه لرله ویده لریک  
 باشلرینی وجواطه لرینی یاپارلردی .

دیوارلره طایالی طوران دمیر چبوقلر کوشه لره ییغیلی صندوقلر ایچنه قونیلان چیوی  
 و ویده حالنه کلنجه به قدر بوتون عمایاتی بوراده کورمک ممکندی . شیمدی ژروه  
 آ کلامغه باشلامشدی ، چکه سنی صالایه رق کولومسه دی . دمیر اوزرنده ایشله یین  
 بو مشقتلی عمله آره سنده کنیشنی چوق اوفاق و چوق کوشک بولفدن متولد بر  
 اندیشه ایله بوغازی صیقیشیر کی اولیور ، بو وضعیت ایچنده عادتاً قانی طوکهرق  
 طورورکن بعضاً بوما کنه نک بوغوق ضربه سیله ایرکیله رک دونوب باقیوردی .  
 کوزلری یاواش یاواش ظامتلره آلیشمغه باشلامشدی . شیمدی قارا کلک  
 یرلرده حرکتسز چالیشان عمله نک بعضاً اوجاغک برندن آکسزین آلهوری برضیا انتشار  
 ایدنجه ما کنه چرخلرینه انتظام ویرمک ایچون یاپدقلری حرکتی کوریورلردی .  
 مع مافیله نظرلری غیراختیاری برحرکتله متصل طاوانده کی قایشلره ، بوتون بوما کنه ترتیباتنک  
 طمارلرینک قان طاغینان اوقایشلرک سیال اوچوشلرینه کیدیوردی . طاوانک بهیم  
 قارا کلقلری آره سنده سسسز صداسز ایشله یین بومعظم قوت منبعنه باققدن بردرلو  
 کندینی آلهمیوردی .

بو آره لق غوژه برویدمه کنه سنک اوکنده طورمشدی . باشنی اوکنه آلمش .  
 صالین ، نظرلری ثابت بر نقطه به هرکوز ایدی . ما کنه هیچ یورغونلق طویما یان



بر دیو سهولتیه قرق میلیمترهك ویده لر اعمال ایدیوردی . کورو نوشده او قدر  
شاده ایدی که ... آتشجی اوجاگك ایچندن دمیری چیقاریور ، دو وچی بودمیری  
قالبه قویور ، چلیكك صوی زائل اولماق ایچون بوقالبك ایچنه متصل برصوجریانی  
آقیور ، بونكه ایش تام اولیور ، ویده یاصصیلاشیور ، قالبدہ دوکولمشجه سنه  
یووارلاق ویده لر اوتہ طرفدن برر برر چیقیوردی . بواللهك بلاسی ما کنه اون  
ایکی ساعتده یوزلرجه کیلو غرام ویده یاپاردی . واقعا غوژہ فنا یوره کلی بر آدم  
دکلدی . فقط بوما کنهك قولارینی کندی قولارندن دها قوتلی بولقله بعضا او قدر قیزیوردی که  
همان چکیجی آلوب بر ضربده بونی پارام پارچه ایتك ایسته یوردی . انسان قوتنك  
دمیر قوتیه مجادله دن عاجز اولدیغنی دوشوندکجه بعضاً قلبك صیقیشدیغنی ده حس  
ایدردی . هیچ شبهه یوق ، وتك برنده ما کنه عمله نی اولدیره جکدی . دها شیمیدین  
کونده لکاری اون ایکی فرانقدن طقوزه اینمشدی ، یافینده دها بر مقدار ایندیریله جکی  
سویله نیوردی .

غوژہ ، ویده وچیویلری طبق صوجوق کبی قولایچه یاپیورن بوما کنه لرده  
برسویلک بولیوردی . هیچ برسوز سویله مکسزین اوکنده طور دینی ما کنه نی  
اویچ دقیقه تماشا ایتدی . قاشلری چاتیلیور ، کوزل صقالنك صاری قیللاری تهدیدکار  
بروضعیتله اورپریوردی . مع مافیہ چوق کچمه دن بوسیماسنك کرکین خطوطی  
طاتلی بر توکل ایچنده کوشه دی واورهلق یاننه دها زیاده صوقولمش اولان ژرووه زده  
دونه رك کدرلی برتبسمله :

-- طوغروسی ، دیدی ، شیمدی بولردن نفرت ایدیورز ، آنجق کیم بیلیر ،  
بلکه کونك برنده هیمزك سعادتی بولرك یوزندن اوله جقدر .  
ژروه ز ، باشقه لرینك سعادتنه هیچ اهمیت ویرمیوردی . اساساً ما کنهك  
یاپدینی چیویلرله ویده لری ده بکنمه مشدی . بونی حرارتله غوژه یه آکلاتیوردی .  
— بیلیم مقصدمی آکلاته بیلدمی ؟ دیمك ایسته یورم که بوقانونك یاپدینی شیلر  
لزومندن فضله ای... بن سزك یاپدقلر کزی ترجیح ایدرم ، هیچ اولمازسه سز ککیلرده  
بر صنعتکارانی کورونیور .

بوسوزلر غوژه نی پك ممنون ایتمشدی . چونکه ما کنه لری کوردکن صوکره  
کندیسنی بکنمه یه جکندن قورقشدی . کندیسی (بهك ساله) دن قوتلی اولدینی کبی  
ما کنه لرده کندیسندن قوتلی ایدی . بوندن نه چیقار ؟ خلاصه آیرله زمانی کلدی .  
بنانك اولوسنده غوژہ ژروه زی ترك ایدوب ایشنه دونه جکی زمان او قدر سوینج  
ایچنده ایدی که عادتاً بیلکلرینی قیره جق درجه ده قوتله آلرینی صیقیدی .



ژروە زەرجمه ايرتسی کونی غوژەنک اۆینه کیده رک چاشیرلرینی کو توروردی .  
اونلرینه اسکیمی کبی غون دور محله سنده کی کوچوک اوده اوطوریورلردی .  
ایلاک سنه بورجنک تقییطلرینی ، آیده یکر می فرانق حسابیله ، منتظما ویردی .  
حسابلر قاریشماسون دییه چاشیردن غوژەنک ژروە زەر بورجلرینی بر طرفه یازارلر .  
آی نهایتنده بو بورج قاچه بالغ اولمش ایسه اوست طرفنی ژروە زەر یکر می فرانقه  
ابلاغ ایدە رک بش یوز فرانق بورجنک آیلق تقییطنی بوصورتلە اوده ویردی . غوژەنک  
چاشیر مصرفی آیده یدی سکز فرانقی کچمزدی . بومنوال اوزره بورجنک تقریباً  
یاریسینی اوده ویردی .

دیرکن بر آرهلق بو تأدیاته سکتە عارض اولدی . چونکه او اراده  
مشتیریلردن بعضیلری حسابلرینی تمیزله مشلردی . ژروە زەرک باشی او درحه صیقیشدی که  
دکانک کیراسنی ویره بیلیمک ایچون بیله غوژەدن استقراضه مجبور قالدی . اوندن  
صوکره بر قاچ دفعه ایشجیلرک هفته لقلرینی ویرمک ایچون تکرار غوژەدن بورج  
آلدی . حاصلی یاریسی اوده نمش اولان بورج تکرار درت یوز یکر می بش فرانقه  
چیقدی . شیمدی ژروە زەر بورجنه محسوباً هیچ برشی ویره میور ، ساده جه چاشیر حسابندن  
آله جفنی بورجندن تنزیل ایده بیلور دی . ینه اسکیمی قدر چالیشیور ، حتی ایشلری اسکیسندن  
ای کیدیور دی . بناءً علیه بورج اوده مک ایچون پاره آرتدیره ماییشی بوندن  
ایلری کلیور دی . فقط هر نه دن ایسه مصرفی کوندن کونه چوغالیور ، هر کون یکی  
بر ده لیک قاپامق مجبوری ایچنده پاره صو کی اریور دی . ایکی اوجنی بر آره یه  
کتیره بیلدیکی آیلر کندیخی بختیار عد ایدیور دی . نه چاره ، جانلری صاغ اولسون ،  
بوندن باشقه شکایت ایده جک برشی اولماسونده ..

ژروە زەر کوندن کونه شیشمانلیور دی . بو کیدیشک عاقبتی نه اوله جفنی دوشونه رک  
ایچنه قورقو دوشه جک قدجسور بر خلقتده بارادلمش انسانلر دکلدی ، اونک ایچون  
شیشمانلرک تولید ایتدیکی رخاوتە بلا مقاومت تسلیم نفس ایتمشدی . آدم سنده ،  
پاره هر زمان قازانیلیر بر شیدر . هم مصرف اولونما یوب بر طرفده بر یکدیر یلن پاره چابوق  
پا صلا نیر ! مادام غوژە ژروە زەر قارشى اسکیمی کبی آننه شفقتیله معامله ده دوام  
ایدیور دی . واقعا آره صره ژروە زری تکدیر ایدردی ، فقط بو تکدیره سبب  
ژروە زەرک بورجلرینی ویره می دکل ، بالعکس کونک برنده اونى افلاس ایش کورمک  
اندیشه سی ایدی . بورج مسئله سنی آغزینه بیله آلدیغی یوقدی . بونقطه ده صو ک  
درجه دقت ونزا کتله حرکت ایدیور دی .  
ده پر خانه یه کیتدیکنک فرداسی کونی آیک صو ک جمه ايرتسنة تصادف ایدیور دی ..



زروهز . غوژەنك چاشيرلرني بالذات كىندىسى كوتورمكى عادت ايدىندىكى ايچون اوكون دە سېتى قولىدا طاقەرق غوژەلرك اوطوردقلىرى اۋە كىتدى . اوكون بوست او قدر آغىرلىنى وىرمىشىدىكى بىر ايكي دقيقە قدر بوغولايوركى اولمشىدى . چاشير اسكى آغىر بىر يوكدر ، ھلە ايچىندە ياتاق چارشىنى دە اولورسە آرتق دوشونىكر بىر كره ..

مادام غوژەنك ايلك سؤالى شو اولمشىدى :

-- ھې تمام مى ؟

بو خصوصە ھېچ شاقەسى يوقدى . يىقانغە وىردىكى چاشيرلىرى برا كىيىكىز ايستەردى ، باشقە درلو انتقام تامين اولونەماز دىردى . ايكنجى مىراقى دە چاشيرلرك معين كۈندە كىتىلمىنى ايدى . چاشيرجى قادىن ھفتەنك معين كۈندە ، معين ساعىتىندە كىلىدر . بويلە اولورسە وقت غائب ايدىلزدى .

ژرۈەز كولومسە يەرك جواب وىردى :

-- اوت ھېسى تمام ، سىزدە بىلىرسىكىز كە بن ا كىيك ايشدن خوشلانمام .

-- اوت اوراسى اويلە ، باشقە جەتلىردە قصورلركىز وار اما " خصوصە قصور سىزىكىز .

ژرۈەز - پىتنك ايچىندەكى چاشيرلىرى چىقارەرق ياتاغك اوستە قوياركن غوژە اونى مدح ايتىمكە باشلادى : چاشيرلىرى اوتولەركن ياقاز ، باشقەلىرى كى اوتەسنى بريسنى دەلەز ، دوكلەلى قويارمازدى . يالىكىز كۈملىكلرك اوك طرفتە فضلە قولاً وچىويت قوياردى . بوسوزىنى تامين ايچون چاشيرلرك ايچىندىن بىر كۈملىك آلدى . واوك طرفنى چىتىردانەرق :

-- ايشتە مىلا بو كۈملىك ، ديدى ، مقوا كى قاص قاتى ... واقعا اوغلىمك برشى ديدىكى بوق اما ، بو قدر قاتى كۈملىك محقق بوينى ايچىتىر . يارىن اورمانە كىزمكە كىدەجىكىز . عودىدە بوينى قان ايچىندە قالەجق ... ژرۈەز متأثراً حايقىردى :

-- رجا ايدەرم مادام بونو سوبلەمەيكىز . اركا كۈملىكى بىر پارچە قاتى اولمىدر يوقسە انسانك صيرتندە پاچاورە كى طورور . موسيولرى كورمىيورمىسىكىز ؟ سىزك چاشيرلركىز ھې بىم آلدن كچر ، ھېچ بىر پارچەسنى ايشجىلرمە براقام . امين اولك بونلرى صوك درجە دقتلە يىقار ، اوتولەرم ، تام ايستەدىكم كى اولونجىيە قدر ، ايجاب ايدرسە ، بىر چاشيرى اون دفعە آلدن كچىرىم . بۈدە سىزك خاطر كىزايچور ...



بوصوك جله يي سويلر كن يوزينه خفيف بر حرت كمشدى. غورهنك كوملكارىنى بالذات اوتوله مكدن ذوق طويدينى آ كلاشيله جق ديه قورقيوردى. واقعا قلمبده هيچ بر كيزلى امل بسله ميوردى، بونكله برابر بر حس حجاب طويتمدن كندىنى آله ميوردى. مادام غورهن جواب ويردى :

— ايشيكنزه هيچ برديه جكم يوق، چوق تمز ايش كوردى كيزى بنده بيليورم. مثلاً شو بن تا كيه م، باقك نه قدر كوزل اوتوله مش ! هله ايشلمه لى چاشيرلى سزدن دها اي هيچ كيمسه ييقايه ماز ! بن برباقيشده سزك آلكردن چيقمش بر چاشيرى طانيرم، ديمك ايسته ديكم شوكه، قولايى بر پارچه دها آز قويسه كر فنا اولماز، وارسون غورهن شين موسيولر كي كينمه سون.

دفترى آلنه آلدى وهى پارچه چاشيرى آيپردجه دفترده چيزه رك هپسى تمام اولديغنى آ كلادى. ژروهز تا كيه ايچون حسابيه آلتى سو كچيرمشدى. غورهن ايلك او كجه بوكا اعتراض ايتدى، فقط صوكره دن بونك بهالى اولماديغنى آ كلادى. ار كك كوملكارى ايچون بش سو، قادين طونلرى ايچون دزت سو، يا صدق اورتولرى ايچون بر چق سو، اوكلكار ايچون بر سو، خاير بوفيئات بهالى دكلدى. باشقه چاشير جيلر پارچه باشنه بوكا نسبتله برسو فضله ايسته رلردى. بو حساب بيتجه ژروهز كيلى چاشيرلى آلدى. مادام غورهن بونلرى دفتره قيد ايدر كن ژروهز كيتميوردي. سياسنده صقيقتى افاده ايدن بر حال دوداقلرنده يوره كنى پك زياده اوزهن برسؤال واردى. نهايت مقصدينى آچدى :

— مادام غورهن، بو آي چاشير پاره سنى بورجه صايمايك ده بكا نقدا ويريكن ديمك ايسته يورم. راضى اولورميسكن ؟

في الحقيقه بو آي غورهنك چاشير مصرفى فضله اولمشدى، براسكده ياپدقلى حساب نتيجه سنده ژروهز چاشير پاره سى اوله رق اون فرانق يدى سو و برمك لازم كله جكنى آ كلامشردى. مادام غورهن پر حدت جدى بر طور ايله ژروهزك يوزينه باقدى، صوكره جواب ويردى :

— هاى هاى قيزم، ناصل ايسته رسه كن اويله اولسون. مادام كه احتياجكن وار، رد ايتم. يالكن شونى ده اون تمايكن بو كيديشله بورجكنى اوده يه مرسكن. بوسوزمه اينى دقت ايدى كن و سزى سوديكم ايچون بونى سويليورم. مثلاً ژروهز، باشى او كنه اكيلمش اولديغى حالده، غورهنك بو نصيحتنى ديكلدى. ژروهز، غورهن دن آله جنى اون فرانق ايله كومورجى يه بورجلاشمشدى، بو بورجى تمزله مك ايچون اون فرانغه احتياجى واردى. بونى ايشيدنجه مادام غورهنك يوزينه دهافضله جدت



کادی. باق کندیسى فضله، مصرف ایدیورمیدی، اوغلنك کونده لکی اون ایکی فرانقدن طقوزه کادی. اینه لی بری مصرفلرینی ایندیرمشلردی. انسان کنجلیکنده احتیاطلی بولونمازسه اختیارلغنده آجلقدن اولور. مع مافیہ مادام غوزه فضله برشی سویله مه مک ایچون کندینی ضبط ایتدی. وایسته دیکي اون فرانقی محضاً کومورجی یه اولان بورجی اوده مسی ایچون ویردیکنی سویله دی. وقتیلہ اؤک چاشیرلرینی کندیسى ییقاردی. اکر ژروہز اوندن بوصورتلہ پاره چکمه کدوام ایدرسه بعدما چاشیرلرینی ده کندیسى ییقامغه باشلاردی. ژروہز مادام غوزہنك ویردیکی اون فرانق یدی سوی آانجه تشکر ایدہ رک همان چیقدی کیتدی. مردیون باشنده کی صحنه کانه سویلجندن اوینا یوردی. آرتق پاره صقیندیسنه، پاره یوزندن قاتلانیلان چیرکینلکلره آیشمشدی. باشی صیقیشدجه برمدت اذیت طویار، اوندن صوکره صیقنتی زائل اولونجه یکیسنه انتظاراً اسکی یی اونوتہرق ذوقنه باقار.

اوکون ژروہز مادام غوزہنك اوندن چیقنجه سوقاقده تحف برتصادفله قارشیلانمشدی. کندیسى اینرکن مردیوندن یوقاری یه شابقه سز، ایری برقادین چیقئوردی. بوقادین، آنک اوستنده برکاغده صاریلی، قولاقلرینك قاتی بیله قوروتمه مش تازه بر اسقومرو بالنی طاشیوردی. ژروہز اوکا یول ویرمک ایچون مردیونك پارمقلغنه طماندی. یوزینه باقنجه بروقتلر چاشیرخانه ده دوکوشوبده فیستاتی باشنه کچیردیکی ویرژینی اولدیغنی کوردی. برمدت ایکیسى ده یوز یوزہ باقیشدیلر. ژروہز کوزلرینی قاپادی، ویرژینی آنده کی اسقومرو بالغنی اونك صوراتنه فیرلاته حق ظن ایتمشدی. فقط ویرژینی بویله برشی یامادی، بالعکس دوداقلرنده خفیف برنسم بلیردی آنده کی چاشیرسپه تیله مردیونی قاپان ژروہز بوتبسم اوزرینه ویرژینی یه قارشى نزاکت دائره سنده مقابله یه لزوم کوردی.

— سزدن عفو دیلهرم مادام.

دیدى. ویرژینی جواب ویردی.

— قلبمده هیچ برشی قالماشدر مادام.

درحال باریشمشلردی شیمدی مریون اوستنده قونوشیورلردی. صحبتلرنده ماضی یه عائد اوفاق بر ایما بیله یوقدی. اوتاریخلرده یکرى طقوز یاشنه باصمش اولان ویرژینی سیم سیاه صاچلری آره سنده برآز اوزونجه سیماسیله لطیف، بلندوبالا برقادین اولمشدی. ژروہزده قورولق آرزوسیه همان اوراجقده سرگذشت حیاتی آکلاتیوردی: کچن بهارده بر مرانغوزله اوله نمش قوجه سی خدمت عسکریه سنی هنور بیتیرمیشدی، بر بلدیہ چاووشلغنه طالب بولونیوردی. معلوم آ،



مأموریت هم انسانه بر موقع ویریر ، همده امنیتلی بر ایشدر . بو اسقوه صرونی ده اونک ایچون آلمشدی .

— اسقوه صرویه بایلیز . نه چاره که ارکک دنیلن مخلوقلری آره صیره بویله نازلاندرملی ... نهیه بویله صردیون باشنده طورییورز ؟ بوراسی جریان هوایه معروض ، ایستهرسه کز بر پارچه بزه قدر چیقیکز .

ژروه زده بالمقابله کندی حیاتی نقل ایتدی ، شیمدی کندیسنک اوطوردینی یوواده وقتیه بر قیز چوجوق دنیایه کتیردیکنی حکایه ایدنجه ویرژینی مطلقاً اوینه قدر چیقهمسی ایچون اصرار ایتدی . انسان بختیارلق طویدیغی یرلری زیارت ایتمکدن ذوقیاب اولور . ویرژینی تام بش سنه سن نهرینک اوته یاقه سنده اوطورمشدی . قوجه سنی اوراده طانیمشدی . اوتارنخده قوجه سی هنوز عسکرلکینی یاپیوردی . آنجق اومحله ده اوتورمقدن جان صیقیلیور ، مطلقاً غون دور محله سنه کلک ایستیوردی . چونکه بوراده پک چوق طانیدقلری واردی . نهایت بوندن اون بش کون اول مادام غورهنک قارشیدنده کی اوطه نی کیرالامغه موفق اولمشدی . اشیاسنی هنوز یراشدیرمه مش ایدی ، اوطه نک ایچی قارمه قاریشیقدی ، یاواش یاواش یراشمکی امید ایدیوردی . مخاورهنک بونقطه سنه کلنجه بربرلرینه پره زانته اولوندیلر :

— مادام قوپو

— مادام پواسسون

وبو دقیقه دن اعتباراً بربرینه مادام دیه خطاب ایتکه باشلادیلر . بو خطابدن ایکیمسی ده ذوق طویورلردی . مع مافیله ژروه زک ایچنده حالا بر امنیتسزاک واردی . احتمال که ویرژینی یالاندن باریشمش کی کورونه زک چاشیر خانه ده کی طیاغک انتقامنی آکمی ددشونیور . ریا کار قفا سنده بومقصدله بر پیلان حاضر لایوردی . ژروه ز بواحتمالی درپیش ایدهرک احتیاطلی طاورامغه قرار ویردی . شیمدیلک ویرژینی فضله نازک کورونیوردی ، اونک ایچون اوده نزا کتله مقابله یه مجبور ایدی .

اوطه یه چیقیدیلر . ویرژینینک قوجه سی پواسسون ، اوتوز بش یاشلرنده ، بیینی وچکه سنک اوجنده کی صقالی قیرمزی ، یوزی صولغون بر آدمدی .

نجره کنارنده برماصه باشنه اوتورمش اوفاجق قوطولریا نغله مشغول ایدی . آلات وادوات نامه بر چاقی ، اوفاجق بر دستره ، برده ضمغ ضیاغندن باشقه برشی یوقدی . اسکی سیغاره قوطولرینک تحته لرینی کسوب سوسالیه رک یاپدیغی قوطولر حقیقه خارق العاده نازک شیلردی . سنه نک بوتون کونلرینی ، سکیز سانتیمتره وزونلغنده و آلتی سانتیمتره کنیدمکنده اولان بوقوطوی یایمق ، صوکره بویاپدیغی



بوزوب باشقه شكه افراغ ايتمكه كچيريردى . هرتعديله كاه يكيلىكار علاوه ايدر ،  
كاه قوطونك قياغنى باشقه چمه سوقار ، كاه ايچرىسنى بولملر ياپاردى . بلديه  
چاوشلغنه تعين اولونجه يه قدر بوايشله اكنيور ، وقت كچيريوردى . اسكى  
مراغوزاغدن قاله قاله بو صراق قالمشدى . ياپدقلىنى صاتماز ، طانيدقلىنه هديه  
ايدردى .

ژروەز ايچرى كيرنجە . پوواسسون نازكانه سالاملادى . قارىسى ژروەز  
اسكى دوستلارندن بىرى ديهه تقديم ايتمشدى . فقط پوواسسون قونوشمقدن ذوق  
آلان بر آدم دكلدى . درحال دسترەسنى آلەرق ايشنه قويولمشدى آره لقمە بركره  
يان كوزلە قونصولاك اوستينده طوران اسقوصرو بالغنه باقيوردى .

ژروەز اسكى آوينى تكرار زيارت ايتمكدن بويوك برخط طوييوردى . كنديسى  
بوراده اوطوروركى اشياىلىنى ناصل قويدىغنى ، چوجوغنى نره ده طوغوردىغنى  
آكلتمدى . انسان انسانه قاووشور دىرلر نه طوغرى سوز ! او معبود غوغادن  
صوكره كيم دىردى كه ايكيسى ده عىنى آوى كىرالا به جقلىر وكونك برنده بوايده  
بولوشه جقلىر ؟ هر حالده بوكا كندىلىرى احوال ويرمىلردى . ويرژىنى كرك كنديسى  
كرك قوجهسى حقنده بعض معلومات دها ويردى : قوجهسنى خاله سندن اوفاق  
برميراث قالمشدى . بو ميراثك طرز استعمالى بالاخره قرارلشديرمق فكمونده درلر .  
شيمدليك ويرژىنى اسكى صنعتى اولان ديكيشچىلىك ايدىيور ، شونك بونك اثوابلىرى  
ديكمكه پاره قازانيوردى . ياريم ساعت صوكره ژروەز كىتمك اوزره حاضرلاندى .  
پوواسسون ياريم دونهرك برسلاام ويردى ، ويرژىنى قاپويه قدر برلكده چىقدى  
واعاده زيارت ايدەجكنى وعد ايتدى . طبيعى بوندن صوكره مشتريلىنه چاشير  
ايچون كنديسىنى توصيه ايدەجكدى . مردىونك صولغنه كلشلىردى . ويرژىنى لافك  
آرقەسنى بردرلو كسميوردى . ژروەز اويله ظن ايتدى كه ويرژىنى اوكا لانتیه دن  
وهمشيرهسى آدهلەن بحث ايتك ايسته يوردى . بوملاحظه قلمبنده بر عصيان فورطنهسى  
قوپارمشدى . حالبوكه ويرژىنى هيچ اوبخه ياناشمادى ، بوجان صيقيجى موضوعه  
هيچ بىرى تماس ايتەدىلر وساده نازكانه سالاملاشه رق آيرلدىلر :

-- اللهه ايصارلادق مادام قوپو .

-- اللهه ايصارلادق مادام پوواسسون .

بوتصاف بويوك بردوستلغك باشلانغىجى اولمشدى . سكرى كون ظرفنده او قدر  
دوست اولدىلر كه ويرژىنى نه زمان ژروەزك دكانى او كندن كچسه مطلقا ايچرى  
كير ، ايكي اويچ ساعت لاف اتارلىردى . اودرجه ده كه بعضاً پوواسسون قارىسنىك



بولده بر قضايه اوغرا دیغنه ، دوشوب بر شیئك آلتنده قالدیغنه ذاهب اوله رق اندیشه ایله یوله چیقار ، اوصولغون وساكت سیاسیله اونی آرامغه باشلاردی . دیکیشجی قادینك بویله هر کون منتظماً کلسی ژرودزك ذهنده غریب بردوشونجه سوقشدی : ویرژینی نه زمان سوز سویله مکه باشلارسه ژرودز مطلقاً لانتیه دن بحث ایده جك صانیوردی . ویرژینی دکانده بولوندیغی مدتجه ژرودز ، محقق ، لانتیه یی دوشونوردی وانعا بونك معناسز برشی اولدیغی کندیسی ده بیلیموردی ؛ چونکه لانتیه نك ده ، آدلاک ده کندی نظرنده هیچ براهیتلری یوقدی . نه حالده اولدقلرینی اوکرنمك ده ایسته مزدی . اونلری صورمق بردفعه اولسون خاطرنندن کچمه مشدی . حتی اونلر حقنده حوادث آلمق مراقبانی بیله طویعه یوردی . خایر ، ذهنناً لانتیه ایله مشغول اولوشی بولردن طولای دکلدی . اونی آرزوسی خلافنه اوله رق دوشونوردی . هانی بعض سویعسز شرقیلر واردر ، بر درلو انسانك آغزندن دوشمز ، ایشته ژرودز طبقی بونك کی ، ایسته مه یه رك لانتیه و آدهل ایله ذهنناً مشغول اولیوردی . اساساً ویرژینی یه قارشى قلنده هیچ بر عداوت بسله میوردی ، اولوب بیتن شیلردن ویرژینی مسئول دکلدی که ... بالعکس اونك صحبتندن پك خوشالانیور ، ویرژینی کیتمك اوزره اون دفعه قالدیغی حالده ژرودز اونی بر درلو براقیوردی .

قیش گلشدی . قوی عائله سی بونکله تام درت قیشدرکه بومحله ده بولونیورلردی . بوسنه کانون اول و کانون ثانی آیلری صوک درجه سرت کیقتیلر . هر طرف طوکمشدی .

ییل باشندن صوکره قار اوچ هفته قالمادی . مع مافییه بوندن ایشلره بر ضرر کلیوردی . بالعکس قیش موسمی اوتوجی اصنافی دهاچوق سورلر ، چونکه دکانك ایچریسی چوق لطیف اولور . قارشیک دکانلرک جاملری بوزطوتدینی حالده اوتوجینك دکاننده بویله شی کورولمز . آغزینه قدر کومور طولو اولان صوبا ، دکانك ایچریسینی حمام کی ایصیتر ، چاشیرلر بو حرارتله قورور ، انسان بوراده کندیغی عادتاً یاز موسنده ظن ایدر . دکانك قاپوسی قاپاتیلیر ؛ هر یارف او قدر صیجاق که انسانه ، کوزی آچیق اویومق آرزوسی کلیر . ژرودز بو حرارت ایچنده کندیغی یازاق بر صیفیه ده ظن ایتدیکنی سویلردی . فی الحقیقه سوقاغك قارلری آرابه تکرارلرینك کورلوسنه مانع اولیوردی . یایان کچنلرک آیاق سسلری آنجق ایشیدیلیردی . نعلبند خانه نك اوکنده بوز طومش صویك اوزرنده قایدیراق اویونی ترتیب ایدن چوجوقلرک کورواتوسندن باشقه هیچ برشی بو صوغوق هوانك سکوتی اخلا



يتمزدي . ژرور بەعضاً قابونك يانە كيدەرك ائىلە جامك اوستىندەكى بوغويى سىلر،  
 بو دەشتلى صوغوق ايچىندە محله نك نه حالە كەلدىكىنى اورادە سىر ايدردى . قومشۇ  
 دكانلرك هيچ برندن بر باش اوزانمازدى . قار ايچىنە كومولن محله صانكە بياض بر  
 اثواب كيمش كې مغرور ومتعظم طوروردى . يالگىز دكان قومشۇنى اولان كومورجى  
 قادىنلە بر باش سلامى تعاطى ايدرلر . اورتلەق بويلە طوكەلى برى سونجىدن آغزى  
 قولاقلىرىنە واران كومورجى قادىن ، دكانك او كىندە باش آچىق طولاشىر طوروردى .  
 بويلە صوغوق هوالرەدە ژرورەزك اك چوق خوشنە كيدن شى اوكلەن صىجاق  
 برقهوۋە ايچمەكدى . ايشجىلر بوقهوۋەدن هيچ مشتكى دكلدىلر ؛ چونكە ژرورەزقهوۋەنى  
 قويوياپار ، ايچىنە ھندە قارىشىد برمازدى . بو قهوۋە مادام فوقونىيە نك بولاشىق صوينى  
 آكديران قهوۋەسنە بىكزە مەزدى . يالگىز ژرورەزك قاشن آناسى جزوۋە نك ايچىندە  
 تلۋەيە صو علاوۋەسنە قالدېشىدىنى زمانلر بونى اوزاتىر طوروردى ، قهوۋە اوچاغىنك  
 او كىندە عادتا اويۇقلاردى . او وقت ايشجىلر بوقهوۋە نك حاضرلانمىسى اوزايە جغنى  
 يىلدەكلرى ايچون او ياپىلىنچەيە قدر بر قاچ پارچە چاشىر اوتولەرلردى .  
 بوكون اوكلەنى يارىم ساعت كچدىكى حالە ھنوز قهوۋە پىشەمەشدى . اوكون  
 بزدىرلو كچمىوردى . ژرورەزك قاشن آناسى كوچوك برقاشىقلە فىلترە نك اوستىنە  
 اورييور ، يوقارىدە پيشن قهوۋە نك آشاغىيە آغىر آغىر ، طاملە طاملە آقەدىنى  
 ايشىدىلىيوردى .

قلە مانس طيانە مادى :

— براق شونى اللھى سورسەك ... قهوۋە بولانە جق ... بللى ، بوكون  
 يىە جك ايچە جك برشى يوق ...  
 قله مانس . طيرناقلىرىنك اوحىلە قىورم برلرنى دوزە نكە اوغراشەدىنى  
 براركانە كومەلەكنى تعمير ايلە مشغول ايدى . مدهش نزلە اولمشدى . كوزلرى  
 شىشمش ، تزكاهك باشندە ايكى بوكلوم قىورانەرق او كورمەكەن بوغازىنك ايچى يارە  
 اولمشدى . بوكارغما اوموزىنە بر آتقى بىلە آلاماشدى . آرقە سەندە اون سەكز سويە  
 صاتىن آلدىنى خفيف بر يوك اثواب واردى . بوانچە اثوابك ايچىندە تىر نىر  
 تىرە يوردى . يانى باشندە مادام پونووا قانيلەدن بر اثواب كيمش ، ئاقولاقلىرىنە  
 قدر ھر طرفى قابالى ، اوجنى براسكەملە نك آرقە اغنە قويدىنى بر فېستانى اوتولە نك ايچون  
 ماصە نك اطرافىندە دونوب طولاشىيوردى .  
 فېستانك اتكەلرى دوشمەيە سورونوب كىزلە مەسەن دىيە برىر سىر بىلەشدى .  
 ژرورەز ماصانك اورتەسنى تەك باشنە اشغال ايدىيوردى . او كىندە ايشەلى مۇسلىن



بر پرده واردی ، اوتوله رکن قیوریم اولماق ایچون قوللارینی بوتون اوزونلغیه  
ایشله تهرک اوتوی طوس طوغرو قولانیوردی . او آراق قهوه طامله لری جزوه نك  
بر کوزندن دیگر کوزینه کورولتولی بر جریان ایله آقغه باشلامشدی . ژروه ز  
قفاسنی قالدیردی مکر شاشی اوغوستین جزوه نك ایچنه برقاشیق صوقه رق قهوه نك  
اورته سنده بر دلیک آچشدی ، صو بودلیکدن سرعتله اشاغی آقیوردی .  
ژروه ز حایقیردی :

— نه یه راحت طور میورسك قیز ؟ ایچکده قورت می وار ؟ ایشته شیمدی  
سك یوزکدن چامور بی برشی ایچه جکز ...

— ژروه زك قاش آناسی ماصه نك بوش بر کوشه سنه بش فنجان حاضرلامشدی .  
ایشجیلر ایشلرینی براقدیله . ژروه زك عادتی ایدی : کندی ایله هرکسك فنجان  
ایکی پارچه شکر قویه رق قهوه یی بالذات کندیسسی بوشالیردی . کونک بوساعتی  
هپسی بکلرلردی . هرکس فنجان آله رق صوبانك اوکنده کی اوفاق برقناپده  
ایلمشدی . تام بوسیره ده قاپو آچیله رق ویرژینی ایچری کیردی . صوغوقدن  
تره یوردی .

— آمان چوجوقلر ، بونه صوغوق ! عادتاً انسانی ایکی یه ییچور . قولافلرم  
اوقدر اوشودی که عادتاً یرلرندن قویمش صانیورم . نه برباد هوا !  
ژروه ز :

— وای مادام پوواسسون !

دیدى و ممنونیتله علاوه ایتدی :

— تام زماننده کلدیکز ، برلکده برفنجان قهوه ایچریز ...

— طوغروسی رد اولونور اکر ام دکل ... ایکی آدیلق سوقاغی کچنجه به  
آرقه م طوکدی ...

چوق شکوکه جزوده بر مقدار قهوه قالمشدی .

ژروه زك قاش آناسی کیدوب برفنجان کتیردی ، قهوه سنه ایستددیکی قدر  
شکر قویمسی ایچون ژروه ز حقه یی ویرژیننك اوکنده اوزاتدی . ایشجیلر بر برینه صوقوله رق  
اوکا یرویردیله . برونی قیپ قیرغزی کسيلمشدی . آلارینی ایصیتمو ایچون برمدت  
قهوه فنجان آووجلری آره سنده صیقدی ، صوغوقدن هر طرفی تره یوردی .  
بقالک دکانندن کلیوردی . بقال بر پارچه پنیر کسوب ویرنجه یه قدر انسان عادتاً  
طوکیوردی . بوراده حرارتك فضله اغی حیرتی موجب اولمشدی : حقیقهً انسان کندینی  
برفرونده ظن ایدیوردی . بوحرارت وجودی او یله لطیف صورنده غیدیقلا یوردی که



أولوي بيله ديرياتمكه كافي ایدی . بر مدت صوكره اويوش-وقلنى زائل اولونجه باجقلرىنى اوزاتدى . شيمدى آلتيسى بردن ، فعاليتى طوران دكانك ايچنده ، دومانلرىنى صاوورهرق قورويان چاشيرلر آره سنده ، آغير آغير قهوه لرىنى ايچيورلر . يالكرز ويرژىنى ايله اختيار مادام قوپونك آلتلرنده بر اسكمله واردى . اونه كيلر صانكه يره چومه لمشلكى آلچاق قنایه ده اوطور ييورلردى . شاشى اوغوستين بيله يره بر اورتو سرهرك اوستنه اوزانمىدى . هپسى برونلرىنى قهوه فنجانلرينك ايچنه طالديرمش ، ذوقنى چيقاره چيقاره ايچيورلر ، بر لاف ايتيورلردى .

قله مانس بيان مطالعه ايتدى :

— نه اولورسه اولسون قهوه ينه لذتلى پيشمش :

او آرداق او كسوروكى طوتدى ، آزقالدى بوغوله جقدى . بوتون قوتيله او كسوره بيلمك ايچون باشنى ديواره طايامىدى . ويرژىنى !

— سز آدم عقللى نزله اولشسكز ، بونى نرده ياقه لاديكزاه عشقنه ؟

قله مانس قوليله يوزىنى سيملهرك :

— بيليرمىم بن ، ديدى ، احتمال كچن آقشام ياقالادم . او آقشام غران بالقون لوقنطه سنك او كنده ايكي قادين دو كوشيورلردى . سير ابدىم ديه چيقدم ، قارك ايچنده بر آرز فضلجه قالم ، نزله اولدم . لكن كوروله جك غوغا ايدى ! كولمكدن بايىلاجقدم . بونك بروننندن قانلر آقيوردى . اوته كيسى طبقى بنم كى ، صيريق قدر اوزون بويلى ايدى . قانى كورونجه طبانلرى قالديردى .

ايشته ، او كيجه دن اعتباراً او كسورمكه باشلادم . خاير او برشى دكل ، شه ار ككارك حيوانلغنه نه ديرسكز ، بر قادينله ياتديلرمى ، بوتون كيجه يورغانى تكمه لرلر ، صباحه قدر آچيق قاليرسكز ...

مادام پونوا ميريلدانيير كى بر سسله :

— ماشالله چوق اى ، ديدى ، سز بو كيديشله كبريرسكز ياوروم ...

— پكى اما كبرمك ايسته مديكم نه معلوم ؟ صانكه بوياشامقى مى ؟ صباحدن آقشامه قدر

اللى بش سو قازانه جفم ديه چاليش ، صوبا قارشيسنده قاورول ، طوعروسى بن بويله ياشايشدن بيغمش اوصانمشم ... هر حاله بو نزله بنى حيانك يو كندن قورتاره جق قدر قوتلى دكل ، كلديكى كى كيده جك ...



صو صدیلر . کیجه لری میخانه لرده سر خوشلرله باغیره باغیره دانس ایدن بومنا سبتسز قیز دکانده نه زمان اولوم حقنده کی نظریه لرینی آچه جق اولسه هر کسک قلبنه غم قساوت چو کردی . ژروه ز اونک حالی پک ای بیلا دیکی ایچون :  
— سز اکلنجه ایله کچیردیکنکیز کیجه لرك فرداسی کونی هیچده شن اولمیورسکیز .

دیدى . حقیقتده ژروه ز قادین دو کوشلرندن بحث اولوندیغنی ایسته میوردی ، چونکه کندیسک و ویرژینینک اوکنده طوقا تندن ، تکمه دن بحث ایدیلانجه خاطرینه معهود چاشیرخانه غوغاسی کلیور ، بوندن جانی صیقلیوردی . نته کیم قله مانس حکایه سنی آ کلاتیرکن ویرژینی کومسه یه رک ژروه زک یوزینه باقیوردی .  
بنده دون صاچ صاچه ، باش باشه اويله برغوغا کوردم که ... ایکی قادین بربرینی دیدیک دیدیک ایدیورلردی .

مادام پونووا صورتی :

— کیمدی بونلر ؟

سوقاغک باشنده کی آبه قادینله خدمتجیسی ، هانی شو صاریشین قیز ... امان اونه اویوز شی ! آبه قادینک یوزینه باغیریور : « اوت اوت ، قادینک چوجوغنی دوشورتدک ، یا پاره ویریرسک ، یاخود کیدر قومیسره ایشی آ کلاتیرم » دییوردی . اويله سوکوب صاییوردی که کوريله جک برشی ! دیرکن آبه قادین اونک تا صورتاتک اورتیه سنه بر یومروق صاووردی ، خدمتجی قیز بویومروق غی یینجه خانمک غیرتلاغنه صالدردی ، صاچنی باشنی یولغه باشلادی . نهایت قصاب کلادی ده آبه یی قیزک الندن قورتاردی .

ایشجیلر بو تحف حکایه یی کوله رک قارشيله یه رق بریودوم قهوه ایچدیلر .

قله مانس صورتی :

— آبه قادینک بر چوجوق دوشورتدیکنه سز اینانیورمیسکیز ،  
— محله ده اويله بر روایت وار . بن ایشک ایچنده اولمادیغم ایچون بر شی پیلمیورم . مع مافیه مسلاک ایجابی ، بوتون آبه لر چوجوق دوشورتورلر .  
مادام پونووا سوزه قاریشدی :

— طوغریسی ، بو قادینلره اعتماد ایتک آبدالقدن کلیر . انسانى سقط بر اقیرلر ! ... حالبو که چوجوق دوشورمک ایچون غایت قطعی بر چاره وار : هر آقشام اویقویه یاتمه دن ، باش پارماغکله قارننک اوستنه اوچ دفعه خاچ اشارتی یاپ ، اوندن صوکره کلیمساده کی مقدس صودن برر بارداق ایچ ، اولدی بیتدی ...



اویقویه طالمش ظن ایدیلن اختیارمادام قوپو بوسوز اوزرینه باشنی مقام اعتراضده  
 صالادی . او ، برعلاج بیلوردی . و بو علاجك تأثیری محققدی . ایکی ساعتده  
 بر کره برلورپ یورطه ییلی ، اوندن صو کره بو برکارك اوستنه اسپناق یا پراغی  
 یاپیشدیرملی . اوته کی قادینلر جدی بر سیما ایله بونی دیکلروردی . یالکاز نشه  
 و شطارتك حکمتی اکثریا آ کلاشیلما یان اوغوشین ایشی آلایه اوره رق برطاو و غك  
 غید غیداغنه بکزه یین قهقهه سیله کولمکه باشلادی . اونی اونوتمشلردی . بوقهقهه  
 اوزرینه ژرو هز فستانی چکهرک یره باقدی : اوغوستین یرده کی اوتونك اوستنه  
 طوموز یا وروسی کبی یاتمش ، آیاقلری هواده ، کولیوردی . اکیلهرک قولاغندن  
 چکدی . و بر شامار آتهرق آیاغه قالدیردی . سرسم قیز ، سانکه کولونجك  
 نه واردی که ؟ .. بویوکار قونوشورلرکن کندیسی کبی چوجوقلر دیکلرملی ؟  
 هم کولمکه وقت کیرمک صیراسی دکل ، مادام لورانك چاشیرلرینی کو توروب تسلیم اتمک  
 لازم . ژرو هز هم سویله نیور ، همده چاشیر سیتی قولتوغنه ویره رک قاپویه  
 طوغروایتیوری . شاشی اوغوستین آغلایه آغلایه آیاقلرینی سورتهرک چیقادی کیتدی .  
 شیمدی مادام قوپو ، مادام پونووا وقله مانس لوپ یومورطه لرله اسپناق  
 یا پراالمربنك جوجوق دوشورمک خصوصنده کی تأثیرینی مناقشه ایدیورلردی .  
 اووقته قدر طالعین طوران ویرژینی قهوه فنجانی آندر بر اقایهرق خفیف برسسه :  
 — انسانلر بویله ، دیدی بعضاً دوکوشورلر ، صو کره باریشوب اوپوشورلر ..  
 قلبده فنالق اولمادقن صو کره هیچ بر اهمیتی یوق .  
 و ژرو هزك قولاغنه اکیلهرک متبسمانه :

— خایر ، سزه قارشى قلبده اصلا حدت یوق ... خاطرلارمیسکیز هانی  
 چاشیرخانه ده ...

ژرو هز بوندن فنا حالده صیقیلیمشدی . ایشته قورقدینی شی بوایدی . محقق  
 بوندن صو کره لانتیه و آده لک بحثلری آچیله جقدی . کورولتویله یانان صوبانك بوروسی  
 قیرضیلاشمشدی ایشه ممکن اولدینی قدر کچ باشلامق ایچون قهوه لرینی آغیر آغیر ایچن ایشجیلرک  
 صحبت موضوعی کیت کیده دهها خصوصی و محرم بر شکل آلیوردی . شیمدی  
 ایشجیلر کونك برنده اون بیک فرانق ایراد صاحبی اولورلرسه نه یاپه جقلری حقنده کی  
 فکرلرینی بربرلرینه آ کلاتیورلردی . اون اون بیک فرانق ایرادلری اولورسه  
 هیچ چالیشمایه جقلر ، اولرنده او طورهرق بویله صوئوق کونلرده صوبا باشنده وقت  
 کیره جکاردی . ویرژینی ، سویله دیکی سوزلری اوته کیلر ایشتمه سین دییه ژرو هزك  
 یاننه یا قلاشمشدی . احتمال حرارنك شدشدن اوله جق ، ژرو هز کنندینی او قدر



كهوشك ، اويله رخاوت ايچنده يوموشاق بويوردى كه محاوره نك مجراسنى ده كيشديره ميوردى . حتى ويرژينينك سوزلرندن برهيجان طوييور ، بو هييجان قلبنى طولدير ييور ، بوتون موجوديتنه اعتراف ايده مه ديكى بر حظ وير ييور ، محاوره نك هپ بو يوله دوام ايتديكنى ايسته يوردى .

— سوزلرم سزى انجيتميوريا ؟ بلكه يكرمى دفعه سزه بو بحثي آچق ايستادم . نهايت ايسته ايچمده كنى دو كدم . مع مافيه مقصد بر صحبتدر . امين اولكز ، ماضيده اولوب بيتن شيلردن طولاي قلمده هيچ بر طارغينلىق يوق . ناموسمه تامين ايدرم كه سزه قارشى قلمده بر عداوت بسله ميورم .

فنجانك ديبنده كى شكرى اريتمك ايچون قهوه نك تنوه سنى چالقالا يهرق دوداقلرينك ايصاغه بگزه ين بر كورولتوسيله اوچ يودوم ايچدى .

ژروهز حقيقه ويرژينينك ديديكى كى ، ماضيده كى او طياق مسئله سنى بوسبوتون اونوتوب اونوتادىغنى اندیشه ايله دوشونيوردى . چونكه اونك سياه كوزلرندن صارى قيوياجملر پارلادىغنى كورييوردى . شيطان قادين ، محقق اوکا قارشى يوره كنده بر دشمنلق طاشيوردى .

ويرژينى دوام ايتدى :

— هم طوغريسنى ايسته رسه كز حقكزده واردى ... سزه قارشى اويله چيركين شيلر ياپيلمشدى كه ... بن انصافلى بر قادينم ، هر شيئك طوغروسنى سويلهرم . سزك يركزده اولسه يدم دشمنمى بچاقله كسردم .

اىصلق چاله رق اوچ يودومدها ايچدى . شيمدى سسنىك لاغرايكى ده كيشمشدى جمله لرى بربرى آردى صيره ديزه رك حيزلى حيزلى آ كلاتيوردى :

— ذاتاً اونلرده بر خير كورمه ديلىيا! ... اما هيچ ، هيچ خير كورمه ديلىر . ايلك او كجه غلاسيهر طرفنده ، ديزلره قدر چامور طولو بر سوقاقده پيس براوطه طوتديلىر . ايكي كون صوكره بر صباح كنديلرينه يمكه كيتمشمدم . اولرى او قدر اوزاق يرده كه اومنيبوسله بر خيلى مسافه قطع ايتك لازم . هر نه ايسه كيتدم . ييليورميسكنز اونلرى نه حاليه بولدم : بربرلرينه آدم عقللى و بر يشدرييورلر ، اوروشيورلردى . طوغروسى يا ، عشق ديديكده بويله اولور ! قيز قارده شم آدهل ، جكرى بش پاره ايتمز بر قاديندر . واقعا قارده شمدر اما بن طوغروسنى سويلهرم ، سردار فاحشه نك بريدر . بكا قارشى اويله چركفلكلر ياپدى كه تعريف ايده هم . آ كلاتمه سى اوزون اولور ، اساساً ايكي مزه عائد شيلر ... لانتيه يه كلنجه اونك نه مال اولديغنى سزك اعلا بيليرسكنز . بر هيچ يوزندن آدمى اولدوره سى به



وكن بر ارڪك ... هله يوسروقلريني صيهه رقاو روشي يوق مي معاذالله ... خلاصه  
 كون آدم عقللي دو كوشديلر. دهامرديون باشندن طياق سسلري ايشيديليوردى.  
 حتى بركون پوليس بيله مداخله ايتدى. اوكون لانتيهك جانى زيتون ياغلى چوربا  
 يسته مش؛ آدهل بونك آغزه آليرشي اولمايغنى سويله يه جك اولمش؛ بونك اوزرينه  
 زيتون ياغ شيشه سنى، تجره يى، چوربه كاسه سنى بربرينك صوراته آتمش،  
 بوتهل قارمه قاريشيق اولمش، محله لى آياغه قالمش ...

دها باشقه شيلر آكلاتدى. اونلر حقتده اويله شيلر بيليوردى كه انسانك توبلري  
 ورپه ربيوردى. ژروهمز بونلري ساده جه ديكله يوردى كه هيچ برشي سويله ميوردى.  
 نكي صاب صاري اولمشدى. دوداقلرينك اوجنده تبسمه بكنزه ين عصي بر قيوريم  
 اردى. يدى سنه در لانتيه دن بحث اولونديغنى ايشيتمه مشدى. يدى سنه دن صوكره  
 ونك اسمى قولاغنه فيصيلدا نجه اينجه بر صيچا فلق چو كه جكنه هيچ احتمال  
 يرزدى. كنديسنه او قدر فنا معامله ايتش اولان بو بدبخت آدمك سرگذشت  
 حياتى بودرجه مراقيله ديكله يه جكنى هيچ ظن ايتميوردى. آرقق آدهلى قيصتا نمايغنه  
 شهبه يوقدى. بونكله برابر اونرك دوزنلري بوزوق كيتديكنه ايچين ايچين كوليور  
 آدهلك طيافدن مورارمش وجوديني تخيل ايدهرك برحظ انتقام طوييوردى.  
 يرژيني بو بختى صباحه قدر اوزاتسه ممنونيتله ديكله ردى، لانتيهك حياتنه علاقه در  
 كورونمهك ايچون هيچ آغزيني آچيور، هيچ بر سوال صورميوردى،  
 كوزلري يارى قاپالى ايدى. بللى كه برشي سويله مك ايسته يوردى. ژروهمز بونى  
 حس ايتدى ولاقيد بر طور ايله صوردى :

— حالا غلاسيهر سوقاغنده مي اوطوريورلر ؟

— خاير ... باق سويله مكى اونوتدم : سكرز كوندر آيرى ياشايورلر .  
 آدهل بر صباح نهى وار نهى يسقه طوپلايوب كيتمش ، لانتيه ده هيچ آرقه سنى  
 آراماش ...

ژروهمز اوافق بر صيحه اظهارندن كنديني آله مادي .

— ديمك آرتق برابر ياشاميورلر !

قله مانس ، مادام قوپو و پوتوا ايله محاوره سنى ياریده براقهرق صوردى :

— کيم برابر ياشاميور ؟

ويرژيني :

— هيچ ، ديدى ، طانيمز سكرز ...



وژروەزك حالى تدقیقه قویولدی. اونك هیجان ایچنده اولدیغنی کورییوردی. بر آرەلق دها یاقلاشەرق اونى تعذیب ایتمکدن ذوق آلیورمشەجەسنە تکرار عینی حکایەلری آ کلاتمغە باشلادی. صوکرە بردن سوردی: یالانتیە کونک برنده بورایە کلیرده اونك اطرافنده طولاشمغە باشلارسە نه یاپاردی، اولماز شی دکل آ، ارککلر تحف مخلوقلردر. لانتیە ایلك عشقنە عودت ایدە بیله جک قابلیتده یارادلمش بر انساندر. بوسوز اوزرینه ژروەز طوغرولدی. سیاسنە بویوک بر وقار وجدیت کلشدی. او شیمدی اولی برقادیندی، شاید لانتیە کلەجک اولورسە اونى قاپو دیشاری ایدردی. آرتق آرەلرندە عشق فلان اولەمازدی. حتی اوکا ألى بیله اوزا ئمازدی. ژروەز نه قدر قلبسز بر قادین اولمایدركە اونکە یوز یوزە کلەکە راضی اولسون...

— واقعا آتیە ن اونك چو جوغیدر، بو صورتلە آرە مزده قیرە مایە جغم بر رابطه واردر. اگر ایسترسە کوندریرم، چونکە بر بابا چو جوغنی سومکدن منع ایدیلەمز. آ نجق بکا کلنجه، وجودی پیرام پارچه ایتسەلر پارماغنك اوجنی اوستمە دوقوندریمەسنە راضی اولەمام. آرتق آرە مزده هرشی بیتمشدر.

بو صوک سوزی سویئرکن أ ایله هوادە بر خاچ رسمی یاپدی، بو صورتلە عهدینی تأیید ایتمش اولیوردی. بحثی ده کیشدیرمش اولق ایچون بردن ایرکیلەرك ایشجیلرە دوندی:

— قیزلر! هایدی باقەلم ایش باشنە! چاشیرلر کندی کندیلرینی اوتولەمزلرە اما تنبل شیلر ها! هایدی آرش؟

بو امر ایشجیلری یرلرندن قیملدا تمغە کافی کلەدی. نذبلك ایچنده وجودلری اویوشمش، قولاری یانلرینه صارقش ایدی. دیننده تلوه سی کورونن بوش قهوه فنجانلری حالا الارنده طورییوردی. متصل قونوشیورلردی. قلامانس آ کلاتیوردی. — جانم شو کوچوک سەلەستین یوقی، ایشته او... بو قیزك بر مصراقی وار. کدی تویی، کوزی هر طرفده کدی تویی کورور. آ غزینک ایچنده بیله کدی تویلری وار ظن ایدر، اونك ایچون سوز سوییلرکن دائما دیلی طولاشیر. مادام بونوا:

— نیم طانید قلمدن برقادینه ده قورت و همی کلشدی. قارنك ایچنده هپ قوردلر کزینیور ظن ایدردی. قوجه سی کونده یدی فرائق قازانیردی. بوتون بوپارە و قورتلرە کیدردی.

مادام قوپو سوزە قاریشدی:



— بکا ویرسەرلر اوقادینی برکونده ای ایدردم . قیزارمش بر فاره یوتسون ،  
رحال قورتلر زهرلنیر .

ژروه زده یاواش یاواش کندی تنبلکه قاپدیرمق اوزره ایدی بردن سیلکینه رک  
آیاغه قالدی . قوجه اوکله صوکی بوشنه کچمشدی ، کوه زهک قارن طویورمازدی .  
یلک اوکجه ایشنک باشنه کیتدی . اوتوله مکده اولدینی پرده نك اوستنه بر طامله  
قهوه طاملامشدی . اوتویه باشلامه دن اول ایصلاق بر بزله بو لکهی سیلیدی .  
ایشجی قادینلر اوتولرینک صاپلرینی آرامق بهانه سیله حالا آیاق سورتیورلردی .  
قله مانس یرندن قالقنجه ینه اوکسوروکی طوتدی . دیلی قوپه جقمش بی اوکسوریوردی .  
تهایت اوکسوره اوکسوره ایشنی بیتردی ، اوتوله مکده اولدینی ارکاک کوملکینک  
قولار یله یاقه سنی ایکنه له دی . مادام پونووا ، فیستانی اوتوله مکله مشغول ایدی .  
ویرژینی آیاغه قالدی :

— شیمدیلك اللهه ایصمارلادق . بر پارچه پینیر آلمق ایچون چیقمشدم .  
قوجه م ظن ایده جک که صوغوقدن طوکدم ده سوقاقلرده قالدیم ...  
سوقاغه چیقوب ایکی اوچ آدیم یورودکن صوکره تکرار کادی ، قاپودن  
سسلندی : اوغوشی سوقاقلده ، چوجوقلرله بوز اوستنده قایماجه اوینایورمش !  
وای حیلار قیز وای ! دیمک ایکی ساعتدن بری سوقاقلرده طولاشیورما ! بوزی  
قیب قیرمزی ، نفس نفس ، فوانده جاماشیر سبتیله دکاندن ایچری کیردی . صاچنک  
اوستنده بر قارطوی واریدی . ژروه زاونی تکدیر ایدرکن او ، یوزلردن بورومک  
ممکن اولمادینی مستهزی بر طور ایله آ کلاتیوردی . چوق کچمه دن جیلرندن  
قارصوی آقغه باشلادی . بولده کلیرکن محله چوجوقلری جیلرینه قار بولدیرمشدی .  
آرتق هر کون اوکله صوکلری بومنوال اوزره کچمکه باشلادی . محله ده صوغوقدن  
تیره ین نه قدر انسان وارسه هپسی ایصنمق ایچون دکانه التجا ایدرلردی . ژروه زک  
دکانی صیجاق اولدینی غوندور محله سنده بیلیمه ین یوقدی هله بوش بوغاز قادینلر  
اکسیک اولمازلردی . صوبا اطرافنده چیه چوره اوتورورلر ، فیستالرینک اآتکنی  
دیزلرینه قدر قالدیره رق مالایعنی سوزلرله وقت کچیریرلردی . ژروه ز دکاننک ایچی  
بویله صیجاق اولوسندن مغرور ایدی بوتون طانیدقلرینی دکانه طویلا یوردی مادام  
لوریو و مادام بوش اونک بو حالیه آلا ، ایده رک «خام ، سالون حیانی سوریور» دیورلردی .  
اوقدر مکرم خاطر بواز ایدی ، سوقاقلده صوغوقدن تیره ین برینی کورسه هان  
ایچری آلیردی . بلخاسه بویا جیاقله کچین یشلک اختیار بر آدم واریدی که اوك  
طاوان آراسنده اوطورردی . بو آدم جغز آجلقدن ، صوغوقدن کبریوردی .



اوچ اوغلى قریم محاربه سنده اولمشدى . ايکي سنه دن برى اختيارلقدن فيرجه قوللانمه ماديفى ايچون صاغلام بر ايش طوته ميوردى . محله ده اوکا بابا برو ديرلردى . ژرودز بابا برونى ايصه نىق ايچون قارلر اوستنده آياقلىرى يره اورور کورنجه چاغيرير ، صوبانک ياننده برير ويرير ، حتى بعضى دفعه اوکا بر پارچه اکسکل پينير ديرلردى . بابا برو بوينى ايکي بوکلوم ، صئالى بم بياض صوراتى چوروك الما کي بوروشوق ، ساعتلرجه اوطوره رق هيچ بر شى سويله مکسزىن صوبانک چتيرديسى دىکليوردى . بو استغراق ايچنده کيم بيلير بلکه اللى سنه مدت پارسک دوت گوشه سنده ، قاپولرى بويامق ، طاوانلرى بياضلا نمله کچيرديکي حياتى دوشونيوردى . بعضاً اونک بو استغراق زمانلرنده ژرودز صوراردى :  
نه بابا برو ، نه دوشونيورسکز ؟

— هيچ بر شى ، ياخود هر شى ...

ايشجيلر اونکله آلاى ايدرلر ، کوکل چکيور ديرلردى . فقط او ، بو آلايه اهميت ويرمکسزىن ، ينه او مغموم ومتفکر وضعيتى طاقير ، ينه سکوت طالاردى .

او تاريخدن اعتباراً ويرژينى ژرودزه صيق صيق لانتیه دن بحث ايتمه باشلامشدى . اونک ذهنى اسكى عاشقيه مشغول ايدى صيق صيق دن ذوق طويور کيبدى . برکون ينه اوندن بحث ايدرکن لانتیه يه تصادف ايتديکي سويله دى . فقط ژرودزک بوکا هيچ مقابله ايتمه ديکي کورونجه بحثي قيصه کسدى . ايرتسى کون عيني مسئله يه عودت ايدى اونک لانتیه نى کنديسندن اوزون اوزادى يه و غايت محبتکارانه براسانله بحث ايتديکي آکلاتدى . ژرودز ، دکانک بر گوشه سنده ، فيصيلدومه نوعندن قولاغنه توديع ايديلن بو سوزلردن پک متهيج اوليوردى . صانکه لانتیه اونک موجوديتنده بر اينز براقشجه سنه نه زمان اونک اسمنى ايشيتسه تامعه سنىک ايچنده بر يانيقلاق حس ايدردى . واقعا ژرودز کنديسنى کافي درجه متانتلى بوليوردى . هم او ، ناموسلى بر قادين اوله رق ياشامق آرزوسنده ايدى . چونکه ناموسکارلاق بختيارلغى ياريسيدر . بو ملاحظه لرده قوجه سنى هيچ دوشونميوردي . چونکه قوجه سنه قارشى کندينى قباحتلى موقعنه دوشوره جک هيچ بر حرکتى يوقدى . حتى خيالاً بيله قوجه سنه اهانت ايتمه مشدى . يالکوز غورته ي دوشونيوردى . اوکا قارشى قلباً بر تردد ، برضعف حس ايدى يوردى . اويله ظن ايدى يوردى که لانتیه نى خاطر سنده بويله آغير آغير تسليم نفس ايتدجه صانکه غورته يه صداقت سىزک کوستريور ، اونک اعتراف ايديله مين عشقنه اهانت



ایدیوردی . بو ای دوستنه قارشى كندی قباحتی بولدی زما ن كونلرجه  
 كدرلی كدرلی دوشونوردی . عائله سی خارجنده اوندن باشقه كیمسه یی سومه مك ایستهردی .  
 بو محبت اونك قلمده یوكسك بر موقع اشغال ایدیوردی . ویرژینی اونك یوزنده  
 کیرلی بر احتراصك آتشرینی آزارکن او بو محبتی اونوع پیساکارک فوقنده طوتیوردی .  
 بهار کلنجه ژروهمز ایچون غورهنك، یاننه التجا ایتمکدن باشقه چاره قانامشدی .  
 کندی اونده ، ایشندن وقت بولوب ده بر اسکمله یه اوطورسه فجری بلا اختیار  
 اسکی عاشقنه کیدیوردی . خیالا اونك آده لدن آیریلدیغنی ، چاشیرلرینی معهود  
 اسکی صندوقه یراشدیردیکنی ، صندوقی بر آراهیه یوکلانه رك کندیسنه کادیکنی کوریوردی  
 سوقاغه چیقدیغنی کونلر معناسز بر قورقو بوتون وجودینی قاپلار ، آرقه دن لانتیه نك  
 آياق سسلرینی ایشیدیرکی اولور . آلارینی اوزاتوب عان اونی بلندن یاقالایه جقمش کی  
 برخشیتله تتره ر ، دونوب آرقه سنه باقه مازدی . هیچ شبره یوق . لانتیه اونك  
 حرکاتی ترصد آلتنده بولوندیوردی . كونك برنده اوه طویلايه حقدی . بواحمال  
 ایله صوغوق ترلر دو کردی . اوکلیرسه وقتیه یاپدیغنی کی بوسفرده ، محقق ،  
 یاقه لایه رق قولاغنی اویه جکدی . ایشه اك چوق قورقدیغنی شی بو بوسه ایدی .  
 بوبوسه نك خیالیله قولاغنی صاغیر اولیور ، بونك ویردیکی اوغولتو ایچنده قلبنك  
 شدلی ضربانندن باشقه برشی ایشیده میوردی . بوبله قورقو زمانلرنده غورهنك  
 دمیرخانه سنه قوشار ، اونك چکیج ضربه لری آلتنده بوفنا دوشونجه لرك فرار  
 ایتدکلرینی حس ایده رك ، سا کن ومتبسم ، اونك حمایه سنه صیغینبیردی .

اوح بهار ، بونه مسعود موسمندی ! ژروهمز پورن بلانش محله سنده اوطوران  
 مشتریسنك چاشیرلرینی براعتنای مخصوص ایله اوتولدر ، چاشیرلری اورایه بالذات  
 کندیسنی کوتوروردی . چونکه هرجهه کونی بوندن استفاده ایده رك مارقاده  
 سوقاغه اوغرار ، غورهنك دمیرخانه سنه کیرردی . سوقاغك گوشه سنی صابجه  
 وجودنده بر خفیفلك طویار ، اوته سنده بریسنده فابریقه لر یوکسلن بوخالی عرصه لر  
 آره سنده بورورکن صانکه برقیر صفاسی یاپورمش کی بر شطارت حس ایدردی .  
 سسوقاغك کوه وردن سیم سیاه اولمش قالدیریمنی ، طاملرندن سایه چیقان بخاری  
 دومانلر براورمانك مبذول یشیللار آره سنده غائب اولان یوصونلی کچیدلری قدر  
 اوکا زوق ویریردی . فابریقه لرك یوکسك اوجاقلری آره سنده کورولن اوچوق  
 رنگلی افقه ، تا اوته ده جبهه لری پنجره لرنك منتظم شکلریله ده لینمش تابشیر  
 رنگلی اولریله كوك بوزنی طیقایان مون مارتی تپه سنه باقمندن خوشلانیوردی .  
 دمیر خانه یه یابلاشدیجه آدیملرینی آغیرلاشدیرر ، صو بریکنتیلری اوزرندن



صچرايه رق ، انقاض ييغينلرينك آره سندن كچمكدن برذوق طويه رق ايلريله ردی .  
تا ايلريده دميرخانه نك اوجاغی ، كوندوزك اوكله آيدينلغی ايچنده بيله ، پاريل پاريل  
پارلاردی . چكيجلرك ضربه لرینی ايشتدكجه سوينجدن يوره کی هوللاردی . دميرخانه  
بناسنك ايچنه كيرديکی زمان يوزی قپ قيرمزی كسيلير ، طبقى موعده ملاقاتنه  
كلن برقادين كبی قيصة صاريشين صاحپلری بوينك اوستنده اوچوشوردی . غوژه ،  
كوکسی قولاری چپلاق ، اونى بکلر ، اوکا اوزاقدن ايشتديرمك ايچون اوكون  
چكيجی اورسك اوستنه ده سرت اينديريردی . ژروهك بنایه كيرديکی حس  
ايدر ، صارى صقالنك سوسله ديکی سياسنده ساكت ومشفق برتسمله اونى  
قارشيلاردی . ژروه زایشنى براقوب كنديسيله مشغول اولامسنى ، ايشنه دوام  
ايتمى سويلردی . چيقيق طامارلری كورونن ايرى قوللريله اونى چكيج قوللانيركن  
صبر ايتك ده خوشنه كيدردي . ايلك اوکجه ائيه نك يانه كيدر ، كوروكل ايپنه  
آصيلی طوران چوجوغنك ياناغنه شاقه دن برتوقاد آتار ، اوندن صوكره بلكه  
برساعت اوجاق باشنده چيويلرك ياپيلشنى سير ايدردی . بو برساعت ظرفنده  
اون كله بيله تعاطی ايتمزلردی . براوطه ده ، قاپوي اوزرلرينه كلیدله يوب اوطورسه لر  
بلكه بو قدر ذوق طومازلردی . آرتق بهك ساهلنك لطيفه لرينه ده قيزميورلردی .  
چونكه اونك سوبله ديکی سوزلر قوللاقلرينه كيرميوردي . اوجاغك ياننده برچارىك  
قالنجه نفسنده برطارلق حس ايتمكه باشلار ، آشك حرارتی ، دميرخانه نك سرت  
قوقوسى ، اوجاغك دومانی برباش دونديرمسی ويرير ، اورسلرك اوستنه اين  
چكيج ضربه لريله بوتون وجودی تپه دن طيرناغه قدر صارصايردي . فقط بوتون  
بونلر اونك ايچون برذوق ایدی ، بوراده اولونجه آرتق باشقه براملى قالمالزدي .  
بو اوجاغك باشنده او قدر . هيچان طوياردی كه غوژه اونى قولاری آره سنه آلوب  
صيقتيه بو قدر متهيج اولمالزدي . غوژه نك چكيجندن چيقان روزکاری ده ياقين  
طومق اونك اورسى اوستنه اينديرديکی ضربه لره كنديسى ده قارشيمش اولق ايچون  
غوژه نك يانه ياقلاشيردي . قيزغين دميردن اوچوشان قيويلجملر اونك يوموشاق آلارينه  
راست كلدكجه چكينير ، بالعكس دريسنى ايكنه له ين بو آتش ياغمورندن بر ذوق  
طوياردی . غوژه ، ژروهك بو اوجاق باشنده حس ايتديکی بختيارلنى كشف  
ايتيور دكلدی . اونك ايچوندركه اك کوچ ايشلری جمعه يه براقير ، اوکا عینی  
زمانده هم محبتنى هم ده قوتنى كوسترمك صورتيله اظهار حسيات ايدردی . اووقت  
وار قوتيله چكيجی اينديرير ، ژروه زى ممون وبختيار كورمه نك ويرديکی تهيجله  
عادتا اورسى چاتلاته جق درجه ده قوتلى ضربه لرله ، صولوق صولوغه ، دمیری



دو کړدی . بو عشق بوتون بر بهار مد تچه د میرخانه نك ایچنده فرطنه لی بر کورلتو  
 یاشاتدی . ایسلی چایسی چکیج ضربه لریله چاتیردایان هانغارك صارصینتیلری ،  
 او جانده یانان کومورک قیزغین آله ولری آره سنده بوتون فابریقه بر دیوکی چالیشیرکن  
 اونلر بوراده بر حیات عاشقانه کچیر یورلردی .

چکیج لرك آلتنده قرمنی بر بالومی کبی آزیلن ، یوغوریلام بودمیرلر عشق لری نك  
 خشین انطباعلرینی طاشیورلردی . ژروه ز بوجه زیارتلرینی متعاقب غورده دن آیریلوب  
 اوینه دونرکن یورغون وجودنده بر ممنونیت ، فکراً و جسماً بر راحت طویاردی .

لانتیه نك خیالندن طویدیفی قورقوده کیت کیده زائل اولغه باشلامشدی .  
 شیمدی محاکمه لرنده دهامعتول طاورانیوردی . اکر اخلاق بوزولغه یوزطوتان  
 قوجه سی اولماسه یدی اوتاریخلرده حیات نك بختیارلغنی هیچ برشی اخلاص ایتیه جکدی .  
 ینه برجهه کونی د میرخانه دونوشنده بابا قولومب نك آسوموار میخانه سی اوکنندن  
 کچرکن ایچریده ، قوجه سنی مه بوط ، بی لاغری یاد وبه کساله ایله برلکده ایچکی  
 ماصه سی باشنده کورورکی اولدی . ایلك اوکجه اونلرك احوالی ترصد ایدیور  
 کوروممه نك ایچون طوره دن چارچابوق کچدی . صوکره تکرار دوندی : قوپونی  
 میخانه مداوملرینه مخصوص تکلیفسز بروضع ایله راقی قدحنی آغزینه بوشالتیرکن  
 کوردی . دیمک که راقی ایچمیدیکنی سویله یشی یالان ایدی . ژروه ز بوندن يك متأثر  
 اوله رق اوه کادی . شراب ایچمه سینه سس جیقارمیوردی ، چونکه شراب  
 انسانی بسلردی . حالبوکه اسپرتولی ایچکیلر هم پیس شیلردی ، همده عمله ده  
 چالیشمق وقازنمق هوسنی محو ایدن بر زهر ایدی . طوغریسی ، حکومت بویله  
 برباد ایچکیلردك اعمالنی منع ایتلیدی !

اوه کلدیکی زمان اورته لنی قارمه قاریشیق بولدی . ایشجیلر تزکاهی براقش ،  
 اولوده باشلری هوایه قالقیق ، برشی سیر ایدیورلردی . ژروه ز نره یه باقدقلرینی  
 قله مانسدن صوردی ، قله مانس شو جوابی ویردی :

— بابا بیژار قاریسنی دوکیورده اوکا باقیورز . سوقاق قاپوسنده ذیل  
 زورنا سرخوش طورییور ، قاریسنك چاشیرخانه دن دونمسنی بکلیوردی . آرقه سندن  
 یومسروق اوره اوره سردیونی چیقارتدی ، شیمدی ده اوطه ده پاتاقلیور ، قدینك  
 باغیردیغنی ایشیتمیومیسکز ؟

ژروه ز حیزلی حیزلی چیقدی . ای قلبی برقادین اولان مادام بیژاری سوردی .  
 آرایه کیرمکه اونی طیاقدن قورتارجفنی امید ایدیوردی . آلتنجی قاتده بیژارلرك  
 اوطوردقلری اوطه نك قاپوسی آچیق طورییور ، اوته کی کیراجیلر صحنقه ده حایقیریشیرلرکن  
 قاپوجی مادام بوش قاپو اوکنندن :



-- آرتق يتر ، يوقسه پوليسه خبر ويره جكم ديوردى .

كىمسه اچرى كىرمكه چسارت ايدە ميوردى . چونكه سرخوشلغندە بىژاراك  
بك وحشى برشى كىيلدىكى ھېسى بىليوردى . نادرچاليشير ، چاليشدىنى كۈنلردەدە  
تركاھك باشنە برلترە راقى قويەرك ھىيارىم ساعت باشندە بركرە شىشەنى آغزىنە  
دىكەرك اچردى . باشقە درلو آياقدە طورەمازدى اويلە سرخوش اولوردى كە  
درداقلرىنك اوجنە بر كىرت چاقىلسە مشعلە كى يانە جقدى .

ژروەز اونلرى بوخالدە كىرونجە تپەدن طىرناغە قدر تترە يەرك حايقىردى :

-- كورمىيورمىدىكز قادىنى كىرتە جك ، بو قدرىنە مساعدە ايدىلە من .

بونى سويلە يەرك اوطە يە كىردى . بو اوطە بر طاوان آرەسى ايدى . ياتاق  
چارشافلرىنە قدر ھىرشى صاتەرق اچكى يە وىرەن ار ككك بوابتلاسى يوزندن  
چىر چىيلاق ، صوغوق ، فقط ترمىز ايدى . بوغوشورلر كى دە وىردكلى ماصە  
ناخجەرك كىنارىنە قدر كىتمش ، اسكەلەر يە دوشەرك آياقلرى ھوايە قانمش  
ايدى . مادام بىژار يردە ، بالدىرلرىنە ياپىشان قىستانك اتكارى ھىوز چاشىر  
خانەك صولرىلە يام ياش ، صاچلرى يولوش ، ھى طرفى قان اچندە ، درىندن آھلر  
اوفر ايدەرك آجى آجى ايكە يور ، قوجە سنك ھىر تكمە سىندە بر فرىاد قوپارىيوردى .  
بىژار قارىنى ايلاك او كجە يوسر و قىرلە دو كشدى ، شىمدى تكمە ليوردى .

-- عفو اىستە يورسە اويلە ؟ عفو ھا ؟ سنى مى عفو ايدە جكمشم ؟

بوغوق برسە سە ھى سويلە يور ، ھىمدە ھىرسوزدە بر پارچە دھا قودورەرق  
تكمە لرك شدتى آرتدىرييور . حدتى آرتدجە دھا فضلە اورىيوردى .

نھايت باغىرمقدن سىسى چىقمەز اولدى . وجودى يىرتىق يىرتىق كۈملە كىلە  
جا كتى اچندە دىم دىك كىيىلمش ، كىرلى صقالنك چرچىو ھەدىكى سىماسى مورارمش  
صاچىز آلەنك اوستى يىر بر قىر مىزى لكە باشلامش ايدى . ھىچ برشى سويلە مەكسىزىن  
دلىچە سە ، متصل اورىيوردى . صىناقدە طوران قوموشولرك دىدكارىنە باقىلىرسە  
بىژار صبا حلىن قارىسندن يكرمى فرانىق اىستە مش ، وىرمە دىكى اچون بويلە دو كىورمش .  
او آرەلق مىردىونك آشاغىسندن بوشك سىسى ايشىيدىلى ، مادام بوشى  
چاغىرييوردى :

-- كل آشاغى ، دييوردى ، براق بر برىنى كىرتسونلر ، دنيادن ايكى سفىل

كسىلەش اولور .

ژروەز اوطە يە كىر كىن بابا برودە اونك آرقە سندن اچرى كىرمشدى .  
يكىسى برلكدە بىژارى آووتغە چاليشيورلر ، اوطەنك قاپوسنە طوغرى اورىيورلردى .



فقط اونلرک األندن قورتولان بیژار ، آغزندن کوپوکار صاووردهرق تکرار قاریسنگ اوستنه صالديریوردی . صواغرن کوزلرینگ ایچنده اسپرتو جناستکار بر آتش طوتوشدیریوردی ؛ نهایت ژروهز بیژاری بیلکسندن یاقالیهرق چکدی ، اختیار سرخوش کیتدی . ماصهنگ اوستنه یووارلاندی . مادام بیژار ، یره سریش آغزی آچیق ، کوز قاپاقلری قاپالی ، شیمدی دهاسرت صولویوردی . بیژار دوشدیکی ماصهنگ قالقهرق ینه اونی دوککه کلیور ، کیتدجه آرتان بر حدتله نه یاپدیغنی بیلمه یهرک ، نرهیه اوردیغنه دقت ایتمه یهرک هوایه صاووردیغنی توقاترله کندی کندی دوکیوردی . بو بوغوشمه ائناسنده ژروهزاوطهنگ برکوشه سنده ، درت یاشنده کی چوجوقلری لالی بی کوردی . چوجوقغز بر طرفدن باباسنگ آئنه سنی دوکدوکنی سیر ایدیور ، برطرفندن دهاسرت کون اول سوددن کیلش اولان کوچوک قاردهشی هانرییه تی صانکه محافظه ایتک ایسته یورمشجه سنه قولاری آره سنده طوتیوردی . بیچاره قیزغز آیاقدی ، صاب صاری ، جدی ، طورییوردی . واقعا کورلنده یاش یوقدی . فقط سیاه نظرلری بریغین دوشونجه لرله عمول و برنقطه یه هرکوز ایدی .

بیژار اوآرهلق بر اسکمله یه چارپهرق یره یووارلانمشدی . آرتق اونی اوحالنده براقدیلر وژروهزله بابا برو اورتده ایکلمکده اولان مادام بیژاری قورتارمغه چالیشدیلر . شیمدی بیچاره قادین هیچقریقارله آغلایوردی . بو منظره لره آلیشیق اولان لالی آئنه سنه یاقلاشمش ، متوکل بر نظرله اونک کوزیاشرینی سیر ایدیوردی . بر آرزوکره ژروهز اوطهنگ چیقهرق هر دیونلری اینرکن قوجه مان ینانک سکوتی ایچنده نظر خیالی هپ بودرت یاشنده کی چوجوقله بر قادین کی جسور وجدی باقیدشیرینی کوریوردی .

قله مانسی اونی کورونجه ؟

— موسیر قوپو قارشیکی قالدیریمده طورییور ، آ کلاشیلان آدم عقللی ایچمش دیدی ، فی الحقیقه قوپو قارشیکی قالدیریمدن جاده یه اینمش ، دکانه طوغرو کلیوردی . قاپونک طوقاغنی بوله مادینی ایچون آزقالدی اوموزیله جالردن برینی قیره جقدی ذیل زورنا سرخوشدی . دیشلری کلیدلشمش . برونی قیزارمشدی . ژروهز قوپونک رنگینی بو حاله صوقان زهرله نمش قانه باقهرق بونک آسسوموار میخانه سنده کی راقیدن کلدیکنی آ کلامقده کوجلاک چکمه دی . ایلک اوکجه ایشی لطیفه یه اوردهرق شراب ایچدیکی کونلرده یاپدیغنی کی بوسفرده اونی یاتاغه یاتیرمق ایسته دی . فقط قوپو ، هیچ برشی سوبله مکسزین ژروهزی ایتهرک کچدی ،



ياتاغنه طوغرو كيتدى ، يوسروغنى صيقه رق ژروەزە كوستردى . بو حاليله طبقى قارىسنى دوكمەكەن بىتاب دوشەرك يە يىقىلان اوتەكى سرخوشە بىكزيوردى . اووقت ژرەزك وجودىنى برصوغوقلىق قاپلادى . ار كىكلىرى ، قوجه سنى ، غوزەينى لانتىيەينى دوشونمەكە باشلادى . قلى پارچە لانتىس ، بختيار اولمەدن قطع اميد ايتمىشدى .

## V

ژروەزك اسم كونى خىزىرانك اون يديسەنە تصادف ايدىيوردى . بويلە كونلردە دعوتلىلر اوقدر چوقىمك يىرلردى كە ھېسەنك قارىنى داوول كى شىشەردى . برھفتەنك يىمكى بر كوندە يىزىلردى . نەقدەر پارەلرى وارسە ھېسى بو اوغودە صرف اولونوردى . اساساً بر طرفە بش اون پارە آرتىردىلر مى ھان يىمكە خىج ايدىلر ، كەندى كەندىلر يىنە ضىافت چكوب بول يىمك يىە بىلامك ايچون بر طاقم مەبارك كونلر ايجاد ايدىلردى . وىرژىنى ژروەزەك بو صورتلە جان بىلەمسنى پىك تصويب ايدىيوردى . اويلەيا ، برأوك ار كىكى متصل ايچوب سرخوش اولورسە آلدە و او و جە كنى ايچكى يە كوندر تىمەرك ھىچ اولماز سە مەدەيە يووارلامق ثوابدر . مادام كە پارە اويلەدە بويلەدە كىدە جك ، مېخانەيە كىتمەكەن ايسە بارى قصابە كىتسون ... بو ملاحظە ايلە ژروەز كەندىنى بو سبوتون او بورلغە اورمىشدى . ھىم بر طرفە اوچ بش پارە آرتىرە مېورلرسە بونك قباحتى كەندىسەندە دكەلدى كە ... خلاصە بو او بورلىق يوزندن ژروەز كىتدەكە شىشەمانلىور ، ياغ باغلىور ، بوندن طولايى باجاغى قىصالەرق طوپاللى بر قات داھا آرتىيوردى .

بوسەنە ، اسم كونسە دھا بر آي وار كن اونك بىخى باشلادى . اوكون نە يىمكلىر ياپىلە جىنى شىمەيدىن قونوشمەكە باشلامىلردى . بو بىخى ھېسەنك آغزىنك صوينى آفيتىيوردى . ايشىجىلر ك ھېسەندە بر بويوك ذوق و صفا احتىياجى وارى . چوقچە اكەنمك ، على المادەنك فوقندە ، آدم عىللى بر جنبش ياقىق ايسە يورلردى . اويلەيا ، بويلە فرصتلىر ھىكون كىز كە ... دعوتلىلر ژروەزك اك بويوك مشغەلسنى تشكىل ايدىيورلردى . اوت ، كىملىرى دعوت ايدە جكەدى ؟ بر دفعە مجموعى اون ايكى كشى اولمالى ايدى ؛ نە بر فضلە نەدە برا كسىك اولمايە جقەدى ، كەندىسى ، قوجه سنى ، قاشن آناسى ، مادام لوران ، عائلەدن بو دردى بولونە جقلىردى . اوندىن صوكرە غوزە ايلە آنەسى ؛ موسىيو و مادام پواسسون كە جىكاردى . ايشىجىلر يە فضلە يوز كوز اولماق ايچون ايلك او كە مادام پونووا ايلە قلە مانسى دعوت ايتەكە قرار وىردى . آنجق بو ضىافتە



عائد بختلر هپ اولنلرک ياننده کچديکي ايچون نهايت بوايکيسني ده دعوت ايتدي . شو حسابجه دعوتليرک عددی اونه بالغ اوليوردي . حالبوکه ژروهز مطلقاً اون ايکي کشي چاغبرمغه قرار ويرمشدی . نقصانی ايچون لوريولرله بارشدي . ذاتاً اونلر برمدتن بری پروانه کبي ژروهزک اطرافنده طولاشيورلردی . آرده ده کي طارغينلغی ازاله ايچون لوريولرک ده يمکه کللری وباريشيقلق شرفنه اداره اقداح اولونسي سويله شيلدی . اويله يا ، انسان عائله سيله الى الابد طارغين قاله بيليرمی ؟ اساساً اسم کونی قیللری رفته کتيرهن بر فرصت ایدی . بوفرستی قاچيرمه نك امکاني يوقدی قاپوجی بوش ايله قاریسی ايکي عائله نك بربريله باريشمغه حاضرلاندقلرینی طو بونجه درلودرلو نازکانه سوزلر ، طاتلی وملتفت تبسملرله اونلرده ژروهزه ياناشمشلردی . بناءً عليه بونلری ده يمکه دعوت ايتمک لازم کليوردی . شو حالده دعوتليرک عددی چوجوقلر خارج اولق اوزره اون درت اوليوردي . ژروهز شيمدی به قدر بويله بر ضيافت ويرمه مشدی . بوندن هم اورکيور ، هم ده مغرور اوليوردي . اسم کونی بر بازار ايرتسنة نصادف ايديوردی . حقیقهً بوبرحسن طالع ایدی . ژروهز بازار کونی اوکلدن صوکره يمکاری حاضرلامغه باشلايه جقدی . جمعه ايرتسی آقشامی ايشجیلر ايشلرینی بيتدکدن صوکره ضيافت يمکارینی قرارلاشديرمق ايچون دکانده بر مناقشه در باشلادی .

يمکلردن بر دانه یی دهها اوچ هفته اول قرارلاشديرلمشدی . سمیز برقاز آلوب قیزارمه ياپيله جقدی . بونک بختی بيله کوزلرده او بوراق آتشلری طوتوشديريوردي . حتی قاز ساتین آلمشدي بيله . بر اختيار مادام قوپو بوقازک نه قدر سمير اولديغنی قله مانسله مادام پونويه کوسترمک ايچون کيتدی قاری کتيردی . ايچنه صاری ياغ تولديريله رق شيشيريلن کرکين دريسيله حیوانی او قدر سمیز بولديلرکه هرکس حيرتله ايچنده قالدی . ژروهز :

— قازدن اول سبزه لی برأت لازم ، دهها اول ات صوبيله بر سبزه چورباسی ويرملي ، اوندن صوکره صالحه لی بریمک ايسته ر .

ديدی . قله مانس طاوشان یخنیسی تکلیف ايتدی . فقط هرکسک اونده صباح آقشام يئیلن شی بو ایدی . آرتق بوندن بيقيقينلق کلشدي . ژروهز دهها کبار بر يمک دوشونيوردی . مادام بونوا بياض صالحه ايله پيشمش طانه اتی تکلیف ايتدی . بو تکلیف اوزرينه نظرلره بر ممنونیت کلدی . حقیقهً طانه چوق ایی بر شی اوله جقدی ، هيچ بر يمک بونک يرينی طوتامازدی . ژروهز :

— بوندن صوکره صالحه لی بر يمک دهها لازم .



دیدي . قائن آناسنك عقلنه كلشدي . فقط اوتته كيلر بو تكليف بكنمه يهرك يوزلريني بوروشديرديلر . هيچ بري بالق سوهزدي . هم معدده ير طوتمازدي . هم ده اوتته سي بريسي قياچيق طولو ايدى . شائى اوغوستين بر آره اق كدى بالغى سوديكنى سويله يه جك اولدى ، قله مانس او كا فنا حالد جيتيشه رق آغزنى قاپاتدى . نهايت ژروه ز پاتاتسلى طوموز آنى تكليف ايتدى . بو تكليف بوتون سيالره يكي دن انشراح ويرمشدى . نام بو ائنده ويرژنى بر روزكار كى دكاندن انچرى كيردى ، تلاش و هيجان ايچنده ايدى . ژروه ز :

— نام زماننده كلديكز ، دیدي ، ضيافت ايچون آلدغمز قازى كوريكز . اختيار قادين قازى بر دفعه دها كتيره رك ويرژنى يه كوستردى . ويرژنى قازى آلنه آله رق طار تچه بيان حيرت ايتدى : اماده آغير شيدى ها ! مع مافيه بونكه چوق مشغول اولمادى ، چونكه عئلى فكري باشقه يرده ايدى . قازى ماصه اوستنده بر فيستانله بر ييغين كوملك آره سنه قويه رق ژروه زى ديده كى اوطه يه كوتوردى وميرلدانير كى برسسه حيزلى حيزلى آ كلتدى :

— سزه خبر ويرمكه كدم ، بيلكز باقم سواقده كيمه راست كدم ؟ لانتيه يه ! اوت لانتيه سواقك او كنده طولاشيور ، بوراسنى ترصد ايدىوردى . اونى كورنجه فنا حالد قور قدم ، قور قودن قوشه قوشه خبر ويرمكه كدم . ژروه زك يوزى صاب صارى كسيلمشدى . بوسفيل حريف اوندن نه ايسته يوزدى ؟ هم ده تام ضيافت حاضر لقلى آره سنه دوشيوردي . ذاتاً هانكى شيده طالبي واردى كه ... شوا كلنجه سندن بيله راحت راحت استفاده ايتمنه مساعده ايتيورلردى . ويرژنى اونك بو حالى كورونجه تسكينه چاليدى : بويله حدت ايدجك نه وار ؟ شايد لانتيه اونك پيشنه طايلمغه قالدشيرسه بر پوليس چاغيرتير ، ياقه لادى كى حبسه طيقديريردى . اساساً قوجه ي پوليسكه تعيين اولونه لى برى ويرژنى يه بر غرور كلشدى ، راست كلنى توقيف ايتديرمكدن بحث ايدىوردى . آه نه قدر ايسته ردى ، لانتيه سواقده او كا طاقلسونده ويرژنى اونى بالذات كنديسى ياقه لايه رق صركزه كوتورسون ، قوجه سنه آلاريله تسليم ايتسون ! ويرژنى بوسوزى يوكسك سسله سويلر كن ژروه ز اشارتله صوصمسنى رجا ايتدى ، چونكه اورته ده ايشجيلر بوتون قونوشدقلىرى ايشيديورلردى . بونك اوزرينه كنديسى او كده ، ويرژنى آرقه دن تكرار دكانه كيرديلر . ژروه ز صوك درجه سا كن كورونمكه چاليشه رق يمك بحثنه دوام ايتدى :

شيمدى سبزه لازم .



ویرژینی جواب ویردی ؟

— بزلیه ویریرسکیز، چوق ای بن ذاتاً سبزه لر ایچنده بوندن باشقه سنی مم .  
بوتکلفی هپ بردن تصویب ایتدیلر :

— اوت بزلیه چوق ای ...

اوغوستین سوینجندن متصل ماشا ایله صوبانک ایچنی قاریشدیریوردی ،  
الحاصل ایرتسی کون دها ساعت اوچده مادام قوپو مطبخک ایکی اوجاغنی بردن  
یاقدی ، امانه مادام بوشدن برده طوپراق اوجاق آلمشردی ، بونک ایچنده  
آتش قویدیلر . کندیلرینک تجره لری اوافق اولدینی ایچون یانده کی لوتنطه دن قوجه مان  
بر تجره آلمشردی . ساعت اوچ بچقه بو تجره یی آتسه قویدیلر ، سبزه لی آت پشمکه باشلادی .  
طاته ایله طوموزیمکنی ده بر کون اولدن حاضر لامق لازمدی ، یالکن بونلر صالحه لرینی سفره یه  
اوطور رکن قویه جقلردی . بوسورتله بازار ایرتسی کوننه چوربا ، بزلیه ، قازدن  
باشقه پیشیرله جک برشی قالمایه جقدی . اوچ اوجاغک آتشدن دیبده کی اوطا باریل  
باریل پارلیوردی . تجره لر ایچنده پیشن صالحه لر دن یانیق براون قوه و سی انشارایدیور ،  
بونک تجره نک یانلری قانامه دن صارصیلهرق طبق براوجاق کی قاپاغنک آره لغندن  
دومان چیقیوردی . ژروه زایله قاش آناسی ، اوکارینه برر بیاض اوکاک طاقشلر ،  
قوشدیروب طور یورلر ، کاه مایدانوز حاضر لیورلر ، کاه کیدوب طوز بیبر کتیریورلر ،  
آراقده بر کره تحته قاشیقله آتی قاریشدیریورلردی . آیاق آلتنده فضله غلبه اق یاپماسون  
دییه فوپوی دکانک طیشاریسنه بوللامشردی . بونکله برابر اوکلادن صوکره ینه  
مسافر اکسیک اولامشدی . برتون آوک ایچنه او یله نفیس بریمک قوقوسی یاییلمشدی که  
کراجیلرک برچوغی نه لر پیشیرلیدیکنی آکلامق ایچون برر وسیله ایله کلیورلردی .  
کلنلر بردرلو کیتمیور ، تا ژروه ز تجره نک قاپاغنی آچوبده ایچنده کنی کورونجه یه  
قدر آیاقدی بکلیورلردی . آقشامک بشنه طوغرو ویرژینی کوروندی . لانتیه یی ینه  
کوره شدی . آرتق بو حریفدن قورتولوش یوقدی : نه زمان سوقاغه چیقسه مطلقاً  
اوکا راست کله حکمدی . مادام بوش بیله اوکا قالدیریمک کوشه سنده راست کلمشدی .  
سفیل حریف ، باشنی اوزاتمش ، اطرافنی ترصدله مشغولدی . ژروه ز او آره لق برپارچه  
صوغان آلق ایچون چارشیه کیتمه که حاضر لانیوردی . ژروه زک کتیردیکی خبردن  
اوقدر قورقدی که چیقه مادی . ردینغوتلرینک آلتنده طبانجه لر ، بیچاقلرله قادینلرک  
یوانی بکلین ارککاره عائد حکایه لری ویرژینیدن ، مادام بوشدن دیکلده دیکلده  
قلبنه بروهم چوکمشدی . ذاتاً هر کون غزته لرده بویله وقعهر او قونیمور میدی ،  
بوسفیل حریفلر اسکی سوکیلیلرینی راحت وبختیار کورونجه عقللری باشلرندن



کیدیور ، اوزمان نه یاپدقلرینی بیلیمورلر . چارشیدن صوغان آلفه ویرژینی کیتدی عودتنده لانتیه نك کیتدیکنی سویله دی . آ کلاشیلان اوراده بولوندیغی کشف ایدلایکنی کوره رك صاووشمشدی . بویله اولمقله برابر آقشامه قدر هپ بحث اونك اوزرینه جریان ایتشدی . مادام بوشا ایشی قوپویه آچنی مناسب کوریوردی . فقط ژروهمز بوکا قطعیا معترضدی ، قوجه سنه بوخصوصده برکله بیله سویله مک جائز دکلدی . صوکره ایشی فنایه واریردی . ذاتا برقاچ کوندنبری قوپو شبههیه دوشمشدی . کیجه لری یاتماغه کیردیکی زمان کندی کندینه سوکوب صایور ، یوصروقلرینی دیواره اوزیوردی . کندیسنك یوزندن بوا یکی ارککک بربرینی ییه بیله جکاری ملاحظه سیله بوتون وجودینه رعشه لرکلیوردی . قوپو او یله بر آدمی که ایجابنده لانتیه نك اوستنه مقاصله صالیدردی . اونلر بوجیع بحث اوزرنده کوروشوب طورورلرکن اوتوده صالحه لر کولای اوجانلرک اوستنده طاتلی بر کورواتو ایله پیشیورلری . طانه ایله طوموز اُتَنك نه حالده اولدقلرینی آ کلامق ایچون مادام قوپو بونلرک قاپاغنی قالدیردیغی زمان تجره دن ختلف بر کورواتو ، اُتلرک تتره مسندن متولد بر سس ایشیدیلیوردی . بر آره لق اُت صوینك پیشوب پیشمه دیکنی طاتمق ایچون هپ برر فنجان آلوب ایچدیله . الحاصل بازار ایرتسی کلدی . ژروهمز اون درت دعوتلی بی اوطورته جق یر بوله مامقدن اندیشه ایدیوردی . يمك سفره سنی دکانه قورمغه قرار ویردی . صباح ایرکندن قالقهرق اُلنده بر مترو ایله ماصه نك یری تعینه اوغراشدی . يمك سفره سنه یر بولا بيلمك ایچون چاشیرلری قالدیرمق ، تزکاهی بوزمق لازم کلدی . ذاتا تزکاه يمك ماصه سی وظیفه سنی وره جکدی ، بونك ایچون تزکاهك آلتنه باشقه دستکار قونولدی . اونلر بو تلاش ایچنده ایکن دکانه بر مشتری کلدی ، جمعه دن بری چاشورلرینی آله مادایغندن شکایت ایده رك ژروهمزه چیتیشمغه باشلادی . مشتری یه قارشى بو قدر صایغیسزاق اولورمی یا ، او همان شیمدی چاشیرینی ایستیوردی . ژروهمز عذر دیله دی ، آچیقندن آچیغه یالان اویدوردی ؛ قباح کندیسنده دکلدی . بو کون دکانده نك باشنه ایدی ، ایشیجیلر آنجق یارین کله جکلردی . الحاصل مشتری بی تسکین ایتدی وایرتسی کون ایلک ایشی کندیسنك چاشیرلریله اوغراشمق اوله جغنی وعد ایده رك صاودی . مشتری چیقنجه آرقه سندن پیس پیس سویله نمکه باشلادی . مشتری یه قالسه انسان بر لقمه اکمک یمکه بیله وقت بولدمایه جق ، آرتق شونك بونك کیفی برینه کلسون دییه انسان کندینی اولدوره جک دکل آ... صانکه اصناف اولدیلسه مشتری نك خدمتده مطلقا کوپک کبی چالیشملی می ؟ بو کون اونك اکلنجه کونیدر ، دکل او یله علی العاده مشتریله ، حتی تورک پادشاهی کلسه ده بر یقه اغه یوز بیک فراتق ویرسه ینه آله آمازدی .



بازار ایرتسی کونی اوکلەدن اول ، هپ اکسیکاری مبايعه ايله وقت کچیردی .  
 ژروەز بونک ایچون اوچ دفعه چارشى به کیتدی و هر دفعه سنده قاطر کبی یوکلای  
 دوندی . دردنجی دفعه سنده شراب ایصارلامق ایچون چیقه جنى صیره ده پاره سی  
 یتیشمه یه جکنى اکلادی . واقعا شرابی بورجه تدارک ایتک ممکندی ؛ انجق بیلنمز ،  
 بیک درلو مصرف چیتار ، انسان بش پاره سز دورەماز آ... قاش آناسیله ایکسی  
 باش باشه ویرمکی ، دوشونیورلر ، حساب ایدیورلر ، صیقلیورلردی . یکرمی فرانق  
 قدر بر پاره یه احتیاج واردی . بونی نرەدن بوللی ؛ وقتيله باتنیول سوقاغنده  
 اوافق بر آقتریسک یانده خدمتچیاک ایتش اولان مادام قوپو امنیت صندوغنه برشی  
 رهین ایدهرک پاره آلمی تکلیف ایتدی . ژروەز کنیش بر نفس آلدی ، یوزینه  
 نشئه کلدی . لکن حقیقه نه برسم شی ایتش ! دمندن بری ناصل اولدی ده  
 بونی دوشونهمدی ؛ درحال سیاه ایک فیستانی بر حاولویه صاره رق مادام قوپونک  
 اوکلکی آتنه ایکنه لهدی . نظر دقتی جلب ایتهمک ایچون یورورکن قارشى دیم  
 دیک طوتمنی ندیه ایتدی . قومشولرک برشی سزملرینی ایسته میوردی ، هم نه لزوم  
 واردی ؛ مادام قوپو امنیت صندوغنه کیتمک اوزره سوقاغه چیقنجه کنیدیسه ده  
 دکانک قاپوسی اوکنه کلهرک اختیار قادینک تعقیب اولونوب اولونما دینى ترصده  
 قویولدی . انجق مادام قوپو کومورجینک دکانی اوکنه هنوز وارمەدن  
 ژروەز سسلەندی :

— آنه ، آنه !

مادام قوپو دوندی ، ژروەز پارماغندن نشان حلقه سنی چیتارهرق :

— بونی رهنه قویکیز ؛ دیدی ، هم دها فضله ویربرلر .

مادام قوپو نشان حلقه سی مقابله ده یکرمی بش فرانق کتیرنجه ژروەز سونجیندن  
 اوینایوردی . آرتق قیزارتمه ايله برابر ایچمک ایچون آلتی شیشه شراب ساتین  
 آله جقدی . لوریولر حسدلرله پاتلايه جقلردی .

اون بش کوندن بری قوپو ايله قاریسنگ بوتون دوش-وندکاری بو ایدی :  
 لوریولری قهر ایتک ! قاری قوجه ، بوایکی جنس بربرینی بولشلردی . ای بریمک  
 یاپدقلزی زمان صانکه چالمش کبی اوطه لرینه قاپانه رق یرلردی . اوت ، اوطه لرینه  
 قاپانیرلر ، ایچری ضیا کیرمسین وهرکس اونلری اویقوده ظن ایدهرک زیارتلرینه  
 کله سون دییه پنجره یی بر اورتو ايله قاپاتیرلر ، برکله بیله سویله مه دن متصل  
 طیقینلردی . حتی نه یدکاری بللی اولماسون دییه کمیکاری ایرتسی کون بیله سوپرونتیلکه  
 آتمازلردی مادام لوریوبونلری تاسوقاغک اوجنه کوتوره رک اوراده لغم لک دلیکنه



دو کردی. بر صباح ژروه زاونی، استریدییه قابوقلری طولوسپتتی بوشانتیرکن کورمشدی. بوتون یوحیله کارلقلر هرکس اونلری فنیر ظن ایتسون دیه یاپیلیوردی. قورپوایله قاریسی بو چنکانه لره بردرس ویرمک، هرکسک کندیلری کبی پینتی اولادیغنی کوسترمک ایست، یورلردی. قابل اولسه ژروه ز سفره ماصه سنی سوقاغه قوره جق کلوب کچنلرک هپسنی دعوت ایده جکدی. پاره برطرفه آتیلوب کوفله تیلین دیه بارادلامشدر. اونک لطافتی میدانه چیقمسند، پاریل پاریل پارلامسنددر. ژروه زله لوریولر آراسنده بونقطه دن او قدر فرق واردی که اوته کیلر فقیر کورونمکن خوشلانقلری حالده ژروه زه کیده سند، برفران بولوندیغنی کونلر ایکی فرانفی وارمش کبی کورونیوردی.

ژروه زله قاش آناسی، ساعت اوچه طوغرو هم یمک سفره سنی قوریولر، همده لوریولرک بختی ایدیولرلردی. دکانک انچریسی کورونسون دیه جامکانه بویلی بونجه برپرد، آصمشلردی آنجق هرا صیجاق اولدیغنی انچون دکانک قپوسی آچیق طورییوردی. سوقاقدن کلوب کچنلر یمک ماصه سنی کوریولردی. ایکی قادین ماصه اوستنه برصراحی، برشیشه، بر طوزلق قویدجه لوریولری ایمائاً فنا برشی سویلیولری. سفره نه اونلرک یرینی اریله تعین ایتشلردی که بر باقیشده ماصه نك بوتون کوزللسکنی کوره بیله جکلردی. یوره کلرینه ایتسون دیه پورسلن طباق طاقلرینی اونلره قویمشلردی. بر آرهلق ژروه ز اعتراض ایتدی:

— خایر خایر، اونلرک طباغنه او حاولولر اولماز، بنده ایشلمه لی آیی حاولو وار، اونلری قویه جغم.

اختیار قادین بوفکری تصویب ایتدی:

— حقک وار، اونلری قوی ده قیصقانجلقلرندن پاتلاسونلر!

کولوشدیلر. شیمدی کلین قاش آنا، بیاض اورتولو بر ماصه نك برراوجنده طورهرق یان یانه قویدقلری بو اون درت طباغی سیر ایدیولرلردی، غره وردن کوکسلری قابارییوردی. دکانک ایچنده بوماصه، طبقی کلایسالدی کی سوسلی محرابلره بکزییوردی.

ژروه زینه آتوب طومغه باشلادی:

— حقیقه چوق چنکانه شیلر: هانی کچن آیی مادام لوریولر بر آتون کوستکی

کوتورورکن برپارچه دوشورمش دیه برشایعه چیقاردی ایدی، بویالادی. هیچ اوقادینده آتون کوستک دوشوره جک کوز واری؟ مقصد هرکسی صیقنتی ایچنده اولدقلرینه قاندرمق، کندیلرینه آجیندیرمق، او آیی سزه بش فرانفی ویرمه مکدی.



... ذاتاً شیمدی به قدر طوپی طوپی ایکی دفعه تعهدلرینی طوتدیلر .

... مجته کیریشیرم : کلجک آی بریلان دها اویدوره جقلر ، ینه ویرمیه جکلر .  
 اولرینه برپارچه طاوشان آتی آلدقلری زمان نجره لرك برده سنی چین قاپادقلری ده  
 یوندن آکلاشیلیر . اووقت کیتلی ، « مادام که کندیکزه طاوشان صاتین آله جق قدر  
 پاره کزووار ، او حالده آنه کزه آیده بش فرانفی پک اعلاویرد بیایر سکز » دیملی . آما ،  
 فنا اخلاقی انسانلر ! بن سزی یانمه آما یا ایدم الله بیلیر حالیکزه اوله جقدی !  
 مادام قوپو باشنی صاللا دی . او کون ضیافت مناسبتیه کندیس ده قیزيله دامادی  
 علیه آتش پوسکوریوردی . مطبخده وقت کچیرمک ، نجره اطرافده دیدی قودی  
 یامق ، اکلنجه کرلرنده بر اوك ایچنی آلت اوست کورمک بایلدینی شیدی .  
 اساساً ژروهل آروس فنا دکلدی . مع مافیه بعض کونلر اکثری عائله لرده اولدینی  
 کبی بوکلین قاشن آنانک ده آره سی آچیلیر . اووقت اختیار قادین میربلدانیر ، کلینک  
 آنه قالدیغندن طولای سوله نیردی . نه ده اولسه مادام لوریویه قارشنی قابنده آیری  
 بر محبتی واردی ، چونکه او ، خالص قیزی ایدی .

ژروهل تکرار ایتدی

... اونلرک اوند قالسیدیکز بو قدر شیشمانلایه بیلیرمیدیکز ؟ اوراده نه قهوه  
 نه بوتون ، نه طاتلی ، هیچ برشی یوق . بوراده کی کبی آلتکه ایکی شیلته  
 قویارلرمیدی سوله ؟

... نه کزدر ! شیمدی بورایه کلدکلری زمان تام قاپونک اوکنده طوره جقم .  
 باقیم نه حاله کیره جکلر ... قیزی ایله دامادینک نه حاله کیره جکلرینی دوشوندرک  
 شیمدین حظ طویوردی . مع مافیه سفره نك قارشیدنه کچوب ساده جه باقینمق ده  
 اولمازدی . مطبخک بوتون اوجانلری ضیافت یمکلرینی پیشیرمکه تخصیص ایدلشدی .  
 ضیافت ایچون حاضرلانا طباقلری کیرله تمک ده ایدته میورلردی . بناء علیه صوئوق  
 بعض شیلرله او کون اوکله یمکنی کچ وقت یدیلر . ساعت درنده هر ایکی قادین او  
 قدر مشغول ایدیلرکه باشلرینی قاشیه جق وقتلری یوقدی . آچیق طوران نجره نك  
 یاننده ، دیواره دایالی بر مانغالاک اوستنده قازی قیزارتیورلردی . حیوان او قدر  
 ایری ، او قدر سمیز ایدی که طاویه زورله کیرمشدی . شانی اوغوستین کنارنده  
 اوافق بر اسکمله یه اوطورمش ، مانغالاک قیزغین آتشی یوزینه اورهرق اوزون  
 صاپلی بر قاشیه قازک اوستنه صالحه قویوردی . ژروهل بزیله یی حاضرلامتله  
 مشغولدی . اختیار مادام قوپو بوتون بوکرولتولر آره سنده نه یاپه جفنی شاشیرمش  
 طانه و طوموز یخنیلرینی تکرار ایصتمق ایچون آتسه قویه جفی زمانک حلولنه انتظاراً  
 طولاشوب طوریوردی .



ساعت بشه طاوغرو مسافرلر برر برر گلگه باشلادیلر . ایلک اوکجه قله مانسله  
 مادام بونوا کلدیلر . ایکسیده بازار کونلرینه مخصوص اثوابلری کیمشلردی .  
 قله مانسک آرقه سنده ماوی ، مادام بونواده سیاه بر البسه واردی . قله مانس آنه  
 بر عطر چیچکی ، مادام بونواده بر هیلاتروب آلمشدی . اونلر ایچری کیردکلری  
 زمان ژروهزک آللری اونلی ایدی ، اونک ایچون قوللرینی آرقه سنده کوتوره رک  
 ایکسینک ده یاناغندن اوپدی . آرقه دن ویرژینی کیردی . آرقه سنده باصقی ایله ایشلنمش  
 موسلیندن بر اثواب ، بر اوموز آتقیسی ، باشنده بر شاپقه واردی . طور دینی  
 او ژروهزک اوی ایله قارشى قارشى اولغله برابرینه ویزیتیه کیدن کبار قادیلر  
 کبی کینمش ایدی . هدیه اوله رق بر صاقسی قرصی قرنفل کتیرمشدی . ژروهزی  
 ایری قوللرینک آره سنده آله رق حرارتله قوجاقلادی . بوندن صوکره آئنده بر  
 صاقسی هر جائی منکشه ایله قاپوجی بوش ، و برره زه و صاقصیسیله مادام بوش کلدی .  
 ده ها صوکره مادام لوران بر صاقصی اوغل اوتی ایله کتیردی .  
 صاقصینک ایچنده کی افلاطون رنگلی یو کدن معمول اثوابی کیرله تمشدی .  
 بوتون بودعوتلیلر بر برلریله اوپوشیورلر ، اوچ اوجاق و برمنغالدن چیقان و بوغیچی  
 بر حرارتله ایصینان اوطه نک ایچنده کومه لر تشکیل ایدیورلردی . تجره لده پیشن  
 یمکارک کورولتوسی آره سنده بر برینک سویله دکلی ایشیده میورلردی . بر آره لق .  
 ایچلرندن برینک اثوابی قیزارتمه طاواسنه ایلدشه رک ایچه تلاشینی موجب اولدی .  
 قازدن او قدر کسکین بر قوقوانتشار ایدیوردی که مسافرلرک برونلرینی شیشیریوردی .  
 ژروهزغایت نازکانه بر طرزده هرکسه کتیردیکی هدیه دن دولایی تشکرلر ایدیوردی .  
 بر طرفندن ده چقور بر طباق ایچنده یخنینک صالحه سنی حاضر لایوردی . مسافرلرک  
 کتیردکلری صاقصیلری ، اطرافلرنده کی بیاض کاغدلری بیله چیقارمه دن ، دکانک  
 ماصه نک بر اوجنه قویتمشدی . یمک قوقوسیله برلکده شیمدی طاتلی بر چیچک  
 قوقوسی ده طویولیوردی .

بر آره لق ویرژینی ژروهزه صورتی :

— بزده یاردم ایدلمی ؟ دوشونک بر کره ، اوچ کوندن بری حاضر لامغه  
 اوغراشدیغکز یمکلری بر بر اوطوروشده تمیزله یه جکز .

— تک باشمه اولسه یدم یاپه مازدم ... مع مافیه شیمدی اللرکزی کیرله تمکه  
 لزوم یوق ؛ ذاتاً کوریورسکز آ ، هرشی حاضر در ، برچوربانک پیشمسی قالدی .  
 بونک اوزرینه صویونوب دو کونه رک راحت اوطورمق ایچون قادیلر اوموزلرندن  
 آتقیلری ، باشلرندن شابقه لرینی چیقارهرق یاتاغک اوستنه قویدیلر . کیرله تمه سین



ديه فيستانلريني قالد بره رق طويل ايكنه ايله طوتديرديلر . ياك وقتته قدر بئانك  
 قاپوسنى بئكه مك اوزره قارىسنى اوطه يه كوندرمىش اولان بوش ، قله مانس صوبانك  
 بر كنارينه صيقىشديرمش ، غيديقلا نوب غيديقلامادىغنى صوريوردى . قله مانسى  
 كولمكدن قاتيلور ، قيريلوب دو كوايور ، كوكسى قورسه سنك ايچندن چاتلايه جق  
 كى اوليوردى . غيديقلاما نك لاقيردىسى بيله اونك وجودينه تترمه ويرىوردى .  
 اوتكى دعوتلير ياك پيشيره نلى راحتسىز اتمه مك ايچون دكان طرفنه كچديلر .  
 واوراده آرقه لرينى دواره طيايه رق آره ده كى آچىق قاپودن قونوشمغه باشلاديلر .  
 آنجق بويله قارشيدى قارشى يه بربرينى ايشيده مدكارى ايچون ايكيده بره پ بردن حايقيريشه رق  
 ياك پيشريلن اوطه يه قوشيورلردى . ژروه ز ، اوستندن دو مانلر چيقان اوزون صابلى قاشيغى  
 آلدن ، او قدر مشغول ايدى كه بونلره جواب ويرمكى اونوتىوردى . كولوشيورلر ،  
 يوكسك سسلره قونوشيورلردى . ويرژينى ، معدىنى بوضيافته حاضرلامق ايچون  
 ايكي كوندن برى آغزينه برلوقه قويمايدىغنى ، قله مانس ده اوكون صباحلين انكليزلر  
 كى ات صوبى ايله اشتها سنى كسكىنلتمديكى سويله دى . قاپوجى بوش ، يذيلن  
 عكارى هضم ايچون بر چاره آكلادى : بو چاره هر طاباقدن صوكره كيدوب قاپو  
 آرقه سنه كندى صيقىشدىرمقدن عبارتدر . انكليزلر بويله ياپارلرمش ، بو صورتله  
 انسان معدىنى هيچ يورمه دن اون ايكي ساعت متمادى ياك ييه بيليرمش . معلوم آ  
 انسان بريره دعوتلى اولونجه ، نزاكت ايجابى ، چوق يلىدر . بوتون بوطانه ، قاز ،  
 طوموز اتلرى اوده كى كديلر ايچون حاضرلامادى يا ... هر حالده ژروه ز قساوت  
 چكمسون : سفره يه كلن عكارى اويله بر ييه جكار ، اويله تميزله يه جكار دى كه اباقلرى  
 ييقامغه بيله لزوم قالمايه جقدى . دعوتلير بر طرفدن ده تخره لرى ، طاوه لرى قوقلايه رق  
 اشتها لرينى آرتدیرمغه باقيورلردى . قادينلر بر آره لق كنچ قيزلر كى اوينا شمغه  
 بربرينى ايتوب قاقه رق اوطه دن اوطه يه قوشمغه باشلاديلر ، بويله قوشوشوركن  
 دوشمه لرى صارصيورلر ، فيستانلرينك ياپدينى روزكارله مطخك قوقولرينى هر طرفه  
 ياييورلر ، كوليورلر ، باغريشيورلر ، اورته لنى آلت اوست ايدىيورلردى . آره لقه  
 طوموز اتى طوغرايان اختيار مادام قوپونك ساطيرندن چيغان سسى ايشيدىليوردى .  
 اونلر بويله قوشار ، كولر ، اوينا ركن قاپودن ايجرى غوژه كيردى . قوللرى  
 آره سنده قوجامان برياض كل آغاجى واردى . بونفيس آغاجك ساقى تا يوزينه قدر  
 چيقيور ، چيچكلى صارى صاقا چ قارشىيوردى . غوژه جسارتسزلكندن بردرلو  
 ايلريله يه ميوردى . ژروه ز ، اوجاگك حرارتندن يوزى قيب قيرمى كسيلمش اولدينى  
 حالده ، اوكا طوغرو قوشدى . غوژه كل صاقصيدىنى ناصل ويره جكنى ده



بىلمىوردى . نىھايەت ژرودىز ئالنى اوزاتەرق ساقىيىنى آلدى ؛ غوژە ژرودىزى قوجانلامغە جىسارت ايدەمەيەرك سادەجە ككەلمە نۇغىدىن بىر قاچ سوز سويلەمكە ا كىتفا ايتدى . بونك اوزرىنە ژرودىز پارمىقلىرىنىك اوجنە باصوب يوكسەرك ياناغنى غوژەنىك دوداقلرىنە كىتىردى . غوژە اوقدر حىلجان ايچىندە ايدى كە ياناغنى اويەجك ىردە تىلاشدىن كوزىنى اوپدى . ھىم اوقدر خىزلى ايدى كە كوزى چىقە جەقدى . بوبوسە ايچىندە ايكىسنىك دە وجودىنە بررەشە كەلشدى .

ژرودىز ، غوژەنىك ھەدىەسىنى اوتەكى ساقىيلرك يانە قويدى : بوھدىە ھەپسى باصدىرەمشدى .

— اوح ، موسيو غوژە نىھە بوزجەت ؟ ھەدىە كىز لزومىدىن فضلە كوزل ...

غوژە بونكە جەواب وىرەجەكى سويلەيور ، سادەجە :

: آمان جانم ، ھىيچ برشى دكل .

دىيوردى ، برمدت صوكرە كىندىنى طوپلايەرق كىنىش برنفس آلدى . والەسنىك كەلمەيەجەكى سويلەدى ، ىنە آغرىلىرى طوتەمشدى . ژرودىزك بونكە جەنى صىقىلدى . ژرودىز قاز قىزارتەسىندىن مادام غوژەيە برپارچە آيىرەجەنى سويلەدى ، مادام غوژەنىك دە بوقازدىن ىمىنى پك آرزو ايدىيوردى وبوتون دعوتلىلر كەلشدى . قوپو اوكلە ىمكىندىن صوكرە پواسسونە اوغرايەجق ، اونى آلوب برلكە كەجەكدى . بوايكىسى ھەنوز مىدانە يوقدى . كىم بىلىرىنە ھەنكى قالدىرىمە طولاشيوردى ؟ مەمافىە ساعەت آلتىدە كەجەكلىرى ايچون نردە ايسە كورونورلردى . چوربانك پىشمىسى دە بىتمك اوزرە ايدى . ژرودىز مادام لورانە سىسلەنەرك لورىولرە خبر وىرمك زمانى كەلدىكى سويلەدى . بونك اوزرىنە مادام لورانك سىماسەنە بر جەدىت كەلدى . چونكە ايكى عائلەنىك آرسىنى اوبولەمشدى . ھەن شاقەسىنى كىدى ، آنقىسىنى اوموزىنە آلدى ، اھمىيتلى بروضىت طاقينەرق ، دىم دىك برىورىشلە ، چىقەدى . ژرودىز ، چوربانك شەرىەلرىنى قارىشىدىرمەقلە مشغولدى ، ھىيچ آغزىنى آچىيوردى . بوتون دعوتلىلر ، بردن جەدى برطور آملشلر ؛ كمال رەسمىتە بىكلەشيورلردى .

دىركن مادام لوران كوروندى . درەھدە ايتدىكى وظىفەيە دەھە فضلە شاتافات وىرمش اولق ايچون سوقاغى طولاشمەشدى . دكانك قاپوسىنى بر آلىلە تا آرقەسەنە قدر آچدى ، او ائنادە مادام لورىو ايكى اثوابىلە اشىكلە اوزرىندە كوروندى . بوتون دعوتلىلر آياغە قالقەدىلر ؛ ژرودىز ايلرىلەيەرك اولدىن قرارلاشىدىنى وھەلە ، كورومجەسىنى اوپدى ، عىنى زمانە :



هایدی کیریگز ، دیدی ، آرتق اولان اولدی ، بوندن صو کره طاتلی طاتلی کچینیر بر .  
مادام لوریو مقابله ایتدی :  
— انشاءالله هپ بویله کیدر .

مادام لوریو کیرنجه آرقه دن قوجه سی کوروندی ، بکلوردی که ژروه زکوب  
کندیسنی ده اوپسون ، اوندن صو کره دکانه کیره جکدی . قاری قوجه ، هیچ بری  
چیچک کتیرمه مشلردی . طوپال قاری ایله باریشمغه راضی اولوب ده  
ایلک اوکجه کندیلری اونک اویینه کیتدکلری زمان فضله اوله رق  
برده چیچک کوتوره جک اولورلرسه اوکا بوسبوتون بویون آکش اوله جکلردی .  
ژروه ز اوغوستینه سسله نهرک شراب کتیرمسی سویلدی . ماصه نک بر اوچنده  
طوره رق شرابی قدحله بوشالتدی ، دعوتیلری چاغیردی . هرکس بر قدح آله رق  
عائله آراسنده حسن آمیزشک دوامی شرفنه ایچیلدی . هپسی صوصمشر ، شرابلری  
ایچیورلردی . قادیلر دیرسکلرینی بوکهرک برحمله ده قدحلرینی بوشالتملردی .  
قاپوچی بوش دیلنی شاپیرداته رق :

— اوح ، دیدی ، یمکدن اول برقدح شراب ایچمک قدر کیفلی شی اوله ماز .  
معدیه شراب آتمق البته که آرقه یه برتکمه یمکدن اییدر .  
اختیار مادام قوپو ، لوریولرک نه حاله کلدکلرینی کورمک ایچون تام قاپونک  
قارشیدسنده اخذ موقع ایتشدی . بر آره لق ژروه زی آتکندن چکهرک دیبده کی  
اوطه یه کوتوردی . شیمدی ایکسی بردن ، چوربا تجره سنک اوکنده باش باشه  
ویرمشر ، آچاق سسله تلاشلی تلاشلی قونوشیورلردی .

— اماده آچ کوزلی شیلر ! سز کورمدیکز اما ، بن هر حالرینه دقت  
ایدیورم . قادین سفره یی کورور کورمن یوزی چارپیلدی . آغزینک کناری  
تا کوزلرینه قدر اوزادی . قوجه سنه کلنجه ، اوده آزدلدی بوغله جقدی ، اوکسوروکی  
طوتدی . باق باق نه حاله کلدیلر؟ آغزلرنده توکوروک قالمادی . دوداقلرینی ییه جکار... ،  
ژروه ز میریلدانه نوعندن :

— یازیق ، دیدی ، بودرجه حسود انسانلر کورمک نه فنا شیدر .  
فی الحقیقه لوریولرک سیاسنه برتخفلق کلشدی . کرچه هیچ کیمسه آباق آلتنده  
قالمق ایسته من . باخصوص برعائله ایچنده بعضیلری یوکسه له جک اولورسه اوته کیر  
حدتن قودورورلر ، بوده طبیعی برحالد . انجق بونی آچیغه اورمق طوغرو دکل ،  
انس-ن بویله زمانلرده حسیاتی کوسترمه مکه چالیشمی . قیصقانجلی میدانه چیقاروب  
هرکسه کولونج اوله نک معناسی وارمی یا؟ حالبوکه لوریولر ، قیصقانجکلرینی کوسترمه مک  
الارندن کلیور ، کوزلری دونیور ، دوداقلری چارپیلیور . ایشی او قدر آچیغه



اورییورلر که هر کس اونلره باقیور، عجباً راحتسزلرمی دییه هر کس بر برینه سور و -  
شدیریور. مادام لوریو چیچکاری کورمه مک ایچون کوزلرینی یره ا کهرک سفره نك  
اطرافنده طولاشمغه باشلادی. کیزایچه آلیله سفره اورتوسنی یوقلادی. اورتونك  
یکی اولسنه بر درلو تحمل ایده میوردی.

نهایت ژروهز، قولاری چیپلاق، متبسم، قیصه صاریشین صاچلری شقاقلرینك  
اوزرنده اوچوشه رق کوروندی:

— هرشی تمام!

دیدی. دعوتیلر سفره اطرافنده، آیاقلرینی یره اوره رق تینیورلردی.  
هپسك قارنی آجیقمشدی. خفیف خفیف اسنه یورلردی، بکله مکدن جانلری صیقلامشدی.  
ژروهز:

— قوجه م کلیر گلز یمکه باشلارز.

دیدی. مادام لوریو اعتراض ایتدی:

— اویله یا، چوربا صوغویه طورسون. قوپو هپ بویله در، اونوتور.

بو کون اونی طیشاری براقاملیدی.

ساعت آلتی بچمه کلشدی. یمکار یانیور، قاز فضله پیشکین اویوردی. فنا  
حاله جانی صیقلامغه باشلایان ژروهز سوقاغه برینی کوندروب قوپوی اراغنی  
تکلیف ایتدی. بلکه میخانه ده ایدی. غوژه بو وظیفه یی درعهده ایتدی، ژروهز  
یرلکده کیده جکدی. قوجه سنی صراق ایدن ویرژینی ده اونلر درفاقت ایتدی. شیمدی هر  
اوپچی، باش آجیق، قالدیرمکن کیدیورلردی. غوژه، آرنه سنده ردینغوتیله، صول قوانی  
ژروهزه. صاغ قوانی ویرژینی یه ویرمشدی. کندی تعبیری وجهله ایکی قولپلی سبت  
اولمشدی. بوتشبهدن او قدر خوشلانمشلردی که کولمکدن قیریلیورلردی. قصابك  
دکانی اوکنه کلدکلری زمان ایچرده کی آینه یه باقدیلر و کندیلرینی کورونجه برقات  
دها کولوشدیلر. سیم سیاه ردینغوتلی غوژه نك ایکی قولنده، فله مانس اوزری پنبه  
کل ایشلمه لی موسلین توالی، ویرژینی ماوی نقطه لی بیاض بسمه دن اثوابی، چیپلاق  
بیلکاری، بویننده کول رنگی ایپکدن اوافق قراواتیله، ایکی قوقوتی آ کدیریورلردی.  
اونلر بو آیلق حزیران آقشامنده، پوواسسونه جاده سنی طولدیران ازدحامی ایتوب  
قاقه رق، تروتازه، شن وشوخ کیدرکن کلوب کچنلر طوره رق اونلره باقیورلردی.  
فقط آلايك صیره سی دکلدی. هر میخانه نك اوکنه کلدکجه قاپودن باشلرینی اوزاته رق  
ترکاهه باقیورلردی. بوملعون قوپو بر قدح راقی ایچون شانزه لیزه یه می کیتدی  
عجبا! اساساً سوقاغی باشدن باشه طولاشمشلردی. اریك راقیسیله معروف اولان  
پوتیت سیوهب میخانه سنه، اوجوز اورلتان شرابی صانان با که میخانه سنه، اکثریا



آراجیلرک دوام ایتدکلری پاپیون میخانه سنه اوغرادیلر . هیچ بریرده قوپوی بوله مادیلر .  
بولواردن آشاغی کلیورلردی . گوشه باشنده فرانسونک لوقنطه سی اوکنندن کچرلرکن  
ژروەز خفیف برصیحه قوپاردی . غوژە سوردی :

— نه اولدی ؟

ژروەز آرتق کولیوردی . هیچاندن یوزی بم بیاض اولمادی . آر قالدی  
دوشه جکدی . ویرژینی لوقنطه نك ایچنده برماصه باشنده راحت راحت یمکنی یه  
لانتیه یی کورور کورمن ژروەزک قوپاردینی صیحه نك معناسنی درحال آکلادی .  
ایکی قادین غوژە یی سوروکله یه رک اوزاقلاشدیلر . ژروەز سوز سویله یه بیله جک  
حاله کلنجه :

— آیاغم بورقولدی ده اونک ایچون . .

دیدى . نهایت سوقاغک تا آشاغیسنده ، بابا قولومبک آسسوموار میخانه سنده  
قوپو ایله پوواسسونی بولایلر . اطرافلرنده بریغین انسان واردی ، آیاقده طورییور-  
قوپو ، کول رنکی کوملیکیله ، باغیروب چاغیریور ، آرەده صیره ده بومروغیله  
ترکاهه اورییوردی . اوکون اذنی اولان پوواسسون کستانه رنکسده اسکی بر  
پالطو کیمش ، صولغون وساکت برسما ایله اونى دیکلور ، ایشتدیکی سوزلردن  
بییغنک صاقلانک قیرمزی تللری دیم دیک طورییوردی . غوژە قادینلر قالدریمک  
اوستنده براقه رق میخانه یه کیردی وایله قوپونک اوموزینه طوقوندی . قوپو آرقه سنی  
دونه رک قالدریمده ژروەزله ویرژینی کورونجه جانى صیقیلدی . بوقادینلرده بردن  
چیقیدیلر ؟ شیمدی ده بونلرک تعقیبنه می معروض قله جقدی ؟ حالا بربره کیتیمیه جک ،  
شورادن قیملانمایه جقدی . کیتسونلر یمکلرینی کندی باشلرینه یسونلر ... غوژە  
اونک حدتی تسکین ایچون مجبوراً برقدح ایچدی ، بونکله برابر عنادینه ترکاهک  
اوکنده بش دقیقه دهآ آق سورتدی . نهایت میخانه دن چیقنجه قاریسنه خطاباً :  
— باق بوکا کلهم ، دیدی ، نره سی ایشمه کلیرسه اوراده قالیرم آکلادکی ؟

ژروەز مقابله ایتهدی . بوتون وجودی تتره یوردی . آکلایشیلان قالدریم  
اوستنده یالکیز قالدقلری زمان ویرژینی ایله برلکده لانتیه یی قونوشمشلردی . فی الحقیقه  
ویرژینی قوجه سیله غوژە یی اوکه سورهرک کندیسی ژروەزله آرقه دن یورومکه  
باشلادی . بر آز صوکره ارککلرک یاننه کلایلر . مقصدلری قوپوی لافه طومق ،  
اطرافنی کورمسنه مانع اولمادی . قوپو چاقیرکیف ایدی . اونى ایچکیدن زیاده باغیروب  
چاغیرمسی سرسم ایتشدی . اوته کیلر صول قالدریمدن کیتمکی ایسته دکاری حالده  
قوپو محضا اونلره معذبلاهی ایتمش اولق ایچون صاغ قالدریمه کچدی . قادینلر تلاشه  
دوشدیلر وقوپو لوقنطه نك ایچنده لانتیه یی کورمسون دییه قاپونک اوکنه کلهرک



سپر اولدیله. فقط قوپو لانتیه نك اوراده اولدیغنی بیلوردی. چونکه قاپویه یاقلاشجنه حدتلی حدتلی سوبله نكه باشلادی :

— اوت تلاش ایدیورسك ، چونکه ایچریده طانیدقلمزدن بریسی وار . بنی آحق می صاندك. سن کیدرکن بز کلیوردق ، آکلادکی ؟  
برقاج چیقلاق سوزدها سوبله دی : مکر بو سوپروتی قادین ، اُنك اونیه ، دیرسکاری هواده ، بویله سوقاقلره چیقماقدن مقصدی کندیسنی آرامق دکل ، اسکی عاشقنی کورمك ایش . قوپونك ذهنندن بویله بر ذهاب کچنجه لانتیه یه قارشى قلبنده بردن چیغنجه بر قودوزلق حس ایتدی . حیدود ، سفیل حریف ! خایرخایر ، بو آقشام ایکیسندن برینك لشی قادیرمه سریللی... قوپو بویله سوبله نیرکن اوتوده لانتیه ، قوزی قولاغیله پیشمش طانه یخنیسنی راحت راحت بیوردی . امارافدن خلق بریکمه باشلادی . نهایت ویرژنی زورلایه رق قوپوی چکدی کوتوردی . گوشه باشی دوتر دونمز قوپونك حدتی کچمشدی . اوه دونسونده ، اما صباحین چیقادینی قدر نشن شاطر دونمه به جکمش زیان یوق .

دعوتیلر سفره اطرافنده ، صورت آصمش بکله یورلردی . قوپو ، قادینلرک اوکنده تحف اوضاع ایله اکیاوب بوکوله رک هرکسك الی صیقدی . ژروه زک نفسنه بر طیقانیقلى کچمشدی ، قیصیق بر سسله قونوشه رق دعوتیلره یرلرینی کوستریوردی . بو اثناده مادام غوژهنك کچمه سی اوزرینه دعوتیلرک عددی اون اوچه اندیکنی کوردی . مادام لوریونك یاننده کی یر بوش ایدی .

بون برمدنن بری کندیسنی تهید ایدن فلاکتک یکی بر علامتی دییه تلقی ایدهرک پک تلاشه دوشدی :

— اون ایکی کشی بز !

دیدى . قادینلر بوکا جانلری صیقیلدی . هپسی بردن اوطوردقلری اسکمله لردن تلاش ایله قانقدیلر مادام پونووا چیقوب کیتمك ایسته دی ، چونکه اونك نظرنده بو شاقیه کلیر شیلردن دکلدی . اساساً قالسه ده یمکه آل سورمیه جکدی ، چونکه بو ممکن خیر کله یه جکنی بیلوردی . قاپوجی بوش آلاى ایتکه باشلادی . اوکا کوره دعوتلرک اون درت اولقدن ایسه اون اوچ اوللری ده ائی ایدی ، اووقت آدم باشنه دها بویوک پارچه اصابت ایدردی .

ژروه ز مداخله ایتدی :

— طورکنز ، بن شیمدی بر چاره بولورم .

وطیشارییه چیقهرق او آره ق جاده دن کچمکده اولان بابا برونی چاغیردی . اختیار عمله ، ایکی قات بویله ، کهریلش وساکت سباسبیله ایچری کیردی .



— بویورکنز بابا برو ! بوکیجه بزمله برابر یك یهکی قبول ایدرمیسکیز؟  
 اختیار عمله سادهجه باشنی ص-الامقله اکتفا ایتدی . البته قبول ایدردی .  
 قبول ایتکده هیچ زیان یوقدی .  
 ژروه ز سسنی قیصالتهرق :

— ها بو آدم ها باشقه بریسی ، دییوردی ، نه فرق وار ؟ باخصوص  
 بو بیچاره آدمجمنز ا کثری وقتلرینی آچ کچیریر . هیچ اولمازسه بر دفعه آدم عقللی  
 قارتی طویورمش اولور . بزده کوکل عذابندن قورتولمش اولور .  
 غوژه بوندن اوقدر متأثر اولمشدی که کوزلری یاشارمشدی . اوتکهکی دعوتلیر  
 ژروه زک بو حرکتندن رفته کلدیله . هپسی بونی تصویب ایتدیله و بابا برونک  
 سفره یه آلتمنی کندیلری ایچون اوغورلی بولدیله . یالکنز مادام لوریو اونکله  
 یان یانه اوطورمقدن ممنون کورونمور ، اوکا سورونمک ایچون چکینمور ،  
 آره صیره اونک سرتلشمش الارینه ، رنکی اوچش و پارچه یارچه اولمش منتاننه  
 مستهزیانه ظرلرله باقیوردی . بابا برو باشنی اوکنه اکمش ، طباعی اورتش حاولوبی  
 نه یاپه یغنی بیله میهرک صیقیلیوردی . نهایت قالدیرهرق ماصه نک کنارینه قویدی ،  
 بونی دیزلرینه آلفی خاطرندن کچیرمیوردی .

ژرودز شعریه چورباشنی طاغیتمغه باشلادی . دعوتلیر قاشیقلرینی آلارینه  
 آله جقلری صهرده ویرژینی قوپونک ینه اورتهدن عائب اولدیغنی کوردی . احتمال  
 ینه بابا قولومبک میخانه سنه کیمه شدی . بوکا هپسنک جانی صیقیلدی . آرتق ایسته ر  
 کلسون ، ایسته ر کله سون ، کیمسه اونک آربه سندن قوشه جق دکلدی . اکر  
 قارنی آچ دکل ایسه سوقاقلرده طولاشه بیلیدی .

چوربا بیته جکی صیره ده قوپو ایکی آلمده برر صاقصی ایله ایچری کیردی .  
 صاقصیلرک برنده شب بوی ، اوته کنده قیناچیچکی واردی . بونون سفره خاقی آل چیرپدیله .  
 اوغایت نارکانه بر ادا ایله بوساقصیلری ژروه زک بارداغنک صاغنه وصولنه قویدی .  
 صوکره اکیلهرک یوزندن اوپدی :

— هدیه کی اونوتمشدم قارچمن ؛ فقط نه زیان وار بویله برکونده نه بربرمنی سورز .  
 قله مانس اکیلهرک مادام بوشک قولاغنه فیصیلادی :

— بوکیجه قوپونک اییلکی اوستنده ... سویملی اولق ایچون نه لازمه هپسنی

یاپیور .

قوپونک بوی حرکتی بوآرملق نشئه سی قاچان مجلسه شطارت ویردی . ژروه زک  
 کوکلی راحتلاشمش ، یوزینه اسکی متبسم انشراح کلشیدی . دعوتلیر چوربایی  
 بیترمشلردی . بونی متعاقب شعریه لری بوغازدن آشاغی ایندیرمک ایچون درت پارمق



خاص شراب ایچیلدی. یاننده کی او طه دن چو جوقلرک شاماته ایتدکاری ایشیدیلیوردی. بوراده آتیهن، نانا، پواین، برده مادام فوقونیهنک اوغلی ویقتورغوقونیه واردی. اونلره آبری برسفره قورمشلر، اوصلو اوطورملرینی تنبیه ایتشلردی. اوجاق باشنده یملکره نظارت ایتمکده اولان شاشی اوغوستینده یملکینی دیزی اوستنده ییوردی. برآراق نانا حایقیردی:

— آنه، آنه! اوغوستین املکینی طاویه دوشوردی.

ژروهز قوشدی و اوغوستینی آتش کی صیجاق قاز یاغنه باطیرلش املکینی بوغازینک ایچی یانه یانه یوتمه چابالارکن کوردی. حالبوکه اوغوستین انکارایدیوردی. ژروهز اونی کوزلجه برپاتاقلادی.

صغیر اتندن صوکره طانه یحنیدی کلدی. بو قدر بویوک یملکاری قوبه جق طباقیری اولمادیغی ایچون یحنی بر صلاطه لغه قویمشلردی. دعوتلیلر بوکا کولوشدیلر. نادراً آغزینی آچان پوسسوان:

— شاقه جدیلمک اوزره

دیدى. ساعت یدی بچغه کلیوردی. محله لی ایچری یی کوزه تله مسون دییه دکانک قاپوسنی قاپامشلردی. هله قارشیکى ساعتجی، فنجان کی آچدینی کوزلریله لقمه لره اویله حرصانه باقیوردی که ممکن دکل بوغازلرندن یملک کیتییوردی. جاملره آصیلان بزده لردن هر طرفه متساویاً طاغیلان بیاض، کولکه سز برضیا دو کولیوردی. یملک سفره سی حالا انتظامی بوزولماش طباقلریله، بیاض کاغذپنه صاریلی طورنه صاقصیلریله بوصولغون ضیا سفره یه کبار برحال ویریوردی ویرژیی درت طرفی قاپالی وهریری موسلین دوشه لی بو اوطه یه باقهرق «ظریف!» دیدی. سوقاقدن هر یوک آرابه سی کچدکجه سفره نك اوستنده کی قدح لر یرندن اوینایور، قادینلر ارکک قدر قوتلی سسلرله باغیریشیورلردی. مع مافییه فضله کوه زه لک ایدلیور، هرکس تربیه دائره سنده اوطوریسیور، بوتون دعوتلیلر یکدیگرینه قارشى نازکانه معامله ایدیورلردی. ایچلرنده عمله کوملکیله اوطوران بر قوپو واردی. قوپو احباب آره سنده تکلیف تکلفه لزوم اولمادیغی فکرنده ایدی، باخصوص کوملک عمله نك اک شرفلی البسه سیدر. قورسه لری ایچنده، کنیش اوطوران قادینلرک باشلرنده اوته سنه بریسنه پوماده بولاشمش صارغیلر واردی. ارککلر ردینغوتلرینی کیرله تمه مک ایچون کوکسلرینی قانبورلاشدیرهرق، دیرسکارینی آیره رق سفره دن اوزاق طورییورلردی.

لیکن نه صالدریشدی او! لوقه لری چیکنه مکدن لاف ایتمه وقت یوقدی که... طباغک ایچی کیتدکجه بوشالیوردی. پالوزه کی تیرتیر نتره ین صاری بر صالحه نك اورته سنه برقاشیق باطیرلشدی. دعوتلیلر طباغک ایچندن ات پارچه لرینی اولایوب



چیقارییورلردی و دائماً اولانه حق برات بولونیوردی . طباق آلدن آله کنیور ،  
 هرآله آلان بر دفعه باشی ا کهرک ایچنده مانطار آرییوردی . سفره نك آرقه  
 طرفنده کی دیوارلره طیاتیلش ا کهرک برر برر آرییوردی . آره صبره لئه لر آره سنده  
 بوشالتیلان شراب قد حارینك تکرار ماصه یه قونولور کن چیقاردقلری سس ایشیدیلیوردی .  
 صالحه بر آرز فضل طوزلی قاچشدی ، بناء علیه بوغازدن قایماق کی آقوب معدله لی  
 طوتوشدیران یخنینك آتشی سوندیرمك ایچون درت لیتره شراب ایچیلشدی .  
 نفس آلمغه وقت قاله دن صیره طوموز یخنیسنه کلدی . چتور بر طباق ایچنده ، اطرافی  
 ایری پاناتسلرله سوسله نمش اولدینی حالده کتیریلن یخنینك اوستندن دومانر چیقیوردی .  
 بوتون دعوتلیلر یاغیریشدیلر . طوغروسی بو ، چوق ایی برانخابدی ژوروه زهر کسك  
 سودیکی بریمک یامشدی . بونی کورور کورمض دعوتلیلرک بردن اشتهاسی آچیلدی .  
 هرکس ییغنی ا کهرک اوستنه سیلهرک تمیزله دی ، یمکه یان کوزله باقهرق حاضرلاندی .  
 صوکره یمک طاغینجه دیرسکلر بر برینه چارپهرق لئه لر بوتولمغه باشلاندی . شیمدی  
 هم ییورلر ، هم قونوشیورلردی . آمان نه نفیس یاغ ، نه اعلاخی ! صانکه غیر تلاقدن  
 طوپوغه قدر شکر کی لذتی ، دمیر کی صاغلام برشیئك ایندیکی حس اولونیوردی .  
 پاناتس بال کی طاتلی اولمشدی . واقعا بومک طوزلی دکلدی ، فقط پاناتس طولایسیله  
 ینه صیق صیق شراب ایچمکه احتیاج اولویوردی . بوسببله درت لیتره شراب دها  
 حرف اولوندی . طباقلری او یله سیلوب سوپوره شلردی که یالکز بزلیه ایچون طباق  
 ده کیشدیرلمشدی . اساساً سبزه وات ، یمکدن صایلمازدی . اونی اکلنجه مقامنده  
 قاشیق طولوسی یرلردی . بزلیه ده اک چوق خوشه کیدن شی برلکده قیزارتیلان  
 طوموز یاغی ایدی . بونکله برابر ایکی لیتره شراب ایچیلدی .

دیرکن اونه کی اوطه دن نانا حایقیردی :

— آنه ، آنه ! اوغوستین طباغمه آلی صوقیور .

ژروه ز او آره لق آغزینه آتدینی بزلیه لری چیکمه مکله مشغولدی .

— جانمی صیقما نانا ! آت صوراته بر توقات ، اولسون بیتسون .

چوجوقلره تخصیص ایلن سفره ده نانا اوصاحبه لکی وظیفه نی ایفا ایدیوردی .  
 کندیس ییقتورک یانه اوطورمش ، قارده شی آتینه ده پولینک یانی باشنه قویمشدی .  
 بوصورتله قاری قوجه اویونی اوینایورلردی . یمکک بدایتنده نانا او صاحبه لکی رولنی  
 طاقینه رق مسافرلینه بالذات کندیس ییک طاغیتمش ایدی . فنط صیره برلیه لی طوموز  
 صوجوغنه کلنجه اوبورلق اوصاحبه لکی حسنه غلبه جالهرق بوتون صوجوقلری کندر  
 اوکنه آلمشدی . چوجوقلرک اسکمله لری اطرافنده طولاشان شاشی اوغوستین کویا  
 اوته کیلر آره سنده حقیجه تقسیم اتمک ایچون نانانک طباغنده کی صوجوقلری اووچلایهرق



قامشدى . بوندن صوك درجه حدته كلن نانا اوغوستينك بيلكنى ايسير يوردى .  
اوغوستين جان آجيسيله ميرلاندى :

— باق بنده شيمدى كيدهيم آنه كه آ كلاتهيم . هانى دمىن وبقتوره كندكى  
اوپدير مك ايسته يوردك ، بونى خبر ويرهيم ده كورورسك .

او آرهلوق ژروهلله اختيار مادام قوپو قازى شيدىدن چيقارمق ايچون اوطهيه  
كىرمشلردى ، غوغايه نهايت ويردى . اوتتهكى سفره ده دعوتيلر اسكمله لك آرقله لهرينه  
طايانمشلر ، صولويورلردى . ار ككلار يلكلر بىك دوكله لرىن چوزيورلر ، قادينلر حاولولر يله  
يوزلرىن سيليورلردى . يمكه نوغما فاصله ويرلدى . يالكلر ايچلرندن برقاچ - دانه سى  
غير اختياري حر كىتلرله آغزلىرىنه آتدقلى ايرى اكك لقمه لرىن چيكنه يوب طور يورلردى .  
يمكلرك معدده لرده طيقه طيقه ييغىن . تشكىل ايتىنى بكليورلردى .

كيجه نك قارا كلنى آغىر آغىر چوكمكه باشلامشدى . پرده لك آرقله سنده كيت كيده  
قويولاشان كول رنكسده ، كيرلى بر آقشامك قارارتيلرى كورونيورلدى . اوغوستين ،  
كتيردىكى ايكي لامبه يى يمك ماصه سنك برر اوجنه قويجه بوندن انتشار ايدن كسكىن  
بر آيدىنلق ايچنده سفره نك اورتوسنك قاريشتملى آكلاشيلدى . بوماصه دن يوكسان  
سرت برقوقو ايچنده بوغولايور كى ايدىلر . مع مافيه مطبخ طرفندن كلن صىجاق  
رايمه لرى قوقلامق ايچون آره صيره بوتون برونلر اوطرفه دونيورلدى .  
ويرژىنى بر آرهلوق ژروهلله سسله ندى :

— سزه يارديم ايدهيمى ؟

وجواب بىكلمه دن اسكمله سندن قالفه رقى ياننده كى اوطهيه كيتدى . آرقله دن  
بوتون قادينلر اونى تعقيب ايتدىلر . شيمدى هپسى قىزارتمه نك اطرافنى آلمشلىر ،  
شيدى چيقارمقله مشغول اولان ژروهلر ومادام قوپويى يويوك بر صراق وعلاقه ايله  
سير ايدىيورلردى . بر آرز صوكره اورتهاغى بر مسرت قاپلادى ، باغريشيورلر ،  
صىچرايه رقى هپ بردن ژروهلر آرقله سنده يمك اوطه سنده ، برظفر آلايى كى ،  
دوندىلر . ژروهلر ، قوللرى ديم ديك ، يوزى كوزى تر ايچنده ، سىماسى ساكت بر  
تبدىله پارلايه رقى ، قازى كتيرييور ، آرقله دن اوتتهكى دعوتيلر كولومسه يهرك اونى  
تعقيب ايدىيورلردى . نا او بر اوجده طوران نانا ، كوزلرىن قوجه مان قوجه مان  
آچش ، آياقلىرىنك اوجنه باصه رقى قىزارتمه يى كورمكه اوغراشيورلدى . ژروهلر قازى  
ماصه نك اوستنه قويدى . حيوانك ايرى كوكدى . نندن شرحه شرحه سالچلر آقيورلدى .  
برممت آل سورمه دىلر . بونفيس يمكه قارشى طويولان حيرت وحرمته بوتون سسلر  
كسيلاهشدى . كوز قيرپه رقى ، جكه صاللايه رقى قىزارتمه يى بر برينه كوسترييورلردى .  
واى جاننه يانديغم ! بونه بوط ، نه سيمز كو كس !



قاپوجى بوش بيان . طالعه ايتدى :

— بللى كه حيوان اويله ديوار دىبلرنده ، قيرىنتى ايله بويومش دكل ...  
بونك اوزرينه حيوان حقنده برمباحنه باشلادى . ژروزه ايضاحات و برسيوردى :  
واسسونه ر جاده سنده كى طاووقچينك اك سمير قازى بو ايدى . كومورجيده  
ارتيرمشدى : تام اون ايكي بچق ليتره ايدى . پيشيرمك ايچون براوقدر كومور  
شش ، اوستنه اوچ طاس ياغ دوكمشدى . بوراده و يرژنى ژروه زك سوزىنى كسدى :  
تري چيك ايكن كنديسى ده كورمشدى . او قدر ايجه ، بياض برديسى واردى كه  
دئا چيك چيك بنيله بيلبردى . ار ككلر دوداقلرىنى شيشيردرك چايقينجه سوزلرله  
بولوشيورلردى .

لوريو ايله قارىسى طوپال ژروه زك سفره سنده بودرجه نفيس برقازكورمكدن  
ولد برقيصقانچلرله دوداقلرىنى ايصيريورلردى .  
ژروه ز :

— نه هايدى باقم ، ديدى ، بوييله قاييله ينه جك دكل آ ، پارچه لامق لازم .  
لانكيكز بوايشى ياپه جق ؟ بنمى ؟ خاير ، خاير ، ياپه مام قورقارم .  
قوپواوكه آتيلدى . بوندن ساده نه اوله بيليردى ؟ باجاقلردن طوتولور ، اوست  
رفى چكيانجه هم پارچه لاش اولور ، هم ده قوپان پارچه لر صاغلام قالير . فقط  
عوتيلر بوكا راضى اولماديلر وهپ بردن هجوم ايدرك قوپونك آلندن بچاغى آلديلر .  
كاراقسه لر طباغك ايچنى يانغين يرينه چوبريردى . شيمدى بو بچاغى كم قوللانه جقدى ؟  
ايشى لايتيله بجره جك بريسى لازمدى . مادام لورات طاتلى برسسله :

— بولدم ، ديدى ، بچاغى موسيو پواسسونه ويرهلم اك مناسي اودر .  
مادام لورانك بوسوزنده كى حكمتى كيمسه آ كلايه مامشدى . او وقت مادام لورات  
سيو پواسسونك قولتوقلرىنى قبارته جق صورتده ايضاحات ويرمكه باشلادى :

— اوت بچاغى موسيو پواسسونه ويرهلم ، چونكه سلاح قوللانمى بيلير .  
وبوسوزى سويله يهرك آلنده طوتدينى مطبخ بچاغنى پواسسونه ويردى . بونى  
يسى متبسمانه تصويب ايتديلر . پواسسون برعسكر جديتيله اكيلهرك قازى اوكنه  
كدى . قوللارينك حر كاتنه مانع اولماق ايچون ايكي طرفدن ژره وزله مادام بوش بر پارچه  
كيلهرك اوكا ير ويرديلر . پواسسون ، صانكه نظرلريله اونى طباغه ميخلاقم  
سته يورمش كى ، كوزى قازك اوستنده ، قوللارينك كنش حر كترليله حيوانى  
غير آغير كسيوردى . بچاغى قازك كوكنه صاپلايوب ده ميكار چاتيردايجه لوريو  
طن پرورانه بر تهيجله باغيردى :

— آه بونك يرينه بر قازاق اولسه يدى ده كوكنى بوييله پارچه لاسه يدم !



مادام بوش صورتی :

— قازاقلرله هیچ حرب ایتدیکزمی موسیو پواسسون :

بلدیله چاوشی برطرفدن قازك قنادینی قوپاریپور ، دیگر طرفدن مادام بوشه

جواب ویریوردی :

— خایر مادام ، بدویلرله حرب ایتدم . آرتق یر یوزنده قازاق قالمادی .

اورتهلقده دین بر سکوت حکم سوریوردی . بوتون باشلر اوزانمش ،

بوتون نظرلر چاغك حرکاتی تعقیب ایدیوردی . پواسسون اونلره بر سورپرینز

حاضرلایوردی . نهایت صوک بر یچاق ضربه سیله آرقه طرفی تماماً آریلدی ، قویروق

صوقومی کیکی هوایه قالدی ؛ اونلرک تعبیرنجه بو ، پاپاس تا کیه سی ایدی . بوم نظره

هرکسی حیرتله ایچنده براقیدی : بونی آنجق اسکی بر عسکر یاپه بیلیر ، ذاتاً مجلسلرده

اونلردن باشقه کم بو قدر نازکانه طاورانه بیلیر که ... شیمدی قازك آرقه طرفنده

آچیلان دلیکدن طایغه کی صالحه آقیوردی . قاپوچی بوش ایشی لطیفه یه اوردی :

— آه نه اولوردی . بئم آغزمه بوتون کون بو چشید ایشه سه لردی .

قادینلر باغیریشدینر :

— اوف آمان ، نه پیس شی !

مادام بوش ، قوجه سنك بو لطیفه سنه اوته کی قادینلردن فضله قیزمشدی :

— بن عمرمده برك قدر پیس آدم کورمدم

وقوجه سنه دونه راک علاوه ایتدی :

— صوص ! شیمدی بوتون سفره خلقی ایکره ندیره جکك ، هرکسک یه جکی

شی ایچون بویله لاف سویله نیرمی ؟

او آره لاق قله مانس ، اورته لغك کورواتوسی آره سنده باغیریوردی :

— موسیو پواسسون ، رجا ایدرم قویروق کیکنی بکا آیریکنر .

مادام لوران جواب ویردی :

— مراق ایتمه یاوروم مراق ایتمه ، قویروق کیکنی سندن باشقه کیسه ویریورم ؟

خلاصه قاز پارچه لاندی . دعوتیلر قویروق کیکنی بر قاق دقیقه دن تماشای

ایتدکن صوکره پواسسون آیردینی پارچه لری طباعك ایچنه دیزدی . آرتق ، که

باشلان بیلردی . آنجق اثوابلرینك قویچهلرینی چوزمش اولان قادینلر صیجاقدن

شکایت ایدیورلردی . قوپو برطرفدن اونلره « بوراسی کندی اوکزددر » دییور ،

دیگر طرفدن هوا آلمق ایچون دکالك قاپونسنی آرقه سنه قدر آچیوردی . جنبش

ینه اسکیمی کی دوامه باشلادی . طیشاریدن آرابه لرك بو بوک کورولتولرله کچدکلری ،

قالدیریلردن خلقك بربرینی ایتوب قاقه رق یورودکلری ایشیدیلیوردی . چکه لر



دیکله نمش، معدله لرك اشتها سی یکیدن آچیلماشدی. تکرار سفره یه اوطوره رق قازك  
 اوستنه صالیدیردیلر. قابوجی بوش قازك پارچه لایمسی سیر ایتکله بوندن اول یدیکی  
 یمکارك هپسی اریدیکنی سوبله یوردی .  
 قازك اوستنه چتالارك عجوی کوروله جك شیدی، دهونیلردن هیج بری بونك  
 امثالنی خاطر لامیورلردی. ژروهز ایری وجود یله دیرسکار بونك اوزرینه یکلشمش،  
 بلسکه برلقمه اکسیك، یر قورقوسیه هیج آغزنی آچمسیزین قازك بیاض اتلرینی  
 متصل یوتیوردی. یالکیز غوژده قارشى بودرجه اوپور کورو نمکدن بر پارچه  
 اوتانیوردی. حالبوکه غوژده اونى سمیزاکنندن پس پنه کورمکله فرح طوبیوردی،  
 باخصوص اوپور اغنده ده اوبله بر لطافت، اوقدر خوش بر حال واردی که ... کرچه  
 یمکدن وقت بوله مادینی ایچون سوز سوبله میور ایدیسده ینه ایکیده بر بابا پروایله  
 مشغول اولیور، آره صره اونك طباغنه ای برأت پارچه سی قوبیوردی. حتی بو اوپور  
 قادینك بعضاً دیشلری آره سنه آلدینی بر قانات پارچه سی چیقاروب اختیارده اوزاتمی  
 رفته کتیره جك حالاردندی. خیلی زماندن بری اکمکک یله طادینی غائب اغمش  
 اولان اختیار بو اوپورلق قارشیسنده عادتاً آلیقلاشمشدی. زوالی آدجغز باشنی اوکه  
 اکمش، نه ویررلرسه یوتیوردی. لوریولر بوتون حدتلری قاز قیزارتمه سندن  
 چیقارییورلردی. عادتاً اوچ کونلک یمکی بردن ییورلردی. ژروهزه ضرر اولسون  
 دییه قابل اولسه طباغی، ماصه یی، حتی بوتون دکانی بونه جقلردی. قادینلرک هپسی  
 فازك اسکلتنی ایسته یورلردی. بویله یمکارده اسکلتلر قادینلرکدر. مادام لوران  
 مادام بوش، مادام پونوا دیشلریله کمیکاری قازیولر، کردان طرفنی پک سون،  
 مادام قوپو یکانه ایکی دیشیله یونلری اتلری کمیریوردی. ویرژینی،  
 اتی قیزارمش اولق شرطیاه دری یی سوردی. درینک اوستنه اوبله صالیدیریوردی  
 که قوجه سی « آرتق چوق اولیور » دیمک ایسته یین نظرلرله آره نمده بر کره اوکا  
 باقییوردی. بردفعه سنده اوقدر چوق دری یمشدی که قارنی شیشمش، اون بش  
 کون یاتاندن قالقما مامشدی. مع مافیه ویرژینینک یمسنه بوسورتله قاریشیلیمسی قوپونک  
 جانی صیقدی. همان طباقدن بر بوط پارچه سی آلهرق اوکا اوزاتدی، « بونی  
 ییکز که قادین اولدیفکزی آکلایم » دیدی. هم الله عشقنه قاز آتندن کیم ضرر  
 کورمش؟ بالعکس قازك طالاق خسته لقلرینه فائده سی واردر. قاز اتی اکمکسز،  
 طبق صو کبی ینیلیر. او، صباحه قدر بوندن ییسه ینه بر فئالق حس ایتزدی.  
 بوسوزینی اثبات ایچون قوجه مان باجانی طاقیله آغزینه آتیوردی. بری طرفده  
 قله مانس قویروق کمیکنی یاقه لامش، هم دوداقلرینک اوپورجه شاپیریسیه بونی  
 کمیریور همده یانی باشنده قابوجی بوشك خفیف سسله سوبله ییکی چیرکین شیلره  
 کولمکدن قاتیلییوردی.



شراب صو کبی آقیوردی. هانی یاغمور سزاقدن چاتلامغه باشلایان برطوپراق  
یاغمومی ناصل ایچرسه اونلرده شرابی اوپله ایچیورلردی. قوپو بارداقده کوپوکارک  
قالایجه آلایه اورارق اینکارک مەسەندن سوت صاغارکن ناصل یاپیلیرسه اوده  
بوشالان هر شیشەنک آدینه اولو عرب خلایق دییوردی و دکانک بر کو شه سەندە  
بو اولو عربلرک کیتدکجه بویون بیغینندن بر ضرارلق حاصل اولمشدی. سفرەنک  
نە قدر سو پرونتیسی وارسه هپ بیغینک اوستنه آتیلیوردی. بر آرهلق مادام  
پونوا صو ایستەیه جک اولدی. قوپو بوکافنا حالده حدتلهندی. جام هیچ ناموسلی  
انسانلر صو ایچرلرمی؟ قارننک ایچنده قوربغە می یتیشدیرمک ایستەیور یوقسە؟ قدح  
بوشالیور، فیرطنەلی کونلرده یاغمور صولری اولوقلردن آشاغی ناصل آقارسە بر حەلدە  
بوشاتیلان قدح قدح شرابکده بوغازدن آشاغی اوپله جه آقدینی ایشیدیلیوردی.  
بوشراب ایلاک ایچیلدیکی زمان آغزە اسکی بر فیچی قوقوسی براقیوردی، فقط یاواش  
یاواش بوقوقویه او قدر آیشیدیلیوردی که نهایت فندق قوقوسی ظن ایدیلیوردی.  
جزویتلر نە دیرلرسە دیسونلر هر حالده شوبنت العنب حقیقە پارلاق بر ایجاددر! دعوتیلر  
بوسوزلری کولەرک تصویب ایدیورلردی. فی الحقیقە بر عملە ایچون شرابسز یا شامق  
ممکن دکلدی، باغ یتیشدیرمکی دوشونن انسانلر مطلقاً تنکە جیلری، ترزیلری، دمیرجیلری  
خاطر لاش اولە جقلری. شراب انسانک پاصلرنی سیلر، یەر غونلغنه سکون ویریر،  
تنبللرک یورەکنە آتش قویاردی. انسان شرابی ایچنجه کيفندن دنیایی کل پنے کورور،  
هیچ بر شیشە متالک ویرمزدی. مثلاً ایشتە شیدی شوسفرە خلقنه ایمپراطور قاچ پاره  
ایدر؟ بلکه شو دقیقەده ایمپراطور ییلە کیف چاقملە مشغولدر، فقط بونلر اونک  
ایمپراطور لغنه بر پاره ویرمزلر، چونکە شیمدی ایمپراطور دن دها کيفلیدر. اوندن فضله  
اکلە نیورلر. قوپو بونشە ایچنده درت طرفە طاش آتوب طور ییوردی. قادینلر حقنە آجی  
تعریضلر یاپیور، ایچنده اوچ سودن باشقە پاره اولمایان جبینە الیلە اورەرق صانکە بیغینلرلە  
پارە سی وارمش کبی طور لر طانییوردی. چوف ایچمک عادتی اولمایان غورە بیلە سرخوش  
اولمشدی. قاپوجی بوشک کوزلری اوفالاش، لوریونک باقیدشلرینە بر صواغرنلی کلش،  
بلدیە چاوشی پوواسسونک طونج رنگلی سیماسندە نظرلری کیت کیده دها جدیلشمشدی.  
ارککار آدم عقللی سرخوش اولمشلردی. قادینلر پک او قدر دکلسەده اونلرکده  
یاناقیری شرابک تأثیریلە قیپ قرضی اولمشدی. هپسی بونک ویردیکی حرارتلە  
صویونق احتیاجنی طویورلردی. بویونلرندن آتقی نی هپسی چیقاروب آتمشدی.  
یالکیز ایچلرندن قله مانس ادب و حیا داثرە سنی کچمکە باشلامشدی.



دیرکن ژروہز بو ضیافت ایچون صاتین آلدینی آتی شیشه ای شرابی خاطر لادی .  
 بونلر قاز قیزارتمه سیله برلکده ایچیله جک ایکن نعلسه اونوتمشدی . بونلری ده  
 کتیره رک قدحله بوشالیدی . بو شرابلر ایچیله جکی صیره ده پوواسسون اونوتدینی  
 بر شیئی خاطر لایه رق قدحی آلدی :  
 — او صاحبه سنک صحتنه !

دیدی ؛ بوتون دعوتلیلر آیاغه قالدیلر . قوللر اوزانه رق قدحله طوتوشدیلر ،  
 ویرژینی یوکسک سسله :

— انشاالله الی سنه صوکره ینه بویله صحتنه ایچرز .

دیرز . ژروہز ممنون و متہیج ، جواب ویردی :  
 — او قدری فضله ؛ الی سنه صوکره چوق اختیار اولورم . حیاتده انسانک

بعض اویله کونلری اولیورکه دنیادن چکیلوب کیتکی ممنونیتله ایستدیور .  
 اونلر بوحالده ایکن محله لی دکانک قاپوسی اوکنه طویلاشمش ، جنبشی سیرایدیوردی .  
 بولدن کینلر دکانک قالدیریم اوستنه دوشن کنیش ضیاسنه کلنجه طور یورلر ،  
 ایچریده بویله نشئه لی نشئه لی ایچوب ذوق ایدن بوانسانلره باقهرق کولیورلردی .  
 آرابه جیلر دکانک اوکندن کچرکن ، اسکمله لری اوستنده اکیلوب بر نظر عطف  
 ایدیورلر و « اماده یوتیورلر ها ! سانکه باد هوا بولملر کی ... نرده ایسه قارنلری  
 باطلایه جق .. دیه رک حیوانلرینی قامچیلایوب کیدیورلردی . قازک قوقوسی تاسوقاغه  
 قدر کلیورلردی . قالدیریم اوستنده طوران بقالاک چراقلری سانکه بوقوقو ایله قازک  
 کندیسینی یورلریش کی کیفلی کورونیورلردی . یمشجی قادی ، اشکنه جی قادی  
 ایکیده بر قوقلامق ایچون دکانک اوکنه کلرک دوداقلرینی یالیورلردی . بوتون سوقاق  
 هضم سزلقدن چاتلیورلردی . شمشیه جی مادام کودورژ ایله قیزی هیچ سوقاقده  
 کورونملرکن اونلر بیله قالدیریمک اوستنه کلملر ، سانکه کوزله پیشیرملر کی  
 قیپ قرصی اولان کوزلرله دکانک ایچریسینی سیرایدیورلردی . غوغوقلی ساعه لرینک  
 آره سنده اوطوران قویومجی بربری آردنجه بوشالیدی کوردیکی شراب شیشه لرینی  
 صایمقدن خلجانی قالمش ، بردرلو چالیشه میوردی . قویوقومش لرک بوضورتله حرصلاندقلری  
 کوریورلردی . فقط اونلر کورمسون دیه کیزلی می ایچه جکلریدی ؟ آرتق دعوتلیلر  
 آلمش یورومشلردی . اطرافه کورونمکدن هیچ چکینمیورلردی . بالعس هرکس  
 کندیلرینی کوردکجه قلباً برغرور طویورلر ، دکانک اوکنده آغلرینی اوپورک  
 آچهرق باقان بواز دحامدن دها زیاده شوقه کلیورلردی . قابل اولسه دکانا  
 جامکانی ییقه جقلر ، ماصه یی سوقاغه قدر سورهرک یمشی اوراده ، بوسیرجیه  
 کوزی اوکنده ؛ قالدیریمک بودائی کورولتوسی آره سنده ییجه جکلریدی . یاپدقلر



شیده برای کره نجلک یوقدی که صافلاقی لزومنی حس ایتسونلر !  
 بعض خود بین انسانلر کی درت دیوار آره سنه قاپانغه نه لزوم وار ؟ قوپو  
 قارشیدن ساعتجینک جیندن بربری آردنجه یاریمشر فرانقلق پارهلر چیقاردیغنی  
 کورمشدی. اوده اوزاقدن اوکا برشیشه شراب کوستردی. ساعتجی بازارلغه راضی  
 اولدی، قوپوده برشیشه شرابه برقدح آلهرق ساعتجینک یاننه کیتدی. شیمدی  
 یارنلک سوقاغه انتقال ایتدی. کلوب کچنلرله قدح طوقوشدیریلهرق ایچیلیوردی.  
 بوکلوب کچنلر آره سننده بعض سرخوش طانیدقلر اولونجه اولنرده ایچکی به دعوت  
 ایدیایوردی. خلاصه جنبش بویویه بویویه عادتا بوتون غوت دور محله سنی قاپلامش  
 بونیوردی.

بر آرهلق کومورجی مادام ویغورده ده دکانک اوکنده کوروندی. بر قاپ دفعه  
 بر آشاغی بر یوقاری کزیندی. بونی کورن دعوتیلر حایقیریشدیلر :

— مادام ویغورو، مادام ویغورو ایچری کیرمز میسکیز ؟

مادام ویغورو، سیاسنده آلیق بر تبسم، قورصه سنی چاتلانجی قدر شیشمان  
 وجودیله ایچری کیردی. ارککلر اونی چیمدیگله مکده ذوق طویارلاردی. چونکه  
 نرمسنه آل آتیلسه کمیکه تصادف ایدلمزدی. قاپوجی نوش اوکا یاننده یر ویردی  
 و اوطورور اوطورمن ماصه نك آلتندن آلیله باجاغنی صیقمنه باشلادی. بوکی شیلره  
 آلیشیق اولان مادام ویغورو هیچ تنگنی بوزمیور، راحت راحت شرابی ایچمیوردی.  
 بر طرفندن ده بوتون قومشولرک سوقاغه دوکولنکلینی، بناده اوطورانلرک حدتله نمک  
 باشلادقلرینی آ کلاتیوردی.

مادام بوش جواب ویردی :

— نه ایسته رسهک یاپارز، اوکا کیمسه قاریشماز. بنانک قاپوجیسی بزدکلی یز؟  
 رسک راحتندن بز مسئول. هله بر کلوب شکایت ایتسونلر، باق نه جواب آلیرلر  
 دییده کی اوطه ده قیامت قوپیوردی. نانا ایله اوغوستین قیزارمه یوزندن  
 هشتلی بر غوغایه طوتولشلردی. هربری قازک کمیکارنی کندیسی یالایوب تمیزله مکده  
 رار ایدیوردی. قاز کمیک بر چاریک ساعت دوشمه اوستنده الدن آله صیچرادی  
 ردی. بر آز صوکره نانا ویقتورک بوغازینه قاچان بر کمیک پارچه سنی چیقارمق  
 ن پارمقلرله چکه سنک آلتی صیقهرق اوکا ایری شکر پارچه لرینی یوتدیرمغه  
 شیوردی. بر طرفندن ده کوز اوجیله بویوک سفردیه باقیوردی. ایکیده بر کاه  
 نه، کاه پولینه ویرلک ایچون شراب، اکمک، آت ایسته یوردی.  
 بر آرهلق ژروهز حدتله ندی :

— هایدی آل، زیفتله نده بزی راحت براق !



چو جوقلر آرتق لقمه لرینی یوته میورلردی . بونکله برابر چتالار یله ماصه نك اوستنه اورهرقینه ییوب طوزیورلردی .

برطرفندن بو کورواتو دوام ایدرکن دیگر طرفدن بابا برو ایله اختیار مادام قوپو آره سنده بر محاوره باشلامشدی . یدپکی یمکلرله ایچدیکی شرابلرله یوزی صاب صاری کسین اختیار آدم قریم محاربه سنده تلف اولان چو جوقلرندن تحت ایدیورلردی . آه اونلر شیمدی صاغ اولسه یدیلر کندسی هیچ صیقنق چکمزدی . ایچکیدن دیلی آغیرلاشمغه باشلایان مادام قوپو اکیلهرک :

— اوله اما ، چو جوقلرده آیری برغائله درلر . مثلاً بوراده ، چو جوقلرمک آره سنده بختیار کبی کورونیورم دکلی ، حالبوکه پیلسه کز نه کوز یاشلری دو کرم ! خایر خایر ، چو جوق ایسته نیلیر شی دکلدر ، بونی تمی ایتیه یکنز ... بابا برو باشنی صالادی :

— شیمدی بکا کیمسه ایش ویرمک ایسته میور . چونکه بنی چوق اختیار بولیورلر . بر ایشده چالیشانلرک یاننه کیتدیکم زمان کنجلر بنله آلا ی ایدیورلر ... کچن سنه بر کوپری یی بویاهرق کونده اوتوز سو قازانیردم . قولای ایش دکل ده ، آشاغیدن نهرک صولری کچرکن آقشامه قدر آرقه اوستی طورهرق چالیشمن لازم ... اووقت بر او کسوروکه یاقه لاندیم ، حالا دوام ایدیور . شیمدی نه ایش وار ، نه برشی ، هربردن قاپو طیشاری ایدلم . قاص قاطی آلرینه باقهرق علاوه ایتدی :

— مع مافیله حقلری ده یوق دکل ، آرتق بر ایشه یاراماز اولدم . اونلرک یرنده اولسه م بنده بویله یاپاردیم . فلاکت شوکه بر درلو اوله میورم . کیمسه یه قباحه بولماملیم . بر انسان چالیشه مابه حق حاله کلنجه زی باروب کبرملی والسلام . بو محاوره یی دیکله یین لوریو سوزو قاریشدی :

— طوغروسی ، ایشدن قالان انسانلره حکومت نه دن یاردیم ایتیور بونی بر درلو ذهنم آلمایور . کچن کون بر غزته ده اوقودم ... پوواسسون درحال بحثه قاریشهرق حکومتی مدافعه ایتدی : — عمله عسکر دکل که حکومت یاردیم ایتسون ... حکومتک معاوتی عسکرلره مخصوصدیز . اولماینه حق شیلری ایسته مه ملی .

صیره یمشه کلشدی . اورته یه معبد شکانده . بر پاسه کتیر دیلر ، بو معبدک اوستنده دیلم دیلم پارچه لردن یاپیلمه بر قبه سی واردی . قبه نك اوزرینه صنعی بر کل اوطورتیلمش ، اونک یاننه بر دمیر تلک اوجنده صالانان کوموش رنکنده کاغددن بر کلک فونولمشدی . کلکک اورته سنده ایکی طامله بیاض ضمع ایکی شبنم



قطره سنی تمثیل ایدیوردی. پاسته نك صولنده ، چقور بر طباق ایچنه قونلش بیاض بر پینیر واردی . صاغ طرفنده بر طباقك ایچنده ده صولری آقان ازیك چیلکله طور یوردی . صلاطه طباعنده زیتون یاغلی مارول یا پراقلرندن ده بر قاچ دانه قالمشدی .

ژروەز نازکانه بر ادا ایله مادام نوشه :

— لطفاً بر پارچه ده صلاطه آمار میسکوز؟ صلاطه یی چوق سورسکوز، بیلیرم

دیدى . قاپوجی قادین جواب ویردی :

— تشکر ایدرم ، بورامه قدر طویدم .

ژروەز عینی تکلیفی یامق اوزره ویرزینی ده دوندى . اوده طومش اولدیغی ایچون بارمغی آغزینك ایچنه صوقدی . بونکله غیرتلاغنك تپه سینه قدر طویدیغی آکلاتمق ایسته یوردی .

— جدی سویلیورم ، بوغازمه قدر طویدم ، بر لقمه بیله بیهمم .

ژروەز کولومسه یه رك اصرار ایدیوردی .

— جانم نه اولور ، بر پارچه غیرت ایدك ، البته معدله رده اوفاجق برریر واردر . هم صلاطه بو، طوق قارنده ییلیر .. شیمدی بو مارولار زیانی اولسون؟ قادینلر بیتیره مدکاری صلاطه یه حسرتله بافرق صولویورلردی . قله مانسی وقتيله بر اوکله یمکنده اوچ دمت تره یدیکنی آکلاتدی . مادام پوتوا ده ایلری کیتدی ، ماروللری صومعه دن یمك عادتی اولدیغی سویله دی ، حیوانلر ناصل اوت یرلرسه اوده مارولی اويله یردی . بو محاوره آره سنده صلاطه بیتمشدی .

مادام بوش ، آغزنده قوجه مان بر لقمه ایله ،

— بن ، دیدی ، بر چایره حیوان کبی دوت آیاق اوستی کیروب اوت یمکه بایایرم .

دیرکن یمش حقنده آلایلی بر مناقشه باشلادی . یمش هیچ یمکدن صایلیرمی؟ اولك ایچوندرکه اك صوکه بر اقله سنده بر ضرر یوقدی . هر نه ایسه اوکاده شویله بر التفات ایتک لازمدی . انسانك قارنی باطلایه جق قدر طومش اولسه بیله بویله چیلک ، یاسته کبی شیر ویز کلیردی . هم او قدر عجله ایتکه ده لزوم یوقدی ، شیمدی اولمازسه صوکره ینيله بیلیردی . ده صباحه قدر چوق وقت وار . بونکله برابر هر کس طباعنی چیلک و پینیرله تولدوردی .

ارککلر پیولرینی یاقدیلر ، هم توتونلرینی ایچیورلر ، هم ده آره لقه شراب قدحلرینی بوشالتدیر یورلردی . پاسته یی پارچه لامق وظیفه سی ژروزه تودیع اولوندی . پوواسسون آیاغه قالقه رق پاسته نك اوستنده کلی جیقه اردی و بوتون دعوتلیلرک



آلفیشلری آره سنده بونی غایت نازکانه برطور ایله ژروه زه تقدیم ایتدی . ژروه زه کلی برطوپلو ایکنه ایله صول کوکسینه ، تافلینک یاننه ایلشیدیردی . قیلماددجه کلک اوچنده کی کلک تتره یوردی .

لوریو بر آرهلق مهم برشی کشف ایتشجه سنه :

— یاهو ، دیدی ، بزایش تزکاهنک اوستنده یک یورمشز .... بحث ایدرم که بوماصه ده هیچ برزمان بوکیجه کی قدر چالیشلاماشدی . سوء نیتله قاریشیق اولان بولطیفه حسن تلقیه اوغراددی . شیمدی هرکس ایمالی برسوز سویلیوردی : قله مانس یوتدینی چلیکاری دمیر لیلی به بکزه تیور ، مادام لوران بیاض پنیړک نشاسته قوقدینی ادعا ایدیور ، مادام لوریو بونجه مشقته قازانیلان پاره یی بویوله صرف ایتنهک صوکی فلاکت اولدینی میریلا یوردی . هرکس کولیور ، اورته لفته بر باغیریشمه در کیدیوردی .

دیرکن قوتلی برسس بوتون دعوتلیلری سکوته مجبور ایتدی . قاپوجی بوش آیغه قالمش ، چاپقین برادا ایله قیرته رق شرقی سویلیوردی . شرقینک ایلك قطعه سی بر آلفیش طوفانیله قارشیلاندی . بونک اوزرینه قرار ویردیله : هرکس بیله کی شرقی سویله به حکدی بوندن ایی اکلنجه اوله مازدی . شیمدی دعوتلیلرک کیمی دیرسکارینی ماصه به طیانمش ، کیمسی اسیکمله سنک آرقه سنه طیانمش ، شرقینک کوزل پارچه لرنده چکه لرنی صاللایه رق ، نقراتک هر تکرارنده بریودوم شراب ایچهرک دیکله یورلردی . بوخنیر بوش اماده تحف شرقیلر بیلورها ! هله پارمقلرنی آچهرق ، شایقه سنی رقه سنه آتهرق عجمی نفرلری بر تقلید ایدیشی واردرکه اولولری بیله کولدوروردی . سویله دیک شرقی بیتیرنجه بر ایکنجی به باشلادی . بوش شرقینک اوچنجی قطعه سنه کلنجه یوزنی قلامانسه چویرمش ، سسنی آغیرلاشدیره رق بوقطعه یی احتراس آلود بر آهنگ ایله ترنم ایتشدی . بوش شرقی بوترن دعوتلیلری جوشدیرمشدی . ارککار اوکچله یله یره اوردرق تمپوطوتیورلر ، قادیلر یک بیچاقلریله باردداقلره اوردرق نغمه لره رفاقت ایدیورلردی . صره نقراته کلنجه بونی هپ بر آغزدن او قویوزلردی .

دکانک جاملری صارصیلیور ، هپ بردن شرقی سویله یین بو انسانلرک قوتلی نفسلری موسلین پرده لری هوالاندیریوردی . بوش شرقی فصلی اناسنده ویرژینی ایکی دفعه اورته لفتدن غائب اولمشدی . هر دفعه سنده کلارک ژره هزک قولاغنه برشیلر فیصله ایدیور . اوچنجی دفعه سنده ، ینه شرقی کورولتولری آره سنده :

— حالا فرانسوا لوقنطه سنده اوطوریور ، آنده طوتدینی غزته یی او قویور کی کورونیور ، مطلقا بونده بزایش وار .



دیدی . لانتیه دن بحث ایدیوردی . ایکیده برسوقاغه چیقیشی اونک احوالی  
نرصد اتمک ایچوندی . هر دفعه کلوب ویردیکی خبر اوزرینه ژروه ز سور بیوردی .  
— صاقین سرخوش اولماسون ؛

— خایر هیچ سرخوش دکل ، ساکن تمکینلی اوطوریور . اصل بی  
دوشوندیرن ده بویا ! انسان بو قدر ساکن تمکینلی اولونجه میخانه ده ایشی نه الله  
ویره ده باشمزه برشی چیقارماسه !

ژروه زک قلبنه بویوک بر اندیشه چوکشدی . ویرژینی به صوصمسی سوبله دی .  
او آره لق اورته لغه درین سکوت کلشدی . مادام پوتوا آیاغه قاقمش ، شرقی  
سویلیوردی .

دعوتلیلر دقت وسکون ایله اوکا باقیورلردی . حتی پوواسسون بیله اونی دها  
ای دیکله مک ایچون پیپوسنی ماصه نک کنارینه براقشدی . مادام پوتوا اوفاجق بویله ،  
سیاه تکیه سی آلتنده تهوردن صاپ صاری کسيلمش سیماسیله ، آیاقده دیم دیک ،  
صول انک یومروغنی صمیمی برغرورایله هواده صاللایه رق یوکسک سسله شرقیسی  
سوبله یوردی . شرقی شو مآله ایدی :

« قورقاق بر قورصان بزی پوپه یلکن قووالاسون ها ! وای او قورصانک حالنه !  
اوکا یر یوزنده اوطوره جق بر گوشه بیله ویرمه ملی . چوجوقلر ، هایدی طوب باننه  
قدحلی طوندوروب ایچکز ! حیدودلرله قورصانلری ده کمی دیرکنه باغلا ییکز ! »  
مادام پوواسسون بو شرقی سی سویلرکن دیکلینلرک کوزی اوکنده وقعه  
جانلانیوردی . دکز لرده سیاحت ایتش اولان پوواسسون بونی دیکلرکن بوتون  
بوتعبیرلر بیلدیکی شیلری افاده ایتدیکی ایچون تصدیق مقامنده باشنی صالییوردی .  
بللی که بو شرقی مادام پوتوانک حسیاتنه اویغون برشیدی . قوپو قومشوسنک قولاغنه  
اکیله رک بو آقشام پوله سوقاغنده مادام پوتوانک کندیسنه تجاوز اتمک ایسته ین درت  
ارکیکی ناصل توقاتلادیغنی آ کلاتیوردی .

دعوتلیلردن بعضیلری هنوز پاستهلری بیتیرمه مش اولدقلری حالده برطرفدن  
ژروه ز قاش آناسیله برابر مسافرله قهوه طاغیتیوردی . بواشی بیتروب یرینه  
اوطوره جنی صیره ده هپ بردن باغیریشدیله : شرقی سوبله مک صیره سی اوکا کلشدی .  
ایلاک اوکجه راضی اولمادی . یوزینک رنکی بچ بیاض ایدی ، حالندن بر صیقندپسی  
اولدیغنی آ کلاشیلییوردی . او حالده که دعوتلیلردن بعضیلری « صاقین قاز اتی طوقونئس  
اولماسون ؟ » دیمکه قدر واردیلر . بونک اوزرینه خفیف وطاتلی برسسله : « براقک  
بی اویویه م ! » شرقیسی سوبله مکه باشلادی . کوزل رؤیالرله سوسلو بر اویقو  
عنی ایدن نقراته کلدیکی زمان کوز قاپاقلری بر پارچه قاپانیور ، طالفین نظرلری



سوقاڭ قاراڭغىلىرى ايچىندە غائب اوليوردى . بوشىرقى بىتر بىتمىز پوواسىئون  
 بردن بره آياغه قالقدى و كىسكىن بر باش اشارتيله قادينلىرى سلاملاشقان سوكره  
 (فرانسى شىرابلىرى) شىرقىسىنى سويلەمكە باشلادى . بوشىرقىڭ وطن پرورانە برجلەنى  
 محتوى اولان صوك قطعەسى پارلاق اولدى .

فرانسىز بايراغىدىن بىر ئايدىن بوقطەنى سويلەرنى بارداغنى هوايە قالدۇرۇش  
 ساللادى و شىرقى بىتمىچە قوجامان آغزىنى آچىرىق قىلدۇرۇشنى شىراپكەپسىنى برجلەدە  
 ايچىدى . بۇندىن سوكرە مانى نۇغدىن شىرقىلىرى سويلەمكە باشلادىلار . بومانىلاردە وندىكىدىن ،  
 مادام بوشىك غۇندۇلۇندەكى سىنداجىلاردىن ، اسپانىيادە سويلەشەنلەردىن ، مادام لورىيىونىڭ  
 بولەروسىنى كىيىمىش انداس قادينلاردىن بىر ئايدىن بىر ئايدىن . لورىيىو عربىستانىڭ قوقۇللىرىنى  
 رقصە فاطمەنىڭ عشقىلىرىنى سويلەدى . شىمىدى بويىغا سىغىرە اطرافىندە ، ھىمىمىنىڭ سىغىرە  
 آغزىلاشان بوھوا ايچىندە اومانىلارلە آتون رىڭلىقلىرىنىڭ تصويرىنى ايدىلايۇر ، فىلدىشى  
 كىيىمى بىياز كىرگەنلەردىن ، آبانوز قىز سىياھ ساجلاردىن ، كىتارە سىغىرە مەھتاب آلتىدە  
 تەغلى ايدىلىش بوسەلەردىن ، كىچىكلىرى بىرلە ئىچى و الماس سىرپىن رقصەلەردىن بىر  
 اولونىيوردى . ار كىكار رىياكارانە بر طور ايله پىپۇللىرىنى ئىچىيۇرلار ، قادينلار غىرارادى  
 بىر تەسىم و مەھزۇپىتەلە كويىا اومانىلار كىيىمىنىڭ ھەممەسىنىڭ غەلىمەلەردىن چىققان قوقۇللىرىنى  
 بۇندىن سوكرە قەلەمەنىس « بىر بوھوا ياپىكار » آدى شىرقىنى اوقۇدى . ھازىر اوزرىندە  
 بۇدە چوقايى بىر تەسىر ياپىدى . چۈنكى بوشىرقى قىزلىرى ، مېنى مېنى قوشلىرى ، شىلەكلىرى  
 آلتىدە رقصىلىرى ، چىچىكلىرى ، خلاصە آرە صىرە تىزە ئىچىن كىيىملىرى و ھەممەسىنىڭ  
 كوردىلىرى شىلەلىرى خاتىراتلىرىدۇر . بۇنى مەنەقەب و بىر ئىشنى ( بىر مېنى مېنى رىيىكىم ) آدى  
 شىرقىيە باشلاپ ھەممەسىنىڭ قەھقەھىنى سالىيۇرىدى . بوشىرقى بىر عىسكىر قىزار كەندە بىر قالىق  
 ايدىن بىر قەدەر ئايدىدى . و بىر ئىشنى ھەممە شىرقىنى سويلەيۇر ، ھەممە بىر قولىنى دىستى قولى  
 كىيىمى ياپىرىق اوتەكى ئالەك بىر ھەركەتتە قەدە شىراپ بوشالتان اشارتلىرى ياپىيۇردى .  
 دىستىلەر اوقۇر نەشە ئىچىندە ايدىلەر كە مادام قوپۇردىن فارە شىرقىسىنى ايدىلەر . اختيار  
 قەدىمچىز بوچاقىن شىرقىنى بىلمەيدىكەنلەردىن بىر ئايدىن بىر ئايدىن ايدىيۇردى . مەنە مەنە  
 اصرارە طيەنەمادى ، ئىچە و قىزىق بىر سىسەلە شىرقىيە باشلادى . شىرقىڭ كىنايەلى  
 نەقشەلەرنى ، فارەنى كورونچە ايتىلارنى قۇيان ايتىلارنى قوقۇللىرىنى بۇرۇشوق سىياسەنىڭ ،  
 اوراق جانلى كوزلىرىڭ اشارتلىرىلە آكلەتيۇردى . بۇتۇن دىستىلەر قەھقەھىلە كويىيۇردى .  
 قادينلار جەدىتلىرىنى مەھزۇنەلە مەھزۇنەلە يانلارنىڭ اوتۇرغان ار كىكارە ئىچىندە آتلىرىنىڭ توشان  
 نەزەرلە باقۇرلۇردى :

مەنە مەنە شىرقىدە بىر كىرلىك ، كەلەلەدە بىر غەلىمەلىق يوقىدى . يالەك بىر طوغرىسىنى  
 سويلەمكە لازم كەلسە قاپۇچى بوشىك ئالارى كۆمۈرچى مادام ويغۇرۇننىڭ ئالدىرىلارنىڭ



فازە کبی طولاشیوردی . بوش بو طاشقینلغنی دها ایلری کوتورەبیلردی ، فقط ژروەزک برکوز اشارتی اوزرینە غوژە، عبدالقادرک وداعی شرقیسی سویلەمکە قالغنجە هرکسی حرمتکارانە برسکوت قاپلادی . غوژەنک کومبور دیبور کبی قالین وقوتلی برسسی واردی . بوسس اونک کنیش وکوزل صفالاری آرەسندە چیقارکن طبقی معدنی بربورودن چیقئورمش کبی ایدی . شرقیدە عبدالقادرک غزایە کیدرکن بئندیکی سیاه قیصراغە خطاب ایدرکن قوللاندىنی « اوخ ، ای بئم اصیل یولداشم » فقرەسی او قدر قوتلی برسسلە سویلەمشدی کە صوکنی بکلەمەدن آتقیشلامشلردی . بوندن صوکرە مادام قوپو بابا برویە دونەرک :

— شیمدی صیره سزک ، دیدی ، سزده بر شرقی سویلەمیسکیز . هم اسکی شرقیلر بلبلردن دها کوزلدر . بوتون دعوتیلیرک یوزی اختیارە چویرلمش ، اصرار ایدیورلردی . او ، دباغ الندن چیقمش بردری یی آ کدیران یوزینک حرکتسز وضعیتی ایچندە بوتون بوسویلەنن سوزلری آ کلایورمش کبی باقینیوردی . بر آرەلق اوکا ( بش حرف صدا ) آدی شرقی بی بیلوب بیلەمەدیکنی صور دیلر . خاطرنده یوقدی . ایی کونلرینک بوتون شرقیلری قوجەمان قفا سنک ایچندە بر برینە قریشمشدی . تام اصراردن وازکچە جکلری صیره دە بابا برو بوشرقی بی خاطرلامش کبی کوروندی و بر مقارەنک درینلکلرندن کلایورمش کبی برسسلە ککلەمکە باشلادی :

ترولالا ، ترولالا

ترولالا ، ترولالا!

بونقرات اوزرە ماضی بەقاریشمش ذوقلرک خاطرانی اویاندرمش اوللی کە یوزینە برلعة انشراح کلدی . شیمدی بوذوق یالکیز باشنە طادییور ، کیتدکە بوغوق بر حالە کلن سسینی برچوجوق مسرتیلە یالکیز باشنە کندیسى دیکلە یوردی :

ترولالا ، ترولالا

ترولالا ، ترولالا!

او آرەلق ویرژینی ژروەزک قولاغنە اکیلەرک :

— شیمدی طیشاردن کلایورم ، لانتیه لوقنطەدن چیقمش

دیدى . ژروەز صوردى :

--- سوقاقده راست کلە دیکیزی ؟

--- خایر راست کلە . م ، اساساً کورمەمک ایچون حیزلی حیزلی یورومشدم .

ویرژینی بو سوزی سویلەیه رک کوزلرینی قالدیردی و بوغولیور کبی بر نفس آلەرق

--- آمان اللهم ، دیدی ، ناه امشته ، قارشیکی قالدیریمده ، بزه باقیور ...

ژروەزک نطق طوتولمشدی . بر آرەلق نظرلرینی سوقاغە عطف ایتدی .



طیشاریده خلق طوپلانمش ، سویله نین شرقیلری دیکله یورلردی . بقال چراقلری ، اشکنبه جی ، قارشیکی قیصه بویلی ساعتجی طبقی بر تیاترو سالوننده ایمشلا کور . غروب حالنده طوپلانمشلردی . بونلر آره سنده عسکرلر ، ردینغوتلی افندیلر ، بربرینک آلندن طوتمش بشر آلتیشیر یاشنده ، جدی طورلی ، ممنون و متحیر باقیشلی قیزجغزلر واردی .

ژروہز باجانلرندن یوقاری صوغوق بر رعشه طویورددی . بابا برو بر طرفدن :  
 ترولالا ، ترولالا

ترولالا ، ترولالا !

دیهه سویله نیرکن ژروہز ، اولدینی یره میخلانمش کبی طور یوردی .  
 قوپو اعتراض ایتدی :

— شرقی هپ بوندن عبارت دکل آ ، دها اوله جق ... سز بوندن باشقه سنی بیلمیورمیسکیز ؟ هه نه ایسه باشقه بر کون ، ینه بویله اکلنجه لی بر زمانزده اوست طرفنی سویلرسکیز اولمازمی ؟

کولوشدیلر . بابا برو صواغون نظرلریله یمک سفره سنک اطرافنه بر کوز کزدیردکن صوکره صوصدی ، حیوانی دوشونجه سی ایچنه تکرار طالیدی . قهوه یی ایچمشلردی . قوپو یکیدن شراب ایچمکی تکلیف ایتدی . قله مانس تکرار چیلک یمکه باشلامشدی .

بر آره لق شرقیه فاصله ویرلدی . دعوتلیلردن بریسی او صباح جوار برأوده کنندینی آصمش اولان بر قادیندن بحث ایتدی . شرقی سویله مک صیره سی مادام لورانه کلشیدی . آنجق مادام لوران بونک ایچون بعض حاضرلغه احتیاجی واردی . حاولوسنک بر اوجنی ایصلاته رق شقاق رینی سیلیدی ، چونکه صیجاقدن بوغولیوردی . اوندن صوکره بر پارچه راقی ایسته دی ، ایچدی ، دوداقلرینی اوزون اوزون سیلیدی ودعوتلیلرک بوزینه باقدرق :

--- اللهم چوجوغی شرقی سنی ایسته یورسکیز دکلای ؟

دیدي : ایری بویله ، ارکک طوریه ، بر ژاندارمه کبی کنیش اوموزلریله ، کمیکلی برونیله شرقیه باشلادی . بو شرقی شو مألده ایدی :

« آنه سنک ترک ایتدیکی چوجوق دائماً اللهم اوندی کنندینه بر ملجأ بولور . جناب حق عرش آلهیسندن بو چوجوغی کورور و صیانت ایدر ، غائب اولمش هه چوجوق اللهم چوجوغیدر »

شرقی نیک بعض کله لرینی تلفظ ایدرکن سسی کریان آهنگارله تیره یور ، وجودی متأثر بر وضع ایله صوله طوغری اکیله رک صاغ آلتی کوکسی استقامتنده سالارکن



کوزینک اوجیله ده کوك یوزینه باقیوردی . لانتیه نك قارشیکي قالدیریمده بولونمئسندن  
اساساً معذب اولان ژروه ز کوز یاشلرینی ضبط ایدمه دی . بو شرقی اونك  
اضطرابلرینی افاده ایچون یایلامش کبی ایدی . صانکه اللهك صیانتندن باشقه امیددی  
قالمايان او متروك چوجوق کندیسسی ایدی . صوك درجه سرخوش اولان قله مانس  
بردن هیچقره هیچقره آغلامغه باشلادی . یوزینی ماصه نك کنارینه طیامش ،  
هیچقریقلرینی ماصه نك اورتوسنك ایچنده بوغمغه چالیشیوردی . اورتیلقده رعشه لی  
بر سکوت حکم سوریوردی . قادینلر مندیملرینی چیقارمشلر ، طوبیقلری هیجانندن  
متولد بر غرور ایله باشلری قالیق ، کوز یاشلرینی سیلیورلردی . ارککلر ،  
آلنلرینی اوکلرینه اگمشلر ، کوز قاپقلرینی آچوب قاپیه رق ثابت نظر لرله باقیورلردی یوواسسون  
هیجانندن دیشلرینی او قدر صیقیوردی که پیوسنك اوجنی ایکی دفعه قیرمش وقیردینی پارچه لری  
یره آتمشدی . بونکله برابرینه پیوسنی ایچمکده دوام ایدیوردی . قاپوجی بوش کومورچی  
مادام ویغورونك بالدرلرندن آلنی چکمش ، آرتق چیمدیگله میور ، اوده قلینده حرمتله  
قارشیق مبهم بر عذاب طوبیوردی . عین زمانده یانقلرندن آشاغی ایری ایکی دامله  
کوزیاشی دوکولویوردی . طاش کبی سرت اولان بوانسانلر عین زمانده قوزو کبی ده  
یوموشاق ایدیلر . مادام لورات یوقاریکی نقراتی دها آغیر ، دها کریان بر سسله  
بردها تکراره باشلانجه بوتون دعوتلیلر کهوشه دیلر ، رقتک صوك درجه سنه کلمشلردی ،  
دوکه لرینی برر برز چوزیورلردی .

بری طرفده ژروه زله ویرژینی ، بلا اختیار ، قارشیکي قالدیریمه باقیورلردی . دیرکن  
کوز یاشلری آره سننده مادام بوش ده لانتیه یی کوردی وخفیف بر صحیه اظهارندن  
کندینی آله مادی . شیمدی اوچنك ده سماسنه اندیشه چوکمش ، آره لرنده غیر اختیاری باش  
اشارتلی تعاطی ایدیورلری . بوتون قورقورلری قوپودن ایدی . یاقو پوباشنی قالدیریمده لانتیه یی  
کورورسه ؟ اووقت محقق قان اوله جقدی ! هم نه قان ، نه غیرتلاق غیرتلاغه بوغوشه  
یاربی ! بواندیشه لی حال بر آره لق قوپونك نظر دقتی جلب ایتدی :  
— نره یه ، قیورسکنز او یله ؟

اکیلدی ، قالدیریم اوستنده لانتیه یی طانییدی . ترس دوغمشدی . خوردانان بر سسله :  
— اما بوقدری چوق اولیور ، دیدی ، حیوان حریف شیمدی ده فاشیمزه  
کچمن باقیور ، باق بوکا تحمل ایدم .  
دوداقلرنده تهدیدکار جمله لرله آیاغده قالقدی . اوتهدن ژروه ز آچاق بر سسله  
یالواریوردی .

— طور ، دیکله ، یالواریزم سکا ، الکنن بیچاغی براق ، قوزم باشمزه  
بر فلاکت چیقارما !



فی الحقیقة قوپو ماصه اوستنده طوران بچاغی یاقه لامشدی . ویرژینی بونی آلدن  
آلدى . فقط سوقاغه چیقهرق لانتیه نك یاننه کیمسه نه مانع اولامادی . دعوتایلر  
شرقی نك ویردیکی تهیج انچنده هیج برشی نك فرقنه وارماملردی . مادام لوران  
یانیق برادا ایله شرقی نك :

« او بریتیم قیزغیز ایدی ، نسینی بویوک آغاچلرله روزکارلردن باشقه  
کیسه ایشیتمه یوردی »

دیین قطعه سنی اوقورکن اونلر متصل آغلیوزلردی . صوک مصرع آلم بر  
فیرطنه روزکاری کی سفره نك اوستندن کچدی . او آرهلق شراب قدحی آغزینه  
کوتورمش اولان مادام پوتوا اوقدر متأثر اولمشدی که بارداغی دهویردی ، شراب  
سفره اورتوسنه دوکولدی . ژروه زک وجودی بوز کی طوکمشدی . حایقیرمامق  
ایچون برآلنك یومروغنی صیقهرق آغزینی طیقایور ، ایکی ارکک نه حاله کیره جکارینی  
کورمک انتظاربله طویدی دهشتدن کوزلرینی آچوب قاپایورلردی . اوله ظن ایدیوردی که  
نرده ایسه اکیسندن بری سوقاغه ییقیلوب قاله جقدی . ویرژینی ایله مادام بوشی ده  
صراق صارمشدی . اونلرده وقعہ نی دقتله تعقیب ایدیورلردی . دکانک صیجاق محیطنده  
بردن بره سرین هوایه چیقان قوپو لانتیه نك اوستنه آتیلحق ایستهرکن آز قالدی  
تهره دوشه جکدی . لانتیه ، آلارینی جیپندن چیقارمقسزین ، اونک صوکنه قارشى  
ساده جه برکناره چکیلرکه اکتفا ایتمشدی . شیمدی ایکی ارکک قارشیلانلی  
سوکوشیورلر ، بالخاصه قوپو درلودرلو کفرلریاغدیریور ، اشکنبه سنی ده شه جکندن  
بحث ایدیوردی . قودورمشجه سنه حایقیرشمه لرندن حاصل اولان کورولتو تا دکانک  
ایچنه قدر کلیور ، قولارینک ویده سی بوزوله حق قدر بربرینه اوران آلارینک  
متهورانہ اوضاعی اوزاقدن فرق ایدیوردی . ژروه ز باغینلقلر کچیریور ، کورمه مک  
ایچون کوزلرینی قاپایوردی . غوغا اوقدر اوزون سورییوردی که اونلرک برون  
برونه یاقلاشه رق دوکوشدکارینی دوشه وندکجه مطلقا بربرینی ییه جکارینی ظن  
ایدیوردی . بر آرداق سس ایشیدلر اولدی ، کوزلرینی آچهرق باقدی .  
شیمدی ده حیرتلرایچنه طالمشدی ، چونکه ایکی ارکک ساکن ساکن قونوشیورلردی .

مادام لورات ، ینه او کریان ادا ایله ، شرقیه دوام ایدیوردی :

« دیرکن ایرتسی کونی یاوروجغزی یاری اولو بر حالد بولایلر »

شرقی نك بو نقطه سنده مادام لوریو جوشه رق :

— آمان یاربی بونه قلبسز قادینش !

دیدى وهرکس اونک بومطالعہ سنی تصویب ایتدی .

ژروه ز ، مادام بوش و ویرژینی ایله باقیشدیلر . حیرت ! ایکی ارکک اویوشیور



کې ایدی ! چونکه ایکسی ده قالدیریمک کنارنده طومش ، صحبت ایدیورلردی .  
واقعا ینه سوکوشیورلردی ، فقط بوسو گوشمه دوستانه برطرزده جریان ایدیورلردی .  
بربرینه قارشى قوللاندقلری « حیوان حریف » تعبیرنده برشمه مودت بيله واردی .  
برآرهلوق اطرافدن کندیلرینه باقیمقده اولدیغنی کورو نجه طاتلی طاتلی کزیمکه قویولدیله ،  
هم یوریورلر ، هم ده اون آدیغه برکره طوزوب یوز یوزه قونوشیورلردی .  
دیرکن محاوره ینه شدت کسب ایتدی . قوپو بردن حدتله نیر کې اولمشدی .  
اوته کیسی بو حدته آلدیرمیور ، قوپونک رجاسنه موافقت ایتیور ، او رد ایتدیکه  
قوپو رجا ایدیورلردی .

نهایت قوپو ، لانتیه یی آرقه سندن ایتهرک قارشیکی قالدیریمه کچیردی . مقصدی  
اونی دکانه صوقق ایدی . یوکسک سسله :

— دیدک آ ، قلمده هیچ برشی یوق ... برقدح شرابدن نه چیقار ؟ جام  
بز ارککلر بربریمزک دیلندن آکلارز .

مادام لورات شرقینک صوک نقراتی اکمال ایتک اوزره ایدی . قادیلر ، آلارنده  
طوتدقلری مندیللری بوکهرک ، هپ برآغزدن اونکله برابر عینی نقراتی تکراره  
باشلامشلردی .

مادام لورات برچوق آلقیشلاندی . شرقی بیتوب یرینه او طورورکن صانکه  
یورغونلقدن بیتمش کې برحالی واردی . ایچه جک برشی ایسته دی . کندی ادعاسنه  
باقیلیرسه بو شرقی یی او قدر یوره کدن او قومشدی که اعصابنک بری قوپه جق دییه  
قورقیوردی . آنجق شیمدی هرکسک نظرلری ، قوپونک یانی باشنده شراب قدحنه  
باطیردیغنی پاسته سنی یمکله مشغول اولان لانتیه یه متوجه ایدی . ویرژینی و مادام بوشدن  
باشقه دعوتایلر ایچنده اونى طانیان یوقدی . مادام لوریو ایله قوجه سی ایشک  
ایچنده برشی اولدیغنی سزمشلردی . فقط پک ایی بيله میورلردی . ژروه زک هیجانی  
کوره ن غوژه لانتیه یه یان کوزله باقیوردی . اورته لغه صیقندیلی بر سکون عارض  
اولمشدی . بونی ازاله ایچون قوپو لانتیه یی اشارت ایدهرک :

— بردوستدر .

دیدى وقاریسنه دونهرک علاوه ایتدی :

— هایدی برپارچه قیملدان ! کیت باقلم بلکه جزوده آزیجق صیجاق  
قهوه قالمشدر .

ژروه ز شاشقین و ساکن برطوریله اونلری سیر ایدیورلردی . بویوک فیرطنه کونلرنده کوک  
کورله دیکی زمان ناصل باشنی ایکی آلاری آره سنه آلیرسه قوجه سی اسکی عاشقنی دکاندن  
ایچری صوقدیغنی کوردیکی زمانده او یله یامشدی . بوکابر درلو احتمال ویره میوردی .



شیمدی دیوارلر ییقله جق، بوتون سفره خلق انقاض آلتنده قاله جق ظن ایدیوردی . دیوارلر ییقله شویله طورسون، موسالین پرده لر بیله یرلرندن اوینامق سزین ایکی ارککک سفره باشنده یان یانه اوطوردقلرینی کورونجه برآن ایچنده اوده بوحالاری پک طبیعی بولدی . ذاتاً قاز آتی معدده سنه برپارچه صیقیندی ویرمشدی . آکلاشیلان برآز فضله یمشدی، هضم سزلق سببیه ایی دوشونه میوردی . لطیف برتنلک بوتون وجودینی اویشدیریوردی . بوتنلک ایچنده ماصه نك کنارینه ییغیلیر کی باصلامش ایدی . بوتون ایسته دیکی، اووضعیت آره سنده کیسه طرفندن راحتسز ایدله مکدی . اویله یا ، طوروب طوردیغی یرده حدتله نك نه معناسی وار ؟ باق باشقه لرینك اومورنده می ؟ مادام که بوتون غوغالر کندی کندیلرینه حل اولونوب کیدیورلر ، اوحالده اوزولك نهیه ؟ بوملاحظه ایله یرندن قالدی ، مطبخده قهوه قلوب قالمادیغی کورمکه کیتدی .

ایچرییی اوطه ده چوجوقلر اویموشلردی . شاشی اوغوستین یمک صوکلرنده اونلری فنا حالده قورقوش کاه اوکلرنده چیلکارینی قامش ، کاه قورقونج اوضاع ایله یاوروجقلری تهدید ایتمشدی . فقط اوده اوراق برماصه نك کنارینه بوزولمش ، خسته لقدن یوزی بم بیاض کییامش ، هیچ برشی سویله یه جک حالی یوقدی . پولین باشنی آتیه نك اوموزینه طیامش ، آتیه نده ماصه نك کنارنده اویویه قالمشدی . نانا قاریوله نك اوکنده کی خالینك کنارینه اوطورمش ، برقولنی ویقتورک بویننه آتمش ، کوزلری قاپالی ، خفیف بر سسله متصل سویله نیوردی :  
— آنه ، آجیور آنه آجیور ؟

اوغوستین باشنی قالدیردی :

— آجی فلان یوق ، بویوک انسانلر کی شرقی سویله مکدن یورولدیلرده اونك ایچون . . .

ژرومه ز آتیه نی کورونجه یکیدن قلبنده بر ضربه حس ایتدی . بو چوجوغک باپاسی ، ایکی آدیم اوتده اویویان چوجوغنی اویمک احتیاجنی طویقم سزین یانی باشنده کی اوطه ده یاسته سنی یوقمله مشغول اولدیغنی دوشوندکجه بوغولیور کی اولیوردی . آزقالدی چوجوغنی اویاندره جق ، قوجاغنه آلوب لانتیه یه کوتوره جکدی . لکن تکرار دوشوندی : دمیکی غوغانك طاتلیقله یاتیشمی کنیدیسنی ده ممنون ایتدیکنی خاطرلادی . باخصوص کندینه عاٹد بر ایشدن طولای ضیافتک کیفی قاچیرمق موافق دکلدی . خلاصه جزوه یی آلهرق کری دوندی ولانتیه نك فنجاتی دولدیردی . لانتیه هیچ اونکله مشغول دکل کی کورونیوردی .

قوپو پاته کی بر سسله :



— ديمك صيره ئىكا كىدى ھا ، ديدى ، اويله يا شرقيلرك اك اعلاسنى اك  
صوكه صافلادىكىز . شيمىدى دىكله يىكز ، بىندە سىزە « بونە خىزىر چوجوق ! »  
شىرقىسىنى سويله يەجىكم .

ھې بىردىن ھايقىرىشىدىلار :

— اوت اۋنى ايسىتەرز ...

يىكىدىن كورولتو باشلامىش ، لانتىيە اۋنوتولمىشى . قادىنلار تىپو طوتمىق اىچون  
بارداقلىرىلە بىچاقلرىنى ھاضرلادىلار .

قوپو ھى باشلامەدىن باچاقلرىنىك اۋستىندە چاپقىن بىرۈضىيەت آلمىشى . بۇكا  
ھىكس كولوشىدى . نىھىت اخىتار بىر قادىن سىسىنى تىقلىد ايدەرك شىرقىيە باشلادى .  
صيره نىفراتە كلنچە بوتون قادىنلار بارداقلىرىنىك اۋزىرىنە بىچاقلرىلە اورەرق صالونىك  
ھىدەش نىشە و نىشاپى آره سىندە ھې بىر آغزىدىن تىكرار ايتىدىلار :

آه نە خىزىر چوجوق !

نە خىزىر چوجوق !

شىمىدى غون دور جادە سى دە جىنىشە قارىشىش ، بوتون مىللە بىر آغزىدىن « آه نە  
خىزىر چوجوق ! » دىيوردى . قىسسە بويلى ساعىتى ، بىقال چىراقلىرى ، اشكىنبەجى ،  
يىمشىق قادىن ، ھىپسى بوشىرقىيى بىليورلردى . بوتون بوانسانلار بىر بىرىنىك اكسەسىنى  
شامارلايەرق عىنى نىقراتى تىكرار ايدىيورلردى . سىرخوشلىق سوقاغە سىرايت ايتىمىشى .  
قوپولرك اۋندىن چىقان رايحە ذوق و صفا مەلە قالدىرىمەدىكى انسانلار دە جىنىش ياپىيورلردى .  
ھىلە دعوتلىلار آدم عقللى سىرخوش اولمىشلردى . چوربايى متعائب اىچىلىن ايلك قدح  
شىرايدىن اعتباراً كىتىدكە آۋتان بىر بىرخوشلىق جىنىش نىھىت بىدمىست ايتىمىشى . ھىپسىنىك  
يوزندە مېندول يىمىش اولمىقدىن مەتۈد بىر رونق واردى . قوتلى بىر حرارت نىشر  
ايدىن ايكى لامبەنىك قومىرال بوغوسى اىچىندە ، ھىپسى صوك ھىدى بولمىشردى . سوقاقدە  
بىكىن صوك آرابەلرك كورولتوسى بو مەظم جىنىشك ولولەسى آره سىندە بوغولوب  
كىدىيوردى . اھالىنىك قالدىرىمەدى طوپلاندىغى كورن ايكى پولىس بىر عصيان وقوعنە  
زاھىب اولەرق قوشوشمىشلردى . آنچىق دعوتلىلار آره سىندە آرقداشلىرى پوواسىسۋنى  
كورونچە سىلاملاشەرق يان يانە ، قالدىرم بويىچە اوزافلاشوب كىتىدىلار .

قوپو شىرقىنىك صوك قىطعەسىنى سويلە يوب بىترىچە بوتون اۋچاتىردادى كىچەنىك  
اىلىق وساكن مىطىلى اىچىندە اويلە باغىرىشىيورلردى كە كورولتونىك بۇدرجەسىنى اۋنلار دە  
آقىشلا مىشلردى .

خلاصە دعوتلىلاردىن ھىچ بىرى ضىيافتىك نە صورتلە ختام بولدىغى خاطرلايە مىيوردى .  
ھى حالە وقت پىك كىچىكىمىش اولەجىقدى ، چۈنكىك اۋساعىتدە سوقاق بوسى بوتون



بوشالمشدى، يولدن بركدى بيله كچمىوردى، غالبا بر آرهلق ال آله طوتوشهرق سفيره.  
 اطرافنده دانسده ايتمىلردى. اوزمان آغزلىر قولاقلره قدر آچىلمش، يوزلىر قىپ.  
 قرصلى اولمش، دكانك صارى بر سىس آ كديران دومانلىرى آره سنده برخىلى  
 صيچرامشلىردى. شوراسى محقق كه يماك صوكنه طوغرو خالص فرانسى شرابى  
 ايچمىلردى. يالكرز ايچلىرىدن برىنك لطيفه مقصديله شراب قدحلىرىنه طوز قويوب  
 قورمادىنى معلوم دكلدى. چوجوقلىر كندى كندىلىرىنه صويونمش، كندى كندىلىرىنه  
 ياتاقلىرىنه كيرمش اوله جقلىردى. ايرتسى كوز مادام بوش، كومورجى مادام ويغوروايله  
 پك صبقى فىقى قونوشان قوجه سنده ايكي توقات آتديغنى آ كلاتيوردى. فقط قارىسندن  
 طياق ييدىكنى خاطر لايه ميان بوش بونى لطيفه يه حمل ايدىوردى. يالكرز هر كس  
 بر نقطه ده منفق ايدى: اوده قله مانسك حالى ايدى. حقيقه بوقىر ضيافته چاغىر يله جق  
 طاقدن دكلدى. بر آرهلق طاشقىنلىنى اودرجه يه واردىرمشدى كه وجودىنك هر طرفنى  
 كوسترمش، حتى بو طاشقىنلىقه موسلىن پرده لردن برىن ده پارچه لامشدى. ار كىكار  
 آره صيره سوقاغه چيقيورلىردى. معدىلىرى بوزولان لورىو ايله پوواسسون تافصاك  
 دكانه ندر اوزانمىلردى. تريبه لى آدم ناصل بللى اولور؛ حرارتدن فنا حالد صيقيلان  
 مادام بوتوا، مادام لوران، ويرژنى يانده كى اوطه يه كيده رك قورصه لرىنى چيقارمىلردى.  
 حتى ويرژنى بو صيقيندىنك ناخوش نتيجه لرىنه مانع اولمق ايچون بر آرهلق ياتاغه  
 اوزانمق ايسته مشدى، نهايت طاغلمغه باشلىرمشلىردى.

لورىو ايله قارىسى غوغا ايدىيور، بابابرو وحشى برسسله ترولالا ترولالا  
 نقرانى تكرر اليور، جنبشك بو صوك كورواتولى آراسنده بوتون دعوتلىلر بربرى  
 آردنجه چيقت چيقت سوقاغك قارا كاكلرى ايچنده اريوب كيدييوردى.  
 ژرودز اويله ظن ايدىيوردى كه غوژه كيدر كن هيچقير ييوردى. قوپو حالا شرقى  
 سويليوردى.

لانتيه يه كلنجه اوده ضيافتك صوكنه قدر قالمش اوله جقدى. حتى ژرودز بر آرهلق  
 صاحلىرى آره سنده بر نفس طولاشديغنى حس ايتمىلدى. فقط بونفس لانتيه نك  
 آغزندن مى يوقسه كيجه نك صيچاق هوا سندن مى كلىلدى بونى پك اى بيله ميوردى.  
 مادام لوران كيجه نك بو وقتنده اوينه كيده مه يه جكنى سويله مشدى. قارىوله دن  
 بر شيلته چيقاردهرق دكانك بر كوشه سنده سردىلر. هان ايچنه كيروب ياتدى وضيافتك  
 قيرىقتىلرى آره سنده درين بر اويقويه طالدى. او صاحلىلى اوطه لرنده بيتاب  
 اوپورلىر كن آچىقدن بر پنجره دن ايچرى كيره ن قومشونك كديسى قاز كىكلرىنه  
 صالدىردىر ق ايجه ديشلىرىنك ميني ميني چتيردىسى ايچنده قازدن قالان بقيه يى معدى سنده  
 دفن ايتدى.



ایرتسی هفته جمعه ایرتسی آقشای قوپو یمکه کله مشدی . ساعت اونه طوغرو لانتیه ایله براگده کلدی . مون مارترده طومانك لوقنطه سنه کیتمشلر ، اوراده قویون باچه سی یشلردی .

ایچری کیرن ژروهزه :

— صاقین بزه طاریله یم دیمه ها ، باق ناصل اوصلی عقللی کلدک . هم لانتیه ایله برابر بولونجه هیچ برتهلکه یوق . طوغرو یولدن نه کندیسی شاشارنده سزی شاشیرتیر .

دیدى . روسن شوار سوقاغنده بربرینه ناصل تصادف ایتدکارینی آکلادی . لوقنطه دن چیقنجه قوپو پول تواردن برقهوه ایچمکی تکلیف ایتشدی . فقط لانتیه انسانك اوده سوبلی و ناموسلی برقارسی اولونجه قهوه فهوه طولاشمق طوغرو برشی اولمادیغنی سویله مشدی . ژروهز بو حکایه یی خفیف برتبسمله دیکل یوردی . خایر ، طاریله جق دکلدی . اساساً لانتیه یی کورونجه او قدر صیقله مشدی که طاریله خاطرندن کچمه یوردی . معافیله اوضیافت کیجه سندن صوکره اسکی عاشقنك ، ایرکیج . برکون کندیسنی کورمکه کله جکنى تخمین ایتشدی . آنجق بویله اویقویه یاته جنی بر ساعتده بواکی ارکک آپانسزین کلیویرنجه بردن شاشیرمشدی . تلاشدن تتره یین آلریله صاچلرینی تنظیمه اوغراشیوردی . قوپو تکرار سوزده باشلادی .

— مادام که سوقاقدہ اکرام ایتک ایسته دیکم قهوه یی قبول ایتمه مک نرا کتنده بولوندى ، طبیعی بوراده کندیسنه برایچکی اکرام ایتک سکادوشلر . ذاتاً بزه بویله بر اکرام بورجلیسک .

ایشجیلر دکاندن کیده لی خیلی زمان اولمشدی . اختیار مادام قوپو ایله نانا اویومشلردی . ژروهز دکانی قاپامق اوزره کینکاردن برینی آله آلمشدی . ایکی ارکک کلیویرنجه کینکی یرینه قویدی ، دکانی قاپامغه لزوم کورمه یهرک ایچریدن کتیردیکی ایکی قدحله برشیشه قونیاغی ماصه نك اوستنه قویدی . لانتیه آیاقدہ طورییور ، اوکا طوغرودن طوغرویه توجیه خطاب ایتک ایسته میوردی . آنجق ژروهز قدحله قونیاغی کتیرنجه :

— چوق طولدیرمایک مادام ، دیدی . برطامله جق آلویرر .

قوپو اوتهدن ایکدینى تدقیق ایله مشغولدی . نهایت حکمنی ویردی . ماضیده



اولوب بیتن شیلر اوزرنده حالا اوغراشماق آبدالق دکلده نهدر ؟ ماضی کجادی  
 کیتدی . هم برانسان یوره کندن سکیز اون سنه کین طاشماز آ . . . بویله اولسه ییدی  
 بریوزنده کوروشوله جک انسان قالمزدی . باخصوص بونده قورقوله جق برشی ده .  
 یوقدی ، اولا قاریسی ای برقادیندی ، اوندن صوکره لانتیه تمیز یوره کای بر  
 ارککدی ، اسکیدن طانیشمش ایکی دوست ایدیلر ، ایکسینک ده ناموسلرندن امین  
 ایدی ، بناءً عایه کوکلی راحتدی .  
 قوپونک بومطالعهرینی ژروهر ، نه سوبله دیکینک کندیسینی ده فرقنده اولمق سزین ،  
 ساده جه :

— البته ، اویله یا ، طبیعی دکل ؟

سوزلریله تأیید ایدیوردی .

لانتیه بونک اوزرینه :

— آرتق ، دیدی ، قاریک نیم ایچون برهم شیردن باشقه برشی دکلدر .

قوپو ممنون ایدی :

— اویله ایسه آل آله ویرک باقمیم ! اما کبارلر بویله یا نمازلریش ، جهنمک دینه !  
 بزم یوره کارمن بویله تمیز اولدقدن صوکره بر میلیون لرلردن دها بختیارز دیمکدر .  
 نجه دوستلق هر شیئه صراجدر ، چونکه دوستلق دوستلقدر . اوندن اوستون  
 هیچ برشی اوله ماز .

بونلری سویلرکن او قدر هیجان ایچنده ایدی ، لانتیه نک قارننه اویله یوسروقلر  
 ایندیوردی که ژروهرله لانتیه اون تکیدره لزوم کورمشلردی . خلاصه ماصه باشنه  
 اوطوره رق سکوت ایچنده قدح لرینی بوشالغنه قویلدیلر . شیمدی ژروهر لانتیه نک  
 یوزینه راحت راحت باقمه بیلیوردی . ضیافت کیجه سی اونی آنجق برسیس طبقه سی  
 آره سنده کوره بیلمشدی . او کورمه یه لی لانتیه قالینلاشمش ، وجودینه برشیشمالق ،  
 بریووارلاق کیش ، قیصه بویینه نسبتله باجقلری وقولاری قابا برشکل آلمشدی .  
 آنجق حیاتی چاپقینلقه ، صفا و سفا هتله کچمش اولمسنه رغماً یوزینک چیزکیلری  
 حالا کوزللاکینی محافظه ایدیوردی . ایجه بیقلرینه دائماً اعتنا ایتدیکی ایچون باشندن  
 هیچ فضله کورونمز ، هر کورن اونک اوتوز بشنده اولدیغنی قبول ایدردی .  
 او کون آیاغنده کول رنگی بر پانطالون ، آرقه سنده کبار موسیولر کبی ماوی  
 رنگلی قابا قاشدن بر پالطو ، باشنده یووارلاق بر شاپقه واردی . فضله ارله رق  
 ساعتک کوموش کوسته کنده یادکار اوله رق ویرلش بر یوزوک آصیلی ایدی .

بر آره لق قالدهرق

— آرتق کیده می



دیدى و بو سوزى سويله مسيله سوقاغه چيقيسى بر اولدى . قوپو آرقه سندن سسله نهرک چاغیردى . و بوندن صوکرده ده دکانک اوکندن هر کچه بیه حال بر دفعه اوغرایوب حال خاطر صوره جغنی وعد ایتدیردی . بو آرهلق ژروهر کیزلیجه یانده کی اوطه یه کیده رک اورادن آتیە نی آلوب دکانه کتیرمشدی . چوجوغک آرقه سنده کیجه لک انتاریسی واردی ، یوزندن کوزندن اویقو آقیوردی . دکانه کیرنجه کوزلرینی اوغوشدیره رق کولکه باشلادی . آنجق قارشیسنده لانتیه نی کورور کورمن فنا حالدە صیقیلدی ، بوتون وجودی تیره یور ، اندیشناک نظرلرله آنه سنه وقوپویه باقیوردی .

قوپو صوردی :

— سن بو موسیوی طانیازمیدک ؟

چوجوق جواب ویرمکسزین باشنی ا کدی . تصدیق مقامنده خفیف بر باش اشارتی یاپدی .

— او یله ایسه نایه آبدال آبدال طور ییورسک ، کیدوب قوجانلاسه ک آ... لانتیه ، جدی وسا کن بر طور ایله ، اولدینی برده بکلیوردی . آتیە نه یات اوکا طوغرو کیتمه حاضر لانیرکن لانتیه بر ا کیله رک یاناقلرینی اوزاتدی و کندیسى چوجوغک آلندن اوپدی . اووقت آتیە نه کوزلرینی قالدیره رق باباسنک یوزینه باقه بیلدی . فقط بردن هیچتیره رق آغلامغه باشلادی ودلی کی قوشه رق اوطه سنه کیتدی . آرقه سندن قوپو ، وحشی چوجوق دیه تیکدیر ایتدی . ژروهر اوضاحه لزوم کوردی :

--- چوجوغک خلیجانی قاباردی ده اوندن ...

قوپو بو سوزی تأیید ایتدی :

یوقسه پک سویملی ، پک سا کن اخلاق وار . بن اونی غایت سرت بویوتم . کوره جکسکیز سزه ناصل آلیشه جق ... هم اورته ده بوچوجوغک اولمادینی فرض ایدلسه بیله بوینه طارغین قاله جق دکلک آ... طوغروسى بز بو باریشقلنی چوقدن یاملی ایدک . بن کندی حسابمه بر بابایی چوجوغنی کورمکدن منع ایتمه اصلا قائل اوله مام .

شیشه ده حالا بر پارچه قونیاق واردی . قوپو بونی بیتیرمکی تکلیف ایتدی . یکیدن قدحلری پارلاتدیلر . لانتیه نک حالنده طبیعی بر سکونت واردی ، بو حادته دن هیچ متحیر کورونموردی . قانقوب کیتمه دن اول ، کندیسنه کوستریلن نزا کتیه مقابله اولق اوزره دکانی قاپارکن اونلره یاردیم ایتدی . صوکره الارینک توزینی سیلکه رک قاری قوجه یه خیرلی اویقولر تمنی ایتدی :



— بنده شورادن اومنیبوسه آتلایهیم ... انشالله یاقینده ینه کلیم .  
دیدى، بویکجه دن صوکره لانتیه ژرومژك اوینه صیق صیق کلکه باشلادی .  
دائما قوپو اوده بولوندیغی زمانلر کایر، قاپودن کیرر کیرمز حال خاطر صورار ،  
صانکه بالخاصه اونك ایچون کلیورمش کبی کورو نوردی . صو کر اپالطوسنی چیقارمه دن  
آرقه سنی جامکانه چویره رک ، دائما تراشلی سیاسی وایی طارانش صاچلریله طبقی  
اوقویوب یازمه بیلن موسیولر کبی نازکانه قونوشمه باشلاردی . قوپو ایله قاریسی  
بوزیارتلر اثناسنده اونك حیاته واقف اولدیلر : او ، سکر سنه مدت برشاپقه  
اعمالاتخانه سنی اداره ایتش ایدی ، بواشدن نه ایچون چیقادیغی صورددقلری زمان  
جواباً بوتون سرماییه یی قادینلر پیشنده صرف وهلاک ایدن چاقین، ماسقاره براورتاق  
بوزندن اولدیغی سویله مشدی . فقط پاترون لقبی بر عنوان اصالت کبی حالا اوزرنده  
طاشیوردی . باشقه درلو اولسه امکان یوقدی . ایکیده بر دردست بولونان مهم برایشدن،  
بر طاقم شایغه جیلرک کندیسنی استخدام ایدهرک بویوک منفعتلرک اداره سنی کندیسنه  
تودیم اولنه جفندن بحث ایدردی . شیمدیلك برایش یاپدیغی یوقدی . آللری جیبنده  
زنکین کبارلرکبی، صباحدن آقشامه قدر طولاشوب طورورویوردی . ایشسزلیکدن  
شکایت ایتدیکی زمانلر کندیسنه بر فابریقه نك عمله یه احتیاجی خصوصندن بحث  
ایدهرک اولورلرسه بویوک کولومسه یهرک مقابله ایدر ، باشقه لرینک قازانجی ایچون  
چالیشوبده صوکنده آجلقدن اولمکه نیتی اولمادیغی سویله ردی . قوپونک دیدیکنه باقیلیرسه  
لانتیه هوا ایله یاشامیوردی یا ، ایشنی اویدرمشدی . بر کار یولی بولمشدی . چونکه  
سیاسنده بر رفاه علامتی واردی . زنکین عائله لرک چو جوفلری کبی طاقیندیغی قراوتلری،  
کیدیک کوملکلر، تدارک ایتک ایچون مطلقاً پاره سی اوله جقدی . حتی برکون  
قوپو مون مارت جاده سندن کچرکن دکانجیلرک لانتیه یه « بویورک افندم بویورک : »  
دیدکلرینی ده ایشیتمشدی . آنجق باشقه لرینه عائله مسائلده پک بوش بوغاز اولان لانتیه  
کندیسه عائله ایشلرده سکوتی ترجیح ایدر . ایجابنده حقیقتک خلافتی سویله ردی .  
حتی اوطوردیغی اوك ، آدره سنی بیله مزدی . کوزل برمسکن تدارک ایدنجه یه قدر  
شیمدیلك دوستلرندن برینک یاننده اوطوریوردی . احبابلرینک اوراده کندیسنی  
زیارتدن کلدیکنی ایسته مزدی . کلمک ایسته یلره اوده هیچ بولونمادیغی سویلردی .  
— ایشدن چوق نه وار! آنجق یکرمی درت ساعت فضله قالینه مایه جق ایشلره  
کیرمه نك بر فائده سی یوق که ... مثلاً کچن بازار ایرتسی کونی مون مارتده ده (شامپبون)  
دکاننده برایشه کیرمشم . اوکون آتشامه دوغرو دکان صاحبی ایله پولتیقه یه داتر  
قونوشیوردق . حریفک فکری نیم فکرمه اویغون دکل، او یله شیلر سویله دی که  
جامی صیقدی . قالقوب اوکادالقا ووقلق ایدهرک دکل آ، آرتق اسکی زمانلر کچدی ،



کونده یدی فوانق خاطری ایچون اسارته قاتلانه مازدم. ایرتسی کون براقدم چیقدم. تشرین ثانیئک ایلک کونلری ایدی. لانتیه هر زیارتنده دمت دمت منکشه کتیر بونلری ژروه زله دیگر ایکی ایشجی قادین آره سنده تقسیم ایدردی. کیت کیده زیارتلری صیقلاشدیردی. نهایت هر کون کلاک باشلادی. بناده، حتی بوتون محله ده اوطور انلری تسخیر ایتمکه چالیشدی کورولیوردی. ایلک تجربه یه قلمانس ایله مادام پوتودان باشلادی. یاش فرقنه باققسزین بونلره قارشى صوكد درجه جیله کاراق کوستریوردی. برای کچمه دن بونلرک ایکسی ده لانتیه پرستش ایدن اولمشدی. هر کیروب چیقده قاپونک اوطه سینه بر کره اوغرایه رق اونلری ده تلطیف ایتدیکندن طولای مادام بوش ایله قوجه سی ده نزا کتنه حیران ایدیلر. لوریولره کلنجه، بونلر ضیافت کیجه سی یمک صوکلرینه طوغرو کلن بو آدمک کیم اولدیغنی او کره نجه ایلک اولافنا حالده کوپوردیلر، اسکی عاشقنی آوینه قبول ایدر ژروه ز حقنده آغزه آیمایه جق شیلر سویله دیلر. فقط کونک برنده لانتیه اونلرک آوینه کیده رک طانییدی قادینلردن برینه هدیه ایتک اوزره بر کوستک ایصمار لایحه در حال معامله یی ده کیشدیره رک کندیسنی بر ساعت قدر اوده آلیقویدیلر، صحبتدن صوكد درجه ممنون اولدیلر. حتی بودرجه کبار بر آدمک ناصل اولوبده ژروه ز کی برطوباللا یاشادیغنه اظهار تعجب ایتدیلر. خلاصه لانتیه نك قویوعا ئله سنی صیق صیق زیارت ایتسی کیمسه یی قیزدیر مامغه باشلادی. هر کس بوزیارتلری غایت طبیعی بولیوردی. لانتیه غون دور محله سنده هر کسک محبت و حرمتی قازانمغه موفق اولمشدی. یالکیز غورهنک قاشلری چاتیق ایدی. کندیسى ژروه زک یاننده ایکن لانتیه دکانه کلجک اولورسه اونکله تأسیس مناسبتنه مجبور قالماق ایچون صیویشیر کیدردی،

بوتون محله خلقک لانتیه یه کوستردیکی بو آثار محبت و توجهه رغماً ژروه ز ایلک همنه لری قلیاً بویوک بر اندیشه ایچنده یاشامشدی. ویرژینی لانتیه نك بومنی اوکا ایلک آچدیغنی کون یوره کنده ناصل بر حرارت طویدی ایسه شیمدی ده او حرارتی حس ایدیوردی. کونک برنده لانتیه کندیسنی اویمکه تشبث ایده جک اولورسه بوکا قارشى مقاومت ایده مه مکدن قورقیوردی. عقلی فکری هپ اونکله مشغول ایدی، قلبنده ایچنده هپ او واردی. معافیله ضرور زمانله بو قورقوسکون بولدی. لانتیه نك کندیسنه قارشى معامله سنده اعتراض ایدیله جک بر حال یوقدی؛ یوزینه او یله دیک باقیور، پارماغنک اوجیله بیله طوقونموردی. اوطه ده کیلر آرقه لرینی چویردکلری زمانلرده بیله بوندن استفاده یه قالفیشمیوردی. هم الله عشقنه، لانتیه دن بوقدر تیره مکه نه لزوم واردی؟ اونک قدر تربیه لی بر آدمدن قورقو. لورمیدی؟ خایر، خایر قورقغه هیچ محل یوقدی. کونک برنده ویرژینی او یله



بر مانوره قوللاندی که لانتیه ایله ژروهر و کندیسسی بر کوشه ده یالکز قاهره  
حسی بر مخاوریه کیریشدیلر . لانتیه جدی بر سسله و قوللاندینی کله لری انتخاب  
ایدهرک آرتق قلبنده محبتیه یر قالمادیغنی و بوندن صوکره بوتون حیاتی چوجوغنک  
بختیاراغنه حصر ایدجکنی سویله دی . الا آن جنوب ولایتلرینک برنده اولان اوتاک  
چوجوغنی قلوددن هیچ بحث ایتیموردی . هرکلیشده آتییه نی بردفعه آلنددن اوپر .  
فقط چوجوق برشی انتظاریه قارشیدینده طوره حق اولورسه اوکا نه سویله مک لازم  
کله جکنی بیله من ، بر آرز صوکره ، اونی اونوته رق قله مانسله مشغول اولمغه قویولوردی .  
ژروهر بو حالاردن سکون بوله رق ماضینک آرتق قلبنده اولدیکنی حس ایتدی .  
لانتیه نک قارشیدینده ذهناً هپ پلاسمنان کوبنه و بون کور اوتلنه عائد خاطره لرله  
مشغول اولوردی . اونی دائماً کوزا و کند ، کوردیکی ایچون خیالاً دوشونمراولمشدی .  
حتی بر آره لق اسکی مناسبترینی دوشوندکجه قلباً بر حس استکراه بیله طویاردی .  
اوح چوق شکر ، آرتق هرشی بیتمشدی . شاید ینه لانتیه جسارت ایدوبده  
اسکی مناسبتك اعاده سنی ایسته یه جک اولورسه اووقت ژروهر بوکا مقابل یا برچیف  
شامارله مقابله ایدجک ، یاخود ایشی در حال قوجه سینه آچه جقدی . بو قرار  
ویرد کدن صوکره وجدانی هر درلو عذابدن قورتولمش ، قلبنک بوتون حلم سکونیه  
غوژهنک دوستاغنی دوشونمکه قویولمشدی .

بر صباح ، قله مانس دکانه کلیر کلز بر کیجه اول ، ساعت اون بره طوغری  
موسیو لانتیه نی بر قادیله قول قوله کزرکن کوردیکی آکلاتدی . قله مانس ژروهر  
نه حاله کیرمجه کنی کورمک صراقیله و محضاً فناق ایتک مقصدیه اک چرکین کله لری  
قوللانیوردی . اوت موسیو لانتیه نی نوتردام دولوره ت جاده سندن یوقاری کیدرکن  
کورمشدی . یاننده صاریشین بر قادین واردی . بو قادین بو بوک جاده لری ده صیق  
صیق تصادف ایدیلن یاری آچ یاری طوق قادیلردن بری اولسه کرکدی . ایپک  
اثناسک آلتنده آرقه سندن چبالاغنی کورونیوردی . قله مانس آلا ی اولسون دییه  
اونلری بر مدت تعقیب ایتمشدی . دیرکن اوقاری بر قصاب دکانه کیردی . بر پارچه  
ژابون صاتین آلدی . اورادن روشفوقوله سوقاغنه قدر کیتدیلر . اورادن قادین  
بر آوه کیردی ، موسیو لانتیه قالدیریم اوستنده باشی هوایه قالیق ، یوقاریکی پجره دن  
قادینک کندیسسی ایچری به چاغبره حق بر اشارتنه منتظر ، طوردی . قله مانس بو کاهه نی  
چرکین و مستکره تاویلار علاوه ایدهرک آ کلاتیرکن اوتده ژروهر ، هیچ تستکنی  
بوزمایه رق . بیاض بر اثنابی اوتولمکله مشغول ایدی . آره ده صیره ده خفیفجه  
کولومسیوردی . کندی کندینه :



— شو طشره لیلر نه قیزغین اولیورلر یاربی ، هیچ دهه دویمق بیلمیورلر، دنیا نك بوتون قادینلرینی آله کچیرسه لر ده اایسته رلردی .

دیئوردی . او کون آقشام اوستی لانتیه کانه ژرودز قله مانس دن طویدلرینی شقه اولسون دییه حکایه ایتدی ، صاریشین قادینک بحثی آچدی . حالبوکه لانتیه بوندن ممنون کورونیوردی . اساساً بو قادین احبابلرندن بری ایدی ، بوش وقتلرنده آره صیره کوروشورلردی . کندیس ی غایت شیق ، اوطه سی پلنک آغاچندن دوشه لی برقیزدی . اسکی عاشقلرندن بریسی برونقونیت ، اوته کیسی برزنکین چینی تاجر ، اوچنجیسی بره قاولات محررینک اوغلی ایدی . بو قادینک اوستی باشی هپ لوانطه قوقدینی ایچون لانتیه اوکا بایلیوردی . ذاتاً کوزل قوقو سورهن قادینلردن پک خوشلانیردی . سوز بورایه کانه جییندن مندیانی چیتارهرق قله مانسک بورنه طوغری اوزاتدی . بوقوقوی مندیله او قادین سورمشدی . سوزک بونقطه سنده آتیه ن ایچری کیردی . چوجوغی کورونجه لانتیه جدی برطور طاقیندی ، آلنندن اوپدی ، نهایت بوتون بوشیلرک بر لطیفه دن عبارت اولدیغنی ، چونکه قلبی عشقه ابدیاً قاپاندیغنی سویله یهرک بحثی قاپاتدی . ژرودز ، اوتوله دیکی آوابک اوستنه اکیلمش اولدینی حالده ، بر باش اشارتیه لانتیه نك سوزینی تصدیق ایتدی . ینه قله مانس ، ایتدیکی فناقله قالمشدی . چونکه لانتیه لافید کی طورهرق کندیس ی بر قاق دفعه چیمدی کلهمش ، کندیس نه قارش ی قلبنده بر احتراض بسله دیکنی آکلامشدی . سوقاقده راست کادیکی قادین ی لوانطه قوقادیغنی دوشونه زک قیصه قانچلقدن پا طلیوردی .

ایلاک بهار کانه ، آرتق آوک اک صمیمی دوستی صیره سنه کچن لانتیه احبابلرینه ده یاقین اولق ایچون بو محله یه طاشینه جفی سویله دی . غیر بر آوده دوشه لی بر اوطه ایسته یوردی . بر طرفدن مادام بوش ، دیگر طرفدن ژرودز او یله بر اوطه بوله بیلماک ایچون آراشدیرمغه باشلادیلر . جوار محله لردن صور دیلر . آنجق لانتیه چوق مشکاپسنددی . اولاً اؤک بویوک بر آولوسی اوللی دیئوردی ؛ اوندن صوکره اوطه زمین قاتنده اولسون ایسته یوردی ؛ فضله اولهرق اوطه نك ایچنده هر درلو اسباب استراحت موجود اوللی ایدی . شیمدی کیچرلری قوپوده طویلاندقلری زمان لانتیه اونلرک طاوانلرینی اولچمکه ، اوطه لرینک تقسیماتی تدقیق ایشمکه مشغول اولور ، ایشته بویله بر آو آرادییغنی سویلردی . بوندن فضله برشی ایسته دیکی یوقدی ، بویله بر کوشه ده ، بو قدر ساکن و صیجاق بر بوواسی اولسون ، باشقه بر آرزوسی یوقدی . لانتیه بو متحسرانه سوزلرک نهایتنده دائماً شو جمله یی قوللانیردی :

— الله ویرسون ، سز پک ایی بر آو بولمشکنز !...



بر کون آقشام يىمگنه ژروەزده قالمشدى . يىنه او بىچى آچىلمىشىدى . برمعتاد  
برچوق قونوشولدىقن صوكره لانتیه يىنه عىنى جالەيى صرف ايتدى :

— الله وىرسون، سىز پك اىي بر او بولمىشىكىز ...  
بر مدتدن برى اوكا تىكلىفسىزجه خطاب ايتىمىكده اولان قوپو بردن حايقىردى :

— ايتىستەرسەك بزده قال ، بر چارەسىنى بولورز .

فكرىنى دها ايضاح ايتدى :  
كىرلى چاشىرلىرى قويدقلىرى اوطە تىمىزلەتيلير، اُتيەنە دكانك ايمچىندە بر يردوشكى  
ياپىلير، اولدى كيتدى .

لانتیه اعتراض ايتدى :

— خاير خاير بوتكىلىفىكىزى قبول ايدەمم . صوكره سىزى پك راحتسىز ايتىش  
اولورم . واقعا تىكلىفىكىز يوره كىندىر، بونى بىليورم . فقط اوقدر صيقيشه جىزكه ...  
اوندن صوكره هيىچ بىزىز سىر بىست اولەمايه جىز . بىز اوطەمە كىتمك ايمچون هر دقيقه  
سىزك اوطە كىزدن كچمك مجبور بىتمىدە قالە جىم . بۇدە اىي برشى دكل ...  
قوپو كولمىكدن بوغولمىوردى . يوسر و قىلر يله ماصەيه اورەرق :

— سىز دە هپ بويلە آبدالجە شيلر دوشونويورسىك . انسان ديدىكك طار وقتدە  
كوچلىكارە چارە بولمىدەر . باق مثلاً ، اوطەنك ايكى پىجرەسى وار ، بونلرك بىرى  
دوشەمەيه قدر ايندىردىكى اولدى سكا بر قاپو ... اولودن طوغروجه اوطەكه  
كىديوپورسىك . حتى ايجاب ايدرسە آرەدەكى پىجرەيى دە قاپاتىرز . سىن اوطەكە ،  
بىز اوطەمىزدە ، بر برىمىزى كورمەيز بيلە ..

بر مدت صوصدىلر ، لانتیه ميرىلدانير كىي برسسىلە

— باق ، ديدى ، بوكا اعتراض يوق ... بويلەسى بيلە سىزە آغىرلاق اولەجق اما ...  
بوسوزلىرى سويلر كن ژروەزك يوزىنە باقامغە چاليشيوردى . آنجق تىكلىفى  
قبول ايتىمك ايمچون اونك آغىزىندىن دە بر كىلە چيتمىسى بىكليوردى . قوپونك تىكلىفى  
ژروەزك هيىچ خوشنە كىتمەمىشىدى . واقعا لانتیهنك كلوب كىندىلر يله برلىكده  
اوطورمىسەن بر تاشر وصيقينىدى طويمىوردى . اونك بوتون دوشوندىكى شى كىرلى  
چاشىرلىرى ايدى . بونلرى نرەيه قويه جىقدى ؟ شىمىدى قوپو براوطەيى لانتیهيه كىرالا مەقن  
حاصل اولەجق فائىدەلرى صايبوردى : او كىراسى اولەرق و يردىكارى بش يوز  
فرانق اساساً كىندىلر يىنە بر پارچە آغىر كلىوردى . لانتیه كىندىسە تىخصيص ايدەجىكارى  
دوشەلى اوطەيه مقابل ايدە يكرى فرانق وىرىردى ، بوكىرا اونك ايمچون هيىچ دە  
بەالى دكلدى . حالبوكه كىندىلر يىنە بر ياردىم اولوردى . كىرلى چاشىرلرە كلنجە ،  
قوپو كىندى قارىولەلر يىنك آلتى او صورتلە تىنظيم ايدردى كه بوتون محلهنك كىرلى



چاشیرلری اورایه قونیه بیلیردی . بونک اوزرینه ژروه ز ترده دوشیدی . مادام قوپونک یوزینه باقدی . حالبوکه لانتیه نك، اون آیدن بری طاشیوب طور دینی نزله علاجلری اختیار قادینی کندی طرفنه جلب ایتشدی . اونک موافق رأی ویره جکی بللی ایدی :

--- بزی هیچ راحتسز ایتزسکیز، هر شیءك چاره سی بولونور .  
لانتیه حالا ناز ایدیوردی :

خای ، خایر اولماز، سز پك لطفکارلق ایدیورسکیز . لطفکیزی بودرجه سوء استعمال ایتك طوغرو دکل .

آرتق قوپو پارلادی : بوقدر نازلانغه لزوم وارمی یا : کورمیورمی ، نه قدر کوکل خوشلغیله کنديسنه بوتکلیفی یاپیورلردی ؟ دها طوغروسی ، لانتیه بو تکلیفی قبول ایتکل اونلره بر یاردیم ایتش اوله جقدی . بونی سویله دکن صوکره قوپو آتیه نه سسله ندی :

--- آتیه ن، آتیه ن !

جوجوق ماصه اوستنده اویویه قالمشدی . قوپونک حایقیرمسيله سیچرایه رق اویاندی .

— باق سکا نه سویله یه جکم ، شو افندی یه یوکسك سسله : « بنده ایسته یورم » دیویر ، هایدی کوره می سنی !

آتیه ن اویقودن شیشمش دوداقلرینك آره سندن میریلداندی :  
— بنده ایسته یورم !

کولوشدیلر . بونک اوزرینه لانتیه جدی ومتأثر بر طور طاقینه رق ماصه اوستندن اوزاتدینی آلیله قوپونک آلی صیقدی ؟

— پك اعلا قبول ایدیورم . ایکی طرف ده بر برینه قارشى دوستلق کوسترمش اولیور . شو چوجو غك خاطری ایچون قبول ایتدم .

دیدى . ایرتسی کون قاپوجینك اوطه سنه ککش اولان مال صاحبنه ژروه ز مسئله یی آ کلاتدی . مال صاحبی ایلاک اوکجه بوندن خوشلانمادی ، لانتیه نك کیراجی صفتیله آلمسنه راضی اولمادی ، صانکه کنديسنه أوك بر جبهه سنی بیقمفی تکلیف ایتشلر کی جانی صیقیلدی . آتجق باللات اوطه یه کیده رك معاینه ایتدکن وبر نجره نك قاپو حالنه قونولسی اوست قاتك موازنه سنی بوزمایه جغنی آ کلادقن صوکره هیچ بر . صرفه قاریشامق شرطیله موافقت ایتدی . قوپو ایله ژروه ز قونطوراتو ختامنده اوطه نی حال سابقه اعاده ایده جکلری تعهدینی متضمن بر کاغدامضالادیلر . و کونک آقشامی قوپو آرقداشلرندن بر صرانغوز ، بر دولکر، بر بویاجی کتیردی .



بو اوچ آرقداش طیشاریده کی ایشلرینی بیتیردکن صوکره محضا آرقداشجه بریاردیم  
اولسون دینه لازم کان تعدیلاتی یاغنه راضی اولدیله . بونکله برابر نجره یی قالدیروب  
اونک یرینه بر قاپو طاقق ، لانتیه یه آریلان اوطه یی تمیزله مک ینه یوز فرائق قدر  
صرفی موجب اولدی . چالیشیرکن اکرام ایدیلن شراب ده جابا ا قریپو کیراجیسندن  
آله جفی ایلک پاره ایله بو بورجی اوده یه جکنی کندیلرینه وعد ایتدی . اوندن  
صوکره صیره اوطه نک تفریشنه کلدی . ژروه ز قائن آناسنک البسه دولابی اوراده  
براقدی . کندیسندن اوطه سندن بر ماصه ایله ایکی اسکمله آیره رق قویدی .  
طیشاریدن برتوات ماصه سی ، برقاربوله ، برده یاتاق طاقی صاتین آلفی لازم دی .  
بونک ایچون یوز اوتوز فرائق قدر پاره صرف ایتک ایجاب ایدیوردی . آیده اون  
فرائق ویره مک شرطیله بونلری ده تدارک ایتدی . خلاصه لانتیه نک ویره جکی کیرا  
اون آی مدله بو بورجلره کیده جکدی . اوندن صوکره هر آی آله جقلری کیرا  
کندیلرینه کار قاله جقدی .

لانتیه حزیران ابدالرنده کندی اوطه سنه یراشدی . بوندن برکون اول قوپو  
اونک صندوقی بلدات آلوب کتیرمکی وبوصورتله نقلیه آرابه سنه ویره جکی اوتوز  
سوی تصرف ایتکی سویله دی . فقط اوطوردینی بری صوک دقیقه یه قدر بیله یرمه .  
مکده اصرار ایدن لانتیه صندوقنک پک آغبر اوله جفی بهانه سیله بوتکلیفه موافقت  
ایتمه دی . ساعت اوچده صندوقی کندیسی آلهرق کلدی ، اوساعته قوپو اوده  
یوقدی . دکانک قابوسنده اشیانک ورودینی بکلین ژروه ز صندوقی کورور کورمن  
طانییدی ، یوزی صاب صاری کسیدی . بو ، تاپلاسسان کویندن کتیردکاری اسکی  
صندوقدی . فقط شیمدی اوستی صویولمش ، درت طرفندن قیریلهرق ایله صارلمشدی .  
بوصندوقی وقتیه کندی اوطه سندن آلوب کوتوردکاری زمان کونک برنده ینه  
کری کتیریله جکنی تخیل ایدر طوروردی . بلکه عینی آرابه ، بر زمانلر اونی  
ناصل چیقاردی ایسه شیمدی ده ایله جه کتیریوردی . قاپوجی بوش لانتیه یه یاردیم ایدهرک  
صندوقی یره ایندیر برلرکن ژروه ز ساکت وشاشقین بر وضع ایله اونلری سیر

ایدیوردی .

صندوق اوطه یه کتیرلدکن صوکره بر شی سویله مش اولق ایچون :

— ای بر ایش یاپدق دکلی ؟

دیدی . فقط لانتیه بو سوزه هیچ قولاق آصامشدی . او ، صندوق

ایپلرینی چوزمکله مشغول ایدی بونک اوزرینه ژروه ز قاپوجی یه خطاب ایدهرک :

— بر قدح شراب ایچرسکز دکلی موشیو بوش ؟

دیدی وجوابی بکله مه دن ایچریدن بر شیشه شراب کتیردی . تام بو ائشاده



پولیس قیافتیله پوواسسون قالدیرمدن کچوردی . ژروہز بر باش اشارتی یاپدی . کولومسہ یہرک کوزینی قیرپدی . پوواسسون بوندہ کی مقصدی آ کلامشدی : نہ زمان وظیفہ سی باشندہ ایکن ژروہز بو اشارتلی یاپارسہ بونک معناسی « بویورک بر قدح شراب ایچہلم » دیمکدی . حتی بعض کونلر ژروہز اشارت ایدوب چاغیرسون دیہہ ساعتارجہ قالدیرم اوستندہ بر آشاغی بر یوقاری طولاشدینی اولوردی . ژروہزک بودعوتی همان قبول ایدروایچدیکی کورونمہمک ایچون اولو طرفندن کیدر ، شرابی اورادہ یوتاردی .

لانتیہ اونی کورور کورمز

— وای سزمیسکز بادینغہ ؟

دیدى . [۱] پوواسسونہ بادینغہ دیہہ خطاب ایتمکدن مقصدی آ لایدی ، دہا طوغروسی ایمپراطوری برپاریہ آلمادیغنی کوسترمک ایچون بوتعبیری قوللانمشدی . کندیسنہ بویلہ خطاب اولوندینی زمان ، پوواسسون اویلہ دیم دیک بر وضعیت آ ایردی کہ عجباً بوندن ممنونى ، یوقسہ متأثرى اولدینی بیلنمزدی . اساساً قوپو ایلہ پوواسسون قناعت سیاسیہلری اعتباریلہ بربرندن چوق آیری اولمقلہ برابر پک سویشن ایکی دوست اولملاردی .

قاپوجی بوشدہ سوزہ قاریشدی :

— بیلورمیسکز ، ایمپراطور وقتیلہ لوندرہدہ پولیسک ایتشدی . وظیفہ سی سوقاقدہ سرخوش اولوب یرہ دوشن قادینلری قالدیرمقدی .

بوآننادہ ژروہز اوچ قدحک ایچنہ شراب قویمشدی . کندیسى ایچمک ایستہ میوردی . قلباً بویوک بر اوزونتو حس ایتمکدہ ایدی . لانتیہ اوتہدہ ، صندوغک ایپلرینچ چوزرکن کندیسى بونک ایچندن ، چیقہ جغنی صراق ایلہ بکلہ یوردی . صوک دفعہ بوسندوغک بر کوشہ سندنہ بریغین چوراب ، ایکی کیرلی کوملک ، براسکی شایقہ اولدیفنی خاطرلیوردی . عجباً بونلر حالا اورادہ می ایدیر ، عجباً ماضینک

[۱] بادینغہ اوچنجی ناپولیونہ ویریلن لقبی ایدی . روایتہ کورہ اوچنجی ناپولیون (ہام) دہ قلعہ بند اولان بادینغہ اسمندہ بردیوارجی عملہ سی اوکا جا کتنی ، پانطولونى ، حاوی بویون اوکلکنى ، قوندرہلرینی و آرتق قوللانمایہ جق حالہ کلش اولان شایقہ سنى ویرمش ، ناپولیون بونلرلہ تبدیل قیافت ایدہرک قلعہ دن فرارہ موفق اولمشدی . بالآخرہ ناپولیون ایمپراطور اولدقدن صوکرہ بو بادینغہ نی پارس جوارندہ شاتویہ کتیرتہرک خزینہ خاصہ سندن بسلہ مشدر . مع مافیہ بوتون بونلر ماصال درجہ سنى کچمہن روایتلر قبیلندندر ، ناپولیونہ (بادینغہ) دنیلمسک سببی بوکونہ قدر مجهول قالمشدر . (لوروس)



یوانقازنی ینه اسکی یرلرنده کوره جک می ایدی ؟ لانتیه قاپاغی آچهدن اول قدحنی  
آلهرق ایچدی :

— صحتکزه !

بوش و پوواسسون مقابله ایتدیلر .

— صحتکزه !

ژروه ز قدحلی تکرار طولدیردی . او چارکک آلهربله آغزلیخی سیلیورلردی .  
نهایت لانتیه صندوق قاپاغنی آچدی . بوراده بیغینلرله غزتهلر ، کتابلر ، اسکی ایلبلر ،  
پاکت حالنده برچوق چاشیرلر واردی . لانتیه ایلک اوکجه بونلری چیقاردی . صوکره  
تجر ، برچفت پوطين ، (رولله ن) ک بره نی قیریق بریاریم هیکنی ، ایشلمه لی برکوملک ،  
برایش پانطولونی چیقاردی . ژروه ز ، اکیامش ، باقیوردی . بوتون بواشیادن بر  
بوتون قوتوسی ، یالک ز ظواهرینه اعتنا ایدن بر آدمک کیرلی رایحه سی انتشار  
ایدیوردی . دقت ایتدی : صندوق صول گوشه سنده طوران اسکی شاپقه  
شیمدی اوراده یوقدی . اوزرینه ایکنه باطیریلان براوفاق یاصدیق واردی . برقادین  
هدیه سی اوله جقدی . بومنظره دن کوکلی راحت ایتدی . صندوق محتویاتی برربر  
طیشاری چیقارلدجه بونلرک کندی زمانه می ، یوقسه باشقه قادینلرله یاشادیغی زمانلر می  
عائد اولدیغنی دوشونه رک قلاباً مبهم برکدر طویوردی .

بر آرهلق لانتیه پوواسسونه بر کتاب اوزاتهرق صورتی :

— بکا باقسه ک آ بادینغه ، بو کتابی کوردک می ؟

بو ، اوچنجی ناپولیونک عشقلی عنوانی و رسملی براوفاق رساله ایدی . بو  
رساله ده ناپولیونه عائد برچوق فقره لر یازیلی ایدی . بو میانده ایمپراطورک اون اوچ  
یاشنده بر آشجی قیزی ناصل باشدن چیقاردینی حکایه ایدیلیوردی .

رسمده ایمپراطور ، چییلاق باجاقلریله ، بویننده لهژیون دونور نشانک قوردونیه  
قیزی قووالیور کوسترلشدی .

پوواسسون حیرتن طوکشدی . ایمپراطوری مدافعه ایچون سویله یه جک برکله  
بوله میوردی . نه سویله یه بیلسون که بو دینیان شی کتابده یازیلی ایدی . لانتیه اونک  
بو حالنی کورونجه ده مستهزیانه بر طور طاقینهرق او رسمی پوواسسونک بوسبوتون  
بورنه صوقدی . اووقت پوواسسون ، ایکی قوانی ایکی یانه قویهرق حایقیردی :

— یکی اما بونده شاشه جق نه وار ؟ ایمپراطور نه اولدی ایسه انسانلغدن

چیقمادی یا ...

بو جواب ، لانتیه یی اولدینی یرده میخلادی . صندوقدن چیقاردینی کتابلرله  
غزتهلری دولابک بر کوزینه یرلشدیردی . ماصه ناک اوستنده ، دیواره آصیل



اوفاجق بر كىتبخانهسى اولسه يدى چوق ايشنه يارايه جغنى سويله دى. ژرور زكنديسنه بويله بر كىتبخانه تدارك ايدى جگنى وعد ايتدى. كىتابلى آرەسەندە لوڭى بلانك (اون سنەك تارىخى) عنوانى اثرى واردى. بونك يالگىز ايلك جلدى اكسيكدى، لانتیه بو اثرى صاتين آليركن بو جلد اساساً موجود دكلدى. اوندن صوكرە لامارتينك ژيرونده نلر نام اثرى، اوژەن صونك پارس اسرارى و سىرسى يهودى نام رومانلىرى، اسكيچيلردن صاتين آلش بر ييغين فلسفى واجتماعى كىتابلر واردى. لانتیه بالخاصه غزەلرني چوق سور، اونلرە مشفق و حرمتكار بر نظارە باقاردى. سنەلردن برى بو غزەلرى طوپلار طوروردى. غازينودە او قودىغى غزەلردە الى يازلش، ياخود افكارينه مطابق بر مقاله كورونجه همان او غزەلى صاتين آلەرق صاقلاردى. بو صورتلە طوپلادىغى غزەلر ايچندە هرتارىخدن، هر چشيددن نسخەلر واردى. بونلر قارمە قارشىق صورتدە اوست اوستە طور يورلردى. بو پاكتى صندوق تا دىيەن چىقاردىق اوقشادى و اوطەدە حاضر بولانلرە بوزيى و نەرك: — بونلرى كور يورميسكنز، ديدى، كيمسەدە بو قدر قيمتلى بر قولكسيون يوق... بيله مىرسكنز بونلرك ايچندە نەلر واردى! اكر بورادە يازيلى اولان شيلرك يارىسى تطبيق اولونسە ايدى جمعيت بشريە بر كونده ترميز اولوردى. ميدانده نە ايمپراطور قاليردى، نەدە اونك آيغىرلى..

سوزيى اكمال ايدەمەدى، پوواسسون بم بياض اولش و سىماسنك اوستندە صقال و بيغنىك قرصى تللرني اويناتەرق صورمشدى :  
— يا اوردو؟ بونى نە ياپيورسكنز؟  
بو سؤال اوزرينە لانتیه پارلادى. يوسروقلر بيله غزە پاكتنك اوستنە اوردىق جواب ويردى :

— بن ير يوزندن ميليتاريزمك قالقيسى، ملتلر آرەسەندە اخوت تأسس ايتمى طرفدارييم. امتيازلر، انحصارلر، عنوانلر، بوتون بونلر لغو اولونمايدىر. اجرتلر مساوى اولملى، كارلر تقسيم ايدىلى، خلاصه عملة صنفى لايىق اولدىغى موقعه كچمليدەر. انسانلرە حرىتلك هر نوعى، آكلايورميسكنز، اما هر نوعى ويرمليدەر. حتى حق طلاق بيله...

قاپوجى بوش بو صوك سوزى تأييد ايتدى :

— اوت اوت، حق طلاقده...

بورادە پوواسسون بر طور آمرانه طاقيەرق حايقيردى :

— يا بن سزك ويرەجككر او حرىتلرى ايستە مىرسەم؟

لانتیه هيچاندن بوغوليور كى اولمشدى :



--- ایسته مزسه کز می ؟ اووقت بزده سزی، ایمپراطور کزی، بوتون کرو هیله برانکده زندانه آتارز ...

هره با حشه ده بویله طوتوشمق عادتلی ایدی، ژروه زمناقشه دن خوشلانادیغی ایچون هر دفعه سنده آره یه کیره ردی. شیمدی اونلر آتیشیرکن کننسیسی اسکی عشقنك بوزولمش رایحه سیله طولو اولان بوسندوق، قارشیسنده اویوشمش قالمشیدی. بر آره لاق کننینه کلرک ماصه اوستنده طوران قدحلی کوستردی. بواشارت لانتیه یی بردن تسکینه کافی کلمشیدی :

--- حتمکز وار، دیدی، صحتکزه مادام !

قاپوجی بوش و پوواسسون ده قدحلینی طوقوشدیره رق :

--- صحتکزه !

دیدیلر. قاپوجی بوش، ایچی کیره ن براندیشه ایله معذب ایدی. کوزینك اوجیله پوواسسونه باقیوردی

--- بوتون بومحشر کنندی آره مزده، دوستجه یاپیلمش شیلردر اوینله دکللی موسیو پوواسسون ! سزدن برشی صاقلامغه لزوم کورلییورده اونك ایچون ...

پوواسسون جله یی ا کماله وقت براقادی و بوتون سویله ن شیلر بوراده قالدیغی تأیید ایچون آلنی قلبنك اوستنه قویدی. دوستلری علیهنده قالقوبده جاسوسلق ایده جك دکلدی یا ! ... او آره لاق قوپو کلدی، ژروه ز کیتدی بر شیشه شراب دها کتیردی. بونك اوزرینه پوواسسون آولو طرفدن چیتدی، کیتدی و منتظم آدیملرله قالدیریمك اوستنده ینه نوبته باشلادی.

ایلك زمانلر ژروه زك أونده هرشی قارمه قاریشیق ایدی. واقعا لانتیه نك اوطه سی آیری ایدی، بواوطه نك آیری قاپوسی واردی، قاپوسنك آناختاری ده کنننده طوروردی. فقط آره ده کی قاپونی قاپاغنی ایلك اوکجه فرارلاشد بر دقلری حالد صوک دقیقه ده واز کچمشلردی. اونك ایچون لانتیه اکثر زمانلر دکاندن کیره رک اوطه سینه کیدردی. اوتدن صوکره کیرلی چاشیرلر مسئله سی ده ژروه زی پك اوزیوردی.

چونکجه یونلری قویق ایچون یرصندوق یاپه جغنی وعد ایدن قوپو آرتق بونی اونوشمیدی. بوسبيله کیرلی چاشیرلری اوتیه برییه، حتی یاتاق آلتنه طیشمق مجبوریتنده قالیردی. بالخاصه یاز کیجه لری بونلرک یاتاق آلتندن انتشار ایدن قوقولری تحمل فرسا ایدی. برده هر آقشام آتیه ن ایچون دکانه یاتاق یایمق کننسینه پك آغیر کلیوردی. ایشجیلر کچ وقت قدر دکانده قالدقیری کیجه لرچو جوغز یا تاغك یاپیلمسینه انتظاراً براسکیمله اوستنده اویوقلاردی. نام بواثنالرده ایدی که غوژه، لیل شهرنده ما کنیستلک ایدن اسکی اوسته سنك برچراق آرامقده اولدیغنی سویله یه رک



آتيه نى اورايه كوندرمىنى تكليف ايتىشدى . بوتكليف ژروەزك پك خوشنه كيتدى .  
 باخصوص اوده كى وضعيتندن اودرجه ممنون اولمايان آتيه نى حر كاتنده سربست قالمى  
 ايچون كنديسىنى ( ليل ) ه كوندرمىنى رجا ايدىوردى . ياكى لانتيه نىك بوكا مخالفت  
 ايتىمىندن قورقيوردى . اويله يا ، آدجىز محضا چو جوغى نىك باشنده بولونمىق ايچون  
 بورايه كلكه راضى اولمشدى . ژروەز تترە بەرك مەئەلەيى لانتيه نىك آچدى . حالبوكه  
 لانتيه در حال موافقت ايتدى . اونك فكرينه كوره كنىج ايشجىلر مملكتى كزوب  
 طولاشمىلدر . آتيه نىك حر كاتى كوى لانتيه عملەك حقوقنه دائر اوكا بر نطق ايراد  
 ايتدى ، صوكره يوزندن اوپەرك شوسوزلىرى سويلەدى :

— اونوتما كه مستحصل اولان انسان اسير اولەماز ، حالبوكه مستحصل اولمايان  
 هر فرد باشقە سنك حقنى يىن بر خرسزدر .

آتيه نى كيتەكدن صوكره او مجراي طبعيسنه كيردى ، يكى اعتيادلر ايچىنده  
 هر شى اويوشوق بر رفتار ايله ساكتانه يورەككە باشلادى . ژروەز كيرلى چاشىرلر  
 اوتەيه برى يە آتيلار بىنە ولانتيه نىك وقتلى وقتسز دكاه كىروب چىغمىسنە آليشدى . لانتيه حالا  
 دردست اولان بويوك ايشلرندن ، بويوك پروژەلرندن بحث ايدردى . بعض كونلر صاحبارى دنتمە  
 طارانش ، آرقە سنە بياض كوملك كينىمىش اولدىنى حالده چيقار كيدر ، بعض  
 كيجەلر اوه هيچ كلز ، بوقبيل غىبوتلردن عودتندە صانكه يكرى درت سەاعت  
 مدت چوق مهم مسئلەلر كى مناقشە سيله يورولمىش ، بيتاب دوشمىش كى بروضعت  
 طاقينىردى . بونك خارچىندە كى كونلردە صباحارى سەاعت اونده اويانىر ، هوا اى  
 كيدە رسە سوقاغە چيقەرق بر پارچە - ولاشیر ، ياغمورلى كونلردە دكاندە او طوره رق  
 غزته سنى اوقومتله وقت كچيرىردى . بوراسى تمام اونك ايستەدېكى محيط ايدى .  
 قادينلر كى ديزى دېندە او طورە مقندن ، اونلر كى ك خصوصى محاورەلر نە قارىشمقندن  
 واونلر كى قابا سوزلر نى ديكە مكدن ذوق طويار ، حتى كنديسى ده بوقبيلدن سوزلر لە  
 بحثە قارىشەرق اونلر ي بومىنوال اوزرە محاورەلر نە دوامە تشويق ايدردەدى .  
 چاشىر جى قادينلر كى اتكى دېندە ياشامقندن ، رياكارلىق ايتەن قىزلر لە دوشوب قالمقندن  
 خشنود اولوشى ايشتە بوتمايلندن نشأت ايتەكده ايدى . اونك ايچى ، ندر كه قلمانىسى ،  
 ياقە سى آچىق تعبيرلر ليله فونوشدى يى مدتجه لانتيه ذوققندن كولومسە يەرك ايجە بيقلىرىنى  
 بوكە بوكە اونى ديكەلەردى . دكانك قوقوسى ، چيىلاق قوللر نىك قوتلى ضربەلر ليله  
 چاشىرلر ي اوتولەن ايشجىلر كى ترلى سىلر ي ، خلاصە مملەدە كى قادينلر كى ايچ چاشىرلر نە  
 بر مشەر اولان بوكوشە اونك اوتەدن برى تمثيل ايتدىكى بر بر ، تنبلكى و ذوق  
 پرستلىكى ايچون اوتەدن برى آرادىنى بر ملجأ اولمشدى .

ايلك زمانلر لانتيه يەكە پوواسىر انە سوقاغى نىك كوشە سندنە كى فرانسوانك لوقنطە سنە كيدردى .



مع مافیه هفته ده او چ دفعه اقسام یمکاری قوپو عائله سیله برانکده یردی . نهایت قوپو هفته ده  
اون بش فراتق و یردرک پانیسون صورتیه برانکده یمکاری تکلیف ایتدی . بوتار بختن  
صوکره لانتیه اودن هیچ ایشاری چیقماز اولدی ، بوتون بوتون یراشدی . صباحدن اقسامه  
قدر آرقه سنده بر کوملکه دکاندن اوطه سنه کیدر کلیر ، یوکسک سسله و آمرانه  
بر طور ایله قونوشوردی . حتی مشتریلرک مراجعتلرینه جواب و بریر ، خلاصه  
اوی او اداره ایدره دی . فرانسوانک شرابی خوشنه کیتمه دیکی ایچون بعد ماشراب  
لازم اولدجه کومورچی مادام ویغورودن صاتین آلمسنی ژروعه زه توصیه ایتشدی .  
بو سایه ده اوه لزومی اولان شرابی آلمق ایچون بوش ایله برابر کومورجینک دکانه  
کیتدجه مادام ویغورونک اوته سنی بریسنی صیتیدشیره بیلورلردی . دهها صوکره  
فرونجی قودلونک اگمکنی پک اوقدر پیشکین بولامغه باشلادی . بونک اوزرینه  
اوغوشینی پوواسسونیه ر جاده سندنکی فرونجی مایه ره کوندره رک اؤک اگمکنی  
اورادن آلدیرتدی ، بقالی ده کیشدردی . خلاصه افکار سیاسی سندن طولانی  
کندیسنه اویغون بولدی قصاب شارل خارج اولق اوزره ژروعه زک آلدن و یریش  
ایتدیکی نه قدر اصناف وارسه هپسنی براقدریدی . برمدت صوکره مطبخه ده مداخله  
ایتدی . اومله تلی کنديسی یاباردی . ایکی طرفنی قیزارتدی بو اومله ترک ایچنه  
قیممیلی بوره کدن فضله ات قویاردی . اوقدر قیزارتیدی که عادتاً غالباً قدر سرت  
اولوردی . اختیار مادام قوپو یمک پیشیریرکن دائماً باشنده بولونور ، بیفته کلرک  
کوساله کی فص قاتی اولونجه به قادار پیشیرن دیکنی ایستور ، یمکارک هپسنه صارم صاق  
قویدوریر ، صلاطه نك ایچنه تره اوتی و سائره کی شیلر قونولسنه قیزار ، بو نوع  
اوتلرک ایچنده زهرلیلری بولونه بیله جگنی سویلردی . اک سودیکی یمک بولزیتون  
یاغلی شعریه چورباسی ایدی . بو چوربایی ژروعه زله کنديسندن باشقه سی یمزدی .  
بو طشره یمکنی اوته کیلر بر دفعه یمه جک اولدیلر ، آز قالدی چیقاریورلردی .  
کیت کیده لانتیه عائله ایله یینه ده قاریشغه باشلامشدی . لوریویر اختیار مادام  
قوپویه آیدن آیه بش فراتق و یرمکده حالا تعلل کوستریورلردی . لانتیه بونلر  
عائینه اقامه دعوی ایدره رک پاره یی قورتارمق ممکن اولدیغنی آکلاتدی . لانتیه به قالسه  
اونلر آیدء بش دکل ، اون فراتق و یرملیدر . آی باشی اولونجه لانتیه بالذات  
لوریویرلرک اوطه سنه چیقهرق اوقدر جسور و سوعلی برطرزده پاره یی ایستردی که  
لوریویرد ایدء من ، چیقاریر اون فراتی و یریردی . بونک اوزرینه مادام لورانده  
آنه سنه اون فراتق و یرمکه باشلامشدی . اختیار قالدن ، قوپونک عائله سیله ژروعه ز  
بر ایشدن طولانی تحمل ایدمه یه رک قش آناسنه سرت معامله ایتمکه قالمیشوبده  
اختیار قالدن یاتاغنک اوستنده آغلامغه باشلایجه لانتیه شرایکیسی آلارندن ضوتار ،



بربرينك ياننه كتييرير ، بوحر كتلىرى هيچده خوش برشى اولماديغنى سوبله يهر ك  
باريشديرير ، اوپوشديريردى . نانانك طرز تربيه سى خوشنه كيتميوردي وبونده  
حقلى ايدى . چونكه نه زمان نانايى باباسى دوكمكه قالفسه آنه سى مدافعه ايدر ،  
نه وقت آنه سى پاتاقلايه جق اولسه باباسى بوندن يرغوفا چيقاريردى . آناسيله  
باباسنك بربريله بويله ديديشدكلرينى كوردكجه نانا كنديسنك قباحتلى اولماديغنه حكيم  
ايدر ، آرتق يارامازلخك انواعى ياپاردى . شيمدى اونك اويون يري قارشىكي نعلبنديك  
دكانى ايدى . بوتون كون يوك آرابه لر ينك اوقلرينى صالنجاق ياپارق ساللاردى .  
بعضاً محله نك اوتته كي چوجوقلرينى پيشنه طاقه رق اوجاغك قيرمىر ضيا سى عكس ايدن  
اولونك تا كوشه لر بنه صاقلانير ، ديركن صانكه نعلبنديك چكيچندن قورقشلر كي باغريشه رق  
پريشان ومتلاشى ، قوشوشمغه باشلارلردى . اونى يالگىز لانتيه تكدير ايدى بيليردى .  
بويله ايكن نانا لانتيه ي ده آلداتمغه موفق اوليوردى . بواون ياشنده كي پيچ قوروسى  
عادتا برقادين كي ايكي طرفنه ساللانهرق يورومكى دها شيمديدن ايچنده فنا امللر  
قايناشان كوزلريله يان باقى اوكره نمشدى . لانتيه بوچوجو غك تربيه سنى ده اوزرينه  
آلدى : اوكا دانس ايتكى ، خلق لهجه سيله قونوشمى اوكره تمكه باشلادى .  
بومنوال اوزره برسنه كچدى . محله ده هر كس لانتيه نك ايراد صاحبي اولديغنى  
ظن ايدىيوردي . قوپولرك طرز حياتى باشقه درلو تاويله امكان يوقدى . واقعا  
ژروهمز پاره قازانمايور دكلدى . آنجق ايشسز كوچسز ايكي ار ككي بسله مكه دكانك  
حاصلاتي كافى كليوردي . باخصوص دكانك ايشلرى اسكيسى قدر پارلاق كتييور ،  
مشتريلر برر برر قاچيور ، ايشجيلر صباحدن آقشامه قدر عياشلىق ايدىيورلردى .  
لانتيه يه كلنجه ، حقيقتده اونك نه كرا نه ده غذا ايچون اون پاره ويرديكي يوقدى . ايلك  
ايلرى على الحساب صورتيه بر مقدار پاره ويرمشدى . صوكره بريردن آله ، بويوك  
بر مبلغ كچه جكندن ، بونى آليز آلاماز بوتون بورجلرى تسويه ايدى جكندن ،  
ايدهر ك تادياتك آرقه سنى كسمشدى . ژروهمز اوندن برسانتم بيله ايسته مكه جسارت  
ايدىميور ، اككى ، شرابي ، اتى هپ ويره سيه ساتين آليوردي . بورجلر هر كون  
اوچر دردر فرائق علاوه سيله كيتدكجه چوغاليوردي . نه موبيله جي به نه ده اوطه نك  
تعميراتى ياپان دولكره ، صرانغوزه ، بوياجى به اون پاره ويرمك امكانى بوله مامشدى .  
آله جقيلير خوموردامغه باشلامشلردى . دكانلرده اوندن اسكيسى قدر نازكانه بحث  
اولونميوردي . بورج چوغالديقه نه ياپه جغنى شاشيران ژروهمز كندىني بوتون بوتون  
قاپوب قويويورمشدى . نه قدر بهالى شيلر وارسه ساتين آليور ، قره دى به معامله  
باشلايه لى برى اوبورلغنك بوتون امللرينى تظمين ايدىيوردي . مع مافيه ناموسلى برقادين  
اولدينى ايچون ، نه صورتله كله جكنى كنديسى ده بيلمه مكله برابر ، كونده يوزلرجه



خراق قازانه جغنی و بوقازانجیله بوتون بورجلرینی اوده یه جگنی تخیل ایدردی. خلاصه بوخولیا ایله کوندن کونه بورجه باطیور، بورج چوغالدجه ایشلرینی بویوتمکدن بحث ایدیوردی. حالبوکه یازاورته لرینه طوغروقلمانس، دکانده ایکی ایشجی نی کچیندیره جک قدر ایش اولمادیغی ایچون چیقوب کیتمشدی. اوده مطلوبنی آلق ایچون هفته لرحه بکله مکه مجبور قالدی. بری طرفده قوپو ایله لانتیه اسکی طرز لرینی هیچ ده کیشدیر. مکسزین طیقینوب طور ییورلر، دکانک فلاکت وانقراضی ایچنده جان بسله یورلردی. سفرده بربرلریله رقابت ایدره جه سنه اقمه لری بویولته رک، قارشیلقلی بر بویینه اکراملر ایدهرک، کوله اوینایه، شن وشاطر ییورلردی.

محلەنک اک بویوک دیدی قودیس شیمدی شو ایدی: عجبا لانتیه ژروه ز ایله حقیقهٔ باریشمش میدی؟ بونقطه ده افکار مختلف ایدی. لوریولرک دیدیکنه باقیلیرسه ژروه ز لانتیه نی تکرار الدهایتک ایچون نه ممکنسه یاپور، فقط لانتیه آرتق ژروه زده خوشلانمور، اونو کچکین بولیور، باشقه محاله لیده اوندن دها تازه و کوزل قیزلرله اکلانیورمش. قاپوجی بوش ایله قاریسنک فکرینه کوره ده دها ایلک کیجه دن، قوپو خورولداغنه باشلار باشلاماز ژروه ز لانتیه نک یاتاغنه کیتمشدی. اقعاً ژروه زک بوحرکتنی قاپوجی ایله قاریسی تمیز برشی بولیورلردی. فقط حیاتده او یله چیرکینلکار بوکانسبتله اوقدرپیس شیلرواردی که بونی طبیعی کورمکدن باشقه چاره بوله مامشلردی. حتی ایکی ارککله برقادینک، ظواهری محافظه ایدهرک غوغاسز باطیردیسز، بربرلریله دو گوشمکسز بن یا شاملرینی خوش کوریورلردی بیله... باشقه عائله لر صانکه بونلردن میز ایدی؟ باشقه لرینک ایچ بوزینی کورمک ممکن اولسه کیم بیلیرنه چیرکینلکاره تصادف اولونوردی! هیچ اولمازسه بونلر اینی قلبی، صاف انسانلردی. عینکاری کندیلری پیشیر کندیلری بیر، قومشولرک اویقوسنه ضرر ویرمه دن چکیلیر یاتارلردی. باخصوص لانتیه نک اطواری بوتون محله نی تسخیر ایتمشدی. اونده او یله ساحرانه بر تأثیر واردی که بوتون دیدی قودیلرک اوکنی کسیونردی. اشکنبه جی قادیله یشجی قادین اونلردن بحث ایتدکاری زمان اشکنبه جی قادین ژروه زله لانتیه نک بربرینه قارشى وضعیترلندن اظهار شبهه ایتدکه یشجی قادین آره لرنده هیچ برفنا مناسبت اولمادیغنی قطعیتله ادعا ایدر، اشکنبه جی قادین بوکا ممنون اوله جق یرده متأثر کورونور، بوسونوک وسا کن طرز حیاتی اونلره لایق بولمازدی.

حالبوکه ژروه ز حقیقهٔ ساکن و مستریخ بر حیات کچیریور، بو پسسلکارک هیچ بری عقلندن بیله کچمیوردی. او درجه ده که بر آره لق اونو حسسزلکله اتهامه قدر وارمشلردی. عائله افرادی اونک لانتیه یه قارشى بسله دیکی غیظ ونفرتی بر درلو ایضاح ایده میورلردی. سوکیلیر آره سنه کیرمکه باییلان مادام لوران



هر آقشام كلير، لانتیه نك ار ككجه مریئلرندن بحث ایدر، او كا مقاومت امكانست اولدیغنی، اك كبار قادیئلر بیله اونی کورسه لر در حال قولاری آره سنه دوشه جکلرینی سویلردی. مادام بوش، دها اون یاش کنج اولسهیدی او بیله تولاكه ایچنده ایدی، خلاصه ژروعه بهمه حال بر عاشق بولمئی صانکه کندیلرینه امل ایدیمشلر کی بوتون قادیئلر آل آلتندن کیزلیجه و تمادی صورتده ژروعه زی بویوله سوق ایدیور. لردی. اونلر سویله دجه ژروعه بوسوزلره شاشیور، لانتیه نه اونلرک آ کلاتدیغی جاذبه لرك هیچ برینی بولیوردی. واقعا اسکینسه نسبتله خائمه بر صلاح واردی: شیمدی پالطوسنر سوقغه چیقما یوردی. قهوه خانه لرده سیاسی اجتماعلره دوام ایده ایده تربیه لی اولمشدی. آنجق ژروعه اونی هر کسدن ای طانیر، کوزلرینک ایچندن روحنی او قوردی. اونده حالا او یله شنلر بولیوردی که تیترومکدن کندینی آلامیوردی. مادام که لانتیه یی کندیسنه مدح ایدن قادیئلر اونده بر طاقم مریئلر بولیورلر، نه دن کندی حسابلرینه بر تجربه یامیورلردی؛ حتی بر کون صبری توکه نه لرك ویرژینی به بونی آچیقندن سویله یویرمشدی. چونکه ویرژینی لانتیه یی مدافعه ایدنلرک اک حرارتلیسی ایدی، یلانلرنده موفق اوله میان مادام لوران ایله ویرژینی باشقه بر تدبیره مراجعت ایتدیلر: لانتیه ایله قله مانسی آره سنده مناسبت عاشقانه موجود اولدیغنی سویله دیلر. کندیسی بو مناسبتک هیچ فرقه ده اولما دیغنی، نه وت دکاندن اوزاقلاشه جق اولسه لانتیه قله مانسی آلوب اوطه سنه کوتوردیکنی و شیمدی ده سوقا قده ایکیسی برلکده کزدکلرینی، غالبا لانتیه قله مانسک آرینه دوام ایتکه باشلا دیغنی آ کلاتدیلر.

ژروعه ز:

— بوندن بکا نه؟

دیدی، فقط سسنه خفیف بر رعشه عارض اولمشدی. ویرژینک کدی کوزینه بکزه یی صاری کوزلرینک ایچنده کی پاریاتیلره بقیوردی. بو قادینک ولبنده کندیسنه قارشی مطلقا برشی اوله جق که بو سوزلره قیصه ناجاغنی خبر که چالشیوردی. ژروعه زدن کوردیکی متابله اوزرینه ویرژینی ایشی آبدالغه اوردق:

— واقعا سزه کوره برشی یوق اما، لانتیه یه نصیحت ایتسه کن فنا اولان. قله مانس صوکره اونک باشنه ایشلر آچار.

دیدی. ایهاک فنا جهت شوایدی که هر طرفدن مدافعه ایدلرینک فرقه واران لانتیه ژروعه زه قارشی طرز معامله سنی دکیشدیرمشدی. شیمدی آنی صیقارکن پارمقلرینی برمدت آووجنک ایچنده طوتیور، نظر لرله اونی یوربیور، ژروعه ز بوجسوز باقیشلرله لانتیه نك کندیسندن نه ایسته دیکنی آ کلا یوردی. بعضاً آرقه سندن یورورکن



تیزلرینی فیستانتانك ایچنه قدر طالديریور ، صانكك اعصابی كهوشه تهرك اویوتق ایسته یورمشجه سینه ا کسه سینه نفسلریله اوفلیوردی . برمدت بومنوال اوزره کیتدی ؛ هنوز صالديرمیور ، حسیاتی اظهار ایتیوردی . نهایت بر آقشام دکانده اونكك یالکیز قالنجه هیچ بر کله سويله مکسزین اونی یاقه لادینی کبی دیواره دایادی . ژروهر تیره یوردی . بوراده لانتیه قادینی اویکک جالیشدی . تصادفاً تام اوانشاده غوژه دکانه کیرمشدی . غوژه یی کورونجه ژروهر چبالایه رق لانییه نك االندن قورتولدی . صانكك هیچ برشی اولامش کبی قونوشمهغه باشلادیلر . غوژه نك یوزی بم بیاض اولمشدی . باشنی یره اکشدی . اوکا اویله کلمشدی كه دکانه کیرمکله اونلرك کیفنی قاقیرمشدی ؛ ژروهر نك چبالایشی کندینك اوزی اوکنده اویولکی ایسته مه دیکنه حمل ایتمشدی .

ایرتسی کون ژروهر آقشامه قدر دکانك ایچنده متأثرانه طولاشدی طوردی . کندنده او قدر بچاره لك طویوردی كه برمدیل اوتوله مکك بيله طاقت بوله میوردی . غوژه یی کورمك ، لانتیه نك دون کندینسی دیواره ناصل صیقیدیردیغنی آ کلامق ایسته یوردی . آنجق ائییه نی لیل شهرینه کوندره لی بری دمیرخانه یه کیتمه كه جسارت ایده میوردی . اساساً اولاری بيله هر کیدیشینده دمیرچی بهك ساله اونی مستهزیانه تبسملرك قارشیلایوردی . شیمدی کیتسه کیم بیلیر نه یامازدی ؛ بوکا رغماً قرارویردی و او کون اوکله دن صوکره پورن بلانش سوقاغنده برمشترینك چاشیرلرینی کتیرمك بهانه سیله االنه بوش برسپت آلهرق دکاندن چیقدی . چیوی فابریقه سنك اوکنه کانجه برمدت قالدیریمده طولاشدی ، غوژه یه سوقاغنده راست کاککی امیدایدیوردی . فی الحقیقه بوامیدنده آلدانمادی . چونكه قالدیریم اوستنده طوره لی هنوز بش دقیقه اولامشدی كه غوژه فابریقه دن چیقیوردی . بللی كه کندینسی بکله یوردی .

ژروهری کورونجه دوداقلرنده خفیف برتبسم بلیرمشدی .

— آی سز چیقهدیکزمی ؟ غالباً اوه دونیوردیکز ...

بوسوزلر ، برشی سويله مش اولق ایچون غوژه نك آغزندن ثم التدارك چیقتمشدی . بوانشاده ژروهر پوواسسونه جاده سینه آرقه سنی چویرمشدی . بربرینك قولنه کیرمکسزین ، یان یانه مون مارتره طوغرو طیرمانمهغه قویولدیلر . فابریقه قاپوسنده رانده وو ویرمش کورونمه مك ایچون ایکسی ده بر آن اول اورادن اوزاقلاشمق احتیاجنی طویورلردی . اطرافده کی فابریقه لرك کورواتوسی ایچنده ، باشلری اوکارینه اکیلمش اولدینی حالده ، جاده نك بوزوق قالدیریمده برمدت یورودیلر . ایکی یوز آدیم قدر کیتدکن صوکره ارادقلری نقطه یه کلدکارینی کورده رك صوله صاپدیلر . حالا قونوشمیورلردی . دیرکن خالی بر عرصه یه کیردیلر . بوراسی بریچقی فابریقه سیله



بردوگه فابریقه سی آرەسەندە ، یریر سولغون اوڭلرله شریت کبی اوزانان بر چایرلقدی .  
چایرک بر طرفندە ایپە باغلانمش بر کچی صیچرایه رق باغرییور ، تادیبده قورو بر  
آغاج ، کونشک آلتندە ، چیپلاق وجودینی کوسترییوردی .  
ژرورەز بونی کورونجه :

— نه تحف ، دیدی ، انسان کندی نی قیرده مانیور .

کیتدی لر ، قورو آغاجک آلتنه اوطوردیلر . ژرورەز سیتی آیاقلرینک اوجنه  
قویدی . قارشیلرندە مون مارتر تپە سی صاری واسمر رنگلی صیره صیره یوکسک  
بنالریله کومه آغاجلرک خفیف یشیللکاری آرەسەندن کورونیوردی باشلرینی بر آز  
دها قالدیرنجه صاف و براق بر سما ، شمال جهتندە اوتە یه بری یه اوچوشان مینی مینی  
بیاض بولوط کومه لریله نظری تلطیف ایدی یوردی . کوندوزک پارلاق ضیائی بالخاصه  
کوزلرینی قاشدیری یوردی . بیچقی فابریقه سنک ایچە اوچاغندن فیشقیران بخارە باقیورلردی .  
کنیش بر نفس آکدیران بو بخار حله لری صانکە کوکسلرینک ایچندە صیقیشوب قالان  
تنفسلرینه بر انشراح ویری یور کبی ایدی . حالا بر شی قونوشمیورلردی . بوندن  
صیقلمغه باشلایان ژرورەز :

— اوت ، دیدی ، برایش ایچون چیقەمشدم .

محضاً ایضاحات ویرمک مقصدیله بورایه قدر کلش اولدینی حالده سـویله جک  
سوز بوله میوردی . حالبوکه ایکیسنک ده بورایه کلکدن مقصدلری بر برلریله کوروشمک  
اولدینی آشکار ایدی . اودرجه که آغلرلندن برکله چیقەمادینی حالده بیله ینه  
بر برینک نه دوشوندیکنی ، نه دیمک ایستە دیکنی آکلایورلردی . دون آقشامکی  
حادثه ایکیسنک ده قلبندە بر آغیر یوک تأثیری یاپیوردی .

نهایت ژرورەز ، کدرندن کوزلری یاشارمش اولدینی حالده او صباح بر چوق  
اضطرابلر ایچندە ترک حیات ایدن چاشیرجی مادام بیژارک احتضارینی آ کلانمغه  
باشلادی . سس طاتلی و یکمنسق ایدی :

— اولومنه قوجه سی سبب اولدی . کونک برنده قارننه بر تکمه اوردی ،  
بو تکمه دن زواللینک قارنی شیشدی . آ کلایشیلان ضربەنک زوریلە ایچریده آلتلرندن  
بری قیریلیویوردی ، اوچ کون ایچندە یووارلانیدی کیتدی . زندانده کی جانلر بیله  
بو قدر وحشت یانماشلردر . محکمە لر قوجه لرینک یوزندن کبرەن قادینلرله اوغراشه جق  
اولسە لر حاکم لرمن ایشدن باشلرینی قاشیه جق وقت بوله مازلر ، اما کیمک اومورندە ؟  
برقادین قوجه سندن تکمه یش یش یاخود یمە مش کیمە نه ؟ هم بونلر اوقدر کونده لک  
ایشلرکە ... تحفی نرەده ، بیلیمورمیسکیز ، زوالی قادینجقز قوجه سنی قورتارمق  
ایچون تکمه یدیکنی انکار ایش ، چاشیر لسنک اوستندە دوستدمده اوندن



اولدی دیمش .. اوله جکی کیجه صباحه قدر حایقیردی طوردی .  
غوژه هیچ سس چیقارمیور ، تأثر دن کهریلن آلریله یردن اوتلری  
قوپاریوردی . ژروهزه دوام ایتدی :

— دها اون بش کون اول صوک چوجوغنی دنیایه کتیرمشدی اک بویوک  
چوجوغنی ، لالی ، سکیز یاشنده یار یا یوق ، ایکی قارده شنه شیمدی او باقه جفی .  
اللهدن که چوجوق عقلی باشنده برشیدر ، قارده شلرینه برآند کبی باقه بیلیر . بویله  
اولدینی حالده باباسندن هر کون طایاق بیور ... بعض انسانلرک طالعی بویله ، اونلر  
بوتون حیاتلرنده اضطراب چکمه محکومدرلر .

غوژه باشنی قالدیره رق ژروهزک یوزینه باقدی . دوداقلری تتردیوردی .  
بردن :

— دونکی حالکیز بنی چوق ، اما پک چوق کدرله نیدردی .  
دیدی . ژروهز ایکی آلنی بربرنه قاووشدیردی . یوزی صاپ صاری اولمشدی .  
غوژه دوام ایتدی :

--- واقعا اک نهایت ایشک بونده قرار قیله جغنی بنده بیلیورم . فقط هیچ  
اولمازسه بن دوشونجه دن قورتارمق ایچون قلبکزدن کچن شیلری اعتراف اتملی ایدیکیز .  
سوزینی اکماله وقت و برمه دن ژروهز آیاغه قالدی . بللی که غوژه کندیسینی  
لانتیه ایله باریشمش ، تکرار تأسیس مناسبات ایتش صانیوردی . ذاتاً بوتون محله سی  
یوفکرده ایدی . آلرینی غوژه یه طوغرو اوزاتهرق حایقیران برسسه :

--- خایر ، خایر دیدی . سزه یمین ایدرم که او یله برشی یوقدر . واقعا بنی  
دیواره صیقیشدیرمقدن مقصدی او یمکدی بونی اعتراف ایدرم . فقط یوزی بوزمه  
ده مکدی بيله ... ذاتاً ایلاک دفعه اوله رق بویله بر تجربه یه قالدیشمشدی . حیاته ،  
چوجوقلرمک باشنه ، دنیا ده نه قدر مقدس شی وارسه هپسنه یمین ایدرم که بویله در .  
غوژه اینانمامش کبی برطور ایله باشنی صالییوردی . قادینلرک بویله شیلرده دائما  
انکار یولنه کیتدکارینی بیلدیکی ایچون ژروهزک تأمیناتنه اینانمیوردی .  
بونک اوزرینه ژروهز جدی برطور طاقینه رق بطی برسسه :

— موسیو غوژه ، دیدی ، سز بنم باصل برقادین اولدیغمی بیلیرسکیز . بن  
عمرمده یالان سویله مش دکلم سزی ناموسله تأمین ایدرم که آره هنرده هیچ بر  
شی یوقدر ، اولمامشدر ، و بوندن صوکرده اولمایه جقدر ، اصلا اولمایه جقدر .  
آکلادیکی می ؟ بوکاراضی اولدیغم کون بن قادینلرک اک بایاغیسی درکسنه اینمش  
اوله جغم ؟ اووقت سزک کبی ناموسلی برارککک دوستنه لایق اولماه جغم .



بو سوزلری سویلرکن یوزی اوقدر کوزلشمش ، کوزلری اویله بر افاده صفوت و صمیمیتله پارلامشدی که غوژه آلارندن طوتهرق یره اوطورتدی . شیمدی اینامشدی ، راحت بر نفس آیور ، ایچی کولیوردی . ایلک دفعه اولهرق اونک آلی بویله طوتمشدی ، ایلک دفعه اولهرق بوآلی کندی آوجی ایچنده صیقیوردی . ایکیمی ده بر مدت سسسز صداسز طور دیلر . کؤک یوزنده بیاض بولولملر آغیر آغیر طولاشیورلر ، چایرک تا اوته بسنده اوتلایان کچی شیمدی باشنی اونلره چویرمش ، اوزون فاصله لرله طاتلی طاتلی باغیریوردی . حالا آل آله ویرمشلر ، کوزلری محبت و شفقت باقیشلریله مشحون ، نظرلری مون مارتر تبه سنه طوغرو یوکسلن خط مائله طالمش ، طوریورلردی . فابریقه لرك باجالرندن چیقان ستون ستون دومانلر افقده چیزکی چیزکی یوکسلیور ، بو فقیر و متروک محله نك مظلم میخانه لرنده کی آغاجلر یشیل منظره لرله اونلرده آغلامق احتیاجی اویاندریوردی .

بر آز صوکره ژروه ز تکرار سوزه باشلادی :

— آننه کز بکا طارغیندر ، خایر دیه یکز بونی حس ایدیورم . چونکه سزه برچوق بورجهز وار حالا اوده یه مدک .

غوژه بو بحثه تحمل ایده مزدی ، اونک ایچون سرت بر طور طاقیندی ، ژروه زك آلی طوتهرق قیره جق درجه ده صارصدی . خایر ، یاره بحثی آغزینه آلدیغنی ایسته میوردی . بر مدت تردددن صوکره کسکه لهین بر سسله :

— خیلی زماندر سزه بر تکلیفده بولونمق ایسته ردم . کوریورم که مسعود دکلسکز ، آنهم ایشلر کزک هیچ ده ای کیمه دیکنی سویلیور . دیدی . دوام ایده مه دی ، بوغولیور کی اولمشدی .

— او حالدو دوشوندم . سزکله برابر چیقوب کیتمکی تصور ایتدم . ژروه ز ایلک اوکجه غوژه نك نه دیمک ایسته دیکنی پک ایی آکلایه مامشدی . شیمدی یه قدر هیچ آغزینی آچایان غوژه بویله نا کهانی بر طرزده عشقنی اعلان ایتسندن حیرته دوشمشدی .

صوردی :

— ناصل کیتمک ؟

غوژه ، باشنی اوکنه اکمش ، ایضاح ایتدی :

— اوت بورادن قالقار باشقه بر یره کیده رز ، مثلاً بلجیقایه ... اوراده برابر یاشارز . بلجیقا عادتاً وطم دیمکدر . ایکیمز برلکده چالیشه جق اولورسه ق راحت راحت کچینیرز .

ژروه ز غوژه نك مقصدینی آکلامشدی . بر آن ایچنده یوزی قیپ قرمزی



کسیلیدی . او دقیقه غوژه اونی اوپمك ایچون قولاری آره سنه آلهیدی بو قدر  
محبوب اولازدی . حقیقه شو غوژه تحف برچو جوقدی ، ژروه زی طبق رومانلرده  
و کبار عائله لرك حیاتنده اولدینی کبی آلوب قاچیرمنی تکلیف ایدیوردی . واقعا  
هر کون اطرافنده بر طاق عمله نك اولی قادینلره ملازمت عاشقانه ده بولونقلرینی  
کورسیوردی . فقط بونلرك هیچ بری او قادینلری باچقایه دکل ، سن ده نیس  
اورماندن اوتیه بیه کوتور میورلردی . بوتون او ملازمت عاشقانه نك ساحه سی  
قادینله ارککک یا شادینی محیطه منحصر ایدی .

ژروه ز غوژه نك تکلیفنه ویره جك جواب بوله مایه رق ساده جه :

— آه موسیو غوژه !

دیمکله اکتفا ایتدی .

— کیده جکمز یرده ایکیمز باش باشه قالیرز . طوغروسنی ایسترسه کز یانمده  
باشقه لری اولدی می جام صیقیلیور . بن بر انسانی سوچه اونی باشقه لرینک  
یاننده کورمکه تحمل ایده مم .

ژروه ز یاواش یاواش صوئوق قانلیاغنی طویلامشدی . معقول سبیلر کوستره رک  
غوژه نك تکلیفنی رد ایتدی .

— ممکن دکل موسیو غوژه ، دییوردی ، بودیدیککز شی چوق فنا بر حرکت  
اولور . اولان بن اولی بر قادینم ، چو جوقمزم وار . واقعا بکا اولان محبتکزی بیلیورم  
وتکلیفکزی رد ایتمکه سزی متأثر ایتدیکچی کورسیورم . فقط دیدیککز بو کون  
قبول ایده جك اواسه یارین ایکیمزده وجدان عذاب طویه جغز و برابر کچیره جکمز  
حیاتک ذوقنی طویمایه جغز . بنم قلبمده ده سزک ایچون بر محبت وار ، بو محبتک  
چوقاغندندرکه سزی یا کلش یوله سوق ایتک ایسته میورم . چونکه ، محقق ،  
بو یول خطالی بر یولدر . اک طوغروسنی ینه اولدیغمز کبی قالمدر . بر بر مزه قارشی  
بسه دیکمز حرمت باقی قالیر ، دائما عینی حیاتی طویه رق یاشارز . بیلسه کز بر انسان  
ایچون کندینه بویه بر دوست بولق نه قیمتلی شیدر . بن کندی حسابمه بر چوق  
دفعه لر بو دوستلق سایه سنده مشکل دقیقه لر می کچیرمکه موفق اولدم . بز وضعیتده  
اولان انسانلر ناموسکار قالدیجه بهمه حال بونک مکافاتنی کورورلر .

ژروه ز بونلری سویلرکن غوژه باشنی صاللیوردی . ژروه زک سوزلری اوقدر  
طوغرو ایدی که عکسنی ادعا ایتکه امکان یوقدی . نا کهان غوژه ژروه زک اوستنه  
آتیه رق اونی ، کوپه کوندوز ، قوللری آره سنه آلدی و کمیکارینی قیره جق درجه ده  
صیقهرق صانکه دریسنی یمک ایسته یور مشجه سنه بر صولتله بویننه اوزون بر بوسه



قوندوردی . غورەنك دوداقلرى ژروەزك بويىندىن آيرىلغىچە ايكىسى دە بر مدت ساكت طورديلر . غورە اوکا عشقندن بحث ايتەمش ، ژروەزده بو قدرجق بر ذوقە ايكىسى دە حق كسب ايتىدكلرىنى دوش-ونەرك غورەنك ياپدىغىچە جانى صيقىلاماشدى .

بو بوسەنك ويردىكى هيچان ايچىندە تپەسىندىن طيرناغىچە قدر شىدتلى بر رەشە ايله تترەين غورە تىكرار صالديرماق ايچون اوندىن اوزاقلاش-يور ، آلارنى مش-غول ايتىك ايچون يردىن قوباردىغى ھىندباوتلرىنى اوزاقدىن اونك سىپىتتە آتيوردى . كوشك ياقوب قاووردىغى چايرلر آره سىندە حقيقە نفيس ھىندبالر يتشمىدى . بوا كلنجە كوكلنى آووتدى ، ياواش ياواش روحنە سىكون كلدى . چكىچ قوللانمىدىن قاتىلاشمىش اولان پارمىقلىلە اونلرى نازكانە قوپارييور ، برر برر سىپتە فيرلاتيور وبونلر سىپتەك ايچنە دوشىنچە سوبىلى بر كوپك كوزلرىنى آ كىران نظرلرندە ھىمنويت تىسملىرى پارليوردى . ژروەز آرقەسىنى آغاچە طايامىش ، شىن وساكن ، چىقى فابرىقە سىنك كورولتوسى آره سىندە بوغولان سىسىنى ايشىتىدىرمك ايچون عادتا باغىرەرق قونوشيوردى . نھايت قالدىلر ، يان يانە يورومكە باشلاديلر ، بولە اتيەندىن بحث ايتدىلر ، چوجوغل لىل شىرنىدىن پىك ھىمون اولدىغى بر برىنە آ كلتدىلر . ژروەزك سىپى آغزىنە قدر ھىندبا طولو ايدى .

ژروەزك لانتىيە قارشى طويدىغى مقاومت اوپلە ادعا ايتدىكى درجە دە دكلدى . واقعا كىندىسە پارمىغىك اوجىلە بىلە طوقونمىسە مساعىدە ايتەيەچكىدى . آنجق يا كونك برندە لانتىيە اوپلە بر جرأتدە بولونەجق اولورسە اووقت نە ياپەجقدى دىھ قورقيوردى . دھا طوغروسى كىندى ضىغىندى ، كىندى يوموش-اقلغىندى ، ھىركىك كوكلنى خوش ايتىك خصوصىندەكى تىمايلندى ، كوردىكى التفاتلرە چارچابوق قاپىلمىسندىن قورقيوردى . مع مافىيە لانتىيە اوپلە بر جرأتدە بولونمىوردى . برچوق دفعە اونىكلە باش باشە قالدقلىرى حالە راحت اوطورمىشدى . اساساً شىمدىكى حالە اش-كىنەجى قادىنلە مشغولدى . قرق بش ياشلرندە اولان بو قادىن ، وجودىنە اى باقىش ، ياشىنە رغماً طراوتى محافظە ايتىمىشدى . ژروەز غورەيى تامين ايتىك ايچون اونك او كىندە اشكىنەجى قادىندىن بحث ايدردى . ويرژىنى ايله مادام لوران كىندىسە لانتىيەنك مدحنى ياپدىقلىرى زمان ژروەز ھىلەنك بوتون قادىنلرى طرفىدىن سەويلن بر ار كىكك باشقە محبەتە احتياجى اولمادىغى سويلەدى .

قوبويە كلنجە ، اوصباحدىن آقشامە قدر لانتىيە يىمدىح ايدر ، اونك حقيقە بر دوست اولدىغى راست كلنە آ كلتيردى . كىم نە دىرسە دىسون ، او دوستىك ناصل ناموسلى بر آدم اولدىغى بىليوردى . اونك ەلپەندە سويلەنن سوزلرە بوش بوغازلقدىن باشقە



بر قیمت ویرمزدی. بازارلری قاریسی، غوژه، کندیسى کز مکه چیققلری زمان  
 ژرودن ایله غوژهیی اوکدن، قول قوله یوروتور، کندیسى آرقه دن کلیردی.  
 آه یوله کچنلردن بری برشی سویلهسه، اوزمان باق نه یاپه جقدی! واقعا لانتیهیی بر  
 پارچه مفروور بولیور، اونک او قویوب یازمه بیلمسیله، قونوشورکن آووقاتلر کی  
 طمطرافلی کله لر قوللانسیله آلاى ایدیوردی. آنجق بونلر بر طرف ایدیلیرسه،  
 طوغروسی زورلی بر آدمدی. بوتون محله ده اونک قدر قبادایى دها ایکی کشی  
 بولونه مازدی. خلاصه بر برلرله پک انی آ کلاشمش ایکی دوست ایدیلر، قفالری  
 دنک ایدی. قوپویه کوره برار ککک دوستانی برقادینک عشقندن دها صاغلاندر.  
 شونی ده سویله ملی که قوپو ولانتیه نک ایکیسی ده ذوق و صفایه صوک درجه مجلوب  
 ایدیلر، بوتون اکلنجه لری برانکده یاپارلردی. لانتیه بوا کلنجه لر ایچون لازم اولان  
 پارهیی ژرودن استقراض صورتیه تدارک ایدیوردی. دکالک قاصه سنه بر آاز  
 پاره کتیردیکنی خبر آلیر آلاماز هان ژرودن مراجعت ایدر، بر معتاد ایلریده یاپه جنى  
 بویوک ایشلرک قازانچندن تسویه ایده جکنی سویله یه رک اونر، یکر میشر فرانق چکردی.  
 بویله پاره آلدینی کونلر برایش ایچون اوزا به بریره کیده جکندن بحث ایده رک چیقار،  
 قوپوی ده برابر آلهرق جنبش یایق اوزره جوار لوقنطه لرک برینه کیدر، بر ماصه  
 اوکنده برون برونه اوطورده رق اولرنده ییه مه یه حکاری یمکاری معده لرینه یووارلارلر،  
 بهالی شرابلردن شیشه شیشه ایچرلردی. قوپو یمکدن زیاده ایچکی ایچهرک سرخوش  
 اولغنی ترجیح ایدردی. آنجق لانتیه بر لوقنطه ده تحف تحف صالحه لی یمکار انتخاب  
 ایده رک بونلرله قارتی طویورمنی دها موافق بولدینی ایچون قوپوده چار ناچار اوکا  
 تابع اولوردی. حقیقه بولانتیه آ کلاشیلماز بر آدمدی. بر طرفدن صوک درجه  
 یوموشاق، او یصال کورونور، دیگر طرفدن عنادینه مشکاپسندلک ایدردی. ذاتاً  
 جنوب اهالیسی هپ بویله اولورلر، لوقنطه جینک کتیردیکی ات قیزاتمه سنی بکنمز،  
 بونک صخته مضر اولدیفنی سویلر، شو یمکک طوزینی، اوته کیسک بپرینی فضله بوله رق  
 کرمی کونده ریردی. خلاصه طوقونمه دن آتش لیر بر آدمدی والسلام! هله جریان  
 هوایه معروض اولمقدن اوقدر قورقاردی که تعریف ایدیله من. بر قاپو یاری آچیق.  
 قاله جق اولسه بوتون لوقنطه مستخدمینی حاشلاردی. اوندن صوکره بخشیش خصوصنده  
 هیچ جو صرد دکلد. یدی سکرز فرانقلق یمکه بخشیش اولهرق اون سانتیمدن  
 فضله براقازدی. بونکله برابر اوندن تیرتیر تتره لرلردی. باتینیولدن بل ویله قدر بوتون  
 طیشاری محله لر خلق اونو طانیردی. آرد صره باتینیول جاده سنده کی اشکنبه جیه  
 کیده رک اوراده اوفاجق منغالار اوستنده کتیریلن اشکنبه دن ییرلردی. بعضاً مون  
 مارترک آشاغیلرینه طوغرو کیده رک (ویل دوبارلوووق) میخانه سنده نفیس استریدی



بولورلردی. بعض دفعه مون مارتره چیقهرق (موله ن دولاغالت) لوقنطه سینه اوغرارلر، اوراده برطاوشان یخنیسی یاپدیریرلردی. مارتر سوقاغنده کی (لی لا) لوقنطه سی غابت نفیس طانه باشی پشیرمکله مشهور ایدی. هله قلمبیان قور جاده سنده کی (لیون دور) و (دوماروینه) لوقنطه سنده اوپله اعلا بوبرک قیزارتمه سی یاپیلیردی که انسان پارمغنی ییردی. آنجق اونلر بلویل جاده سنده کی لوقنطه لری هیسنه ترجیح ایدرلردی. بولوقنطه لره امنیت ایدیله بیلیر، بونلرک یمکاری کوزی قاپالی ینیله بیلیردی. بوصورتله لوقنطه لوقنطه طولاشدقلری کونک فردا سنده، ژرومزک پاپاتسلرینی برآغاره کی آیقلایه رکن اوستی قاپالی کله لرله هپ اولوقنطه لرده کی یمکاردن بربرینه بحث ایدرلردی. بر دفعه سنده (موله ن دولاغالت) لوقنطه سینه یمکه کیتدکاری زمان لانتیه برلکده بر قادین ده کتیرمش، یمکک صوکلرینه طوغرو قوپو اونی بوقادینله یالکیز براقشدی. هم ذوق وصفه، هم ده ایش بر آرده کیده مزیدی. لانتیه ژرومزک اوینه پانیسونر اوله لی بری تنبللکی برقات، دها آرتان قوپو آرتق آله بر آلت آلاز اولمشدی، بعضاً بویله حیلار حیلار وقت کچیرمکدن صیقیلهرق برایش طوته جق اولسه چوقه کچمه دن لانتیه اونک چالیشدینی یره کلیر، آلایه باشلار، ایشی براقوب برقدح ایچکی ایچمکی تکلیف ایدر، بوتکلیفی ایشیدیر ایشتمز قوپو طوتدینی ایشدن واز کچر، ینه کونلرجه، هفته لرجه تذب تذب طولاشیردی اما نه طولاشمق برکورسه کز! محله نك نه قدر میخانه سی وارسه هیسنه برر دفعه کیروب چیقار، صباحک سرخوشلغنی اوکلایه طوغری طاغیتلقدن صوکره آقشام اوستی ینه تازهلر، طبق دونما فنارلری کی صوک قدحله برابر صوک موم سونجه یه قدر بوتون کیچه ایچر طورورلردی. ایچکی مع مافیه لانتیه خصوصنده قوپو قدرایلری کیتمزدی، بالعکس قوپو یی قیزیشدیریر، اوکا ایچیرتیر، نهایت اونی اولدینی یرده براقهرق کندیس یوزنده سویملی برتیم ایلله آوه دونردی. خلاصه سرخوش اولدیغنی کوستر مزیدی، یالکیز بویله کیچه لرده کوزلری برپارچه، دها وفالیر، قادینلره قارش برپارچه دها سر بست وجسور طاورا نیردی. حالبوکه قوپونک سرخوشلغی برباد ایدی. نه زمان ایچکی ایچسه مطلقا مستکمره برشی اولوزدی.

تشرین ثانینک ایلاک کونلرنده ایدی. ینه ایلله سرخوش اولونجه یه قدر ایچمش وبوسر خوشلق هم کندیس هم ده باشقه لری ایچون چرکین بر صورتده نتیجه لشمیدی. اوندن برکون اول کندینه ایش بولاشدی. او آره اق لانتیه یه ده برچالیشمق عشق کلشدی. سعیک فضیلتندن، شرفندن، انسانی یوکساتدیکندن بحث ایدوب طور یوردی. حتی او کون صباح قارا کلغنده او یانه رق قوپو یه رفاقت ایتدی، اونی ایشنک باشنه قدر کوتوردی، بوحر کتیلله عمله لکک شرفنی تسعید ایتدیکنی سویلیوردی. آنجق



بولدە (پوتیت سیون) میخانەسەنك او كەنە كلز طور دیلر، برقدح اریك رانیسی  
ایچمك ایچون ایچری کیردیار . بوندن صوکره حیاتده ایی برخط حرکت تعقیب  
ایتمکە قرار ویرمشلردی . برقرار شرفنه بوقدح ، اما تك برقدح ایچە جکاردی .  
تزکاهك قارشیسەندە بیی لاغرییاد ، آرقەسنى دیواره طایامش ، صومورتغان بر  
صوراتلە پدپوسنى ایچیوردی . قوپو اونى کورونجه هایقیردی :

— آی بیی بە باقك ، بونەصورت یاھو ! ینە برشى می اولدی ؟

بی لاغرییاد کرینەرک :

— برشى بوق ، دیدی ، شو پاترونلر انسانى ایکرەندیرسیورلردە اونك  
ایچون ... دون ینمکەندن آیرلغە مجبور اولدم . ملعونلر هپ بر فابریقەدن چیقمە ،  
هپسى آچاق ....

بیی لاغرییادە برقدح راقی اکرام ایتدیلر . بللی کە بومیخانە کوشەسەندە ،  
ایچکی یە باشلامق ایچون آرقداش بکلە یوردی .

شیمدی لانتیه پاترونلری مدافعە یە قویولمشدی : اونلردە عملەنك یوزندن آز می  
چکیورلردی ؟ کندیسی عملەلک ایتش بر آدمدی ، ایشجی طاقنك نە اولدیغنى پك اعلا  
بیلیردی . عملە ایچندەدە اویلهلری واردی کە ... ایشنك باشە هیچ کیتەز ، کیجە کوندوز  
ذوق وصفای پشەندە قوشار ، تام برسپارش آلنجه ایشك اورتە یرندە سزى براقوب  
قاچار ، نہایت آلدە آووجده صرف ایدەجك پاره قالمایجه او وقت کورونور . مثلاً  
طانیدقلرندن پیقار اسەندە بریسی واردی . بونك صراقی آرابە یە بنبوب کزمکدی .  
هفتەلنى بتیرنجه یە قدر آرابەدن آشاغى اینزدی . عملە دیدیکاک بویله می اولور ؟  
آرابەلردە طولاشمەنك بر عملە ایچون نەذوقی اولابیلیر ؟ لانتیه بر مدت بویله جە عملە  
علیمەندە بولوندقدن صوکرە بردن برە هجوملرینى پاترونلر علیهنە توجیه ایتدی .  
طوغروسى شولانتیه هرشیئی آچیق کورور ، دوشوندیکنى هیچ صاقلامەدن هرکسك  
یوزینە قارشى سویلردی ، لانتیه یە باقیلیرسە پاترونلر دنیاك ایلکی کیرەن صردار  
انسانلردر والسلام ! الله چوق شکر ، کندیسنك بوخصوصە وجدانی راحتدی ،  
معیتەندە کی عملە یە قارشى دوستجە معاملە ایدردی ، باشقە پاترونلر کی میلیونلر قزانمق  
سوداسنە دوشمەمشدی . سوزك بوراسنە کلنجه قوپویە دونەرک :

— هایدی عزیزم ، دیدی ، کیدەلم ، صوکرە کیچ قالیرز .

بیی لاغرییاد ، قولارینى یانە صارقیتەرق ، اونلرلە برلکدە چیقدی . هنوز  
کون طوغیور ، صباحك ایلک ایشیقلىرى جادەنك چامورلری اوستنە کیرلی بررنك  
ایله عکس ایدیوردی . برکون اول یاغمور یاغدینى ایچون هواغایت ملایمدی .  
جادەدە کی غازلری سوندیرمشلردی . پارسە طوغرو آقین آقین اینن عملەنك آیاقلرندن



چیتان بوغوق بر کورلتو سوقاغی طولدیریوردی . قوپو ، چانطه سنی اوموزینه آتش کورولتولی برطور ایله قونوشه رق یوریوردی .  
بر آره لق بی لاغرییاده دونه رك صورتی :

— بی ، ایسته رمیساك سكا ده برایش بوله می ؟ نم پاترون اکر ممکن اولورسه برلکده برایشجی ده اکتورمه می سویله مشدی .

— خایر تشکر ایدرم ، بن آرتق ایشدن فلاندن آل چکیورم . آنجق دون کوردم : مه بوط کندینه برایش آریوردی دیدیک ایشی اوکا تکلیف ایدیه بیلیرسك . طور بکله ، او مطلقا بابا قولومبك میخانه سنده در .

فی الحقیقه سوقاغك آشاغی باشنده کی آسوموارك اوکنه کانجه مه بوطی اوراده بولایلر . صباح هنوز پك ایرکن اولمقله برابر باباقولومب میخانه نك کینکارنی آچش ، لامبه یی یاقشدی . ایچریسی آیدینلق ایدی . لانتیه قاپو اوکنده طوردی . قوپو ایچری کیررکن انجق اون دقیقه قدر وقتلری قالدیغنی سویله یه رك چوق طورمامسنی تنبیه ایتدی .

مه بوط ، قوپونك کندیسنه تکلیف ایتدیکنی اوکره نیر اوکره نر پارلادی :  
--- ناصل ؟ سن شیمدی او حیوان حریفك یاننده ایشه کیردك ها ؟ بنی اوراده بر ده زور کورورلر . اونك یاننده چالیشمقدنسه بوتون سنه آچ قالمی ترجیح ایدرم ، سکا کانجه ، تأمین ایدرم که اوراده اوچ کوندن فضله قاله مازسك دیدیکمه باق !

قوپونی براندیشه آلمشدی :

--- دیمك اوزاسی برباد بریرها ؟

— همده بربادك بربادی ... قیملاندیغه امکان یوق . صوکره پاترون اوله جق مایمون حریف دائما باشنك اوستنده ؛ اوله طورلری ، اوله ساخته حالاری وارکه ... هرکسه عیاش نظریله باقار دکانك ایچنه توکورمك بیله یاساق ... بن اوراده بر کوندن فضله چالیشه مامشدم .

--- ای کی خبر ویردك ... شیمدی کیدر بر تجربه ایدرم ، باقدم که پاترون جانمی صیقمغه باشلادی ، سیلکوب آنارم ، بر دقیقه بیله طورمام .  
ویردیکی معلوماتدن طولانی تشکر مقابلنده مه بوطك النی صیقمقله برابر ینه ایشنه کیتمه نیت ایتدی . مع مافیله برقدح ایچمکدن ده کندینی آله مادی . یکی اوسته بورکیزیون اونك برقدح ایچمسنده مانع اوله جق دکلدی یا ... آرتق یریوزنده بو قدرده می انسانلق قالمادی ؟ اوسته بش دقیقه بکاهی یویرسین قیامت قوپمازیا ...  
بومطالعه اوزرینه لانتیه ده ایچری کیردی . دردی برلکده تزکاهك اوکنه کلایلر .



مه بوط آتی دهلیك قوندره لری ، آرقه سنده پسیلکدن سیم سیاه اولمش باوزی ،  
باشنده یام یاصی قاسکتیله متصل سوکوب طور ییوردی .  
بابا قولومب بونلرک اوکینه درت قدح کتیره رک طولیدردی . بر یودومده  
قدح لری بوشالتدیلر .

بی لاغری یاد قدحنی یره یراقه رق :

--- شو بودکل اما کچدیکی یره فرحلق ویریوردی .

دیدي . مه بوط تحف بروقه آکلاتغه باشلادی . کچن جمعه کونی او قدر ایچمش ،  
او قدر ایچمشدی که آرقداش لری پیوسنی آلچی ایله آغزینه صیه امشلردی . اونک  
یرنده باشقه بریسی اولسه یدی نفس آله مادیغی ایچون چالاردی . حالبوکه اومتصل  
شیشیروب طور مشدی .

بابا قولومبا قالدین سسیله صورتی :

--- قدح لری تازه لهیم می ؟

لانتیه آتیلدی :

--- البته ، هم چیفته قوی ، آدام صره سی بندر .

دیرکن قالدین بحشی آچیلدی . بی لاغری یاد کچن بازار کونی کندیسینه ککینی مون  
روژده او طوران خاله سنک اوینه نصل کوتوردیکی آکلاتدی . قوپو آسسوموار  
میخانه سنک دواملی مشتریلرندن اولان برچاشیرجی قالدین حقنده معلومات صورتی  
قدح لری بوشالتمق اوزره ایدیلر . او آرهلق مه بوط سواقدن غوژه ایله لوریونک  
کچدکارینی کوره رک سسله ندی بودعوت اوزرینه ایکیسی ده میخانه نک قاپوسنه قدر  
کلدیلر ، فقط ایچری کیرمک ایسته مه دیلر . غوژه ، ایچمکه احتیاج کورمیوردی .  
لوریونک کلنجه ، اونک رنکی صواغون ، وجودی رعشه ایچنده ایدی . یاپوب بتیردیکی  
کوستکلری یرینه کوتوریوری . کوستکار جیینده ایدی ، بونلری آووچی ایچنده  
صیم صیق طوتیوردی . او کسوره رک اعتدار ایتدی ، بر طامله راقی اونی خسته  
ایتمکه کافی ایدی .

مه بوط خومورداندی :

--- اماده مرائی شیلر ایتمشکیز یا هو !

تام قدحی آغزینه کوتوره جکی صیرده بردن بابا قولومبا دونه رک :

--- بکا باق اختیار ، دیدی ، شیشه نی ده کیشدیرمشک !

معلوم آ بکا بوتدره ماز . بوراق دمنه کندن دکل .

کونش یوکسلمه باشلامش ، بولانیق برضیا میخانه نک ایچنی قاپلامشدی . بابا  
قولومب غازی سوندیوردی . قوپوانشته سنک ایچکی یه ال سورمه مسنی معذور کورییوردی .



آرتق بۇدە بىر قىياحت دىگەندى يا... غۇژەنك اىچمەسىنى دە تەقدىر ايدىيوردى . ھە  
 اىچمەك احتياجنى طويمانسى عادىتا بىر نىختىيارلىقىدى . نىھائىت چىتقوب ايشە كىتمەكە خاھىرلاندى .  
 آنىق لانتىيە كىبار بىر آدم طورى ايله اوکا كرام نوبى كىندىسىندە اولدىغى خاھىرلاندى .  
 بونى سويلر كىن درس وىرر كى بىر خالى واردى . اويلەيا ، آرقداشلار بىر قىدح اكرام  
 اىتمەدن صاۋوشىمىق ناسىل اولوردى ! ولو ايشە كىتمەك اىچون اولسە بىلە انسان  
 احبابلىرى بويلە بىراقە بىلىرمى ؟  
 اساساً مە بۇطدە قىزمىشى :

— شىمىدى باشمىزە بىرايش چىقىدى ، آرتق بونىكە قىيامى پاتلا دوپ طوره جى...  
 بونك اوزرىنە بابا قولۇمبا قوپۇيە دونەرك :  
 — دىمەك شىمىدى دە سىزك حسابكەزە ، اويلەي ؟  
 دىدى . قوپۇ كىندى جىيىندىن بىر قىدح اكرام ايتىدى . اكرام سىرەسى بىي لاغرىيادە  
 كىلىشىدى . بىي لاغرىيادە اكيەرك مىخانە جىنك قولاغىنە بىر شىلر فصىلدادى . بابا قولۇمبا  
 خەيفىجە باشنى صاللايەرق رد اشارقى وىردى . مە بۇط مىخانە جىنك رد ايتىدىكى شى  
 نە اولدىغى آ كلامىشىدى . در حال اختيارە سو كىمكە باشلادى . بونە دىمەك ؟ ناسىل اولوردە  
 اونك كى بىر آدم كىندىلرىنك بىر آرقداشنى بىر صورىتلە مەاملەيە جىرات ايدىر ؟ مىخانەك  
 بونى مىخانە جىلرى كىندىلرىنى دىكانلرىنە جىلپ ايتىمك اىچون جان آتسونلردە بىر مىردار  
 پردە بىر مىخانە جى پارچەسى اونلرە خاتارت ايتىسون ، طوغرىسى بونى كاتىمىل اولونە مازدى .  
 بابا قولۇمبا بوس-وزلرە قارشى اعتدالى بوزمىور ، ايكى يوسىرۇغى تىز كاهە طىايەرق  
 نازكانە برادا ايله :

— كوزولتويە نە حاجت ، دىيوردى ، آرقداش-كەزە بورج پارە وىرىكەز  
 اولسون بىتسون !

بونك اوزرىنە مە بۇط خايقىران بىر سىسلە :  
 — البتە وىررىم ، دىدى ، بىي ، آل شوپارەيى دە اختيارك يوزىنە فىرلاتىيور  
 بونى سويلر كىن كوزى قوپونك اوموزندە طوران لەمبى چانطە سىنە ايلەشمىشىدى  
 بونى چانطە سىكىرلىنە طوقونىيوردى . قوپۇيە دونەرك :  
 — سىندە بونى چانطە ايله طبقى سودىنەلرە بىكىزىيورسك ، آرقە كەدە عادىتا قىنبور

كى طورىيور .  
 دىدى . قوپۇ ايلەك او كە تىردە ايتىدى . فقط بىر آرز-صوكرە كويا اوزون  
 اوزادىيە دوشونەرك قرار وىرمىش كى بىر طور ايله چانطەيى يىرە بىراقىدى :  
 ذاتاً وقت دە كىچىكىدى ، دىدى ، ايشىمە اوكلەن صوكرە كىدرم . اوسى  
 صورارسە قارىمەك سانجىسى طوتىدى دە اونك اىچون كىچ قالدىم دىرم . ھى بابا قولۇمبا



چانطه می قنایه نك آلتنه قویورم، اوکله یه اوغرار آلیرم.

لانتیه برباش اشارتیه بونی تصویب ایتدی. ایشه کیتمه قرار ویرلشدی، آرتق بوکا شبهه یوقدی. آنجق انسان احبابلرینه تصادف ایلنجه، طبیعیدرکه، نزاکت ایجابی اونلری ترک اید. هنر. هپسینه برعشرت هوسی گلشدی. دردی بردن او یوشمشلردی. آلاری آغیرلاشمش، نظرلریله بربرینک فکرینی یوقنیورلردی. اوکله وقتنه قدردها بش ساعت سربست زمانلری اولدیغنی حسابلا ینجه هپسینه بردن کورونتولی بر نشئه عارض اولدی. آرتق بربرینک اوموزینی شامارلایورلردی، هله قوپو اوموزلرندن بریوک قاقمشجه سنه بوتون وجودنده بر خفیفلاک بر تازداک حس ایدیورلدی. برر قدح دهها ایچدیله. صوکره آسسومواردن چیقهرق بیلاردولی اوافق بر میخانه یه کیردیله. لانتیه بورایه کیررکن صوراتی اکشیتدی.

چونکه بوراسی تمیز بریر دکلدی. بوراده آروج راقیسنک لیتره سی بر فرانغه ایدی. ایکی قدحلق ایچکی یه اون سو ویرمک لازمدی. اوندن صوکره مشتریلر بیلاردونک اوستی اوله پیسله تمشلردی که طوپارلافلر چوخه یه عادتاً یاپیشمشدی. آنجق او یونه باشلا ینجه قارامبولده فوق العاده بر مهارته مالک اولان لانتیه هر زمانکی نشئه سنی بولدی. هر دفعه سنده قوللارینک و کوکده سنک یاردیمیه طوپارلافلرک حرکتنه رفاقت ایدرک قارامبوللرینی یاپیورلدی.

اوکله یمنکی زمانی قوپه نك عئلنه برشی کلدی. آیاقلرینی یره اورهرق :

— چوجوغلر، دیدی. کیده لم بهک ساله یی آله لم. اونک نرده چالیشدیغنی آلیرم. هپ برلکده (مه رلوئی) لوقنطه سنه کیدر، برر پاچا ییرز.

هپسی بو فکری آلفیشلادیله. اوت بهک ساله چوقدن بری پارچاییمش اوله جقدی. چیقوب کیتدیله. سوقاقلر صاری بررنکده ایدی، خفیف خفیف یاغمور یاغنیوردی. آنجق کندیلرینک ایچی قیزغین اولدیغندن دریلرینه چاربان یاغمورک سرینلکنی حس ایده یورلردی. قوپو اوکله دوشهرک اونلری مارقاده سوقاغنده کی چیوی فابریقه سنه کوتوردی. اوکله پایدوسنه دهها یاریم ساعت واردی. قوپو اوراده بولدیغنی بر چوجوغلک آله ایکی سو ویردرک بهک ساله یه کوندردی. دمیرجیه قاریسنک خسته اولدیغنی، هان اوه کلسی ایچون کندیسنه خبر کوندردیکنی سویله یه جکدی. چوق کچمه دن بهک ساله کوروندی. نشئه سندن صیچرا یوردی. بللی که بورنی قوقو آلمشدی.

اونلری قاپو اوکنده کورونجه :

— آه سزی، دیدی، ذاتاً بن آکلامشدم یا... هر نه ایسه، سویله یک باقیم نه یمک بیه جکز؟



کیتدکاری لوقنطه ده پاچانك کیکلرینی کیریرکن بر طرفدن ده پاترونر علیهنده سوکوب صایغه باشلامشاردی . بهك ساله ، کندی چالیشدیغی فابریقه نك مستعمل بر سپارش آلدیغی آکلادی . فابریقه صاحبی ، ایشنی کوردیرنجهیه قدر اویله اویصاللق ایدردی که ... آدم سنده ، یوقلمهیه یتیشلمه مش نه چیقار ؟ شیمدی عکسیلك ایتك پاترونك ایشنه کلز ، اك نهایت ینه فابریقهیه دونولهك دکلکی ، بوکاده شکر ایتسون ... هم طوغرو سنی سویلهك لازم کلیرسه فابریقه صاحبی ، بهك ساله بی قابو طیشاری ایده من . چونکه او قیراطده عمله بولمق ممکن دکل : پاچادن سوکره بر اومت کتیرتدیلر . هرکس برر شیشه شراب ایچدی . لوقنطه صاحبی ، شرابی طوغرودن طوغرییه اوودرینا ایالتندن تدارك ایدر ، قان قرصایسی بر شراب ، هم اوقدر قویوکه عادتاً بیچاقله کسپله بیلهك . ایش کیت کیده نجف بر شکل آلیور ، درت آرقداش یاواش یاواش ایستم آلفه باشلا یورلردی .

یمکک صوکلرینه طوغرو بهك ساله حایقیردی :

— شو بزم پاترونه نه اولیور بیلیم که ... مایمون حریف فابریقه نك قابوسنه برده چاك طاقدیرمش . بزاسیرمی یز که چاك سسپله کیدوب کللم بو کون ایشی یوق ایسه چالسون ، باق کیدرمیم ... بش کوندر چالیشمقدن جانم چیقدی ، بو کونده آصه بیلیرم . شاید برشی سویلکه قاقیشیرسه ایش فلان طایام براقیر کیدرم .

بونك اوزرینه قوپو جدی برطور طاقینه رق :

— آرقه داشلر ، دیدی ، بن مع التأسف سزدن آیرلغه مجبورم ، ایشه کیده جکم . بزم قارییه عین ایتدم همه حال کیتملیم . الله صفا کزی آرتدیرسون ، اکانجه کزده بنی خاطرذن چیقارماک .

اوته کیلراونك بو حالیه آلائی ایدیوردی . آنجق قوپو قرارنده اوقدر صاغلام کورونیور . دی که باباقولومبك میخانه سنده براقدیغی چانطه سنی آلمق اوزره حقیقه کیتکه قاقیشنجه هپسی برلکده کندیسنه اورایه قدر رفاقت ایتدیلر . قوپو فی الحقیقه براقدیغی بردن چانطه سنی آلدی و آباق اوستی بر قدح دها یووارلادی . ساعت بر اولمشدی . درت آرقداش برر قدح دها ایچمکه قرار وبرمشلردی . بو قدح لر ایچیلدیکی صیره ده قوپو ، اوموزینه آصدیغی چانطه پی تکرار اسکی برینه براقدی . چونکه چانطه اوئی راحتسز ایدیور . تز کاهه یاقین طور مسنه مانع اولیوردی . هم آرتق وقت یکمشدی . بو کون ایشه کیتمکدن یرفائده یوقدر ، ایرتسی کون صباحدن کیدردی . او بوکا قرار ویریرکن اوته کیلر عمله کونده لکاری حتمده بر مناقشه طوتدیرمشلردی . بو مناقشه ائاده قوپو ، باجاقلرینك اویوشقلغنی ازاله ایچون چیقوب بولوارده برنتره یانغنی تکلیف ایتدی . بوتکیفه هیچ کیمسه حیرت ایتدهدی . یاغور کسپلمشدی .



بوتنزه بولوار بونجه ايكي يوز آديم قدر يورومكدن عبارت قالمشدى. اللارنى قولارنى  
صالايه رق ، نه قنوشه جقلرىنى بيله مكسزىن ، سانكه بردن يوزلرينه چارپان سري  
هوا ايله شاشيرمش كى يوريورلرى . بوسورتله يورويه يورويه برسوق طبيعى ايله  
يورامسونيه سوقاغنه كلديلىر ، فرانسوانك لوقنطه سنه كيرمرك بر شيشه شراب  
ايسمارلاديلر . حقيقه كنديلرينه كلك ايچون بوكا احتياجلرى واردى . سوقاقد  
انسانك اوستنه برقسوت چوكيوردى هله يوك چامورى اودرجه ده ايدى كه ديزلر  
قدر باطمه دن يورومك ممكن دكلدى . نهايت ارقداشلىرىنى لوقنطه سنك خصوصى  
اوطه سنه كوتوردى . بوراسى ، جلاسى بوزولش برجامكانله عمومى سالوندىن آيريلان  
تك ماصه لى طار بر يردى . او دائما بويله خصوصى اوطه لرى ترجيح ايدردى ،  
بورالرده انسان دها راحت ايجه بيليردى . آوقه داشلره صوردى ؟ بوراسنى ناصل  
بوليورلر؟ اوح نه اعلى ، انسان كندى أونده ايمش كى ، كيفنجه ايچر طوروردى .  
برغزته كتيرتهرك ماصه نك اوستنه آچدى وقاشلىرىنى چاته رق كوز كزديرمكه باشلادى .  
قوپو ايله مه بوطه بيكت او بيايورلردى . ماصه نك اوستنه ايكي شيشه شرابله بش قدح  
قونولاشدى .

بر آره لق بېي لاغريباد صوردى :

— غزته نه يازيور ؟

لانتيه برمدت جواب ويرمه دى . صوكره ، نظرلرىنى غزته دن آيرمايه رق :  
— مجلس مبعوثان حوادلنى اوقويورم ، ديدى ، بو حريفلرده نه عييم جهور تجيدرلر  
آ كلايه مادام كه ...  
بهك ساله :

— خبر كز وارمى ، ديدى ، كچن آقشام ايمپراطور بوتون سراى خلقنك  
كوزى او كنده قاري سندن توقات يمش . . . سزى ناموسمه له تأمين ايدهرم كه  
حوادث طوغرودر .

بو بحث قوپونك جاتنى صيقدى :

— بيققدق سزك بو پولتيقه بحثلر كزدن ! اونلرى براق ده جنايت حوادللرىنى  
اوقو ، باقلم نه لر اولمش ؟

بوسوزى سويله دكدن صوكره ينه اويوننه طالدى . آنده طقوزليدن برتیه رس  
ايله اوچ قيز واردى :

— اك آشاغي سندن برتیه رس ، اوچ ده قوقونا ، ايمى ؟ ذاتا بو مخلوقلر بندن  
آيرلمازلر كه ...

قدحلىرى بوشالتديلر . لانتيه غزته يي يوكسك مسله اوقويوردى :



« غايون ناحیه سی داخلنده وقوعه کلن مدهش بر جنایت بوتون او حوالی  
لنی دهشت ایچنده براقشدر . بر چوجوق اوتوز سولق بر سرقت ایقاعی مقصدیله  
باسنی بیاقلایهرق اولدورمشدر »

بوتون آغزلردن بر صیحه دهشت چیقدی . باق ایشته بو ملعون آسیلمغه  
کردی ، هم کمال ذوق ایله کیدوب اونک آسیلدیغنی سیر ایدیهیلیرلردی . بوجانینک  
باسنی کییوتینله کسمه ملی ، چونکه او قدر جق جزا اوکا آز کلیر . بونی پارچه  
رچه کسهرک اولدورملی . بوندن صوکره چوجوغنی اولدورهن بر آنه یه عائد  
فره اوقوندی . بوکا قارشیده هپ بردن کوپوردیلر . آنجق مسئله نك اخلاق  
جهتنه دها چوق اهمیت ویرن لانتیه قادینی معذور کوردی . چونکه کونک برنده  
آلچاق حریفک بری او قادینی اغفال ایدوب ده دنیا یه بر چوجوق کتیرمسنه سبب  
ولماسهیدی شیمدی او قادین بو چوجوغنی بوغوب لغمه آتمزدی . بو ایکی وقعهدن  
زیاده صراق وهیجانلرینی موجب اولان شی مارکی ( ت ... ) اسمنده بر آدمک  
کیجه یاریسندن صوکره ، صباحک ایکسینه طوغرو بالودن چیقارکن انوالید  
جاده سنده اوستنه هجوم ایدن اوچ آدمه قارشى ناصل مدافعه نفس ایتدیکنه دائر  
تفصیلات ایدی . بو مارکی ( ت ... ) او اوچ کشینک تعرضنه دوچار اولونجه آلدن  
آلدیونلرینی بیله چیتارمغه لزوم کورمکسزین قفاسیله بونلردن ایکسینک قارننه طوس  
اورهرق یره سرمش ، اوچنجیسینی ده آلیله یاقه لایهرق بالذات پولیس صرکزینه  
کوتورمشدی . یامان حریفمش به ! نه یازیق که بویله بر آدم کبارلر ایچنده بولونیور !  
لانتیه :

--- دیکله یکنز ، دیدی ، شیمدی ده کبار طبقه لره عائد حوادلرله کچورم .  
قونتس دوبره تینی قیزی ، ایمپراطورک یاورلردن بارون والانس ایله اوله ندیریور .  
کلینه کوندریلن هدیه لر ایچنده اوچ بوز بیک فرانق قیمتنده دانتله لروار ... »  
بی بی لاغری یاد سوزه آنیلدی :

— بوندن بزه نه ؟ کیم اونلره کوملکارینک نه رنکده اولدیغنی صوردی که  
بویله شیلری یازدیریورلر ؟ کلین خانمک ایسته دیکی قدر دانتله سی اولسون ، اوده  
باشقه لری کی یاقینده طوی آته جق اولدقدن صوکره ...  
لانتیه غزته یی اوقومغه دوام ایده جکدی . فقط به کساله میدان براقادی

وغزته یی آلدن قاهره اوستنه اوطوردی :  
— آرتق چوق اولدی ... بویله کاغدلرک یری آنجق بوراسیدر .  
پیکت پارتیسیله مشغول اولان مه بوط بو ائشاده یومروغنی مظفرانه ماصه نك  
ارستنه اوردی ، طقسان اوچ یامشدی .



تام اختلال تاریخی : ۹۳ ! دیکله باق ، بش اون بش یگرمی ، آسودن  
تهرسه ایندی . یگرمی اوچ ، اوچ پاپاس یگرمی آتی ، اوچ اوغلان یگرمی طوز ،  
اوچ اونلی طقسان ایکی ، برده اوینایورم : ۹۳ !  
هپ بردن قوپونک بوزینه حایقیردیله :  
— قوپو ، سن حای یوتدک !

یکیدن ایکی شیشه شراب دها ایصمادیله . قدحلرک ایچی هییچ بوش قالمیوردی .  
مجلسی آدم عئللی سرخوشلق صارمشدی . آقشامک بشنه دوغرو ایش او قدر  
ایکرنه بچ بر حال آلمشدی که لانتیه آغزینی آچاز اولش ، بر تقریب صیویشنه فی  
دوشونیوردی . سوکوب صایمه باشلایوبده نراپلر یره دوکولمکه قالدیشنجه بو  
نوع مجلسلر لانتیه ایچون دکلدی . بو آرملق قوپو آیاغه قالدیش ، سرخوشلرک  
خاچ مراسمنی پاپیور ، النی باشنک اوستنه ، صاغ وصول اوموزلرینه ، قارننک  
اورته سنه ، صوکره کوبکنک چقورینه کتیره رک هر برنده بر شیلر سویلیوردی .  
لانتیه بو کورواتودن استفاده ایدهرک یاواشجه صیویشدی . اوتنه کیلر بونک فرقنده  
اولمادیله . سوقاغه چیقنجه بردفغه سیلکیندی ، اسکی متانتی الده ایتدی . طوغروجه  
دکانه کیده رک قوپونک احبابلریله برلکده اولدیغنی ژروهزه آکلادی .  
آره دن ایکی کون کچدیکی حالده قوپو حالا اوه کله مشدی . محله ایچنده  
طولاشیوردی . نرده اولدیغنی بیان یوقدی . بعضیلری اونی پاپیون لوقنطه سنده  
بعضیلری ده پوتی بونور میخانه سنده کوردکارینی سویلیورلردی . یالکز روایت  
مختلفدی : کیمیسسی اونی یالکز کوردیکنی ، کیمیسسی ده کندیسی کبی یدی سکز سرخوشله  
برابر اولدیغنی ادعا ایدیوردی . ژروهزه بوتون بوسوزلری متوکانه بر اوموز سیلکینتیسيله  
دیکله یوردی . نه چاره بوکا آلیشمی ایدی . اساساً اونکده قوجه سنک پشندن  
قوشدیغنی یوقدی یا ... حتی اونی بر میخانه کوره جک اولسه قیزدیرماق ایچون  
قارشیکی قالدیرمه کچر ، کورمه مزالکدن کلیردی . شیمدی ساده جه اونک عودتی  
بکله مکله اکتفا ایدیوردی . بلکه کیجه این کلیرده دکانک اوکنده بیغیله رق خورلامغه  
باشلار دیه طیشاری یه قولاق ویریوردی . حالبوکه قوپو کیجه لری یا سوپروتی  
بیغینلری اوستنده ، یا بر سوقاق قنابه سنده ، یا خود خالی بر عرصه ده کچیریوردی .  
صبح اولونجه دها بر کون اولکی مخورلق زائل اولمده دن یوله دوشیور ، یومروقلریله  
دکانلرینک کپکلرینه اورهرق یکیدن میخانه میخانه طولاشمغه باشلیور ، قدحلر  
شیشه لر بر برینی تعقیب ایدیور ، کاه احبابلریله بولوشیور ، کاه اونلردن آیریلور ،  
بقضاً اوزای محله لره قدر کیدیور ، کوزلرینک اوکنده سوقاقلرک رقص ایتدیکنی  
کوره رک نرده آقشام اولورسه اوراده صباحی بولیور ، ایچمکدن و صیزمکدن



باشقه برشی یاپمور ، خلاصه بر کره باشلادی می صیرنجه یه قدر دوام ای دیوردی .  
 نهایت ایکنجی کونی ژروه ز قوجه سی حقنده معلومات آلمق ایچون باباقولومیک  
 آسسونوار میخانه سنه کیتدی . ایکی کون ایچنده میخانه یه بش دفعه اوغرامشدی .  
 میخانه ده بیلدکاری بوندن عبارتدی . ژروه ز فضلله بر معلومات آله ایدمه یه  
 قوپونک ماصه آلتنده بر اقدینی چانطه نی آلوب کیتمکه اکتفا ایتدی .

او کونک آقشامی لانتیه ژروه زی صیقینتی ایچنده کورونجه بر پارچه نشئه لندیرمک  
 ایچون چالغیلی قهوه یه کوتورمکی تکلیف ایتدی . ژروه ز ایلمک اوکجه رد ایتدی ،  
 کوله جک خالی یوقدی . یوقسه لانتیه او قدر ناموسکارانه بر طرزده تکلیف ایتشدی که  
 اکر کوکلی راحت اولسه یدی بلا تردد قبول ایدردی . لانتیه قادینک اوغرامدینی  
 فلا کتله علاقه دار کورونیور ، اوکا قارشی پدران بر طور طایفیوردی . شیمدی یه  
 قدر قوپو بویله ایکی کیجه طیشاریده یاندینی واقع دکلدی . قادینجهز بلا اختیار  
 هر اون دقیقه ده بر کره دکانک قاپوسی اوکته کلیر ، آله ده اوتوسی اولدینی  
 حالد بر اوجدن اوته کی اوجه قدر نظر لر یله معوقاغی سوزهرک قوجه سنک کلوب  
 کلدیکنه باقاردی .

بردرو یرنده طوره میور ، باجا قلمه برشیلر اولیور دیوردی . اوندن صوکره  
 قوجه سنک دوشوب بر طرفنی قیرمسی ، یاخود بر آراهه آلتنده قالوب آزیمسی احتمالی ده  
 وار . واقعا ژروه ز بوصورتله قوپودن قورتولیش اولوردی ، اویله سردار بر حرفه  
 قارشی قلبنده ذره قدر محبت و شفقت طویموردی . اونی اوزدن شی عجباً کله جک می  
 کله یه جک می دیه اندیشه ایچنده وقت کچیرمسی ایدی . نهایت کیجه اولدی . لامبه یی  
 یاقدیله ، لانتیه چالغیلی قهوه تکلیفی بردها تکرار ایدجه ژروه ز قبول ایتدی .  
 بر قادینک قوجاسی اوچ کون اوچ کیجه اوه کیرمسه اونک کدرینه صایلا نوب ده  
 نفسنی اکلنجه دن محروم ایتک ، طوغروسی ، آبدالجه بر حرکت اولوردی . مادام که  
 قوپو حالا اوه کلیوردی ، اونک چیقمه سنه بر مانع قالماش دیمکدی . اما ای  
 اولمایه جقمش ، اوده اومورنده دکل . ذاتاً حیاندن او قدر بیزار اولغه باشلامشدی که  
 بعضاً هر شیئی قیروب کچیرمکی بیله دوشوندیکی اولوردی .

چار چابوق یمکی ییدیلر . ساعت سیکزه طوغرو ژروه ز دکانی ترک ایتدند  
 اول قاشن آناسیله نانایه هان یاتاغه کیروب یانعلریخی تنبیه ایتدی . دکانی اساساً  
 قاپامشلردی . آولو طرفنره کی قاپودن چیقدیله . ژروه ز آناختاری قاپوجی مادام  
 بوشه تسلیم ایدرکن شاید اوخنیز حریف کله جک اولورسه بر زحمت ایدوب اونی  
 یاتیرمسنی رجا ایتدی . لانتیه بویوک قاپونک آلتنده اوکا منتظر دی . قیافتی دوز کون



ایدی ؛ باشنی هوایه قالدیرمش ، آغزیه ایصلق چالیوردی . ژروه زده اپیک اتوانی  
کییمش ایدی . بربرینه صوقوله رق ، یان یانه قالدیریم بویجه یوریورلردی .  
دکانلرده کی لامبه لرك منور ساحه سنه کیردکاری زمان متبسم بر سیما ایله یاواشجه  
قونوشدقلری کورولیوردی .

چالغیلی قهوه روش شوار پولوارنده ایدی . بوراسی اسکیدن اوفاق رقهوه خانه  
ایکن بالاخره ، بر اولویه طوغرو توسیع ایدلمش کنیش بر باراقه دن عبارت ایدی .  
قاپوژ بر قوردونه طاقیلمش یووارلاق فانوسلردن مرکب بر ماصه آصیلمش ایدی .  
یره اوزاتیلمش تحته لرك اوزرینه بویوک اعلانلر یاپیشدیرلمش ایدی . لانتیه :  
ایشته بوراسی ، دیدی ، بو آقشام مادام آماندا اسمنده بر شانتوز ایلك دفعه  
اوله رق تشرق سوبله یه جك .

باشنی چویرنجه بی لاغریادی کوردی ، اوده اکیلمش ، دیوار اعلاتی  
اوقویوردی . بی لاغریادك برکوزی زده نمشدی . آکلاشیلان برکون اول  
کوزینك اوستنه بر یومروق یمشدی .  
لانتیه قوپوبی آراشدیردی :

— قوپو نره ده ؟ یوقسه ینه قاجیردیکزمی ؟

— دوندن بری ... مادام با که نک میخانه سندن چیقارکن بردو کوش اولدی .  
واقعا بن بودورلو شاقه لردن هیچ خوشلانم اما ، اصل سببیت و برن میخانه ده کی  
غارصون ایدی . چونکه بزدن ایکی دفعه پاره آلفه قالدیشمشدی . هر نه ایسه غوغا  
ایتدك . بن اوزادن صیویشه رق یاتمغه کیتدم .

اون ساعت او بودینی حالد حالاً أسنه یوردی . سر خوشانی تماماً کچمه مش ، سیاسنه  
بر سر ملك کلشدی . یاتاغنه کیرمش اوله جق که اسکی جا کتی قیل ایچنده ایدی .  
ژروه ز صوردی :

— شیمدی قوجه مک نره ده اولدیغنی بیلیمورمیسکز .

— خایر ، هیچ بیلیمورم ... مادام با که نک میخانه سندن ساعت بشده چیقم شدق .  
احتمال که اورادن چیقار چیقماز آشاغی طوغرو اینمشد . ها صحیح ، خاطر لایورم :  
بر آرابه جی ایله برانکده پاپیون میخانه سنه کیررکن کورمشمدم . بن ده اما سرسم  
اولشم ها ...

لانتیه ایله ژروه ز او کیجه یی چالغیلی قهوه ده پک خوش کچیردیله . ساعت اون بره  
طوغرو قهوه قاپانجه اونلرده چیقهرق کزینه کزینه ، آغیر آغیر اوه دوندیله .  
هوا بر پارچه سرینله مشدی . هر کس طاقم طاقم اولرینه چکیلیوردی . آغاج  
آتلرنده ، قارا کتاق کوشه لرده بر طاقم قیزلر فضله طاشقینلاق ایدن ارککارله کولمکن



فیریلیشیورلردی . لانتیه چاغیلی قهوه ده مادمازل آماندانك شرقیلرندن برینی تکرار ایدیوردی . ژروه زك اوستنه بر شاشقینلق ، برنوع سرخوشلق کلمشدی ، اوده شرقینك نقراتی تغنی ایدیوردی . قهوه خانه نك ایچی چوق صیجاقدی ، حرارت باصمشدی . اوراده ایچدیکی ایکی قدح ایچی ، اوندن صوکره قهوه خانه نی طولدیران توتون قوقوسیله اوبریغین خلقك ازدخامندن چیقان رایحه کوکلنه بولاتی ویرمشدی . مع مافیله مادمازل آماندا اونك اوزرنده بویوک برتأثیر براقمشدی . او ، ممکن دکل ، مادمازل آماندا کبی چیر چییلاق صویونوب « بوقدر انسانك قارشیننه چیقهمازدی . مع مافیله شوراسنی ده اعتراف ایتلی که شانتوزك تی حقیقه امثالسر ایدی . لانتیه نك بوشانتوز حقنده ویردیکی معلوماتی احتراض آلود برصراق ایله دیکله یوردی . لانتیه بومعلوماتی اویله برطور ایله ویریوردی که عادتاً مادمازل آماندانك میککرنی ایلله صایمش ظن اولونوردی . قاپویه کلدکری زمان ژروه زایی او چ دفعه چکدی . قاپوجی جواب ویرمیوردی . — هرکس اویومش !

نهایت قاپو آچیلدی . فقط ایچریسی زندان کبی قارا کلقدی . آماختاریتی ایسته مک ایچون قاپوجی قلبه سنك جامنه اوردی . قاپوجی بوش اویقو سرسملکی ایله برشیلر سـویله دی . ژروه ز ایلک اوکجه سویله نن سوزك فرفنده اولمادی . فقط صوکره آکلادی :

قوپویی ، پوایس مأهوری پوواسسون برباد برحاله اوه کتیرمشدی احتمال که اناختارک کلیدی اوزرنده ایدی .

ایچری کیرنجه اورتها نك حالی کورهن لانتیه حایقیردی :

— بونه ؟ حریف بوراسنی برباد ایدوب براقمش...

فی الحقیقه ایچریده پیس برقوقو واردی . یرلر یام یاش ایدی . ژروه ز بونلر آره سنده طولاشه رق کبریت آرییوردی . نهایت مومی یاقغه موفق اولدی ، کوزلرینك اوکنه چیتان منظره مدهشدی : قوپو نه قدر اشکنبه وباغیرصاق ییدی ایسه هپسنی چیقارمشدی . اورتها لوق بوافرازات ایله طولو ایدی . بونك سرپنتیسی یاتاغه وخالییه حتی قونصوله قدر صیچرامشدی . قوپو ، پوواسسونك کندینی فیلاتوب آتدینی قاریوله دن یره یووارلانمش ، اوملوئات ایچنده خورلایه رق اویویوردی . طبق طوموزلرکبی بوبلی بوینه اوزانمش ، یوزینك برطرفی پیسلاک ایچنه باطمش ، آجیق طوران آغزندن متعفن برنفس چیقیور ، آغارمش صاچلری افرازاتدن حاصل اولان بریکینتی ایچنده یوزیوردی .

ژروه ز یأس ونفرتدن نه یاپه جفنی بیله میوردی :

شوخنزیره باقك ، نه سردار شی ! هرطرفی برباد ایتمش ... برکوپك بیله بوقدر



ياپمازدى . هر حالده كوپكلرك لاشهسى بوندن تميزدر .

نه ژروەز ، نه دهه لانتیه اولدقلری بردن قیلدانه میورلر ، آدیملرنی نره یه آته جقلرنی بیله میورلردی . قوپونك شیمدی یه قدر بو حالده اوه کلدیکی ، اوطه یی بودرجه قلویت ایتدیکی واقع دکلدی . بومنظره ژروەزك اوکا قارشى بسله دیکی حسیات اوزررنده مدهش برضربه تأثیری یاپدی . اسکیدن اوه سرخوش و یاخود چاقیر کیف کلدیکی زمان ژروەز اوکا قارشى ملایمانه طاورانیر ، هیچ بروقت اوندن استکراہ ایتمزدی . شیمدی تحملی طاشمشدی . یوره کی قابارییوردی . شو یرده یاتان حربك ماشا ایله طوتوله جق طرفی قالمامشدی . بونکله بر یاتاقده یاته جفنی ، اونك دریسی کندیسك دریسنه تماس ایده جکنى دوشوندکجه ایله تیکسنیوردی که فنا برخسته لادن اولش بر آدمك قویندنه یاتمقدن آنجق بو قدر تیکسینه بیلیردی . میریلدانییر کی خفیف برسسله :

— پکی اما ، دییوردی ، یاتمقده لازم . کیدوبده سوقاقده یاتامام آ... چاره یوق ، اوستندن آتلارم .

وسرخوشك اوستندن آتلامغه قالدیشدی ، فقط قوپو بوتون قاریوله یی اشغال ایتش بولونیوردی . ژروەز قایوب یرده کی پیسلکارك اوزرینه دوشمه مک اینچون قونصولاك برکوشه سنه چکیلکه مجبور اولدی . اوتدهه لانتیه ، اونك بو حال ایله کیجه یی کندی یاتاغننده کپیره مه یه جکنى آ کلامش اولدقدن صوکره بر تبسله کولومسه یوردی . بر آرهلر ژروەزك ألنی یا قالا یه رق قیصیق فقط آتشی برسسله : — ژروەز ، بنی دیکله ...

دییوردی . ژروەز لانتیه نك مقصدینی آ کلامشدی . چیلغین بر حالده ، ألنی اونك ألندن چکهرک اسکی زمانلرنده اولدینی کی تکلیفسز بر ادا ایله .

— خایر ، دیدی ، براق بنی ، یالواریرم سکا ، اوغوست سن اوطه که کیت ، بن بر یولنی بولور قاریوله مه چیقارم . لانتیه اصرار ایدیوردی :

— ژروەز ، سرسملکک لزومی یوق ، کور میورمیسك نه فنا قوقیور . ممکن دکل ، کیجه یی بوراده کپیره مزسك . هایدی بنم اوطه مه کل ! جام ، کیمدن قورقورسك ؟ او اولو کی یاتمش ، دنیا ییقلسه ایشیته جك حالده دکل ... ژروەز کیتمه مک اینچون اوغراشیور ، بوتون عزمنی طویلا یه رق باشیله خایر اشارتی ایدیوردی . شاشقینلقدن او حاله کلشدی که لانتیه نك امیدینی کسمک اینچون اورا جقده صویونمغه باشلادی ، اپک اثوابی چیقاره رق بر اسکمله نك اوستنه فیرلاتدی . بر ایچ کوملکی برده فیستانله قالدی . بم بیاض وجودی ، چیپلاق قولاری و کردانی میدانه چیقدی .



ایله یاتاغنده یاته جقدی ، بو یاتاق کندیسنگدی ، کندی مالی ایدی . بر یوانی بولوب یاتاغنه آتلامق ایچون ایکی دفعه دها تجربه ایتدی . فقط موفق اوله مادی . شیمدی لانتیه اونى بلندن یاقه لامش ، قانی قاینا ته جق سوزلر سويلیوردی . اوف یاربی ، نه فنا موقعه دوشمشدی ! او کنده آخلاقسز ، رذیل بر قوجه که ، کندیسنى یاتاغنه کیروب ناموسکارانه یاتمقدن منع ایدیور ، آرقه سنده ملوث بر اسکی عاشق که ، کندیسنى تکرار آله کچیرمک ایچون فلا کتی زمانی کوزه تلیور « بر آره لق لانتیه سسنى یوکس لتمشدی : ژروه ز یاواش بر سسله قونوشمى رجا ایتدی . قاش آناسیله چوجوغى باباسنك یاتدقلى اوطه یه قورق قبارتدی : قوتلى نفسلرندن اویودقلى آ کلاشیلوردی .

— اوغوست ، یالوار یرم سکا ، بنی براق ، صوکره اونلری اویاندره جتسک ... هایدی اوغوست ، عقلکی باشکه طویلا ، باشقه بر کون ، باشقه یرده ، دیدیککی یاپارم ؛ فقط بوراده ، قیزمک اولدینی یرده ، خایر ممکن دکل ... لانتیه آرتق جواب ویرمیور ، ساده جه کولومسیوردی . بر آره لق بوسبوتون یاقلاشه رق قولاغندن اوپدی . وقتيله اوکا طاقيلمق ، اونى شاشیرتمق ایسته دیکی زمانلرده ده بویله اوپردی . بونک اوزرینه قادینک بوتون مقاومتی قیریلدی ، باشنك ایچنده بویوک بر اوغولتی باشلادی ، وجودینک ایچندن درین بر رعشه کچدیکی طویدی ، بونکله برابر بر حمله مقاومت دها کوستره رک کری چکیلدی . فقط کوریسوردی که بویکیجه یی کندی یاتاغنده کچیرمکه امکان یوقدی . اوطه سنك ایچنده مدهش بر قوقو واردی ، فنا حالدی ایکره نیوردی . قوپو ، بوتون اعضای وجودی اولو کبی بر حالده ، آغزی ترس دوشمش ، مست لایعقل ، اویویوردی . دکل یالکیز لانتیه ، بوتون سوراق خلقی ایچری کیروب قاریسنه تعرض ایتسه وجودینک برقیلی بیله اوینامازدی ، او قدر کندندن کچمشدی . نهایت صبری توکه ندی :

— نه یاپه یم ، قباحه بنده یی ؟ کندی یاتاغنه کیره میورم ، بویکا سببده او ... آه اللهم اللهم نه در بوباشمه کلنلر ، قوجه م بنی کندی یاتاغندن باشقه یاتاغنه کوندیریور ، آرتق بن کندی یاتاغنه مالک دکل ، چونکه اونک قویننده یاتمغه امکان یوق ، قباحه اونده !

عقلی باشندن کیتمشدی . بوتون وجودی تتره یوردی . لانتیه اونى کندی اوطه سنه طوغرو ایتوب کوتورورکن یانده کی جاملی قاپونک آرقه سندن نانانک باشی کوروندی . چوجوقجغز کورولتودن اویانمش وایچ کوملکیله یاتاغندن قالقهرق ، جامک اوکنه قدر کلشدی . یوزی صاب صاری ایدی . ایلاک اوکجه قوصونتیلر



ایچنده یاتان باباسنه باقدی ، اوندن سوکره یوزینی جامه طیایه رق آنهسی ، کیجه لك قیافتیله اوته کی حریفك اوطه سنه کیرنجیه قدر قالدی .  
چوجو غك سیاسنه بویوک بر جدیت کلهشدی . ایری کوزلرینك درینلکارنده شهوانی یر مصراق آتشی پارلیوردی .

## ۴

بو قیش ، اختیار مادام قوپو آز قالدی نفس طارلغندن اوته کی دنیایه کوچه جکدی ، ذاتاً هر سنه کانون اولده بو خسته لق اونی ایکی اوچ هفته آرقه اوستی یاتیریردی . بو عات اوکا اون بش یاشندن بری مساحت اولمشدی . فقط شیمدی یاشی اون بش دکل ، یتش اوچدی . وجودی هر نه قدر ظاهراً سمیز و شیدیمان ایسه ده ، ایچنك آلتلری اسکیمشدی . الكا وفاق عارضه دن نفسی طارالیور ، کوکسندن خیرلتیلر چیقمغه باشلیوردی . دو قتورک افاده سنه باقیلیرسه کونك برنده بر اوکسوروك اثناسنده کیده بیلیردی .

مادام قوپو ، خسته لق نوبتی کلوب یاتاغه کیردیکی زمانلر بر باد برشیلر اولیوردی . واقعا اعتراف ایتلی که یاتدینی اوطه نك ایچی ده چوق قسوتلی ایدی . کندیسيله نانانك یاتاغی آره سنده آنجق ایکی اسکمه قونه جق قدر یر واردی . بویاسی صولش اسکی دیوار کاغدلری اوته ده بریده پارچه پارچه دوکولیوردی . طاوانده کی پنجره دن ، طبقی محزنلرده اولدینی کبی لوش وصولفون بر ضیا کیرییوردی . اساساً نفس طارلغندن مضطرب اولان بر انسان ایچون بوراده یاشامق چوق کوچدی اوطه نك حالی آدمی اختیارلا تیوردی .

بعضاً کیجه لری ، اویقوسی قاچدینی زمان ، یانی باشنده نانانك ار بودیغنی سیر ایدهرک وقت کچیریردی . فقط کوندوزلری کیسه اونك یاننده اوطورماز ، آقشامه قدر خوردانیر ، اغلار ، یاصدیغنك اوستنده صاغه صوله دونه رک :

— امان اللهم ، دیردی ، بونه طالع سزلك ! نه بختی قاره برقادینشم . بی زندان ایچنده کبرته جکلر ...

شاید اوطه سنه بر مسافر ، مثلاً ویرژینی یا خود مادام بوش کلوب ده خسته انی نه حالده اولدیغنی صوره جق اولسه درحال شکایت فصلانی آچار :

— آه بیلسه کز ، بکا یدیردکلری ا ک م ک نه بهالی یه مال اولیور ! یا انجیلرک اوندی خدمتجیلک ایتسه م بو قدر اضطراب چکم . مثلاً باقیکز دون بر فنجان اخلامور ایسنه یه جک اولدم ، اوکه برقووا طولوسی صو کتیردیلر ، بونکله آرتق چوق



اولدیغمی یوزیمه اورییورلردی . آلمده بویوتدیکم چوجوق بيله یانمده اوطورمیور ، یالین آیاق اوطه دن قاجیور ، آقشامه قدر بردها کورونمیور . صانکه بن اوستی باشی یرتیق برقادینشم کبی هرکس یانمدهن اوزاقلاشیور . کیجه لری اویورکن بردفعه اولسون کوزینی آچوبده بویوک آنه سی راحت می ، مضطرب می دییه صورمیور . خلاصه فضله کلیورم والسلام ، برآن اول کبردیگمی بکله یورلر . صراق ایتمه سونلر ، اوزون سورعنی یوللانیرم . بو حنریر قاری اوغلمی ده آلمدن آلدی ، آرتق اوغلم ده یوق . ملعون قاری ، محکمه دن قورقوسی اولماسه بنی دوکه دوکه کبرته جک ...

فی الواقع ژروهن آره صیره قاش آناسنه سرتلک ایدردی . دکانک ایشلری ایی کیتمدیکی ایچون کیمسه نك نشئه سی یرنده دکلدی ، کیمسه کیمسه یه تحمل ایده میوردی . قوپو بيله بر صباح : « شوبزم اختیار قاری ایکیده بر اوله جکم اوله جکم دییورده حالا کبره میور » دیمشدی . بوسوز زواللی قادینجفرك تاقلبنه ایشله مشدی . اونك وجودی فضله بر مصرف تشکیل ایتدیکنی یوزینه قارشى سوبله مکدن چکنمیورلر ، اکر او اولماسه یدی بودجه ده بویوک بر مقدار تصرف ایده جکلرینی سوبله یورلردی . مع مافیه مادام قوبوده لازم اولدینی کبی حرکت ایتمیوردی . مثلاً بویوک قیزی مادام لوارنله قونوشورکن اوکا سفالتندن بحث ایدیور ، اوغلندن وکلینندن شکایت ایدیور ، وبوتون بوشکایتلری مادام لورانندن بر فرائق قوپارمق ایچون یاپیور ، آلدینی پاره نی ده بوغازینه صرف ایدیوردی . اونندن صوکره دیدی قودی بی ده ایلری کتوره رک لوریولره ، کندیسى ایچون ویردکلری اون فرائقی ژروهنك سفاهت یولنده صرف ایتدیکنی ، بوپاره ایله چاشیرجی قادینك کندیسنه یکی شابقه آلدیغنی ، یاخود پاسته آلدرق بونلری بر گوشه ده تک باشنه ییدیکنی ، بعضاً بوپاره نی آغزه آلتمايه جق چیرکین شیلره ویردیکنی سوبلیوردی . اونك یوزندن آز قالدی بونون عائله دوکوشه جکلردی . بعضاً بر طرفی اولیور ، بضعا اوته طرفه کچیور ، خلاصه سی اورته لانی آلت اوست ایدیوردی .

بوقیش ، برکون خسته لق نوبتی يك شدتلی کلشدی . ماداما لوران ایله مادام لوریو باش اوچنده طورییورلردی . کندیلرینه کیزلی برشی سوبله یه جگنی آکلامق ایچون برکوز اشارتی یاپدی . سوز سوبله مکه طاقتی یوقدی . خفیف بر سسله : — بیلیورمیسکنز بو قادینك یاپدینی مردارلانی ، دیدی ، بو کیجه قولاقلمله ایشیتدم : لانتیه نك اوطه سنه کیتمشدی ، اورادن قونوشدقلرینی طویدم . آرتق قوپو بوینوزلری طاقدی ...

گاه اوکسوره رک گاه بولوغولیورجه سنه طوره رق قیصه جمله لرله آکلاتدی : — دون آقشام قوپو ، کندینی بیلمايه جک قدر سرخوش بر حاله کلشدی .



کنديسى اويوميور ، هر شينى ايشيديوردى . ژروهك چيلاق آياقلرله يورودىكنى ،  
لانتیه نك ايصليق كې كسكىن برسسله اونى چاغيرديغنى ، آرهدەكى قاپونك ياواشجه  
قاپانديغنى ، اوندن صوكره بوتون اولوب بيتن شيلرى ايشيتىشدى . واقعا ساعت  
قاچەقدر اوراده قالديغنى بيله ميوردى ، چونكه وجودندهكى صيزيلره رغماً بر آرهلر  
ويوشمش قالمشدى . انجق محقق ، صباحه قدر لانتیه نك اوطه سنده قالمش اوله جقدى .  
— يا نانا ايشيدهدى ؟ دوشونك بر كره نه چيركىن شى اولوردى ! ياتاغه  
ياتدى يومروقلرينى صيقه رق صباحه قدر اويويان چوجوق او كيجه صباحه قدر  
ياتاغنك ايچنده دوندى طوردى . صانكه بر آتش اوستنده اويوشمى كې بر درلو  
تراحت ياتمايوردى .

مادام لورانله مادام لوريو بو خبردن متحير كورونمەديار . حتى مادام لوريو :  
— بكا قاليرسه اونلر دها ايلك كونندن ايشى پيشيرمشلردر . آنجق قوپو  
تراضى اولدقدن صوكره بزه نه ؟ بالكز شوراسى وار كه عائله نك ناموسى نامنه فنا برشى .  
ديدى . مادام لوران فكرينى سويله دى .

— بن اولسه يدم ژروهكى قورقوتور ، اونى تهديد ايدەجك بر شيلر بولور  
سويلهرم . مثلاً ، ياپدقلىرى بيليورم ، ياخود سنى پوليسه خبر ويره جكم ديردم .  
بردو قورتورك خدمچيسندن ايشيتدم : قادينە بويله برشى سويله نيرسه قورقودن  
بر آنده جاني چيتارمش . كاشكه اويله برشى اولسه ده يوره كنه اينسه . اولدينى  
برده قاليرسه ، ايتديكىنك جزاسنى بولمش اولوردى ...

چوق كچمه دن بوتون محله خلقى ، هر كيجه لانتیه نك اوطه سنده كيتديكنى اوكرە نمشدى .  
مادام لوريو قومشو قادينلرينك ياننده بونى آكلاتيركن تهور ونفرتى  
صاقلاميور ، بو قادينك يوزندن چوق چيركىن وضعيته دوشمش اولان قارده شينه  
آجيوردى . اونك ديديكنه باقيليرسه قارده شنك اوينه محضا يچاره آنه سنى كورمك  
ايچون كيديوردى . يوقسه او اودن ايچرى آياق آتمايه جقدى . بو خبر اورته يه  
يايلدقدن صوكره هر كس ژروهك عليهنده بولونمغه باشلادى . بللى كه لانتیه نى  
سفاهته او آيشديرمشدى . هم لانتیه نك باقىشلرندن بونى آكلامق ممكندى .  
اورته لقدم طولاشان بوتون او چيركىن ديدى قوديلره رغماً هر كس حالا لانتیه يه  
طرفدارق ايدميوردى . چونكه لانتیه كيمسه يه قارشى معامله سنى ده كيشديرمه مشدى .  
اسكيسى كې كبار طورلى كورونيور ، سواقده طولاشيركن ينه غزته سنى او قويوردى .  
هله قادينلره قارشى نزا كتمه هيچ قصورى يوقدى . آرە صيره اونلره شكر ،  
چيچك ويرمكدن حالى قالمازدى . هم او ، نهايت بر ار ككدى . ار ككلك ايجابى  
ياپيوردى . بر ار كك ، كنديسنك بويينه آتيلان بر قادينى رد ايدە مەردى يا !



حالبوکه ژروەز ایچون هیچ بر معذرت یوقدی . اونک یوزندن بوتون محله نك ناموسی برباد اولمشدی . لوریو بعضاً نانای کوشه یه چکەرک اونک وافتیز باباسی ووافتیز اولق صفتیله چوجوقدن تفصیلات صورارلردی . نانا بو طولامباجلی سؤالار قارشیدسنده ارزون کیریکیلرینی اوکنه ایندی رهرک آبدال برطور ایله جواب ویریوردی . ژروەز محله نك بو عمومی نفرتی آره سنده لاقید و مستریخ ، یورغون ، عادتاً اویشوق بر حیات کچیریوردی . ایلك زمانلر کنديسنى قباحتی و کیرلی بولمشدی . عادتاً کندي کنندن ایکره نیـوردی . لانتیه نك او طه سندن هر چیتدجه آلارینی ییقار ، بر بز ایصلاته رق عادتاً دریسنى صویه جق درجه ده اوموزلرینی سیلردی صانکه لانتیه نك یاتاغنه کیرمشن اوله نك پیسلکنی بو صورتله تمیزله مک ایسته ردی . او آره لق قوپو کنديسنى اوقشامغه قالفیشسه بوکا قیزار ، تیتره یه زک دکانه قاچار ، اوراده کینیردی . شاید قوجه سی کنديسنى اوپه جک اولورسه اوندن صوکره لانتیه نك آل سورمه سنه راضی اولمازدی . بر ارککک قویزندن دیکرینک قویزنه کیررکن قابل اولسه دریسنى ده کیشدیره جکدی . مع مافیه بو حال چوق سورمه دی . یاواش یاواش آلیشمغه باشلا یوردی .

هر دفعه سنده بویله ییقانق اونى یوریوردی . شیمدی بوتون وجودینه بر تنبالک عارض اولمشدی . وقتيله سيکیرینه طوقونان شیلرک هر برندن شیمدی بر حصه ذوق چیتارمغه چالیشیوردی . باشقه لرینه قارشى اولدینی کبی کندي نفسنه قارشى لطفکار بولونیوردی . کیمسه یی ازعاج ایتهدن هر شیئک چاره سنى بولق آرتق یکنه املى ایدی . قوجه سیله عاشق بر بریله خوش کچیندکدن ، أولک منتظم حیاته خلل کله دکدن ، صباحدن اقشامه قدر کولوب اوینایه رق وقت کچنکدن ، طاتلی طاتلی کچن شو حیاتدن ممنون قالدقندن صوکره آرتق شکایته محل وارمیدی ؟ باخصوص ایشنى طیقیرینه قویعش ، هرکسى حالندن ممنون ایتکه موفق اولمشدی . بوکا رغماً کندينى اوزمه نك معناسی یوقدی . میدانده بر فنالق یوقدی ، انسان آنجق بر فنالق یاپدینی وقت بونک جزاسنى چکملیدر . بو ملاحظه اوزرینه طوتدینی یوله دوامه قویولدی . سفاهت طبق یمک ایچمک کبی بر شی اولمشدی . آرتق نه زمان قوپو أوه سرخوش کاسه ژروەز او کیجه یی لانتیه نك قویزنده کچیریردی . قوپو اکثریا بازار ایرتسی ، صالی و چهارشنبه آقشاملری أوه سرخوش کلدیکو ایچون هفته نك بو اوچ کیجه سی ژروەزله لانتیه برلکده یاتارلردی . بر مدت صوکره سائر کیجه لر بیله قوپو او یویوب خورلامغه باشلا نجه ژروەز یاتاقدن قالفار ، کچه نك اونه کی قسمی لانتیه نك یاتاغنده کچیریردی . بونی لانتیه یه فضله محبتی اولدینی ایچون دکل ، اونى کندي



قوجه سندن دها تمیز بولدی ، اونك ياتاغنده كندی ياتاغندن فضله راحت  
ایتدیکی ایچون یاییوردی . لانتیهك ياتاغنه کیردیکی زمان صانکه برانیویه کیرمش  
کبی بر راحتلی طویوردی . بیاض چاشیرلر آره سندن او یومقدن حظ آلان  
کدیله بکزیوردی .

اختیار مادام قوپو بو حقیقتی آچیغه اورمغه بر درلو جسارت ایدمه مشدی .  
آنجق بردفغه سنده ژروهمز اونکله فنا حالدده غوغا ایتمش ، اونی برخیلی صارص مشدی .  
او وقتدن بری اختیار قادین ایمالی سوزلرله طاش آتوب طور یوردی . صحت  
آراسنده آبدال ارککاردن ، دها قورناز قادینلردن بحث ایدیور ، بعضاً دها  
ایلی کیده رك کنجلیکندن قالمه بر طوق سوزلیکله آراقده بر آجی آجی سوزلر  
فیرلانیوردی . اوکجه لری ژروهمز بو ایمالره جواب ویرمه مش ، ساده جه اختیارك  
یوزینه ديك ديك باققله اکتفا ایتمشدی ، صوکره بو ایمالری کندی اوزرینه  
آلمقدن اجتناب ایتکله برابر طولایسیله جوابلر ویره رك کندی مدافعه یوانی  
طوتمشدی . ژروهمز بوجوابلرنده برقادینك قوجه سی پیسلك ایچنده یاشایان سرخوش  
ومردار حریف اولورسه او قادینك کیدوب کندیینه تمیز بر کوشه آرامقده  
معذور اولدیغنی سویلردی . بعضاً دها ایلی کیده رك قوپونه قدر کندیسك قوجه سی  
ایسه لانتیه ده او قدر بلکه دها زیاده قوجه سی اولدیغنی سویله مکدن چکینمزدی .  
هنوز اون دوت یاشنده بر قیز ایکن لانتیه یی طانیمش ، اوندن ایکی چوجوق دنیا به  
کیرمیشدی . بوشرائط داخلنده نه یایسه جائزدی ، اوکا کیمسهك طاش آغفه  
حق یوقدی . طرز حرکاتی طبیعتك قانونه موافق اولدیغنی قناعتمده ایدی . هم باق ،  
پك او قدر زورده ده کلهمزدی ها ! بر آردها ایلی کیده جاك اولورلرسه اوده  
هر کس حقنده بیلدکاریغنی سویلردی . محلهك قادینلری تمیز شیلریم در صانکه ؟  
مادام ویغوره صباحدن آقشامه قدر کور توزلری ایچنده آزمی اکلنیور ؟ بقالاک  
قاریسی مادام لوهونغر قاش برادرینك قویونده یاییورمی ؟ هم نه حریف ! ماشا  
ایله طوتوله جق یری یوق ! قارشیکسی ساعتجی ، مردار بر حرکتندن طولای آزالدی  
جنایت محکمه سنده کنده جکدی . بو ساعتجینك بوتون کون قالدیریلرده سورتن  
برباد بر قیزی واردی ، ساعتجی کتدی قیزینه تعرض ایتمشدی . ژروهمز بونلری  
سویله دکن صوکره قولنك کنیش بر اشارتیه بوتون محله یی کوستره رك بوراده  
اوطورانلرك کیرلی چاشیرلرینی اورتیه آتمق لازم کلسه بر ساعت سورجکنی ،  
سوقاقده کی حیوانلر کبی آنا ، بابا ، قیز ، قاردهش هپ بر آرده تسکین احتراض  
ایدن بو انسانلره عاقد نلر ، نلر بیلدیکنی علاوه ایدیوردی . ایله مردارلقلره  
واقفدی که اکر هپسینی آچه جق اولسه بو جوارده تمیز بر تك اویله قالمازدی .



قادرین ارکک ، ییغین کبی اوستاوسته یاشایان بو سفیل محله ده حیات اوله مردار ایدی که هپسینی بر هاوانه قویوب دوکسهرلر قوص قوجه مان بر باقیهیه کافی کلجک قدر کوبره چیقهبیلیردی . ژروهر ، بعضاً تحملی طاشهرق حایقیریوردی :

— انسان هوایه توکورورسه کندی صورتی کیرله تمکدن باشقه بر شی یامش اولاز . هر کس کندی گوشه سنده کندی ایشله مشغول اولسون ، باشقه لرینه قاریشماسون . کندیسندن بحث اولوندیغنی ایسته مه ینار باشقه لرینک حرکاته قاریشمازلر . بکا کلنجه ، بن شو فکرده ایم که دیز قاپاقلرینه قدر بیساکه باملمش اولانلر باشقه لرینه ده کندیلری کبی سورو کلهمک شرطیله هر کس طوتدینی یوله دوام ایده بیلیر .

کونک برنده اختیار مادام قوپو کنایه لی سوزلرینی بر پارچه دها آچیغه اورنجه ژروهر غیظ ونفرتله دیشلرینی صیقه رق اختیارک یوزینه باغیردی .

— سز آرتق چوق اولیورسکز . بنم سزه قارشى کوستردیکم انسانیتیه بویله می مقابله ایده جکدیکز ؟ باقکز بن بر دفعه اولسون سزک قباحتکری یوز کزه اوردمی ؟ حالبوکه سزک ده وقتیه نهلر یاپدیغکزی ، قوجه کزک صاغلغنده ایکی اوچ ارککک متره سی اولدیغکزی پکاعلا بیلورم . او کسورمه ییک او کسورمه بییک ، فضله سوبله به پک دکلم . مقصدم عیبکزی یوز کزه اورمق دکلدیر . بنی راحت براقکزی باشقه برشی ایسته مم .

اختیار قادین او کسوروکدن آز قالدی بوغولیوردی . ایرتسی کون غوژه ، آنه سنک چاشیرلرینی آلق اوزره دکانه کلدیکی زمان ژروهر یوقدی . اختیار مادام قوپو بوتدن استفاده ایده رک اونى اوطه سینه چاغیردی و یاتاغنک کارینه اوطورتهرق اوزون مدت یاننده آلیقویدی . غوژه نک ژروهره قارشى حسیاتی بیلور ، اونک بر مدتدنبری حالنده بر مفومیت بر کدر اولدیغنی کوریوردی . فی الحقیقه غوژه اورته لقه بعض چیرکین شیلر اولوب پتدیکنی حس ایده رک شهنمکه باشلامشدی . مادام قوپو هم کوزه لک ایتش ، همده دونکی غوغانک انتقامنی چیقارمش اولاق ایچین آغلایه رق اوکا حقیقتی بوتون عمریانلیله آکلادی ، صانکه ژروهرک فنا یوله صامش اولسی کندیسینی متأثرایدیورمش کبی کورونه رک لا . طیرردی . بر آرزو کره ژروهر اوه دوتجه مادام غوژه نک کندیسینی آرادیفنی ، چاشیرلرینی اوتوله مه مش ده اولسه همان کتیرمسنی تنیه ایتدیکنی سوبله دی . آنجق بونی سویلرکن اوقدر هیجان ایچنده کورونیوردی که ژروهر اورته لقه بر دیدی قودی طولاشدیغنی سزدی ، مادام غوژه نک اوندی ناصل بر وقعه ایله قارشیلانه جفنی حس ایده رک قلبنده بر عذاب طویغه باشلادی .



رنکی صاب صاری اولمشدی . وجودینک بوتون اعضاسی قیریلیور کبی ایدی . چاشیرلری بر سپته قویهرق چیقدی کیتدی . سنه لر واردی که بورجنه محسوباً مادام غوژیه اون پاره بیله ویرمه مشدی . بورج یکونی درت یوزیکری بش فرانغه بالغ اولمشدی . هر دفعه سنده صقیندیسندن بحث ایدهرک چاشیر پاره سنی ده اوسته آلیور ، بورجه علاوه ایدی یوردی . بونکله چوق عیب برشی یاپدیغنه قانع ایدی . غوژهنک کندیسنه قارشی بسله دیکی دوستلقدن استفاده ایدهرک اونی طولاندیریوردی . قوییه کلنجه ، اوده اسکی صقیلغانلغنی براقشدی . آرتق ژروه زه قارشی اسکی معامله سی یوقدی . شیمدی اوده راست کلدیکی یرده آچیقندن ال شاقه سی یاپیور ، برکوشه یه صقیشدیردینی زمانلر اوته سنی بریسنی چیمدی کلیوردی . آنجق ژروه ز ، لانتیه ایله آره لرنده کی مناسبتهرغماً بونلری هضم ایده میور ، بوبورج آلتنده قالمغه ناصل قاتلانیدیغنی ایکیده بر قوجه سنندن صوریوردی . اونک اوکنده غوژهنک علیهنه بر سوز سویله نه مزدی . غوژیه قارشی بسله دیکی محبت اونک ایچون بر شرف و حیثیت مسئله سیدی ، بوکا کیمسه نک ال سوردیکی ایسته مزدی . هر نه زمان چاشیرلرینی کوتورمک اوزره اونلرک اوینه کیده جک اولسه دها ایلك باصه ماقلرده صقیشدیغنی حس ایدردی .

قاپوی آچینجه مادام غوژه :

— وای سزمیسکیز ، دیدی ، غالباً اولسه م خبر کز اولمایه جق ، بن آراتماسه م بردفعه کندیلک کزدن کلوب حال خاطر صورمیه جقسکیز .

ژروه ز او قدر محجوب اولمشدی که معذرت مقامنده سویله یه جک بر کله بیله بولامایهرق ایچری کیردی . فی الحقیقه خیلی زماندر وقتنده کلدیکی یوقدی ، بعضاً بر هفته اوغرامادینی اولوردی . ایشلرینه کیت کیده بویوک بر پریشانلق عارض اولمغه باشلامشدی .

— بر هفته در کله جک کز دییه بکلیوردم . هم کلیورسکیز هم ده چراغ کزی کوندره رک یالان سویلیورسکیز . شیمدی چاشیرلرمک آرقه سنندن کندم قوشدیرمغه مجبور اوایورم . عجباً شیمدی می کله جک ، آقشامه می کله جک ، یوقسه بر قضایه می اوغرامادی دییه بکلایوب طور ییورم . نه کان وار نه کیدن ، ایشک یوق ایسه بکل طور ! عقلک فکرک آت اوست اولاش ، کیمک امورنده ؟ طوغروسی ، یاپدیغکیز هیچ ده ایی برشی دکل ... باقه م سپته ندلر وار ؟ بر هفته دن بری کلک بیلمه یین یاتاق چارشفلرینی انشالله کتیرمشکیز در ، اوندن سوکره کین چاشیردن قالان ایچ کوملکم نه اولدی .

— اوت کتیردم ، ایشته کوملک کز ...

مادام غوژه ژروه زک اوزاندینی کوملکی کورور کورمن حایقیردی : خایر بو ،



کندیسنىڭ كوماكى دىكلىدى . باشقىسىنىڭ مالى نەدىيە آلەققىدى ؟ شىمدى اوستە  
اوستلك كوماكىنى دە دە كىشىدىرىيورلردى . ذاتاً كچن دفعە كتىردىكى مندىلاردىن ايكي  
دانەسى كندىسنىڭ دىكلىدى . نرەدن كلىدىكى ، كىمە عائد اولدىغنى بىلمەدىكى يابانچى  
چاشىرلرە ال سورمك هيچ خوشنە كىتمەزدى . هم افندم ، خلك اشياىسى نە ياپسون ،  
او كندى چاشىرلرنى ايستەردى .

— هانى چارشىلار ؟ اونلرى دە ضايىع ايتدىكىز دىكلى ؟ اويلە ايسە يا وروم ،  
بر چارەسنى بول ، چارشىلارنى كتىر ، يارىن صباچ چارشىلارنى بىمە حال ايستەرم آكلادىكى ؟  
بر مدت ، قارشىلقلى ، صوصدىلر . ژروەزك ذهننى اك چوق آلت اوست ايدن  
شى ، آرقە دە غوژەنك قاپوسى پارى آچىق طورمىسى ايدى . او كا اويلە كلىوردى كە  
شودقيقە دە غوژە اوطەنك ايچندە ايدى . آنەسنىڭ جوابسىز قالان بو حقلى تىكدىرلرنى  
يا ايشىدىيورسە ؟ اوف ، ايشە بو كا اكز يادە جانى صىقىلىيوردى . ژروەز باشنى او كىنە  
آكش ، چاشىرلرى عجلە عجلە ياتاغك اوستنە يرلىشىدىيوردى . مادام غوژەنك  
سىتملىرىنە هيچ مقابلە ايتيور ، غايت اويصال ، صوك درجە ملايم طاورانىيوردى .  
كتىردىكى چاشىرلرى برر برر معاينە ايتد كىن صو كره مادام غوژە بوسىبوتون  
قىزدى . اونك ياتاق اوستنە قويدىنى پارچەلرى برر برر تدقيق ايدەرك يره فىرلاتيور :  
— آرتق اسكىسى قدر تىز يىقايەمىيورسكىز . اسكىدىن تىرىكە لايقدىكىز فقط  
شىمدى الكىز دە اواسكى مەارت قالمادى . چاشىرلرى برباد ايدوب براقىيورسكىز .  
شو كوماكك او كىنە باقىكز ، عادتا يانمش ، اوتونك دمىرى يرىر كورونىيور . اوندىن  
صو كره دو كەلرى دە قوپارمىشسكىز . برتك دو كە قالماش ... ەلە بو كوماكك  
پارەسنى ويرمىم امكانى يوق ، چونكە ناصل تسليم آلدىكز سە اويلە جە كىرلى كتىرمىشسكىز ...  
اوتولەم كىن واز كچدك ، بارى چاشىرلر كىرلى قالماسون .

چاشىرلرى صاياركن بر آرماق طوردى :  
— هانى يا ، ەپسنى كتىرە جكدىكىز ؟ بورادە ايكي چفت چوراب ، آلتى حاولو ،  
بر سفرە اورتوسى ، اوندىن صو كره توز بىلرى يوق . ەلە آلاىنى ايدىيورسكىز  
الە عشقنە ؟ نەوار نە يوق ەپسنى ، اوتولەم دەن كتىرسون دىيە خبر براقالمىش مىدم ؟  
اكر بر ساعت قدر چراغكز ەلە ەپسنى كوندرمىسە كز سزكلە بوزوشورز . مادام  
قاپو ، باق خبر كىز اولسون .

بو آرماق غوژە اوطە دە او كسوردى . ژروەز بونى ايشىدىنچە وسىودىن خفيف  
بر رعشە كچدى . آمان ياربى ، اونك او كىندە بويلە بر معاملە يە معروض قالمق ، بوندىنا  
شىمدى ! اوطەنك اورتەسندە ، ذهنى پریشان ، قلى صقىندى ايچندە ، كىرلى چاشىرلرى  
آلوب كىتمك ايچون بىليوردى . مادام غوژە چاشىر پارەسنى حسابلايدىن صو كره



خجړه سڼك كوشه سڼه چكېلې و دانتله دن بر بون آتقېسڼك يامالړنې تعمېره قوېولې .  
او وقت ژروه ز متردد برسېسېله صوردي .

— كېرلېلرې وېر مه يه جگېسكز ؟

— خاير تشكر ايدرم ، پوهننه وېرېله جك كېرلې چاشېر يوق .

ژروه ز صاراردي . دېك نومشترې بې ده غاې ايديوردي . او دقيقه ده علي باشېدن  
كېتې . آياقېلرېنك آلتېدن دوشمه قاير كې ايدي ، طورمزه طاقې بوقدي ، خان  
براسكېله نك اوستنه چو كويوردي .

مادام غوژنه ك سوزلرېنه قارشې كندېنې مدافعه ايتك ايسته يوردي . فقط  
سويېله جك برشې بوله مادي ، نهايت بلا اختيار آغزېدن شو سوزلر دو كولې :

— موسيو غوژه راحتسېزې ؟

مادام غوژه ايضاحات وېردې : اوت ، اوغلي راحتسېزدي . بوكون ايشه  
كېده مه مشدي . اېچريده ياتاغنه اوزانمش ، يانيوردي . مادام غوژه ، آرقه سنده  
هر وقتكې كې سياه بر اثواب ، بياض سېماسنك اطرافنده صاحبلرې طبقې بر راهېه  
كې طاورانمش ، آغېر و جدې بر طور ايله قونوشيوردي . فابريقه يوميېلرې  
ېنه اينديرمشدي . شېمدي طقوز فراق يرينه كونده يدې فراق وېرييورلردي .  
چونكه ما كندهلر آرتق عمله يه احتياج براقيوردي . بوسېيله اونلرده اوك  
مصرفېدن اينديرمكه مجبور قالملردي ، چاشېرې بوندن صوكره اوده بېقامې  
دوشونيوردي . واقعا اوغلنك ژروه زه اقراض ايتديكي پاره شېمدي آللرېنه كچه  
پك چوق ايشلرېنه يارايه جقدې . مع مافيه بونك اېچون محكمه يه مراجعت ايده جك  
دكلدي . چونكه پاره يې اوده يه جك حالده اولما دقېلرې بېليوردي . ژروه ز ، باشې  
او كنه اكمش . مادام غوژنه ك آنده كې ايكنه ايله آتقېنك يامالړنې تعمېر ايدين  
پارماقېلرېنك حركاتې تعقيب ايدييوردي :

— مع مافيه بر پارچه كندېكزي صېقه كز پك اعلا بورجكزي وېرېيلېر .  
ديكز . امېنم كه چوق مصرف ايدييورسكز ... آيده اون فراقې ورسېدېكز  
شېمدي يه قدر ...

سوزېنې اكله وقت قالادي . اېچريدن غوژنه ك سې ايشيدلې :

— آننه ، آننه !

مادام غوژه اوغلنك او طه سڼه كېتمسېله كلېسې براولې . عودتنده يرينه  
اوطورنجه بختي دكشديوردي . آكلاشيلان غوژه ژروه زده پاره ايسته مه مشني  
رجا ايتشدي . فقط مادام غوژه بش دقيقه صبر ايده بېلدي ، اوندن صوكره تكرار  
بورج مسئله سني آچدي . ذاتاً او بوكونكي حالي ده چوق اولدن كسديرمشدي ،



قوپۇ دكانى يىوب بتيه جك ، صو كنده قارىسنى ده سفا لته سوروكليه جكدى .  
 اوغلنى اونك سوزىنى ديكه يوب ده وقتيله بو بش يوز فرانى وىرمه مليدى . بو كون  
 اوله نكه قالقيشسه بوتون عمرنده راحت يوزى كورمه يه جكدى . قادين سويله دكجه  
 حرارتله نيور ، اوغلنك صافلغندن استفاده ايدهر ك اونى قانديرديغندن طولاي  
 عادتتا ژروهمزى اتهام ايدىوردى . اوت بعض قادينلر بويله در : سنه لرجه  
 انسانك يوزينه كولر ، ريا كارانه سوزلر سويلرلر ، نهايت كونك برنده نه مال  
 اولدقلىنى ميدانه اورورلر .

ايچرىدن غوژه ، دها سرت بر سسله ، تكرار سسله ندى :  
 — آنه ، آنه !

اختيار قادين قالقه رق اوغلنك يانه كيتدى . اوطه يه دونديكى زمان تكرار  
 كوشه پنجره سنه اوطوره رق ژروهمزه :  
 — سزى ايسته يور .

ديدى . ژروهمز بوتون وجودى رعشه لر ايچنده ايدى . غوژه نك اوطه سنه  
 كيتدى ، فقط اوطه قاپوسنى آچيق براقدى . تپه دن طيرناغه قدر متهيج ايدى .  
 بو حر كترلرله يكدى كرينه قارشى بسله دكلرى محبتى مادام غوژه نك او كنده اعتراف  
 ايتمش كې اوليورلردى . اوطه ينه اسكيسى كې ايدى : ينه هر طرف سكون  
 ايچنده ، ديوارلر رسملرله طولو ، كوشه ده افاجق بر دمير قاريوله ، صانكه اون  
 بش ياشنده بر چوجغك اوطه سى ايدى . مادام قوپودن ايشتديكى شيلرله بوتون  
 وجودى قيريق دو كوك بر حاله كيرمش اولان غوژه او قوجه مان جته سييله ياتاغه  
 اوزانمش ، كوزلرى قىپ قيرمىزى اولمش ، سويلى صقالى كوز ياشلريله حالا ايصلاقدى .  
 مادام قوپونك سويله ديكى سوزلردن طويديغى غيظ وحدتله مطلقا ياناغه كيرنجه  
 ياصداينى يوصو قلامش اوله جق كه ياصدق اورتوسى ييرتلىشدى ، تويلرى كورونيوردى .  
 ژروهمز ايچرى كيرنجه غوژه آلاق بر سسله :

— آنه مك سوزلرينه باقاييكز ، ديدى ، او حق سزاق ايدىيور . سز بكا  
 بش پاره بورجلى دكاسكز . هم بن بوندن بحث اولونديغنى ايسته ميورم .  
 اياغه قالتمش ، ژروهمزك يوزينه باقيوردى . در عقب كوزلرنده ايرى طاملر  
 بيدا اولدى :

— اضطرابكزى وار موسيو غوژه ؟ رجا ايدرم سويله ييكز نه كزوار ؟  
 — تشكر ايدرم ، بر شيم يوق دون بر پارچه فضله يوزولدم ده اوندن ...

ايورسهم كچر .  
 فقط قلبنده كى اضطرابه غلبه چاله مامشدى ، بلا اختيار دوداقلردن شو



ریاد چیقیدی :

— اللهم اللهم ! بو بویله اولمايه جقیدی ، خایر بویله اولماملیدی ! بکایین  
یتیمشدیکز ، بنی تأمین ایتیمشدیکز ، حالوکه باقمکز شیمیدی نهلر اولمش ! آه چوق  
مضطربم ، چوق ! بو قدر اضطرابه یوره کم طیانه میور . سزی کوردکجه ایچم  
صیرلیور ، رجا ایدهرم کیدیکز ...

وَأَلِكْ خَفِيفَ بَرَاثَتِيْله اوکا اولمەنك قاپوسنی کوستریوردی . ژروەزیاناغە  
یاقلاشمەغه جسارت ایدەمکسزین ، غوژەنك آرزوسنی وجهله ، چیقیدی کیتدی .  
او دقیقه ده اونک دە اوستنه بر شاشقینلق کاشدی . غوژەنی متسلی ایدەجک برکله  
بیله بوله میوردی . یاندەکی اولمەیه کچنجە سېتتی آلدی . فقط بر درلو آودن  
طیشاری چیقە میوردی . مطلقا برشی سویلەمک ایستە میوردی . مادام غوژە اورکوسیلە  
مشغولدی . باشنی قالدیروب باقمیوردی بیله ... هایت ینە او سویلەدی :

— کیدیورسکز دکلای ؟ پک اعلا ، رجا ایدهرم چاشیرلری کوندرمکی  
اونو تئاییکز . صوکره صایارز .

ژروەز :

— اوت اوپله ، دیدی ، شیمدیلک اللهه ایصمارلادق !

وناموسکار حیاتنك بر پارچه سنی براقه رق آیریلیورمنن ظن ایتدیکی بو تیز  
و منتظم اولمەیه صوکره نظر عطف ایدهرک چیقیدی . آرقەدن قاپونی یاواشجە  
قایادی . آفشارلری یولارینی شاشیرمقسزین آخیرلرینە کیرن اینکار کبی آلیق بر  
حال ایله دکانە دوندی .

دکانە کلنجە اختیارمادام قوپونی صوبانك یانئدە براسکەلەیه اوطورمش بولدی .  
خستە اغندن بری بوکون ایلك دفعه اوله رق یاتاقدن چیقەمشدی . ژروەز قاش اناسه  
هیچ ستم ایتەدی . آغزینی آچغه هیچ طاقتی یوقدی ، صانکە طیاق یمش کبی بوتون  
وجودی یورغوندی . دوشونیوردی که حیات حقیقه چوق مشکل مشقتلی ، چوق برشیدر  
وبویله زمانلرده اولوم برنعمتدر . بویله اولمەله برابر اولوم کندیلکندن کله یه جک  
اولورسه انسان زورله نفسنه قصد ایتکەده مقتدر دکلدر .

آرتق ژروەز هرشیئی استغفاف ایدراولمقیدی . هیچ کیمسه یه اهمیت ویرمیور ،  
عادتا دنیایی باشدن صاوویوردی . جاتی صیقه جق برشی اولونجه بونك تسلیسنی  
یمکلرده بولیور ، کونده اوچ دفعه قارتنی طیقه باصه طویورەرق جان بسلپوردی . اما  
دکان بوکیدیشله ، چوکه جکمش ، وظیفه سی بیله دکلدی . الویریرکه کندیسنی بوچوگونتی  
آلتندە قالماسین . . . وفی الحقیقه دکان ، هرکون برپارچه دهافضله چوکیوردی . . . شتریلر  
برر برر چکیلیورلر ، چاشیرلرینی باشقه دکانە کوندریپورلردی . موسیو مادینیه ،



مادمازل رومانزو، حتی قاپوچی بوش ایله قاریسی بیله ژروهمزی ترک ایشلر، چاشیرلرینی ایشته دها صاعلام اولان مادام فوقونیه یه ییقاتیورلردی. هفته لرجه برچفت چوراب آرقه سندن قوشمقدن، یاغ لکه لری چیقارلمدن کندی لرینه تسلیم اولونان کوملکاری تکرار کتیروب شکایت ایتکدن اوصاعشاردی. ژروهمز بوقصورلر قارشیسندمه محجوب اوله جق یرده بالعکس اونلره جیه قیشیور، اونلرک کیرلی چاشیرلرندن قورتولدیغه دها چوق ممنون اولدیغنی یوزلرینه قارشى سويله بهرک شکایتیلری دفع ایدیوردی. بوتون محله لی بویله برر برر دفع اولوب کیتسه ینه وظیفه سی دکادی، بالعکس دها ممنون اوله جقدی، هیچ اولمازسه اونلرک پیسلکاریله اوغراشمقدن قورتوله جقدی.

کندیسنی ترک ایتمه یین مشتریلر یالکیز باتاخیلر، بورجلرینی ویرمه یلر، یا خود سردار چاشیرلرینی هیچ بردکانک قبول ایتمه دیکی مادام غودرور کبی قادیلردی. آرتق دکانک آیاقده طوره جق حالی قالماش، یکانه ایشجی اولان مادام پوتوایدده پول ویرلشدی. شیمدی دکانده برکندیسی، برده چراق اوغوستین واردی. بوشاشی قیزده بو بودکجه عقللانه جفنه بالعکس سرسمله شیوردی. بویله اولقله برابر ینه ایکیسینی مشغول ایده جک قدر ایش یوقدی. بعضاً کونلرجه ایشسز کوجسز، براسکمله اوستنده اوطوره رق فرصت کچیریرلردی. خلاصه فلاکتک ایچنه آدم عقللی طالمشردی. عاقبتک خجاعتی حس اولونیوردی.

سفالت وتنبلاکله برابر اؤک ایچنه کیرلیلاک ده کیریوردی. برزمالر ژروهمزک فواتوقلرینی قابارنان ابرکوک ماویسی رنگینده کی کوزل و غیر دکان شیمدی طانماز برحاله کلشدی. بردفعه اولسون ییقه مادینی خاطرلرندن بیله کچیرمه دکاری قاپووجامکانلر آرابه لرک صاووردقلری زیفوسلرله باشدن آشاغی قدر ملوت ایدی. خسته خانه ده اولن اوچ مشتریدن قلله اوچ دانه کول رنگینده اثواب جامکانده چاشیرلر آصفه مخصوص پرنج چبوقلر اوزرنده طورییور، دوشمه نك اوستنده سورونیوردی. دکانک ایچی بوسبوتون برباد برحاله ایدی: قورومق ایچون طاوانه آسیلان چاشیرلرک نشر ایتدیکی رطوبتدن دیوار کاغدلری قویمش، توز طوپراق ایچنده، طبق ایری اورومجکار کبی صارقیورلردی. ماشا ایله اوروله اوروله ایچی ده لینن صوبا قیریلش، اسکيجی دکانلرنده خرده اشیا کبی برطرفده طورییوردی. بربولوک عسکرک یمک ماصه سنی آکدیران تزکاه لکه ایچنده ایدی. هرطرفده قهوه، شراب لکه لری، رچل ویاغ بقیه لری کورونیوردی. عینی زمانده کسکین برقولا قوقوسی، کوفلی وکیرلی بررایحه واردی. مع مافیه ژروهمز بوندن هیچ مشککی دکلدی، بالعکس پک ممنون کورونیوردی. او، بوکیرلیلاکک فرقنده اولیوردی. دیوار کاغدلرینک برتیق منظره سنه، قاپولری اورتن زیفوس پارچه لرینه آلیشمشدی. انسان اسکی



پوسكى البسه كيمەككە ، ياخۇد قولاقلىرىنىڭ پىسىلىكىنى تىزىلەمەككە ئاممىل ئالماشتۇرۇپ  
 ژرورەز دكانى قاپلايان تۈزە توپراغە اويلەجە آليشيور ، بوملوت حيانە بلا اختيار  
 تسليم نفس ايدييوردى . دها غىرىبى شودر كە ژرورەز بوپريشانلقدن ، دكانك ايچنى  
 بويلە قارمە قارشىق كورمكدن ، قالين براورتو هرشيئك اوستنى قاپلايان بويىغين  
 يىغين تۈزلردن ، ايشىسزلك آلتندە تجارخانه سنىك آغير آغير چوكدىكىنى كورمكدن  
 بر حظ طوييور ، عادتا دكانك فلاكتى اونى سرخوش ايدييوردى . اوهر شيدن  
 اول كندى راحتى دوشونيوردى . اوست طرفى اومورندە دكلدى . كوندن كونه  
 چوغلان بورجلرە بيلە آليرمىيوردى . اونى بورجنە صادق ، مستقيم طانيرلردى ،  
 بو شهرتى دە بوزولق اوزرە ايدى . آرتق بورجنى دوشونمكدن بيلە واز كچمشدى .  
 آليش ويريش ايدن دكانلرك برى اونىكە ويرەسى يە معاملەنى كىنجە درحال يانندەكى  
 دكانە مراجعت ايدر ، بونىكە معاملە يە كيريشيردى . مراون آديمدە بر آله جفلى ايله  
 قارشىلاشدينى ايچون سوقاقدن عادتا يىلديرم كى قوشەرق كچردى . هله غون دور  
 جادە سندنە كومورجىنىك ، بقالك وىمشجىنىك دكانلرى او كندن هيچ كچە من اولمشدى .  
 بوسبيلە چاشىرخانە يە كىتمك ايچون يوفرسسۇنيە جادە سندن طولاشمغە مجبور  
 اوليوردى . آله جفلىلر ا كثرىا پارەلرنى ايستەمك ايچون دكانە قدر كليرلر ، او كا  
 درلو درلو فنا شيلر سويلرلردى . حتى براقشام ، لانتىه نك اوطەسى ايچون آلدقلىرى  
 موبىلەنى ساتان آدم ايشى دها ايلرى يە كتورمش ، آله جفنى ايستەمك ايچون بوتون  
 قومشولرى آياقلانديرمشدى . يا پارە مى وير ، ياخۇد زورلە آليرم دييوردى . واقعا  
 ايشى بۇدرجە يە واردىنى زمانلر ژرورەزك يورە كىنە برقورقو دوشر ، فقط كورولتونك  
 حرارتى كىنجە طبق طباق عيش بر كوپك كى سىلىكىنەرك اسكى حالى بولور ،  
 ينە اسكى غفلت ولاقيدى ايچنە طالاردى . كندىسى كلوب بويلە راحتسىز ايتدكارندن  
 طولايى آله جفلىلرنى تربىە سزلككە اتھام ايتديكى دە اولوردى . ايشتە كورييورلر كە  
 پارەسى يوقدى ، يوقدن نە آلىنە بيلير ؟ سكه ضرب ايدە جك دكلدى يا !... هم بو  
 آله جفلىلر مالارنى اوقدر بهالى ساتمشاردر كە پارەلرنى دها بر مدت بىكلمككە هيچ برشى  
 ضرر ايتزلردى . بوملاحظە لرلە تسلى بولەرق كوشە سنىە چكىلير ، كونك برندە بو كيدىشاھ  
 باشنە كلە جك قضايى دوشونمكە بيلە لزوم كورمىزدى . واقعا بو كيدىش بر افلاس  
 كيدىشى ايدى ، اونى كندىسى دە بيليوردى . آنجق اووقتە قدر كونى كون اتمكە  
 چاليشيوردى .

قائن آناسى تاممىلە ايلشمىشلىدى . دكان دها بر سنىە قدر بوجالادى طوردى ،  
 چونىكە ياز مۇسەندە ايشى بر آرز فضلە اوليور ، بياض فيستائىلر و باقمە اثوابلر  
 سوقاقلرك تۈزى توپراغى ايچندە طولاشمكدن دها صيق صيق كېرلەنيوردى . آنجق



موسم حسيله ايشلارده واقع اولان بو تزايد تجارخانهك چوكمىنى بر بارچه دها  
آغيرلاشديرمقدن باشقه برشيئه ياراميوردي. حقيقتده هپ باش آشاغى كيديرلر،  
هفته دن هفته ده هاجوق چو كيورلردى. بعض كيجه لر بوش بوفه قارشيدنده معدله رينى  
اوغوشديريرلر، بعضاً سفره دن يارى آچ قالقارلردى.

شيمدى اختيار مادام قوپو، اوكلكنك آلتنده پاك پاك اشيا ايله امنيت  
صندوغندن پولويصو جاده سنه كيدن يول اوستنده صباحدن آقشام قدر قالديريلرده  
طولاشوب طور ييوردي. آرقه سنى قانبورلاشديرهرق يورويوشنده اويله بر حال  
واردى كه كورنلر عبادت ايچون كليسا يه كيدن ديندار بر قادين فرض ايدرلردى.  
بووظينه دن هيچ تيكسنيور، بالعكس بويله پاره دالاويره لرندن خوشلانيوردي.  
پولونصو سواقاغنده كي اصناف آرتق اوني اوكره نملردي. اونك آدينى «دورت فرائق»  
قويمشلردى. چونكه صاتمق ايچون كتيرديكى اشيا يه اصناف اوچ فرائق تكليف  
ايدنجه اومطلقا دورت فرائق ايسته ردي. ژروهمز، قابل اولسه، اوك بوتون اشيا سنى  
صاتيغه چيقاره جقدى. صاچلرينى رهنه قويغله پاره بوله جفنه امين اولسه بلاتردد  
قفاسنى تاديبدن تراش ايتديريردي. اوده ييه جك اكك اولماقدن صوكره بوندن  
باشقه ياپيله جق نه واردى كه... خلاصه ژروهمزك نه سى وار نه سى يوقسه، چاشير،  
اثواب، دكان آلات وادواتى، موبيله، خلاصه اوك بوتون موجودى برر برر  
صاتيغه چيقاريليوردي. بدايته بعض هفته لر دكان اولدجه ابى حاصلات كتيريور،  
اووقت ترهين معامله سنى ايرتسى هفته يه براقيوردي فقط صوكره لرى بوكا اهميت  
ويرمن اولدى، ايش آرقه سندن قوشمغه باشلايى، اشيا صاتمغه قوبولدى. بوندن  
قليا هيچ اذا طويميوردي. يالكلز بردفعه سنده يوره كنك ازيلديكى حس ايتمشدى،  
اوده قونصول اوستنده كي ساعتى رهنه كوندرديكى زماندى. او آره اق يكرى فرائقاق  
بربورجندن طولايى عدليه دن بر مباشر كلشدى، ساعتى جز ايدم جكدى. اوته كي  
اشيا يى صاتيغه وزهنه كوندرجه بوساعته طوقونمايه جفنى، آجلقدن اولسه بيله بونى  
ألدن چيتارمايه جفنى سويله ردي. مادام قوپو نهايت بوساعتي ده رهنه قويمق ايچون  
اوافق بر صندوق ايچنده آلب كوتوروركن ژروهمز تاثيرندن بر اسكمله يه  
ييفيلويوردي، قوالرى يانه صارقدى، كوزلرى ياشاردى، صانكه ألندن بوتون  
ثروتنى آليورلرمش كې برشى طويدى. فقط مادام قوپو ساعتى رهنه قويوب مقابلنده  
يكرى بش فرائق كتيرنجه بورجندن فضله، ألنه قالان بوبش فرائق قلبك بوتون  
كدرينى ازاله ايتدى. هان قاش آناسنى ميخانه يه كوندره رك دورت سولق ايچكى آلدى،  
بوصورتله اون بش فرائق قازانجى تسعيد ايتدى، اساساً قاشن والده صيله آره لرى  
انى كتديكى زمانلر نكاهك بر گوشه سنه چكله رك ايچكى ايچرلردى، مادام قوپو



میخانه دن طولدیر تدینی قدسی برطامله بیله دوکسکسزین اوکالکنک جبینده کتیرمک  
 خصوصنده پک مهارت صاحبی ایدی . ایچکی بی کیزلی کتیرمکدن مقصد قومشولر  
 کورمه سون دییه ایدی . او یله یا ، هرکسه اعلان ایتکه نه لزوم واردی ؟ مع مافیله  
 قومشولرک هپسی بونی بیلورلردی . یشجی قادین ، اشکنبه جی قادین ، بقال چراقلری  
 هر دفعه سنده مادام قوپوی کورونجه « اختیار قاری ینه امنیب سندوغنه کیدیور »  
 یاخود « قوجه قاری ینه جبینده طولو قدحله کایور » دییورلر و بونلر شله خاتنک  
 ژرومه زه قارشى غیظنی آرتدیرمغه سبب اوایورلردی . نه ده طویق بیلمز قادیغش ،  
 بوکیدی شله بوتون دکانی سیوب بتیره جک دییورلردی . ذاتاً شولک شوراسنده ایکی  
 اوچ لقمه لاق ایش قالمشدی ، اوندن سوکره دکانک یرنده یللر آسه جکدی .

دکان برطرفدن بویله ییقلوب طورورکن اوتوده قوپو کوندن کونه ایلیشیور ،  
 وجودینه زنده لک کلیوردی . ایچکی اونی عادتاً سدیورتیوردی . متصل یور ، متصل  
 ایچیوردی . لوریو ایچکی انسانی اولدوریر دیدکجه اوقارنک شیشمانلغنی ، دریسنک  
 یاغلی طراوتنی ، برطامبوره کبی کرکین طوران وجودینی کوستره رک آلائی ایدیوردی .  
 ممکن دکل شیشمانلایه مادیغنی ایچون حدتدن نه یاپه جغنی بیلمه یین لوریو قوپونک شیشمانلغنی  
 ساخته اولدیغنی سویلیوردی . فقط قوپو بوسوزه هیچ اهمیت ویرمیوردی ، وارسون  
 ساخته اولسون ، اوشیشمانلیوردی یا ... بناء علیه شفا نیتنه ایچوب طورییوردی .  
 آره لرینه قیر دوشمه ش اولان صاحپلری پاریل پاریل پارلییوردی . مایعونه بکزه یین  
 چکه سیله سرخوش سیاسی فضله ایچکی قوالانقدن ماویتمراق بررنک آلمشدی . شطارتنه  
 هیچ خلل کلمه مشدی . پاره یوزندن صیقینتی به دوشونجه قاریسنه قوشار ، لطیفه ایدهرک  
 اوکا مقصدینی آکلایردی . اما قاریسی ایکی اوجنی بریره کتیره میورمش ، بوندن  
 اوکا نه ؟ ارککار بویله شیلرله اوغراشمق ایچون یار اولمادیلریا ! .... آقشامه اوده  
 اکمک وارمش یاخود یوقش ، بواونک دوشونه جکی شی دکلدی . او صباح آقشام  
 قارتی طویورسونده اکمک نره دن کلیرسه کاسون ، بونی خاطرندن بیله کچیرمزدی .  
 بعضاً هفته لرجه ایشه کیتمدیکی اولوردی . اووقت قاریسندن پاره قوبارمق ایچوندها  
 چوق اصرار ایدردی . لوریو به قارشى بسله دیکی دوستلق طبق اسکی حالنده دوام  
 ایدیوردی . بللی که قاریسنک خیانتندن خبردار دکلدی . قاپوجی ایله قاریسی ، سوکره  
 پوواسسون یمن ایدیورلردی که قوپو ، ژرومه زک یاپدقلرینی بیلمیور ، طوبه جق اولسه  
 ایش بر باددر ، مطلقاً بر فلاکت اولور دییورلردی . فقط قوپونک قیزقارده شی مادام  
 لورات بوقناعتده دکلدر . او ، باشنی صالایه رق آکلایوردی که برچوق قوجه لر  
 بویله پیسلکاری بیلکاری حالده هیچ ده سس چیقارمازلر ، عادتاً بوندن خوشلانیرلر .  
 برکیجه ژرومه ز ، لانتیه نک اوطه سنده قارا کلنده آرقه سنه برشیئک طوقوندیغنی حس



ایده‌رك بوتون وجودی بوز کسیدلی. نهایت ایشی آکلادی: یورورکن قاربولەنک تحتە سەنە چارمیشدی. اوزمان کندیسی دە تسلیم ایتدی که وضعیت چوق تەسکەلیدر، قوپو ایشک فرقه واره‌جق اولورسه بوکا تحمل ایده‌مزدی.

لانتیه‌یه کانجه، اوده کوندن کونه ده‌ا ایلشیوردی. وجودینه چوق اعتنا ایدیور، بانطولون قوشاغیله ایکیده بر قارتی اولچيور، شاید ضعیفله یوب‌ده بلك طوقه‌سنى صیقله‌مغه تجبور اولورم دیه ایچی تتره‌یوردی. شیمدیکی حالده پاك ممنوندی، بونون فضله نه‌ضعیفله‌مک، نده‌ شیشماناق ایسته‌یوردی. وجودینک تناسلی بو کونکی حالده بویوردی. بوسبيله يك خصوصنده مشکاپسندلاک ایتکه باشلامشدی. بیه‌جکی یمکار جشەسنگ شکلی ده‌ کیشدیره‌جک ماهیتده شیلر اولامه‌سنه پاك دقت ایدیوردی. بناء علیه ژروەزک کیمه‌سنده بش پارا اولمادیفی زمانلر بيله اوکا یورطه، کلباستی، عین‌زمانده خفیف و ممدی یمکار بولی ایدی. ژروەزله مناسبت تأسیس ایده‌لی بری اولک یاریسی اوزرنده کندیسی بر نوع حق صاحبی فرض ایدیوردی. آرە سیره میدانده بولدینی پاره‌لری تکلیف‌سزجه جینه‌آتیور، ژروەزی ایسته‌دیکی کپ قوللانیور، ایجابنده اوکا چیقیشیور، خلاصه قوپونک اوندە سانکه کندی‌أوی ایشن کپ حرکت ایدیوردی. اولک ایچنده ایکی افندی حکم‌سوریوردی. آنجی طاغدن کلن باغده‌گنی قووار فحواسنجه صوکره‌دن ده‌ا قورناز اولدیغی ایچون راحتک بویوک قسمندن اواستفاده ایدیور، قاصه‌نک، قادینک، سفره‌نک، خلاصه هر شیئک قاماغنی او آلیوردی. هم بونلری هر کسک کوزی اوکنده یاپیور، هیچ صیقلمیوردی. اولک ایچنده اک چوق سودیگی نانا ایدی. چونکه اوصلی وسویلی قیزلردن پک خوشلانیردی. کندی اوغلی آتیە‌نله کیت کیده ده‌ا آز مشغول اولیوردی. اونک نظرله ارکک چو چوق کندیسیله مشغول اولمغه دکر مخلوق دکلدی، ارککار کندی باشلرینی کندیلری قورتارمغه چالیشمیلیدرلر. قوپوی نه‌زمان کلوب دکانده آراسه‌لر مطلقا آیاغنده ترلکله آرقه‌سندە منتانله دکانک آرقه‌سندن اوطه‌دن چیقارکن بولورلردی. کندیسی آرامغه کلنلری اودائما راحتسز ایدلش وجانی صیقلان بر قوجه کپ قارشیلاردی. مع‌مافیە اکثری زمانلر قوپونک یرینه لانتیه چیقار، قوپو ایچون کلنلره کندیسی جواب ویریر، ها او ها بن دیردی.

ژروەزک بویکی ارکک آراسنده کچن کونلری هر زمان شن و مشوش دکلدی. واقعا، الله چوق شکر، وجودجه بر شکایتی یوقدی. اوده کوندن کونه سمیریوردی. فقط ایکی آدمک یوکنی طاشیمق، بونلرک هر ایکیسنگ هم معدلرینه هم ده ذوقلرینه خدمت ایتک چوق مشکلدی، بعضاً بونی طاقتی فوقنده بولوردی. بر قوجه بيله انسانک سیکرلرینی بر باد ایتکه کافی ایکن ژروەز ایکی قوجه‌لی بر قادیندی ایشک فناسی شوکه



بوايى قوجە پاك ابى كچىنيورلردى . ھىچ غوغا ايتيورلر ، آقشاملىرى يىمكىن سوكرە .  
 دىرسكارىنى ماصەيە طيايەرق طائلى طائلى قونوشيورلر ، بىر بىلە شقە لاشيورلردى .  
 صباحدن آقشامە قدر بىر بىرە سورتۇنەرك اكلەنن كەيلەر كې بوتون كۈن  
 يان يانە ، قول قولە كىزيورلردى . اۋە خەتلى دۈندىكارى كۈنلر بوتون خىجلىرىنى  
 ژرۈەزدن چىقار ييورلردى . اويلەيا ، اور عبالىيە ! قادىن طيانىقلىدر ، نە ياپسەلر تەمىل  
 ايدىيورلردى . دىھا تەقى ، اونلر سو كوشد كچە آرەلرندە تەبىت بىرقات فضا لاشيورلردى ،  
 ھم اونلرە قارشى طورمغە كەلدى . ايتىدالرى اونلرە بىر اوتە كەتكەن بوزىنە  
 خايتىرمغە باشلايچە ژرۈەز كۈزىنىك اوجىيە تەكەدرا دىلەنە اشارت ايدەرك فاسما بىلەدە  
 بولۇنمامسى اچچون يالوارىردى . آنجىق بويالوارمەن ھىچ بىر فائىدە حاصل اولمازدى .  
 شىمىدى طرز حركەتنى دە كىشىدىرمىشىدى : اونلر باغىرىشمغە باشلا دىلارى ژرۈەز  
 اصولجە صويشىردى .

قوپۇ آغزىنىك اولچوسى اوليان بىر آدمى ، خەت زىمانلرندە غايت چىركىن كەلەر  
 قوللاندى . حالبو كە لانتىيە ھىچ كىمىسەنك بىلمەيدىكى كەلەرلە خايتىرىردى ، اونلر اچچون  
 لانتىيەنك سوزلرى ژرۈەزە دىھا آغىر كەلدى . شەكر كە انسان ھەشەيە آليشيور .  
 ژرۈەزەدە آليشقانلق سائىقەسىلە آرتق بونلرە سوزلرىنە آلدىرماز اولمشدى . اونلرە  
 فنا لا قىردىلرى ، خەقسىز ، عاملەلرى بىر قولاغىندىن كىرۈپ اوتە كەندىن چىقىيورلردى . خەت  
 بوخالە اودر جە آليشمىشىدى كە اونلرى ساكن واصلو كورمەكەن ايسە خەتلى كورمەكى  
 ترجىيىچ ايدىر اولمشدى . چونكە اوصلو وعقللى زىمانلرندە بوتون بوتون سەككىرىنى  
 بوزىيورلردى . بويلە زىمانلردە پىشىندىن ھىچ ئىرمازلر ، بىر چاشىر اوتولەمكە بىلە راحت  
 بىراقازلردى . اووقت اونلرە ايسە تەدكارى يىمكىلرى حاضر لا يۈپ وىرمەك ، ھە بىرەنك  
 كىيىنە كورە خەمت ايتەك ، بىياض دىيەنلە بىر بىر بىياض ، سىياھ دىيەنلە بىر بىر سىياھ  
 دىمەك ، اونلرى نازلاقمق ، اويۇتمق ، خلاصە بوتون آرزولرىنى يىزىنە كەتەرمەك  
 لازىمەدى . بويلە اوصلو كچىن ھە ھەفتە نەپايتىندە ، اوغراشەقەندىن باشى ، قوللرى ،  
 بوتون وجودى خەردە خاش اولور ، كۈزلرى دىلى كې چىشم خانەلرندىن فەزلار ،  
 اوستىنە عادتا بىر سىر سەمەك كەلدى . بىر قادىنى بونكە قدر بىر اتان شى اولمازدى .  
 اوت قوپۇ ولانتىيە اونى تام مەناسىلە پىراتيورلردى . تەبىر عاميانەسىلە او  
 ايكى اوسى بىردىن يانان مومە بىكەنيورلردى . واقعا قوپۇ اوقۇبۇپ يازمىسى اولمايان  
 بىر ار كەلدى . آنجىق لانتىيەدە لزومەندىن فضا لاشيورلردى ، دىھا طوغروسى  
 اونلرە اوقۇبۇپ او كەندىكارى شىلر طبق كىرلى بىر آدمەك بىياض بىر كۈمەك كىيىمى  
 قىيلىندى ايدى .  
 ژرۈەز بىر كىچە رۇياسەندە كەندىسىنى بىر قوپۇنكە كەنارەدە كوردى . قوپۇ



یوسروغیله اوئی قویویه ایتیور ، حالبوکه لانتیه دها چابوق دوشورمک ایچون غیدیقلایوردی . فی الحقیقه حیاتی طبق بو روئاده کی کیمکده ایدی . بو کیدیشله کونک برسه بوتون متاتی غائب اوله جق اولورسه بوکا شاشمایه جقدی ، چونکه قام یولنی طوتدیرمشدی . محله یه کانیجه ، بونلر ژروه زی چیرکین اطوارندن طولایی اتهام ایتمکه حقسنزلق ایدیورلردی . چونکه زوالی قادین باشقه لری یوزندن بو فلا کته دوشمشدی . بعضاً حالی دوشوندکجه بوتون وجودی رعشه لر ایچنده تیتره ردی . مع مافیله بونک دها فناسی اوله بیله جکینی خاطرلار ، بو ملاحظه ایله کندینی متسلی ایدردی . ایکی قوی اکیسک اولفدن ایسه ایکی قوجه لی اولق البته دها اهورندی . بونک اوزرینه کندی موقعی طبیعی بولور ، کندی وضعیتده دها پک چوق قادینلر بولوندیغنی دوشونور ، حاله شکر ایتمکه چالیشیردی . صافدالکونک درجه سی شوندن آکلاشیله بیلیردی که نه لانتیه دن ، نه ده قوپودن آرتق نفرت ایتیوردی . برکون تیاتروده بر پیس سیر ایتمشدی . بو پیه سده برقادین عاشقنک خاطری ایچون قوجه سی زهرایوردی . او قادینه فنا حالد قیزمشدی ، چونکه کندسی قاباً بویله برحس طاشیمیوردی . اوچی بر آرده ، طاتلی طاتلی کچینمک دها ای دکلیدی ؟ خایر خایر ، او پیه سده کوردیکی شی هیچ ده خوشنه کیتمه مشدی . او نوع قادینلر اساساً پک خوش اولمایان حیاتی بوسبوتون برباد ایتمکدن باشقه برشی یامش اولمازلردی . صاغه صوله بورجلی اولملرینه ، هر آن ودقیقه ، سفالتک تهیددی آلتنده بولونملرینه رغماً قوپو ایله لانتیه اوکا بر پارچه دها طاتلی معامله ایتسه لر ، بر پارچه آزدها چیقیشسه لر حیاتندن چوق ممنون اوله جقدی .

صوک بهاره طوغرو اؤک اداره سی بر پارچه دها بوزولدی . لانتیه نک ضعیفله دیکنی ادعا ایدیور ، بوتون کون صوراتندن کچیلمیوردی . واره یوغه بوله نیور ، پاتاتس تجره سندن قوقلایه رق بویله یمکار ییدکجه مطلقاً معده سی انجیلانندیغندن شکایت ایدیوردی . آرتق اک اهمیتسز نزاعلردن بویوک غوغالر ییقیور ، بوزمانلرده اؤک نه قدر عیبی وسفالتی وارسه میدان آتیلیور ، خلاصه هر کس یاتاغنه چکیانجه یه قدر بربرینه سوکوب صاییوردی . اوکارنده کپک قالایان اشکر ناصل تیشیرلرسه بونرده او یله خیرلاشیورلردی . لانتیه ایشک برباد کیتدیکنی حس ایتمکه باشلامشدی . دکانک انقراضه طوغرو یورودیکنی ، یاواش یاواش آله آووجده برشی قالایه جغنی ، بو کیدیشله کونک برنده کندیسنه یول کورونه جکینی ، اووقت کندیسنه قارتنی طویوروب باشتی صوقه جق بر باشقه بر آرامق لازم کلدیکنی دوشوندکجه کدرندن نه یاپه جغنی بیلمیوردی . بوراجغنه کوزل



آلایتمشیدی ؟ بوراده هرکس اونى نازلایوب طورییوردی . هیچ بر یرده  
ورانك برکتى ، بو حیانك ذوق ولدتى بوله مایه جمدی . نه چاره ، قانلاق لارمیدی .  
هم بوغازه قدر طویق ، همده طباغنك ایچی بوشالماق ، بوکا امکان یوقدی .  
وك ایچنده نه بواورسه هپسنى معده سینه یولایوردی . بو قدر آچ کوزلى معده ده  
ولورشی دکلدی . دها ! یاواش یاواش کندى آچ کوزلیلکینه کندیسیده  
قیزییوردی . حقیقت بوندن عبارت اولمقله برابر لانتیه بویله دوشونیور ، بالعکس  
ایکی سنه ایچنده دکانى بو حاله کتیردکلرندن طولای اوته کیلرینه حدت ایدیوردی .  
شیمدی قوپو ایله قاریسنى هیچ ده بکه نمیوردی . هله ژروهمزى برطرفه اوچ بش  
غروش آرتدیرمديغندن طولای عادتاً اتهام ایدیوردی . بو کیدیشك صوکی نه  
اوله جقدی ؟ عاقبتى بر پارچه اولسون دوشونك یوقى ایدی ؟ تام ایشنى یوانه  
کتیروبده آلتی بیک فرانق معاشله بر فاریقه یه کیره جکی صیره ده دوستلری اونى  
ترك ایدیورلردی . حالبوکه او معاشله بوتون عائله یی سوسه غرق ایده جکدی .  
بر کانون اول آقشامی ایدی . سفره بوم بوشدی . ییه جك بر طورپ بیله  
یوقدی . لانتیه صوراتی آصه رق دکاندن چیقدی . يك قوقوسيله اولسون قارتى  
طویوره بيلمك ایچون باشقه بر یر آرامغه کیتدی . چیقوب کیتمه دن اول صوبانك  
یاننده ساعتلرجه دوشوندى . نهایت بردن خاطرینه پولیس پواسسون کلدى .  
بر مدتدن برى اوکا بادینغه لقبی ویرمکدن واز کچمشدی ، حتی بر کون ایجاب  
ایدرسه اونك اوکنده ایمپراطوری مدح بیله ایتکی دوشونیوردی . هله ویرژینی یه  
قارشى بوسبوتون تقدیرکارانه حسلر بسلامکه باشلامشدى . اونى عقللى ، اونى  
حسن اداره ایتکه مقتدر بر قادین اوله رق کوسترییوردی . بللی که اونلری آلدیه  
ایتکه چالیشیوردی . حتی اونلردن برینك یاننه پانسسیونر اوله رق کیرمکی آرزو  
ایتدیکی ظن اولونیوردی . ویرژینی بر آرهلق اوکا بر دکان آچق فکرنده اولدیغنى  
سویله مشدی . شیمدی لانتیه اونك اوکنده یووارلانیور ، بو تصویرى پك ایی  
برشی اولدیغندن بحث ایدیوردی . اوت ، تصور ایتدیکی دکانى آچلی ایدی .  
چونکه حقیقه تجارت ایچون یارادلش ، فعال ، قوتلى ، سوبلى برقادیندی . کندیسى  
بر قادین تجارت ایشنده نهلر قازانمازدی که ... مادام که خاله سندن کندیسنه بر میراث  
قالمشدی ، مادام که سرمایه حاضر دی ، وقت غائب ایتکسزین تجارت عالمنه آتیلملی  
ایدى . لانتیه ویرژینی یی بو صورتله تشویق ایدرکن اوکا تجارتده بویوک ثروت  
قازانمش اولانلردن بحث ایدیور ، گوشه باشنده کی یشجی قادینك ، باشقه بر محله ده  
طانیلینی اوفاق بر صوباجینك ناصل پاره قازاندقلى آکلاتیوردی . تجارت یاعه نك  
تام زمانى ایدی ، اولمقله ایش واریدی که انیسان دکانلرک بو پورونیلرینی آلوب



صائسە پاره قازانیدی . معمافیە ویرژنی بو سوزلارە بردن قاپیلمیور ، ایشە باشلامقده تردد ایدیوردی . محله دن آیرلق فیکرنده دکلدی ، اونک ایچون بو طرفلرده بر دکان بولق ایسته یوردی . لانتیه ویرژنی بی بو صورتله اقناعه موفق اوله ماینبه اونى بر گوشه یه چکهرک قاندىرمقه اوغراشدی . عادتاً زورله آرزوسنى پادىرمىق ایسته یوردی . ویرژنی اونک تکلیفلربنه خایر دیعیور ، بالعکس اوکافعلیاته کچمک ایچون ، آذ نیت ویریور کبی طاورانیوردی . بو تجارت مسئله یی یالکیز کندیلرینک بیلدکلری بر سر اولمشدی . کوزلرینک بر اشارتیه ، حیزلی حیزلی سویله غمش کله لرله بوندن بربرینه بحث ایدیورلردی . بربرینک آنی صیقمیلرنده بيله کیزلیدن کیزلیه قوردقلری پلانک تأتیری کورولیوردی . بو دقیقه دن اعتباراً لانتیه نک نشئه و شطارتی یرینه کلشدی . ینه اسکیزی کبی بر دقیقه طورمه دن قونوشیور ، کوز اوچیلده قوپونک وژروه زک وضعیتلری تدقیق ایدیوردی . شیمدی هرکون صباحدن آقشامه قدر ژروه زه ، ایچنده یووارلاندىنی سفاقتی تشریح ایدوب طورییوردی . صاقین ظن اولونماسون که کندینی دوشوندىکی ایچون بو بحثلری آچیوردی . خایر ، اصلاً . او ، دوستلرینی بر دقیقه بيله براقازدی . ایجاب ایدرسه اونلرله برابر آچلقدن اولمکه قانلانه جقدی . آنجق وضعینی حقیقتی اوزره کورمکده لازمدی ، احتیاطکارلق بونی انتضا ایدردی . وضعیت شو ایدی که ژروه زک فرونجی به ، کومورجی ، ودیکر اصنافه بش یوز فراق قدر پورجی واردی . فضله اوله رق اوك ایکی آیلق کیراسی ده ویرله مشدی . او صاحبی موسیو مارمسقو کاهن ثانی ابتدائیه کیرای آله مازسه کندیلرینی قاپویشاری ایده چکی بيله سسویله مشدی . اوندن صوکره امنیت صندوغنه کوتوريله چک هیچ برشی قالمامشدی . دیوارده کی چویلرهن باشقه برشی بوقدی . ژروه ز ، بو حساب قارشینده مایس و مضطرب ، کاه بومر و قلیله ماصه یه اورهرق قیریور ، کاه حیوان کبی اوطوروب آغلیوردی .

بر اقسام لانتیه یی دیکلرکن حایقیردی :

— یارین دکانی براقیر کیده رم . بوقدر عذاب ایچنده پاشامقدنسه آناختاری

قاپونک آشاغینسه براقهرق قالدیریم اوستنده یاتغنی ترجیح ایده رم .

لانتیه دساس بر طور ابله :

— بکا قالیرسه ، دیدی ، قونطورا تویی دور ایده چک برشی بولسه کز دها

ای اولور . شاید دکانی براقغه قرار ویره چک اولورسه کز .

ژروه ز حدتله سوزینی کسندی :

قرار ویریورز ایسته ، جان شیمدین تیزی بوق . . . بنده قورقورم . . .



بۇنىڭ ئوزرىنى لانتىيە ايشىك پراتىق جەتتى ايشاح ايتدى : قونطورا تويى باشقا  
 بىرىنە دورا ايتىمىكە ايكي ايلق كىرايى دە اوکا وىردىرمك ممك اولە بىلىردى . لانتىيە  
 بر پارچە دها ايلرى كىدەرك پوواسسون ايله قارىسىندىن بحث ايتدى . وىرژىنىنىڭ  
 كىرالق بر دكان آرامقەدە اولدىغى ، بو دكان بىلكە اونك ايشىنە كەبىلە جىكى سويلەدى .  
 خاطرندە قالدىغىنە كورە وىرژىنى بويلە بر دكان الدە ايتىك ايسىتە يوردى . آنجق  
 ژروەز وىرژىنىنىڭ اسمى ايشىدىنچە بردن صوئوق قانلىغىن طويلادى . ھەلە بر پارچە  
 دها طورسون دىدى . انسان حدت زماندە اوينى طاغىتىنى بىلە دوشونور اما ،  
 بو او قدر قولاي ياپىلىر بر ايشى دكلدر .

فرداسى كونلر لانتىيە عىنى بىچى تىكرار آچدى ، فقط ژروەز ھنوز قرارىنى  
 وىرمەمشدى . او بوندن دها فنا زمانلر كورمىش ، بوكونىكىندىن دھالەكەلى  
 وضعىتلىرى آتلاشمىدى . ھىم دكانى قاپامقەلە نە قازانە جقدى ؟ بوش كىزمك انسانك  
 قارنى طويورمازكە ...

او بالەكس يىكىدن ايشىجى تدارك ايتىكى ، كىندىسە يىكى مشتىلرى بولمى  
 دوشونىوردى . لانتىيە اونى آلتىدىن قائمە مادىنى مەصرفلر اىچىندە ، تىكرار بلىنى  
 طوغرىولتە مایە جق بر حالە دوشمىش . تصوير ايتىدكە ژروەز يىكى تصورلردىن بحث  
 ايدەرك كىندىدە مجادلە قوتى ياشاتىغە چالیشىوردى . بر آرەلق لانتىيە تىكرار آغرىندىن  
 وىرژىنىنىڭ اسمى قاچىردى . اووقت ژروەز كوپوردى : خاير ، خاير ، اصلاً !  
 ذاتاً اواسكىدن برى وىرژىنىنىڭ كىندىسە قارشى طاشىدىنى حىياتىدىن شىبە ايدىوردى ،  
 وىرژىنىنىڭ دكانە كوز قويمى كىندىسىنى دوشورمك ، كوچولامك آرزوسىندىن  
 ايلرى كەلدىكىنى بىلىوردى .

اوداتاً وىرژىنىنىڭ حىياتىدىن اوتەدن برى شىبە ايدىوردى . وىرژىنىنىڭ شىمدى  
 دكانە كوز قويمى اونى تىذلىل ايتىك آرزوسىندىن مەتولد ايدى ، بو كاقانع ايدى . خاير ،  
 خاير ! سەنەلردن برى كىندىسىنىڭ افلاسىنى كوزەتلەين بو قارىيە براقىدىن ايسە دكانى  
 لاعلى التەبىن سىوقاغىندە راست كەلجىكى ايلك قادىنە ترك ايتىكى ترجىپ ايدردى ،  
 آرتق مقصد آشكار ايدى ؟ اومەدار قارىنىڭ صارى كوزلردە پارلاپان آتلىك  
 مەناسىنى شىمدى آ كلايوردى .

وىرژىنى وقتىلە چاشىرخانەدە كىندىسىندىن بىدىكى طياغك آجىسىنى اونوتماشمىدى .  
 كوللر اىچىندە كىزلەنن قىوياجم كى اودە كىن و غىظنى سەنەلردن برى يورە كىندە  
 صاقلىيوردى . آنجق خبرى اولسون ، اكر برايكىنجى طياق دها يىمك ايسىتە مىرسە  
 اسكى طياغك انتقامى پىشندە قوشىمىقدىن واز كچسون . ژروەز اىچون بوندن قولاي



قارشىيىتىدە لائىقە ايلك اوڭجە چىقىشىجى اولدى. اوڭا قازمە قىلى، غوجا قازمە قازمە دىدى. حتى بر آرهلق اودرجە قىزمىش كوروندى كە قارىسىنك ياندىدە بردوسىنك كوچوك دوشمىسەنە راضى اولدىغىدىن طولانى قوپۇيىدە چاتدى. آنجىق بو طارزدە حدت كوسترمەنك برفائىسى اولمادىغىدىن باشقە ايشلىرى بوسىوتون بوزەجىنى آكلەيەرقى خطىركىتى دە كىشىدىردى، كويادوستلغىنە قارشى قىلماقالبە كوردىكىنى ايلرى سورەرك بەدما باشقەلرىنك ايشنە قارىشمايەجىنى يىمىن ايلە سويلەدى. فى الحقيقە او كوندن سو كره قونطورا تو مسئله سويلە اوغراشماز اولدى. حالبو كە حقيقەتدە بىخى تىكرار آچە بىلمك ايچون مناسب برفرست ظهورىنى بىكليوردى.

كانون ئانى كالىدى. پىس هوا، اورتهلق صوئوق ورتوبىلى ايدى. بوتون كانون اول مدىجە او كسوروب طورمىش اولان اختيار مادام قوپو آرتق آدم عىللى ياناغە دوشمىشدى. واقعا ھەرسەنە بويلە اولوردى، ھەرقىش بويلە بر خستەلق نوبى كىيىردى. آنجىق بودفعەكى ياتىش اولكىلەرە بىكزەمىوردى. بوسفر اوطەدن اولوسى چىقەجىنى ھەكس سويلەيوردى. فى الحقيقە بوسنە بوغازىنك خىرىلىلرى بوسىوتون باشقە ايدى. بر كوزى بوسىوتون كورمىش اولمش، يوزىنك يارىسەنە نزول اصابت ايتىشدى. كىچە اونى چوجوقلىرى زورلە اولدىرەك دىكلردى. آنجىق اوقدر اوزون مدتدن برى سوروكلىيوردى، اوقدر آغىراق وىرمەكە باشلامىشدى كە اولومى ھەم كىندىسى، ھەم باشقەلرى ايچون بر قور تولوش اولەجقدى. اساساً كافى درجەدە ياشامىشدى. انسان بوياشدىن سو كره اولورسە كوزى آرفەدە قالازدى. حتى دو قور بىلە بردفعە كلوب معاىە ايدىكەن سو كره بردھا كلكە اوم كورمەمىشدى. اونى بوتون بوتون باشدىن آندىلار دىمەك ايچون ارادە صىرەدە بر قىجان اخلامور وىرىيوردى. ھەرسەت باشندە اولدىنى يوقسە حالاياشايورى دىيە آ كلامى ايچون بردفعە اوطەسەنە كىرلردى. بىچارە قادىجىمىزك نفسى اوقدر طارالمىشدى كە آرتق قونوشمەمىوردى. يالگىز اسكى قوتى حالا محافظە ايدىن بر كوزى ايلە بوكلوب كىدن انسانلەر دقتلى دقتلى باقىيوردى. بو باقىشە نەلر واردى نەلر! اى كونلرىنە حسرتلە كىندىسەنە بر آزا اول قور تولوق ايسەن بو انسانلەر تأسفلىر، كىچەلرى ياتاغىدىن قالدەرق قاپودلىكلىرىنى ترصد ايدىن نانانك صايغىسىز لىغە حدتە، خلاصە نەلر يوقدى!

بر بازار ايرتسى آقشامى، قوپو بر معتاد سىرخوش كالىدى. آنسەسەنك حالى وخامت كىسب ايدەلى برى قلى دائى بر شىقت وىجىتلە چارپىيوردى. كلىر كلىز ياتاغە كىردى وخورلايەرق او يومغە باشلادى. ژرورەز دھا بر مدت آياقدە طولاشدى. كىچەلرى بر مدت قانز آناسە كىندىسە بىكلەدى. اساساً نانا باشقەلرىنك اوطوروب بىكلەسەنە لزوم



اولورسه هر كسه خبر ويره جگني سوييوردی . او كيچه نانا اويومشدي . ديگر طرفدن ده خسته ده ساكنانه طالمش كورونيوردی . لانتیه ژروهي بر مدت ديكله نك اوزره اوطه سنه دعوت ايتدی ، ژروهي بو دعوتي رد ايدمه دي ، لانتیه نك اوطه سنه كيتدی . لامبهي سونديرديلر ، يالكنز بر موم ياقه رق طولابك آرقه سنده يره قويديلر . صباحك اوچنه طوغرو ژروهي بردن ياتاقدن فيرلادی . يوره كنده بر ازيكك حس ايتشدي . بوتون وجودندن صوغوق بر نفس كچمش كي تيره يوردی . موم تا صوكنه قدر يانمشدي . اويقو سر سملكي ايچنده ، آلري آتش كي يانه رق ، فيستاتي قارا كلفده ايلكله دي . اوطه ده كي اشيايه چاربه رق چيقدی ، كوچوك لامبهي ياندي . اورته اقدده ظلمتله قاريشيق بر سكوت حكم سوريور ، بو سكوت ايچنده يالكنز قوپونك خورولتوسي ايشيديليوردی . نانا آرقه اوستي ياتمش ، شيشكين دوداقلري آره سندن خفيف بر نفس چيقيوردی . ژروهي ، اوطه نك ديوارلرندن ايري كولكلر عكس ايتديرهن لامبهي قيصره رق اكلدی مادام قوپويه باقدي . اختيار قادينك يوزي بم بياض اولمش ، باشي اوموزينك اوستنه دوشمش ، كوزلري آچيلمشدي . اولمشدي .

اووقت بوتون وجودی يوز كي كسيان ژروهي ، هيچ حاقيرمايه رق ، ياواشچه لانتیه نك اوطه سنه دوندي . لانتیه تكارار اويقويه طالمشدي اكيله رك خفيف بر سله :  
— لانتیه ، هيشت بكا باق ، قادين اولدی .

ديدی . اويقونك ويرديكي آغيراق ايچنده كوزلريني ياري آجان لانتیه خوردا نيرجه سنه :

— اويقومي بوزما الله عشقنه : ديدی ، هايدی كل يات ! اولدی ايسه دير ياته جك دكاز آ...

مع مافيه بر ديرسكي اوستنه طيانه رق طوغرواشدي صوردی :  
— ساعت قاچ ؟

— اوچ .

— اوچ ها ؟ هايدی كل يات ، صوكره خسته اولورسك . يارين صباح ايجابه باقارز .

ژروهي ياتمادی ، بالمكس اتوانی كيیدی . لانتیه يورغاني باشنه چكه رك يوزي ديواره چويوردی . قادين ديزان مخلوقلر هپ بويله اولور ديه رك اويومنه باشلادی . اولك ايچنده بر اولو اولوتجه على المجله بوتون او خلقنه خبر ويره رك كيجه نك كيغني قاچيرمقده نه معنا وار ؟ ايسته باق ، اويقوسي محو اولدی كيتدی . قفانك ايچنده قاره قاره دوشونجه لر واركن هيچ انسانك كوزينه اويقو كييرمي ؟



ژروەز لانتیه نك اوطه سنده نه قدر اشیا سی قالمش ایسه ، تا صبح طراقلرینه وارنجه یه قدر کندی اوطه سینه طاشیدی . اوندن سو کره بر کوشه یه چکیله رك هیچقره هیچقره آغلامغه باشلادی . بو هیچتر بقلر آره سنده لانتیه نك كلوب کندی سنی راحتسز ایتیه چکندن امین ایدی . هر نه اولور سه اولسون قاش آناسنی سوردی . اوننی یاتا غنده اولمش کورونجه بویله فنا بر وقتده اولدی کندن طولانی ایلک اوکجه جانی صیقلمش ، سو کره قورقشیدی . فقط بو صیقنتی وقورقو کچنجه اوکا پك آچیمشیدی . شیمدی اوتده قوپو خورلار کن کندی سی کیجه نك سکو تی ایچنده نك باشنه ، اولانجه قوتیله آغلا یوردی . ژروەزه ، آنه نك اولومندن اوغانی خبردار ایتك ایچون قوپویه سسله ندی ، اوننی دورته رك اویاندرمه چالیشدی ، فقط موفق اولامانجه اویقوسنده راحت بر اقدی . شاید اویانه جق اولور سه باشنه بلا کیلیر دیه صرف نظر ایتدی . بر مدت سو کره اولونك یانه کیتك ایچون اوطه یه کیردی . نانا یاتا غنك ایچنده طوغرولمش ، آلارله کوزلرینی اوغوشد بر یوردی . چوجوق ایشك فرقنه واردی . بویوك آناسنی کورمك ایچون چکه سنی اوزاتهرق باقغه باشلادی . هیچ بر شی سوبله میوردی . یالکز بر پارچه تیره یوردی . چوجوقلردن صاقلانیلان چرکین بر شی کبی اوندن بو اولومی صاقلامشلردی . اون ایکی کوندن بری صراق ایله بکله دیکی بو حادثه یی نهایت کوره بیلمشیدی و بوکا حیرت ایتکله برابر درجه یه قدرده ممنون کورونیوردی . بو بم بیاض اولمش اولو سیما سی قارشیسنده کوز بیکاری کیتدکجه بویوپور ، هانی بعض کیجه لر اویاشده قیزك قاریشه جنی شیلردن اولمایان بر حادثه یی تخس مقصدیله باشنی اوطه نك جامنه طایاهر ق اطرافنی قوللادیفی زمان نصل ال کیکی اویوشور ایسه شیمدی ده اویله اولدیغنی حس ایدیوردی .

ژروەز خفیف بر سسله :

— هایدی قالق ، دیدی بو اوطه ده اوطور مق اولماز .

جانی ایسته مه یه ایسته مه یه یاتا قدن ایندی . ایکیده بر باشنی چویره رك اولوبه باقیوردی . ژروەز صبح اولونجه یه قدر بو چوجوغنی ترده یاتیره جغنی دوشونیوردی بر آره لق ائوانی کیدیرمه که قرار ویرمشدی . او ائشاده لانتیه آبا غنده بانطالون و تراکله کورونیوردی . اونك ده اویقوسی قاچمشدی . دمیکی مامله سندن بر بارجه ده محجوب ایدی . لانتیه مشکلی حل ایتدی :

— کیتسون بنم یاتا غمه یاتسون ، اوراده یر وار .

بو سوز اوزرینه نانا کوزلرینی قالدیره رق بر آنه سنه ، برده لانتیه یه باقدی . حالنده بر سر سملک واردی . کوزلرینك ایچی ییل باشندن کندی سنه شکر و چتو .



ویریلدیکی زمان ناصل پارلارسه اویله پارایوردی . لانتیه نك تکلیفی طوتمسینه محل  
براقسزین ، آرقه سنده ایچ کوملکیله ، چیلای آیاقلریله قوشه رق کیتدی .  
لانتیه نك یاتاغنك ایچنه ییلان کبی قایارق کیردی . یاتاق هنوز صیجاق ایدی . ایچه  
وجودی یورغانك آلتنده عادتایوقش کبی غائب اولدی . آنه سی اوطیه هر کیریشده  
اونی ساکت سیاستنده پارلایان کوزلریله اویانیق بویوردی . یوزی قیپ قیرضی  
ایدی . یاتاغنك ایچنده هیچ قییلدا میور ، سانکی او حالیه برشیلردوشونیوردی .  
اوتنه یانده لانتیه ژرومه یاردم ایدهرک اولوبی کیدیردیله . بو اویله ظان  
اولوندینی قدر قولای بر ایش دکلدی . اختیار قادینك ، وحودی خیلی آغردی .  
هم آغیر ، همده تخمین اولوندیغندن چوق فضله بیاضدی . اولای آیاقلرینه چورایی  
کیدیردیله ، اوندن صوکره بیاض بر ایچ کوملکی ، بیاض بر اتکک ، بر تاکیه  
خلاصه اك ای اثوابلرینی کیدیردیله .

قوپو حالا خورایوردی . بوغازندن بری یوکسک وسرت ، دیکری آلچاق  
وقورو ایکی درلو سس چیقیوردی . عادتا کلیسالرده آیینلره رفاقت ایدن موسیقی  
کبی بر نغمه حاصل اولیوردی . خلاصه اولوبی کیدیردیله ، یاتاغه بویلی بویچه  
اوزاتدیله . لانتیه بومنظره دن یوره کنه بولانتی کلدیکنی بهانه ایدهرک برقدح شراب  
ایچدی . ژرومه طولای قاریشدره رق وقتیه کوندن کتیردیکی باتردن معمول  
خاچی آرادی . فقط صوکره بونی اختیار مادام قوپونك صاغلغنده صامش اولدیغنی  
خاطرلادی . اوجاغی یاقدیله و کیجه نك بقیه سنی اسکمله اوستنده اویوقلایه رق کچیردیله .  
سانکه بو اولوم کندیلرینك برقباحتی ایش کبی ایکسی ده صورت ایدیورلردی .  
صباحه ققدر کچن انتظار مدتی ایچنده شراب شیشه سنی بوشالتدیله .  
صباحك یدیسنه طوغرو ، هنوز اورتهاق آغارمه دن ، قوپو اویاندی . فلا کتدن  
خبردار اولور اولماز ایلاک اوکجه بونی اطیفه یه حل ایتدی ، صوکره حقیقتی اوکره بچه  
بر مدت کسکه لادی طوردی ، کوزلرندن بر طامله یاش آقادی . فقط چوق  
کجه دن کندینی یره آتهرق آنه سنك نعشی قوجاقلادی . طانه کبی اغلامنه  
باشلادی . کوزلرندن آقان ایری یاشار یاناقلرینی ایصلا تهرق چارشافه دو کویوردی .  
برمدتن بری آره لری ایلاشش اولان قوجه سنك بو حال ژرومه فنا حالده طوقوندی .  
اوده یکیدن اغلامنه قوعلدی . شیشه یی ا کلا یوردی که قوپونك ظان اولوندیغندن  
دها ای یوره کلی بر آدمدر . قوپو بر طرفدن بو فلا کته اغلارکن دیکر طرفدن  
صاچلرینك دیی اونی فنا حالده مضطرب ایدیوردی . ایکیده بر آلتی باشنه کوتورهرک  
صاچنی قاریشدریوردی . کیجه اون ساعت اویودینی حالده هنوز ایچکینك تأثیری  
زائل اولاماشدی . آغزی یاپیشیق یاپیشیق ایدی . یومروقلرینی صیقهرق فریاد



ایندیوردی . او قدر سودیکی آنه سنی ده ایسته دنیادن کیتشدی . اونی بو باش  
آغریسی ، صانکه قفاسی چاتلایه جق ظن ایندیور ، تپه سنه آتشدن بر چنبر کچرلمش  
صاتیوردی . یوره کی برندن قویه جق کبی اولیوردی . خایر ، قدر برانسانک اوستنه  
بو درجه یوکلنمه ملی ، بو درجه سی ظالمدر .

لانتیه اونی یردن قالدیره رق :

— قالق عزیزم ، دیدی ، بر آز جسارتلی اول ، کندینه کل !

بر قدح شراب ویردی . فقط قوپو ایچمک ایسته میوردی :

— نه وار بیلمم که ؟ معدوم باقیر کبی اولمش ... اونی آواش کورونجه

ایچم بردن بره زهرله ندی . آه آنه جکم آنه جکم ...

و چوجوق کبی تکرار آغلامه باشلادی . مع مافیه کوکسنگ ایچنده طوتوشان  
آتشی سوندیرمک برانه سیله شراب قدحنی بوشالتدی . لانتیه دیگر عائله افرادینی  
خبردار ایتک و اورادن بلدییه اوغرایه رق معلومات ویرمک ایچون بر آره لق چیقدی  
کیتدی . اونکده هوا آلفه احتیاجی واردی . صوقا قده آدی لرینی صیقلاشدیرمه  
لزوم کورمکسزین سیفاره سنک دوماننی توتدیره توتدیره ، صباح کسکین و صوئوق  
هواسنی بوتهرق یورومکه باشلادی . مادام اورانک اونا ن چیقنجه برسوتجی دکانه  
کیره رک بر فنجان صیجاق قهوه ایچدی و اوراده بو ساعته قدر اوطوره رق  
دوشوندی دوردی .

ساعت طقوزه طوغریو بوتون عائله خلق کینکاری آجلمایان دکانک ایچنده  
طوبلانمشلردی . لوریو اغلامادی . اساساً انده عجله ایشی اولدینی ایچون چوق  
طوره مایه جقدی . متأثر بر سما ایله بر مدت قالدقن صوکره چیقدی کیتدی .  
مادام لوریو و مادام اوران کایر کلز قوپو و قاریسیله قوجا قلاشهرق اوپوشدیلر .  
اوجلرنده اوقاجق یاشلر بلیره ن کوزلرینی مندیلا سیلایلر . بوا یلک تأثیری متعاقب  
مادام لوریو اولونک اطرافنه بر کوز کزدیرنجه بردن سنک پرده سنی یوکلته رک  
اعتراضلرینه باشلادی :

هیچ بویله بر شی اولورمیدی ؟ بر اولونک باشی اوجنده لامیه یاقیلانی  
برده کورلشدی ؟ عادت ، موم یاقیلیردی . نانایی بر دسته موم صابن آلفه  
کوندردیلر . انسان ژروهمزک اونده اوله جک اولورسه ایسته بوقیلیغه کیرردی .  
آحق قاری ، ده ا بر اولویه قاریشی یاپیله جق معامله دن بیله خبری یوقدی . عمرنده  
بر اولو کورمه مش میدی ؟ مادام لوران یوقاری قاتده اوطوران بر قومشونک  
اوطه سنه کیده رک بر خاج آرادی و چوق کچمه دن سیاه تحته دن معمون ، اوزرینه  
حضرت عیسانک هیکلای محلامش بر قوجه مان خاج کتیردی . بو خاج او قدر



بویو کدی که اولونک بوتون وجودینی قابلا مشدی . عادیا آلتنده ازیله جگمش ظن اولونیوردی . بونی . تماقب ماء مقدس آراشد برلدی ، فقط هیچ بر اوده بوندن بولونه مادی . نانا تکرار کاپسایه کوندریله رک بر شیشه طولوسی ماء مقدس کتیرتیلدی . خلاصه بر لحظه ایچنده اوطه نك منظره سی ده کیشدی : اوافق بر ماصه اوستنده برموم یانیور ، ماء مقدس طولو بر بارداغك ایچنده ده بردفنه دالی طور ییوردی . آرتق کیم کلسه بر اولو اوطه سنده اولدیغنی آ کلایه جقدی . بوندن صوکره زیارتچیلری قبول ایتك اوزره اوطه نك درت بر طرفنه اسکمله لری دیزدیلر .

لانتیه ساعت اون بره طوغرو کلدی . دونوشده تجهیز وتکفین مصارفی حقنده معلومات آلمشدی ؟

— ثابت ایچون اون ایکی فرائق لازم . اکر کلاسه ده بر آیین یاپدیره جقسه کز بونك ایچون ده آیریجه اون فرانغه احتیاج وار . صوکره جنازه آرابه سی ، سوسلو ویا ساده اولدیغنه کوره آیری فیئاتلره تابع ...

مادام لوریو بواضا حاتی حزین واندیشه ایله دیکه یوردی ؟  
— بکا قالسه بونلرک هپسی زائد شیلر ، فضله ، مصرف ایفتکاه اولومه چاره بوله جق دکاز که ... هرکس کیده سنده کوره ، مصرف ایتلی ...

لانتیه جواب ویردی :

— طبعی ، بنده بوفکرده ایم . شاید لازم اولور دییه فیئاتلری صورمشدم ، یوقسه ناصل ایسته رسه کز اولیه حرکت ایدرسیکیز . سز یالکیز بکا نه ایسته دیککیزی سویله ییکیز ، بن اوکلدن صوکره کیدر سپارش ایدرم .  
کینلرک آره اغندن کیره ن آیدینلق ایچنده آلیقاق سسله فونوشیورلردی . اوطه نك قاپوسی آرقه سنده قدر آچققدی . بواچیه لقدن اولومك درین سکونی کایوردی . اولوده چوجوقلرک قهقهه لری ایشیدیلوردی . بر آلا ی چوجوق ، صوافون بر قیش کونشی آلتنده قوشوشوب طور ییورلردی . بر آره لقی بونلرک آره سندن نانانك سسی ایشیدلادی . اون ی صبا حلین قاپوجینك اوطه سنده کوندرمشلردی . نانا اورادن قاچه رق چوجوقلرک آراسنه قاتلمشدی . اوکجه لرله قالدیریعی دوکهرک کسکین سسیله اوته کیاره قوماندا ایدیور ، هپ بردن شرقی طوطی یرمش سویلیورلردی .  
نهایت ژروه زده سوزه قاریشیدی :

— واقعا زنکین دکاز ؛ فقط بو خصوصده اوستمهز اسکله کیمرک شاده ایسه مه یزه ...  
قادینجیز برشی براقه دن اولدی دییه طوطوب موده گوپك کبی چوقوردار آته مایز آ...  
خان کلاسه ده بر آیین یاپدیره جقسه کز بونك ایچون ده آرابه سی ، جنازه آرابه سی ، خلاصه بر ماصه اوستنده برموم یانیور ، ماء مقدس طولو بر بارداغك ایچنده ده بردفنه دالی طور ییوردی . آرتق کیم کلسه بر اولو اوطه سنده اولدیغنی آ کلایه جقدی . بوندن صوکره زیارتچیلری قبول ایتك اوزره اوطه نك درت بر طرفنه اسکمله لری دیزدیلر .



— یکی اما ، بونلرک پاره‌سینی کیم ویره‌جک ؟ هر حالده بن ویره‌مه‌یز ، چونکه  
 کچن هفته ایجه ضررمن اولدی . سزده ویره‌منه‌سکیز ، چونکه سزده خیلی  
 زو کورتله‌دیکیز ... وقتيله هرکسه قوروم صائمق ایچون آووج آووج پاره صرف  
 ایدرکن اوکیدیشک عاقبتی بویله اوله‌جغنی دوشونمایدیکیز ...  
 بوبابده فکری صورولان قوپو لاقیدانه برطور ایله برطاقم شیلر میریلاندی .  
 او حالا اسکمله اوستنده اویوقلامقدن کندی آله‌میوردی . مادام لوران مصرفدن  
 حصه‌سینه نه دوشرسه ویرمه‌ک حاضر اولدیغنی سویله‌دی . اوده ژروه‌زک فکرنده  
 ایدی ، هرکسه قارشى ای برشى یایمق طرفدارى ایدی . نهایت ایکیسی باش باشه  
 ویره‌رک برکاغذک اوجنه حساب یایمغه قویولایلر : بوتون مصرف تقریباً طقسان  
 فرانغه بالغ اولیوردی . چونکه برچوق مناقشه‌دن صوکره جنازه آرابه‌سینک  
 سوسایچه اولسینه قرار ویره‌شلردی .  
 نتیجه‌ده ژروه‌ز :

— بو اوچ پای اوله‌جق ، دیدی ، هر برمن او توزر فرانی ویریرز . بو  
 قدری ده ییقیم دکلدی آ...  
 مادام لوریو سراپا حدت کسيلمشدی :

— بن پاره فلان ویره‌جک دکلم : قبول ایغیورم ایشته والسلام ... مع‌ماقیه  
 ظن اولونماسون که او توز فرانی چوق کوروندی ده اونک ایچون ویرمیورم . حایره  
 ویره‌جک قدرتم یوق اونک ایچون ... قدرتم اولسه ، اوندن صوکره پاره ایله  
 آنه‌می دیریلتمک قابل اوله‌جغنی بیلسه‌م او توز دکل ، یوز بیک فرانی ویریردم .  
 بن کولی اسالردن خوشلانام . هرک کندی باشکزه بردکانکر وار . محله‌یه قارشى  
 چاقه یایمقدن خوشلانیرسکیز . بز بویله شیلردن آکلمایز ، هیچ کیمسه‌یه کوسغیش  
 یایمایز . بناءً علیه ناصل چانکیز ارزو ایدرسه او بیله یاپیکیز . ایسترسه‌کیز جنازه  
 آرابه‌سینی قوشن تویيله سوسله‌پیکیز ...  
 ژروه‌زک صبری توکهندی :

— سزدن پاره ایهسته‌ین یوق . گندی صاتار پاره بولورم ، ینه اوزره  
 سوز کتیرتم . ذاتاً قادیجغزی حیائده بن بسله‌مشدم . او وقت سزدن برشى  
 ایستادمی ؟ اولومنده‌ده تک باشه بن دفن ایتدیریرم . اوسز قالان کدیلمی  
 بیله یانعه آلوب بسلرکن آنه‌کزی البته سوقاغه آتدیرمازدم ...  
 بونک اوزرینه مادام لوریو آغلامغه باشلادی . لانتیه اونک جنازه‌یی ابرقوب  
 کیتمسینه مانع اولدی . غوغا او قدر کورولتولی اولیوردی که مادام لوران ایکیده



اوطه يه ياواشجه كيرهرك صومورتقان و كدرلى برسما ايله اولنك يوزينه باقدى .  
اوكا اويله كليوردى كه اولو ، اوزانديغى يردن بوغوغايى ديكليوردى . بو ائشاده  
طيشاريدى چوجوقلرك سسى كليور ، نانانك قومانداسى آلتنده ينه او شرقى تكرر  
ايديليوردى .

صبرسزلقدن ، كدردن ژروهرك حالى خرابدى ، هان آغلايه جقدى .  
لانتيه يه دونهرك .

آمان بوچوجوقلر ، ديدى ، انسانك سيكيريى برباد ايديليورلر ... قوزم  
اه عشقنه بونلرى صوصدير تگز ، نانايى قولاغندن طوتوب قاپوجنك اوطه سنه آتويور يگز!  
مادام لوران ومادام لوريو اوكله يمكه كلك اوزرت چيقديلر . قوپو ايله  
ژروهرك هيچ اشهارلى اولماقلا برابر ينه سفره يه اوطورديلر وصوجوق نوغندن  
بعض شيلر ييديلر . پك زياده جانلرى صيقيليوردى ، عادتاً شاشقنه دوغمشلردى .  
شو زواللى مادام قوپونك اولومى بوتون آغريليله اونلرك اوموزنده قالمشدى .  
دكانك هر طرفنده بو آغريلنى حس ايديليورلردى . حياتلرينك روشى ارتق بوزولمشدى .  
ايلك ابتدالرى او قدر شاشيرمشلردى كه آرادقلى شيلر آياقلىرىنك اوجنده طور دقلىرى  
حاله بوله ميورلردى . بوتون كيجه يى جنبش ايچنده كچيرمش انسانلرك ايرتسى  
صباح طويدقلى قريقليغه بكزر بر حال حس ايديليورلردى . بر آرز صوكره لانتيه  
مادام لورانك ويرديكى اوتوز و ژروهرك كيدوب غوژهدن استقراض ايتديكى  
آلتش فراننى آلهرق جنازه تداركنى كورمك اوزره سوقاغه چيقدى . ژروهز  
كندى حصه سنه ويرمكى تعهد ايتديكى آلتش فراننى ، بروج صورتيله  
تدارك ايدى بيلمك ايچون صاچ باش پریشان ، طبق بردهلى كى غوژهنك  
اوينه كتمشدى . اوكله نندن صوكره تعزیه مقصديله قومشولر كلديلر . هر كلن بر  
دفعه ايچنى چكهرك نيمشك بولونديغى اوطه يه كيوريور ، اولونك يوزى كورووچه  
خاچ چيقارهرق بارداغك ايچنده كى دفته دالنى بر دفعه صاللا دقن صوكره تكرر  
دكانه كليور ، بر اسكمله آلوب اوطوريور ، ساعتلرجه عيى جمله يى تكرر  
ايتمكدن اوصانمايه رق متصل سوكيلى اولودن بحث ايديليوردى . مادمارل رومانزو  
اونى صاغ كوزى آچيق اولديغنى آ كلايور ، مادام غودرون ياشنه نسبتله سباسبى  
هنوز تازه بولديغى سويليور ، مادام لافوقونيه دها اوچ كون اول اوني قهوه سنى  
ايچر كن كوردى كنى حكايه ايدهرك بو نا كهانى اولومه حيرت ايتمكدن كندى  
آله ميوردى . حقيقه حيات نه قيصه شى ! انسانلر كوزى آجوب و پاچه يه قدر  
وته كى دنيايه كوچيوريورلر . اقشامه طوغرو قوپو ايله قارىسى بو ريارتلردن



صیقیلده باشلامشلردی . بر اولوی بوقدر اوزون مدت اوده آلیقویمق عائله ایچون چوق آجیقلی برشیدر . حکومت بونک ایچون باشقه برقانون یاپمایدیر ، دها بو آقشام ، اوندن سوکره بوتون کیجه ، نهایت ایرتسی صباح بو اولو بوراده قاله جقدی . طوغروسی تحمل اولونورشی دکلدی . اساساً کوز یاشلری بیتدکن سوکرا کدر اشکنجه شکلی آلیور ، کیت کیده انسان فنا یوره کلی اولیور . مادام قوپونک بوز کبی صوئوق و ساکت نعشی یاواش یاواش بوتون دکانی طولدیرمغه باشلامشدی . بونعشک آغیرانی آلتنده هرکس چاتلایه جق کبی اولیوردی . معافییه زمان کچدکجه افرادی ، حال طبیعی به عودت ایدیوردی . اولویه قارشى حرمت قالمامشدی . بر آرز سوکره مادام لوران و مادام لوریو اولرندن دونه رک کلدیله . ژروهز اولنری اقشام یکنه دعوت ایتدی .

— بر لکده یک بیرز . هیمز کدر ایچنده یز ، باری بو کیجه بر بریزدن آیرلایه !  
تزکاهک اوستنه سفره قورولدی . طباقلر قونولورکن هرکس بر زمانلرینه بو اوطه ده ویرلمش اولان ضیافتی دوشونیوردی . دیرکن لانتیه ده کلدی . لوریو یوقاری قاتدن آشاغی ایندی . ژروهز یک پیشیره جک حالده اولمادیغی ایچون بر پاسته جیدن حاضر بر شی کتیرتمشلردی . تام سفره یه اوطوره جقلری صیره ده قاپوجی بوش کلدی ، او صاحبی موسیو ماره سقونک ورودینی خبر ویردی . آرقه دن موسیو ماره سقو ایچری کیردی . سیاسنده جدی ومغموم بر طور واردی ره دینغوتنک یاقه سنی ، نشان روزه تی طاقشدی . هیچ بر شی سویله مکسزین حاضر و نی سلاملا دقدن سوکره طوغروجه اولونک بولوندیغی اوطه یه کیده رک دیز چو کدی . صوک درجه دیندار بر آدمدی . بر پاپاس استغراقیله نعشک اوکنده دعا ایتدی ، هواده خاچ چیقاردی ، ماء مقدسدن آلهرق سوروندی . بوتون عائله خلقی بو منظره دن صوک درجه متأثر اولهرق آیاقده طور ییوردی . موسیو ماره سقو دعایی بیتیردکن سوکره دکانه کچدی وقوپو ایله قاریسنه خطاباً :

— تداخله قالان ایکی آیلغی ایسته مکه کلاشدم . بونلری بو کون ویره بیله جکمیسکنز؟ دیدی . لوریولرک اوکنده بو بحثک آچیلسمسندن پک زیاده صیقیلان ژروهز ککه لیه رک جواب ویردی :

— خایر موسیو ماره سقو ، هان بورجهزی وبره جک حالده دکاز . اوغرا دیغمز فلاکتی کوریورسکنز .

— اوت کوریورم ، فقط معلوم آ ، هرکسک کنندینه کوره بر صیقیندیسی وار . بوکا چوق جانم صیقیلدی ، چونکه فضله بکله یه میه جکم . اگر یاریش دکل



اوبەر کون صباح پاره یی حاضر لاما زسه کز سزی دکاندن چیقارتمغه مجبور اوله جنم .  
ژروه زک کوزلری یاشارمشدی . آلارنی نیازکار بروضع ایله بربرینه قاووشدیره رق  
بر مدت اوله جه ساکت طور دی . او صاحبی ایری کیمکی قفاسنی صاللایه رق  
یالوارمه نك هیچ بر فائده سی اولمادیغنی آ کلاتدی . آنجق بر اولو قارشیسینده  
مناقشه جائز اولمادیغنی ایچون کری کری یورویه رک یاواشجه چیقدی کیتدی و چیقارکن  
— سزی راحتسزایتدی کمدن طولای غفوکزی رجا ایدرم . آنجق اونو تمایکز ،

اوبەر کون صباح ، آ کلاشیلدی یا ؟

طیشاری چیقماق ایچون اولونک یاتدیغنی اوطه اوکندن کچمک لازم کلیوردی .  
قاپو اوکنه کلنجه صوک درجه حرمتکارانه بر طور ایله ایچریده کی اولوی بر دها  
سلاملادی ، اوندن صوکره چیقدی کیتدی .

نشه لی کورونمه مک ایچون یمکی چابوق چابوق ییدیلر . آنجق صیره میوایه  
کلنجه هرکسه کیفلی بر رخاوت عارض اولمشدی . بوراده بر پارچه آغیرلاشدیردی .  
آرافده بر کره ژروه ز ، یاخود ایکی همشیره نك بری آغزلری طولو اولدیغنی حالد  
یرلرندن قالدیورلر ، آلرندن حاوی بیله براققسزین اوطه قاپوسنه کلهرک اولویه  
بر نظر عطف ایدیورلردی . بو صورتله کیدوب عودت ایدن یرینه اوطورنجه  
هرکسک نظرلری اوکا توجه ایدیور ، بونظرلره هرکس اوندن اولونک نه حالد  
اولدیغنی صانکه صوریورلردی . بر آز صوکره قادیلر قالماز اولدیلر . اولو  
اونوتولش کبیدی . قوجه مان بر جزوه طولوسی قهوه پشیردیلر و اویقویه مانع  
اولسون دییه قهوه یی فضلجه قویدیلر . ساعت سکره طوغرو پواسسون ایله  
قاریسی کلدیلر . اونلرده بر قدح شراب اکرام ایتدیلر . ژروه زک سیماسنی تدقیق  
ایله مشغول اولان لانتیه صباحدن بری بکلهدیکی فرصتی یاقه لار کی اولمشدی .  
برأوک ایچنده اولو وارکن او صاحبک کلوب کیرا ایستهمسی چوق چیرکین  
برحرکت اولدیغندن بحث آچه رق :

— بو حریف جزویتک بریدر ، دیدی . معافییه بن سزک یرک زده اولسه یدم

دکاتی صوراته فیرلاتیردم .

اساساً یورغونلقدن تاب وتوانی قالماش اولان ژروه زک بوتوک وجودی

پلته کی یوموشامش ، اعصابی برباد اولمشدی . جواب ویردی :

حقکز وار ، حکومت مأمورلرینک کلوبده بی قاپو طیشاری ایتهلرینه میدان



براقایه جنم . آرتق تحملم قالمادی ...

ژروه زك دكانسز قاله جغنه قلباً پك سـوین لوریولر اونك بو قرارینی صوك  
درجه تصویب ایتدیلر . بر دكان اداره سی نه دیمك اولدیغنی کیمسه بیلیمور .  
واقعا باشقه برینك دكاننده چالیشمغه کیتسه کونده اوچ فرانقدن فضله قازانه مازدی .  
آنجق او وقت مصرفی ده اولمایه جقدی . بویوك بر پاره غائب ایتمه سی احتمالی ده  
اورته دن قاله جقدی . بومطالعہ یی ژروه زدن صو کره قوبویه ده سویله دیلر وبهمه حال  
دكانی براقاسی ایچون اصرار ایتدیلر . قوپو متصل ایچدیکی ایچون قلبی یوموشامشدی ،  
برطرفدن ده متمادی آغلایور ، کوزیاشلری طباغتك ایچنه آقیوردی . ژروه ز  
یوموشار کی اولمشدی . لانتیه بونی کورونجه کوز اوجیله پواسسور وقاریسنه  
اشارت ایتدی . ویرژینی بونك اوزرینه نازکانه بر ادا ایله سوزه قاریشدی :

— اکر ارزو ایدرسه کز بوخصوصی آ کلاشه بیلیرز . قونطورا بونك متباقی  
قسمنی اوستمه آلیر تداخلده قالان آیلقلر ایچون ده اوصاحبیله اویوشورم . هر حالده  
سز بصورتله دها چوق راحت ایده جکسکیز .

ژروه ز بر رعشه یه طوتولمشجه سنه سیلاکینه رک :

— خایر ایسته مم ؛ دیدی ، تکلیف کزه تشکر ایدرم . او صاحبنه بورجلی  
اولدیم ایکی آیلغی تدارك ایتمه نك یولنی بیلیرم . خایر خایر چالیشه جنم . الله چوق  
شکر ، هنوز قوللرمده قوت وار ...

اورالق اولونك یاننه کیتمش اولان مادام لوران خفیف بر فریاد قوپاردی .  
تا دینه فدریانان موم سونمشدی . مادام لوران بونی کورونجه فنا حالده قورقشدی .  
هپ بردن قوشوشه رق یکی بر موم یاقدیلر . بر اولونك یانی باشنده یانان مومك  
سونمی ایی علامت دکلدی . صباحه انتظاراً بکله مکه اوطوردیلر . قوپو اویومق  
مقصدیله دکل ، فقط دوشونمك آرزوسیه اوزاندی . حالبوکه ش دقیقه صو کره  
خورلامغه باشلامشدی . نانایی قاپوجی بوشك اوطه سنده اویومغه کوندرمك ایسته دکلری  
زمان چوجوق بر آغلامه طوتدیردی . صباحدن بری عقلی فیکری هپ لانتیه نك  
صیجاق یاتاغنه کیروب اویومقده ایدی . پواسسونله قاریسی کیجه یاریسنه قدر  
اوطوردیلر . قهوه قادینلرینك سیکیرینه طوقوندیغنی ایچون شراب ایچمکه باشلادیلر .  
محاوره طاتلی زمینلر اوزرنده دوران ایدیوردی . ویرژینی قیرحیاتی آ کلاتیوردی .  
او اولوده بواورمانك گوشه سنه دفن اولونمی آرزو ایدیوردی . هزارینك اوستنده



هپ قير چيچكاري بولونملى ايدى. مادام لوران كفنلاكنى شيمىدىن تدارك ايدوب  
طولابنه قويدىغنى سويلەدى. ايكيدە بروبونى لوانطە چيچكياە تعطير ايدردى. كندىسى  
طوپراغك آتتە كومىدكاري وقت برونى كوزل برقوقو قوقلاملى ايدى .

تام بو اشاده پوواسسون بحى ده كيشديرەرك اوصباح قصاب دكانندن ات  
چالمق ايستەين برقيرى ناصل توقيف ايتدىكى آ كلاتمغە قويولدى. پوايس قوميسرينك  
او كندە اونى صوبدىلرى زمان وجودينك اوك و آرقە طرفلرنده اون دانه طوموز  
صوجوغى بولمىلردى . مادام لوريو بو حكايدەن يك ايكردەندى و اوصوحوقلرى ،  
ممكەن دكل ، آغزىنە قويەمايە جفنى سويلەدى . هپ بردن كولوشدىلر . فضلە قاچىرمامغە  
دقت ايتمكلە برابر جماعتە بر شطارت كلىشىدى .

شراب يىتمك اوزرە ايدى . بر آرهلق اولنك ياتدىنى اوطەدن تخف بر كورولتو ،  
بر صويك آقسى قىيلىندن برسس ايشيدلدى . هر كس باشنى قلديرەرق بر برىنە باقدى .  
لانتىە سكونتە اىضاح ايتدى :

— صراق ايدىلەجك برشى دكل ، ديدى ، اولونك ايچى بوشاليور...

بوايضاحات قناعت بخش كورونمىشى . قدخبرى ماصەنك اوستنە برايدىلر .  
نهایت پوواسسون عائلهسى چيقدى كيتدى . لانتىەدە اونلرە برابر چيقدى .  
شايد قادينلر بر آرهلق استراحت ايتك ايستەرلرسە ياتاغنى اونلرە براقق ايچون  
كندىسى كيجهى بر دوستك يانندە كچيرمكە كيدەجكنى سويلەدى . لوريو تك باشنە  
اوطەسنە چيقدى . اولەندىكى كوندن برى ايلك دفعە اولەرق يالكز ياتيوردى .  
دكاندە ژرودز ، ايكي همشيرە ، برده قوپو قالمىلردى . قوپو اويويوردى . اوچ  
قادىن صوبانك اطرافنە اوطوردىلر ، قهوهى صوغوماق ايچون آتشك اوستنە  
قويدىلر . صوبانك قارشىسندە اويوشوق ، ايكي قات ، آلارى اوكلارينك ايچندە ،  
برونلرى آتشە صوقولمىش اولەرق آلچاق سسلە قونوشمغە باشلايدىلر . هر طرف  
سكون ايچندە ايدى . مادام لوريو صيرلاتيوردى : آرقەسنە كيەجك سياه اثوابى  
يوقدى . وقت و حاللرى يك طار اولدىنى ايچون صاتين آلمق ممكەن دكلدى . بونك  
اوزرىنە ژرودزە توجيە خطاب ايدەرك كنديسنك اسم كونندە مادام قوپويه ويريلن  
سياء اثواب نە اولدىغنى صوردى . ژرودز اثوابى آرامغە كيتدى . بلنى بر پارچە  
قيصالتەرق بواثوابى يك اعلا كيەبيلردى .

آنچق مادام لوريو اختياردن قالان اسكى چاشيرلرى دەايستەيور ، اونك يتاغى ،  
دولابى ، ايكي اسكملەسى ، خلاصە ميراثە داخل اولەجق دها نە وارسە هپسى آرهلرنده



پایلا شامسنى سويله يوردى . از قالدی بويوزدن آرده بر طارغينلق باش کوستره جکدى .  
شکر که مادام لوران امداده يتيشدى ده او بوشدیلر . مادام لوران دها منصفانه  
دوشون يوردى : مادام که اختيار قادينى اولونجه يه قدر بسله ديلردرت بچق پارچه خيرتى پرتى ده  
اونلرک اوللى ایدی . اختلاف بوضورتله حل ايدلدکدن صوکره اوچ قادين تکرار  
اوجاغک اطرافنده عینی محی طوتدیر هرق تظلم حاله باشلادیلر . ساعتلر بردرله کچمیور ،  
کیجه بیتمک توکنمک بيلمیوردی . آرهلده بر کره او بوشقلانلرینی ازاله ایچون  
سیلککنیورلر ، برر فنجان قهوه ایچیورلر ، بعضاً باشلرینی اوزاته رق اولونک یاتدینی  
اوطه یه باقیورلردی . جنازه نك باشی اوجنده یانان مومدن قیرصری وقسوتلی برضیا  
انتشار ایدیوردی . صوبا آغزینه قدر طولو اولقله برابر صباحه طوغری ینه  
تتره مکه باشلامشردی . دیللری قورومش ، کوزلرینه بر خسته حالى گلش ، متصل  
قونوشمقدن تاب وتوانلری کسيلمش ، الم واضطراب ایچنده ایدیلر . نهایت مادام  
لوران طیانه مادی ، لانتیه نك یاتاغنه کیره رک برارکک کی خورولدامغه باشلادی .  
مادام لوریو ایله ژروهز ، باشلری دیزلری حنا سینه قدر اوکلرینه دوشمش ، آتشک  
قارشیدینده اویویورلردی . صباحه یاقین خفیف بر تتره مه ایله اویاندیلر . اولونک  
موی ینه سونمشدی . قارا کلفده اولونک اوطه سندن ینه اورچایک آقسنه بکره یین  
برشی ایشیدلدى . مادام لوریو اولونک ایچی بوشالمفده اولدیغی بوکسک سسله  
سویله یه رک هم اوته کیلری ، هم ده کندیسنى مراقدن قورتاردی . اولونک باشی  
اوجنده یکی برموم یاقارکن :

— ایچی بوشالیور ، برشی دکل .

دیپوردی . جنازه آلایى ساعت اون بچقده اوله جقدی . برکون برکیجه ، صوکره ده  
بر صباح هپ بو اولو ایله کچمشدی . ژروهز ، جبینده بش پاره اولماقله برابر ، اگر  
بریسى چیقوب ده کندیسنى اوچ ساعت اول بوجنازه دن قورتارسه یدی یوز فرانق  
ویر مکه حاضر دی . بر انسان صاغلغنده نه قدر سه ویلر سه سه ویلسون اولدکدن صوکره  
آغیر بر یوک اولیور والسلام ! حتی انسان ، سودکلرینک اولوسنى بر آن اول باشندن  
صاومق ایستیور تحف دکلې ؟ مع مافیه جنازه مراسمی آزچوق اکلنجه لی برشیدرده  
انسان بونکله بر پارچه اویالانیور . اولوی قالدیرنجه یه قدر برچوف حاضرقلر یایلمق  
لازم ، بونلر انسانی مشغول ایدیور . نته کیم بوراده اویله اولدی . ایلك اوکجه قهوه  
آلتی ایدلدى . دیرکن بنانک آلتنجی قاتنده کی اوطه دن مزارجی بابا بازوغ تابوت و بر  
چوال کپک کتیردی . بو آد مجفزک سرخوشلقدن هیچ آییلدینی یوقدی . اوکون



صباحك ساعت سگزنده، برکيجه اواکی ایچکینک تأثیری حالا اوزرنده ایدی .  
دکانه کیرنججه تابوتی یره براقدی . یکی تحتەنک دوشمهیه چارپسندن قوری  
مرسس چقمشیدی :

— ایشته کلدک ، دیدی ، اولو بوراده ، دکلکی ؟

آنجق سوزینی اکمال ایدوبده باشنی قالدیردینی زمان قارشیسندن ژروهزی  
کورونجه حیرتدن آغزی آچیق قالدی .

— عفو ایدرسکز یا کلیش کلشم . بکا بوراسی ایچون دیمشلردی ده ...

کپک چوالنی آلدی ، جیقمغه حاضرلانیوردی . ژروهز حایقیردی :

— یا کلیش دکل ، اولو بوراده ...

اختیار مزارجی ، آلله قالچه سنه اورهرق :

— شیمدی آکلایورم ، دیدی ، اختیار کیتدی دکلکی ؟

ژروهز بى بیاض کسیلدی . چونکه مزارجی بابا بازوغ ، اولن ژروهز ظن  
ایده رک تابوتی اوکا کورء کتیرمشدی بابا بازوغ قیردینی پوطک فرقنه وارهرق تصحیحه  
قالفیشدی . ونزاکت طاسلایه رق :

— دون آقشام ، دیدی ، برأولودن بحث ایدیورلردی . اولو سزک اوده  
ایمش ، نه بیلیم بزده ظن ایتدم که ... طوغروسنى ایستهرسه کز اولن کیمدردییه  
صورمادم . معلوم آ ، بزم صنعت بویله در ایشیتدکلرمن بر قولاغمزدن کیرر ،  
اوتەکی قولاغمزدن چیقار . واقعا حیات او قدر سهویله جک برشی دکلسه ده الله ینه  
کچندن ویرسون ...

ژروهز بوسوزلری قورقو ایچنده دیکلایور ، صانکه مزارجی اونى کیرلی لارمله  
طوتوب زورله تابوته صوقه جقمش وهمنه قایله رق کری کری چکیلیوردی . وقتيله  
برضیافت کیچه سندن مزارجینک اوکا سویله دیکی سوزلر حالا قولاغنده ایدی .  
مزارجی اويله قادینلر طانیرمش که برآن اول آله دوشمکی جابه منت بیلیرلرمش ...  
خایر ، ژروهز بوقادینلردن دکلدی . اولومی دوشوندکجه بل کمیکی دوشویوردی .  
واقعا اونک حیاتنده ده ذوق قالمشدی ، آنجق بوقدر ایرکن اولمکی ده هیچ  
ایسته مزدی . اولومک برثانیه لاک عذابنی کورمکدن ایسه آچلق ایچنده سنه لرجه مدت  
سورونمکی ترجیح ایدردی .

قلبنه قورقو و استکراه ایله قاریشیق بر حسن چوکمشدی . میریلدانیرکی  
مرسسله :



— حریف حالاسرخوش، دیدی، باری حکومت بویله سرخوشلرك مزارجیلق باپلرینه مساعدده ایتمسه ... آووج طولوسی پاره ویریورز .

بونى ایشیدن مزارجی نزا کتی براقه رق خشین برطور آلدی :

— نه نه یاهلم، باشقه وقت صیره سزه کلنجه امر کزه حاضرم آکلادی کز می؟  
بر اشارت کزه باقار، هان کلیر، قادینلرك اضطرابی نیم صنعتده تسلی بولور بونى ای  
بیل ... بنسندن بیک قات شیق قادینلری آلوب کوتوردم که بیلسه ک شاتیریرسک.  
بونلرك هیچ بری بندن شکایتجی دکلدلرلر شیمدی، هپسی قارا کلک چوقورلرنده  
راحت راحت اویویورلر. بونى بیلده او یله بکا حقارت کوزیله باقا! ...

بوغوغانك اوستنه کان مادام لوریو مزارجینك صوك سوزلرینی ایشیتمشدی :

— بابا بازوغ صوصه جقمیسک؟ بونلر هیچ ده خوشه کیدر لطیفه لر دکل ...  
شیمدی کیدر شکایت ایدر، سنی ایشکدن چیقاریرز ها! برأولو اوندی رعایت  
ایدیله جک بعض پرنسیپلر واردر، مادام که بو پرنسیپلر رعایت ایتمیورسک، هایدی  
چیق کیت !

مزارجی چیقدی کیتدی، قالدیریمده اوزا قلا شیرکن میریلدانان برسسه :

— پرنسیپ؟ پرنسیپ دیدیکک ده نه اولیور؟ بن پرنسیپ فلان بیلیم،  
بن تاموسی بیلیم .

دیئوردی. ساعت اونه کلدیکی حالدی جنازه آرابه سی کورونمه مشدی. حالبوکه  
دکانك ایچی دوستلر، قومشولرله طولمشدی. موسیو مادیینه، مه بوط، مادام  
غودرون، مادمازل رومانزو هپ کلشلردی. ایکیده بر قاپونك آره لخنندن برارکک  
یاخود بر قادین باشی آرابه نك کلوب کله دیکنه باقیوردی. عائله افرادی ایچریکی  
اوطه ده طویلانمشلر، حدتله یومروقلرینی صیقیورلردی. آره صیرا اورته لغه برسکون  
کلیور، بوسکونی بعضاً سریع فصیلتیلر اخلاص ایدیئوردی .

هرکسده جمالی وصیقیندیلی بر انتظار حالی واردی. بو انتظار ایچنده اوتیه  
بری یه کیدوب کلنلرك اثواب خشیرتیلری ایشیدیلیور، یا مادام لوریو اوطه سنده  
اونوتدیغی مندیغی آلمغه چیقیور، یاخود مادام لوریو عاریت بردعا کتابی بولمق  
ایچون قومشویه کیدیئوردی. هرکیرهن اوطه نك تا اورته سنده، قاپاغی آچیق  
براقیله رق قاریوله اوکنه طیاتیلیمش تابوتی کوریئوردی. هرکلن کوز اوجیله تابوته  
باقه رق اختیار مادام قوپونك شیشمان باجاقلری بونك ایچنه صیغه مایه جغنی دوشونیئوردی.  
هرکسک بربریه تعاظمی ایتدکاری نظرلرده بودوشونجه نك ساکت افاده سی اوقونیئوردی.



بر آرهلق قاپونك اوكنده بر حركت اولدى . موسيىو ماديئيه ، قولاريله بر اشارت ياهررق ، جدى برادا ايله :

— كليورلر !

ديدى . بوكان جنازه آرابهسى دكل ، بربرى آردنجه ايچرى كيره ن دوت . مزارجى ايدى . دردينكده يوزى قىپ قيرمى ، آلارى صنعتلرى ايجابى طوكوق ، تابوتلره سورونمكدن آشينوپ آغاران سياه اثوابلرى پيس پيس قوقيوردى . اك اوكدە بابا بازوغ ، صوك درجه سرخوش ، فقط صوك درجه رابطله يورييوردى . بو آدم نه قدر اچمش اولورسه اولسون ايش باشنده متانتنى محافظه ايدردى . باشلرينى اوكلرينه اكشله ، هيچ برشى سويله ميورلر ، اولويه عطف ايتدكلرى نظرلره اونك آغيرلغنى ذهناً طارتيورلردى ، چوق سورمه دن زواللى اختياري . كفنله ديلىر . مزارجيلرك اك كنجى شاشى بر آدم كچك چوالنى تابوته بوشالتدى وفرونجيلر اكك ياقى اچون اونى ناصل ياهررق يوغورورلرسه اوده كچكى اويله جه تابوتك ايچنه سرپشديردى . ديكر مزارجى ، اوزون بويلى ، ضعيف ، مستهزى يوزلى بريسى ، اولونك اوستنه كفى اورتدى . صوكره ايكيى باش ، ايكيى آياق طرفندن طوتديلر . بر آشجى كوزلهمه يى طاوه اوستندن بوندن دها سرعتله چويره مزردى . اطرافدن باقانلر ظن ايتديلر كه اولو كندى كندينه برصيچرايشده تابوتك ايچنه كيرويورمشدى . صانكه يوواسنه كيروب يرلشمش كي تابوت اوكا اوقدر طاس تمام كلشدى كه نعلش تحتيه تماسى بيله ايشيدلمشدى .

كويا چرچيوهسى اينجه قولش برتابلو ايدى . بوكا هر كس شاشدى . محقق ، اولو دون كيجه دن برى اوفالمشدى ، يوقسه قابل دكل بو تابوته كي ره مزردى .

مزارجيلر ايشلرينى بتيرهرك آياغه قانديلر ، بكليورلردى . شاشى باقيدىلى مزارجى تابوتك قاپاغنى قاپامه دن اول عائله افرادىنى صوك دعالرينى ياقغه دعوت ايتدى ، بابا بازوغ جبينه لزومى قدر چيوى يرلشديرهرك چكيچى انه آلدى . بونك اوزرينه قوپو ، ايكي همشيرهسى ، ژروهر ، صوكره بوتون حاضر اولانلر ديز چوكهرك كنديلرينى ادياً ترهك ايدجك اولان اولونى برر دفعه اوپديلر . هپسنك كوزلرندن ياش دو كولش ايدى ، صيجاق ياشلر اولونك بوزكي صوغوق وكه ريلش يوزينه آقيوردى . متمادى هيچتريقلره آغلاشيورلردى . نهايت تابوتك قاپاغى اورتولدى ، بابا بازوغ ايكي ضربه ده ديبنه قدر بوتون چيوى يي يرلشديره ن برمه ارتله



قپاغی کوزلجه میخلادی . آرتق آغلاملر کسيلمش ، هرشی تمام اولمشدی . جنازه قالدی . آرابه قاپو اوکنده طوریوردی .

محلایه بر جنازه آرابه سی کلسی اورتیانی آلت اوست ایتشدی . اشکینه جی قالدین بقالک چراقلرینه سسله نیور ، ساعتجی قالدیریمک اوستنه قدر کلس سیر ایدیور ، قومشولر پنجره لردن صارقیوردی ، هرکس جنازه آرابه سنک بیاض پاموقدن صاحلرینی اشارت ایدهرک بوندن بحث ایدیوردی . بویله سوسلی جنازه آرابه سی کتیره جکلرینه قوپو ایله قاریسی بورجلری ویرسه لردها ایی اولوردی ، فقط انسان اولر کبی کبرلی اولورسه عظمت صائمقدن وازکجه من ، لوریولرک بو خصوصده حقلمی وار .

حالبوکه دیگر دارفدن ژرووز ، مادام لوریو ایله قوجه سندن بحث ایدهرک : — نه عیب شی ، دییوردی ، آنه لرینک جنازه سنه بر دمت منکشه بیله کتیرمدیلر .

فی الحقیقه لوریو ایله قاریسی آلی بوش کلشردی . مادام لوران صنی چیچکدن معمول بر چلنک کتیرمشدی . تابوتک اوستنه بو چیچکلرله برابر قره باش اوتوردن بر چلنک ، برده قوپو ایله ژرووزک چارشودن صاتین آلدقلمی بر دمت چیچک قونولدی ، ضارجلر تابوتی یرندن قالدیروب آرابه یه قویق ایچون خیلی قوت صرفنه مجبور اولمشلردی . جنازه آلاینک ترتیبی اولدجه اوزون سوردی . قوپو ایله لوریو آرقه لرینه بر رره دینغوت کیمش ، شایقه لرینی آلارینه آلمش ، جنازه بی سوق ایدیورلردی . قوپو او صباح ایچدیکی ایکی قدح بیاض شرابک ویردیکی کوشکلاکله انشته سنک قولنه کیرمش ، باجاقلمی تتره تهرک ، صاحلرینک دیی صیرلایه رق یوریوردی . بونلرک آرقه سندن ارککار ، جدی سیاسیله وسیم سیاه البسه سیله موسیومادییه ، بلوزینک اوستنه بر پالطو کیمش اولدینی حالده مه بوط ، صاری پانطولونک بر طرفی پاطلامش اولان قاپوجی بوش ، لانتیه ، غودرون ، بیی لاغرییاد ، پوواسسون ودها باشقه لری کلورلردی . دها آرقه دن قالدینلر ، اولونک سیاه البسه سنی کیمش اولدینی حالده مادام لورییه علی العجله تدارک ایدلمش بر ماتم اثوابنک اوستنه آتدینی آتقیسیله مادام لوران ، دها صوکره ویرژینی مادام غودرون ، مادام فوقونییه ، مادمازل رومانژو یوریورلردی . جنازه آرابه سی ، یوله خاچ چیقارانیلرک واولوی شایقه لرله سلام لایانلرک آراسندن غون جاده سنی آغیر آغیر قطع ایتکه باشلا نجه ضارجلر ، ایکیسی صاغدن ایکیسی صولدن یوروک اوزره آرابه نک اوک طرفنه کچدیلر . دکانی قاپامق ایچون آرقه ده قالمش اولان ژرووز نانایی مادام بوشه امانت ایدهرک قوشه قوشه قافله یه یتشدی .



جنازه آلائی بویله ایلرله رکن قاپوجی قادینک یاننده قالان نانا . بیوک آنه سنک  
 بوسوسلی آرابه ایچنده اوزاقلاشوب کیتدیکنی مراقلی نظرلرله سیر ایدیوردی .  
 ژروه ز صولوق صولوغه آلایه یتشدیکی صیره ده ایدی که غورده کلوب التحاق  
 ایتشدی . غورده کلر کلز همان ارک کلرک آره سنه کیردی ، فقط بر آرز صوکره  
 آرقه سنه دونه رک ژروه زی خفیف بر اش ارتیه سلاملادی . بوسلامده اویله بر  
 حلاوت واردی که ژروه ز تا بوره کنک ایچنده بر کدر طوبه رق کوزلری یاشاردی .  
 او ، ساده اولن قادینه آغلامیوردی . اونک فلبنده اویله فجیع بر کدر واردی که  
 اعتراف ایده میوردی . ایشه ژروه ز نفسی طیقایان بو کدره آغلیوردی . بوله  
 کیدرکن مندلینی هیچ کوزلرندن آیرمادی . مادام لوریونک کوزنده بر قطره  
 یاش یوقدی ، یانقلری آل آل ایدی . آره لنده بر کره کوز اوجیهله ژروه زه  
 باقیور ، اونی کوسترمش یاققله اتهم ایدیوردی .

کلیساده کی مراسم چوق سورمه دی . یالکز پاپاس پک اختیار اولدینی ایچون  
 دعا بر مقدار اوزادی . مه بوطه بیی لاغری یادپاره و بره مک ایچون کلیسانک طیشنده  
 طورمنی ترجیح ایتشلردی . موسیو مادینه بوتون آیین مدتیجه پاپاسلری تدقیق  
 ایتدی . بو تدقیقاتدن حیقاردینی نتیجه یی لاتییه آ کلاتیوردی . بو ساخته کار  
 حربلر اوقودلری لاتینجه دعانک معناسندن خبردار دکلدرلر . اولره کوره بر  
 اولوی دفن ایتکلر بر چوجوغی وافتیز ایتک ، یاخود بر نکاح قییم آره سننده  
 هیچ فرق یوقدر . کوردکاری ایش ایلر قلیباً هیچ علاقه دار اولمازلر . موسیو  
 مادینه بو مراسمک ، بو یانان موملرک ، بو کدرلی سسلرک ، اولو صاحبزاده  
 قارشى یاپیلان بوتون بو شیلرک صوک درجه علپنده در . بر اولوسی اولان اولومک  
 آجیسنی بر دفعه اوندی ، بر دفعه ده کلیساده طویور . بوتون ارککلر اوکا حق  
 ویردیلر . فی الحقیقه آیین روحانی بیتوبده هرکس دعایه باشلانجه ، اوندن صوکره  
 برر برر تابوتک اوکنندن کچهرک اونک اوستنه ماء مقدس سرپمک لازم کلنجه هر  
 کس بونک نه قدر الم برشی اولدیغنی آ کلاتیوردی . چوق شکرکه مزارلق اوزاقده  
 دکلدی . مارقارده جاده سنه باقان اوفاجق بر باغچه نک ایچنده ایدی . قافله مزارلغه  
 کلنجه دمیکی انتظامی غائب ایتشدی . هرکس آیاقلریله یره اوریور ، بر جنازه  
 آلاینه کلدکارینی اونوته رق کندی ایشلرینی قونوشیوردی . تابوتی مزارک کنارینه  
 قویدیلر . مزارک ایچی بر طاش اوجاغی کی صولغون رنگلی ، عادتاً بوزطوتمشدی .  
 مولوز ییغینلرینک اطرافنه دیزیلن بو خلق مزارک چوقورینی سیر ایتمکدن جانلری



صیقیلماقله برابر بو صوغوقده طوروب بکله مکی غریب بولما یورلردی . بر مدت صوکره جوارده کی کوچوجک بر اودن رسمی قیافتیله بر پاپاس چیقدی . اوده صوغوقدن تیتره یور ، آغزندن دعا عبارده لریله برابر دومان چیقیوردی . صوک خاچ چیقارمسی متعاقب طورمه دن چکیلدی کیتدی . هزارجی قازمه یی آله آلدی . آنجق طوپراق طوکمش اولدینی ایچون اوردینی هر قازمه ضربه سی قوجه مان بر پارچه قوپاریور ، چوقورک ایچندن بو ضربه لک سسی تحف بر موسیقی حالنده عکس ایدیور ، قوپان طوپراق پارچه لری یاغمور کی نابوتک اوستنه دوشه رک صانکه بوتون اورمان بر بومباردمان آلتنده اریور مشجه سنه بر کورولتو یاپیوردی . انسان نه قدر خودبین اولورسه اولسون بو قازمه ضربه لرینک موسیقیسی مطلقا یوره کنی پارچالیور . ینه کوز یاشلری باشلادی ، جماعت اغیلدی ، هزارلقدن طیشاری چیقدی . حالا طوپراغی پارچالایان اوقازمه نک سسی ایشیدیلیوردی . مه بوط صوغوقدن پارمقلرینک اوجنه اوفله یه رک شو مطالعه ده بولوندی :

— اما صوغوق ها ! زوالی مادام قوپو هیچ ده صیجاق بریره کیتمه دی . بر آره لق قوپو ، عائله افرادینه رفاقت اتمش اولان دوستره خطاب ایدهرک :  
— ماداملر ، آرقداشلر ، دیدی ، مساعده ایدرسه کز سزه برشی اکرام ایدهم . وکندیسی اوک آیاق اوله رق مارقاده سوقاغنده کی ایلك میخانه یه کیردیلر .  
قالدیریم اوستنده قالمش اولان ژروهمز بر باش اشارتیله کندیسی سلاملادقدن صوکره اوزافلاشمق ایسته یین غوژه یه سسله ندی . صانکه برقدح شراب ایچمکدن نه چیقار ؟ آنجق غوژه نک عجله ایشی واردی ، ایسته کیتمک مجبوریتنده ایدی . بونک اوزرینه بر مدت هیچ برشی سویله مکسزین باقیشدیلر .

ژروهمز :

— بوصباح سزدن آلتمش فرانق بورج ایسته مک مجبوریتنده قالدیم . بوندن طولایی عفو کزی رجا ایدهرم . دلی کی ایدم ، نه یاپه جغمی بیله میوردم . خاطرمه سز کلدیکز .

— برشی دکل ... هر نه زمان باشکز صیقیشیرسه دائما خدمتکزه حاضرم . یالکز والده مه برشی آچایکز ، او بوسبوتون باشقه یوله دوشون برقادیندر ، اوندن صوکره کوکلی قیریلدینی ایسته مم .

ژروهمز کوزینی اونک یوزندن آیره میوردی . غوژه اوفدر ایی قلبلی ، اوقدر مکدر کورونیوردی که آزالدی ژروهمز اونک برزمانلر یامش اولدینی تکلیفی قبول ایدهرک ، برلکده بختیار اولق ایچون اونی آلوب باشقه مملکتلره کیتمه راضی



اوله جقدی. دیرکن عقلندن فنا بر فکر کجی: اوصاحبنه بورجلی اولدینی ایکی آیلنی  
نه بهاسنه اولورسه اولسون غورهدن استقراض ایتک! تتره یوردی. نوازشکار بر  
سسله صورتی:

— آره مزده طارغینلق فلان یوق یا؟

غورّه باشنی صالایه رق جواب ویردی:

--- خایر، یوق، بز هیج بروقت بربر مزه طارلایز. یالکیز آره مزده هیج  
برمناسبت قالمادی او قدر...

ژروه زی، اولدینی یرده شاشقین شاشقین براقه رق، ایری آدیملره اوزاقلاشدی  
کیتدی. غورهنک صوک سوزلری ژروه زک قولاقلارنده بر چاک کورولتوسی یاپه رق  
اوغولدیوردی.

میخانه یه کیررکن ایچندن بر سسس شو سوزلری تکرار ایدیوردی:

« آره مزده هیج بر مناسبت قالمادی اویله ی؛ اکر بویله ایسه آرتق بنماچون  
یاپه جق برشی ده قالماشدر... بر اسکمله اوستنه اوطوردی، آغزیننه برلقمه پینیر  
اکمک آتدی. اوکنده بولدیقی بر قدح شرابی ایچدی.

بوراسی بر بنانک زمین قاتنده، آچاق طاوانلی بر میخانه ایدی. اورته ده  
ایکی بویوک ماصه طورییوردی. ماصه اوستنده برر لیتره لق شراب قدحلری،  
دیلم دیلم کسيلمش اکمکار، یان یانه قونولش اوچ طباق ایچنده پینیرلر واردی.  
ماصه ده اورتو، طباق یوقدی، هرکس بواکمک پینیری آل ایله ییوردی. دها  
اوتده، ایچنده قوتلی بر آتش یانان صوبانک یاننده، درت مزارجی قهوه آملری  
ییمکله مشغول ایدیلر.

موسیو مادییه تسلی مقامنده:

— هرکیدن نوبتنی صاوار، دیدی، هم دوغروسی ایستهرسه کز اختیارلر  
کیتیلی که کنجلره یر قالسون. شیمدی اوه دوندیکیکز زمان بر بوشلق حس  
ایده جکسکز.

مادام لوریو سرت برسسله:

— قارده شم هرشیته یول ویریور... ذاتاً او بردکان دکل، عادتاً بریقیم...  
دیدی، هرطرفدن قوپوی، دکانک قونطوراتوسنی باشقه سنه دور ایتکه سوق  
ایدیورلردی. بر مدتدن بری ویرژینی ولانتیه ایله آره سی پک ایشلمش وایکیسی  
آره سنده کی مناسباتی سزه رک غیدیقلاغمه باشلامش اولان مادام لوران بیله قورقونج  
وضعیتلرله افلاسدن حبسدن بحث ایدوب طورییوردی.



قوپۇ بردن حدتله ندى. اساساً شراب باشنه اوردىنى ايچون رقت قلبى ناكهان  
غضبە انقلاب ايتىشدى. قارىسنىڭ يوزىنە طوغرو حايقىرەرق بوسوزلىرى سويلەدى:  
--- بكا باق، بى دىكلەملىسك آ كلادكى؟ سىن ھې كىندى دوشوندىكەنە كورد  
كىدرسك اما بوسفرىم دىدىكم اولەجق، باق خبرك اولسون!  
لانتىه:

--- طاتلى سوزلرله اونی يولە كىتىرمك مەكەن دكل كە... طوقاقلە اورملى كە قفاسنە  
كىرسون دىدى. ايكىسى برلكدە ژروەزك اوستنە دوشىدىلر. مع مافىە برطرفدن دە  
آغزلىرنە آتدقلىرى لقمەلرلە چكەلرى ایشلەيۇب طورىيوردى. پىنير دىللىرى بىتيور،  
شراب صو كى آقوب كىدىيوردى. ژروەز ايكى ار ككك قوۋ اقناعىيەسى آلتىندە  
ياواش ياواش يوموشامغە باشلامشدى. اونك دە آغزى طولو ايدى. صانكە قارنى  
صوك درجە آجىقمشجە سنە عجلە عجلە ييوردى. بركلە بىلە سويلەميوردى. نھايت  
ار ككك آ كلاتمقەن يورولنجە ژروەز خفیفجە باشنى قالدیرەرق.

--- آرتنى آلويرىر، دىدى، جەنمك دىنە كىتسون دكان... آرتق اونی دە  
اىستەميورم. ذاتاً ھەشى پىتمەشدر، آ كلاپورمىسكەز ھەشى پىتمەشدر!

بونك اوزرىنە تىكرار اكك پىنير كىتىرتدىلر و جدى قونوشمغە باشلادىلر.  
پوواسسون ایلە قارىسى قونطوراتويى اوزرلىرنە آلەجقلىر، تداخلە قالان ايكى آلاق  
كىرايى اوصاحبىلە حل ایدەجكاردى. قاپۇجى بوش كىندىسنە اھمىت وىریرچە سنە برطور  
طافىنەرق او صاحى نامنە بو ایشك حانى درعھدە ایتدى. حتى ھان اوراجقەدە  
قوپو ایلە قارىسنە آلتىنجى قاتدە، لورىيولرك بولوندىنى قوریدورك اوزرنەكى اوطەيى  
كىرالاىيويردى. لانتىيە كەنجە؟ اكر پوواسسون وقارىسنى راحتسىز ایتەيەجكەنى  
بىلسە او، شىمدىكى اوطەسەندە قالغى پك آرزو ایدردى. پوواسسون بوندن  
كندىلرەنە ھىچ بر راحتىمزلق كەيەجكەنى آ كلاتق ايچون ا كىلدى، افكار  
سیاسیەلری بر برندن نە قدر آیری اولورسە اولسون ايكى دوستك آ كلاشامسى  
قابل دكلدر. لانتىيە بوسورتلە ایشنى بجد كدن صوكرە آرتق مباحثەيە قارىشمادى،  
طباغك اىچندە قوجامان بر دىلیم اككەلە بر پىنير پارچەسى آلەرق يوتدى. يوزى  
قىپ قىزغىزى ايدى، آغزىندەكى لقمەنى دىندارانە بر اشتا ایلە چكىنە يەرك مەدە سنە  
پووارليوردى. ممنونیتندن اىچى اىچنە صیغمايور، آرەلقەدە بر كره كوز اوجیلە  
كە، ژروەزە، كاه وىرژىنىيە باقىوردى.



بر آرەلق قوپو ، بابا بازوغە سىسلا نەرك :

— ھى بابا بازوغ ديدى ، بر قدح شراب دە سز ايچمزميسىكز ؟  
كلك جانم ، كلك ، بىز كېرلى انسا ئىز دكلز ، ، بىزدە سىزك كې ايشىجى  
طاقندە نىز .

دەرت مىزارجى مىخانەدن چىقمق اوزرە ايكن بو دعوت اوزرىنە تىكرار  
دوندىلر . شكائىت كې اولماسون اما ، دەمن مىزارىنە كوتورولن اختيار قادين  
آدم عقللى آغىر برشىدى ، اوقدر زىچەت چىكمشلىردى كە شىمدى بر قدح شراب  
ايچمك حىقلىرى ايدى . بابا بازوغ ، آغىزىدىن مناسىبتىز بر كە چىقماغە صوك  
درجە دقت ايدەرك متصل ژروەزە باقيوردى .

ژروەزە كىنى ھىچ بىرنە دكلدى . قالقلى وارى كىكلىرى ايچكى ماسە سىندە براقەرق  
چىقلى كىتدى . قوپو باياغى باياغى سىرخوش اولمشدى . كىرىنى بىھانە ايدەرك  
متصل ايچيوردى .

ژروەزە آقشام اوستى اۋە دونجە سىسىم سىسىم بر اسكىمە اوستنە يىغىلدى  
قلدى . اوطەلر شىمدى اوکا بوم بوش و صوك درجە كىنىش كورونىوردى . حقىقە  
اۋك ايچىندن مەم برشى كىتمشدى . بوكون اوندن اكىلن شى سادەدجە مارقادە  
سوقاغىندە كى اوفاجق باغچەنك بر چوقورىنە براقىدىنى اختيار مادام قوپو دكلدى .  
عىن زماندە دھا برچوق شىلر ، حىياتىك بر پارچە سى دە اكىلمشدى . بوكون او ،  
دكانتى وبودكانلە برابر دكان صاحبەلىكى غىورىنى ، دھا برچوق حىلرىنى برلىككە  
كومىشدى . اۋت بودىوارلر كې قى دە بوشالمشدى . صانكە غىومى بر كوچ اولمش ،  
ھىشى برچوقورك ايچنە يىوارلانوب كىتمشدى . اوقدر يورغوندى كە شىمدى كىندىنى  
طوپلامغە قدرت بولەمىوردى .

ساعت اۋنە طوغرو نانابى صوياركن چوجوق تىپىنەرك آغلامغە باشلادى .  
بويوك آنە سىنك ياتاغىندە ياتىقى اىستە يوردى . ژروەزە ايلك اۋكە اۋنى قورقوتەرق  
وازكچىر مەكە چاللىشدى . فقط نانا قورقوبىلن چوجوقلردن دكلدى . اولوم قارشىسىندە  
اونك طويدىنى شى قورقو دكل ، سادەدجە برحس مىراق ايدى . اودر جە اصرار  
ايتدى كە نھايت بويوك آنە سىنك ياتىدىنى ىرە اوزانمىنە راضى اولدىلر . بو چوجوق  
دھا اوياشدە بويوك ياناقلردن خوشلانىوردى . بويوك بىر ياتاغە كىرنجە ھان اوزانىور ،  
ايچىندە يىوارلانوب طورىيوردى . بو آقشام بويوك آنە سىنك ياتاغىندە ، پاموق شىلتەلر  
حرارت نواز شكارى ايچىندە راحتجە ، سىسىم سىسىم اويوردى .



قوپو عائله سنك كيرالادىنى مسكن آلتىجى قاتده B مردىونى طرفنده ايدى .  
 مادمازل رومانرونك اوطوردىنى آپارتاندىن كچىلنجه سولدهكى قوريدوره صاپىلر .  
 اوندن صوكره تكرر دونولور . بوراده ايلك قاپو يىزار عائله سنك آپارتمان  
 قاپوسيدر . بونك همان همان قارشوسنده ، هواسز بردليك ايچنده بابا بروياتاردى .  
 بوراسى بر مردىون آلتى ايدى وبو مردىونله بنانك طامنه چىقىلىردى . بونك  
 ايكي قاپو اوتەسندە مزارجى بابا بازوغ اوطوريوردى . بابا بازوغك تام قارشو .  
 سندەكى دائيره يى قوپو ايله قارىسى كيرالامشلىردى . بودائره بر اوطه ايله آرهلق كې  
 بر يردن عبارتدى . بوندن صوكره دها ايكي دائيره ، اك صوكره ده لوريولرك  
 اوطوردقلى آپارتمان كليردى .

أوت ، قوپو ايله قارىسنك كيرالادقلى يكي اقامتسكاه طوپى طوپى بر اوطه  
 ايله بر قابىنه دن عبارتدى . اونلر شىمدى بوراده تونه يورلردى . اوطه آووج ايچى  
 قدر بر شىدى بو اوطه ده ياته جقلىر ، بو اوطه ده يك ييه جكلردى . خلاصه هر  
 شى بو اوطه ده اوله جقدى . ياننده كى قابىنه يه آنجق نانانك قارىولەسى صيغه بيلمشدى .  
 چوجوق ، صويونق ايچون بيله آنەسنك باباسنك اوطه سندن كلكه مجبور ايدى .  
 كىجه لرى هواسزلفدن بوغولماسون ديه قاپويى آچىق براقىورلردى . بودائره او  
 قدر طاردى كه ژروه ز اشيا سنى دكانده پوواسسونلره براقشدى . چونكه بوراده  
 او اشيا يى يرلشديرەجك ير يوقدى . بر قارىوله ، بر ماصه ، دوت اسكمله قوچە  
 اوطه طولويو يرمشدى . يالكز قونصولنى براقغه كوكلى راضى اوله مادىنى ايچون اوفى  
 كتيرمش ، فقط بوده پنجرەنك يارىسىن قاپلامشدى . بو سبيله پنجرەنك بر قانادى  
 ايشله مىر اولمشدى . اوطه يه ساده بر قاناددن ضيا كىريوردى . ژروه ز آره صيره  
 اولويه باقق ايسته نجه پنجره ده ديرسكنى طيايه جق ير اولمادىنى ايچون آياقلىرىنك  
 اوجنه باصهرق بوينى اوزاتمق صورتيله آشاغىنى سىرايده بىليوردى .

ايلك كونلر ژروه ز وقتى براسكمله ده اوطوره رق كچىرىردى . كنیش و راحت  
 بر اوه آلىندقدن صوكره شىمدى فيمىلدايه مایه جق قدر طار بر يرده اوكا پك  
 کران كلىوردى . اوطه نك ايچنده بوغوليور كې اوليور ، پنجره اوكنه كیده رك



دیوارله قونصول آره‌سنده کی صار مسافه‌ده ساعت‌لرجه طور ییوردی. آنجق بوسورتله نفس آله بیلیمک ممکن ایدی. اساساً بنانک اولوسنه باقدیجه ذهننه قوتلی دوشونجه‌لر هجوم ایتیکده ایدی.

بروقت‌لر و یاسنه کیرمیش اولان او بشنجی قاتده کی داثره‌نک پنجره‌سی تام قارشیسنه، بنانک کونش کورن طرفنه اصابت ایدیوردی. بو پنجره او کنده کی اسپانیافاصریه‌لری هر بهارده اولدینی کبی ایجه دالاریله براییه صاریلهرق یوکسایورلردی. کندیسنک اوطه‌سی بنانک کونش کورمه‌ین طرفنده ایدی. اونک ایچون پنجره او کنده صانصیلارده کی چیچکلر برهفته ایچنده صوایورلردی. طوغروسی حیات هیچ‌ده ای کیتیمیوردی. او بویله اوله جفنی امید ایتمه‌شدی. اختیارلغنی چیچکلر آره‌سنده کچیرمکی خیل ایدرکن عمری ایشته بو کیرلی شیلر آره‌سنده کچیوردی. برکون ینه پنجره‌دن اولوی سیر ایدرکن بوندن برچوق سینه‌لر اول، بویوک قاپو آلتندن ایلمک دفعه اوله‌رق بنایی تدقیق ایتدیکی زمانی خاطرلادی و کندیخی اووقتکی حالیه کورور کبی اولدی. آره‌دن اون اوچ سنه کچم‌شدی، بو اون اوچ سنه‌لک خیالیله‌فلبنک برجه‌ده طاشدیغنی طویدی. اون اوچ سنه! اولو اسکی اولو ایدی، جبهه‌لر برپارچه ده‌ا قارارمیش، صیوالری برآز ده‌ا دوکولم‌شدی. پاص طومش قورشون بورولردن فنا برقوقو انتشار ایدیور، پنجره‌لرک پارملققلرینه آصیلیمش ایپراوزرند چاشیرلر، اوزرلری پینسلك طولو چوجوق بزلی قورویوردی. آشاغیده اولونک بوزوق قلدیریلری حالا اسکیزی کبی کومور قیرینتیلری وتخته طالاشیریله ملوث ایدی. چشمه‌نک دائماً رطوبتلی طوران گوشه‌سنده کی بویالی صو بریکنتیسی‌ده، اسکیزی کبی آچیق و ماوی رنگلی ایدی. یالکنز اسکیزی کبی قالمایان برکنندیسی ایدی. او، آدم عقللی ده‌ا کیشمش، اونک طراوتی اوچوب کیتمه‌شدی. بر دفعه کنندیسی یوزینی هوایه قلدیره‌رق ممنون وجسور نظرلرله کندیسنه کوزل بر آپارتمان آرایان اسکی ژروهز دکلدی. بالعکس شیمدی چانی قاتنده، سفیل و مسکین انسانلر آره‌سنده، بوتون کون ایچریسنه برطامله ضیا بیله کیرمه‌ین اک کیرلی یرنده اوطوران برقادیندی. ایشته کوزیاشرینه سبب‌ده بو ایدی، هر حالده طالعندن خشنود اولمغه محل یوقدی.

معما فیه کیت کیده آلیشمه باشلادی، یکی اوینک ایلمک کونلری او قدر فنا کورو میوردی. قیش موسمی کچم‌شدی. دکانده ویرژینییه براقیلان اشیا، قابلنده آلدق‌لری پاره ایله یکی اوه لازم اولان اوتیه‌بری بی ندارک انده بیلیم‌شردی. دیرکن بر آره‌لق طالع کولر کبی اولدی، قوپو نه‌تامپا قصبه‌سنده برایش بولارق کیتدی،



اوراده اوچ آی قالدی، ایچکی یی ترک ایتدی، قیرھواسی اونی ایچکی علتندن شفا یاب  
ایتمش کبیدی. سوقاقلارنده راقی و شراب دومانلری طالغەلانیان پارسدن اوزاغە کیتەك  
سرخوشلر ایچون حقیقه شایان حیرت بردوادر. قوپو کیتدیکی یردن پارسە دوندیکی  
زمان یوزینه پنجه بر رنك کلمشدی. فضله اوله رق درت یوز فرانی قدرده پاره  
آرتدیرمشدی. بوپاره ایله دکانك تداخلده قالان ایکی آیاغنی اوده دیلر. بوپورج  
اووقتدن بری پوواسسونله قاریسنك کفاتی آلتنده طور ییوردی. اوندن صوکره  
اوافق تفك چنکانه بورجلرینی تسویه ایتدیله. ژروهز آله جقلیلره کورونمهك ایچون  
بعض سوقاقلردن کچمز اولمشدی، شیمدی بوپورجلری ویرنجه اورالرده سربست  
سربست طولاشمغه باشلادی. کونده اسکه اونوجیلک یاپیوردی. قولتوقلاقمقدن پک  
خوشلانیان و قولتوقلانده ایملک ایدن مادام فوقونیه اونی تکرار یانه آلمشدی.  
حتی وقتیه دکان صاحبه لکی ایتمش اولسنه حرمة اوکا برنجی صنف ایشجی نظریله  
باقه رق کونده اوچ فرانی ویریوردی. عائله کندینی طویلامغه باشلامش کبیدی.  
ژروهز بوکیدیله چوق کچمه دن بوتون بورجلرینی اوده یه رك کندیسنه اولدجه ایی  
برطرز حیات تنظیم ایده جکینی اومیوردی. آنجق اونی بو خولیا به سوق ایدن  
شی قوجه سنك بردن قازاندینی اوکیتلی پاره دن متولد نشه و حرارت ایدی. بوحرارت  
زائل اولونجه اسکی متوکل حالی ینه آلیر، ینه کندی کندینه ایی شیك عمری  
قیصه در دیردی.

قوپو ایله ژروهزی الک زیاده اوزهن شی کندیلرینك بر اقدینی دکانه پوواسسون  
ایله قاریسنی برلشمش کورمکدی. واقعا یکی دکان صاحب لری ساده انسانلردی،  
اونك ایچون ژروهزله قوجه سی اونلری فضله قیصتا میورلردی. آنجق باشقه لری  
اونلرك قارشیسنه کچهرک پوواسسونله قاریسنی او یله بالاندیره بالاندیره مدح  
ایدیورلردی که قیزما مق ممکن دکلدی. قاپوچی قریبوقاریسی، هله لوریولر طوروب  
دیگله نهدن اوته کیلرك مدحنی یاپیورلردی. اونلرك سویله دکلرینه باقیلیرسه بوندن  
دها کوزل دکان اوله مازدی. پوواسسونله قاریسی دکانه کیردکلری کون آبدسخانه لری  
اوقدر کیرلی بولملرکه یالکیز بونلری تمیزله مک ایچون اوتوزفرانی صرف ایتملر مش.  
ویرژینی دکانه یراشدکن صوکره بوراده باصل بر ایشن طوته جغنی ایلك اوکجه  
کسیدیرمه مش، نهایت شکرله، چقولانه، قهوه، چای اینجه بقالیه امتعه سی صاتمغه  
قرار ویرمش... بونی اوکا توصیه ایدن لانتیه ایش، لانتیه نك قولنجه بویوزدن  
کلیتلی پاره قازانیرمش. دکانك ایچنی سیاهه بویاتمیلر، بوسیا به بویانك اوستنه اینجه  
صاری چیز کیلری ایشلر، بوسایه ده هرایی رنك تمامیه کوزه چارپیورمش. رافلری،



جامكانلرى ياپمق ، طبق رجل صاتان دكانلرك اولدينى كې شيشه لره مخصوص يرلرى  
تنظيم ايتك ايچون اوچ مرانغوز سكر كون چالشمشلىر ، خلاصه پوواسسونك  
ميراث اوله رق الله كچن اوفاجق بر پاره بو اوغورده محو اولوب كيتمش . مع مافيه  
ويرژينك ايشى كوندن كونه اى كيديوردى . برطرفدن لوريو عائله سى ، ديكر  
طرفدن قابوجى بوش ايله قارمى بو حكايه لردن ژروه زك صيقيلديغنى كورونجه وار  
قوتلريله ويرژينيك ايشلرنده كى پارلاقلى آكلاتوب طور ييورلردى . انسان نه قدر  
فيصقايچ اولماسه ينه كندى ويرديكى سلاحه كنديسنك ازيلديكى كورونجه قيرمقدن  
منع نفس ايده ميور .

فضله اوله رق ايشك ايچنه برده ارڪك كيريوردى . آغزلرده طولاشان سوزلره  
باقيليرسه لانتيه ژروه زى ترك ايتمشدى . محله لى بونى آچيقدن آچيغه سويله يور ،  
بو افتراقك بوتون شرقى لانتيه يه بر اقيوردى . اونك قادينلر اوزرنده حالا بر تاثير  
اجرا ايتديكى ادعا اولونيوردى . بر افتراق حقنده آغزلرده شويله بر ديدى قودى  
طولاشيوردى : ژروه زى لانتيه يه قارشى او قدر ياپشقانلق كوسترمشدى كه بوندن  
قورتولق ، قادينى بر پارچه سكونه دعوت ايتك ايچون لانتيه اوكا آدم عقللى بر  
ضربه اينديرمه كى مجبوريت حس ايتمشدى . بالطبع كيمسه ايشك حقيقى ايچ يوزى  
سويله ميوردى . حقيقتى بيلنلر بوكا پك اهميت ويرميورلر ، بونى پك بسيط بر حادته  
تلق ايدييورلردى . ايشك طوغروسى شوايدى : وانعا لانتيه ژروه زى ترك ايتمشدى ،  
آنجق بوكا سبب ، اسكيسى كې كيجه كوندوز هر نه زمان ايستهرسه ژروه زله  
كوروشمك امكانى موجود اولماسى ايدى . مع مافيه ژروه زى كورمك ايچون جاني ايسته ديكى  
زمان لانتيه نك تا آلتنجى قاته قدر چيقديفنه شبه يوقدى . چونكه مادمازل رومانثرو  
بر چوق دفعه لر لانتيه يى ژروه زك اوندن چيقاركن كورمشدى . بو تصادف طبيعى  
زيارت ساعتلى خارجنده اوليوردى . خلاصه ژروه زله لانتيه آره سنده كى مناسبت  
بوسبوتون منقطع اولمامشدى . كلشى كوزل دوام ايدييوردى ، شوقدر كه بوندن  
هيچ برى اسكيسى كې ذوق طويميوردى . اسكى اعتيادك دوامندن ، قارشيلقلى  
بر جيله كارلقدن باشقه برشى دكلدى . آنجق وضعيتى چاپراشيق حاله قويان شى  
ويرژينى ايله لانتيه حقنده محله لينك آغزنده طولاشمخ ، باشلايان روايت ايدى . مع مافيه  
بو روايتده ده چوق فضله مبالغه واردى . محقق اولان شو ايدى كه لانتيه ويرژينى يى  
حرصه كتيرمك ايچون وار قوتيله چالشمقدن خالى دكلدى . بوده پك طبيعى ايدى .  
چونكه عيى اوده اوطورييورلردى ، ويرژينى شيمدى هر خصوصده ژروه زك  
يرينى طوتمشدى .



لوریو ایله قاریسی ژروه زك قیصقانچلق طامارلرینی تحریك ایتك ایچون اونك اوکنده لانتیه ایله مادام پوواسسونك مناسبت عاشقانه لرندن بر لسان رقتله بحث ایتك فرصتی قاجیرمیورلردی . قاپوچی بوش ایله قاریسنه کلنجه ، اونلر مدت حیاتنده لانتیه ایله ویرژینی قدر بربرینه یاقیشان بر چقت کورمه دکلیرینی سویله یوب طورییورلردی . هم ایشك تحفی شوکه لانتیه نك شیمدی پوواسسون عائله سی ایچنده کی وضعیته محله لی قیزمیور کی کورونیوردی . ژروه زه قارشى پك متعصب طاورانان انسانلر ویرژینه قارشى مسامحه کارلق ایدیورلردی . غالباً بو مسامحه کارلق برپارچه ده ویرژینك قوجه سی بر پوایس مأموری اولسندن ایلری کلیوردی .

چوق شکرکه ژروه ز قیصقانچلقه کندینی ییوب بتیره ن قادینلردن دکلیدی . لانتیه نك صداقتسزلکاری قارشیدسنده صوغوق قانلیغنی محافظه ایدیوردی . چونکه حیلى مدتر اوکا قارشى حقنده برشى حس ایتور . ژروه ز لانتیه نك دهانجه نیجه کیزلری ماجرالرینی طویش ، سواقده هراست کلدیکی قادینلره یادیغی ایشله دائر درلو درلو شیلر ایشتمش ، فقط بونلرک هیچ برینی تحقیق ایتك احتیاجنی حس ایتهمشدی . بو ایشتمدیکى شیلر اونده اوقدر آز تاثیر حاصل ایتمشدی که قیزه رق قطع مناسبت ایتك لزومنی طویقمسزین اوکا قارشى جیله کار طاورانمده محذور کورمیوردی . آنجق بونلرک هپسنه تحمل ایده بیلن ژروه ز لانتیه نك شیمدی ویرژینی ایله مناسبتته کیرمسنی بر درلو هضم ایده میوردی . ویرژینی اوته کی قادینلره بکزه مزیدی . مطلقاً اونلر کندیسنی قیزدیرمق ایچون آره لرنده بویله برشى ایجاد ایتشلردی . ژروه ز لانتیه نك اوته کی قادینلره اولان مناسباتنی نظر اهمیتته آلمغه لایق بولیورسه ده کندیسنه قارشى حرمتسزلاک کوسترلمسسه اصلاً قاتلانه مازدی . بناء علیه لوریودن بری ، یاخود دوستلرندن هرهانکی بریسی اونك اوکنده مادام پوواسسونك لانتیه ایله مناسباتنه عائد بر ایماده بوونه جق اولورسه ژروه زك یوزی بم بیاض کیلیور ، کوکسی یرندن قویه جق کی اولیور ، معدسناک ایچنده بریانیقلىق حس ایدیوردی . اووقت دوداقلربی ایصیره رق حدتی کوسترمه مکه ، محضاً کندیسنی قیزدیره رق اکلمک ایسته ین دشمنلرینه بو ذوقی ویرمه مکه چالیشیوردی . مع مافیه بویوزدن کندیسيله لانتیه آره سنده برغوغا اولدیغنی محققدی . چونکه مادمازل رومانثرو براوکه صوکی ، اونلرک اوطة سندن توقات سسی ایشیدیر کی اولدیغنی سویله مشدی . هر حالده آره لری آچیلدیغنه شبهه یوقدی . لانتیه اون بش کونه قدر ژروه زنه قونوشمامشدی . مع مافیه ایلاک باریشان ینه لانتیه اولمشدی و اوندن صوکره صانکه آره لرنده هیچ برشى کچمه مش کی اسکی حال یکیدن دوامه



باشلامشدى . اساساً ژرورده غوغايى اوزاتهرق حياتى برقات دها زهرله مك  
طرفدارى دكلدى . ايشى اولورينه باغلامنى ترجيح ايدييوردي . آرتق اسكى  
يكرمى ياشنده كى كنج قادين دكلدى ، برار ككك خاطرى ايچون اسكىسى كى  
بر قادينى باطلامنى ، نهايت يرندن و راحتندن اولنى كوزه آلديره جق قدر قلىنده  
محبت قالمامشدى . آرتق ار كككره قدر اويله بر سو كى طوييوردي .

قوپو ايشك آلاينده ايدى . بوزمانلر اوينك ايچنده ، قارىسك باياغى برار كككه  
ياتوب قاقديغنى كوزى كورمه ين بو اويصال قوجه شيمدى پوواسسونك طاقيندىنى  
بوينوزلرله چاتلايه سىيه اكله نيوردى . عيى حال كندى اوينك ايچنده اولوب  
بيتركن هيچ بر اهميتى حائز دكلدى . حالبوكه باشقه سنك اوندو اولونجه  
بونى قادينك ار كككه اوينسادينى بر اويون ديه تلى ايدييور ، بو اويونى  
كوزيله كورمك ايچون هر مشقته قانلانيور ، كونلرجه قاپو آره اقلرندن  
كوزه تلييوردي . لىكن شو پوواسسون دنيلن حريفه قارىسى نه مددش  
بوينوزلر طاقيوردي ! اوندن صوكره صيقيلمه دن بلنده كى قايچله جاقه صانيور ،  
جاده لرده شو كا بوكا اوموز قاقيوردي . قوپو لطيفه يى دها ايلرى كتوره رك  
ژرورده طاقيايور ، عاشقنك كنديسى آدم عقللى ترك ايتديكى سوياليوردى .  
طوغروسى طالع سز بر قادينش : ايلك او كجه دميرجى ايله اولان مناسبتى اى كيمه دى .  
شيمدى ده لانتيه اونى يارى يوله براقيوردي . طوغروسى اونى هيچده جدى  
اولمايان عشقاره كوندر ييوردي . بونلرله اوغراشه جفته نه دن كيدوب ده مثلابردولكر  
قلقه سيله ، آلنده كى خرجى صاغلام يوغورمغه آليشيق بر آدمه تاسيس مناسب  
اينميور ؟ واقعا قوپو قارىسنه بونلرى لطيفه طرزنده سوياليوردى . آنجق ژرور  
بوتون بوسوزلك برر لطيفه دن عبادت اولديغنى بيلمكه برابر ينه حدت ايتمكدن  
كندى آلهميوردى . چونكه قوجه سى او كا بونلرى سويلر كن اسر رنكللى اوفاجق  
كوزلرينك بورغويه بكمه ين باقىد- ارياه اونك تا اعماق قلىنه نفوذ ايدو جك كى  
باقيوردي . هله قادينله ار كك آره سنده كى موردار قلردن بحث ايتديكى زمان اويله  
بر حالى واردى كه ژرور بونك بر لطيفه مقصديله نى يوقسه جدى اوله رقى  
سويله نديكى كسديره ميوردى . سنه نك باشندن صوكنه قدر سر خوشلقدن كندىنى  
قورتاره ميان بر آدم آنجق دوشونديكى شئي بيله من . اويله قوجه لر واردركه  
يكرمى ياشنده ايكن پك قيصقانچ اولدقلى حالده اوتوز ياشنه كلكارى زمان ايچكى  
تأثيريله صداوت زوجيه بچمنده غايت اويصال اولورلر .  
قوپونك محله ايچنده ياپدينى آلايلر كوروله جك شيدى . پوواسسوندن بحث ايتديكى



زمان پترونگ دیردی. بوسوزه قارشى بوتون چكەر كلیدله نیردی. اوت پوواسسون برپترونگ ایدی، کندیسنه ایسه بویله برشى اسناد اولونه مازدی. او نهلر بیلوردی نهلر! بو بیلدیكى شیلری وقتيله ده ایشیدیردی، انحق دیدی قودیدن خوشلانمادیغی ایچون ایشیتمه مش کبی کورونوردی. هرکس کندی اوینگ ایچنده نهلر اولوب بیتدیكى کندیسی بیلیر. انسان وجودینگ قاشینان یرینی قاشیر. او، قاشینمق لزوم حس ایتمه مشدی. باشقه لرینگ کیفی یرینه کلسون دییه طوروب طورورکن قاشینه جق دکلدی یا!.. انحق پوواسسون، کندی قاریسی حقنده سویله نن سوزلری عجب ایشیدیرمی؟ مع مافیه اونک ایشیتمه سینه حاجت یوق، قاریسی لانتیه ایله کورمشلردی، آرتق بو بر دیدی قودی دکلدی. قوپو بو ملاحظه لر قارشیسنده کندی کندیسه قیزیور، بر ارککک هله بر حکومت مامورینگ باصل اولوب بویله. بررذالته تحمل ایده بیلدیكى حوصله سی آله میوردی. بعض کیجه لر قوپو، ده لیکه بنزه یین اوطه ایچنده قاریسیله یالکیز باشنه اوطورمقدن صیقلیر، کیدوب لانتیه یی زورله آلیر کتیریردی. آرقداشی لانتیه آیریلهلی بری بواوطه کندیسنه پک قسوتلی کورونیوردی. اونک ژروه زک آره سی آچیق اولدینی زمانر کندیسی توسط ایدهرک باریشدیریردی. باریشدیره جق ظاهر! طوروب طوردینی یرده بردوست آتیلیرمی؟ انسان جانی ایسته دیکی کبی اکلنمکدن ده ممنوع میدر؟ بوملاحظه اوزرینه ایشی بوسبوتون آلايه اورور، سرخوش کوزلرنده کنیش بر حوصله نگ آنشلی پارلار، حیاتی خوش کچیرمک ایچون ایجاب ایدرسه لانتیه ایله هرشیته آره لرنده تقسیمه راضی اوله جغنی اکلایردی. ایشته بویله فکرلر درمیان ایتدیکی کیجه لرده ایدی که ژروه ز قوجه سنگ مقصدی براطیفه میدر، یوقسه حقیقه بویله می دوشونیور بونی تعیین ایده مییوردی.

بو حادثه لر لانتیه نگ قولتوقلرینی کیتدکجه دها قبارتیور، اووقت بوسبوتون بویوک وعظمتلی طورلر طاقینیوردی. قوپو عائله سی ایله پوواسسون عائله سی اوچ دفعه غوغا ایده جک اولمشلردی. اوچنده ده لانتیه آره یه کیره رک ایشک اوکنی آلمشدی. ایکی عائله نگ خوش کچنملری، کندیسی ایچون موجب ممنونیت بر حادثه ایدی. ژروه ز و ویرژییه عطف ایتدیکی ملت و محبت کار نظرلر سایه سنده ایکی قادین یکدیگرینه قارشى بویوک بردوستلق اثری کوسترییورلردی. لانتیه بر تورک پاشای سکونیه ایکی قادینگ اوزرنده تأسیس حاکمیت ایتش، قورناز لنگ تآمین ایتدیکی موفقیتله کوندن کونه سمیروب طورییوردی. خلاصه یامان حریفدی، بر طرفدن قوپو عائله سی هاضم ایله مشغول ایکن دیگر طرفدن پوواسسون عائله سی لقمه لقمه



چيكنه يوردى . بر دكاني يوب يوتدقن صوكره ايكنجى به باشلامقن هيچ ده  
هيقلميوردى . اساساً طالع بوقيل آدملىك يوزينه كولر .

اوسنه نك حزينانده ناك ايلك قومونيون آينى ياپيلمىدى . اون اوچ ياشنه  
باشمق اوزره ايدى . بويو فدان كې اوزامش ، سيماسنه كسناخ برحال كلىدى .  
بر سنه اول علوم دينيه درسى آلق ايچون دوام ايتديكى كليسادن قوغولمىدى .  
ياپاس اوني سوء احوالندن طولاني مكنىدن چيقارمغه مجبور اولمىدى . بويلا اولدني  
حالده شيمدى قومونيون آينى يانمغه موافقت ايتمىدى . شايد موافقت اتمه به جك  
اولسه يريوزنده بردينسز قادين دها آرتار ديه قورقمىدى . نانا اوكون كيه جكي  
بياض اثوابك خليا سيله سويچندن زيب زيب اوينا يوردى . لوريو ايله قارىسى چوجو غك  
واقتيز باباسى ووافتيز آناسى اولدقلى ايچون البسه نى اونلر ياپدىرمنى وعد ايتمىلردى .  
بوسماحتلرني هر يرده سويليوب طور ييورلردى . مادام لورات اوكون چوجو غك  
طاقينه جنى دووا قله شاپقنى ويره جكاردى . ويرثيني ده بر جزؤ كيسه سى هديه ايدى جكدى .  
لانتيه دعا كتابنى كتيره جكدى . خلاصه نه لازمسه هپسى هديه اوله ق كده جكدى .  
بناء عليه قوپو ايله ژرودهزه هيچ صيقندى اولمايه جقمى . شهبه سز لانتيه نك توصيه سيله  
اوله جق كه او آينك آقشامى پوواسسون ايله قارىسى ده بر ضيافت ياپمىلر ، بوضيافته  
قوپو ايله قارىسى ، قاپوجى بوش ايله قارىسى دعوت ايتمىلردى . قاپوجى بوشك  
چوجو جنى ده اوكون قومونيون آينى ياپيوردى . دعوتلر آينى آقشامى پوواسسونك  
اوينه كيده جكلر ، اوراده بر بوط اسقارمى ودها باشقه يكلر ييه جكاردى .

آينندن بركون اول ، نانا قونصول اوسستنه ياپيلان هديه لرى حيرت و مسرتله  
سير ايدى يوردى . ديركن قوپو كلىدى ، برباد بر حالده سرخوش ايدى . پارسه عودت  
ايدى لى برى اسكى اعتياديني آلفه باشلامىدى . ايچرى كيرر كيرمن قارىسىبله قيرينه  
چايدى ؛ معنا سز سبيلرله كفرلر ايدى يور ، اويله مسرتلى بركونه يافيشمايه جق چيركن  
چيركين شيلر سويليوردى . اساساً بودرلو لقرديلر ايشيده ايشيده ناناده بونلره  
آلشمىدى . حتى بعضاً آنه سيله غوغا ايدركن او كائينك ! ، آبدال ! ديمكدن چكمنزدى .

قوپو باغيروب چاغري يوردى .

— اكمك ايسته رم اكمك ! بنم يكم حاضر لانامش ، اونلر پاچاوره ليله  
اوغراشيورلر . يا يكمى كتيرير سكر يا خود بونلر پارام پارچه ايدر م آكلادى كزى ؛

ژرودهز ميريلدانان بر سسله :

— سرخوش اولونجه آغزى نه پيس اولور !

ديدى وقوپويه دونه رك علاوه ايتدى :



— اوجانده، ایصنیور قفا باطلا تاسهك آ!

نانا متواضع بر طور آلمش، سس چیتقار میوردی. بوکون بویله طور منی کندیسنه دها یاقیشدیریوردی. باباسنك سوبله دیکی چیرکین سوزلری ایشتمه مزاکدن کلرک کوزلرینی یره ایندیرمش اولدینی حالد، قرانصول اوستنده طوران هدیه لری سیر ایتکله مشغول کورونیوردی. آنجق قوپو اوو سرخوش کلدیکی آقشاملر حقیقه شوکا بوکا چاتمقدن ذوق طویوردی. شیمدی ده نانانك یاننه کلش، ا کسه سندن یریلدانیوردی:

— بیاض البسه لری صاووروب آته جغم خبرك وارمی؟ یا هپسینی قالدیریر دولابه قویلسنك یاخود آتارم ها!

نانا باشنی اوکنه اُکمش، هیچ جواب ویرمیور، قول شاپقه سنی آنه سنه کوستره رك بونك قاچه آله بیله جکنی صوریوردی. او آرمانی قوپو آلی اوزاتمش، شاپقه یی آلمغه اوغراشیوردی. ژروه ز طیانهمادی وقوجه سنی اوتیه ایتهرك

— چوجوغنی راحت براقسهك آ! دیدی، سکا برشی یاپدینی وارمی، اوصلو اوصلو اوطوریور.

بونك اوزرینه قوپو آغزینی آچدی، کفره باشلادی:

— سزی کیدی ماسقاره لر! آنا قیز تام بربرکزی بولمشکز... یاسن مردار باجاقسز، سکا بن بوسوسلو اثوابلری دکل، چوالدن بر البسه کیدیره جکده کلسایه او یله کوندره جکم. آکلادکی چوالدن، چوالدن... باق او زمان ناصل قاشینیر طورورسك... او یله بر چوال که سنك ده، پاپاسلرکک ده کوکلیکزی بولاندیرسون... دها بویاشدن چوجوقلری اخلاقسزلفه آلیشدیرمق بئم ایشمه کلز آکلایورمیسکز؟

— نانا حدتدن قیپ قیرمنی کسپلمشدی. قولارینی اوزاتمش، قوجه سنك اثوابلری یرتوب پارچه لاسنه مانع اولق اوزره وضعیت آلمشدی. نانا بر مدت باباسنك یوزینه ديك ديك باقدی وار کون ایچون کندیسنه یاقیشان تواضی اونوته رق قوپویه خطاباً:

— طوموز حریف!

دیدی. خلاصه يك حاضر لاندی، قوپو سفره دن قالقار قالفماز یاتاغنه کیردی، خورلامغه باشلادی. ایرتسی صباح او یاندینی زمان بر چوجوق قدر ملایم ایدی. واقعا آقشامکی سرخوشلق تمامیه زائل اولامشدی. فقط بو، خوش بر خورلقدن عثارتدی. نانانك توالی یاپیلیرکن کندیسیده حاضر بولوندی، بیاض البسه یی



شفقتکارانه بر نظرله سیر ایتدی ، بو چاپقین قیزه نه کیسه یاقیشدیغنی سوبله دی . قیزینک بوبله بر کوننده بر بابا ایچون غرور طویعقدن دها طبیعی برشی اوله ماز دیدی . حقیقه نانا ، بوقیصه جق البسه ایچنده پک شیق اولمشدی . یکی کلینلر کبی دود قلرنده محجوب بر تبسم واردی کلیسایه کیتمک اوزره ایندکاری زمان قاپوجی قواله سنک اوکنده بوشک قیزی پولینده کنیدیسی کبی کیینمش ، بکلیوردی . نانا بونی کورونجه طوردی ، دقتلی بر نظرله باشدن آشاغی قدر سوزدی و کنیدیسی قدر شیق اولمادیغنه حکم ایدهرک اوکا قارشى لطف کار برطور آلدی . قافله یوله قویولدی . اک اوکده نانا ایله پولین برآیله دعا کتابلرینی ، اوتەکی آیلە روز کارک شیشیردیکی دوداقلرینی طوته رق یوریورلردی . جوارده کی دکانلردن هرکس سوقاغه فیلامش اولنلری پک کوزل وسوسلی بولدقیرینی سویلیورلر ، چوجوقلر بوتقدیرلری ایشیده رک اوقدر سوینیورلردی که مسرتدن بربریلە قونوشم یورلردی . مادام لوریو و مادام بوش آرقەدن آغیر آغیر کلیورلردی . چونکه بربرینه ژروەزک حالندن ، اسرافندن بحث ایدیورلر ، اگر هرشیئی وحقی چوجوغک ایچ کوملکینی بیله هدیە اوله رق کتیره ن اقربالری اولماسه نانانک قومونیون آیینی ده یاپدیره مایه جغندن شکایت ایدیورلردی . مادام لوریو متصل چوجوغک بیاض اثوابی الیری سوریوردی ، چونکه بونی اوهدیه ایتمشدی . نانا یوله یورورکن دکانلره سورونهرک اثوابی توزلاندیقه مادام لوریو بوکافنا حالده قیزیور ، مردار قیز دییه آرقەدن ییلدیریلر یاغدیریوردی .

کلیساده . آیین یاپیلدیغنی مدتجه قوپو آغلادی طوردی . واقعا بو ، معناسز برشیدی . فقط نه چاره کندیغنی ضبط ایده میوردی . پاپاس افندی قوللارینک کنیش حرکتلرله اشارتلر یاپدیقه ، مینی مینی قیز چوجوقلری آلارینی قاووشدیره رق صیره صیره اوکنندن کچدیقه قوپو کندیغنی طوته میور ، آغلیوردی . ارغنونک چیقاردیغنی سسلر یوره کنی آزیور ، بخوردانلقلردن چیقان رایحه لری قوقلادیقه صانکه یوزینه بر چیچک دمتی طوتمش کبی رشیلر حس ایدیوردی . آغلایان یالکز کنیدیسی دکالیدی ، اوتەکیلرده مندیللرله کوزلرینی سیلیورلردی . حقیقه حیاتده بو ، اک کوزل کوندی . معافیە آیین بیتوبده لوریو ایله برلکده بر قدح ایچکی ایچمک اوزره میخانه یه کیتدکاری زمان کلیساده اولوب بیتن شیلری خاطر لایه رق قیزدی . لوریو هیچ آغلامامشدی ، بالعکس آلاى ایدیوردی . قوپو شیمدی پاپاسلره عجوم ایدیور ، بوحریفلر کلیسایه کان انسانلرک یوره کنی یوموشاتمق ایچون مطلقا



بر سحر یا پیور لر دییوردی بونکله برابر دو کدیکی کوز یا شلرینی طبیعی بویوردی .  
 اویله یا، یوره کی طاشدن دکلدی که... نه یا پسون رفته کلمش، آغلامشدی . ملاحظاتی  
 بونتیجه یه واصل اولونجه برقدح ایچکی دها ایصمارلادی .

آقشام، پوواسسونلرک ضیافتی پک نشئه لی اولمشدی . یمکک ابتدا سندن صوکنه  
 قدر هرشی طیقیرنده کیتدی .

محنت و ضرورت کونلرنده بهضاً بویله کیفلی آقشاملر اولور ، بربرندن نفرت  
 ایدن انسانلر اووقت بربرینی سور کورونورلر . لانتیه نک صولنه ژرودز ، صاغنه  
 ویرژینی اوطورمشدی . لانتیه ایکیسنه قارشیده سویملی و ملتفت طاورانندی ،  
 کومسند غوغا اولدیغنی ایسته مه یین بر خروس کی یکی طرفی ده قوللادی ، هرایکی  
 قادینه آیری آیری جیله کارانه سوزلر سویله دی . تام قارشیلرنده پوواسسون ،  
 ساکن و طالغین اوطورییوردی . هر وقتکی کی کوزلری دومانلی ، قالدیریم اوستنده  
 وظیفه سنی ایفا ایدیور مشجه سنه ، هیچ برشی دوشونمیور کورونن خایله طورییوردی .  
 ضیافتک قرالیچه لری نانا ایله پولین ایدی . اونلری سوسلی اثوابلریله سفره یه  
 اوطورتمشلردی بیاض البسه لری لکه له مه مک ایچون سفره ده دیم دیک طورییوردی .  
 اساساً هر لقمه ده بر کره چکه لرینی قالدیرملری ایچون اطرافدن تنبهرلر یاغیوردی .  
 بو اخطارلردن صیقیلوب شاشیران نانا بر آره لق پوسکورهرک قورسه سنی باشدن  
 آشاغی شراب لکه سنه بولادی . قیامت قوپدی ، هان قالدیلر ، چوجوغی صویدیلر ،  
 قورسه نک لکه له نن طرفلرینی بر بارداق صو ایچنده ییقادیلر .

یمکک صوکاربنه طوغرو چوجوقلرک استقبالی جدیتله موضوع بحث اولدی .  
 مادام بوش قرارینی سویله دی : پولینی آلتون و کوموش اوزرنده ایشلمه یاپان بر  
 دکانه چراق اوله رق ویره جکدی . بوراده یومیه بش آلتی فرانق پاره قازانیله بیلیردی .  
 ژروه زک هنوز بر قراری یوقدی ، نانا هنوز بر اثر استعداد ، بر عمایل کوسترمه مشدی .  
 یالکیز صباحدن آقشامه قدر قوشیوردی ، شیمدیلک بوندن باشقه بر شیئه  
 عمایلی یوقدی .

مادام لوران فکرینی سویله دی :

— بن سنک یرکزده اولماسه م نانایی چیچکجی یاپازدم . هم ای ، هم ده

تمیز بر صنعت !

لوریو اعتراض ایتدی :

— چیچکجی می ؟ الله ایچون کوزل صنعت !

مادام لوران حدتدن دوداقلرینی ایصیردی :



— چيچكجي اولمقده نه وارمش صانكه ؟ بنده چيچكجيلك ايدييورم .  
طوغروسي نزاكتكزه ديهجك يوق .

واويله چيركين ، او قدر كيرلي بر تعبير قوللاندی كه هپ بردن :  
— اوو ، اوو ، نه ياپيورسكز مادام لوران ؟

ديمكه مجبور اولديلر . چوجوقلر كوله مك ايچون برونلرخي شراب قدحلىنك  
ايچنه صوقشلردى . سفره ده كيلر كوز اوجيله چوجوقلرى اشارت ايدهرك بويله  
سوزلرك یری بوراي اولماديغنى آكلاقمق ايسته ديلر . اركلكر بيله دمىندن برى  
چيركين بر سوز سويله مه مشلردى . آنجق مادام لوران بو اخطارى قبول ايتدى ،  
چونكه سويله ديكي شیده بر چيركينلك بوليوردى ، اك يوكسك سوسيه ته لرده بيله  
بويله شيلر سويله نديكى كندى قولاغيله ايشيته شدى . هم او ، سويله ديكي سوزك  
معناسنى بيلن قادينلردندى . حتى چوجوقلرك او كنده بيله او هر شيدن بحث  
ايد بيليردى و او قدر ابي قونوشوردى كه هر كس اونى بوندن طولايى تبريك ايدردى .  
— شونى بيليكز كه چيچكجيلر ايچنده پك ابي قادينلر واردر . كندى حالارنده  
ياشارلر ، باشقه لرى كبي اوتده بریده سورنوب طورمازلر . بر قباح ايشله يه جكلرى  
زمان ده بونى ابي انتخاب ايدرلر ، ذوقه كوره برشى ياپارلر . بو خاصه اونلره دائما  
اوزرنده چاليشدقلى چيچكلردن كلير ، بنده بو كونه قدر فنا يوله صايمقندن  
آليقويان بودر .

ژرودز آتيلدى :

— بن كندى حسابمه چيچكجيلكدن نفرت ايتمسه مده هر شيدن اول نانانك  
بو صنعت ايصينمسي لازم ... معلوم آ ، چوجوقلره زورله بر ايش طوتدورماز .  
نانا ، اويله سرسم سرسم طورمه ، جواب وير ، سنى چيچكجي ياپه يمى ؟  
نانا ، طباغنك اوستنه ا كيلمش ، ايصالق پارمغيله پاسته قيرينتىلرخي طوپلايه رق  
آغزينه آتيوردى . جواب ويرمكده متبالك كورونمور ، حياىز بر تبسمله  
كوله مسيوردى . نهايت جواب ويردى .

— ياپكز آننه ، چيچكجي اولمى ايسته رم ...

بونك اوزرينه درحال قرار يرلدى وقوپونك تكليفى اوزرينه ايرتسى كون  
مادام لورامك ... نانايى بالذات آلوب كندى دكانه كوتورمسي تقرر ايتدى .  
شيمدى بوتون دعوتيلر جدى طورلر طاقينه رق انسانلرك حياتده كي وظيفه لرندن  
بحث ادييورلردى قاپوجى بوش بوكون كليسانه ياپيلان آينندن صوكره نانا ايله  
پولينك برر قادين اولدقلى سويله دى . پوواسسونك فكرينه كوره آرتق اونلر



ئەڭ پېشىرمىسىنى ، سو كوك دېگەن سەنى ، خلاصە ئۇ اداره ايتىمىنى او كره نەيدىرلر .  
 حتى ازدواجلىرىدىن ، طوغورە جەڭلىرى چو چو قىلىرىدىن بىلە بىخىت اولوندى . ايكي چو چو  
 بوسوزلىرى دېگەن بەرك كىزلىدىن كىزلىككە ئالاي ايدىيورلردى . كىندىلىرىنى بىر قانچە  
 فرض ايتىمىدىن مەنولە بىر غەزەپكە ، بياض الدىلەرنىڭ وىردىكى صىقىقنى ئېچىندە  
 قىپ قىرغىنى اولمىشلىرى . مەنە ئالتىدىن بىر بىرىنى دورتيورلردى . ھەلە لانتىيە ،  
 اولەنە جەڭلىرى ار كىكى ھازىرلا يوب ھازىر مەدەلىرىنى كىندىلىرىدىن سۈرۈنچە بۇتۇن بۇتۇن  
 قىچىرىداغە باشلايدىلر . نەھىت زورلە نانا يە اعتراف ايتىدىرىدىلر : ئانە سەنك دكان  
 صاحىبەسى مادام فوقونىيەنك اوغلى ويقتور فوقونىيەنى سودىكىنى سويلەدى .

دعوتلىلر طاغىلىرىكن مادام لورىو ، قاپۇجى بوش ايلە قارىسەنە خطاباً :

— واقعا نانامك وافتىز آناسىم آما ، مادام اونى چىچىكجى يامغە قرار وىردىلر  
 آرتق يانمىز دە اونك بىخىنى ايتە سونلر . بىر سوقاق شىرفىنتىسى دىھا يىتشيور دىمىكدر .  
 آلتى آيە قالمەن ، كورورسەن ، نەمال اولور ...

قوپو ايلە ژرودىز ياتىق ايچون او طەلرەنە چىقاركن بۇكۇن ھەشەئەك پەك يولاندە  
 كىتىدىكىنى ، پوواسەسون ايلە قارىسەنك ھىچ دە فەنا انسانلر اولمادىغىنى سويلەيدىلر . حتى  
 ژرودىز دكانى تەيز بولدىغىنى اعتراف ايتىدى . وقتىلە كىندىسەنك مالى اولان بۇدكانە  
 كىرركن عذاب طويە جەڭنى ظن ايتىمىدى . ھالبۇكە بىر آن بىلە قىلبا ھەت طويەمەشدى .  
 نانا سويلەنوركن بىر آرەلق ئانە سەنە سوردى : ايكنجى قاتدە او طوران مادمازل كچن  
 آي اولەنيركن آرقە سەندەكى كەين اثوابى كىندىسەنككى كى موسلىنىدىمى ؟

مەنە مافىيە ئائىلەنك بوسوك ايى كۈنى ايدى . اوندىن سو كره ايكي سەنە ايشەلىرى  
 كۈندىن كۈنە فەنا كىتىدى . بالخاصە قىش اونلر ايچون فلاكت اوليوردى . ھوالر ايى  
 كىتىدكە يىھەك بىر پارچە اكەك اولسۇن بولە بىلييورلردى ، فقط سوغۇق وياغور  
 باشلايچە تام طاقيز بوفە سەنك قارشىسەندە ، مەدەلىرىنى خيال ايلە تولدۇرەرق . سەريا  
 چوللارنى آكەدىران او طەلرەنك ئېچىندە آيە آيە وقت كچىرييورلردى . بۇملەون كانۇن اول  
 كەلدىمى نەقدەر فلاكت وار سە ھەپتىنى طوبلايوب سانكە قاپۇدىن ايچرى آتيوردى .  
 ايشە سەنك ، سوغۇق دىن تەرمەلر ، راطب بىر سەفالت ... ايلەك قىش بىر درجە يە قدر  
 ياقە جەق آتەش بولە بىلەمىشلىرىدى . يەكسەز قالان سەفرەلرەنك آجىسنى آتەش يانان سوبالرەنك  
 قارشىسەندە او بوشەرق اووتيورلردى . فقط ايكنجى قىش سوبايالەك . يانماقە قالمادى .  
 سويلەنمىز و مەشئوم سىياسىلە او طەينى بىر قات دىھا طوكەيدى . مەنە مافىيە بولدىن ھەپتىدىن  
 زىادە اونلرە تەئىر ايدىن شى اوسەنە اوستەك كىرا وىرەمەدى . أولك ئېچىندە بىر باش  
 طور بىلە يوق ايكن قاپۇجىنك اوزاندىغى كىرا ەلەمەلىرىنى آلۇب پارەسنى وىرەمەك



اوف ايشته بو مجبوريت اونلره صوغوقدن دهها زياده تاثير ايدييور ، صانكه اوك  
ايچنه بونكه بر شمال فيرطنه سي كي ريوردى . اوصاحي آي صوكني تعقيب ايدن  
جعه ايرتسي كونلري ، آرقه سنده قالين بر يالطو ، آلارنده بر چيغت يوك آلديونله كاير ،  
كيرا يي آله مازسه كيراجيلري قاپو طيشاري ايدجكي تهديديله آيلغي ايسته ردى .  
طيشاريدده قار ، صانكه اونلره سوغاغه آتيلدقلى زمان ياته جقلى بياض دوشكي  
حاضر لايورمش كي متصل ياغاردى . كيرا يي ويره بيلمك ايچون قابل اولسه كنديلريني  
صاته جقلى ردى . بوفه يي ده ، صوبايي ده بوشالتان بوايدى . اووقت بوتون اودن ايكاتيلري  
ايشيديليردى . هر قاتده آغلاشيرلر ، مرد يونلر وقوريدورلر بوججه هر بر دن بر موسيقي  
سفالت طويولوردى .

هر اودن بر اولو چيقسه يدي بو قدر مدهش برواويلا اولمازدى . صانكه محشر  
كوني كلش ، هر شي نهايته ايرمش ، بوفقر و احتياج دنيا سي ضرورت و سفالت  
آلتنده آزيلش ايدى . اوچنجى قاتده اوطوران بر قادين سكر كوندن برى كوشه  
باشنده ديله نيوردى . بشنجى قاتده اوطوران بر هرانغوز اوسته سنك دكانندن  
خرسزلق ايتكه مجبور قالمشدى .

قوپو ايله قاريسنك بوندن طولايي كيمسه يه قيرمغه حقلري يوقدى . قباحته  
كنديلرنده ايدى . معيشت نه قدر مشكل اولورسه اولسون اداره سنده انتظام  
كوزه تهر ، قازاندقلى رندن بر پارچه سني آراتديرانلر صقيني چكمه دن ياشايه بيليرلر .  
ايشته مثلاً لوريو ايله قاريسي هر وعده حائلنده كيرالريني تمديد ايديه بيلورلردى .  
نانا دوام ايتديكي چيچكجي دكاننده هنوز برشي قازانه ميوردى . بالعكس اونك  
ايچون اناسي باباسي پاره صرف ايتكه مجبور اوليورلردى . ژروهمزه كلنجه ، مادام  
فوقونيه نك دكاننده اونك موقعي كيتدجه فنا لاشيوردى . كوندن كونه آلنده كي  
مه هارت زائل اوليور ، كنديسنه ويريلن ايشلري فنا ياپيوردى . او درجه ده كه  
دكان صاحبه سي اونك كونده لكني عجمي چراقلىر و يريلن سكسان سويه قدر  
اينديرمشدى . بوكا رغماً ژروهمز غايت مغرور ، غايت حساس ايدى ، وقتيله  
كنديسي ده بر دكان صاحبه سي اولديغني هر فرصته سويله مكدن كرى طور ميوردى .  
بعض كونلر ايشنه هيچ كيتميور ، بعضاً طور ديني يرده دكاني براقه رق چيقيوردى .  
حتى بر دفعه سنده مادام فوقونيه مادام پوتواي ايشجيككه دكانه آلنجه ژروهمز وقتيله  
كندى دكاننده چاليشديرديني بو قادينله شيمدى يان يانه چاليشمق مجبوريتنده قالديغني  
كورهر ك او قدر قيرممشدى كه اون بش كون دكانه اوغرامامشدى . بوتون بوقصورلرينه  
رغماً او كاي نه آجيورلر ، دكانه كلديكي زمان اونى صرحه ينه آليورلردى . بو صرحه



اونی بوسبوتون قیزدیریوردی . یالکیز شو اولیوردی که هفته نهایتنده آنه پک آز  
 پاره کچیوردی . ژروهر کیت کیده آزالان بو هفته لفره باقه رق کونک برنده  
 هفته نهایتی ، هیچ برشی آلامادقن باشقه غالباً بوجلی ده قاله جغنی سویله یوردی .  
 قوپویه کلنجه ، احتمال او چالیشیوردی ، فقط شبهه یوق که قازاندیغنی حکومت  
 هدیه ایدیوردی . چونکه طشره دن کللی بری ژرودز اونک پاره سنک یوزینی  
 کورمه مشدی . هفته لاق ویرلدیکی کونلر ژرودز اونک آنه باقاز اولمشدی . او  
 کونلرده قوپو جیبی بوم بوش ، آلی قولنی صالایه رق آوه کلیردی . بعضاً یایولده  
 دوشه رک ، یاخود آرقداشلرندن برینه چارپدیره رق مندیلر کلدیکی ده اولوردی .  
 ایلاک زمانلر پاره سنک صورت صرفنه دائر حساب ویریر ، فلان ایشده اوغرا دیغنی  
 بر ضرر یوزندن شوقدر پاره غائب ایتدیکنی ، فلان ایش ایچون اون فرانق حصه  
 یازلدیغنی ، جیبیندن کوستردیکی دلیکدن او کون مثلاً یکر می فرانق دوشوردیکی ،  
 یاخود فلان بورج ایچون آلی فرانق ویردیکنی سویلردی . انجق کیت کیده بوکاده  
 لزوم کورض اولدی . نهایت کوستره جک بر سبب قالما یئجه هیچ صیقیلماقسزین  
 « بنده اکلایاماده پاره اوچدی کیتدی » دیمکه باشلادی . بر دفعه سنده پاره یی  
 یوتدیغنی سویله دی . واقعا آوه قارنک ایچنده پاره کتیرمک تحف برشی دکلدی  
 اما ، نه چاره بو سفر خاطرینه او کلاشدی . قاپوجی مادام بوش ژروهره بر عقل  
 اوکرتدی : بعض کونلر ژروهر قوجه سنک چالیشدیغنی یره کیدر ، اونی هنوز  
 پاره سی جیبینده ایکن یاقه لامق ایچون قاپوده بکلردی . فقط بو قورنازلق ده پاره  
 ایتزدی . چونکه آرقداشلری ایچریده قوپویه خبر ویریرلر ، قوپو پاره سنی  
 یا قوندوره سنه یاخود اوندن ده کیزلی بر یره صاقلاردی . مادام بو خصوصده  
 چوق قورنازلق اوکرنمشدی . چونکه قوجه سی قادینلره صرف ایتک اوزره بعضاً  
 کندیسندن کیزلی بر طرفه پاره صاقلامنی عادت ایدینمشدی . بونک ایچون مادام بوش  
 قوجه سنک البسه سنده اک اوافق کوشه لره وارنجه یه قدر هر طرفی آراشدیریر ،  
 اکثریا کندیسندن کیزلنن پاره یی مثلاً شاپقه نک ایچنده ، دری ایله قاش آره سنه  
 دیکیلمش اوله رق بولور میدان چیقاریردی . قوپویه کلنجه او بویه یایمار ، پاره یی  
 معده سنه ایندیرردی . ژرودز برده قص آلوبده اونک قارتنی ده دله جک دکلدی یا ! .  
 اوت ، کوندن کونه ایشلری برباد کیدیوردی و بونک بوتون قباحتی کندیلرینه  
 عائد ایدی . بونی اونلرده بیلورلردی . فقط بر انسان سغالت ایچنه دوشونجه  
 کندی قباحتی کوچ اعتراف ایدر . اونک ایچون قباحتی طالعه بولیورلر ،  
 الهک بر غضبنه اوغرا دقلرینی سویله یوب طور یورلردی . آرتق حیات بر جهنم



اولشدى ، صباحدن اقشامه قدر متصل غوغا ايدىيورلردى . واقعا آره صره بو غوغالار پك قيزيشنجه تك توك شامارلرده ايشيدىليورسهدده هر حالده بوغاز بوغازه كلكلارى هنوز واقع دكلدى . ايشك اك فناى شوكه قفسك قاپوسنى آچشلر ، محبت و شفقت قوشنى قىلبلرندن اوچورمشلردى . آنا ، بابا و اولاددن مركب عائلهلرك برينه صوقولقدن متولد صميمى طرزى اونلرى ترك ايتمشدى . شيمدى اونلرده هر كس كى بر كوشه يه چكىلمش ، آره لرندده حرارتلى تماس نقطه لرى قالمامشدى . بو اوزاقلقدده ترمشيورلردى . قوپو ، ژروەز ، نانا كوزلرندده غيظ و كين پارلايه رق بر برى ييرجه سنه باقىشيورلردى . بختيار عائله لرده بوتون قىللك هپ برلكده ضرباتى ادامەنى تأمين ايدن زىبرەك بونلرده قىرلش كى ايدى . شيمدى ژروەز قوجه سنى طام كنارلرندده ، قالدیرىمدن اون اون بش مترو ارتفاعده كوردىكى زمان اسكى خىلجانى طويميوردى . واقعا دوشمون ديهه اونى آليله ايتزدى . فقط دوشه نه جك اولسه دنيا دن بويوك برشى ا كسىلمش اولمازدى . قوپو آوه سرخوش كلكى كونلر « آه نه زمان اونى برسديه اوستنده كتيريرلركن كوره جكم » ديه باغيرردى . او كون كندىسك خلاص كونى اوله جقدى . چونكه بوسرخوش خريف اونى آغلاقمقدن ، اونك آلدە ، آووجنده كنى يىمكدن ، اونى غنا يوله سوق ايتمكدن باشقه نه يه يارييوردى ؟ دنياهه بو قدر آز فائده سى طوقونان انسانلرى بر آن اول مزاره صوقق ، صوكردهده اوستلرينه چيقوب سوينك البته خىرليدر . بوملاحظه ايله ژروەز قوپو ايچون اوله ! ديدىكى زمان نانا باباسى ايچون كبر ! ديمكدن چكنميوردى . نانا غزته لرده قضا وفلاكتلره عائد يازىلرى ا قودجقه جبلتسىز برقىز روحيله باباسى ايچون درلو درلو شيلر دوشونوردى . فقط باباسى او قدر طاللى بر آدمى كه بر كون اومنيبوسىدن يره دوشىدىكى حالده اوزرندەكى سرخوشلق بيله زائل اولمامشدى . اوده ، بر حريف نه مازن كبره جك دير طوروردى سـفـالـت يوزندن برقات دها زهرلەنن بوخيظ ايچنده ژروەز ، اطرافدن ايشتىدىكى آچلق سسلريلدهه آيرىجه مضطرب ايدى . بنانك بو كوشه سى بر سـفـالـت يواسى ايدى ، بوراده درت بش عائله بعض كونلرني ا كىكسز كچيرمك ايچون صانكه سوز برلكى ايتشلردى . قاپولر نه قدر آچىق طورورسه طورسون ايچريدن هيىچ برىمك قوقوسى انشار ايتيوردى . قوريدورلر بويجه بر اولوم سـكـوتى حكم سوربيور ، ديوارلر بوش معدەلر كى درين درين سـسـلر چيقارسيوردى . بعضاً اشاغيدن رقصلر ، قادين نوحه لرى ، آچلقدن آغلایان چوجوقلرك فريادى ، معدەلرينك بوشلغنى آووتق ايچون بر برى يين عائلهلرك غوغالى ايشيدىليوردى .



صانکه بوتون بوسـفالت بوالری برر آسنهـین آغزدرلر ، بو آغزلرک هپسی برتک غیرتلاقده طوپلانمشلر ، بو غیرتلاق بر عقدۀ اضطراب ایله دو کومله نمشدی غدا سزافدن سینکلرک بیله یاشایه مدقلری محیطده کی هوایی ساده تنفس ایتکلک انسانک کو کسی اویولیوردی . آنجق ژروهـزک اک چوق آجیدینی انسان بابا برو ایدی . اوافق سردیون آلتندۀ کی دلیکده یاشایان بو آدم اورایه بر فاره کبی چکیلمش ، صوغوقک شدتی تخفیف ایچون طوس طوپارلاق اولمشدی . بابرو بو دلیکدن ، بر صمان ییغینی اوستندۀ ، کونلرجه مدت قیلدا نمقسزین قالیردی . آچلق حسی بیله اونی یرندن قیلدا تمغه سبب اولامازدی . چونکه هیچ بر کیسهـنک سفرهـسنه دعوتلی اولماقدن صوکره سوقاغه چیقوب ده اشتها سنی آرتدیرمقده نه لزوم واردی ؟ بعضاً بویله اوچ درت کون کوشهـسندن قیلدا نمادیغنی کورن قومـشـولر صراق ایدهرک عجباً صاغی اولدی می دیه اوکرنک ایچون قاپوسنی آچار باقارلردی . خایر اولیور بوتون او آچلغه رغماً یاشایوردی . آنجق یاشاییش پک آز بر یاشاییشدی ، ساده بر کوزی ایله حیاته مربوط ایدی . اولوم بیله اونی اونوتمشدی . ژروهـز ، آنه بر پارچه اکمک کچنجه قبر پنتیلری کتورور بابا برویه ویریردی . واقعا قوجه سندن طولایی ارککلردن نفرت ایدر اولمشدی ، اونلره قارشى قلمبندۀ هیچ برای حس طاشیمیوردی . آنجق حیوانانه قارشى دائماً بر حس مرحمت بسله یوردی . آنه بر آلت آلوب چالیشمغه قدرتی اولمادیغنی ایچون آچلق ایچندۀ اولومه محکوم ایدیلن بابا برو اونک نظرندۀ بر کوپکدن ، ایشه یارامیان بر حیواندن باشقه برشی دکلدی . او یله بر حیوان که نه درسی ، نه ده ایچنک یاغی پاره ایتهدیکی ایچوق اولدورلکه بیله لایق کورلییوردی . قوریدورک او بر او جندۀ اللهک و انسانلرک ترک ایتدکلری بر بیچاره آدم بولوندیغنی ، بوی بر چوجوق جته سی قدر اوفالان ، کندیسى طبقی شومینهـلرک اوستندۀ اوزون مدت قالدقلری ایچون صوی چکیلوب قورومش پورتقاللره دونن بو آدمک کنـدینی ییه یه بیتیردیکنی خاطر لادجۀ یوره کـندۀ طاش کبی بر آغزلق حس ایدیوردی .

ژروهـز هزارجی بابا بازوغه قومشو اولدینی ایچون ده چوق مضطربدی . اونک اوطه سنی کندی اوطه سندن غایت اینجه بر تحتۀ دیوار آیریوردی . بر برلرینه او قدر یاقین ایدیلرکه بابا بازوغ نفس آسه ژروهـز طویاردی . هزارجی آقشاملری اوطه سنه دو تنجه سیاه مشیندن معمول شابقه سنی ، بر کورهـک طوپراغک آتیلما سنی آکدیران بر سسله قونصولاک اوستنه فیرلاتیر ، سیاه مانطوسنی بر کیجه قوشنک



قامادلرندن چیقان خیشیرتی ایله دیواره آصار ، سیاه اثوابی آرقه‌سندن چیقارهرق برتام انقاضی حالده اوطه‌سنگ اورته‌سنه ییغاردی . ژروهز اونک اوطه ایچنده یورودیکنی ایشیدیر ، اک اوفاق حرکاندن خاجان طویار ، برصندالییه طوقونه‌جق یاخود برطرفه چارپه‌جق اولسه یرندن صیچراردی . عقلی فکری هپ بوسرخوش حریفله مشغول ایدی . اوکا قارشی قابنده مراق ایله برقوقو طویقمده ایدی . اوته‌طرفده بابا بازوغ دائماً شن وشاقه‌جی ، هرکون چانطه‌سی طولو ، هرپازار ذیل زورنا سرخوش ، اوکسورور ، یرله توکورور ، شرقی سویلر ، چرکین چرکین کله‌لر صرف ایدر ؟ یاتینجه‌یه قدر دیوارلرله دوکوش‌وردی . ژروهز دیوارک بو طرفنده تیره‌مکه باشلار ، مزارجینک نه‌حالده اولدیغنی مراق ایدهرک صاپ صاری کسلیردی . خیالاً درلو درلو شیلر قورار ، بابابازوغک اوطه‌سنه برأولو کتیردیکنی ، بوأولوی یا ناغنگ آلتنده یراشدیرمکه مشغول اولدیغنی تخیل ایدردی . اوآره‌لق غزته‌لر یازمشلردی : مزارجینک بری برچوق چوجوق اولولرینی اوبنه کتیرمش ، بونلری آیری آیری مزاراغنه کوتورمک زحمتندن قورتولق ایچون هپسنى برآره‌یه طویلایه‌رق صوکره هپسنى بردفعه‌ده کوممشدی .

نه‌زمان بابا بازوغ اوطه‌سنه کیرسه ژروهزک برونه ، محقق ، اولو قوقوسی کلیردی . صانکه پهرلاشه‌ز مزارلغنگ قارشنده اوطوریورمش وهمنه دوشردی . بومدهش حریف ، اوطه‌سنده تک باشنه متصل کولکجه قورقماق قابل دکلدی . انسانه اوپله کلیردی که او ، عادتاً صنعتندن ذوق دویوردی . حتی کورویتوسی باطردیسی کسیلوبده آرقه اوستی یاتدیغنی زمان اوپله برخورلامسی واردی که ژروهز قورقودن نفس آله‌ماردی . ساعتلرجه قولاق قبارته‌رق دیکلر ، یاننده اوطه‌ده متصل اولولر دفن ایدیلیورمش کبی برشی حس ایدردی .

ایشک اک فنا جهتی شو ایدی که ژروهز هم بوقدر قورقیور ، هم‌ده بابابازوغک اوطه‌سنده اولوب بیتن شیلری آ کلامق ایچون دیواره قولاغنی طیایه‌رق دیکلیوردی . یاقیشیقلى ارککلر ناموسلی قادینلر اوزرنده ناصل برتأثیر اجرا ایدرلرسه بابابازوغک ژروهز اوزرنده‌کی تأثیریه ده اوپله ایدی . او قادینلر او ارککلری آلاريله یوقلامق ایسته‌دکاری حالده سائقه‌ حیا وتریه ایله ناصل جسارت ایده‌مزلرسه ژروهزده بابابازوعه یاناشمغه او صورتله جسارت ایده‌میوردی . اکر قورقو آلنی طوماسه ژروهزده اولومی آلله یوقلایه‌جق ، اونک ناصل شی اولدیغنی آ کلایه‌جقدی . بعضاً اوقدر تحف اولیوردی که تنفس طورییور ، تپه‌دن طیرناغه قدر دقت کسلیور ،



اونك برحر كتندن حياتنك بوتون اسرارنى اوكرنمكه چايشيوردى . بو حالارنى كوردكجه قويو لطيفه مقامنده اوكا مزارجى يه كوز قويوب قويمايدىغنى صوراردى . بعضاً فنا حالدە جاني صيقيلير ، بو حريفك قوموشولغندن قورتولماق ايچون اوطيني دكيشديره جكندن بحث ايدردى . بونكله برابر اختيار مزارجى ، اوستندن آقان مزارلق قوقوسسيله اوطينه كلنجه ژروهمز ينه اسكى تخيلاتنه دالار ، قوجه سندن آيرلنى دوشونن بر زوجە قورقافلغيله ينه او اسكى مراقلى حالى طاقينيردى . بابا بازوغ اوكا ايكي دفعه كنديسى صاروب كفناه يهر ك بوتون سفالتلرك اونوتولدىنى طوپراق آلتنده ، درين برحضور خواب ايله اويويانلرك يانه كوتوروب براقنى تكليف ائتمەش مى ايدى ؟ كيم بيلير بلكه ده بوديديكى پك اى برشيدى . ياواش ياواش مراق ائتمكه باشلامش ، بونك لذتى طامق احتياجى بوتون وجودىنى صارار كى اولمشدى . اون بش كون ، بر آى ايچون بونك تجربه سنى يامنى پك ايسته يوردى . بالخاصه شوقيدش موسمنده ، برأو كيراسى مدتجه ، حياتنك اولانجه مختلرى هجوم ايدر كن بر آى مدت اويومق ، اوح كيم بيلير بونه اى برشى اولاجقدى ! فقط ممكن دكلدى ، او اويقويه ياتانلر ابدىاً قالميورلردى ، بو اويقوده بر ساعت اويويانلر آرتق متمادى اويويورلردى . بو ابدى اويقو اونك وجودىنى طوكدير يور ، اولومه قارشى دويديغى مراق و آرزو همان زائل اوليوردى .

بر كانون ثانى آقشامى ايدى . بوتون هفته يى پك فنا برحالدە كچيرمش ، نره يه باش اوردى ايسه ايتيلوب قاقيله رق بش پاره بوله مامش ، تاب وتوانى صوك درجه يه كلشدى . او آقشام كندىنى هيچ ده لى حس ايتيوردى وجودى جمالر ايچنده تتره يور ، كوزلرينك او كنده آله ولرك رقص ايتديكنى كور ييوردى . بر آره لق كندىنى قالد يروب پنجره دن آشاغى آتمنى دوشوندى . فقط صوكره بوندن واز كچهر ك ايكي يوصرو غيله بابا بازوغك ديوارينه اورمفه باشلادى . هم اوريور ، هم سسله نيوردى ؟

— بابا بازوغ ! بابا بازوغ !

مزارجى شرقى سويله يهر ك آياغندن قوندره لرى چيقار ييوردى . اوكون غالباً چوق چالشمش اوله جق كه هر وقتدن زياده متهيج كورونيوردى . ژروهمز سسنى يوكسلتهرك بردها باغيردى :

— بابا بازوغ ! بابا بازوغ !

عجبا ايشتميورميدى ؟ ژروهمز اويله برحالدە ايدى كه شيمدى بابا بازوغ كلسه كندىنى اوكا تسليم ايدە جكدى . زنكين فقير ، اوتەكى قادينلرى نره يه كوتوريورسه



کندیسنی ده اورایه کوتوره بیلیردی . بابا بازوغك سویله دیکی اونك قلبنه اضطراب ویریوردی بابا بازوغ بوشرقی بی سویلرکن ژروهز اونده برچوق معشوقه لره مالک برارکله غرور واستخفافنی حس ایدیوردی .

برآزهلوق بابا بازوغ جواب ویردی :

— نه وار ؟ ینه بریسی می کوچدی ؟ عجله ایتمه قادینجغزم کلیورم .

بوقیمیق سس ژروهزی ، ایچنده یووارلانمده اولدیغی کابوسدن اویانیدیردی . امان نه یامیشدی ؟ کندیخی طوپلایه رق دوشوندی : دیواره یومسوقلریله اوردیغی خاطرلادی صانکه ایکی یانلرینه برر صوپا ایندیرلش کبی قورقودن آرقه آرقه چکیلیدی . او دقیقه ده او یله کلدی که مزارجی قوجه مان الارخی تحته حواله دن صوقه جق ، اونی صاحب لرندن یقالایوب چکه جکدی . خایر ، خایر پشیان اولمشدی ، ایسته میوردی ، هنوز مزارجینک قوللری آره سنده کیتمکه کندیخی حاضر بولیوردی . دمین دیواره اوران یومسوقلری دکلدی . بیلمه یه رک ، دونرکن دیرسکنی چاریمش اوله جندی . شیمدی کندیخی صرصر کبی بیاض سیاسیله ، قاص قاتی اولمش وجودیله ، اختیار مزارجینک اوموزلرنده طوپراق آاتنه کیدیورتخیل ایتدکجه دیز قاپاقلرندن اوموزلرینه قدر خوف ودهشتدن تتره یوردی .

کیجه نک سکوتی ایچنده بابا بازوغ سسله ندی :

— نه وار ؟ کلیم می ؟ زیان یوق کلیم ، قادینلرک خوفندن چکنیر برآدم دکلم .

ژروهز بوغولیور کبی برسسله جواب ویردی :

— برشی یوق برشی یوق ، تشکر ایدهرم .

مزارجی خوموردانه رق تکرار اویقویه طالدی . ژروهز بری طرفه اندیشه ایله اورته انی دیکلیور ، مزارجی یکیدن دیواره اورولیور طن ایتمه سون دییه یرندن قیملدانیوردی . آرتق بوندن صوکره دقتلی طاوورانق لازم کلاچکنه حکم ایتشدی . کبرسه ینه قوموشوسندن یاردیم ایستیه میه جکدی . کندی کندیینه ویردیکی بوقراری تکرار ایدرکن قلبنه برامنیت کلیوردی . چونکه مزارجیدن قورقتله برابر بعض زمانلر اوکا قارشی خشیتله قاریشیق برانجذاب طویعقدن کندیخی آله میوردی .

ژروهز بوسفالت کاهده ، کاه کندیسنه کاه باشقه سنه عاقداندیشه لرله اوغراشیرکن قوموشوسی بیژار ایله چوجوقلری اوکا جسارت ویریورلردی . بیژارک بویوک قیزی لالی هنوز سکز یاشنه باصمش ، مینی مینی برشی اولدیغی حالده اوی عادتاً برقادین کبی اداره ایدیور ، هرطرفی ترتمیز طویوردی . اوده آز ایش یوقدی : بردفعه کوچوک قارده شی ژول ایله قیز قارده شی هانریت ، بری اوچ اوته کیسی بش



باشلرنده ايکي چوجوغك خدمتي کورمك، بوتون کون اونلرله اوغراشمق لازمدی. اوندن صوکره اورتهلنی سوپورمك، بولاشیقلری ییقامق اونك وظیفه سی ایدی. بابالری برتکمه ایلله آنهلرینی اولدورهلیری آنالقی وظیفه سی لالییه انتقال ایتشدی. هیچ شکایت ایتکسزین، کندیلککندن بووظیفه یی آلمشدی. اوقدر آنه سنك یرینه کچمشدی که باباسی اوله جق او حیوان حریف آناسنه یاپدینی معاملهنك صانکه آردينی کسمك ایسته میورمش کی شیمدی ده چوجوجغزی دوکیوردی. اوه سرخوش دوندیکی زمان قادینلری تپه له مک اونك ذوقی ایدی. طایق آلتنده ازدیکی مخلوق مینی مینی برقیزجغز اولدیغنی دوشونمزدی بیله ... بویوک بر انسانه فاصل اورورسه لالییه اویله ضربهلر ایندیریردی. صوراته شاماری ایندیرنجه بش پارمغنك ایزی زواللی چوجوغنك نارك دره سی اوستندن زائل اولمازدی. سببسز، برأوت برخایر ایچون چاره یی آلاچا، تپهلر، اوفاق برکدییه بکزه یین بونارین وقورقاق یاوروجنك اوستنه قودوز برقورت کی صالديریردی. زواللی قیزجغز، کوزل کوزلرینك متوکل باقیشلر بله هیچ سس چیقارمه دن باباسنك طیاقرینه تحمل ایدردی. بو حقیقه آغلانه جق برحالدی. لالی بردفعه اولسون بو ظلمه قارشى عصیان ایتهمشدی. باباسی اوردجی، او یوزینی صافینمق ایچون بر پارچه بوینی اکر، دها بویوک بر فلاکت اولماسون دییه حایقیرمامغه جالیشیردی. نهایت بیزار اونى تکمه ایلله اوطهنك ایچنده اوتیه برییه صاورومقدن یورولنجه لالی، کندینی طوپلاینجه یه قدر بکلر، اوندن صوکره قالقه رق ایشه باشلار، قارده شلرینی صویار، یمکی پیشیریر، هیچ برطرفده برتوز بیله برامازدی. طایق عادتاً هرکونکی ایش صیردسنه کیرمشدی.

ژروهز، بوقیزجغزه قارشى قلیاً بویوک بر صرحت حس ایتکه باشلامشدی. اوکا کندى یاشنده بر قادین، حیاتی آکلامش بر انسان معامله سی ایدردی. فی الحقیقه لالی، صواغون سیماسنده کی افاده جدیتله عادتاً اختیار بر قیز تأثیری یاپیوردی. قونوشورکن اوتوز یاشنده بر قادین ظن اولوئوردی. چارشیدن آلیش ویریش ایتکی سوکوک دیکمکی، او اداره سی بیلیر، قارده شلرندن بحث ایدرکن ایکی اوچ چوجوق طوغورمش بر آنه کی سوز سویلردی. بوسکیز یاشنده کی چوجوغك شو حالنی کورنلر ایلک اوکجه بلا اختیار کولرلر، فقط کیت کیده بونده کی جاعتی طویه رق آغلامو ایچون طورمه دن کچرلردی. ژروهز اونى ممکن اولدیغنی قدر کندینه جذب ایتکه چالیشور، یمک، اسکی اثواب، خلاصه آنه نه کچرسه اوکا ویریوردی. برکون نانانك اسکی اثوابلرندن برینی اوکا ویدیرمق ایچون اوستنده پرووایاپیوردی. بل کیکنی یییدیکی تکمه لردن موه مور، دیرسکینك درینی صویولمش



وقان ایچنده، بوتون وجودی متمادی اشکنجه لرله پیرائیش، دریمی کیکنه یاپیشمش کورونجه بوغازینه برشیلر طیقاندیغنی طوبدی . بوکیدیشله چوق کچمه دن زواللی چوجوق بابا بازوغک ارموزنده اوته کی دنیا به کوچوجک کی کورونیوردی . لالی ، کندیسنگ بو حالندن کیمسه به بحث ایتمه سنی ژروه زدن رجا ایتدی ، چونکه صوکره کیدر لر باباسنی آچار لر ، اونی قیزدیر لر دی . عینی زمانده باباسنی مدافعه ایتمکدن کری طور میور ، اکر ایچکی ایچمه به بویله فناقلر یاپمایه جغنی تأمین ایدیوردی . ایچدیکی زمانلر کندیغنی غائب ایدیور ، دهلی کی اولیور یاپدیغنی یلمیوردی مع مافیله لالی ، باباسنگ یاپدقلرینی عفو ایدیوردی . چونکه ، دییوردی ، ده لیلر حرکتلرنده معذوردرلر .

اوکوندن بری بابا بیزار مردیونلردن چیقهرق اوطه سنه کیررکن ژروه ز کوز قولاق اولور ، لالی طایق بیدیکی زمان آره به کیرمک اوزره حاضر بولونوردی . آنجق اکثر با بویله آره به کیردیکی وقت چوجوغنی قورتاره مادقندن باشقه کندیسنی ده برقاچ توقات بیدیکی اولوردی . بعضاً کوندوزین لالی بی کورمک ایچون اوطه به کیتدیکی زمان قیزجغزی دمیر قاریوله نك آیاغنه باغلی بولوردی . بعضاً کوندوزین باباسی آره صره عئنه آسنجه اونی بویله باغلاردی و کیمسه بونک سببنی بیله مزدی . آکلاشیلان ایچکی موازنه عقلیه سنی بوزمشدی ، چوجوغنی کندیسنی اوده یوق ایکن ده اشکنجه به قویمش اولمق ایچون بویله یاپیور دیمکدن باشقه صورتله بوحرکتی تأویل ایاک ممکن دکلدی . لالی صباحدن آقشامه قدر اوراده باجقلری قارنجه لاشه رق قازیق کی دیم دیک طوروردی . حتی بردفعه سنده بیزاره اوه یاتغه کلکی اونوتدیغنی ایچون چوجوجغز بوتون کیجه یی قاریوله آیاغنده باغلی کچرمشدی . بومعامله دن فنا حالده حده کلن ژروه ز اونی چوزمک ایسته نجه لالی یالواریر ، ایپه ال سور دیر مزدی . چونکه باباسی کلوب ده ایپی باغلادیغنی کی بولمازسه صوک درجه قیزار ایمش . هم بویله باغلی طورمغنی اوقدر فناده بولمیور ، بالعکس بوراده وجودی دیکلندیگنی ادعا ایدیوردی . بونی سویلرکن زواللینگ باجالری اولکون وشیشکین برحاله بولونوردی ، مع مافیله دوداقلرندن ینه تبسم کسک او ازدی . اونک اک زیاده جانی صیقان شی بویله باغلی بولوندیغنی کونلر اوك ایشلری یوز اوستی قالمسی ایدی . باباسی باشقه برجزا ترتیب ایتسه ده ای اولاققدی . بونکله برابر باغلی اولدیغنی بردن ینه اوك ایشلرینی کورور ، قارده شلری یارامازلوق ایتدکلری زمان تکدیر ایدر ، اونلری یانه چاغیره رق برونلرخی سیلردی . سربست اولان اللزبله اورکوسنی اوردر ، یوسایه ده وقتی بوسبوتون بوش کچیر مزدی . باباسی کلوب ده ایپی چوزدیکی زمان



هرطرفی صیقلار ، ساعتلرجه مدت قانی حرکتدن قالدیغی ایچون ایپ چوزولونجه  
یره ییغیله رق برمدت اوراده حرکتسز طوروردی .

بابا بیژار باشقه برجزا دهاليجاد ایتشدی . بعض کره ایکی سولق معدنی سکه یی  
صوبا اوستنده قیرمزی اولونجه یه قدر براقیر ، صو کره بونلری شومینه نك اوستنه  
قویار ، ولالی بی چاغیره رق به پاره ایله کیدوب اکمک آلمسنی امر ایدر . حیلهدن  
معلوماتی اولمایان چوجو قغز قیزغین پاره لری آوچلاینجه برفریاد قوپاریر و پاره یی  
یره آتهرق یانان الی صاللامغه باشلاردی . او وقت باباسی بوسبوتون قودوروردی :  
هله شومرداره باق ، اوسته اوستلک برده پاره یی غائب ایده جك ! هان یردن  
پاره یی قالدیرمایه جق اولورسه کبرته جکنی سویلر ، لالی بنه تردد ایده جك اولورسه  
صوراتنه او یله برشامار ایندیریردی که کوزی فال طاشی کبی آخیلیردی . بوتوقاتی  
ییدکدن صو کره زواللی قیزغز کوزلرینک اوجندن بلیره ن ایکی طامله کوز یاشیله  
پاره یی یردن قالدیریر و صوغوته رق آجیسنی طومامق ایچون آوونک ایچنده صیچراته  
صیچراته چیقوب کیدردی .

حقیقه بوسرخوش قفا سنده یربولان ظلم و و خشت انسانک خیالنه کله جك شیلردن  
دکلدر . مثلاً براو کله صوکی ایدی . لالی اورتالغی سیلوب سپوردکدن صو کره  
قارده شلریله او یون اوینایوردی . آچیق پنچرددن کیرن روز کار اوطه نك قاپوسنی  
خفیف خفیف اسنه تیوردی . قاپو بویله آخیلوب قاپانه رق پروازه چارپدته لالی بونی  
ایچری کیرمک ایچون قاپیه اوران برمسافرك ورودینه بکزه تهرک :  
— بوهورک موسیو هاردی دییوردی ، لطفاً ایچری کیریکز .

ومسافر او یونی اوینایه رق آیاغه قالقپور ، قاپو اوکنده رودرانسلر یایه رق  
او مخیل مسافری ایچری آلیور ، روزکاری سلاملییوردی . آرقه ده ژول و هارییه ت  
بواویوندن پک خوشالانه رق اونلره آبلالری کبی سلام ویریورلر ، صانکه بری  
اونلری غیدیقلا یورمش کبی کولمکدن باسیلیورلردی . اونلرک بویله نشئه لی نشئه لی  
کولدکارینی کورو نجه لالینک یوزی ممنونیتدن پنجه له شیرر ، حیاتده هیچ یوزی کولمه یی  
زواللی قیزغزده بواویوندن نشئه لانیوردی .

— بوئور موسیو هاردی ، بوئور عزیز دوستم ، ناصلسکز باقه لم ایمسکز ؟  
دیرکن سرت برآل قاپوبی ایتدی . بابا بیژار ایچری کیردی . منظره بردن  
ده کیشدی . هانرییه ت وژول آرقه اوستی دوشدیلر . لالی یاری قالان رودرانس  
آره سنده قورقودن طوکشدی . بیژارک آئنده یی یکی برآرا به حی قاهچیس و اردی .  
اوزون وییاض بردکنکک اوجنه مشیندن برایپ طاقیلی ، بونک اوجنده اینجه ایپکدن



پرپوسكول باغلى ايدى . قامچى يى ياناغك كوشه سەنە براقدى .  
باشقە وقتلر اوطەيە كىرنجە لالىيە برتكمە اورمق عادىي ايكن بوسفر برشى  
ياپمادى . زواللى قىزجىز قىسمەنە انتظار ايدىيورمىش كېيىن توپلانمىشىدى . بىئاراك  
سىياھ دىشلرى مستەزىانە كولومس-يوردى . صوك درجە سىرخوش و صوك درجە  
قىشەلى ايدى .

— يەنە نەياپيورسك ! تاشاغىدىن دانس ايتدىكك ايشىدىليوردى . ياقلاش ،  
دەھا ياقلاش ! اللهم بلاسى ، نەاويلە اوزاق اوطورييورسك قارشىمە كاسە آ...  
نەاويلە ياپراق كېيىن تەرييورسك ؟ االى بىلە طوقوندىرمام . كل دە قوندورەلرى  
چىقار !

قورقودن لالينك يورى صاپ صارى كسىلمىشىدى . باباسنك آياغىدىن قوندورەلرى  
چىقىردى . بىئار ياناغك كنارىنە اوطورمىشىدى . قوندورەلرى چىقنىچە البىسە سىلە  
اوزاندى . كوزلرى آچىقىدى . قىزك اوطەدە ياپدىلرىنى تعقيب ايدىيوردى . لالى  
بونظرلرك ويردىكى سىر سىملىك اچىندە دونوب طوربيوردى . بونون وجودنى استىلا  
ايدن قورقودن نەھىت اوحالە كلىشىدى كە بر آرداق شاشقنلىقلە برفنجان قىردى . بونك  
اوزرىنە بىئار بر قامچى آلەرق ياتدىغى يردن قىلداقمىسىزىن لالىيە كوستردى :

— بكا باق ، طانە صوراتلى قىز ! بو قىرپاجى كورييورمىسك ؟ بونى سكاھىيە  
كتىردم ... قىردىغك فنجاندىن بكا الى سو ضرر ويردك . آرتق بوندىن صوكرە  
سنى پاتاقلامق اچون آرقە كدىن قوشمىغە احتىياج قالمادى ، ھانكى كوشەيە قاقسەك  
الدىن قورتولەمازسك . اىستەرسەك كل بر تجربە ايت !... فنجانلرى قىرارسك ھا ؟  
ھايدى باقمە ھوپ ! ھايدى صىچرا ، طورما ! موسيو ھاردى كلدى روھ رانس  
ياپسەك آ !...

آرقە اوستى ياتدىغى يردە ، باشنى ياصدقدىن قالدېرمىسىزىن ، آتلىرىنى دىرت نەھە  
قوشدىران بر آرابەجى مەھارتىلە قامچى يى شاھلانمىغە باشلادى . صوكرە قولنى ايندىرەرك  
لالينك وجودىنك اورتەسەنە بر قىرپاج ايندىردى ، قىزجىز يەرە بووارلاندى ، قامچى  
ضربەلرى آلتەدە طوب كېيىن دونيوردى . لالى دوشدىكى يردن آلارىنە طيانەرق  
قاقچى اىستەدى ، فقط ايكىنجى بر قامچى ضربەسىلە تىكرار اياغە قالىدى . بىئار  
شىمدى ھەم اورييور ، ھەم باغىرييوردى :

— ھوپ ، ھوپ ؟ ايشتە اشكلر بويلە قوشارلر... قىشىن بونك اىي اولەحق ،  
ياتاقدە راحت ياتارم ، االى زچمە صوقەدىن قىرپاجك اوجىلە ايشتە بويلە ياقەلارم .  
آل بردانە بو طرفكە ، آل بردانەدە اوتەكى طرفكە ! صاقىن ياناغك آلتە قاقچىم



دیمه ، قیریاچك صوپاسیله اوروردیم . هایدی باقمه هوب ، هوب !  
 دوداقلرینك كناری كوپوك طوتمغه باشلامش ، ساری كوزلری سیاه چشم  
 خانه لرندن طیشاری فیرلامشدی . لالی چیلغینه دوئمشدی ، باغیرییور ، برکوشه دن  
 اوته کی کوشه یه قاجیور . یرره اوزانیور ، دیوارلره طیرمانیوردی . فقط نره یه  
 کیتسه قوجامان قیریاچك اینجه اوجی اونی یاقه لیور ، قولاقلرینك دېنده کستانه  
 فشنکی کبی باطلایهرق دریسنك اوستنده اوزون یانیق یرلری براقیوردی . تعلیم  
 ایتدیریلن حیوانلر کبی متصل دونیوردی . اوکندی رجودیله امارقص ایدیوردی ها!  
 ایپ اوستندن آتلیان چوجوقلر کبی ، طوپوقلری هواده ، بلافاصله صیچرایوردی .  
 آرتق نفس آلمغه وقت بوله میوردی . هر قاهچی ضربه سنده لاستیک طوپ کبی بر  
 دفعه برندن فیرلایور ، قاجه جق کوشه آرامقدن یورولمش ، کوزی هیچ برشی  
 کورمیوردی . باباسی اوله جق قورت حریف بو منظره نك ویردیکی نشئه ظفرله  
 « آلویریمی ؟ ده ایستهریمسك ؟ آرتق آلمدن قاجق امکانی اولمادیغنه عقلک  
 ایردی یا ؟ » دییوردی .

او آره اق قاپو آچیلهرق برون ژروه ز ایچری کیردی . قیزجغزك فریاد و فغانی  
 ایشیده رك قوشمشدی . کوردیکی منظره قارشیسنده بوتون وجودینی نفرته قاریشیق  
 بر حدت قاپلایهرق باغیردی :

— سردار حریف ! براقه جقمیسك یوقسه کیدوپ پولیسه خبر ویره می ؟

بیژار ؛ راحتی بوزولان بر حیوان کبی خوموردایهرق .

— سزه نه اولیور ، دیدی ، کندی ایشلر کزله مشغول اولسه کز ده اابی  
 ایدرسکز . آلمزه آلدیون طاقوب دهی دوکه جکز ؟ اوکا آ کلامق ایسته یورم که  
 آلمدن قاجه نك امکانی یوق ، قولم اوزوندیر .

وصوک ضربه ایله لالینك یوزینه قیرباجی اوردی . قیزجغزك اوست دوداغی  
 یرتیلدی ، قان آقغه باشلادی . ژروه ز براسکمله آلهرق بیژارک ففاسنه ایندیرمک  
 ایسته دی . فقط لالی نیازکار بروضع ایله اللرینی قالدیرهرق ژروه زی منع ایتدی .  
 « اهمیتی یوق ، کچدی کیتدی » دیدی ، بر طرفدن اوکلکینك اتکیلله دوداغنك  
 قانی سیلیور ، دیگر طرفدن صانکه ب قیرباجلری کندیلری بیورمش کبی هیچقیره  
 هیچقیره آغلایان قاردشلرینی صوصدیرمغه چالیشیوردی .

ژروه ز لالینك چکدکلرینی دوشوندکجه کندی حالندن شکایت ایتمز اولمشدی .  
 بوتون بوبناده کی قادیلردن ده زیاذه محنت و مشقت چکن بو سکز یاشنده کی  
 چوجوجغزك جسارت و متاتی کندیسده اولدیغنی ایسته ردی . بیچاره قیزجغز تام



او چ آی قورو اککدن باشه برشی بیهوشدی . بعض کونلر بیه جاک فیرینی بیه  
 بوله مازدی . او قدر ضعیف دوشه مشدی که دیوارلری طوئه دن یورویه مازدی .  
 ژروه ز بعض کره کندی ات یکنندن قالان پارچه لری کیزلیجه لالی به کتیر بردی .  
 قیز جفزک غیرتلاغی طارالمش اولدینی ایچون ائمه نری اوفاق اوفاق یوتق مجبوریتنده  
 ایدی . لالی کوزلرندن یاشلر آقهرق بوات پارچه لری یوتدجه ژروه زک یوره کی  
 رقتدن و مرحتدن اریه جک کی اولوردی . قای شفقت و ندا کاراق حسلیله طولو  
 اولان لالی بوتون بوچکدکارینه رغماً اوفاجق یاشیله متناسب اولما یاجق صورتده  
 آنانی وظیفه لری ایفا ایدردی . معصوم موجودیتنده وقتندن اول او یانان بر آنه  
 حسی اونی فدای نفس ایدرجه سنه بو وظیفه یه باغلامشدی . حیاتی هپ اضطراب  
 ایچنده کچن و بوتون چکدکارینی اونوتوب عفوایدن بو مینی یاروروجفز ژروه زه  
 بر مثال اولاشدی ، ژروه ز محنته قاتلاغنی اوندن او کره نیوردی . لالینک ساکت  
 باقیشلرنده ، ایری کوزلرینک متوکل درینلکارنده اوزون بر سفات و اخضرارک  
 قارا کلقلرندن باشه برشی یوقدی . آغزینی آچوب برسوز بیه سویله من ، ساده جه  
 ایری کوزلرینی آچه رق باقاردی .

آسسوموار میخانه سنک راقیسی قوپونک حیات عائله سنده یکیدن نخریاته  
 باشلامشدی . ژروه ز کوریوردی که چوق کچمه دن قوجه سی ده بابا بیزار کی بر  
 قامچی آلهرق تپه سنده شافلاته جقدی . کندیشنی تهید ایدن فلاکتک یافلاشدی یعنی  
 خاطر لادجه لالینک فلاکتیه قارش دها فضله حساسیت طویوردی . فی الحقیقه  
 قوپونک کیدیشی هیچ ده ای دکلدی . آرتق اسکیشی کی راقی اونک یوزینه قان  
 کتیر میوردی . آرتق اسکیشی کی آیلله قارنزه اورهرق ایچکی ایچدکجه شیشمانلادیغنی  
 دعا ایده میوردی . اکسه سنده کی یاغی اریمشدی . شیمدی کوندن کونه قورو یوری .  
 اسکی اشتها سی ده قالمشدی . اکمکک طادینی غائب ایتمشدی . ات یکنلرندن بیه  
 یکره نیوردی . اوکنه ای پیشمش بر یک قویسه لر معدده سی ایسته میور ، که وشه یین  
 دیشلری چیکنه مک ایسته میوردی . آیافده طوره بیلیمک ایچون هر کون بهمه حال  
 راقی ایچملی ایدی . اونک یکانه هضم ایتدیکی غذا ، اونک یمکی ، اکمکی ، صوی  
 هر شیئی راقی ایدی . صباحلری یاتاقدن آتلار آتلاماز بر چاریک قدر ایکی بوکلوم  
 و کسوره ک میکلرینی چیتپرداتیر ، باشنی آلاری آره سنده طوتار ، بوغازندن یوقاری  
 حیقان آجی بر بالنی چیقاریردی . هر صباح مطلقا بویه اوله جقدی . برقدح ایچمه  
 کجه کندینی طوپلایه ماز ، آیاغه قافه مازدی . کی کی یاقان بر علاج حاله کلشدی .



آنچق کوندوزلری قونی برینه کلیردی . ایلک زمالر دریسک اوستنده ، الارنده  
 آیقلرنده غیدیقلاغه ، اویوشمه نوعندن برشیلر حس ایتشدی . بدایه ایشی آلایه  
 اور رق بونی ژروه زک یاتاق چارشغنه دوکدیکی بر توزه حل ایتشدی . فقط کیت  
 کیده باجاقلری آغیرلاشمغه باشلامش ، او غیدیقلاغه بر منکنه کبی ایلرینی صیقان  
 مدهش آغریلر حالنه کیرمشدی . بو ، آلائی ایدیله جک بر شی دکلدی . آرتق  
 کولیور ، یوله کیده رکن شاشقین شاشقین طور ییور . قولاقلری اوغولدا یور ، کوزلرنده  
 قیویلجیملر پارلایه رق اوکنی کورمن اولیوردی اشیا کوزینه صاب صاری کورونیور ، بنالر  
 رقص ایدیور ، یره دوشوب قالمق قورقوسی ایچنده برقاق دقیقه صاغه صولالانیوردی .  
 بعض دفعه لر بل کیکنی کونشه طوته رق ایستیرکن صانکه او وزلرندن آرقه سنه  
 طوغرو بوزلی برصو دوکولش کبی تتره ردی . اک زیاده جانی صیقان شی برمدتن  
 بری ایکی آنه عارض اولان اوفاجق بررعه شه ایدی . هله صاغ آلی صانکه بویوک  
 بر فنانق ایشله مشده اونک کابوسنی طوینیورمش کبی متصل تتره طوروردی .  
 طوغروشی ، آرتق ارکاک دینه جک حالی قالمامشدی . قوجه قاریلره دوئمشدی .  
 بعضاً حدتله عضلاتی کره رک ایچکی قدحنی آووجی ایچنه آلیر ، دمیردن برآل ایچنده  
 بوقدح ناصل حرکتسز طورورسه کندیسیده اونو اوبله جه طوته جغنی ادعا ایدردی .  
 فقط بوتون غیرته رغماً ، قدح صیق ومنتظم رقص لرله صاغه صوله اویناردی . اووقت  
 فیزه رق قدحک ایچنده کنی معده سنه بوشالتیر ، بوقدح لر دن برقاق دوزینه ایچمه جک  
 اولورسه پارماغی بیله فیما دامق سزین برقیچی نی آنده طوته جغنی سوبلردی . ژروه ز  
 بونک عکسینی ادعا ایدر ، آلی تتره ده مک ایچون راقی بی براقی لازم کالینکنی کلیردی .  
 ژروه زک نصیحی اونک بر قولانغندن کیروب اوتنه کی قولانغندن چیقیور ، هر دفعه سنده  
 ادعاسنی اثبات ایچون بر تجربه یاپدیغنی سوبله یه رک لیتره لزه راقی انیور ، یولس  
 کچن اومینبوسلر اوکا چارپه رق معده سنده کی مایی اویناتیور دییه کفرلر صاووریوردی .  
 مارت آبی ایچنده براقشام قوپو آوه صیر صیقلام کلدی . اواقشام صربوطله  
 برلکده موزوژده بر باق چورباسی ایچمه شلردی . یوله کلیرکن شدتلی بر یاعموره  
 طوتولشلر ، قورنو جاده سنندن پوواسسونیه ر حدودینه کلنجه یه قدر آدم غللی  
 ایصلانمشلردی . کیجه این دهشتلی براوکسوروک نوبته طوتولدی . یوزی قیپ قرصی  
 کسپلمشدی . وجودی آتشلر ایچنده ایدی . قاپوجی بوشک حکیمی ایرتسی کون  
 کلوب اونک آرقه سنی دیکله دکدن صوکره باشنی صالادی و ژروه زی بر کناره  
 چکه رک قوجه سنی همان خسته خانه به کو تورمینی توصیه ایتدی . قوپو نزله صدره به  
 طوتولمادی .



بوحوادث ژروه زك هيچ جاني صيقمادی . اسكيدن اولسه يدي قوجه سني  
 يابانجي آلره تسایم اينمكدن ايسه لولكي ترجيح ايدردی ( وقتيله طامدن دوشه رك  
 ياتاغه سرپيلديكي زمان اونى كندی آئنده نازلانه رق اي ايتك ايچون وارينى بوغنى  
 صرف ايتشدی . فقط ار ككار سقوط ايتدكدن صوكره اوقيل اي حسلرده مو  
 اولوز كيدر . خاير خاير ، آرتق كنديني غصه وكدر ايچنه آنه مازدی . حق  
 بردها كرى كتيرمه مك اوزره قوپويي آلوب كوتورسلر تشكردن باشقه برشي  
 ديه مژدی . بويله اولقله برابر قوپويي خسته خانه يه طاشيه حق اولان سديه  
 كلوبده خسته بونك ايچنه بر اشيا كي قونوانجه ژروه زك يوزى صاب صارى  
 اولدی ، دوداقلرى بوزولدی . واقعا ظاهرا صلدانير كي برسسه بويله سي دها  
 مناسب اولديغنى سويله دی ايسه ده قلباً هيچ بويله دوشوئيوردی . جيبنده اون  
 فرائق ياره سي اولسه قوجه سني بر يره كوندرمه يه جكدی . خسته خانه يه قدر برابر  
 كيتدی ، خسته خانه نك كنيدش بر قغوشنده ، اولو سيالي خسته لر ياتافلرندن طوغرولهرق  
 بويكي كان آرقداشي نظرلريله تعقيب ايدرلر كن ژروه ز قغوشك تا براوجنده خسته  
 باقيجيارك اونى ياناغنه ياتيردقلى سیر ايتدی . بو قغوشك هوا سنده انساني بوغه حق  
 بر حالي رايحه ، سير ايدنلرك جكرلرينى سو كوب قوپاره حق بر موسيقى ورم واردی .  
 صيره صيره بياض ياتاكلرله بوراسى اوفاجق بر صزاراني آكدير ييوردی . قوپو ، باشنى  
 ياصديغه قويا ژروه ز ، نه آغزنده اونى متبلى ايدجك برسوز ، نه ده جيبنده اونك  
 باشى اوچنه براقيله حق بر پاره بولامامقدن متولد بر يأس ايله چيقدی كيتدی سواقاغه چيچنجه  
 يوزيني خسته خانه يه دونه رك بر نظر عطف ايتدی . شيمدی خيالا قوپونك ، بو خسته خانه  
 ياپيدير كن طام اوستنده بر مارفدن شرقى سويله به رك چنقو لوحه لرى اهماله ديكنى  
 كورييور ، اوزمانى خالرا يوردی . او وقت آغزينه ايچكي قويمازدی . وجودى  
 بر قيز وجودى كي ایدی . ژروه ز اوزمان ، بون كور اوتانده كي چرمه سندن  
 اونى آراشدير بر و بولوردی . بر برينى كورونجه ايكي سي ده منديلار يله سلا مشير كن ،  
 قارشيلقلى كولوش يورلردی . قوپو او وقتلر بونانك طامنده چاليشير كن بوراسنى  
 كنديسي ايچون حاضر لاديغنى خاطر ندن ييله كچير مژدی . شيمدی آران شن وشاطر  
 بر سرچه كي طامك اوستنده دكل ، آئنده ایدی ، بو خسته خانه ده صانكه كندينه  
 بر يوا حاضر لامشدى و صويولش دري يله بو يواده اولكه كلشدى . ريم ، او  
 سويشدكاري زمانلر شيمدی نه قدر اوزاقده قالدی !

ژروه ز ايرتمى كون خسته حقنده معلومات آلق ايچون خسته خانه يه كانجه  
 ياتاغي بوش بولدی . بر خسته باقيجى بونك سيني ايضاح ايتدی : قوپو او كيجه



بردن بره قالدھرق خستەلردن برینی دوکدیکی ایچون اونی (سنت آن) تیمارخانه سە  
کوئورمشلردی. فقط قوپو او قدرایکلی یاپیورمش که اوتەکی خستەلری اونو تیمورمش  
آ کلاشیلان بوکا سسبب ایچکی ایمش. ایاقده کزیندیکی مدتجه وجودینک ایچنده  
کیزلەنن ایچکی، اونی یاتاغه سرن نزلەنک ویردیکی درمانسزلقدن استفادە ایدەرك  
شیمدی چارپیور، سیکیرلرینی کەرییوردی. ژروەز پریشان برحالدە اوه دوندی.  
قوجەسی دەلیرەشدی. اونی بو حالیلە اوه کوندەرەجک اولورلرسە آرتق، صیرایدک،  
حیات نە شکل کیرەجکدی! نانا بونی طوونجه باباسنی خستە خانەدن چیقارماملری  
حایقیرە حایقیرە سویلەمکە باشلادی. چیقوب کلەجک اولورسە محقق آنەسنی دە  
کندیسنی دە بوغازلاردی.

ژروەز بازار کوننە قدر خستە خانەیه اوغرامشدی. بازار صباحی کیتدی.  
اودن خستە خانەیه خیلی مسافە واردی. چوق شکرکە روش شووار بولوارینە کیدن  
اومنیبوسی تیمارخانەنک یانندن کچیوری. سانتە سوقاغنندن اشاغی اینەرك الی بوش  
کیتمش اولماق ایچون ایکی پورتقال صاتین آلدی. سنت آن تیمارخانەسی دە اوتەکی  
خستەنەلر کبی اسمر رنکلی اولوریلە، بیتمز توکنمز قوریدورلریلە اسکی و اکشی  
بر علاج قوقان بر مؤسسە ایدی. منظرەسی انسانە هیچ نشئە ویرمیوردی.  
ژروەزی قوپونک بولوندینی جحرەیه کوئوردیلر. ژروەز اورادە قوجەسنی شن  
وشاطر کورونجه شاشیردی قالدی. قوپو او ائادە اوطوراغنک اوستندە بولونیوردی.  
تحتەدن معمول غایت تمیز بر صندوق اولان بو اوطوراقدن هیچ بر فنا قوقو  
انتشار ایتمیوردی. ژروەز اوطەیه کیروب دە اونی بو حالە کورونجه بر مدت  
ایکیسی دە کولوشدیلر. خستە خانەلردە خستەنک حالندن بیلیرلر. قوپو، اورایە بر  
یابانچی کبی قورولمش، اسکیدن اولدینی کبی آتوب طوتیوردی. آرتق کیت کیدە  
ایاشمکە باشلامشدی. اسکی حالی یاواش یاواش عودت ایدیوردی.

ژروەز صوردی؟

یا نزلە؟

— نزلەمی؟ اونی درلەبوب طوبارلادیلر. دوئتورلر صانکە االارنی کوکسە  
صوقەرق نزلەیی دیشاری آلدیلر. واقعاً یئە او کسورپیورم، اما آز... باحایی  
تمیزلەتدک، ایچریدە اوفاجق بر شی قالدی.

اوطوراقدن قالقوب یاتاغه کیدرکن یئە آلائی ایتدی:

— سنک بورنک غالباً صاغلاندر، قورقیورسک...

بو سوز اوزرینە ایکی سەنە دە مافضلە نشئە کادی. لالی که قلباً سوینیورلردی.



بر رینه قارشى بايدقلىرى بو نزع لطيفه لر منونيتلرينك بر علامتى ايدى .  
 قوپو ياناغه كىرنجه ژروەز كىتىردىكى پورتقاللارى وبردى . قارىسك بواھنامى  
 اونك رقتى موجب ادىلشدى . ميخانهك تىزكاهلرندىن آياغى كىسله لى برى بوراده  
 اچدىكى اخلامورلر اونك اخلاقنه اسكى سويىلىكنى كىتىرمىشدى . ژروەز بوندى  
 جسارت آلەرق اوکا اسكى زمانلردىن چىوى فابرىقه سىندە چالیشىر كن ووردىنى چكىيچ  
 ضربە سنى خاطرلاتدى . شىمدى اوسس ، طبق اسكى زماندەكى كى ژروەزك  
 قولاقلىزىندە عكس ایدیوردى .

— امادە صايىقلادم ها ! دىيوردى ، دوشون بر كره ، دىت طرفدە فارەلر  
 طولاشيور ، بن بونلرى ياقەلامق اچىون برده دىت آياق اوستى قوشىديوردىم .  
 سن آرقەمدە باغىرييورمشك ، برطاقم انسانلر اطرافكى آلمش ، سنى صوصدىرمەفە  
 چالیشيورلر ، خلاصە درلو درلو شىلر ، كوپە كوندوز خىيالتلر كورىيىوردىم .  
 مع مافىە قفام صاپە صاغلام اولدىنى اچىون شىمدى ھېسنى خاطرليورم . ھەنە ايسە  
 آرتق كچدى كىتىرى . شىمدى سادە اويقۇمىدە رۇيالرمە كىرييور ، اوستىمە  
 آره صىرە كابوس چوكيور ، فقط بونك اهمىتى يوقدر . چونكە كابوس ھەركىسە  
 اولور .

ژروەز آقشاھە قدر قوپونك ياندىن آىرلادى . دوكتور ساعىت آلتى بەطوغرو  
 آقھام وىزىتە سنى ياپمغە كەلدى . قوپونك اللرىنى يانە اوزاتەرق معاینە ايتدى .  
 آرتق بواللر تىرەميوردى ، سادە پارمەتلرينك اوجىندە خفیفجە بر رعشە واردى .  
 مع مافىە كىچەك قارا كانى چوكدكجە قوپونك قلىنى بر اندىشە استىلا اىغىكە باشلا .  
 مىشدى . ايكى دفعە ياتاغنك اوستىندە دوغرولدى . دوشمەيە ، اوطەك كوشەلرىنە  
 باقىندى بر آرهلق قوانى اوزاتەرق بر بوجك ازیيورمشجە سەنە أیلە دیوارە بردى  
 اوردى . ژروەزە قورقەرق صوردى :

— نەوار ؟

— نە اولەجق ، ھې اوفارەلر ...

صوصدى ، بر مەلت صوكرە اويقۇيە طاماشدى . اويقۇ آره سىندە صايىقلایوردى :  
 — آمان ياربى ، وجودى ييورلر ، دلىك دەشيك ایدیورلر ... آھ شو  
 صەدار حیوانلر .. ژروەز ! اتكاركى طوپلا ، امان دقت ایت ، فارەلر كاپور ،  
 ایشتە باق آرقەكە .. آھ مامونلر آھ ، بونلر حیوان دكل جنوار ...  
 اللریلە بوشانى توقاتلیور ، يورغانى كوكسنىك اوستىنە چكىور ، صقالای برطاقم  
 آدملىك ھجومىندن صاقىمق يچون يورغانى كوكسە قالقان كى طوتیوردى . بواشنادە



برغاردیان قوشه رق کلدی ، ژروه ز قورقودن بوز کسيلمشدی ، قغوشدن چيغدی .  
 برقاق کون صو کره تکرار خسته خانه یه کلدیکی زمان قوپویی تماميله اييلشمش بولدی .  
 آرتق کابوس ده قالمامشدی . چوجوقلر کبی ، هيچ بر طرفی قيميلدا نمقسزین اون  
 ساعت اويويوردی . بونک اوزرینه دوقتورلر قوپویی آلوب اونه کوتوره بيله جکني  
 ژروه زه سوبله دیلر . خسته خانه دن چيقار کن دوقتور قوپويه نصيحت ايتدی ،  
 بونصیحتلری دیکله سنی ، اگر دیکاهه یوب ده تکرار ایچکی یه باشلايه حق اولورسه  
 بو سفر قورتولامایه جفنی آ کلاتدی . ايياشمک اونک ائنده ایدی . باق ايشته ،  
 خسته خانه ده ایچکی ایچمه ذیکی ایچون ناصل شن شاطر ، سويعلی بر آدم اولاشدی .  
 بناءً علیه خسته خانه ده کچیردیکی حیاته اونده ده عیناً دوام ایتلی ایدی . فرض ایتسون  
 اوده ده کلیدلی بر اوطه یه قاپاتيلمشدر ومیخانه یوقدر .

اومنیبوسه بیندیلر . یوله کیدر کن ژروه ز :

— دوقتورك حق وار ، دییوردی .

قوپو جواب ویردی :

— البته حق وار ...

و بر دقیقه دوشوند کدن صو کره علاوه ایتدی :

— آره صیره بر قدح ایچيله بیلیر ، بونک ضرری یوق ، بالعکس هضمه

یاردیم ایدر .

فی الحقیقه او آقشام هضم ایچون اوفاجق بر قدح شراب ایچدی و بر هفته قدر  
 اولدجه معقول حرکت ایتدی . آنجق ایچکی یه قارشى طویدینی ابتلا کوندن کونه  
 اویانیور ، ایلاک قدحی بر ایکنجی ، بونی بر اوچنچیدسی تعقیب ایدیوردی . نهایت  
 خسته خانه دن چیقادیغک اون بشنجی کونی اسکی عادتیی بولدی ، ینه اسکیدی کبی  
 ایچمه که قویولدی . ژروه زک صبری توکونیوردی ، جانه جقدی . اونی خسته خانه ده کی  
 خالیله کورد کدن صو کره اصلاح اوله جفته احتمال ویرمک ، اونکله یکیدن ناموسکار  
 بر حیات سوره جکی ظن ایتک نه بدلائقدی ! ایشه نهایت بو ذوقلی امیدده ائندن  
 کیتمشدی ، و محقق بو ، صوک امید ایدی . آرتق قرارخی ویرمشدی : مادام که  
 قابل اصلاح دکلدی ، مادام که اولوم قورقوسی بيله اونى یوله کتیره مەمەشدی .  
 کندیمی بوندن صو کره اوزولمیه جکدی . او نه اولورسه اولسون وظیفه بيله  
 ایتمه یه جکدی . اوده کوکلنه اکلیجه آرایه جق ، اکلیجه سنی نره ده بولورسه اورایه  
 کیده جکدی . بو قرار ایله برابر بر جهنم حیاتی باشلادی . کیت کیده سـفـالـت  
 آرتیوردی . بر دها ای کون کورمک امیدیه قالمامشدی . نانا بيله ، آره صیره



باباسندن توقاد بیدکجه « نهدن بو حریفی خسته خانه ده براقادیلر ؟ » دییوردی . بر پارچه یاره قازاغه باشلاسه ایچکی الوب اوکا ایچیره جکدی ، ناکه بر آن اول کبرسون ... برکون قوپو ، غاوغا آره سنده اونکل اوله ندیکنه پشمانلق کوستره جک اولدی . ژروهمز آرتق طیانه مادی ، پارلادی .

یالانچی حریف ، باق نه لر سویلیور : کندیس ی باشقه لرینک آرتینی ایتش ، باشقه لرینک قوجاغندن اوکا کیتمش ایتش ، کندیس ی اونک یوزینه کولمش ، قاندرمش ، اوده بوندن طولای کندیس ی سفالتدن چیقاروب قورتارمش ایتش ! بونلری سویلرکن هیچ ده صینلما یوردی . آنجق هانکی سوزی وارکه یالان اولماسون ؟ حالبوکه اصل ایسته مه یین ژروهمز ایدی . ژروهمز وقتیله اونک زوجه سی اولغی هیچ کوکلی آرزو ایتمه مشدی . فقط بر درلو یاقه سی قورناره مام مشدی که ... « ای دوشون ، بونک صوکی کلار » دیدیکی حالده قوپو اصرارندن ممکن دکل وار کچمه مشدی . آه شیمدیکی عقلی اولسه تولورده یینه موافقت ایغزدی . واقعا ژروهمز اول طوی آتمشدی ، آنجق ایشی کوجی بوزولان برقادین اکر چالیشقان ایسه البته کندیسینک وعائله سینک شرف وحیثیتنی میخانه لرده بر باد ایدن حایلار برارککه مر جدر . خلاصه بونوع آتیشمه لر نتیجه سنده اوکون ایلاک دفعه اوله رق قوپو ایله قاریسی اوروشدیلر . بودو گوشمه او قدر سرت اولشدی که بر برینک صیریلنده بر سپور که ایله برده شمسیه پارچه لامشلدی .

ژروهمز دیدیکی یایدی : کیتدکجه عطالته اوردی ایینه بوستون دوام ایتم اولدی . بعضاً کونلرجه سرسری طولاشیوردی . عادتا بر پاچاوره حالته کلکده ایدی . نبالشمشدی ایله که آلدن قصارا بره برنی دوشوره جک اواسه کونلرجه طوروردی ، اکیلوب آلفه ا شه نیردی . ا کینه بوینه سیرییوردی . هیچ کیفی بوزمیوردی . اولک ایچی توزدن طوپراقدن کچلمز حاله کلکجه آله سوپور که آلدینی یوقدی . لوریو ایله قاریسی قاپونک اوکندن بچرکن برونلرینی طیقاییورلر ، قوپو ایله قاریسینک اوطوردقلری اوطه ناک هوا سنده زهر اولدیغنی ادعا ایدیورلردی . لوریو وقاریسی قورناز انسانلردی . اونلر قوریدورک تا اوته کی اوجنه چکیمشدر ، بو اوجده کی سفالتدن اوزاق ، آره صیره کندیلرندن بورجه اوله رق ایسته نیلن بر فراننی ویره جک قدرتلرینی اولادیغنی آ کلالتان بر وضعیت ایچنده یاشایورلردی . طوغروسی ایلاکده بوقدر اولر ! قوم شونک بوقدر لطفکاری نادر بولونور !! ... قاپولرینه کلوب بر پارچه آتش ، بر آز طوز ، پاخود بر صراحی صو ایسته یینک مهوراتنه قاپوی ایله بر قاپاتیشلری وار که ! ... اویسته اوستاک انسانی سیلان کی ده



صوقارلر . سوزلرينه باقىلسه كيمسه نك ديدى فوديسنده دكلدرلر ، فومشولردن برينه بر آز يارديم ايتك موضوع بحث اولونجه « بركوشه غزه چكيا شير ، باشقارلر بله ايشمن يوق » ديرلر . فقط برينك عليهنده بولونمق ، برينه كوتوك ايتك صيره سى كلدى مى صباحدن آقشامه قدر بوندن بيقوب اوصانمازلردى . برطرفدن تركاھلرك باشنده ايشلرينى كورورلر ، ديكر طرفدن قاپوي سورمه له يهرك ، ايجريسنى كورونمە سون ديه بر يورغانلە بوتون دليكلرى دشيكلرى قاپايه رق ديدى فوديلرينه دوام ايدرلردى . هله ژروەزك فلاكت ايچنده يوارلانديغنى كورونجه توپلرى اوقشانان كدى ذوقيله ميرلاfir طورورلردى .

ايشلرى كوجلرى ژروەزك حركاتى ترصد ايدى . پارشيدن ييه جك آلمغه كيتسه ، اوكلكنك آلتنده بر ديلم اكك آلوب كتيرسه قوللارلردى . بوم بوش بوفه نك قارشيدسندە هانكى كونلرى آچ كچيردكارينى ، اوطه لرندە توز وكير نه حالده اولديغنى ، ييقانمە دن بر اقيامش قاچ كيرلى طباق بولونديغنى ، خلاصه سـفـالـت وتبـلـلـك يوزندن كپتدكجه آرتان پوقسوللق ومتروكيك درجه سنى بيليرلردى . آرقه سـنـه كپديكى اثوابلر بر پاچاوره جينك بيله تنزل ايدوب اوستنه آلمايه جنى شيلردن اولديغنه ده واقف ايديلر . بر زمانلر ماوى بويالى كوزل دكانك ايچنده صيچرايوب طوران بو سويلي قادينك اوزرينه شيمدى سفالت واحتياج ياغمور كې ياغمورلردى . آله كچن ياره يى بوغازينه صرف ايدنلرك عافى ايشته بو ايدى . ژروەز ، لوريولرك كندى عليهنده فنا شيلرسويله دكارندن ذاتاً شېه ايدىيورلردى . بو ديدى فوديلرى ديكلامك ايچون آياقلردن قوندره لرينى چيقارير ، قولاغنى ديواره طاياردى . فقط اوتە كيـلـرك آرقه طرفدن آصدقلىرى يورغان ايشته كمانع اولوردى . يالـكـز بركون كنديسندن بحث ايدركن چام يارمه سى قادين ، ديدكارينى ايشتمشدى . فى الواقع فنا تغدى يوزندن دريسنك ايچى كيتدكجه بوشالمقده اولديغنى حالده كوكسى ينه خيلى چيقيق ايدى . مع مافيه ژروەز ينه فرصت دوشدكجه اونلرله كوروشورلردى . كرچه او هر دار انسانلردن تحقيردن باشقه برشى بكله مزدى ؛ انجق بر طرفدن ديدى قودى يه مانع اولق ديكر طرفدن كنديلرينه مقابله مجبوريتندن قورتولق ايچون اونلرله مناسبكى كسمه مشدى . هم او ، آرتق هيچ بر شيئله كيفى بوزمامغه قرار ويرمشدى .

بر جمعه ايرتسى كوني ، قوپو ژروەزى جانبازخايه كوتورمكه وعد ايتمشدى . اوراده قادينلرك آتله بينوب قوشد يردقلىرى ، كاغد چنبرلر ايچنده صيچرادقلىرى كورمك زحمتنه دكر براكلنجه ايدى . اوكون قوپو



ایکی هفته لوق بردن آلمشدی ، بونک ایکی فرانغی صرف ایده بیلیردی . حتی اوکیجه ، ایکدیسيله بر لوقنطه ده یئک ییه بیلیردی . اساساً نانا ، عجله بر سپارشی یتشدیرمک ایچون او آقشام کیچ وئته قدر چایشدینی دکانده قالدی . ساعت یدی اولدینی حالده قوپو کورونمادی ، سکیز اولدی یئنه کلدی . ژروهمز صوک درجه حدتله نمشدی . هیچ شبهه مز بو سرخوش حریف قازاندینی پاره بی آرقداش لریله بر میخنه ده یییوب یتیریوردی . حالبوکه کندیس ی اوکیجه دوز کون بر قیافتله چیقہ بیلیمک ایچون مشابه سنی ییقایوب تمیزلشمش ، اسکی بر اثوابی آرقه سنه اویدوره بیلیمک ایچون اوکون صباحدن اقشامه قدر آینه قارشیسنده پرووا یامشدی . نهایت ساعت طقوزه طوغرو ، معدہ سی بوم بوش ، یوزی حدتن موص مور کسيلمش اولدینی حالده قوپوی محله ده آرامق ایچون چیقمه قرار ویردی .

قاپو اوکنده مادام بوش اونی ، کوزی دوش بر حالده کورونجه صورتی :  
— قوجه کزی می آریور سکیز ؟ بابا قولوم بک میخانه سنده در . قوجه دمین کندیسيله بر کیراز راقیسی ایچمش ....

ژروهمز تشکر ایتدی . وقوپونک بوغازینه صالديرمق قراريله قالدیریمده دیم دیک یورومکه باشلادی . ایجه بر یاغمور یاغیوردی . سوقاقده کزمه نک ذوق قاچمشدی . آنجق آسسوموار میخانه سنک اوکنه کلنجه ژروهمزک حدتی دوشدی و احتیاطی داورانغه قرار ویردی . ایچریده بوتون لامبه لر یانمش ، میخانه ، پاریل پاریل پارایوردی . رافلرده دیزیلی اولان رنگا رنگ شیشه لر بوضیا آلمنده بارلاق عکسلر حاصل ایدیورلردی . ژروهمز بر دقیقه قدر ، بل کمیکی کهریلش ، کوزینی دکانک جامنه طيامش اولدینی حالده تزکاه اوستنده طوران ایکی شیشه نک آره سندن تا دیبده اوطوران قوپویه دقتله باقیوردی . قوپو آرقداش لریله برابر اوافق بر ماصه نک اطرافنه اوطورمشدی . سیغاره دومانلری آره سندن یوزلری آنجق سچيله بیلیروردی . نه سویله دکارینی بالطبع ایشیده میوردی . یانکر قونوشورکن چکه لرینک ایلری طوغرو حرکت ایتدیکنی ، کوزلرینک طیشاری فیرلایه جق کی چشم خانه لرندن فیرلادیغنی کورییوردی . بو حقیقه تخف برشی اولیوردی ، قاریلرینی ، چولوق چوجوقلرینی براقوبده بومیخانه لک بوغیجی محیطنه کلک بونه عقلدر یاربی ! یاغمور بویندن اشاغی طامله طامله اینیوردی . جامک اوکندن چکیلرک جاده استقامتجه یورومکه باشلادی . نه یایمق لازم کله جکنی دوشونیور ، فقط بردرلو قرار ویروب ایچری کیره میوردی . کیرسه کیم بیلیر



قوپو اونى ناصل قارشىلايه چىقدى . او ، كه سرت برمعامله يه بيله قاتلانمازدى ، هم اوراسى ناموسلى بر قادينك كيره چكى يرلردن دكلدى . ياغموردن صيرصيقلام اولان آغاچلر آلتنده وجودى خفيف بررعه شه قاپلامشدى . پك احتمال ويرمه مكله برابر برخسته لغه ياقه لاقى اوزره اولديغنى ظن ايديوردى . ايكي دفعه ميخانه يه دونه رك جامدن باقدى . اونلرى حالا اوماصه باشنده حالا ايچوب قونوشمقلا مشغول بولونجه حدتدن نه ياپه جغنى بيله ميوردى . ميخانه نك سوقاغه عكس ايدن ضياعى جاده ده ياغمور بريكنىلرينه دوشيور ، بونك اوزرينه ياعان طامله لر بر صويك قايناركن چيتاردىنى قارباجقاره مشابه ميني ميني موجه لر حاصل ايديوردى . قاپونك هر آچيلوب قاپانيشنده قاچيور ، نه ياپه جغنى شاشيريوردى . لكن نه يه بويله آبداللى ايديوردى ؟ بر آره لق قرار ويردى ، قاپويى آچدى . وقوپونك اولديغنى ماصه يه طوغرو يورومكه باشلادى . بونده نه واردى صانكه ؟ يابانچى دكل يا ، قوجه سنى آرامغه كيديوردى . هم اويله طوروب طوردينى يرده كله مشدى . قوجه سى اونى جانباز خانه يه كوتورمكه وعدايتدى ديه كلكشدى . قالديريم اوستنده صابون كې ارييه جك دكلدى يا ، نه اولورسه اولسون كيرمكه قرار ويرمشدى . او آره لق قوپو آلايلى بر بحث طوتديرمش ، كولكدن بوغوليوردى . ژرودى كورونجه :

— آى ، سن نردن چيقدك ؟ ديدى ، شو بزم قوجه قارى ، تحف شيدر ياهو ! سزده تحف بوليورميسكز ؟

مه بوط ، بېي لاغرياد ، بهك ساله ، هپ بردن كولمكه باشلامشلردى . اونلرده ژرودك بويله كلوب باصديرمىنى تحف بوليورلردى . يالكر آكلامادقلى شيدك اونك آياقه شاشقين شاشقين طوروشى ايدى . حالوكه قوپو او كا قارشى هيچده فنا معامله ائتمه مشدى . بر آره لق ژرود :

— اونوتدكمى ؟ ديدى ، بوكيجه جانباز خانه يه كيده جكدك . هايدى قالىق ، يوله قويولالم ، وقت كچمه دن كيده لمده بر قاچ شى سير ايدلم .

— برمدت قالقه جق حالم يوق ؛ لطيفه بر طرف اما ، عادت اوتورديغم يره ياپيشمش كېيم ايسترسهك بر تجربه ايت ، باق قالديره بيليرميسك ؟ بوتون قوتكله قولى طوتده چك ، امكانى يوق ؛ بابا قولومبك راقيسى بى عادت بورايه ميخلادى . ژرودز بو حيله يه آليشيق ايدى . قوجه سنى يرندن قالديرمق ايچون قولنه آصيلوبده موفق اولاماينجه براقدى . اووقت بوندن خوشلاشان آرقاداشلر برينك



اوستنه آتیلدیلر ؛ باغیرشمغه ، قاشاغیلانان صرکبلر کبی بربرلرینک اوموزلرینه سورتونمکه باشلادیلر . قوپونک آغزی کوله کوله او قدر آچیلیوردی که تاغیرتلاغنک دینی کورونیوردی .

— آبدالغک لزومی یوق ، شوراجقده بر دقیقه اوطورسهک قیامت می قوبار؟ البته سوقاقده طولاشمقدن دها ایدر . اوه کله مدم ، ایشلرم چیقدی . او یله صورات ایدوب طورمه ، فائده سی یوق ... یا هو آرقداشلر ، سزده بر بارچه کری چکیلک ده ییزم خاتونه یر ویرک ...

مه بوط نزا کت ابراز ایتش اولق فکریله :

— اکر مادام آرزو ایدرسه دیزمه اوطورسون .

دیدی . ژروه ز نظر دقتی جاب ایتمهک ایچون بر اسکمه آلهرق ماصه دن اوج آدم اوته ده اوطوردی . قدحلرک ایچنده آلتون کبی پارلایان صاری رنگلی ایچکی یه باقیوردی . بوندن ماصه نک اوستنه ده بر بارچه دوکولش ، اوراده بر بریکنتی حاصل اولمشدی . بهک ساله هم قونوشیور ، هم ده پارماغنک اوجیله بو بریکنتی یه باطیروب ایصلاتهرق ماصه نک اوستنه ایری حرفلرله « تولادی » اسمنی یازیوردی . ژروه ز بی بی لاغریادی خیلی بوزولش ، صوک درجه ضعیف بولدی .

مه بوطک برونی قباروب بویومش ، اوستی دایا چیچکی کبی مورارمشدی . اوطه ده اوطاق سیلمکه مخصوص سپورکله بکزه یین سرت ویاغلی صاقلاریله . مردار بلوزلریله ، طیرناقلری سیم سیاه اولش آلاریله دردی ده صوک درجه کیری ایدیلر . آنجق یینه آره لرنده اوطوردیلری حالد یینه صاپتیمیورلردی . حالبوکه ژروه ز تزکا هک اوکنده ایکی آدم دها کورمشدی . بونلر او قدر سرخوش اولشلردی که قدحی چکه لرینک آلتنه بوشالتیورلر ، معدد لرینه بوشالتیور ظنیله گولملک لرینه دوکیور . لردی . اوته طرفده بابا قولوپ اوزون قوللرینی اوزاتهرق بوشالان قدحلی متصل طولدیریوردی . هوا پک زیاده صیجاقدی . پیپولردن چیقان دومانلر هوا غازلرینک کسکین ضیالری آراسنده یوکسله رک بر توز بلوطی کبی قیورانیور ، . ماصه باشلرنده اوطورانلر کیتدکجه کثافت پیدا ایتدی . بر بوغو ایچنده براقیودی . بو بلوطک اوته سندن قولاقلری صاغیر ایده جک درجه ده کسکین ، قارمه قاریشیق بر کورولتو چیقیور ، کسک سسلر ، بر برینه چارپان قدحلر ، کفرلر ، ماصه اوستنده طوب کبی پاتلایان یومروقلر بر برینی تعقیب ایدیوردی . ژروه زی حیرت استیلا ایتمشدی . چونکه ، آلیشیق اولمایان بر قادینه کوره بو منظره هیچ ده



تخف دكادى . بوغوليور ، كوزلرينك ايچى يانيور ، هر طرفدن يوكسلن ، اسپرتو بخارينك قوقوسى باشنه سرس-ملك ويريوردى . ناكهان آرقه طرفدن كنديسنه دها فضله راحتسزلىق ويرن بر شى حس ايدر كې اولدى . دونوب باقدى : ميخانه دن بر جامكانله آريلان طار اولونك ايچنده جهنمى بر صارصنتى ايله ايشلەين اينبق ما كنه سنى كوردى . كيچه حاليله ما كنهك باقىر اقسامى دها مظلم طور ييور ، يالكز مدور اقسامى قرمنى بر ييلدين كې پارايوردى . آرقه طرفده كې ديواره عكس ايدن كواكه سى قورقونج شكار ، فويروقى بر طاقم مخلوقات ، بوتون دنيايى يوتىق ايچون اغزلىنى آچش كې طوران ديولر ترسيم ايديوردى . قوپو ژروهزه خطاباً :

— دها او صورتى براقايه جقميسك ؟ ديدى ، هايدى سويله باقم نه ايچه جكسك ؟

— بر شى ايستمم دها يك پدم .

— دها ايا ، بر قاچ قدح ايچرسهك بايغينلغك كچر .

ژروهز حالا صورت ايديوردى . مه بوط نزاكت كوسترمش اولمى ايچون :

— مطلقا مادام طاتيلردن خوشلانير .

ديدى . ژروهز حدتلى بر طور ايله جواب ويردى :

— بن ساده جه سرخوش اولمايان ار ككلردن خوشلانيرم . بن ايسترم كه

ار ككلر هفته لقلرينى آلنجه اولرينه كتيرسونلر ، بر شى وعد ايدينجه وعدلرينى يرينه كتيرسونلر

قوپو حالا آلايى آلدن براقيوردى :

— ديمك دميندن برى صورتك بونك ايچون ها : قازانديغ پاره دن سنده

حصه كى ايسته يورسك اويله مى ؟ بونى آكلادق ، فقط بر قدح ايچكى ي رد ايتمه سلب نه ؟

اوده كاردور .

ژروهز ، آلنك اورته سنده سياه بر چيزكى حاصل ايدن جدى وثابت بر نظرله

قوپونك يوزينه باقدى وبطى بر افاده ايله :

— حقك وار ، ديدى ، فنا فكر دكل ... قازانديغ پاره يى برا كده ايچهر ك

صرف ايدرز .



بېي لاغريياد ژروەزە برقدح آيزت راقيسى كتيرمكە كيتىدى. ژروەزە  
صنداليەنى ماصەيە ياقلاشدىرى ، بېي لاغرييادك كتيردىكى راقىيى ايچركن وقتىلە  
قوپو كنديسنە ملازمت عاشقەنەدە بولوندىنى زمانلر ، بركون اونكلە برلكدە شو  
قاپونك كئارندە ايچدكارى اريك راقيسى خاطرلادى . اوزمان راقينك ايچندەكى  
أريكي ييور ، ايچكينك كنديسى براقيورردى . شيرر ايسە ايچكىي ايچيورردى .  
ذاتاً او ، كنديسنك ذرە قدر عزمە مالل اولمادىغنى بيليورردى .

برپارچە جانى صيتيلسە كندىنى ايچكىيە قاپديرەرق صيقنديسى بومايعدە ازالە  
ايتكە قوشەجق خندە يارادلىرى . شيدى ايچكە باشلادىنى آيزت راقيسى  
برپارچە طاتلى ، برپارچە بولاتى ويريجى اولقلە برابر خوشنە كيدييورردى .  
بەك سالى ، ئولالى اسەندە بربالق صايجى قادىنلە اولان مناسبتى حكاىە ايدىيورردى .  
بوقادىن هم ايچندە بالى طولو اولان آرابەسىلە سوقاق سوقاق كزر ، ھەدە  
كنديسى كوشە كوشە آزارەش . واقعا آرقداشلىرى اونى كورور كورمىز كنديسنە  
درحال خبر ويرررر ، ئولالى كورمەسون دىيە برطرفە صاقلارلر ايسەدە قادىن  
نەياپوب ياپوب ھەمەحال بولورمىش . حتى دون ينە ايشنى ترك ايدوب برميخانەدە  
ايچركن ئولالى كلوب كندىيىنى بعض ، ە بن سكا حايلازلنى كوستيرىم ، دىيە  
صورائە قوجەمان بر بالق آتەشدى . ژروەز ، قدحك ايچندە قالان صوك طاملەنى  
أمەرك بوكولونج حكاىەنى دىكلەيورردى . بېي لاغرييادەمە بوپ كولمكدن قيريليورلر .  
ألاريلە متصل ژروەزك اوموزينە اورييورلردى . نہايت ژروەزدە آرايە قارىشەشدى .  
اودە بلا اختيار ، صانكە غيدىقلانيورمىش كې كوليورردى .

اوكادە ئولانېك ياپىغى كې ، باغسى ، اودن اوتولرى كتيەرك قوپونك قولاقلىرى  
اوتولەسنى توصيە ايدىيورلردى .

قوپو ژرووزك بوشالان راقى قدحنى باش آشان چويرەرك :

— آمادە صاغلانم طولومبەك وارمىش ھا ! قدحك ايچندە قطرە بيلە براقادك !  
بزم جماعتدە بوش طورمق اولماز ...

بەك سالە سوردى :

— مادام بردانە دھا ايچرمى

خاير ، بر قدح كافى ايدى . معصافىە ژروەز ايچوب ايچمەمكدە . متردد  
بولونيورردى . راقى مەدەسنى آت اوست ايتەشدى . بوفتالنى كيدىرمك ايچون دھا  
سرت بر ايچكى ايسەيورردى . بو ارزو ايلە نىزلرى ، آرقە طرفدەكى اينىيق



ما گنه سنه انعطاف ایدیوردی . قوجه مان بر قازانه بکره من شیشمان قارنیه ،  
قیوریه قیوریه او انان برونیله بو ما گنه صانکه اونک اوموزلرینه اوفلیور ،  
هلبنده قورقو ایله قاریشیق بر قورقو اویاندریوردی . بو ما گنه زهر قوصان  
بر متبع ایدی . زهرلرینی او یله وحشی و کستاخ بر طرزده دو کیوردی که اونی  
آچیتده براقق هیچ طوغرو دکلدی ، آلوب بر مخزنک قارا کلغلرینه کوملی  
ایدی . ژروه ز هم بویه دوشونیور ، هم ده برونی او ما گنه یه یاقلاش دیردرق  
اونی قوقلامق ، اونک زهرینی طاتمق ایسته یوردی . بو زهر اونک دینی یاقوب  
هلوورسه بیله ژروه ز اوکا قارشی بر انجذاب طویمندن کنندینی منع ایده میوردی .  
بر آره لق ارککلرک قد حرنده پارلایان صاری رنگلی ایچکی یه اشارت ایده رک صورتی :  
— او ایچدیگمز ، نه در .

قوپو جواب ویردی :

— بومی ؟ بوکا بابا قولومبک کافور روحی دیرلر . نه او یله ابدال ابدال  
قیورسک ، ایسترسه کز سکاده بریودم ایچردلم .  
ارککلرک قولاندقلری ایچکیدن اوکاده ایصمارلادیلر . دها آغزینه قویار  
قوغاز چکه لری قیصلیدی ؛ قوپو کولمکدن قاتیلیوردی .  
— بوغازکی رنده له دی دکللی ؟ او یله اولماز ، بریودمده هپسینی ایچملی ...

ایکنجی قد حد ژروه ز آرتق آچلق طویمیوردی . آرتق قوجه سیله باریشمشدی .  
هرعدینی یرینه کتیرمه دیکیندن طولانی آرتق اوکا قیزمیوردی . جانباز خانه یه باشقه  
بر کون ده کیده بیلیرلردی . آت اوستنده قوشدیران جانبازلرک اوقدر مصراق ایدیله جک  
نه سی واردی صانکه ... هم بومیخانه نک هر طرفی کولجه قاپالی ایدی . ایچنه یا غمور یا غمیوردی .  
واقعا قد حله بوشالده هفتقه لوقده یا واش یا واش ارییوردی . آنجق هیچ اولمازسه پاره  
سوقاغه کیتمیوردی یا معده ده قالیوردی . هم ناصل ایچکی ؟ آلتون کبی صاف ، پارلاق !  
هر کس نه دیرسه دیسون ، اومورنده دکلدی . حیات هیچ بر زمان کنندینی  
جو ماصه باشنده اولدینی قدر ذوقیاب ایتمه مشدی . پاره سی کیدیورسه بیله هیچ  
اولمازسه ایچکینک ویردیکی کیف بو آجی یی یاری یاری یه متسلی ایدیوردی . پک  
شعلی راحتنی بولمشدی ، نه دن صانکه اوطوروب قالمایه جقدی ؟ یاننده طوب پاطلاسه  
ینه یرندن قییلد امازدی ، ایش بر دفعه یوکنی آلفده ایدی . ایچکینک ویردیکی  
طلاقی بر حرارتله کوملی عادتنا آرقه سینه یاپیشمش ، بوتون موجودیتی بر ذوق  
روحط ایچنده اویوشه مشدی . دیرسکارینی ماصه یه طیامش ، کوزلری ثابت بر نقطه یه  
صلاطش ، یاننده کی ماصه لرک برنده سر خوشلقدن بر برینی قزجالایان بری صوک در .



ایری ، دیکری جوجه دینه جك قدر قیصه بوبلی ایکی مشتری بی سیر ایدیور ،  
 تماشادن بویوک حظ طویوردی . اوت ، ژروهز آسوموارك ایچنده کولوب  
 اکلنه جك بر موضوع بولمادی . بوراده مشتریلرک اورتهلنی دومانه بوغان پیولرندن  
 باغروب چاغیرمه لرندن ، یرلره توکورمه لرندن ، آینه لرده ایچکی شیشه لرینه عکس  
 ایدن هوا غازیك پارلاق ضیاسندن کندیسنه بر اکلنجه چیقارمادی . آرتق  
 میخانهك قوقوسندن ایکره نیوردی . بالعکس بو قوقو بروتنی غیدیقلاپور ، عادته  
 خوشنه کیدیوردی . کوز قاپاقلری آغیرلاشمغه ، بر فنالق حس ایتمه مکله برایش  
 تنفسی قیصامغه باشلامادی . آغیر وطاتلی براویقونك ذرقی بوتون وجودنی صاریوردی .  
 اوچنجه قد حدن صوکره چکه سی آلرینك اوستنه دوشدی ، قوپوایله آرقه داشلرندن باشقه  
 شی کورمز اولدی . شیمدی اونلرله برون برونه ، یاناقلرینك اوزرنده اونلرک صیجاق نفسلری  
 طویه رق ، صفالارنده کی قیللرک عددنی صایه بیله جك قدر یان یانه بولنیوردی . هیس  
 کور کوتوک سرخوش اولملردی . پیوسنی دیشلرندن آیرمایان مه بوتک آغرتدی  
 صالیه لری آقیوردی . اویوشوق بر اوکوز کی جدی و ساکت طورنیوردی .  
 بی لاغرغریاد وقتیه برایتیه شرابی ، شیشه یی هیچ آغزیه طوقوندورمقسزین  
 بردفده ناصل ایچمش اولدیغی آکلاتیوردی . به کساله ایله قوپو پیانقو چکمه  
 مخصوص آلتی آلوب کتیرمشلر ، ایچکیسنه قار اوینایورلردی .  
 — ایکی یوز!... بونه طالع به ، هروقت یوکسک نومرولر سکا اصابت ایدیور...  
 — اوچ یوز الی!... آکلاشیلدی . بو آقشام هپ قازانه جقسک  
 آرتق اوینامام .

شیمدی ژروهزه ده مراق صارمادی . اوده اوینامق ایسته یوردی . آرقه ده  
 اینیق ، یر آلتنده آقان برنهر کی مفرد و متمادی بر زلزله ایله ایشله یوردی .  
 ژروهزک ایچنده بوکا قارشنی بر حدت اوینامادی . اوننی طور دیردماق ، اونک  
 ایچنده آقان مایی بتیره مه مک دوشونجه سیله قودوریور ، وحشی بر حیوانك اوستنه  
 نابل هجوم ایدرلرسه اوده بوما کنه یه اوپله هجوم ایدهرک طویوقلریله قناسنی آزمک  
 قارنی ده شمک ایسته یوردی . کوزینک اوکنده مناظر بر برینه قاریشیدیور ، ما کنه  
 اولدنی یردن قیلدانه رق کندیسنک اوستنه کلیور ، دمیر آیاقلری کندیسنی  
 چیکنه یور ، بورولرندن جیقان مایع بوتون وجودندن آقوب کیدیور طنز  
 ایدیوردی .



یر آرەلق بەك سەلەك مەخانەجی ایله غەرەا ایتدیکنی ایشیدیر کی اولدی . بەك  
سەلە مەخانەجی بی فضلە پارەایستەمکە اتەام ایدیور ، اوکا خرسز خریف دیوردی .  
دیرکن بر ایتیشوب قاقیشمە باشلادی ، مەخانەدە مدهش بر باغیریشمە اولدی .  
مەصەلر یرە دەوریلدی . بابا قولومبا بوتون مشتریلری ایتە قاقە قاپو طیشاری  
ایدیوردی . مشتریلر طیشاری چیقەفە مەخانەجی یە سەوکهکە باشلادیلر ، یوزینە  
قارشى طولاندیرجی دییە باغیردیلر . یاغمور متصل یاغیور ، طوکدیرجی بر  
روز کار اسیوردی . ژروەز ایلک اوکجە قوپوی غائب ایتشدی ، سوکرە بولدی ،  
تکرار بر دها غائب ایتدی . اوه دونك ایستە یور ، یولی بولقی ایچون ااریلە  
دکانلری یوقلیوردی . بردن برە کجەنک قارا کانلری ایچە دوشنچە ، شاشیرمشدی .  
پوواسسونیە سوقاغنک کوشەسندە یاغمور صولریک اورتەسە چومە ایویوردی .  
اوکنندن صولر کچدکجە کندینی مەهود چاشیرخانەدە ظن ایدیوردی . باشندن  
آشاغی آقان یاغمور اوکا باش دونسی ویریور . اونى فناحالە خستە ایدیوردی .  
نهایت اوی بولەبیلدی . قاپوجینک قولبەسی اوکنندن دیم دیک یورویەرك کچدی .  
ایچریدەلوریو ایله قاریسی ، پوواسسون ایله قاریسی برماصە اطرافندە قونوشیورلردی .  
اونى بوخالە کورونجە استکراە ایله صوراتلرینی یوروشدیردیلر .

آتی قات صردیونی ناصل چیقادیغی اودە بیلمیوردی . کندى قاتنە کلوبدە  
قوریدورە صاپەجفی صیرەدە اونک آیاق سسنى ایشیدەن لالی قوللارینی  
آچەرق قوشدی :

— مادام ژروەز بر آقشام بابام کلەدی . کیرکدە باقک چوجوقلرم نە کوزل  
اویویورلر !..

دیدى . فقط ژروزك شاشقینلاشمش سیماسی قارشیدسندە تترەیهرك کری  
چکیلیدی . اونک آغزندن انتشار ایدن راقی قوقوسندە ، اوصولفون کوزلرە ،  
او اختلاجدن قیصیامش دوداقلرە آلیشیق ایدی . ژروەز سندەلەیهرك کچدی  
وهیچ برشی سویلەمکەزین اوطەسە کیردی . لالی ، قاپوسنک ایکی اوکنندە  
درین ، سیاه ، ساکت بر نظره اونى تعقیب ایدیوردی .

تانا کیتدکجە یویویور ، بر کنج قیز حالی آلیوردی . دها اون بش یاشندە



ایکن دانه کبی اُکنه بویینه سرپلمش ایدی . تنك رنگی م بیاض ، وجودی اتلی ، بر یوماق کبی طومبول ایدی . اون بش یاشنده آغزینك بوتون دیشلری تمام ایدی ، قورصه کیمیوردی . اونده سوت کبی بیاض وجودیله ، شفتالی کبی تویلی دریسيله ، پنبه آغزيله ، تحف بروینله ، ارککارده سیفاره لینی طوتوب طوتوب یاقق ارزوسی اویاندرن پارلاق کوزلریله طبق بر فاشه صورتی واردی . تازه یولاف رنگینده کی صاچلری شقاقلرینك اوستنه بر آلتون توی کی دوشیور ، آلتنك اوستنده کی چیللر پارلاق برتاج . نظره سی ویریوردی . لوریولرك دیدکاری کبی هنوز دها آنا قوجاغنده اوطوره جق بر یاشده اولدینی حالد ایری اوموزلری طواغونلاشمش ، بوتون وجودینه اولغون برقدین حالی گلشدی .

آرتق اسکیزی کبی کوکسی قاریق طورسون دییه کاغد پارچ لری صوقیوردی . مه لری بویومشدی . کوکسینك ایکی طرفنده بیاض ساتندن برچیف تروتازه مه واردی . بونلر اوکا هیچ راحتسزاق وبرمیوردی ، بالعکس قوللرینك قوجاقلایه بیله جکی قدر بویوک مه لره مالک اولمی ، اوراده برچوق چوجوقلره سوت یرمکی ایسته یوردی . اونك اك اشتها آور حالی دینك اوجنی دیشلرینك آره سندن چیقاردینی زمان ایدی شبه سز آینه یه باقرق اوزمان پك سویملی بر شی اولدینی کندیسی ده آکلامش اوله جق که صباحدن آقشامه قدر کوزل کورونه یم دییه یانی چیقازیر طوروردی .

آنه سی اووقت حایقیریر :

— صاقلا او یالانچی دیلکی !

بعض کره ایشه باباسی ده قاریشر ، نانایی دوکر ، کفر ایدردی :

— او جکر پارچه سنی آغزکاک ایچنه آلیرمینك نوقسه ...

نانا قوکت کورنمکن پک خوشلانیردی . کرچه آیافلرینی صیق صیق قالمازدی ، فقط او قدر طار آیاق قابلری کیردی که اضطرابدن نفسی کسلیوردی . نی بویله طار برچیف پوطينك ویردیکی اضطراب ایله مورارمش کورنلر سببنی وردقلری زمان حقیقی صاقلار ، قارنه آغری کیردیکنی سویلردی . اوه ییه جك كك بولونمادینی زمانلر پک سوسله نکه جسارت ایدمزدی . ا وقت عتله هك شیلر ایجاد ایدر . چالیشدینی دکاندن اوه قورده لهر کتیریر ، کیرلی شلری فیونغه لرله ، فرنك باغیلر سوسله یهرک بونلردن کندیسنه تووالتر یاپاردی .



ياز موسمی اونك موفقیت زمانلری ایدی . آرقه‌سنده آلتی فرانغه آلمش باصمادن برالبسه ایله هرپازار کونی صباحدن آقشامه قدر طولاشهرق بوکون غون دور محله‌سنی صاریشین کوزلاکیله طولدوریردی . طیش بولوواردن شهر خارجنده کی استحکاملرک بولوندیغی محله‌لره قدر هرطرفده اونی طانیلر ، وجودی برپیلیچ قدر تازه ویوموشاق اولدیغی ایچون اونی «مینی مینی طاووق» دییه چاغیریرلردی .

بالخاصه براثوابی واردی اوکاصوک درجه یاقیشیردی . بو ، اوزری نخود دانه‌سی جمنده پنبه بنکارله ایشله‌شمش ، غارنیتورسز ، دوز البسه ایله فیستانی قیصه اولدیغی ایچون آیقلری ایجه کورونیوردی . قولاری تادیرسکلرینه قدر آچیقدی . باباسنك قورقوسندن مرادیوه‌نك قاراگلک بریرنده یاقه‌سی یورک بچمنده آچه‌رق برفریکته ایله طوتیریر ، بوغازینك کولکلی پارلاقغیله کردانك قار کی بیاضغی تشهر ایدردی . قرال صاچلرینه ایکی اوجهری ا کسه‌سنك اوستنده اوچوشان پنبه برقورده‌لادن باشقه برشی قویمازدی . بو حالیه برچیچک دمتی کی تروتازه ایدی ؛ کنجلك ، صباوت ، قادیلق بوتون نکهت عریانیه اوزرنده طالع‌لانیردی . اوکا کوره هرپازار سوقاقده کچن خلق ایله ، دونوب اوکا باقان هرکسه بررانده‌وو کونی ایدی . بوتون هفته قلبنده اویانان اوافق آرزولری کویستره‌مکه چالیشه‌رق بو آرزولرک ویردیکی برحظ ، کونش و سربست هواده طولاشمق ، جاده‌لرک ازدحامنه قاریشه‌رق کزینك احتیاجیه بازار کوننی بکلردی . اوکون صباح ایرکن کینیر ، آرقه‌سنده برایش کوملکیله قونصولک اوزرنده طوران آینه‌یه ساعتلرجه باقینیردی . ژروهمز بو قیافتیه بوتون او اهاالیسی پنجره‌لردن اونی بویله یاری عریان کوردیکی زمانلر باباسی ده قنزار : «وجودیغی اورت ، راحت یمک ییه‌یم !» دیردی . صاریشین صاچلرینك اوموزلرینه دوکولن دمتلری آلتنده بیاض و نارین تی ایله جدا شایان پرستش دنیه‌جک درجه‌ده کوزل بروجوده مالکدی . باباسنك بر حایقیرمه‌سی قارشیسنده جواب ویرمه‌یه جسارت ایدمیه‌رک ساده‌جه ایکنه‌سنك اوجنده کی ایپکلی دیشلرینك آردسنده سرت وحدتلی برضربه ایله قوپاریر ، حدتک ویردیکی رعشه ایله بیاض وچپلاق وجودی تتره‌ردی .

خلاصه یمک زمانه قدر وقتنی بویله کچیریر ، یمک ییدکدن صوکره اوطه‌دن چیقارینه اولویه اینردی . بوتون بنا او ساعتده صجاق بر تعطیل کوننك حرارتی ایچنده اویوردی . اشاغیده آتیه‌لر قابیلدرلر ، یاری آچیق طوران قاپولرک آره‌لقنرندن اشتیالرینی کسکینلتمک ایچون کزیمکه کیتمش اولان صاحب‌لرینك عودتلرینه انتظار اقشامه حاضرلانش یمک سفره‌لری کوزه چارپار . اوچنچی قاتده برقادین تعطیلدر



بالاستفاده اولمه سنی ییقامقله ، یا تاغنی دهوشیرمکه . دوشمه لری یرلرندن قالدیروب  
 تمیزله مکه مشغولدر و بو ایشلری کور، رکن بر طرفندن ده طاتی و محزون بر سسله  
 عینی شرقی بی ساعتلرجه تکرار ایدوب طورور . بوتون ایشلر تعطیل اولومشدر .  
 عکس صدا یاپان اولوده نانا ، پولین ودها باشقه بویوک یاشده قیزلر قوشه ررق  
 اویون اوینایورلر . بونلر ، بش آلتی قیز ، برلکده بویومشلردی . شیمدی بو  
 اؤک قرالیچه لری اونلردی ، ارککلرک کتیردکاری چیچکاری بونلر کندی  
 آره لرند تقسیم ایدرلردی . او آره لاق اولودن بر ارکک کچه جک اولسه هپ بردن  
 کولوشورلر ، قولالی فیستائلرینک چیقاردینی کورولتو ایله روز کار کبی اوتیه  
 بری یه قوشوشورلردی . باشلرینک اوستنده ، حنبش کونلرینه مخصوص یاقیجی ،  
 آغیر ، عطالتدن آغیرلاشمش ، توزلردن پیاضلاشمش برهوا واردی .

مع مافیه بوتون بو اویونلر بر آرز صوکره فیرویلایوب سوقاغه چیغمه برر  
 وسیله دن عبارتدی . اونلر کیدنجه او دیرین بر سکوته طالار . کنج قیزلر بویوک  
 قاپودن چیقار چیمار همان جاده لره صاپارلردی .

جاده یه کنجه آلتیسی بردن قول قوله کیره رک ، بوتون قالدیریمی قاپلایان  
 بردیزی حالده آچیق رنک اثوابلریله ، شاپقه سز باشلرند طالع لایان قورده لالره  
 یورور کیدرلردی . پارلاق کوزلرینک اوجندن قاید بردقلری نظرلره سوقاقده اولوب  
 بیتن هر شیئی کورورلر ، باشلرینی اوکلرینه اکرک ، چکلرینک طومبولقلرینی  
 شیشیره رک هر شیئه قهقهه لرله کولرلردی . بوجنبش آره سنده بعضاً سوقاقدن کچن  
 برقنبوره ، یاخود کوشه باشنده کوپکینی بکلین اختیار بر قادینه راست کلدکاری  
 زمان دیزی بی بوزارلر ، بر قسمی کیده قالیر ، اوتیه کی قسمی بوکریده قالانلری  
 آلرندن چکلرک سوروکله مکه اوغراشیر ، قوللرینی صالایه ررق ، یوماق کبی طوس  
 طوپارلاق اوله ررق قورصه لری چاتلایجه یه قدر کولرلر ، کلوب کچنلری طورمه  
 مجبور ایدرلردی . بوتون سوقاق اونلرک مالکانه سی ایدی . فیستائلرینی قالدیره ررق  
 صیره صیره دکانلر اوکنده طولاشه طولاشه بویومشلردی . شیمدی ده چوراب  
 باغلرینی باغلامق ایچون اؤکلرینی قالچه لرینه قدر سوقاقدن قالدیریلورلردی ، آغیر  
 بوصوافون برادا ایله طولاشان بوخلق ادرته سنده ، جاده لرک ایجه اوزون آغاجلری  
 بو قیافتله قوشه ررق ، راست کانی ایتوب قاقیشدیره ررق ، زیقزاقلره باشقه قافله لر  
 آره سینه کیره رک ، بعضاً دونوب قهقهه لرله لاف آتهرق روش شوار استحقامنندن  
 سنده نیس استحقامنه قدر یورور کیدرلردی . روز کارنرله هوالانان اثوابلری ،  
 آرقه ده کنجکلرینک کستاخ وجسور انطباعلرینی براقه ررق ، هنوز بانیوسنی آلفدن



عودت ایدن با کرده لر کی ا کسه اری نمناک ، کندیلری بزم واشتها آور ، حالاری  
طبقی سوقاق کلخان بکلری کی قاپا ، تپه لرندن چیک بر ضیا دوکن کونشک  
طولاشیرلردی ،

نانا ، کونشک ضیاسندن پاریل پاریل پارلایان پنجه اثوابیه دائما قافله سنک آلتنده  
اورته سنده کیدردی .

بر قولنی پولینک قولنه طاقاردی . پولینک آرقه سنده بیاض زین اوزرینه صاری  
چیچکلر ایشله نیش بر اثواب واردی . بونک اثوابی ده پاریل پاریل بارلاردی .  
اوته کیلرک اک بو بویکی ، اک قادینی . اک جسوری بونلر اولدینی ایچون آرقه دن کیمی  
صاغده کیمی صولده کلیرلر ، کندینه ده اهمیت ویرلسون دییه قبار بر طور ورلردی .  
نانا و پولین قوکت کورونمک ایچون ددلودرلو حیللر بیلیرلردی . بعضاً کوچوکلری  
آرقه ده برافه رق کندیلری وار قوتلریله قوشمغه باشلارلردی . بوندن مقصدلری  
قوشارکن بیاض چورابلرینی هر کسه کوسترمک و صاچلرنده کی قورده لاری هوالاندیره رق  
نظر دقتی جلب ایتک ایدی ، بویله قوشارکن بعضاً طوره رق کویا نفس آلیورمش  
کی یاپه جق اولورلر سه بوندن ده مقصد خلجان ایچنده چیرپینان کردانلرینی کوسترمکدی .  
چونکه او ائشاده مطلقاً محله دن طانیقلری کنجه تصادف ایتشلردر . بویله بر تصادف  
اولونجه آدی لرینی آغیرلاشدیریرلر ، کولوشه رک کوزلرینک او جیله او کنجه باقارلردی  
اک جوق خوشلانقلری شی قالدیریلرده اینوب قاقه لری آره سنده تصادفک اوکارینه  
چیقاردینی رانده وولر ایدی بازار کونلرینه مخصوص قیافتلرینی کیمش ، جاکتلی  
و شابقه لی دلیقانلیلر اونلری طوردیره رق ایاق اوستی بر قاچ شاقه یاپارلر ،  
وجودلرینک اوته سنی بریسی چیمدی کله یه رک اکلنیرلردی . یاشلری یکریمی  
بولش کول رنکی بلوزلی عمللر ، قوللرینی قاووشدیره رق اونلرله برون برونه  
قونوشورلردی . بو دلیقانلیلر اونلرله برلکده ، عینی سوقاغک قالدیریلرنده بویومش  
اولدقلری ایچون بو ملاقاتلردن بر ضرر کلزدی ، بونکله برابر نانانک ده ، پولینک ده  
صورت مخصوصه ده انتخاب ایتدکلری برر دلیقانلیلری واردی . پولین دائما مادام  
غودرونک چوجوقلرندن بریله بولوشوردی بوجوجوق اونیدی یاشلرنده بر سرانغوز  
ایدی ، پولینه هر راست کلدکجه الما هدیه ایدردی . نانا چاشتی رچی مادام قوقونیه نک  
اوغلی و بقتور قوقونیه یی انتخاب ایتشدی . اوده بونی تاجاده نک او بر او جندن  
کوروردی . بونلر سوقاغک قارا کلک کوشه لرنده او پوشورلردی . مع مافیه بوندن  
ایلری کیتمزلردی .

آقشام اولوبده کونش باطنجه اک بو بویک ذوقلری سوقاق جانبازلرینی سیر



ایتمکدی . هر کول کبی ایری یاری اولان بوجا-بازخانه لر جاده یه برتیق برتیق بر خالی سررلر ، محله نك نه قدر سرسریسی وارسه بونلرک اطرافنی بردائره حالده قوشاتیرلر ، کیرلی فانیله طونلریله جانبازلقلرینی یاپارلردی . نانا ایله پولین ساعتیجه بو او یونلری سیر ایدرلر ، غلبه اغك تا ایچنه صوقولورلردی . کوزل ومنتظم اتوابلری ارککارک بالطلولری ، ، کیرلی کوملکلری آره-سندده ازیلیردی . چییلاق قولاری ، چییلاق اکسه لری ، چییلاق صاچلری ایله شراب وتر قوقان اومتعنن هوا ایچنده ساعتیجه طورورلردی ، وهیچ براسه-تکراه طوعه-فسزس ، طبقی ایسته-دیکی کوبره-نی بولش بر-هیچک کبی پنبه و ممنون کولوشورلردی اطرافلرنده ارککار قابا قابا قونوشورلر ، مستهجن و چییلاق سوزلر سویلرلر ، سرخوش انسانلره مخصوص فکرلر درمیان ایدرلردی . ایسته بو ، اونلرک اکلا دینی اسان ایدی ؛ چونکه اولر آرتق هاشمی او کره-نملردی . بوجرکین سوزلر قولاقلرینه کلدجه اوتانمدهن ، ساده جه باشلرینی چورهرک او سوزلر کیمک آغزندن چیقادیغنی آ کلامق مراقیله کولومسه رلردی .

اونلرک یکانه جانی صیقان شی بورالرده بابالربنه راست کلکدی . هله میخانه دونوشی اولورسه بوندن هیچ ممنون اولمازلردی . بونک ایچون اطرافی کوزه-تلرلر و بربرلرینی خبردار ایدرلردی .

مثلا بر آرهلق پولیسی حایقیریر :

— نانا ، نانا ! بابان کلیور !

نانا باباسنك حالی اوزاقدن فرق ایدهرک :

— بو کون سرخوش دکل ،

دیر . بعضاً بوتصادفلره قوپو طوغرو اونلرک اوزربنه کلیر ، قاچغه وقت قالماز ، اوزمان نانا اوته کی قیزلرک آرقه-سنه کیزله نیر .

— آمان بنی صاقلایکیز ، بیلیورم بنی آریور ، سوقالده کورورسه م قارنکی پاطلاتیرم دیمشدی .

نهایت سرخوش کچوب کیدنجه آرقه-سندن هپ برلکده کولوشمکه باشلارلردی . بابالرله قیزلری آره-سندده بو ، عادتاً برنوع صاقلامباج او یونی کیدی . مع مافیله کونک برنده قاپوچی بوش قیزی پولینی قولالرنندن یاقالامش ، قوپوده نانای تکمه-لرله آوه کتیرمشدی .

کنج قیزلر بو بازار تنزهلرنده آقشامه طوغری صوک برکزنتی دها یاپهرق آلاجه قارا کلقله برابر ، یورغون آرغین آوه دونرلردی . اوزمان هوا طالع-لانان توز ذروه لری کثافت پیدا ایدهرک کوک یوزینک آغیرلغنه دها صولفون بررنک



ویریردی . غون دور محله سی قاپو اوکلرنده کی دیدی قودی یاپان سوقاغک ایللیق  
وسا کت محیطنی بیرنان قهقهه سسلریله عادتاً طشره قصبه لرندن برینک بر گوشه سنی  
آکدیریردی . قیزلر بر مدت اولوده طورورلر ، کویا آقشامه قدر بریره  
قیملد امامش لر ظنی و بر دیرمک ایچون آلارینه ژا کتلیرینی آلیرلر و سویله یه جکاری  
یالانی حاضر لایه رق اولرلرینه چیقارلردی . مع مافیة اکثریا بویالانی سویله مکه حاجت  
قالمازدی . چونکه ایچری یه کیردکاری زمان آنالرینی بابالرینی چوربا فضله طوزلی  
اولمش یاخود ای پیشمه مش دبیه بر برینی طوقا تلامقله مشغول بولورلردی .

نانا رودو کور سوقاغنده چراق ایدی کیردیکی دکانده شیمدی بومیه درت سو  
قازانان بر ایشجی اولمشدی . مادام لوران اون سنه دن بری بودکاده برنجی ایشجی  
اوله رق بولونی-وردی . قوپو ایله قاریسی قیزلرینی مادام لورانک نظارتی آلتنده  
طوتمق ایچون اونی هپ اورادن آلقویورلردی . صباحلری ژروه ز غوغوقلی  
ساعة باقهرق دکانه کیتمک زمانی کلدیکنی کورونجه نانا آرتق اوموزلرینه فضله  
طار کلن قیصه سیاه اثوابی کیه رک اوصلی عقللی ، ایشنه کیدر . مادام لوران ده  
ساعت قاچده دکانه کلدیکنی قیدایدهرک ژروه زه بیلایریردی . کنج قیزلر جیلان کی  
صیچرایه صیچرایه یورورلر دیه نانیه اودن دکانه کیتمک ایچون یکر می دقیقه ، مساعده  
ویرلمشدی . بعض کونلر دکانه نام وقتنده ، فقط یوزی کوزی قیپ قیرمزی ،  
نفس نفسه کلیردی . بللی که اوکون یوله طورهرق بریارچه اکلنمش ، صوکره  
ایش ساعتی فاجیرماق ایچون قوشمغه مجبور اولمشدی .

مع مافیة چوق دفعه لر یدی سکا ، دقیقه برتاخرله کلیردی . اوقت آقشامه قدر  
حاله سنه یالتاقلق ایدر ، یوزینه کولر ، خلاصه آنه سنه خبر ویرمسون دییه درلو  
درلو شیلر یاپاردی . کنجلاک حالندن اکلیان مادام لوران قوپو ایله ژروه زه  
بوکیکه لر صالار ، هپ یالان سویلردی . مع مافیة بر طرفندن نانیه پارس  
قالدیر علرنده سورتن قیزلرک معروض اولدقلری تهلککلر حقنده اوزون اوزادی یه  
نطقلر ویریردی . اللهم ! کسجلیکنده اونک آز می پیشیندن قوشمشلردی ! مادام  
لوران ، چاپقین اندیشه لرله طولو کوزلرینک پارلاق باقیشلری آلتنده نانانک معصومیتی  
ایله اینامقندن ذوق طویوردی .

— بکا باق ، دیوردی ، سکا قارش ی اوقدر خیرخواهم که باشکه بر فلاکت  
کله جک اولورسه کند می قالدیریر د کزه آتارم . ازنک ایچون شاید ارککار سکا  
لاف آتاجق اولورسه هیچ بر کله سنی قاچرمه دن کلوب بکا حکایه اینتلیسک



آكلادكى ياۋروم ؟ سويلە باقىم ، ھېچ شىمدى يە قدر سكا برشى سويلەين  
اولدى مى ، يەن ايت !

ئو سۇال اوزرىنە نانا ، دوداقلرنده خوش بر اشتهئزاز ياپان بر قەقەھە ايلە  
كولمكە باشلادی . خاير ، ار ككلرك اوکا برشى سوزيلەدكلرى يوقدی . بولە  
اوقدر حيزلى يوروردى كە سوز سويلەمكە وقت براقازدى . ھەنە سويلەيە بىلیردى ؟  
اونلرلە بر آليشى ويريشى يوقدی كە . صباخلرى آره صيره كىچ قاليشى يابولە طورەرق رسملرە  
باقسندىن ياخود پولينلە برابر اولدىغندىن ایدی . نانا بويالانلرى اويدورر كىن سىماسنە بر آبدال حالى  
ويریردى . بعضا دها ايلرى يەدەرك «سوزمە ايناماز سەكز آرقەمە آدم قويەكز ، باقىكز  
صول قالدیرمدىن صاغ قالدیرمە بيلە كچيورمىم ؟ كندىم ، حالە ، اوصاو اوصاو ،  
باشقە قىزلرى آرقەدە براقىرق يورودم » دیردى . بر كون كنديسى كې دها  
اوتچ چىچكجى ايلە بر لكەدە پوتى قارو سوقاغندە طورەمشلر ، باشلرىنى هوايە  
قالدیرەرق قارشىكى پنجرەلك برندە تراش اولان بر ار ككى سىر ایتەكلە مشغول ايكىن  
مادام لوران آيا كسزىن اوزرلرینە كليويردى . نانا قباحتى اوستنە آلامق ايچون ھان بر  
سبب بولدى : فرونجيدىن اكك آلمغە كيديوردى . مادام لورانى قاندىرەمق ايچون  
بردە يەن ایدیويردى .

مادام لوران قوپو ايلە قارىسنە تامينات ويریوردى :

— ھېچ مىراق ایتە بىكز ، دائما پيشندەيم . اوندىن كندىم قدرامىم . تعرض  
شويلە طورەسون ، چاپقىنك برى اوکا بر چىمدىك آتدیغى بيلە كورەجك اولسەم  
ايشتە اووقت ياپەجغى بىلیرم .

چىچكجى ( نیتروويل ) ك مغازەسى بر بنانك زمين قاتنى اشغال ايدىن كندىش  
بر دكاندى . دكانك اورتەسنى تخته دستكار اوستنە قونولش اوزون بر ماصە  
اشغال ایدیوردى .

دكانك درت ديوارینە ياپیشدیرلش اولان كاغدلرك اوتەسى برىسى يىرتياوب  
پارچە لانمش ایدی آره لفلرندىن ديوارك صیواسى كورونیوردى . ديوارك اوستندە  
بويلی بويىنە رافلر واردى ، بورافلرە اسكى مقوا قوطولر ، پاكىتلر ، اوزرلرى قالین  
برتوز طبقەسى طومش ايشە ياراماز مودەللر قونمشدى . هوا غازىنك ايسندىن طاوان  
عادتا سىياھە بادانە ایدلش كىیدی . دكانك ايکى پنجرەسى تا آرقەلرینە قدر آچىق  
طوریوردى . ايشىجىلر ماصە باشندىن آيرلغە حاجت اوتقسزىن قارشىكى قالدیرمدىن  
كچنلرى كورە بىلیرلردى .

مادام لوران دىكلرلرینە حسن مثال اولق ايچون دائما ھەركسدىن اول كليردى .



اوندن سوکړه برر چاريك فاصله ايله دكانك قاپوسى آچيلوب قاپانير ، هر دفعه سنده  
برايشجى قيز ، صاچى دارمه طاغينق اولمش ، قان تر ايچنده ، کيرردى . برغوز  
صباحى ايدى . نانا اك صوك کلهدى . اساساً بويله اك کرى به قالدېنى صيق صيق  
واقع اولوردى . کيرر کيرمز :

— بر آرابهم اولسه هيچ ده فنا اولمايه جق .  
ديدى و متصل يکيلتمکدن اوصاندينى سياه قاسکه تى باشندن چيقارمه قسزى نجره به  
قوشدى . صاغه صوله طوغرو سوقاغه باقدى .

مادام لورانك ايچنه شېبه دوشمىدى :

— نه به باقيورسك اويله ؟ بابا كله برلكده دكليدك ؟

— خاير يالکر کلدن ... باقدېم هيچ برشى دکل ، هوا چوق صيچاق ده  
اونك ايچون نجره به قوشدم . او قدر حيزلى کلدن که عادتاً اوستمه فناق هجوم ايتدى .  
في الحقيقه صباحك صيچاغى انسانى بوغه جوق قدر شدتلى ايدى ، ايشجیلر نجره نك  
پانجورلرينى اينديرمشلر ، بونك آره لغندن سوقاغى سير ايدىيورلردى . نهايت ماصه نك  
ايكى طرفنه کچهرک ايشه باشلاديلر . باش طرفى مادام لوران اشغالو ايدىيوردى .  
بونلر سکمز قيز برقولا چناغى ، کرپتنى ، آلتلرى ، يوماغى آبرى ايدى . ماصه نك  
اوستنده بر چوق دمير قللر ، مقارهلر ، يوموشاق پاموقدن قاشلر ، يشيل  
و کستانه رنکنده کاغدلر ، ايبك ، ساتن ، قديفه اوستنه بيچيلمش ايريلى اوقاقل  
ياپراقلر واردى . ماصه نك تام اورته سنده طوران بر صراحينك آغزينه ،  
قيزلردن برى ايکى کون اول چارشيدن ايکى سوپه صاتين آلوب بلنده صولان چيچوک  
دمتنى قويىمىدى .

ايشجیلردن له ثونى ، اسمر رنکلى کوزل بر قيز جغز :

— خبرکز وارمى ، ديدى ، زواللى قارولين آقشاملرى دكان قاپوسنده  
کنديسنى بکله ين دليقانىلى يوزندن فلا کته اوغرادى !  
او آره لق يشيل کاغددن اينجه پروازلر چيقارمقله مشغول اولان نانا جواب  
ويردى :

— اوغرار ظاهر ! بوتون کون اوکا پاره سنى قاپديروب طوريبور .

هپسك يوزنده حيله کار بر نشئه پارايوردى . مادام لوران جدى بر طور  
طاقينمغه مجبور اولدى و بروتنى بوزهرک :

— عشق اولسون صکا قيزم ، ديدى ، آماده تميز سوزلر او کرشمشك ! بو  
آقشام کيده يم آناکه بابا که سوله ام ، باقيم ممنون اولرلرمى ؟



نانا بر قهقهه صالیویرمه مک ایچون یاناقلرینی شیشیردی . باباسنه سویله یه جاک ها؟ فقط باباسی بونک دهانه بر بادلرینی سویلر طوروردی ! او آرداق له تونی آچاق بر سسله :

— دقت ! دیدی ، باترون کلیور !

فی الحقیقه دکانک صاحبه سی مادام تیترویل ، اوزون بویلی ، قوری بر قادین ، او ائشاده دکاندن ایچری کیریوردی . مادام تیترویل اکثریا مغازه ده او طوروردی . هیچ شاقه سی اولمادینی ایچون ایشجیلر اوندن فنا حالدده قورقارلردی . ایچری کیرنجه آغیر آدیملرله ماصه نك اطرافنی بر طولاشدی . بوتون ایشجیلر باشلرینی اوکلرینه اکمش ، سسسزجه چالیشیورلردی . ایشجیلردن برینه قیزه رق تنبل دییه حایقیردی . وایی یاپه مادینی بر مارغریت چیچکینه یکیدن باشلامسینی سویله دی . بر آرزو کره ، طبق کلدیکی کبی ، دیم دیک یورویه رک چیقدی کیتدی .

اورته لنده بر خورولتی باشلامشدی . نانا ایکی دفعه :

— هوپ هوپ !

دیدی . مادام لوران جدی بر طور طاقینه رق حایقیردی :

— مادمازلار ! بویله کیدرسه صوکره محو اوله جنم . .

فقط قیزلر اوننی دیکله میورلر ، اوندن قورقورلردی . اساساً مادام لوران اونلره قارشنی لزومندن فضله مسامحه کار طاورانیردی . کوزلرینک ایچی فقیر فقیر قاینایان بو قیزلرک حالی اوننی عادتاً غیدیقلایه رق کوشه تیوردی . بعض کره اونلری بر کوشه یه چکهرک هر برینک عاشقی حقنده قونوشور ، آره صیره ماصه نك سربست قالان طرفنده اونلره اسقامبیل فالی آچاردی . سربست یوزلی ، بر ژاندارمه قدر سرث نوازشلی اولمسنه رغماً لطیفه زماندرنده ددی قودیجی قوجه قاریلر کبی مسرتدن ظیپ ظیپ صیچراردی . یالکز پرده بیرونانه سوزلردن خوشلانمزدی ، بو درلو لافلر اوننی رنجیده ایدردی . کیرلی لاقردی سویله مه مک شرطیله هر نه یاپیلسه سسس چیقارمازدی .

مادم لورانک حق واردی : نانا دکانک تربیه سنی آلت اوست ایدیوردی . هیچ شبهه بوق که او درلو حالله قارشنی خلقه بر استعداد مخصوصی واردی . اوندن صوکره اطرافنده سفالتدن ، اخلاسلرقلردن بر باد اولمش بر بیغین قیز کورونجه بو استعدادی بوسبوتون انکشاف اتمشدی . آره لرینه چوروکار قاریشمش برسیت الماناصل هپ بردن بوزولورسه بونلرده بربری اوستنده او یله جه چورو یوب



کیدییورلردی. وایا باجیلریاننده نمکینلی طور یورلر، اخلاقی، پس آغزلی کوروئمەملک  
ایچون ھیرت ایدیورلر، عقلی باشنده برکنج قیز طور ی طاقی یورلردی. آنجق یالکەز قالدقلى  
زمان کوشە باشلرندە بربرینک قولاغنه درلو درلو پس شیلر سویلیورلردی. ایکی قیز  
یان یانە کلنجه مطلقا اک کیرلی بختلری ایدرلر، قاتیلنجه یە قدر کولرلردی. آقشاملری  
مغازەدن ھپ برلکدە چیقارلر، یولده برابر کیدرلر، اووقت یکدیگرینە تودیع  
اسراز ایدرلردی. بو اسرار بولری اورپرتەجک شیلردی. یولدن کلوب کچنلرە  
چارپەرق قالدیرم اوستندە ساعتلرجه بو بختلرک حرارتیلە طوتوشورلردی. نانا  
کبی اوصلو عقللی قالمش قیزلر ایچون بو بختلردە میخانە قوقولری، کیجەلرینی دینک  
منع ایتدیکی شکلدە کچیرمش کوتو قیزلرک پریشان صاچلری، صانکە صویونمەدن  
یامشجەسنە بوروشان اثوابلرینک قیوریلری آره سندنە کتیردکلری مستکرە بررايخە  
واردی. جنبش و سفاھت ایچندە کچمش کیجەلرک فرداسنە مخصوص رخاوت  
و عطالتلر، کوزلرک اطرافنی چنبرلەین مورارتیلر، مادام لورانک تعیری وجھلە  
عشقک بوسروقلرندن قالان بو ایزلر، انسانک مفصللری قیریلدیورمشجەسنە طویولان  
صیزیلر، قیصیلمش سسلر، بوتون بوسفاھت تعبیرلری ماصەنک اوستنی طوندوران  
صنمی چیچکلرک نارین شەشەسەسی آره سندنە اوللری زھرلە یوب طور یورلردی. نانا،  
وصلتک ذوقنی طاتمیش بر قیزلە یان یانە کلدیکی زمان بوندن انتشار ایدن رایخەیی  
قوقلار، بو قوقونک تأثیریلە سرخوش اولوردی. ایشجیلر آره سندنە مادمازل  
ایزا اسمندە بری واردی. بو قیزک کبە اولدینی سویلە نیوردی. نانا بونی طوینجه  
قیزک یانندن آیرماز اولمشدی. پارلاق کوزلرینک یان باقیدشلریلە ھپ اونى سوزر  
طوروردی. اوکا اویلە کلیردی کە بوقیزک قارنی شیشە شیشە کونک برندەنا کھان  
پاتلایویرە جکدی. نانا بورادە کوردیکی شیلرک ھپسنى اساساً محلە سندنە تمامیلە  
اوکرە نمشدی، بولرک ھپسنى بیلیوردی. دکاندە بو بیلدیکی شیلرک ناصل یاپیلدیغنی  
کور یوردی و بویلە کورە کورە اوندەدە عینی شیلری یامق ھوسی اویانیوردی.  
پانجورلردن برینی دھا چوق ایندیرمک بھانە سیلە پنجرە یە یاقلاشەرق :

— صیچاقدن بوغولە جغز .

دیدى، مع مافیە پنجرە اوکنە کلنجه بوندن بالاسفادە اکیلەرک تکرار سوقاغە  
بر صاغە بر صولە باقدی. او آرهلق قارشیکى قالدیریمدە بر ارککک طوروب  
کندى طرفلرینە باقمدە اولدیغنی کورن لەئونی خایقیردی :

— بو اختیار حریف بر چاریک ساعتدر طورمش بزە باقیور، نە مقصدی

وار عجبا ؟



مادام لوران جواب ویردی :

— چاقینک بری اولاجق... نانا ، هایدییرکه دون باقمیم ! پنجره اوکنده  
طورمقدن سنی منع ایتشدم ...

نانا ، یامقده اولدینی منکشه لری تکرار آلنه آلهرق ایشه قویولدی ؛ شیمدی  
بوتون ایشجی قیزلر او ارککله مشغول ایدیلر . بو ارکک ایی کینمش ، پالطولی ،  
اللی یاشلرنده بر آدمدی . یوزی صاب صاری ، طوری غایت جدی ووقور ،  
اعتنالی بر طرزده تراش ایدلمش صقالی قیر ومدور ایدی . اوراده اوت وفدان  
صاتان بر دکانک اوکنده بر ساعت قدر طوردی ، آره صیره کوزلرینی قالدیره رق  
پانجورلره باقیوردی . ایشجی قیزلر بونی کورونجه قهقهه یی صالیویریورلر ، بو  
قهقهه لر سواقاگ کورولتوسی ایچنده غائب اولیوردی .

ایشلری چوق اولدیغندن هم باشلرینی اکرک چالیشیورلر ، همده قالدیریمده کی  
موسیوی غائب ایتمه مک ایچون آره صیره کوز اوجیله باقیوردی .  
له ئونی :

— آی ، کوزنده کوزاکی ده وار ، محقق اوغوستینی بکله یور .

دیدی . اوغوستین ایری بویلی ، صاریشین ، فقط چیرکین بر قیزدی . له ئونینک  
بوسوزینه جواباً یاشلار ککلردن خوشلانما دیغنی سویله دی . مادام لوران ، دوداقلرنده  
معنیدار بر تبسمه ، باشنی صالایه رق :

— حقسزسکز اوغوستین ، دیدی ، یاشیلرک رقت قلبی دها زیاده در .

بواننده له ئونینک یانی باشنده چالیشمقده اولان اوافق بویلی ، شیشمانجه بر قیز  
اکیله رک له ئونینک قولاغنه بر شیلر سویله دی . له ئونی چیلغین بر قهقهه قوپاره رق  
اسکمله سنک اوستنه ییغیلدی . قهقهه دن قیریلیوردی ، بر طرفندن ده قالدیریمده کی  
موسیویه باقیوردی . باجدقه کولسی آرتیوردی . عینی زمانده دوداقلرندن  
شوسوزلر دوکولیوردی .

— اکلادم ، شیمدی اکلادم . آه بوحرکتی یوق می امان نه ایکره نچ شی !

بوتون ایشجیلری شدتلی بر مصراق صارمشدی . هپ بردن صوریورلردی :

— نه دیدی ، نه دیدی ؟

له ئونی جواب ویره میور ، کولمکدن یاشاران کوزلرینی سیلیوردی . بر آز  
کندینی طویلاینجه :

— خایر ، دیدی ، سویله نه جک شی دکل ، تکرار ایده مم

اوته کیلر اصرار ایدیورلر ، فطله ئونی ایکیده بر کولیور ، ایضاحات ویرمه مکده



اھرار ایدیوردی ، بونک اوزرینه صول طرفنده طوران اوغوستین قولاغنه اکیله رک یاواشجه کندینه سویله مسنی رجایتدی . له تونی آغزینی قولاغنه طیا بهرق آکلاتدی . بو سفر اوغوستین اسکمله اوستنه ییغیلش ، قهقهه دن بایله جقدی . بر آرزو کره اوغوستین حکایه بی قومشوسنه ، بوده یاننده کنک قولاغنه تودیع ایتدی . بوندن قیزلر کوله رک حایقیریشیورلردی . صوفینک سرداراغنی هپ بوصورتله اوکره ندکن صوکره بر آرهلوق بربرلرینک یوزینه باقدیلر و ایشیتدکلری شیدن محجوب اولقله برابرینه هپ بردن قهقهه لری صالیویردیلر ، بر بیلمه ین مادام لوران قالمشدی ، اوده فنا حالدله بوزولمشدی .

— مادمازلار ، بویا پدیغکنز ای شی دکل ، بر جمعیت ایچنده بولونانلر کیزلی لاقردی قونوشمازلر ، تربیه یه مفایردر . طوغروسی بو حرکتلری هیچ ده تمیز تمیز بولمادم ، بوکا صایغیسزلق دیرلر :

اوده بو کیزلی شیئک نه اولدیغنی اوکره نمکی پک ارزو ایدیوردی ، فقط جسارت ایدوب صورمه مادی . مع مافیه باشنی اکره رک بر طرفدن جدیتنی محافظه ایدیورکی کورونورکن دیگر طرفدن ایشجی قیزلرک قونوشدقلرینی جان قولاغیله دیکله یوردی . بوقیزلرک محاوره لری او شکلی آلمشدی که ایچلرندن بری مثلاً ایشنه عائده علی العاده برسوز سویله یه جک اولسه اوته کیلر هان بونی چاپقینلغه آلیرلر ، سوزک معناسنی ده کیشدیریرلر ، اوکا مطلقاً کیزلی بر معنا ویررلردی . سوزلری هپ تلمیحلی ایدی . فرضاً بریسی « کرپتم چارپیلدی » یاخود « کیم بنم چناغمی قاریشدیردی ؟ » دیسه بو سوزلرله آبری آبری معنالر قصه ایدرلردی . بوتون بوسوزلر قارشیکی قالدیریمده سوقاق فاخشه لری کی طولاشان اختیار موسیویه عائده بر تلمیحی محتوی ایدی ، هر سوزک اوجی او آدمده قرار قیلاردی . او قدر اوندن بحث ایدیورلردی که آد مجعزک قولاقلری چینلاسه کرکدی ! بو تلمیحی و معذب سوزلرده او قدر ایلری کیدیورلردی که آرتق معناسز شیلر سویله مکه باشلامشلردی . مع مافیه بومعناسز سوزلردن ذوق طویورلر ، تهیجه کلیورلردی . کوزلری چیلغین کی اولمشدی ، کیتدکجه قامتی آرتدیریورلردی . مادام لوران حد تلنمه یوردی ، چونکه سویله نن سوزلر مستهجن دکلدی . حتی بر آرهلوق اوده محاوره یه قاریشه رق :

— مادام لپزا ، آتشم سوندی ، سزک آتشمکزی ویریرمیسیکز ؟

دیدی . بوتون ایشجیلر بردن باغیریشدیلر :

— مادام لورانک آتشی سونمش !

مادام لوران ایضاحات ویرمک ایسته دی :



— نژده بنم یاشمه کلیرسه کتر ..

فقط دیکله تمکه موفق اوله مادی . قیزلر مادام لورانك آتشی تازه له مك ایچون قارشی قالدیریمده کی موسیوی چاغیرمق ایسته یورلردی .

بو قهقهه لر نانانك صوك درجه خوشنه کیدیوردی . او ، اعلالی سوزلرك هیچ برینه بیگانه دکلدی . حتی بو نوع سوزلرك چشید چشیدنی کندیس سویلر طوروردی . فنا محیطلر اونك خلقتنه چوق او یغون کلوروردی . بر بالغه کورده صوته ایسه نانایه کورده ده ملوث محیطلر اوله ایدی . آئنده کی ایشی هیچ کری براققسزین اوده اوته کیلر کی اسکمله سنك اوستنده کولمکدن قیریلیوردی . اونك ایشی چیچکلرك صاپلرینی یاقعدی . بونی او قدر شیق بر سرعتله یاپیوردی که انسان بر سیفاره صارمه دن اول او ، بر چیچکک صاپر بیره لیوردی . ماصه نك اوستنده طوران یشیل کاغدلردن برینی آله آلمسیله اونی بر باقیر تله صارمسی ، صوکره اوجنی بر طامله ضمغ ابله یاپیشدیرمسی بر اولوروردی . بر لحظه ده تازه ، نارین بر صاپ وجوده کلش بولونوروردی . شیقلاق اونك صانکه ایچنده هیچ کیمک یوقش کی یوموشاق ، نازی طوران ایجه فاخسه پارمق لرنده ایدی . یوقسه یاپدینی ایش ساده جه چیچکلرك صاپی ایدی ، بو صنعتده یالکز بونی او کره نه بیلیمشدی . آنجق بونی او قدر اینی یاپیوردی که بوتون چیچکلرك صاپی او حاضرلاردی .

بر آرهلق قارشی قالدیریمدن او موسیو کیتیمشدی . آتلیه یه یاواش یاواش سکونت کلیوردی . ایشجیلر کوندوزك آغیر حرارتی ایچنده تکرار چالیشمغه باشلامشلردی . اوکله اولونجه هپ بردن ایشلری براقه رق شویله بر سینکندیلر . نانا همان پنجره یه قوشدی ، بر دفعه سوقاغه باقیندی ، آشاغی اینه جگنی سویله دی ، چارشیدن بر شی آلدیرمق ایسته یین وارمی دییه صورددی . له تونی ایکی سولق اوغوستین بر کلاه قیزارمش بانائس ، لیزا بردمت طوروپ ، صوفی بر طوموز صوجوغی ایهمارلادیلر . چیقوب کیتمک اوزره ایدی . آنجق اوکون نانانك پنجره دن صیق صیق بافیشنی هپچ بکنمه بن مادام لوران ایری آدیملرله آرقه سندن یتیشه رك :

— طور ، دیدی ، بنده سنکله کیده جکم . چارشیدن بنده برشی آله جنم . سوقاغه چیقار چیقماز لوران دمیندن بری قالدیم اوستنده طوران اوموسیونك دیرهك کی دیکیلیمش ، نانایه قش کوز اشارتی یاپدیفنی کوردی . نانا تیزه سی طرفندن بوسورتله یاقه لاندیفنی آکلایجه قیپ قرمز کیسیلدی . مادام لوران نانایی قولندن طوته رق قالدیریمه چکدی . شیمدی اوموسیو آرقه لرندن تعقیب ایدیوردی . آرتق شبهه قالمامشدی : بو آدم نانایی بکیوردی . دهها اون بش بچق یاشنده ایکن



پيشنه ارککلری طاقق طوغروسی شاشيله جق شیدی ! مادام لوران نانایى حدتلى حدتلى استنطاق ایتکه باشلادی . نانا ویردیكى جوابلرده بوارککک کیم اولدیغنى بيلمه دیکنى سويله دی . بش کوندر هپ بويله پيشندن کليوردی . نه زمان سوقاغه چيقتسه مطلقا اوکا راست کليردی . غالبا تجارتله اشتغال ایدن برآمدی ، اوت اوت اويله ایدی . کیمک دوکه یاپان بر فابريقه نك صاحبي ایدی .

مادام لوران بوندن پک تلاشه دوشدی . بر آره لق آرقه سنه دونه رک او آدمی کوز اوجيله شويله سوزدی وميريله انير کي برسسه :

— ياره لی بر آدمه بکزيور

ديدی و نانايه دونه رک علاوه ايتدی :

— شيمدی يا ورو جقم ، بکا هرشي آکلا تليسک . آرتق قورقه جق برشي قالمادی . هم قونوشيورلر ، هم قصابه ، يمشجيه ، قيزارتمه جيه او غرامق صورتيله دکاندن دکانه کيرiyorلردی . بورالردن ساتين آلدقلى اوتيه بریيه عائد باغلى پاکتلى آللرنده کيتدکجه بويون بريغين تشکيل ايدiyorلردی . محبتلى طاتلى دوام ایتکده ایدی ، چوجوقلر کي صيچرايه صيچرايه يورويورلر ، آره صره آرقه لرینه دونه رک خفيف تسملر ايدiyorلر ، کوز اوجيله باقييورلردی . حالا کنديلرني تعقيب ايدوب توران دوکه فابريقه جيسنه خوش کورونك مقصديله مادام لوران ده جلوه لر ياپيور ، برکنج قيز طوري طاقينه ، چالشيورلردی .  
بر آره لق شو مطالعه ده بولوندى :

— چوق کبار طورلى بر آدم ! الله ويرده سکا قارشى فنا فکړلر بيله ميه سه اوه دونمشلردی . مردیونلری چيقارکن بردن بره خاطرینه برشي کلن انسانلر کي طورلردی :

— ها صحیح ، صورنى اونوتدم : دمین صوفينک ياپدينى مردارلق ديه ايشجى قيزلر بربرلرينک قولاغنه برشيلر سويله مشلردی ، نه ایدی او ؟  
نانا ، فضله نازه کچمه دی ؟ آنجق صوفينک ياپدينى مردارلق بر مردیونه نك باشنده بيله سويله نه ميه جک فنا برشي اولدينى ايچون مادام لوراني چکهرک ايکي باصه ماق آشاغى اينديردي واوراده قولاغنه آکلاتدی . بواوقدر چرکين برشیدی که مادام لوران کوزلرني آچهرق ، کوله مک ايچون آغزني قاپايره ق باشنى صاللاغه باشلادی .  
دميندن بری ايچنى کيره ن مراق آرتق زائل اولمشدی .

چيچکجى قيزلر ماصه يي کيرله تمه مک ايچون يملکاري ديزلرينک اوستنده ييورلردی .  
يك تعطيلانى سفره باشنده کچيرمه مک ايچون لقمه لری چابوق چابوق يوتارلر ، متباقى



زمانی یا سوقاقدن کچن ارککلر باققله ، یاخود برر کوشه یه چکیله رک بربرلرینه  
تودیع اسرار اتمکله کچیریلردی . بو کونکی صحتک موضوعی صباحلین قالدیرم اوستنده  
بکله ین ارکک ایدی . اونی کوزدن غائب ایتشلردی ، عجباً هانکی دلیکه ماقلاشدی .  
چونکه صباحدن بری طورده نی یرده یوقدی . اونلر بومراق ایله سوقاغی آراشدیریرکن  
مادام لوزان نانا یان کوزله باقیشیورلر ، دوداقلرینی ایصیریورلردی . ساعت بره  
کلدیکی حالدده قیزلر حالا ایشلرینه باشلاماشلردی . او ائشاده له ئونی دوداقلرینه پررت !  
دییه بر اشارت ویردی . بو اشارت دکان صاحبه سنک کلکده اولدیغنی خبر ویرن  
برپارولا ایدی . له ئونینک اشارتی اوزرینه بونون قیزلر اس-کمله لرینه کلدیله ،  
باشلرینی اکهرک چالیشمغه باشلادیله . مادام تیترویل کیردی ، حدی برطور ایله  
برمه تاد ماصه نک اطرافنی طولاشدی .

نانانک بوایلک ماجراسی مادام لوزان ایچون مراقلی بر اکلنجه اولاشدی .  
آرتق یکننی هیچ یالکیز براقیور ، اونک حرکاتندن کندیسنی مسئول اولدیغنی  
بهانه سیله صباح آقشام یانندن آیریلیوردی . واقعا بو دائمی رفاقت نانانک جانی  
آنجق کندیسنک بر خزینه کی محافظه آلتنده طو تولدیغنی کورمکله قوا توقلری ده  
قابارییوردی . آرقه ده اودوکه فابریقه جیسی ، اوکده کندیله ری ، سوقاقلری  
آرشینلارکن او یله حاللری واردی که فابریقه طورده همان اوزرلرینه آتیلیق هو نی  
اویاندیرییوردی . طوغروسی مادام لوزان حسلی برقادیندی ! اساساً اونک کی  
اولغون انسانلرده حسیاتک کوکلری پک درینلره کیدر : مادام لوزان او قدر حال  
اشنا کورونیوردی که بویاشلی و رابطه لی ارککک حالی بیه کندیسنده رقت و مروت  
ویاندیرییوردی . بناء علیه اوارککله یکنی آراسنده حساً بر مقارنت بولومسینه بر  
شی دییوردی . اویالکیز نظارت ایدیوردی کندیسنی چیکنه مده دن او ارککک  
نانایه یافلاشمسینه مساعدده ایتیه جکدی . بر آقشام سرت برطور ایله ارکککی یانیه  
یاقلا شه رق بو حرکتی ای برشی اولمادیغنی یوزینه قارشى سوبله ییوردی . دوکه  
فابریقه جیسی کنج قیزلرک یانی باشنده کیدن اقربالرک بونوع چیقیشمه لرینه آلیشیق  
بر اختیار زنیاره ایدی . مادام لوزانک عجمونه هیچ مقابله ایتیه رک نارکانه بر  
سلام ویرمکله اکتفا ایتدی . مادام لوزان بو آدمک اطوارینی او قدرایی بولیوردی که  
حدت ایتکک اندن کلییوردی . بونک اوزرینه یکننه دونهرک اوکا عشق حقنده  
نصیحتلر ویریور ، ارککلرک نه قدر برباد شیلر اولدیغنی اکلایور ، بونلرک آله  
دوشن فاتحشه لرک بیله نه لر چکدکارینی ، نه درجه نادم اولدقلرینی کوسترن حکایه لر



نقل ایدیوردی . نانا بونلری دیکله مکدن یورولمشدی . خاله سی اکلاندیچه او ،  
درینلکارنده یارامازلقلر طوتوشان کوزلرله باقیوردی .

برکون پوسسونیه ر جاده سنده کیدرلرکن دوکمه فابریقه جیسی ایکینک آره سنه  
بورتی صوقه رق آغزه آلمایه جق برشیلر میریلادی . مادام لوران بوندن او قدر  
قورقدی که کندینی بیله امنیت آلتنده کوره میهرک ایشی اولدینی کبی قوپویه اکلاندی .  
آل سکا بر غائله دها ! قوپونک اوندی یکیدن هوغالر باشلادی . ایلک اوکجه قوپو  
نانایه کوزلجه بر طیاق آتدی . هله باجاقسزک یاپدقربنه باقکیز ! قالمش ده باباسی  
یرنده آدم لرله عشق اویونی اوبنایور ها ! هله بردفعه اونی سوقاقدی بویله برایش  
یاپارکن یافه لاسون ، الله بیلیر بونینی قوپاربردی . بو هیچ کورولمش شی میدر ؟  
باجاق قدر چوجوق بوتون عائله نک ناموسنی برپارا ایتسون ؟ ایشته بوکا تحمل  
ایده مزدی . قوپو ، قیزینی اوزلرندن یاقه لامش سیلکه لیور ، اوصلو اوطورمسنی  
تنبیه ایدیور ، بوندن صوکره اونی سوقاقدی بیلدات کندیسی ترصد ایده جکینی سویلیوردی .  
فی الحقیقه او کوندن اعتباراً نانا اوه هردونوشنده قوپو اوستنی باشنی بوقلار ، کوزینک  
کنارنده بر بوسه ایزی واری یوق می دییه یوزینه دقتلی دقتلی باقاردی . البسه لرینی بوقلار ،  
آرقه سنی چویره رک برشی اولوب اولمادیغنی آ کلامفه چالیشیردی . براقشام کرداننده  
سیاه برانکه کوردیکی ایچون آدم عقللی برکوتک آتدی . نانا تأمینات ویردی :  
بو ، بر بوسه یری دکلدی ، ساده جه بر مورارتی ایدی ، اونی ده له ثونی اوینارکن  
یایمشدی . فقط قوپو اینا میوردی ! مورارتی ها : باق طیاقله اونک وجودینی موص  
مور ایتسون ده او وقت کورور ! مع مافیه بعضاً نشئه لی اولدینی زمانلر قیزیله شاقه  
لاشیردی : حقیقه نانا برار ککک اشتها سنی کتیره جک قدر نفیس برپارچه ایدی .  
یل بالیغنه بکزه یین یاصهی وجودیلله ، ایمرلرینه بر بومسوق کچیره جک قدر چوقور  
اولان اوموز باشلریله جداً خوش برشیدی ! هیچ برقباحتی یوق ایکن باباسنک اک  
جیمع اتهام لرینه معروض قالان ، ایکیده برچیر کین چیرکین اسنادلرله طیاق بیوب  
طوران نانا درت طرفدن صیقیشدیرلمش حیوانلر کبی ایچین ایچین قاینایه رق ظاهر  
قورنار بر مطاوعت کوستریوردی .

ژرودز ، قوجه سندن دها معقول دوشونه رک :

— جانم ، چوجوغی راحت براقسه ک آ ! سویله یه سویله یه کونک برنده

حقیقه اودی دیکک شیلری یایمغه قالمیسه جق .

دیوردی . ژرودز یاکلایش دوشونموردی ، فی الحقیقه نانا باباسنک کندیسنه



اسناد ايتديكى شيلرى يامق ارزوسنى طويار كې اويوردى. بوارزو بر آرز آرتە حق اولورسە اودن قاچە حق ، باباسنك ديدىكى بولە دو كوله جكدى . قوپو بونى قيزينك يوزينه قارشى اوقدر چوق تكرار ايدىوردى كه اك ناموسلى بر قيز بيله بودرجه سنه مقاومت ايدەن ، كونك برنده پارلايويرىردى . دها اويوله دوشمه دن نانا ، باباسنك سو كوپ صاياركن قوللاندىنى اويله ككەلر او كرمشدى كه حيرت ايدىليردى . كيت كيدە اوده تحف بر صاقم طورلر آاغە باشلادى . بر صباح قوپو ، نانايى يوزينه پودره سورر كن ياقەلادى . يوزينك دريسى ايك كې نازك ويوموشاق اولدىنى حالە اونى پودره ايله بوزمقدن ذوق آليور دىمكدى . قوپو نانانك آاندن پودره پاكتنى آلەرق يوزينه كوزينه فيرلاندى . « صورانك دكرمنجى يوزينه دوش ، كورميورميسك ؟ » حاقيردى . بر آفشام نانا ، متصل يامەلامقدن اوتا . تدىنى سياه قاسكه تى تعمير ايچون بر پارچه قيرمىزى قورده لا كتيرمشدى . قوپو ، بو قورده لالرى نردن بولدىنى سرت بر طور ايله نانادن سوردى . كندىنى بر ار ككه صاتەرق مى ، يوقسە بر طرفدن آشيره رقى بونلرى تدارك ايتمشدى ؟ فاحشه لك مى يامشدى خرسزلىقى ؟ احتمال كه هر ايكي يوله ده آيشمشدى ! چونكه قوپو بر چوق دفعەلر نانانك آاندە كاه عقيقدن بر بوزوك ، كاه كنارلرى دانىلالى بر چيفت قوللى نوعندن ارفاق تفك شيلر كورور ، بونلرى آلوب پارچه لامق ايستەردى . فقط نانا بو ماللرى وار قوتيله مدافعه ايدر ، بونرك كنديسنه بعض خاملر طرفندن هديه ايدلىكنى ، ياخود آتليه ده آرقداشلرندن آلدىنى سويلردى . نانا كو كسە طاقدىنى يوردك ييچيمنده كې پاندانتىنى آتويير جاده سنده بولشدى .

باباسى او كچه سى آلتندە بو پاندانتىقى قيروب يام ياصى ايدنجه نانا حدتدن بم بياض كسيلدى ، وجودى تقلص ايتدى ، ديم ديك قالدى . ايچنده قاينايان بر عصيان ايله قوپونك بوغازينه صالديرمى ، اوستنى باشنى پاره لامق ايستە يوردى . ايكي سنە دن برى بو پاندانتىف رؤيالرينه كيرمشدى ، نهايت ايكي سنە صوكره آلە كچيره بيلمشدى ، حالبوكه باباسى اونى آياغنك آلتندە يام ياصى ايتمشدى . آرتق بوقدرى چكىلمزدى ، بوكا بر نهايت ويرمك لازمدى .

قوپونك قيزينه قارشى اتخاذايتديكى بو تدبيرلرده شرف و ناموس حسدن زياده معذبلەك ميللى واردى . اونك ايچوندر كه ا كثر يا نانايە قارشى حقسزلىق ايدر و بو حقسزلقلر قيز جغزى چيلدير تيردى . نهايت او حالە كلدى كه ايشنه كيتمز اولدى . باباسى بونك ايچون كنديسنه طياق آتدجه او آلاى ايدىور . آتليه ده او غوستينله



يان يانه اوطورمقدن بيزار اولديغنى ، اوغوستينك آغزى اش كې قورقديغنى سويليوردى .  
 بونك اوزرينه قوپو ناناي آلهرق بالذات كنديسى آتليه يه كوتوردى و جزا اولهرق  
 هپ اوغوستينك ياننده چاليدىرلسنى سويلهدى . صيره ايله اون بش كون هر  
 صباح اودن آتليه يه قدر نانايه رفاقت ايتمشدى . اونى دكانك قاپوسنه براققدن  
 صوكره سن دنديس سوقاغنده بر آرقداشيله ميخانهك برينه كيرمشدى . اوراده  
 ايكن ، اون دقيقه صوكره نانانك آتليه دن چيقهرق ، آلنده كى سېتى يولك چامورلرينه  
 سوره سوره آشاغى طوغرو سرعتله كيتديكى كوردى . ذاتاً اون بش كوندن  
 برى آتليه يه كيتديكى يوقدى . هركون باباسيله برابر كلوب ايچرى كير ،  
 طوغروجه آتليه يه كيره جكنه بنانك ايكنجى قاننه چيقار ، باباسنك چكيلوب كيتمسنه  
 انتظاراً مرديوهك باصه ماغنده اوطوريوردى . قوپو بوندن طولايى مادام  
 لورانى قباحتلى چيقارمق ايستهدى ، فقط مادام لوران قاردهشك يوزينه حايقيرهرق  
 نصيحتته محتاج اولمديغنى سويلهدى . ار ككلر حقنده نه بيليورسنه هپسنى وقتيله  
 يكننه آكلتمشى . بوكا رغماً نانا حالا بومردار مخلوقلرك پيشنده قوشمقدن ذوق  
 آليورسه بونك قاحتى نه دن كنديسنه عائد اولسون ؟ بوندن صوكره اونك هيچ  
 برايشنه قارشىمايه جغنه عيىن ايدييوردى . بويوزدن عائله اچچنده اولان ديدى قوديلرى  
 خبر آلمشى ، اونى ده نانا ايله برلكده فنا يوله صاپمش ديه اعلان ايدييورلر ،  
 چوجو غاك سقوطنى كورمكدن كويا ذوق آلدېغنى سويله يورلردى . بوروايتلرك  
 هپسندن معلوماتى واردى . اساساً قوپو ، نانانك له ثونى اسمنده ديكرايشجى قيز  
 الله برلكده فنا يوله كيتديكى دكان صاحبه سندن اوكرمشدى . له ثونى ده ايشنى  
 كوجنى براقهرق سفاقت آرقه سنده قوشيورمش . سود و خور ايشى كې شيلره پك  
 دوشكون اولان نانا هنوز عفتنى محافظه ايتمكده اولديغى اچچون بوتيز حاليله كندينه  
 برقوجه بوله بيليردى . آنجق اونى بويله صاپه صاغلام ، تميز وبا كر اولهرق  
 برقوجه يه ويره بيلمك اچچون برپارچه عجله طاورامق لازمدى . شرف و حيثيتلرني  
 بيلن باشقه كنج قيزلر كې برازدواج ياپه بيلمسى بوكا متوقفدى .  
 عون دور محله سنده كى بناده هر كس نانانك پيشندن قوشان اختيار آدمدن  
 اسكى بر آشنا كې بحث ايدييوردى . بو آدم پك نازك ، حقى برپارچه قورقاق ،  
 فقط صوك درجه عنادجى و صبرلى ايدى . صادق بر كوپك كې هركون نانايى اون  
 آديم كريدن تعقيب ايدر طوروردى . بعضاً اوك اولوسنه قدر كيرديكى ده  
 اولوردى . حقى بركون مادام غودرون اوكا ايكنجى قاتك مرديوننده راست  
 كادى . اختيار عاشق ، باشنى اوكنه اكمش ، مرديونك پارمقلفنه طوتونهرق قورقه



قورقه اینیوردی . لوریو ایله قاریسی بو پاچاوره قیزك بویله پیشنه ارککاری  
طاقه رق اوه قدر کتیرمسی او قدر ایکره نج بولیورلردی که اگر بو حال دوام ایده جك  
اولورسه باشقه اوه طاشینه جقلرینی ، آرتق مرادیونك اوستی ارککدن کچیلمز برحاله  
کادیکنی ، نه زمان مرادیوندن اینه جك اولسه لر مطلقاً اوراده اطرافی قوللایان برار ککله  
قارشیلان جقلرینی سویلیورلردی . صانکه اوك ایچنه چیلغین بر حیوان کیرمش ظن  
ایدیورلردی . قاپوجی بوش ایله قاریسنه کلنجه اونلر باجاقسز برسوقاق سوپورونتیسنك  
پیشندن قوشان بوشایان حرمت آدمه آجیورلردی . اونك برتجار اولدیغنی بولیورلردی ،  
حتی ویلله ت بولوارنده کی فابریقه سنی ده کوزلریله کورمشلردی ، ناموسلی بر قیزه  
دوشه جك اولسه هم کندیسى بختیار اولور ، هم او قیزی بختیار ایدیه بیایردی .  
قاپوجی ایله قاریسنك ویردکاری بوايضاحات اوزرینه هرکس ، حتی لوریولر بیله ،  
فکرلرینی ده کیشدیرمشلردی . شیمدی او اختیاری ، یوزی صاب صاری ،  
دوداغی صارقیق ، ابی تراش ایداش قیر صقالی چکه سنده صاللانهرق نانانك پیشنده  
کوردکجه قطعاً صوك درجه بر حس حرمت طویورلردی .

ایلك اوکجه برآی قدر نانا اختیار عاشقیله اکلندی طوردی . نانانك اطرافنده  
اونك اویله بر طولاشمسی واردی که کوروله جك شیدی . غلبه لفده یورورکن هیچ  
رنك ویرمه یهرك ایکیده بر ایلله نانانك فیستانه طوقونوردی . یا باجقلری ؟ کبریت  
چوپنی کبی شیلردی . قفاسنده صاچ نامنه طوپنی طوپنی درت تلی واردی . بونلرده  
بویندن اشاغییه طوغرو عادتاً یاپیشمش کبی صارقارلردی بعضاً نانا آلاى ایچون  
هانکی بربرده تراش اولدیغنی صوره جنی کلیردی . خلاصه کورولمکه لایق بر اختیاردی .  
مع مافیه کیت کیده نانا آلیشمه فیه باشلادی ، آرتق اختیار عاشقی اوکا او قدر  
فنا کورونموردی . اوندن او قدر قورقیموردی که پک اوستنه یافلاشسه باغیره جقدی .  
بعضاً سوقاقده کیدرکن بر قیومجی دکاننك اوکنده طوره جق اولسه اختیار آرقه دن  
یتیشهرك اونك قولاغنه برشیلر فیصله واردی . حقیقهً اختیارك کشفی طوغرو ایدی :  
کردانه باغلایه جنی بر قدیفه یه آصیلشمس برخاچ ، یاخود قولاقلرنده برر طامله قان  
کبی طوره جق قیرضی صرجاندن بر چیفت کوپیه مالک اولمق پک ایسته دیکی شیئدی .  
واقعا مجوه راتده کوزی یوقدی ، انجق یرتیق یرتیق اثوابلرله کزیمکه آرتق تحمل  
ایدیه میوردی . آتلیه لرك آرتیق لرنی طویلا یوب کندینه توالت یایمندن ، هله مادام  
تیترویلک دکانندن آشیرله چیچکلرله طبق بر فقیر آدمک آرقه سنه چنغراق طاقیلشمس  
حسنی وبرهن اسکی سابقه سندن بیقمش اوصانمشدی . بویله یأس زمانلرنده سوقاغك  
چامورلری ایچنده دوشه قالقه یورویهرک آرابه لرك فیرلاتدینی زیفوسلر اوستنی باشنی



کیرله تیر ، دکانلرک جامکانلرنده کوردیکی پارلاق شیلر کوزلرینی قاشدیریرکن ایچندن  
مقاومتسوز هوسلر اویانیر ، اوده سوسلی اثوابلر کیمک ، لوقنطه لرده مک  
بیمک ؛ تیاترویه کیمک ، ایی دوشهلی بر اوطیه مالک اولی ایستهردی .  
تا ایچندن قوپوب کلن بر آرزو ایله یوزی صاب صاری کسـیله رک طوریر ،  
قالدیرملردن چیتان بر حرارت بوتون وجودینی اسـتیلا ایدیورمش کی بر شی  
طویار ، جاده لرک ازدحامی آراسنده کنـدیسندن چارپوب کچن بو اذواقی یاقه لایه رق  
وحشی بر اشتها ایله ایصیرمق ایستهردی . ایشته تام بو دقیقه لرده اختیار عاشق  
یاقلاشه رق قولاغنه رشیلر فصیلدار ، برشیلر تکلیف ایدردی . اکر قورقاسـه  
هان دونوب اختیارک انه اوراجقدی . طینتنده کوتولـکه اولان میلنه رغماً بو  
طایمادینی آدمک تکلیفلرینه قارشـی بر حدت و استکراه طویار ، روخنک اعماقندن  
کلن بر عصیان ایله بو تکلیفلره قارشـی دیم دیک کسـیله رک رد ایدردی .

آنجق قیش کلنجه اؤک حال تحمل فرسا اولدی . هر آقشام ایلاک اوکجه  
باباسندن بر نوبت طایق ییز ، اوندن صوکره آنه سی باشلایه رق اوکا سوقاقدی  
ناصل یورومک ، نه یایمق لازم کله جکنه دائر درسـلر ویریردی . بعضاً غوغایه  
اوچی بردن کیررلردی . چونکه قوپو نانایی دوکـکه باشلانجه آنه سی اونی صیانت  
ایچون آره یه کیرمک ایسته ر ، بونک اوزرینه اوچی ده یره یووارلانه رق قیریق  
طباقلر آره سنده بر بوغوشمه در کیدردی . بونکله برابر اکثر کیجه لر آچ ایدیلر ،  
صوغوقدن تیرتیر تیره شیرلردی . نانا بعضاً کوزلجه برشی ، مثلاً قورولادن بر فیونغه  
یاخود بر چیفت قول دوکـه سی صاتین آله جق اولسه اناسی بابایی بونی هان آلندن  
قاپارلر ، چارشـویه کتوروب صابارلری . اونک نصیبی هپ طایق ایدی ،  
مطلماً بر دفعه طایق ییز ، اوندن صوکره یاناغه اوزانیر ، سیاه فیسـتانی  
یورغان دییه اوستـن چکهرک بونک آلتنده تتره طوروردی . طوغرومی  
بو حیات چکیلیر شی دکلدی ، نانانک بویله سفیل بر حیات ایچنده اولـکه  
وقتی یوقدی . باباسنه آرتق اهمیت ویرهن اولمشدی ، بو قدر فضله ایچون سرخوش  
اولان بر آدمه بابا دینله مزدی . مردار بر حیواندن فرقی اولمایان بویله بر بابا  
کبروب کیتسه البته دهـا خیرلی ایدی . بویون قیمتی آنه سـنه ، صروف اولدینی حالده  
شیمدی آنه سی ده کوزندن دوشمکه باشلامشدی . چونکه اوده ایچور ، اوده  
قوجه سنی آرامق بهانه سیله بابا قولومبک میخانه سـنه ، کیتمکده ذوق طویوردی .  
اصل مقصدی اوراده بر قاق قدح یووارلامق ایدی . آنه سی آرتق اسکـیسی کی  
میخانه لردن نفرت ایتیمور ، بالعکس ماصه باشنده کیلی کیلی اوطوریور ، ساعتـلر



بو وضعيتده قاله بيليور ، كوزلرى تپه سندن فيرلايه جق گېي بر حالده ميخانه يى ترك ايدىوردى . نانا آس سوموار ميخانه سىك او كىندن كچدىكى زمانلر ايجريده آنه سنى ، بروننى اچكى قد حنك ايجنه سوقش ، ار كىكلك قابا قابا لاقير ديلرىنى ديكلمكدن سر سمله شمش بر حالده كورونجه حدتدن موص مور كسيليردى . چونكه باشقه اكلانچىلردن ذوق طويان كىنچلك اچكىدن برشى آكلماز . آنه سى سرخوش ، باباسى سرخوش ، اوك اچى بوم بوش ، اوح نه اعلا تابلو ! دكل كىندىسى ، بر اوليا بيله بويله بر اوده اوطور امازدى . كونك برنده اوده صاوشوب قاچه جقدى يا ! اوندىن اوته سى نه اولور سه اولسون اومورنده دكلدى . بونلر برشى ياپه جق اولور سه قباح آناسنك باباسنكىدى ، اونى بويله اونلر سوق ايتش اوله جقلىردى . برجه ايرتسى اقشامى ايدى . نانا اوه كلنجه آنه سيله باباسنى برباد بر حالده بولدى . باباسى ياتاغه ترس ياعش ، خورليوردى . ژروهز بر اسكمله اوستنه ييغىلمش ، بوشلغه باقان انديشناك و مبهم نظر لرله باشنى صاللايوب طور ييوردى . كوندوزدن قاله بر پارچه يك واردي ، بونى ده ايصيتمنى اونوتمشدى . بر شمع دانك ايجنده يانان موم بوسفالتكاهك چيركىن ظالمتى تنوير ايدىوردى .

ژروهز قىزىنى كورونجه :

— وای سىندىسك ؟ ديدى ، طور باق باباك سكا نه ياپه جق ؟

نانا جواب ويرمه دى . يوزى بم بياض كسيلمشدى . بوز كى صوئوق طوران صوبايه ، اوزرينه طباقلر قونولماش ماصه يه ، بر چيفت سرخوشك دهشت ويردىكى بوقارا كلق اوطه يه باقىوردى . شابقه سنى چيقارمه دن اوطه نك ايجنده بر كره طولاشدى . صوكره ديشلرنى صيقه رق قاپويه طوغرو يورودى ، چيقدى كيتدى .

آناسنك باشنى چوبروب باقغه طاقتى يوقدى . يالكىز :

— كىدييورمىسك ؟

ديه بيلدى . نانا جواب ويردى :

— اوت ، برشى اونوتدم اونى آلوب دونه جكم ، بونسوار ؟

فقط كله دى . ايرتسى صباح قارى قوجه آيىلنجه نانانك فرارىنى بر برينك اوستنه آتهرق دو كوشمكه باشلا ديلر . اكر دون كىجه كى كيديشنده دوام ايدىيورسه شيمدى كىم بيلير نه قدر اوزاقلرده ايدى ! سرچه لرى طوئقى ايستين چوجوقلره آنالرى بابالرى ناصل كه قوشك آرقاسنه بر پارچه طوز قويملرنى سويلردى . قوپو ايله قارىسى ده قىزلرنى آله كچيرمك يولنى دوشونىورلردى . نانانك بو صورتله اودن



قاچۇچى ژرورەزە پىك فئا تاثير ايتدى . بر مدتدن برى ايچنە دوشىدىكى سىر سىملىكە  
 رىغما حس ايدىيوردى كە نانانك سقۇطى كىندىسىنى بوس-بوتون يالگىز براقشدى .  
 ارتق حياتدە كىندىسە قارشى حرمت بىلە يەجك بر چوجوقدن دە محروم اولمشدى .  
 بو محرومىت ئاتقە سىلە كىندىسىنى بوتون بوتون سفاھتە براقە جىغى ، دها چوق سقۇط  
 ايدەجكنى كورىيوردى . آە بو خنزىر قىز ، اونك حياتندە غىت وتىزلك نامنە براو  
 قالمشدى ، اودە بونى آلوب كوتورمشدى . بو حادثەدن ژرورەز او قدر حدتلەندى كە  
 اوچ كون متادىا ايچدى ، سرخوش اولدى و متصل دىشلىرىنى  
 صىقەرق كوپوردى ، متصل اوملعون قىزە سىركدى طوردى . قوپۇيە  
 كلنجە ، اوچ كون بربرى آردىنجە اودە بولوارلردە قىزىنى آرادى ، نھايت بولە ماىنجە  
 آراقەن واز كچەرك چوبوغنى ياقدى ، كىفە باقدى . يالگىز آره صىرە سىفرە  
 باشندە تانايى خاطر لايىنجە بىچاغى ياقە لايەرق قالقار و قولنك تەيدىكار اشارتلىلە  
 ناموسى محو اولدىغىدن بحث ايدردى . مع مافىە بردقىقە صىركە تىكرار اسكەملەسنە  
 اوطورور ، بىكە دوام ايدردى .

نانانك فرارى بنا ايچندە كىمسەنك حىرتنى موجب اولادى . چونكە قاپۇسى  
 آچىق براىلش قىسدىن قوش ناصل قاچارسە ھىراى بر چوق قىزلر اولرىدن اويلەجە  
 قاچوب كىدىيورلردى . يالگىز لورىو ايلە قارىسەنك ممنونىتلرە پايان يوقدى .  
 اونلر دىۋەشارمىدى ، كونك برىندە بو قىز بر باد اولەجقدى !

اونلر تاما لايىقنى بولدى دىيورلردى ، چونكە اونلر كىرە كورە نە قدر چىچكجى  
 قىزى وارسە ھېسەك عابىترى بو ايدى . قاپۇجى بوش ايلە قارىسى ، صوكە  
 پواسسون ايلە قارىسى صوك درجە فضىلت پرور كورونەرك نانانك بو حالندن  
 مستەزىانە بر لىسانلە بحث ايدوب طورىيورلردى . يالگىز لاتىيە قورناز طاورانەرق  
 تانايى مدافە ايدىيوردى . كىنج بر قىزى كىندى باشنە سوقاقلردە طولاشىر كورمكى  
 بر چوق كىمسەنك حوصلەسى قبول اىتمەدىكى ايچون علېھندە بولە شىلر اويدىر بلىور  
 دىيوردى . لاتىيە تانايى بوصورتلە مدافە اىمكە برابر اونك مستەزىا كوزلاكى  
 اوياشدە بىلە باشنە بر فلاكت كىترە بىلەككى ، كوزلرندە احتراض آتشلىرى  
 پارلايەرق علاوہ ايدىيوردى .

بوكون مادام لورىو قاپۇجى بوشك اوطەسندە فقادارلر ھپ اورادە ايدىلر ،  
 قەھۋە ايچىيورلردى . مادام لورىو صحبت ائاسەندە .  
 — خبر كىر وارمى ، دىدى ، تانايى آناسى قصداً اوبولە سوق ايتدى .  
 عادتا قىزنى ساتىدى ، اۇت ساتىدى ، بونى ائىدە دىللار الله اثبات ايدە بىلىرم .



صبح آفتام هرديون باشنده تصادف ايديلق اواختيار آدم ژرومرك اوط سینه کيدر ، قیزی صائین آلف ایچون آناسنه علی الحساب یاره ویروردی . بونی آکلایه جق نه وار ، دها دون بریسی ، نانا ایله اواختیاری آجیغلا تیاتروسنده کورمش ... یمن ایدرم که نانا او حریفک متره سیدر ...

مناقشه دوام ایتدی ، قهوه لر ایچیلدی . نهایت شو حکمی ویردیله : اولمازشی دکل ، دنیاده بوندن دها نه اهمیتلی شیلر اولوب بیتور . نهایت بوتون عمله اهالیسی ژرومرك کندی قیزی کندی آیلله صاندیغنه اینامشدی ، اک آغیر باشیلر بیلله بونی بوتون کون تکرار ایدوب طور ییورلردی .

ژرومرك بو دیدی قودیلرک هیچ برینه اهمیت ویرمییور ، او کندی عالمنده یاشایوردی . سوقاقده آرقه سندن - رسز ! دییه باغیر سدلر دوتوب باقابه جقدی . بوتون کون غوغالردن بزار اولان مادام فوقونیه اونی بر آی اول دکلدن چیقار . مشدی ، بر آیدن بری ایشسز کوجسز طولاش-یوردی . بر قاچ هفته ظرفنده سکز دکان دکیشدیر مشدی . هر برنده نهایت ایکی اوچ کون قله بیلور دی . او قدر فنا چالیش-یور ، او قدر دفتسز و کیرلی ایش چیقاری یوردی که عادنا اسکی صنعتی اونوتدیغنه حکم ایدیلله بیلوردی . بناء علیه هانکی دکانه کیتدی ایسه ایکی اوچ کون صوکره طاسی طاراغی طویلایوب چیقغنه مجبور اولوردی . نهایت کندیسیده آکلادی و او توجیلکی براقه رق (نوو) سوقاغنده کی چاشیرخانه یه کونده لکه چاشیر چا . شیرجیلغه کیتدی . چاشیرخانه ده چالیشدیگی کونلر چاموره بولاتمش کوپکار کی او یله ایصلاق ، سردار ، او یله موص مور اولمش بر حالی واردی که افسان باقه . مازدی . مع ماقیه بوتون بو مشقتلره ، بوش صفره او کنده کچیردیگی آجکلره رغماً متصل سمیریوردی . طویلایمسی ده کوندن کونه آرمشدی . او درجه ده که بریسنک یاننده یورورکن اوکا چارپوب ده ویرمه مسی ممکن دکلدی . بر قادین بو درجه سقوط ایده جک اولورسه طبیعیدر که اونده غرور نسویت نلمنه بر شی قالماز . ژرومرك اسکی غرورلرینی ، اسکی ظرافتلی ، اسکیدن طویدیگی احتیاجلری ، اسکیدن کوردیکی حرمت ورعایتلی بر طرفه براقشدی . شیمدی اونی تکه ایله دوکسلر آجی طویلایه جقدی ، او قدر که وشک ، او قدر حسسز اولمشدی . مثلاً لانتیه اونی تمامیلله ترک ایتشدی . آرتق ظاهرأ بیلله اولسون اونی چیمدی کلایم یوردی . آغیر آغیر سور و کلونوب کیدن و کونک برنده ایکی طرفلی براهمال ایله اونوتیلور برهن اسکی مناسبترلرینک بوانخلالی آرتق نظر دقتی بیلله جلب ایتمیوردی . حتی اوزرندن فضله بویوک ، بر آنغاریه اکسیلمش کی بر ممنونیت بیلله حس ایدی یوردی . و تیلله



لانتیه ایله ویرژینی آره سنده برشیلر باشلادیغی سزر سزر قودورمشدی ، شیمدی  
 احقلاق دیدیکی بو حالره قارشى اوقدر لاقید ایدی کی اسکی عاشقنك ویرژینی ایله  
 مناسبتلرینی بیلدیکى حالدیه یرندن بیله قیلمدا میوردی . ایجاب ایدرسه اونلره موم  
 طوتمغه ، بول کورستمکه بیله اماده ایدی . ذاتاً لانتیه ایله ویرژیننك برلکده یاشادقلرینی بیلمه یین  
 یوقدی که ... ویرژیننك قوجه سی ایکی کونده بر کره کیجه نوبته قالیر ، سوقاقلق قالدیر یملرند  
 تتره یه تتره یه پولیس وظیفه سنی یاپارکن قاریسی ایله قوروشوسی لانتیه صیجاق یاتاقده قویون  
 قویونه یاتارلردی . هم پوسسوران کله جك دییه تلاش ده اینزلردی . چونکه یورغانك  
 آلتندن باشلرینی چیقارمق سزین اونك قاراقلق وبوش جاده ده قالدیر یملری چیکنه یین  
 چیزمه سنك کورولتولونى ایشیده بیلرلردی . بر پولیس ایچون هر شیدن اول لازم  
 اولان ، وظیفه دکللی ؟ زوالی آدم بوتون کیجه باشقه لرینك مالی بکلرکن اوتده  
 کندینك خاص مالی اولان قاریسندیه بر باشقه سی صباحه قدر تصرف ایدر طوروردی .  
 بو رزالت بوتون محله لی ایچون اکلجه موضوعی اولمشدی . بر حکومت مأمورینك  
 بوینوز طاقسنى چوق تحف بر حادنه بولهرق اکلنیورلردی . اساساً لانتیه ویرژیننك  
 اوینی ده ائله ایتکه موفق اولمشدی . ویرژینی ایله برابر اونك دکانی ده لانتیه نك  
 امر واتصرفنه تابع ایدی . وفتیله بر چاشیرجی ییوب بیترمشدی ، شیمدی ده بر  
 یمشجی یی کیریوردی . بوتون بقال قاریلری ، کاغدجی قادینلر ، مودیستره لر صیره  
 ایله اونك کنیش چکه لری آره سندن کچهرک معده سنه کیتمشلردی .  
 حقیقهً بونك قدر طاعلی ، بو درجه موفقیتلی بر آدم کورولمه مشدی . لانتیه  
 ویرژینی یه یمشجی دکانی آچسنى توصیه ایتکه صرف کندى شخصنى دوشونمشدی .  
 بوتون طشره لیلر کی اوده طاتلی یه بایلیردی . اوکا یمك یرینه ساده عقیده شکری  
 بادم شکری ، چقولاته ویرسه لر باشقه بر شی ایسته مزدی . هله بادم شکری او  
 قدر سوردی که نه زمان پیسه آغزی کوپوروردی . بر سنه دن بری متصل بون بون  
 ییوب طور ییوردی . بعضاً ویرژینی اونى دکانده یالکز براقیر ، کندیسى عودت  
 ایدنجه یه قدر نظارت ایتسنى رجا ایدر ، او وقت لانتیه فرصتدن استفاده ایدهرک  
 دولابلری قاریشدر بر ، شکر کلاهلرینی آچار ، ایسته دیکى قدر ییردی . بعضاً  
 دکانده بش آلتی کشی ایله صحبت ایدرکن تزکا هك اوستندیه موران شیشه لردن  
 برینك قاپاغنى آچارق ائنی طالدير بر ، آغزینه بر شکر آتاردی . قاپاغنى آچیت  
 طوران شیشه چوق کچمه دن بوشالیردی . کندیسى بونی بر صراق دییه توصیف  
 ایدر ، فرقنده اولقسزین ، غیر اختیاری بر صورتده بونی یایدیغنى سویلردی .  
 اوندن سوکره بر نزه ایجاد ایتمشدی ، بوغازینك متصل یانوب طور دیفندن ، بو



سایققلنی آزالنق ایچون طاتلی شیلر یمکه احتیاجی اولدیغندن بحث ایدردی . حالا بر ایش طوتدینی یوقدی . هپ استقبالده اوله جق بویوک ایشلرینی سویار طوروردی . بویوک ایشلردن بری اختراع ایتک اوزره اولدیغنی سویله دیکی شمسیه لی شاپقه ایدی . بو سویله بر شاپقه ایدی که اوستنه یاغہ جق ایلک یاغمور طامله سیله در حال شمسیه حالنه کله جکدی . لانتیه بواختراعدن آلدہ ایدہ جکی تمتک نصفی پووا - سونه وعدہ ایتشدی . و اختراعی قوه دن فعله چیقارمق ایچون یاپه جنی تجربہ لره صرف ایتک اوزره ایکیده بر پوواسسوندن یکر میشر فرانق استعراض ایدوب طوروردی . بوکا انتظاراً دوکانده نه وار نه یوقسه لانتیه نیک آغزندن معدہ - سنه کیدیوردی . هاوانا سیغاره سی چمنده کی چقولاته لردن پیو چمنده کی قرمزی قاراملارہ قدر بوتون شکرملر لانتیه نیک بوغارندن کچمکه محکوم ایدی . بعضاً شکرمله یمکدن بیقار او وقت ویرژیخی دکانک بر کوشه سنه چکهرک آغزندن بر بوسه آیر ویرژیخی اونک دوداقلرینی بادم شکری کبی طاتلی بولوردی . طوغریسی لانتیه نیک آغری اوپوله جک آغزلردندی . انسانه بال کی طات ویریوردی . قایوجی بوش ایله قاریسنک دیدیکنه باقیلیرسه لانتیه کوچوک پارماغنی قهوه جزوه سنک ایچنه باطیرسه شروب کی طاتلی اولوردی .

اطرافنده کوردیکی بوطالی معامله لردن رفته کلن لانتیه ژروه زه قارشی پدرانہ برطور طاقینمشدی . اوکا ایکیده بر نصیحت ویریر ، چالیشمادیغندن طولایی صیق صیق تکدیر ایدردی . هیچ بویله شی اولورمی ، او یا شده بر قادین کندینی طوپلامنی بیایمایدیر . لانتیه نیک ژروه زه اسناد ایتدیکی تصورلردن بری ده او بورانی ایدی . یاردیمه لایق اولمایان انسانلرده دست معاوتی اوزاتق انسانیت ایجابندن اولدیغنی سویله یهرک ژروه زه اوتده بریده ایش بولمفه چالیشیردی . بناء علیه ویرژیخی بی اقناع ایدهرک هفته ده بر کره ژروه زک کلوب دکانی و اوطه لری تمیزلہ سی ایچون مساعده سی آلمشدی . پوتاسلی صویک ناصل قوللانیله جفنی ژروه ز اسکیدن بری پک ای بیایردی . بوضورتله هرکایشنده اوکا اوتوز سو ویریرلردی . ژروه ز جمعه ایرتسی کونلری صباحلین کایر برالکده برقووا برده فیچه کتیریر ، بر زمانلر صاریشین و کوزل سیماسیه کندیسینک اداره ایتدیکی بودکانه شیمدی بر تخته سیلیجی صفتیله دوام ایتمکدن عزت نفسی رنجیده اولمایه رق هر جمعه ایرتسی منتظماً بواشی کوروردی . بونکله تقادینلق غرورینه صوک ضربہ بی ایندیرمش بولونیوزدی .

بر جمعه ایرتسی کونی ایدی . آدم عثمالی اوچ کوندن بری یاغان یاغمورلردن طولایی



دكانه كيروب چيكان مشتريلر سوقا غك نه قدر چاموري وارسه اياقلىيله ايچرى كنىرمشلىردى .  
ويرژىنى تزكاه باشنده بولونيوردى . صاحلىرىنى كوزلجه طارامش ، كندينه بر خام  
طوري ويرمىدى . اثوابك ياقهسى وقوللىرى دانتهلى ايدى . يانى باشنده لانتیه ،  
دوشمهلى پاموقلى قرمىزى قطيفه دن بر ياصى صنداليه اوستنه اوطورمش ، صانكه  
دكانك حقي صاحبي كىدىسى ايمش كى برطور ايله چالم ساتيوردى . آره قده  
بركره آلنى مهمل برادا ايله نانه شكرى قاوانوزلرندن برينه آتيور ، ايچندن برشكر  
چيقارهرق طبيعى براعتيادى يرينه كتيوريورمشجه سنه آغزينه آتيوردى .

بر آرهلق ويرژىنى ژروهزه خطاباً :

— مادام قوپو ، ديدى ، باقىكز شوقارشىكى كوشه ده چامور قالمش ؛ اوراسنى

بر دفعه دها تميزله يكز .

ژروهز اداعت ايتدى وويرژىنىك كوستردىكى كوشه يه كيدهرك هر طرفدن  
آقوب كيدن كيرلى صولر آره سنده يره چومه لى ، ايكى بوكلوم ، اوموز باشلىرى  
چيقيق ، موص مور اولمش قوللارنى كره كره دوشمه يى ييقامغه باشلادى . صودن  
صيرصيقلام اولان اسكى فيستانى قالچهلرينه ياپيشيوردى . پریشان صاحلىيله ،  
كوهلىكك دليكارندن اوتەسى برىسى كورونهن وجوديله ، قوللارنىك حركتلرينه تبعاً  
صارصارجه صاغه صوله ، آشاغى يوقارى صاللانان كهوشك ائلىيله دوشمه اوستنده  
كيرلى بر يىغىن عرض ايدىيوردى . او قدر ترليوردى كه يوزندن طاتلى طاتلى ايرى  
ترلر آقيوردى .

لانتیه آغزينه آتدينى بادم شكرىنى چيكنه يهرك :

— دوشمه نه قدر قوتلى سيلينيرسه او قدر اى پارلار .

ديدى . ويرژىنى بر پرنسس كى آرقه اوستى ياصلاشمش ، كوزلىرى يارى

قابالى ، آرهلق آرهلق بر فكر درميان ايدەرك ژروهزى تعقيب ايدىيوردى .

— بر آز دها صاغه ، بر آز دها . . . دقت ايدك جامكانلره كيرلى صو

قاچاسون . . . بيلورسكيزيا كچن هفته . . . چيچ ممنون اولمامشدم ، لكه لرى حاليله

براقشديكز . . .

بو سوزلىرى سويلهين ويرژىنى لانتیه ايله يان يانه ، صانكه بر تحت اوستنده  
ايمشلىر كى كيت كيده دها فضله قورولدجه ژروهز ، آياقلىرىك آلتنده ، مورلى  
چاصولر ايچنده اوغلاشوب طورىيوردى . ويرژىنى بو منظره دن بك ذوق طومش  
اولنه جق كه كدى كوزى آ كديران كوزلرىك ايچنده بر آن ايچون صارى قيوياچملىر



یارلادی ، دوداقلرنده خفیف بر تبسم بلیرهرك لانتیهیه باقدی . ایشته نهایت مقصدینه  
فائل اولمش ، بر زمانلر چاشیر خانه ده ژروه زدن ییدیکی طیاغك انتقامنی آلمشدی .  
یو حس انتقام هیچ بر زمان قلبدن سیلنمه مشدی .

ژروه ز آره صیره طور دجه ایچریکی اوطه دن بر دستره سی کایور ، یاری  
آچیق طوران قاپونك آره افندن پوواسسونك سیاسی اولونك طوكوق آیدیناغله  
عکس ایدن سیاسی کورونیوردی . پوواسسون اوکون اذنلی ایدی و بو تعطیلدن  
استفاده ایدهرك پك مصراقلی اولدینی اوافق قوطولر یاپمغله وقت کچیریوردی . بر  
ماصه نك اوکمه اوطورمش آقازودن معمول اسکی بر سیفاره قوطوسنی آرابه سك  
شکلده کمال اعتنائله کسپوردی . لانتیه پوواسسونله تکلیفسز اوله لی بری اوکا بادینغ  
لقبنی قوللانوب طوروردی . بر آراق ایچری طوغرو سسله ندی :

— بادینغ ! بوکون یاپه جفك قوطوی بکا حاضرلا ، بر مادمازله هدیه ویره جکم .  
ویرژینی لانتیهیه بر چیمدیک آتدی ، لانتیه بو جیمدیکه ایلک اوکجه بر تبسمله ،  
اوندن صوکره تزکا هك آتیدن الی ویرژینك باجانلری آراسنه صوقق صورتیه  
خوش بر مقابله ایتدی . او آره لی پوواسسون طوپراق رنگلی سیاسنده دیمدیک  
طوران قومرال بیقارینی کوستره رك باشنی فالدیرنجه لانتیه تلاشسز بر طور ایل  
آلی ویرژینك باجانلری آره سندن چکدی . پوواسسون جواب ویردی :

— بنده بو قوطوی سزه هدیه ایتک ایچون یاپیورم . سزده بر یادکارم  
بولونسون .

— او یله ایسه بنده کیسهیه ویرم ، بر فورده لا ایله بوینم ، آصارم .  
صوکره ، بردن بره ، صانکه بوجث ایله علاقه سی وارمش کی شوسوزلری  
علاوه ایتدی :

— ها صحیح ، دون آقشام نانایه تصادف ایتدم .  
بوسوزك تأثیرله ژروه ز دکانی طولدوران کیری صو بریکنتیه نك ایچ  
چوکیویردی . نفس نفس ، یوزندن ترلر آقیوردی . فیرچه سی آنده قالمشدی  
ساده جه دوداقلرینك آره سنده میراتی ، نوغندن بر « آ... » دوکولدی  
نهایت قدر دوام ایتدی :

— اوت ، مارتیر سنو قاغندن اینیوردم . اوکمه اختیار بر آدمک قوا  
کیرمش بر کنج قیزك صیچرایه یورودیکنی کوردم . کندی کندیه  
ین بونی طانیه جنم دییوردم . بونک اوزرینه آدیلمی صیقلاشدیوردم . برده



باقه بم ، نانا دکل می ، آرقه سنده یو کدن کوزل بر اثواب ، بویژده آلتون برخاچ . خلاصه پک ممنون ، یک بختیار ، هیچ دهه آجینه جق حاده دکل ...

ژروهز دها بوغوق بر سسله بر دفعه دها « آه : » دیدی . بادم شکرچی چیکنه یوب یوتان لانتیه باشقه بر قاوانوزه آلی صوقه رق برشکر دها آلدی .

— دها بو یاشده فناغه ، او قدر تمایلی وار که . . . . بنی کورونجه هیچ صیقیلمه دن کوز اوجیله کندیسنی تعقیب ایتمه می اشارت ایتدی . بر آاز صوکره اختیاری صاتیووردی ، قهوه یه می هرزه یه ایسه براقدی ، کندیسنی کلدی ، بر قاپونک آلتنده بنی بولدی . پیلان کبی بر قیز ، او یله زمانه لشمش ، انسانه او یله بر صوقولیش وار که . . . یانه کلیر کلز همان بوینه صاریلدی ، اوپدی ، اوندن معلومات صوردی . طوغروسی ، بوتصادفدن پک ممنون اولدم .

ژروهز اوچنچی بر « آه » چکدی . اولدینی یرده بیغلمش قالمش ، طو ریووردی . قیزی کندیسنه بر خبر کوندردی می اونی بکلورودی . اوزون بر سکون چوکشدی ، بوسکون ایچنده اوته کی اوطه دن پوواس-ونک و صسی کلیووردی . لانتیه نشئه لشدی ، دوداقلرینی شاپرداته رق آغزنده کی شکری آمیووردی .

او آره لقی لانتیه یه ؛ قوتلی بر چیمدیک اوران ویرژینی سوزه قاریشدی :

— بن دها بر آزدن قارشی سوقاغه کیده جکم ، یوله نانا یه راست کلک احتمالم وار . بویله قیزلره سلام ویرمک انسانک یوزینی قیزارتیر . یوزینه قارشی سویله مک کبی اولسون اما ، قیزکز تام معناسیله برجیفه اولمش مادام قوپو ! قوجه م هرکون سوقاغه بونوعدن قیزلری یاقه لایوب قره غوله کتورور .

ژروهز هیچ بر شی سویله میور ، اولدینی یردن هیچ قیلمد میور ، ثابت ظرلرله بوشلغه باقیووردی . بر مدت صوکره باشنی خفیفه صالادی ، بو باش شارتیله کندی دوشونجه لرینه صانکه جواب ویریووردی . اوتده لانتیه ، شن شاطر ، میریلدانیووردی :

— او یله اما ، نانا غایت لذتله ینیه بیلیر جیفه لردندر ، عادتا بر پیلپیچ ...

ویرژینی بو سوز اوزربنه لانتیه پک یوزینه او یله دهشتلی یر نظر عطف تدی که لانتیه فضله سویله یه مدی و همان ویرژینی تلطیف ایدهرک حدتی کچیرمکه ایشدی . اوته کی اوطه ده پوواس سونک قوطوبی یانغه مشغول اولسندن بالاستفاده ندی آغزندن شکری ویرژینیک آغزینه ویردی . ویرژینی ممنونیتدن بر قهقهه پاردی . لانتیه یه قارشی حدتی کچمشدی ، شیمدی بوتون حدتی ژروهزک ستنه چوپرمشدی :



— بر آژ الكرى چابوق طوتكز مادام ؛ كور ديلنجيلر كې متصل اوطورروب  
دورورسه كز ايش بېتمز . هايدى باقميم ، بر آژ قىملا نكز بو آقشامه قدر عو  
ايچنده اوطورده مام .

ودها آچاق ، نقط دها جان ياقيجى برسسله علاوه ايتدى :

— قىزى ار ككلرله اكله نيورسه قباحتمى ؟

ژرومز تحته يى فيرچه لايغ باشلادىنى ايچون بو سوزى ايشيده مەمشدى .  
دوشمه نك اوستنه اكيلىش ، بلى ايكي بوكلوم ، قورباغه كې اورادن اورايه  
سوروكليوب كيدىوردى . فيرچه نك تحته سته ايكي آيله صيم صبقى ياپيشمش ،  
سيلمكجه اوكنده بر سياه صو طالافه سى حاصل اوليور ، بوندن صيچرايان چامورلر  
اوستنه باشنه ، حتى صاچلرينه قدر چيقيوردى . بر نهر حالنه كلن كيرلى صولرى  
تميزله دكدن صوكره تحته يى ارغمتدن باشقه يابه جق برايش قىلامشدى .  
اورته لقمده حكيم سورن سكوتدن جاني يىقمغه باشلايان لانتيه بر آره لقمه  
پوواسسونه سسله نهر ك :

— خبرك وارمى ، ديدى ، دون پوولى سواقاغنده سزك پاترونى كوردوم .  
حريف برباد وجودى اويله پيرانش كه آتى آيه يا چيقار يا چيقماز . اوياشايشه  
هيچ وجود طيانيرمى ؟

پاتروندن مقصدى امپراطور ايدى . پوواسسون ، باشنى ايشندن قالديرمه سزىن  
قورو برسسله جواب ويردى :

— اونك يرنده سز حكومتى اداره ايتسه يدىكز اوندن فضله سميرد مزدىكز ...  
— بلكه اما ، سزى تاأمين ايدرم كه حكومتى دها اى اداره ايدردم .  
باقسه ك آ ، خارجى پوتيقه لرى بر زماندر نه برباد كيدىيور . غزته جيلردن كيمسه يقه  
طانيبورم يوقسه ، دوشوندكلى بر غزته جى يه سويله يه جك اولسه م ...  
كىتدكجه هيچانلانيوردى . آغزنده چيكنه مكده اولدىنى شكرى بېتمشدى .  
دولا بلردن برىنى آچهرق ايچندن برقاق دانه خاتى پستىلى آلدى و آغزينه آتدى .  
هم بونلرى چيكنه يور ، هم آلاريله اشارت ياپهرق اكلاتيوردى :

— بن اولسه يدم ياپه جفم شى پك ساده ايدى : اولاهستانى يكيدين تاسيس  
ايدر ، بويوك بر اسقاندينا ويا حكومتى وجوده كتيرير ، بو صورتله شمال آيسنك  
طاشقيناغنه كم اوروردوم . اوندن صوكره المانياده نه قدر كوچوك حكومت وارسه  
هپسنى بر يره طوپلار بر جمهوريت تشكيل ايدردم . انكلتره نه ديه جك ديه



هیچ قورقوم یوق ، چ-ونکه آنکیز بر پارچه قیلدانه جق اولورلرسه همان هندستانه یوز بیک عسکر کوندریردم ... نهایت تورکاری مکینه ، پاپایی ده قدسه یوللاردیم . اوزمان کوروردیکز آوروپا ناصل ترمیز اولوردی ، هم بو اوقدر اوزون برایش دکل ، اوپله قولای ، اوپله قولای که ...

او آرهلق قاوانوزدن چیقاردینی بر آوو چ شکری کوسترهرک :

— شو شکرلر یوق می ، دیدی ، ایشته بولری نه قدر چابوق یوتیورسه م آوروپانک ایشنی ده اوقدر چابوق تمیزلردم .

و آغزینی آچهرق شکرلری برر برر یووارلیوردی . پوواسسون ایکی دقیقه قدر دوشوندی :

— ایمپراطورک پلانی بوسبوتون باشقه ...

دیدی . لانتیه خدته کلشدی .

— براق الہی سورسہک ! اونک پلاتی دنیا بیلور ... آرتق آوروپا بزه متالیک ویرمن اولدی . هرکون نالیزه سراینده کی خدمتچیلر سزک افدکزی عشرت سفره سنک آلتنده ، کبار عالمه مفسوب قادینلرک قوجانلری آره سنده بولیورلر .

پوواسسون آلینی براقهرق لانتیه نک یاتنه کادی و آلی نلبنک اوستنه قویهرق :

— اوغوست ، بنی اینجیورسکز ، ایستهدیککز قدر مناقشه ایدیکز ، نقطه شخصیات یامایکز .

دیدی . ویرژینی آره به کیردی ، اورتهانی سگونه دعوت ایتدی . آوروپا جهنمک دینه کیتسون . کیچ ، کوندوز بر آره ده یانایان ، آره لرندہ هیچ آیری غیری برشی اولمایان ایکی آدم پولتیقه یوزندن بربرینه کیرسونلر ، بو ناصل اولور ؟ برهت ایکسی ده خمرردانمه نوعندن برشیلر سویله دیلر . نهایت پوواسسون فلبنده لانتیه به قارشی هیچ برشی اولمادیقتی کوسترهرک ایچون هنوز بتیردیکی قوطونک قاپاغنی کتیردی . اوزرینه ( اوغوشه ، یادکار محبت ) جله سنی حک ایتشدی . لانتیه بوندن اوقدر خوشلاندى که کيفندن آرقه اوستی یاصلاندی ، بو وضعیتمده عادتاً ویرژینیک قوجاغنه چیقمش کبی ایدی . ویرژینیک قوجه سی بو حال لاقیدانه سیر ایدیور ، اسکی دیوار رنگنی آکدیران سیما سنده بولانیق کوزلری هیچ برشی افاده ایتمه یهرک باقیوردی . انجق آره صیره بیغنک قیرمزی قیللری تحف



بر طرزده اوینایوردی . لانتیه ، کیتدیکی یولدن امین ایدی ده اوتک ایچون بوکا  
پک دقت ایتیموردی . باشقه بریسی اواسهیدی پوواسسونک بو حالندن بر پارچه  
اولسون اندیشهیه دوشردی .

بوملعون لانتیه نک قادینلره صالیریشنده اویله صوغوق قانی بر جرأت واردی که  
خوشه کیتمه مک ممکن دکلدی . مثلاً شیمدی ، پوواسسون آرقه سنی چویرنجه  
بر آن ایچنده ویرژینیک صول کوزندن اوپویردی . سائر زمانلرده بویله برشی  
یاپارکن قورناز طاورانیردی . فقط پواتیقه بخیلریله قیزیشنجه آرتق احتیاطی ،  
قورنازانی بر طرفه براقیردی . پوواسسونک آرقه سندن ویرژینی بویله آچ کوزلی  
براشتها ایله صالیردقجه صانکه فرانسه یی شو حاله کتیروب ایمپراطورلق اداره سندن  
انتقام آلیورمش کبی برشی طویورودی . یالکنز بو دفعه اوپرکن دکانک  
ایچنده ژروه زک بولوندیغنی اونوتمشدی . ژروه ز تحته لری اوغمش ، اورته لری  
سیلوب تمیزله مش ، شیمدی تزکاھک باشنده ، کندیس . ویریله جک اولان اوتوز  
سوی بکلیوردی . لانتیه نک ویرژینی صول کوزندن اوپسی اوکا کندیس نه عاقد  
اولمایان پک طبیعی بر حادثه کبی کلدی و بوندن هیچ برشی طویمادی . مع مافیه  
ویرژینی بر پارچه شاشه لامشدی . ژروه زک اوکنه پاره یی آتدی . ژروه ز هیچ  
قیملدا نمیور ، حالا تزکاھک اوکنده طویورودی . کوردیکی ایشک صارصنقیسی  
حالا وجودندن زائل اولامشدی . لغمدن چیقارلمش برکوپک کبی یام یاش وچیرکین  
برحالی واردی .

بر آره لق لانتیه یه دونه رک صورتی :

— سزه هیچ برشی سویله مده ی می ؟

— کیم ؟ ها نانای ؟ خایر ایشته او اکلادقلری سویله دی ، باشقه برشی  
سویله مدی . کراز کبی بردوداغی واردی ، اونه آغزدی کورسه کز ! ..  
ژروه ز پاره یی آلهرق چیمدی کیتدی . دلیک ده شیک اولان پاپوچلرندن  
طولومبه کبی صولر فیشقیریور ، قالدیریم اوستنده کنیش ایزلر براقه رق یورودکجه  
تحف برسس چیقاریورودی .

مخله ده کندیس کبی ایچکی به مبتلا قادینلر قیزینک قهرندن ایچدیکنی  
سویایورلردی . فی الحقیقه ژروه ز میخانه ده بوشالتدینی قدحلری تزکاھک اوستنده  
فیرلاتیرکن فاجعه ناکطورلر طاقینیر ، بویله ایچه ایچه کونک برنده کیدوب کیده جکینی  
امید ایدردی . بویله ایچوبده اوه سرخوش دوندیکی کونلر کدرندن یاپدیغی  
ککله یه ککله یه سویلردی . فقط ناموسلی ، اوصلی عقللی انسانلر اولک بوسوزینه



اینا غازلر ، اوموز سیلکوب کچرلردی . کدرینی برانه ایدهرک آسوموارمیخانه منده متصل ایچمک ایچون طوران بوقادینک حقیقتده نه اولدیفنی هرکس بیایوردی . هر حاله ژرور زک کدر دبدیکی شی شیشه ایچنده کی ایچکی اولدیفنی معلوم ایدی . کرچه ایلاک زمانلر نانانک اودن قاجیشی اوکا آغیر کلشدی . قیزینک بوحرکتی اونده ناموسی وحیثیت نامنه نه قالدی ایسه هپسینی عصیان کتیرمشدی . نه اولورسه اولسون برآنه قیزینک ایلاک تصادف ایتدیکی ارککله تکلیفسزجه دوشوب قالقمغه باشلا دیغنی ایشتمک ایسته من . آنجق ژرور حیاتده او قدر سرسمله شمش ، دماغی او قدر خسته دوشمش ، قلبی اودرجه ازیلشدی که قیزینک فرارندن طویدیفنی حس حجاب اوزون مدت دوام ایدمه مشدی . آرتق بوقبیل حادثه لر اونک برقولاغندن کیروب اوته کی قولاغندن چیقیورلردی . بعضاً برهفته مدت قیزینی دوشونمه دیکی اولوردی . صوکره بعضایا آچلندن مضطرب اولدیفنی ، یا خود کوزلجه یمک ییوب قارتی طویدیفنی زمانلرده برون حده کلیر ، نانانی بر طرفده آله کچیره رک وجودینی چیدیکلا مک ، یا خود آدم عاتلی پاطا قلامق احتیاجیله قیپ قرصی کسلیوردی . کیت کیده آرتق اونک نظرنده ناموس وحیثیتک هیچ بر معناسی قالممغه باشلامشدی . نانا اونک قیزی ایدی یا ، بو قدری اوکا کافی ایدی . انسان کندینه عائد اولان بر مالک بخار کی آلندن اوچرب کیتدیکنی البته ایسته منردی .

بو ملاحظه لر ذهننه هجوم ایدنجه ژرور سواقاقلرده بر ژاندارمه نظریله درت طرفی آراشدیریر طوروردی . آه او سردار قیزی بر یاقه لاسه ، قولندن طویدیفنی کی آوه کتیره جکدی . او سنه محله نک منظره سی آلت اوست ایدی ، مازهنه تا واورنانو بولوارلرینی آچق ایچون اسکی پواسسونیه ر استحقاملرینی ییقیورلر ، خارجه کی بولوارلری ده لهرک داخله آلیورلردی . جاده لر طانماز بر حاله کلشدی . پواسسونیه سواقاغنک بر طرفی باسدن آشاغی قدر هدم ایدلشدی . غوت دور محله سبک اوکی آچیلش ایدی . بورایه کونش وهوا سربسته کیره بیایوردی . اسکیدن بوراسنک منظره سنی قاپایان ویرانه لر بدل شیمیدی کلیسا طرزنده انشا ایدلش ، کنیش پنجره لرینه ایشلمه لی پرده لر کچیریلش ، باقارلر رفاه و ثروت حسی ویرن آلتی قاتلی بر بنا ایله اورنانو بولواری قائم اولمشدی . تام سواقاغک قارشیمنده وجوده کتیریلن بو بیاض بنا صیره صیره ضیالریله جاده نی باشدن آشاغی تنویر ایدیوردی ، حتی بوندن طولانی هر کون لانتیه ایله پواسسون مناقشه ایدوب طورورلردی .

لانتیه یارسده سواقاقلرک بویله متصل ییقلوب آشاغی آلتینی علمنده ایدی .



ایمپراطوری شهرک دوت طرفی سرایه بوغمله اتهام ایدیور ، بوندن مقص  
عمله یی پارسدن قاجیرمقدر دییوردی . حالبوکه پوواسسون حدتدن صاب صاری  
کسیلن سیماسیله بوکا اعتراض ایدیور ، ایمپراطورک هرشیدن اول عمله صغنی  
دوشوندیکی ، عمله یه ایش بولق ایچون ایجاب ایدرسه بوتون پاری کوکندن  
یقدرته جغنی سویایوردی شهرک تریذاتی نامه یاپیلان بوشیلر ژروه زکده جانی  
صیقئوردی . چونکه اوتهدن بری آلیشدینی محله نك قارا کاتی گوشه لری برر برر  
اورتهدن قاقئوردی . اک زیاده حدتله ندیکی شو ایدی که محله بویله کوزله شوب  
زنکیله نیرکن کندیسی کوندن کونه سفلت وخرابی ایچنه دوشویوردی . انسان  
ضرورت ایچنده چیرپندیغی زمان کونشک حیات بخش ضیاسنه بیله تحمل ایدمنه .  
هله نابانی آرامق ایچون سوقاقلره چیقدیغی زمان ایکیده بر آیاقلرینک اشیا ولوازم  
یغینلرینه چارپمسی قادیرملرک تعمیراتی اوستازدن آتلامغه مجبور اولمسی ، آدی نك  
صیره صیره دیزلمش قزیققلره ایلمشمسی اونی بوسبوتون قودوریوردی . هله اورنانو  
بولوارنده یاپیلان اولان او بیاض رنگلی کوزل بنایی کورمکه بردرلو تحمل  
ایدمیوردی . بویله بنالر آنجق نانا کی آفتلره یاقیشیر دییوردی .

نانادن برچوق دفعه لر خبر آلمشدی . اساساً فنا خبرلر مطلقاً بر یوانی بولوب  
انسانک قولانغه کلیرلر . بوخبرلردن اکلا دیغنه کوره نانا اختیار عاشقنی ده براقش .  
حالبوکه زوالی آدجغز اوکا پرستش ایدیور ، صوک درجه نازی وناز کانه مامله  
ایدیورمش ، کندیسی بکار اولدینی ایچون نانا استفاده ایتنه ک یوانی بیلسه ایش  
زوجه سی ده اوله بیلمش : انجق تجربه سز بر قیز اولدینی ایچون عقلنه اویهرق  
سرسمجه برحرکته بولومش ، باشقه بریسیله قاجش کیتمش ، بو قاجدینی آدمک  
کیم اولدینی پکائی بیامیورلر . یالکیز بیلمنن شودرکه : بر اوکله صوکی ، باستیل  
میداننده طولاشیرلرکن نانا دفع حاجت ایچون بر پره کیتمک لزومنی حس ایتمش ،  
اختیاردن اوچ سو ایسته مش ، آلوب کیتمش ، اختیار آدجغز میدانک اورته سنده  
اونی بکله مکه قویومش ، حالا او بکله یدشدر کیدیور . کبار سالونلرده بونک آدینه  
آلانغه آبدست بوزمق دیرلر . بعضیلری ده نانایی بر آقشام شاپهل سوقاغنده کی  
غران فولی میخانه سنده بر دلیقالنلینک قولی چیمدیکلرکن کوردکلرینی سویله یورلردی .  
بونک اوزرینه ژروه ز محله ده نه قدر میخانه وارسه برر برر طولاشمغه قرارویوردی .  
تره ده بر بالو اعلانی کورورسه بر دفعه ایچری کیردی . بو زیارتلرده قوپو دائماً  
اونکله برابر بولونوردی . هر کیردکلری بالوده بر دفعه سالونی باشند آشانی  
طولاشیرلر ، بوتون سیمالری تفتیش ایدرلردی . بر آقشام ، جیبلرنده پاره اولدینی



ایچون بر ماصه یه اوطوردیلر و نانانک اورایه کلوب کله یه جگنی آ کلامق اوزره  
بر شیشه شراب ایصارلادیلر . بر آق قدر دوام ایدن بوتفتیش و تخری ائساننده نانانی  
اونوتدیلر ، شیمدی ساده جه کندی ذوقلری ایچون بورالره کله یه باشلامشلردی .  
باشقه لرینک دانس ایتدیکنی سیر ایتمکدن خوشالانیورلردی . بوراده هیج بر کله  
تعاطی ایتمکسزین بئضاً ساعتلرجه دیرسکارینی ماصه یه طیایه رق طورورلر ، آیاقلرینک  
آلتنده صارصیلان دوشمه نك ویردیکی اهتزاز ایله سرسمله شمش بر حالده ، سالونک  
قیرمزی ضیالری ایچنده دونن چیفتلرک رقصنی صولغون نظرلریله تعقیب ایتمکدن  
ذوق طویارلردی .

بر تشرین ثانی آقشامی ایدی . بر پارچه ایصینمق ایچون غران فولی یه کیرمشلردی .  
طیشاری کسکین بر یاغور کلوب کچنلرک یوزینی عادتاً بیچاق کی کسیونردی . سالون  
آغزینه قدر طولو ایدی . کورواتودن کچیلمیوردی ؛ ماصه لر ، سالونک اورتیه سی ،  
یوقاریسی ، آشاغیسی ، خلاصه هر یر محشر کی ایدی .

سالونی باشند باشه ایکی دفعه طولاشدقلری حالده اوطوره حق برنک بوش  
ماصه بوله مادیلر ، بونک اوزرینه بری بوشالمسینه انتظاراً آیاقده طوره فقه قرار  
ویردیلر . قوپونک آرقه منده کرلی بر بلوز ، باشنده تپه سی یام یاصی اولمش ،  
کنارسز اسکی بر چوخه دن قاسکت واردی . او یله بر وضعیتده طورمشدی که بولی  
قاپامشدی . او آره لق پانندن کچرکن دیرسکیله کندیسینه چاریان خقیف ، نارین  
بر دلیقانی بوسدمه دن صوکره کیرلی بر شیئه طوقونمش کی قولی سیلیدی .  
قوپو بردن پارلادی و آغزندن پپوسنی چیقاره رق :

— هی بکا باقسه ک آ ، برپاردون دیمک ده یوق می ؟ اوسته اوستلک برده  
آرقه مده کی بلوزدن ایکره نیور .

دیدی ، دلیقانی طوره رق یوزینی دونمش ، قوپوی باشند آشاغی سوزیودی .  
قوپو متصل چیقیشیوردی :

— سنک بوبکنمه دیکک بلوز یوقی ، بو عمله اثوابی ایسه لرک اک کوزلیدر  
آ کلا دکمی ؟ قولک بلوزمه طوقوندی دییه تمیزله یورسه ک کلده بن ایکی توقانده  
بوتون کیرلری چیقاره می . عمله یه بویله خوار حتمیر باقیلیدیغنی هیج کورمه مشدم .  
ژروه ز قوجه سنک حرتی یاتیشدیرمه چالیشیوردی . قوپوالبسه سی کوسترییور ،  
بلوزینی اشارت ایدهرک ؟

— سن بیلورمیسک ، دییوردی ، بوبلوزک آلتنده برارکک کوکسی وار .  
دلیقانی بونلری دیکله دی دیکله دی ، نهایت :



— اماده مردار کاخان بکی ها !

دیهرک غلبه لغک ایچنه قاریشدی . قوپو آرقه سندن کیدوب یاقه لامق ایسته دی .  
آنله بر کچیرسه یره اوره جق ، حقارت ایتدیکی عمله باوزینی سالاملامغه مجبور  
ایده جکدی . فقط ازدحام اوقدر زیاده ایدی که یورومک ممکن دکادی . اوده ،  
ژروه زده دانس ایدنلرک اطرافنده کوچلکه ، آغیر آغیر طولاشیورلردی .  
سیرجیلر بربری آردنجه اوچ صیره تشکیل ایتشلر ، دانس ایچون اورته یه برارکک  
آتیلنجه ، یاخود برقادین باقارلینی آچهرق وجودینی کویسترنجه مراقدن طوتوشان  
سیمالر بربرینی آزرجه سنه بر تهالکه سیره چالیشیورلردی . قوپو وژروهز اساساً  
قیصه بویلی اولدقلرندن هواده رقص ایدن شاپقه لرله قادین صاچلرینی کوره بیلمک  
ایچون ایاقلرینک اوجنه باصهرق یوکسلمکه مجبور اولیورلردی . چاتلاق بورولردن  
حرکک بر اورکستره مدهش بر قادریلک نغمه لرله صالونی زلزله یه طوتولمشجه سنه  
صارصیوردی . رقص ایدنلرک ایاقلرینی یره اورهرق چیتاردقلری توزلر لامبه لرک  
قیرمزی ضایری اطرافنده کشیف بر طبقه تشکیل ایدیوردی . انسانی بوغه جق قدر  
فضله بر حرارت واردی .

بر آره لی ژروهز حایقیردی :

— باق باق !

— نه وار ؟

— قارشیده کی قدیفه شاپقه یی کورمیورمیسک ؟

ایکیسی ده ایاقلرینک اوجنه باصهرق یوکسلدیلر . صولده سیاه قدیفه دن ،  
اوستنده یرتیق یرتیق ایکی توی پارچه سی صالانان بر شاپقه کوردیلر . شاپقه نك  
آلتنده کنی کوره میورلردی . یالکیز بوشاپقه نك صیچرادیفنی ، طوپاچ کبی دوندیکنی ،  
گاه طالب باطدیفنی ، گاه بردن چیقوپ یوکسلدیکنی کوره بیلیورلردی . بر آره لی  
محشر کبی قاینانشان باشلر آره سنده اونی کوزدن غائب ایتدیلر ، صوکره تکرار  
کوردیلر . بوشاپقه نك بی پروا بر رقص ایله صیچرایوب طورمی اوقدر کولونج  
اولیوردی که اطرافنده سیرجیلر اونک آلتنده کیمک قفاسی اولدیفنی کورمکسزین  
ساده جه بورقصی سیر ایده رک کولوشیورلردی .

— قوپو حالا کلایه مامشدی :

-- کوردم ، صوکره ؟

• ژروهز بوغولیور کبی برسسه :



— جانم ، طایفادكم ؟ نانانك شابقه سی ... یمن ایدرم که اوینایان اودر !  
 قوپو بر جمله ده غلبهانی یاره رق ایلریله دی . وای جاننه یاندیم به ! حقیقه  
 اوینایان نانا ایش ! آرقه سنده ، ماصه لره سورتوب طورمقدن هر طرفی یاغلاشمش ،  
 دانتلاسی پارچه لانه رق صالقیم صالقیم صاللانان اسکی براپک اثواب واردی . بوینده  
 نه بر آتی واردی ، نه ده بر اورتو ! ایلکلی کهریلکدن چالایان قورسه سنك  
 آلتندن وجودی چیر چیپلاق کورونیوردی . آله زنکین بر اختیار کچرمسکن  
 بو حاله دوشمك ، کندیسنه اوقدر دقت و اعتنا ایله باقان اختیاری براقه رق بلکده  
 طایق آتان بر چاقینك آرقه سندن قوشمق ، طوغروسی شاشیله رق شیدی ! بونکله  
 برابر وجودی تر وتازه ، صاچلری برفینو کوپکینك توپلری کبی قارمه قاریشیق ،  
 ایری شابقه سنك آلتنده اوفاجق آغزی کل کبی پنبه ایدی .

قوپو نانایی کورور کورمن اوستنه طوغرو یورودی :

— باق دانس ناصل اولورمش بن سکا کوستیرم دیدی . نانا هیچ آلدیرمیور ،  
 متصل دونوب دورییوردی . آرقه سیاه کاه صاغه کاه صوله اورییور . ایکی بوکوم  
 روه رانسلری یاپیور ، ایاغنی قاوالیه سنك صوراته قدر قالدیریوردی . سیرجیلر ،  
 اطرافنده بر حلقه تشکیل ایتشلر اونی آلدیشلا یورلردی . او فیستاتی طویلایه رق  
 دیزلرینه قدر آچیور ، بوتون وجودی رعشه لر ایچنده صارصیله رق ، طایی قامچی  
 آلتنده دونن برطوپاچ کبی دونه رك اوینایور ، بعضاً ایکی باجاعنی صوك حذینه  
 قدر آچه رق یره یام یاصی اوطوریور ، صوکره قالفه رق قالچه لرینك و کردانك  
 شیق حرکتلریله متواضع بر دانس یاپیوردی . بو حالیه اوقدر لطیف ایدی که  
 عادتاً بر ایچم صو ایدی .

قویوغلبهانی ایته قاقه ایلریله مك ایسته دیکی ایچون صاغدن صولدن دور توشدیریلیوردی .  
 بر آره لق حایقیرمه ، مجبور اولدی :

— دیدك آ ، او بنم قیزمدر براقکز کچه یم !

بو ائشاده نانا شابقه سنك توپلریله دوشمه یی سوپوره رك ، ده اشیرین کورونسون  
 دییه آرقه سنی یورارلا توب تتره ته رك کری کری حرکتلره دانس ایدوب طورییوردی .  
 تام بو ائشاده قیچینك اورتی یرینه برتکمه ییدی و دونوب ده آتله سیله باباسنی  
 قارشیسنده کزرونجه صاب صاری کسیلدی ، یاقه لانه شدی !  
 دانس ایدن ارککله باغیریشیورلردی :

— دفع اول ، طیشاری !



قوپۇ، نانا ئىلە دانىس ايدىن ارىكك دىمىن آرقەسىندىن قوشوب ياقەلامق اىستەدىكى  
تارىن دلىقانىلى اولدىغىنى طائىشىدى . آرتق خىلقك تەيدىدى قولاغىنە كىرميوردى .

— اوت ، ايشنە بىز ! هېچ بىكەمىوردك دىكلى ؟ بورادە ياقەلانە جىقكى هېچ  
اومىوردك . همەدە كىمكە ؟ دىمىن بىكا قارشى حرمتسىزلك ايتىش بىركاخان بىكى اىلە !  
ژرودەز ، دىشلىرىنى قىصەرق :

— صوص ، دىيوردى ، بوقدر ايفاحات وىرمكە نە مجبورىتك وار ؟  
بونى سويلەر سويلەن قىزىنە طوغرو ياقلاشدى وصوراتنە ايكى توقات عشق  
ايتدى . ايلك توقاتدە توپلى شاشەسى بىرە يورارلاندى ، ايكىنجى توقات نانابىك  
قار كى بىياض يوزندە قىرمىزى براىز ياپدى . نانا شاشىرمشدى ، بوتوقاتلىرى يىدىكى  
حالدە آغلاميور ، قارشىلىق وىرميوردى . اوتەدە اوركىستە متصل چاليور ،  
بوندىن خەتە كلن خلق سىرت بىر سىسەلە باغىرىيوردى ؟

— طىشارى ، طىشارى !

ژرودەز نانا يە خطاباً

— هايدى باقم ، دوش اوكرە ! قاچغە قالقما ، علام اە سنى حبس ايدرم .  
دلىقانىلى اوصولجە، صويشمشدى . بونك اوزرىنە نانا طوغرولىدى وطالعسىزلىكنىك  
ویردىكى شاشقىنلىق آرهسىندە يورومكە باشلادى . يوروركن براز مېزىلانە جىق  
اولسە آرقەدن بىر تىكمە ييور ، بوتىكمەنك زورىلە ىنە يورومكە قويوليوردى .  
اوركىستە ، صانىكە بورولرىدن آغزىندن كوللە چىقىيورمشەسەنە بىر كورولتو اىلە  
دوام ايدركن قوپۇ ، ژرودەز و نانا سالوندىكى اهالىنىك آلابىلى سوزلىرى ، اىصاقلرى  
آرهسىندە صوقاغە فىرلادىلر .

نانا ايچون اسكى حيات تىكرار باشلامشدى . او كىچە تام اون ايكى ساعت  
اسكى اوطەسىندە اويودقدن صوكرە بىر هفته قدر اوصلى عقللى حرىكت ايتدى .  
كەندىنە سادە برالىسە بولش ، باشنە قوردونلرىنى صاچلىرىنىك آلتىدن باغلايدىنى  
برشاپقە كچىرمشدى . حقى ايچنە برهوس كلەرك اوده چالیشە جىق برايش بولمق  
ارزوسىندە اولدىغىنە دە سويلەدى . انسان كەندى اوندە چالیشە جىق اولورسە هم  
چوق پاره قازانىر ، همەدە آتلىلەرك ملوت مىطندىن اوزاق بولونور دىيورردى .  
خلاصە كەندىنە برايش آرادى ، آلتلىرىنى آلەرق بر ماصە باشنە اوطوردى ،  
هرصباح ساعت بشە قاققار ، مىكشە صاپلىرى ياپاردى . ايلك كونلر بو منوالە  
اوزرە دوام ايتدى . فقط آلتى ايلق سىرست حيات اوندە چالیشمق اعتيادىنى  
اولدورمشدى . اسكىسى كى قولايلىقلە ايش ياپەميور ، آللىرىنە سىزى كىرييور ،



اوطه ایچنده قاپانق اوطورمقدن بوغولیوردی . برقاچ دانه صاب یاپدقدن صوکره چالشمقدن واز کچدی ، دیرکن چناقده کی ضمغ قوروددی ، یشیل کاغذک اوستی لکله ندی ، کندیسنه بومالزمه یی ویرمش اولان دکان صاحبی اوچ دفعه اوه کلرک نانانک تنبکی یوزندن هدر اولان اشیایی ایسته دی . نانا بوتنبللک ایچنده سوروکلنوب کیدیور ، باباسندن متصل طایق ییور ، آنه سیله صباح آقشام غوغا ایدیور ، قارشیلقلی سوکوشوب طورییوردی .

بو حال بویله دوام ایده مزدی . فی الحقیقه اوه کلدیکنک ایکنجی کونی نانا آرقه سنده اوفقیране البسه وباشنده برشابقه ایله ینه قاچدی . نانانک نادم اوله رق اوه دونسی هیچ خوشلرینه کیتمه مش اولان لوریو ایله قاریسی بوکا اوقدر ممنون اولدیلر ، اوقدر کولدیلرکه تعریف ایدیله مزدی . ملعون قیز ، او یله شیق برطرزده قاچیوردی که ... بوندل صوکره قویو ایله قاریسی قیزلرینی اوده طوتمق ایسته رلرسه اتکندن دیکملی ، آدم عقللی حبسه قویملیدرلر .

قویو وژروه ز قیزلرینک بو فرارندن متأثر کورونمه دیلر وچوق شکر قور تولدق دیمک ایسته ین برطور طاقیندیلر . حالبوکه حدتدن نه یاپه جقلرینی بیله میورلردی . انجق هرشی کی حدتکده برحدی وار ، چوق کچمه دن نانانک محله ده طولاشوب طور دبنی خبر آلدقلری زمان هیچ تلاش کوسترمه دیلر . ژروه ز ، نانانک بو حرکتی کندیلرینک ناموس وحیثینلرینی قیرمق مقصدیله یاپیلیمش اولدیفنی ادعا ایدیور ، دیدی قودیلره اهمیت ویرمیوردی .

شیمدی سوقاغنده نانایه راست کله جک اولسه آلنی بیله طوقوندیرمایه جقدی . اوکا سورونوب کندیسینی کیرلتمک ایسته مزدی . آرتن هرشی بیتمشدی . یارین بولده کچرکن اوننی چیریل چیپلاق قالدیریم اوستلنده کیرپی کی کورسه بو یزید قیز بندن دنیایه گلشدر بیله دیمکسزین کچوب کیده جکدی . محله ده نه قدر بالووارسه نانا هپسینه دوام ایدیوردی . (رهن بلاش) دن (غران فولی) یه قدر بوتون اکلنجه برلرنده اوننی طانیرلردی . آیزه مون مارتر غازینوسنه کیردیکی زمان بوتون اهالی آیاغه قالقهرق اونک رقصنی سیر ایدیوردی . شاتو روژ قهوه خانه سندن ایکی دفعه قاپو طیشاری ایدلشدی . بورایه آرتق کیره میور ، طانیدقلرینی قاپو اوکنده بکله یوردی . بولوارده کی بول تووار وپواسسونیه سوقاغنده غران تورک غازینولری دها رابطه لی برلر اولدیفنی ایچون چاشیرلری کیرل ایکن بورالره کیده مزدی . آنجق بوتون میخانه لر ایچنده اک چوق سودیکی ایکی یر واردی : بری رطوبتلی بر اولو ایچنده کی بال دوله رقیار ، اوته کیمی قادران چیقمازنده کی (بال روبه ر) ایدی . بونلر



آلتیش لایمه ایله تنویر ایدیلن ایکی سردار میخانه ایدی . بوراده مشتریلر او قدر سربست ایدیلر که ارکک قادین بربرلیله کوشه ده . بوجانده اوپوشدکاری حایده کیسه سس چیقارمازدی . نانا بورالر بعضاً ای بر قیافته ، بعضاً دوشگون بر حایده کلیردی . گاه شیق بر قادین کی کینیر ، گاه سوقاغک چامورلرندن آرقه سنده ایزلر براقه رق کیرردی . طوغروسی ، او یله بر حیات ایچنه آتیلیمشدی دییه جک یوقدی !

قوپو ایله قاریسی بر چوق دفعه لر قیزلرینی شبهه لی یرلرده کورمشلر ، فقط هر دفعه سنده آرقه لرینی دونه رک اونی طایغه مجبور اولماق ایچون قارش قالدیرمه کچمشلردی .

او یله بر سرداری آلوب اوه کتیره جکم دییه کندیلرینی بوتون برصالون خلقنه کولذیرمه وقتلری یوقدی . آنجق بواقشام ساعت اونه طوغرو ، یاتاق اوزره ایکن قاپولرینک یومروقله اورولدیغنی طویدیلر . بوکان نانا ایدی ، صانکه هیچ برشی اولماش کی ، اوه یاتغه کلدیکنی سویلیدی . هم نه حایده یاربی ! ائوایی برام پارچه ، قوندره لری ده لشمش ، خلاصه او یله بر قیافنده که سوقاقدی کورولسه یاقه لایوب قره غوله کوتورولماکه لایقدی . پک طبیعی اوله رق کوزلج ، بر طایاق ییدی . اوندن سوکره سفره اوزرنده بولدیغنی براکک پارچه نیک اوستنه آتیله رق بونی ییدی هنوز صوک لقمه سی آغزنده ایکن ، یورغون آرغین ، یاتاغه کیردی . اوندن صوکره بو طرز دوام ایتدی . برمدت اوه دوام ایدر ، فقط آناسندن باباسندن برپارچه فضله تضیق کوره جک اولورسه صباح او یانجه قچار کیدردی . قفسدن اوچان بر قوش کی ، یوق اولوردی . آرهدن هفته لر ، آیلر کچر ، اونک بوسبوتون غائب اولدیغنی ظن ایدایلر ، دیرکن کونک برنده نره دن کلدیکنی سویلیمکسزین ، ماشا ایله طوتوله میه جق درجه ده کیرلی بر قیافته ، یوزی کوزی یاره ایچنده ، یاخود بعضاً تمیز کینمش ، فقط صفا وسفا هتدن آنی قیلداته میه جق قدر یورغون ، چیقار کلیردی . اناسی باباسی بوکا چارناچار آلیشمشلردی . طایاق ، یومروق ، تکه مه هیچ کارا یمیوردی . آیاقلرینک آلتنه آلوب ازسه لر اوینه اوه طبق هفته لق کیراجیلر کی کلکدن واز کچه زدی .

اوده کی یتاق باد هوا دکلدی یا ، بر طیاغه بر یاتاق ، طیاغی بیدکدن صوکره نه یه



کاپ یاناغنی ایسته‌سون ؟ هم کیت کیده طایق آتقدن ده کونک برنده البته بیهارلردی . فی الحقیقه قوپو ایله قاریسی قیزلرینک بوجانده راضی اولغه باشلامشلردی . کیررکن قاپوینی آچیق براقاسون ده ایسترسه کلسون ایسترسه کله‌سون اولرجه مساوی ایدی . هراشی کبی ناموسکارلق ده آیشقانلقه پیرانیور .

ژروه ز یالکز برشیئه تحمل ایده‌میوردی . اوده قیری قویروقلی اثوابلر، توبلی شابقه لر کینمش کورمکدی . بودرلوسنی ممکن دکل هضم ایده‌میوردی . نانار کککلرله اکلشمش ، جنبش یامش بونک اهمیتی یوقدی . فقط آنه‌سنک حضورینه چیقدیغی زمان هیچ اولمازسه آرقه‌سینده برایشی قیافتی اوللی ایدی ، قویروقلی البسه‌لره اوده کیمسه تحمل ایده‌میوردی . لوریو ایله قاریسی آلائی ایدیورلر، لانیه اوزمانلر نانانک اطرافنده طولاشه‌رق اوستی باشنی قوقلایور، قاپوجی بوش ایله قاریسی بویله کونلرده قیزلرینی نانانک یانه براقیوردی . اوندن صوکره نانا بی‌تاب وتوان اوه دونوبده اوکلده قدر یاتاقدن قالقدیغی زمان ژروه ز اونی کوکسی بغری پریشان ، صاچلرینک فیرکته‌لرینی چیتارمامش ، اولو کبی بم‌بیاض کورونجه بوسبوتون قیزیوردی . او وقت بش آتی دفعه اونی اویاندیرمق ایچون زوریور ، اکر قالقمازسه اوستنه برقووا صو دوکه‌جکینی سویلیوردی .

سفییه بر حیاتک کوندن کونه سمیرتدیکی کوزل قیری یاناغک ایچنده یاری چیپلاق ، آغیر بر اویقودن باشنی قالدیره‌ماز بر حالده کورمک ژروه‌زی صوکه‌درجه مأیوس ایدیوردی . بعضاً نانا بر کوزینی آچه‌رق باقیور ، چوق کچمه‌دن تکرار قاپایور ، بو سفر دها اوزانه‌رق یاتیوردی .

ینه برکون ژروه ز نانایی آجی وچیپلاق بر نسانله تکدیر ایدیور ، کیجه‌لری بو حالده اوه کلدیکندن طولایی سرت سرت چیتیش-یوردی . بر آره‌لق تهدیدینی دها ایلری کتوره‌رک ایصلاق آیلله اونک وجودینی بر قاچ دفعه طارطاقلادی . بونک اوزرینه ژروه ز یاتاغک ایچنده طوس طوپارلاق اوله‌رق حدتلی حدتلی باغیردی .

— آنه ، آرتق چوق اوایورسک ! ایکیده بر بکار کککلردن بحث ایدوب طورییورسک ، بوبحی قاریشدرماسه‌ک دها ایی اولور . سن بیلدیگک کبی یاشادک ، نینده ایستدیکم کبی یاشایه‌جنم ...

— نه دیدک ، نه دیدک ؟



— بر زمانلر سنك نەلر ياپدىغىنى بن كوزلرماھ كوروردم دە بكا عائد دكل ديه  
س چيقارمازدم. فقط سن بونلرى ياپاركن بن كوره جكم ديه هـيـچ غم چكمزك  
بوكه بابام ياناقدە خورول خورول اوپوركن سـك كيجەك كوماك كيمك  
طەسە، كيتديكى كوروردم . سيمدى سن بويلە شيلردن خوشـلانمورسك اما  
قەلرى خوشـلانيورلر . وقتياھ بو يولى بكا سن اوكرتمشـك . شيمدى آرتق  
نزىكى آچا !

ژرورەز صاب صارى كسىلدى . اللرى تيتريور ، نە ياپدىغى بيلمەيەرك  
نيوررى . نانا ، ياصدىغى قوللرى آرەسنە آلمش ، غيرتلاغنك اوستنە ياتەرق  
دمينكى درين اويقويه دالدى .

قوپو آرتق طياق آتمقدن بيقمش اوصانمشدى . سادەجە خوموردانوب  
ريوردى . اساساً ار بوسبوتون عقلنى غائب ايتمشدى . ايچكى تاثيريلە ايىنى  
بن تفريق ايدەجك حالدن چيقمشدى . او درجە دەكى اوکا قابىسز وحسسىز بابانظريلە  
ن بيلە طوغرو دكلدى .

آرتق عادت ايدىنمشدى : آتى آى كيجەلى كوندوزلى ايجر . اوندن صوكرە  
بى يره اورور ، خستە لانير ، خستە خانەيە كيدردى . بويلە زمانلردە لوريو ايلە  
يىسى اونكلە آلاى ايدەرك «دوق جنابلرى مالكانەلرينە تشرىف ايتدى» دـىـ لردى .  
قاچ ھفتە خستە خانەدە قالەرق وجودىنى تعمير ايتەكدن صوكرە چيقار ، يەنە  
تكىسى كى تخرىباتە باشلاردى . آرەدن بر مدت كنجە يەنە دوشر ، يەنە خستە .  
يە كيدەرك كندىنى تعميرە چكردى . اوچ سنە ظرفندە يدى دفعە خستە خانەيە  
مشدى . محامدەكى ديدى قودى يە باقىليرسە خستە خانەدە اوکا خصوصى بر عجرە  
مشلرايمش . يالكز شوواركە ھرخستە خانەدن چيقىشندە كندىكى برقات دھا ايچكى يە  
مك ، ايكىدە بر خستە لانەرق تىكرار خستە خانەيە كىتمك يوزندن اوقدر بىتمش كە  
ك ساعتلىرى پك اوزاق دكلش . اطرافندەكى چنبرلى برر برر قوپان بر فيچىنى  
كديران قوپو بوكيديشلە چوق كچمەدن نەللرى ديكەجك دييورلردى .

شيمدى اسكى كوزللكى دە يوقدى ، يوزينە باقانلر اونی مزار قاچغىنى ظن  
زلردى . ايچكىنك زھرى اونی آدم عقللى كمىروب طوربيوردى . اسپر تودن  
بن وجودى اجزاخانە جامكانلرنەكى شيشەلردە كورولن جنينلر كى بوم بوروشوق  
مشدى . اوقدر ضعيف ، اوقدر ضعيف ايدى كە بر پنجرە اوكنە اوطورسە وجودىنك  
لرفندن اوبر طرفنى كورمك ممكندى . ياناقلرى چقورلاشمش ، كوزلىر دائما  
بولى ايدى . اونی ايكى بوكلوم اولمش بويلە ، نترەك و اختيار حاليلە كورنلر



ياشى ھنوز قرۋە باصديغىنى او كرنديكلىرى وقت ھىجاندىن كندىلىرىنى آلەمازلردى .  
 أللرينك تترەمسى كوندن كونه آرتقمده ايدى . ھلە صاغ ألندە او قدر فضلە رعشە  
 واردى كە بعض كونلر قدحى آغزىنە كوتوزە بىلەك ايچون ايكي آووجنك ايچنە  
 آلمغە مجبور اولوردى . وجودندەكى سائر خستەلقلرە پك او قدر آلدېرميوردى .  
 فقط بو ملعون آل تترەمسى يوقى ايشتە اك چوق جاني صينان بو ايدى . طورور  
 طورور أللرينە كفر ايدردى . بەضاً نظرلىرى أللرينك رعشەسنە طالار ، بونلر ك  
 قوربغە كې صيچرايشلىرىنى سسسز صدا سز سىر ايدر ، بو صيچرامەلر ك داخلى  
 مقانيزمە سنى ذھاً دوشونوردى . حتى بركون ياناقلىرىدىن اشاغى ياشلر آقديغىنى  
 ژروەز كورمىشى .

نانا كىچەلىرى سفاھت عالملىرىدە طولاشوب صباحە ياقىن آناسىنك باباسىنك  
 آوينە كلىدىكى صوك برياز موسمى ايدى . قوپونك صحتى فنا لاشمىشى . سسى  
 تامىلە دە كىشمىشى ، غىرتلاغىدىن تحف بر آھنك چىقيوردى . بر قولاغى  
 ايشتمز اولدى . برقاق كون كچمەدن كوزىنك برى آغىر كورمكە باشلادى .  
 ھردىوندىن اينر كن دوشمەك ايچون پارمقلىنى طوئغە مجبور اولوردى . دھشتلى باش  
 آغرىلىرى ، باش دونمەلىرى حس ايدىيور ، اضطرابدىن عادنا او كنى كورمزا وليوردى .  
 طوروب طورور كن قوللارنى باجانلرىنە شدتلى صىزىلر كىرييور ، يوزى صاپ سارى  
 كىلييور ، ھان اولديغى برە چوكەرك براسكەملە اوزرىندە ساعەتار جە شاشقىن شاشقىن  
 اوطورييوردى . ينە بويلە بر آغرى نوبىتىدىن صوكرە ايدى : قولنك برى فلجە  
 اوغرامش ، بوتون كون اوطرفى طوئماز اولمىشى . برچوق دفعە ر خستە ياتاغىنە  
 ياتدى ، ياناغىنك ايچندە طبق جاني يانمش بر حيوان كې قيورانير ، بورغانك ايچنە  
 كومولەرك سرت سرت صولوردى . اووقت سەت آنى تىمارخانە سىندەكى حاللر باشلار .  
 شدتلى بر ھال ك وىردىكى عذاب و اندىشە ايچمەدە بوتون وجودىنە بر وھم كلىر ،  
 جنت زمانلرىنە مخصوص قودوزجە حاللار ياپار ، كوما كنى يىرتار ، چكە سىنك اختلاجلى  
 حر كاتىلە دوشمەلىرى اىصيرىر ، ياخود بىردن اوزرىنە بر سكون و رقت چوكەرك  
 ھىچنيرمغە باشلار ، ير يوزندە كندىسىنى سۈھن كىمسە بولونمادىغىنى سويلە يەرك تظلم  
 ايدر طوروردى . بر آقشام ژروەز و نانا آۋە بىرلىكدە دونمىشلىرى . قوپويى ياتاقدە  
 بولمادىلر . كندى يىرىنە ياصديغىنى ياتىرمىشى . كندىسى قارىولە ايلە ديوارك آره اغنە قاچش ،  
 دىشلىرىنى غىجىرداتىيور ، كندىسىنى بوغازلامغە كلەجك بر طاقم انسانلردن بحث ايدىيوردى .  
 ژروەز و نانا بر خىلى اوغراشەرق اونى تظمين ايتدىلر و بر چوچوق كې آۋوتەرق  
 ياتاغە ياتىردىلر .



قوپونك بيلديكى برتك علاج واردى : اچمك . معده سنه لازم اولان اچكى ي  
 بو وارلادىنى زمان ديم ديك آياغه قالقيوردى . هر صباح كوكسندەكى عاتى بونكه  
 قداوى ايدىوردى . حافظه دنيلن شى اوكا چوقدن وداع ايتمشدى . ايجى بوم  
 بوشدى . و خودينه برپارچه درمان كلوبده آياغه قالقچه خسته لقله آلاى اتمكه  
 باشلاردى . خسته اولديغى هيچ تخطر ايتزدى ؛ اوكا باقيليرسه هيچ خسته  
 اولامشدى . هانى بعض انسانلر كبرمك اوزره اولدينى حالده ينه عافيتده اولدقلىنى  
 ادعا ايدرلر ، ايسته قوپو بونلره بكمزمشدى . اساساً يالكر خسته لنى دكل ، باشقه  
 شيلرى ده بويله اونوتىوردى . مثلاً نانا آلتى هفته اودن غيبوت ايدوب ده آتنجى  
 هفته صوكنده كلهجك اولسه صانكه دمىن چارشى به كيدوب كلكش ظن ايدىوردى .  
 بعضاً سوقاقده برار ككه قول قوله كزر كن باباسنه راست كالر ، اونكه آلاى  
 ايدر ، قوپو قيزىنى طانيادن كچردى . خلاصه اوطه نك اچنده اسكمله بولمايوب ده  
 باباسنك اوستنه اوطورسه قوپو بونك بيله فرقنده اولمايه جقدى .

قيشك ايلك بوزلى باشلامشدى . بر صباح نانا يمشجيدن قيزارمش آرمود  
 آلق بهانه سيله سوقاغه چقمشدى . چيقش او چيقش اولدى . بوقيشك صوغوقنده  
 آتشمز برصوبا اوكنه اوطوروب ديشلرني بربرينه اورمغه هيچ نيتى يوقدى .  
 آنه سيله باباسى قيزارمش آرمود كلهجك ديه بكه يورلر ، نانا كچ قالدچه اوكا  
 سو كوب صايورلردى . كلهدى ، فقط كونك برنده بهمه حال كلهجكنه امين ايديلر .  
 كچن قيش ده بويله يامش ، چارشيدن برپارچه توتون آلفه كيتديكى حالده آنجق  
 اوچ هفته صوكره كلكشدى . بوسفر آيلر كچديكى حالده نانا كورنمىوردى .  
 آكلاشيلان بودفعه كى سياحت اوزونجه ايدى . قيش كچدى ، حزينان كلدى ،  
 كونش اورته لنى ايصيتمه باشلادى ، حالا نانادن خبر يوقدى . آرتق بوسفر  
 بوسبوتون كيتديكنه ذاهب اولملاردى . محقق برطرفده قارتنى كوزلجه طويوره جق  
 برير بولمشدى . بو آره لق قوپو ايله قارىسى ضرورت سائقه سيله بركون اونك دمير  
 قاريوله سنى صاتيله چيقارديلر ، آلارينه كچن آلتى فرانتى اچكى به ويرديلر .  
 اساساً بوقاريوله اوطه اچنده فضله برغلبه لق ايدى .

تموز اچنده بر صباح ژروه ز ويرژينيك دكانى اوكندن كچيوردى . ويرژينى  
 مسله ندى ، اچرى كيروب بولاشيقلرى ييقامسنى رجا ايتدى بر كيجه اول  
 لانتيه اوه ايكي مسافر دعوت ايتديكى اچون طباقلرك هپسى كيرلنمشدى . ژروه ز  
 بولاشيق طباقلرني ييقاركن لانتيه دكانك بر اوجنده ، دون كيجه نك هضمى اكلا ،  
 ايتمكه مشغولدى . بر آره :



— خبرکیز واری ، دیدی ، اولیسی کون نانایی کورددم ...  
 ویرژینی تز کاهک اوکنه اوطورمش ، کیتدکجه بوشالان دولابلره قاوانوزلره  
 اندیشه لی بر طور ایله باقیوردی . لانتیه نک بو سوزی اوزرینه حدتلی حدتلی باشی  
 صالادی . ایی قوپارمق ایچون جبر نفس ایدیوردی . چونکه بو کیدیش ایی  
 کیدیش اولمادیغنی کوردی . دیمک لانتیه نانایه صیق صیق تصادف ایده بییورها !  
 لانتیه نک نه عیارده بر آدم اولدیغنی بیلدیکی ایچون عقلنه ائرسه نانانک پدشنه  
 طاقیله جفندن امین ایدی ، او آردلق دکاندن ایچری مادام لورن کیردی . مادام  
 لوران برمدندن بری ویرژینک محرم اسراری اولمشدی ، آره لری پک ایدی .  
 لانتیه نک سویله دیکی سوزی اوده ایشیتمشدی . یوزینی کیفلی کیفلی بوروشدیرهرقه  
 صودی :

— نانایی نه حالده کوردیکیز ؟

لانتیه بیقلرینی بوکهرک مفور و متبسم جواب ویردی :

— به سفر پک ایی بر حالده ... آرابه ده ایدی ، بن قالدیریمدن یایا کیدیورددم .  
 کوزلری پارلامغه باشلامشدی . دکانک تا اوته کی اوجنده بر طباعی قورولامقله  
 مشغول اولان ژروه زه باقهرق دوام ایتدی :

— اوت آرابه ده ایدی ، همده او قدر شیق بر تواتی واردی که ... تازه  
 بر چیچکه بکزه بن آغزینک ایچنده بم بیاض دیشلریله اوپله کبار بر قادین طوری  
 طاقنمشدی که آز قالدی طانیه مایه جقدم . او بنی طانییدی والدیونلی آلی صالایه رق  
 کولدی ، سلام ویردی . ظنمه قالیرسه بر دوق ، یاقه لامش ... خلاصه پارلادی  
 کیتدی ، آرتق بزه متالیک بیله ویرمز ، بختیارانی آشفین طاشغین بر درجه ده ...  
 آه کورملیدیکیز نه سویلی ، نه جیجی بر حالی واردی ، عادتا مینی مینی بر کدییه  
 بکزییوردی ...

ژروه زک قورولامقده اولدیغنی طباق چوقدن ترتمیز اولمشدی ، فقط ژروه ز  
 طاقینقله حالا سیلوب طورییوردی . اوتده ویرژینی ، یارین وعده سی کله جک  
 اولان بر بورجی ناصل ویره جکنی دوشونمکله مشغول ایدی . لانتیه ایسه درتده  
 اوچی بیتن وشیمدی هر طرفنده خرابی اثرلری کورونمکله باسلایان بو دکانک ایچنده  
 اونک شکرله لرله بویوتدیکی کوکده سنی کزدیره رک زنده وپر نشئه ایدی . اوت  
 دکان بیتمک اوزره ایدی . دهها بر قاچ آووجلق بادم شکرله پک آز شکرله  
 قالمشدی . لانتیه بونلری ده معدده سنه یووارلادقدن صوکره آرتق پوواسسونله قاریسنک  
 تجارتلری تمام ارمش دیمکدی . او آره لق لانتیه قارشیکی قالدیریمده بر آشاغی بر



یوقاری کزینمکده اولان پوواسسونی کوردی . او کون پوواسسون نوبتده ایدی .  
جاکتک بوتون دوکمه لری ایلیمکی ، یاننده قیایینی صالایه رق طولاشیوردی .  
منظره لانتیه نك بوسبوتون خوشنه کیتدی . بونی ویرژینی یه ده کوستردی .

ژروه ز اوینه دوندیکی زمان قوجه سنی ، قاریوله نك کنارنده ، ینه او معهو  
بحرانلردن برینک ویردیکی شاشقینلق ایچنده بولدی . اولو کوزلریله دوشمه تخته لرینه  
باقیوردی . اونی بو حالد کورونجه ژروه زده بر اسکمله آلهرق اوطوردی  
وجودی قیریق دوکوک ، قولاری کیرلی فیدستانک یاننه صارقش ، بر چاریک ساعده  
قدر هیچ برشی سویله مکسزین ، اویله جه طوردی . نهایت میریلدانان بر سسله  
— قیز کدن خبر آلدیم ، دیدی ، شیمدی شیق بر حیات سوریورمش  
سکا هیچ ده احتیاجی یوقس ... قیزجغز طالعی چیتدی ، اونک یرنده اولغی نه قدر  
ایستردم ! ...

قوبو حالا دوشمه تخته سنه باقیوردی . بر آره لقی خراب اولمش سیماسنی قالدیره زوق  
آلق آلیق کولومسه دی ، نهایت کسکه له مه نوعندن بر سسله :  
— بکا باقسه ک آ ، دیدی ، آلیکی قولکی طوتمیورم آ ... یوزکی کوزکی بیقادینگ  
زمان هیچ ده فنا دکلسک ، حالا وقتک کچمه مش ، جانک ایستهرسه سن ده قیزک کچ  
یاپ ، تجره یووارلانسون قیاغنی بولسون ! ...

## ۱۲

بر جمعه ایرتسی کونی ایدی . ژروه ز پک ایی بیلیم یوردی اما ، غالبا کانور  
نانینک اون ایکدینه یاخود اون اوچنه تصادف ایدیوردی . هر حالد ژروه  
کونلرک حسابنی شاشیرمشدی . بر خیلی زماندرکه قورصاغنه بر اقمه یمک کیرمه مشدی  
هله صوک هفته عادتا بر جهنم حیاتی یاشامشلردی . بر صالی کونی درت ایتره لک  
ایکی صومون اکمک آملر ، پنجه نه یه قدر بونکله کچینمشلر ، اوندن صوکره ،  
شیلری قالمش ، شیمدی اوتوز آلتی ساعت اولیورکه آغزلرینه بر لئمه قویامشلردی  
بوم بوش طوران بوفه نك قارشیدسنده آچلقدن کزینوب طولاشیورلردی . طیشارید  
بر باد ، مغموم ، تا ایلیمک لرینه قدر ایشله یین صوغوق بر هوا واردی . کوک یوزینه  
بر اوجا غک دیی قدر کیرلی وبولانیقدی . قار استعدادی واردی ، فقط بر درا  
یاغهمیوردی . بر طرفدن صوغوق ، بر طرفدن آچلق ، بویکی دشمن بردن عجو  
ایدنجه نه قدر قوشا غی صیقارسه کز صیقیکز ینه معده یه بر فائده سی طوقونماز .



ژرورەز ، او آقشام قوپو پاره کتیریر دییه امید ایدیوردی . چونکه قوپو رایش بولوب چالیشدیغنی سویلیوردی . واقعا ژرورەز بوقیل وعدلرله برچوق دفعه لر کلاتیلەمشدی ، فقط کم بیلر بلکه بوسفرکی طوغرودر دییه ایناەمشدی . بناءً علیە رە کله جکەندن امیدی واردی . کندیسى باشە کان بونجه فلا کتەردن سوکرە رتق محله دە برتک ایش بیلە بولەمیوردی . حتی آرە صیره اونی تمیزلە مکه کیتدیکی اختیار برقادین بیلە اونی لیکورلرینی ایچمکله اتھام اید. رک قاپو طیشاری ایتەمشدی . رتق اونی کیمسە ایستەمیوردی ، صفری توکەتمەشدی . اویلە دوشکون و بیتاب رحالەدە ایدی که ألى قیملەاتمە، طاقتی یوقدی . قوپو هفتەلەنی اومە کتیریرسە مەدەسنە بھق اووقت صیجاق بریمک کیرەجکدی . هنوز اوکله وقتی اولماەمشدی . بو انتظار بچندە شیلەسنک اوستنە اوزاندی ، چونکه یاتاغە اوزاندیغنی زمان صوغوغی دە ، چەلنی دە اوقدز حس ایتمیوردی .

ژرورەزک شیلەدیدیکی حقیقەتەدە بر کوشە یە آتیلەش بر صامان بیغینەندن عبارتدی ریولەنک یاتاقلری پارچە پارچە اسکيجیلرە ساتیلغە کوتورولەمشدی . فی الحقیقە آچلق مانندە برکون شیلەنی سوکرە رک ایچەندن برقاچ آووج یوک جیقارمش ، صاتمەشدی . سوکرە هر کون ایکیشر اوچر آووج یوک صاتمق صورتیلە شیلەنک ایچندە نە وار یوتسە کیتەمش ، نهایت بر کوندە شیلەنک یوزینی اوتوز سویە صاتەرق بونکله بوه آلمەشدی . دیرکن صیره یاصدقلرە کلش ، قاریولەنک تەختە سەندن باشقە صاتیلەجق یی قالمەشدی . قولتوغنک آلتە صائلا یوب جیقارمق ممکن اولسە بونی دە یاپەجقدی ط قاپوجی بوشک کلبەسی اوکەندن ، بویلە قولتوغندە قاریولە تەختە لریلە چیقەجق لورسە اونلر اوطە کیراسنک یکانە قارشولنی اولان بو ماللرک صاتیلغە کوتورولەسەندن یشقولانەرق بوتون اۇ خلقنی آیاقلاندیریرلر دییه قورقیورلردی . معافیە بر آقشام نی دە یاپدی . قوپویی کوزجی براقدی وقاپوجی ایلە قاریسەنک یمک بیکله مشغول لیدقلری بر صیره دە قاریولەنی ، آلت تەختە لریلە ، باش و آیاق افسامیلە ، خلاصە امیالە وراحت راحت طیشاری طاشیدی . بونک یدلی اولان اون فرانقلە اوچ کون وزیلجە قارنلرینی طویوردیلر . قاریولە یە نالزوم واردی ؟ شیلە کافی دکلیدی که ؛ قی شیلەنک اورتوسنی بیلە صاتمەشلردی . خلاصە یکرمی درت ساعە سورن بو چلق اوستنە قاریولەنک کتیریدیکی پاره ایلە طیقە یاصە بر یمک یمشلردی . شیمدی داندە بر بیغین صامان قالمەشدی ، بونی سوپورکە ایلە بر کوشە دن اوبر کوشە یە وررلر ، بویلە لکله یاتاقلرینی هوالاندیرمش اولورلردی . کیریلک خصوصندە بونک تەکەندن هیچ فرق یوقدی .



ژرورەز بوسامان يىغىنىڭ اوستىندە ، ھېچ البسەسىنى سويۇنمىسىزىن ، بۇ  
 آو كوپكلىرى كېي اياقلىرىنى فېستەتنىڭ ايچىنە آلەرق اوطورىر ، بو وضعيت ايچىندە  
 وجودىنى مەكەن مەرتبە اھىيەتمە چالمايدى . اوقۇت كوزلىرىنى ايرى ايرى آچار ،  
 آجى آجى دوشونجەلەر طالاردى . آچلىق ! بو ، شاقەيە كلىرىنى دىكلدى . ھەم  
 آچ طورمىق ، ھەمدە ياشامىق بىر آرەدە اولەمازدى . آرتق آچلىق دىنلن شىئى حس  
 ائىمەكە باشلامىدى ، يالگىز مەدەسىندە قورشون كېي بىر آغىرلىق طويىوردى .  
 قىياسنىڭ ايجرىسى ايسە بوم بوشىدى . ھەلە اوطوردىنى اوطەدە انسانە نشە وىرەجك  
 ھېچ بىر شىي يوقىدى . آرەلەرتە پالطو كىدىرىلەرك سىوقاقلردە كىزدىرىلن كوپكار  
 بىلە بو اوطەدە اوطورمازلردى . ذھنئ بو كا حكىم ايدىركن صولفون نظىرلەلە اوطەنك  
 چىپلاق دىوارلەرنە باقىيوردى . بورانك بوتون اشىياسى چوقدن امنىت سىندوغنە كىتمىشى .  
 سادەجە بىر قونصول ، بىر ماسە ، ايكى دە اسكەلە قالمىشى . مە مافىە قونصول  
 مىرەلە چىكەلەلە دە قارىولەنك تەختەلەرى كېي ساتىلمىشى . اوطە ايچىندە بىر يانغىن  
 اولسىەيدى اورتەلنى بوندن اى تەلەلە مىزدى . اون ايكى فرانغە آلەش بىر جىپ  
 ساعەتدن باشلايەرق عائەلە رەسىملىرىنك چىرچىوولەرنە قدر نە وار نە يوقسە ھېسى  
 آرىمىشى . مەلەدە بولدىنى لطفكار بىر دكانجى اونك كىتىردىكى تىجرەبى ، اوتوبى ،  
 طاراغى كىمەنە بش ، كىمەنە اوچ ، كىمەنە ايكى سو وىرەرك ساتىن آلىور ، اودە  
 بو پارەلەر مەقابلەندە بىر دىلەم اكەك تدارك ايدىيوردى . قالە قالە آغزى قىرىق بىر  
 موم مەقاصى قالمىشى . دكانجى قادىن بو كابر سوبىلە وىرمىيوردى . اكىر سوبىلەلەرى ،  
 پىسىكلىرى ساتىن آلان بولونسە اوطەنك ايچى اوقدر مىردارلەلە طولو ايدى كە ھان  
 بىر دكان آچە بىلىردى . دىوارلەرك كوشەلەندە اورومجك آغلەندن باشقە بىر يوقىدى .  
 واقعا بىر اثوابلىق چىقەجى قدر چوق اورومجك واردى ، فقط نە چارە كە بومتەك  
 مىشتىسى يوقىدى . ژرورەز بو امكانسىز تىجارەتدەن دە ناطەم ايدىنچە سامان يىغىنىڭ  
 اوستىندە دھا فضلە طوپارلانەر ، سەلچىندە قار طەلەلەرى طولاشان سەلەنك تا ايكىلەرنى  
 طولەوران مەموم ومكدر مەنظرە سەنە باقەرق وقت كچىرىردى .

سەقەندىنك آردى آرەسى كلىيوردى . اوقدر كە بوندن طولاي سەكەلەرنى ،  
 دىھاننى يوردىغىنە آجىيوردى . ھەم اوزولەكەن سانكە نە چىقەجىدى ؟ بارى اويويە بىلسە  
 نە جانى يانمازدى ! بونلەر كەف دىكلش كېي كچن كون او صاحى موسىو مارەسقا  
 كلىش ، ترا كەدە قالان ايكى آيلنى سەكەز كونە قدر وىرەلەلەك اولورلەرسە كەندىلەرنى  
 قاپو طىشارى ايدەجەككى يوزلەرنە قارشى سوبىلەمىشى . ژرورەز بو كا ھېچ اھمىت  
 وىرمىيوردى . چونكە سوقاغە آتەلىق بو اوطەدە اوطورمەقەن ھېچ دە فنا دىكلدى .



اماده تنف شی ها ! صانکی پاره لری وارده ویرمیورلر مش کبی آلدن ده یوک آلدیونلر ،  
 آلدن سنده قالین بر پالطو ایله اونلرک قارشیدنه کلوب پاره ایسته مک ، طوغروسی ،  
 بوکا صورت لازم ! ایشک فناسی شوکه انسان هر شیئه آلیشیورده یوک بیه مکه  
 آلیشه میور . ایسته ژروه زک ایشی بوزان بوایدی . یریوزنده کی قادینلرک اک اشاغیسی  
 اولق ، بر چقور ایچنه باطمق ، یانندن کچن ارککلردن حقارت کورمک ، بونلرک  
 هیچ بری اومورنده دکلدی . صاغدن صولدن اوغرادینی فنا معامله لره هیچ جانی  
 صیقلمیوردی . اونی اک چوق صیغان شی معدده سنک بوشلغی ایدی ، بوکا ممکن دکل  
 طیانه میوردی . ای یملکره وداع ایده لی چوق زمان اولمشدی ، شیمدی نه بولورسه  
 میوردی . قصاب دکانلرنده بایاتلامقدن قارارمش آرتیق آنلرک لیتره سنه درت سو  
 ویروب آتلادینی زمان اوکون کنیدیسی ایچون عادتاً بر ضیافت کونی اولوردی .  
 بواتی بر پارچه پاتانسله قاریشدره رق بر تجره ایچنه آتار ، یاخود بر صیغیر یوره کی  
 صاتین آله رق بونک قیزارتمه سنی پرمق لریله یالایه یالایه یوناردی . بعض دفعه بومک لره  
 برابر بر پارچه ده شراب ایچردی . آزیجق ایتالیان پینیری ، قیزارمش اوچ درت  
 قوری فصولیه ، بر قاچ دانه بیاض الما هر وقت آله کچمه یین ضیافتلردندی . سائر  
 زمانلر قارا کلق میخانه لرده بر سو مقابلنده قوقش آتلرله قاریشیق بالیق قیلچیق لرندن  
 مرکب برباد بریمک یپردی . بعضاً ده افضله سقوط ایده رک آوچ آچار ، صراحتی  
 لوقنطه جیلردن یوک آرتیق لری دیله نیر ، بونلری صو ایله قاریشدره رق قومشولردن  
 برینک فرونده ترید یاپاردی . آچ یاتدینی کیجه لرک صباحنده کوپکار کبی دکانلرک  
 قاپوسی اوکنده طولاشه رق طوپلایه جق برشی آراردی . بو زمانلرده بعضاً  
 سوقاغه آتلمش چوروک قاوونلر ، قوقش بالقلر ، قورتلی کولبا صدی پارچه لری  
 بولوردی .

ایسته ژروه ز بو حاله دوشمشدی . واقعا نازک معدده لی انسانلر بو یملکردن  
 ایگره نیرلر . فقط بو نازک انسانلر هله اوچ کون بربری آردنجه آچ قالسونلر ،  
 اووقت باق ناصل کوپکار کبی درت آیاق اوستی پسلک بیله ییرلر ... آه پارس  
 دنیان بو پارلاق ویالیزلی مملکتده سفالتدن کبرهن فقیرلر ، آچلقدن ایکله یین معدده لر ،  
 حیوان کبی دیشلرینی غجیرداته رق پسلکلر ایچنده نفقه آرایان انسانلر ، بونلر کوروله جک  
 شیدر ! ژروه ز دوشونیوردی که بر زمانلر اوده نفیس یملکرله قارتی طویوران بر  
 انساندی . شیمدی بونلرک هپسنه او قدر اوزاقدی که ...

بر کون قوپو اودن ایکی دیلم اکمک آشیرمش ، بونلری صانه رق ایچکی به  
 ویرمشدی . ژروه ز بونی خبر آلدینی زمان حدتدن آز قلدی قوجه سنک قفاسنه



قازمه اوروب کبرته جکدی .

مع مافیه اوطوردینی یردن کوك یوزینه باقه باقه اویویه قالمشدی . رؤیاسنده  
ك یوزی چاتلامش ، بوتون قارلر اوستنه یاغیور کوردی . بوتون وجودی  
رقولر ایچنده تتره یرك اویاندی ، یاتاغك ایچنده دیم ديك اوطوردی . امان  
بی ، هجبا اولیورمیدی ؟ قورقه رق باقیندی . هنوز آقشام اولامشدی . کیجه  
درلو کلیوردی . معدده بوش اولدینی زمان ساعتلر نه آغیر کپر ! شیمدی معدده سی ده  
یانمش ، اوده آیری بر عذاب ویریوردی : قالدی ، اسکمله نك اوستنه  
طوردی ، باشی صارقیق ، ایصینمق ایچون آلرینی بو کرینه صوقش ، قوجه سی  
ه کتیره جك اولورسه بونکله تدارك ایده جکی آقشام یمکنی حساب ایدیوردی .  
اکمک ، بر لیتره شراب ، ایکی کشیلک صیغیر اشکنبه سی آله جقدی . بابابازوغك  
وغوقلی ساعتی اوچی چالدى . حالا ساعت اوچ ! آغلامغه باشلادی . قابل دکل  
اعت یدی به قدر بکله بهمه بهمه جکدی . بوتون وجودی صالانیور ، بر طرفی آجیان  
وجوقلر کی ایکی قات اولمش ، معدده سنك اضطرابی طویئامق ایچون آلیله قارننه  
صدیریوردی . چوجوق طوغورمق آچ طورمقدن البته ده اهورندی . اطرافنده  
هیچ بر چاره تسلی بوله ماینجه حدتن آیاغه قالدی ، آچاغنی آووته بیلیمک امیدیه  
وجوق کی طولاشمغه باشلادی . یاریم ساعت قدر بو بوش اوطه نك درت دیوارینه  
سندینی چارپدی . دیرکن بردن طوردی ، نظرلرینی ثابت بر نقطه به دیکدی .  
مدت صوکره قرار ویرمشدی : لوریولردن اون سو بورج ایسته به جکدی .  
ایده جك ، یالواره جق ، آلارینی آیاقلرینی اوپه جکدی . نه دیرلرسه دیسونلر  
نی یاپه جقدی .

قیش موسمنده بو اولوک مردیونلری متصل بر بردن اوز سو ، یکریمی سواودونج آلمغه  
ئیدن انسانلرله طولاردی . آچلقدن اولوم حائنه کلن یوانسانلر بوتون قیش مدتجه  
بر برینه بویله اوراق خدمتلرده بولونورلردی . انجق هیچ کیمسه کیدوب لوریوایله  
ریسندن بورج ایسته مزدی . اونلر اوقدر صرحتمه ز ، اوپله قاتی یوره کلی انسانلردر که  
ونلردن پاره ایسته مکدن ایسه اولومی ترجیح ایدرلردی . ژروه زك اونلردن پاره  
ایسته مکه کیتیمی بویوک بر جسارتدی . مع مافیه اوده اوپله قورقیوردی که دیشی  
آغرییان انسانلر دیشجینک ذیلنه باصار باصماز ناصل آغرینك کچدیکنی طویارلرسه  
ژروه زده اوپله اولمشدی .

قاپویه اورونجه ایچریدن لوریونك سسی ایشیدلدى :

— کیریگز !



اوح نه صیجاق اوڤه ! اوجاق یانمش ، بیاض آله ولر هر طرفی آیدینلا تمشدی .  
اوتنه طرفده مادام لوریو بر آلتون تل یوماغنی پیشیرمکه مشغولدی . لوریو  
تزکاهنك باشنده ، حرارتدن تر دوکهرک التون حلقه لری لهلیوردی . اوجاغ  
قونمش تجره نك ایچنده قاینایان لاحتنه چورباشندن مسك کبی برقوقو انتشار ایدیور ،  
برقوقونك تأثیریله ژروه ز همان دوشوب بایله جق کبی اولیوردی . مادام لوریو  
ژروه زی کورونجه براسکمله یه اوطورمنی بیله تکلیف ایتکسزین ساده جه :

— وای سزمیسکیز ، دیدی ، خیر اوله ؟

ژروه ز جواب ویرمه دی . واقعا بو هفته لوریولرله آره سی اوقدر فنا دکلدی .  
انجق قاپوجی بوشی ، اوجاغک یانی باشنده اوطورمش ، لقلقیات ایله مشغول کورونجه  
سویله یه جک سوز بوغازنده قالدی ، بورج پاره ایسته مکه جسارت ایدمه دی . قاپوجی  
دینن بو حیوان حریفک او یله عظمتلی برحالی واردی که ... انسانک آرقه طرفنه  
بکزه یین آغزی شیشکین یانانیرینک یاناقلرینک اورتی یرنده یووارلاق بر دلیک کبی  
ایدی . کولرکن طبقی او یچیمی آلیوردی .

قاریسندن صوکرآ قوجه سی تکرار ایتدی :  
— خیر اوله ؟

ژروه ز کیکه له یین برنلفظ ایله :

— شی ، دیدی ، قوپویی کوردیکیزی دییه صوره جقدم . بلکه بورایه  
کلشدر دیوردم .

قاری قوجه وقاپوجی مستهزیانه کولومسه دیلر . قوپویی نره دن کوره جکلردی ؟  
قوپویی کوره بیلیمک ایچون اوکا آره صیره بر ایکی قدح اکرام ایتک لازمدی .  
ژروه ز بوتون قوتی طویلایه رق :

— اوه دونه جکنی سویله مشدی ده اونک ایچون ... چونکه پاره کتیره جکدی ...  
شیمدی برایشدن طولای پاره یه پک احتیاجم وار .  
دییه بیلدی . هپسی صوصه دیلر . مادام لوریو اوجاغک آتشی حیزلی حیزلی  
کوروکلیور ، لوریو باشنی اوکنه اگمش ، آلتوده کی التون تلنی اوزاتمغه چالیشیوردی .  
قاپوجی بوش ، ایچنده نه لر صاقلی اولدیغنی کلامق ایچون انسانه پارمنی صوقق ارزوسنی  
ویره ن ده لیک کبی آغزیله حالا کولیوردی .  
ژروه ز خفیف برسسه له :

— اون سو بوله بیلسمه ایشمی کوره جکم .

دیدی . الان صوصیورلردی .



— بکا اون سو بورج ویره من میسکز ؟ بواقشام اعاده ایدرم .  
 مادام لوریو باشی چویره رک ژروه زک یوزینه باقدی . هله شوکا باقک ؟  
 چارپه جق آدم بوله مادی ده کندیلرینی یره اورمغه کله شدی . بوکون اون سو ،  
 یارین یکر می سو ، متصل ایسته یوب طورمغه نه مانع واردی ؟ خایر ، خایر ! بوکا ،  
 کله مندی .

— بیلیمور میسکز ، مادام ، بزم بش یاره من یوق ... اینا نماز سه کز جیمی  
 آراشدیره بیلیر سکز . یوقسه مع المنونیه ویریردم ...  
 قوجه سی علاوه ایتدی :

— اوت مع المنونیه ، کاشکی اولسه ده ویرسه ک ! فقط اولماقدن سوکره  
 نه چیقار ؟

ژروه ز ، ذایل و حقیر برطور ایله باشی صالایه زق بوکا اینا ندیغه ، کلاتیوردی .  
 مع مافیه چیقوب کیتیمور ، کوز اوجیله دیواره آصیلی طوران التون دمتلرینه ،  
 مادام لوریونک بوتون قوتیله چکوب اوزاتمغه چالیشدیغی آلتون تله ، قوجه سنک  
 ناصیری پارمقلری آره سنده کی آلتون حلقه لره باقیوردی . دوشونیوردی که بوسیا هم تراق  
 چیرکین معدندن برپارچه آله کچه بواقشام کوزلجه برقارتی طویوره بیلیردی . اوکون  
 لوریولرک آتایه سی بوتون کیرایلیکنه ، اسکی دمیر بیغیلرینه ، اوته سنده برپسنده کی  
 کمور توزلرینه ، ای تمیزلنمه یین یاغ لکه لرینه رغماً ژروه زه بر صراف دکانی کی  
 ثروت و احتشامه مستغرق کورونیوردی . خفیف و ملایم برسسه بردها تکرار ایتدی :

— سوز ویریرم ، اقشامه اعاده ایدرم . اون سودن نه چیقار ؟

دوندن بری آغزینه بر لقمه اکمک قویما دیغنی بر درلو سویله یه میوردی ،  
 یوره کی شیشم شدی . باجقلری درمانسزلقدن قیریلجق صانیوردی . کندینی  
 طوته مایه رق آغلامقدن قورقیوردی . ینه ککه له یین برسسه :

— یالواریرم سزه ، رد ایتمه یکز ، بیلسه کز نه حالده ییم ! اوت بو راده یه  
 قدر دوشدم . آه اللهم اللهم ، نره لره دوشدم !

دیدی . قاری قوجه ، دوداقلرینی بوکهرک باقیشدیلر : ژروه ز دیله نیوردی .  
 دیمک که سفالتک صوک درجه سنه کلهش ، آدم عقللی باطمشیدی . باق ایسته بو ،  
 هیچ خوشلرینه کیتمه یین بر شیدی . اکر بیلسه یدیلر قاپوی بیه آچاز دیلر . چونکه  
 بو قبیل دیلنجیلر دیله نمک بهانه سیله اولره کیررلر ، سوکره چیقارکن بهمه حال قیمتلی  
 بر شی آشیروب کیدرلر ؛ اونک ایچون انسان کوزینی درت آچلی ... باخصوص که  
 کندیلرینک اوندن چالینه جق پک چوق شی واردی . شویله بر آل آتمقه اوتوز



قورق فراتقلق آلتون آشیریله بیلیردی . اساساً بر قاچ دفعه لر ژرووه زك حالندن  
شبهه یه دوشمشردی . چونكه ژرووه ز هر کلیشنده مطلقاً آلتونلرك قارشیدنه دیکیلیر  
طوریردی . بو سفر اونی آدم عقللی ترصد ایتك ایجاب ایدیوردی . بونك  
ایچوندرکه ژرووه ز اوطه ده بر پارچه ده ایلریله یخه لوریو ، اونك پاره یه عائد  
رجاسنی اونوته رق سرت بر سسله حایقیردی :

-- هی ، مادام قوپو ، دقت ایدیکز قوندره كزك طابانسه آلتون قیرینتیلری  
یاپیشه جق . . . انسانه او یله کلیوردی که هپ یاغلی یرلرده طولاشیورسکز ، نه یه  
باصارسه کز قوندره کزه یاپیشیور .

ژرووه ز آغیر آغیر کری چکیلدی . بر مدت اوراده تصادف ایتدیکی بر  
اتازه ره طایاندی . او آره لق مادام لوریو . اونك آووجلری ایچنده برشی اولوب  
اولمادیغنی نفتیش اینچون کوزلرینی دیکمش باقیوردی . ژرووه ز بونك فرقنه وارنجه  
آلارینی آچدی و هیچ بر حدت علامتی کوسترمکسزین ، دوشکون برقادین توکلیله :  
-- ألمده هیچ برشی یوق ، باقه بیلیرسکز .

دیدی . آرتق فضله طوره مایه جقدی . تجربه ده قاینایان لاحنه چورباسنك  
کسکین قوقوسیه آتلیه نك طاتلی حرارتی اونی بایلتوب خسته ایده جکدی ،  
چیقدی کیتدی .

اوغورلر اولسون ! بر ده ا اوکا قاپویی آچقی می ؟ الله کوسترمسون ! ذاتاً  
شیمدی به قدر اونك یوزینی کورمکدن بیزار ایدیلر . شیمدی ده سفالتی می کوره جکاردی ؟  
هم او یله بر سفالت که حقسز دکلدی . ژرووه ز چیققدن صو کره هپسنه بر شطارت  
کلدی . بر آرز صو کره ییه جکاری نفیس چوربانك اویاندردینی اشتها ایله ، اوطه نك  
طاتلی حرارتی ایچنده نشئه لی نشئه لی قونوشمغه باشلادیلر . قاپوچی بوش یاناقلرینی  
شیشیره رك او یله شن وشوخ کولیوردی که تبسمی عادتاً ایکره یه اولیوردی . اوچی ده  
شو نقطه ده اتفاق ایتشلردی : ژرووه زدن انتقاملرینی آلمشلردی ! اوت اونك بر  
زمانکی طورلرندن ، وقتیه مال صاحبی صفتیه ایچنده طولاشدینی ماوی کاغدی  
دکاندن ، ضیافتلردن ، خلاصه هرشیدن انتقام آلیورلردی . ژرووه ز اوزمان بردن  
بردن بره پارلامشدی ، اقبالک بودرجه سی ، بوغازینه بو قدر دوشکونلک ایشته  
انسانی بو حاله کتیرر دیورلردی .

ژرووه ز چیوب کیتد کدن صو کره سو یله نمکه باشلادی :

-- کورولمش شی دکل ! برده کلش اون دیله نیور ! ویره یمده کیتسون  
ایچکی به صرف ایتسون او یله می ؟



ژروەز ، اوموزلری چوکوک ، عادتا ایاقلارینی سورویهرک قوریدورده برمدت طولاشدی . اوطه سینه کیرمکه جسارت ایدهمیوردی . قاپوسنک اوکنه کلنجه طوریدی . هم طولاشمق دها ای دکلاییدی ؟ هیچ اولمازسه بوسورتله کندی آوتور و صوغوغی اونوتوردی . قوریدور اوزرنده بابا برونک اوطوردینی جره نك اوکنه کلنجه باشنی اوزاته رق باقدی . بوده کندیسی کبی اوچ کوندن بری یمک یمه مشدی . فقط شیمدی جره سنده یوقدی ، اوطوردینی مر دیون آلتی بوم بوشدی . ژروەز بابا بروی قیصقاندی ، چونکه اونی بریسی یمکه دعوت ایتمش اوله بیلیردی . بر آز صوکره بیزارلرک قاپوسی اوکندن کچرکن ایچریدن برطاقم ایکنیلر ایشیتدی . قاپونک اناختاری بر معتاد کلیدک اوستنده اولدینی ایچون ایتهرک کیردی و کیرر کیرمن صورتی :

— نه وار ؟

اوطه صوک درجه تمیز ایدی . بللی که بو صباح لالی هر طرفی کوزل سیلوب سوپورمشدی . واقعا ضرورت یوزندن اوطه ایچنده نه وار نه یوقس طیشاری کیدیور ، اونک یرینه احتیاج و سفالتک لوثیانی کیریوردی فقط لالی درحال کلیور ، هر شیئی تمیزله یور ، اورته لغه سویعلی بررنک ویریوردی فقیرانه بر اوطه ، فقط بر اُر قادی نك اعتاسی هر طرفده حس اولویوردی اوکون لالینک چوجوانلری - لالی قارده شلرینه چوجوقلرم دیردی - اللری کچیردکلری اکیک تصویرلری بر گوشه ده کسوب قیریمقله مشغول ایدیلر . ژروە لالی یی یاتاقده کورونجه بردن حیرت ایتدی ، فی الحقیقه لالی یاتاغه اوزانمش اورتوی چکه سینه قدر چکمش ، یوزی صاب صاری ایدی . مطلقا افضله خسه اوله جق که بویله یاتاغه کیرمشدی . ژروەز اندیشه به دوشدی :

— نه کز وار لالی ؟

لالی ایکلتی به فاصله ویردی . بیاض کوز قاپاقلرینی بط شتله آچهرق اوزرلره بر رعشه اختلاج طولاشان دوداقلریله کولومسه مکه چالیددی . نهایت خفیف برسسه — بر شیم یوق ، دیدی ، تأمین ایدرم سزی ، بر شیم یوق ، اهمیت سز برشی . فقط بونی سویلرکن یریر مور لیکه لر طوتمش سیاسنده اوپله درین برافا ألم اوقونیوردی که ژروەز کندی دردینی اونوته رق آلارینی قاووشدردی و لالی یاتاخی یاننه دیز چوکدی . ذاتاً دقت ایتمشدی :

بر آیدن بری لالی دیوارلره طوتونه طوتونه یوریور ، بوتون وجودینی صاره بر اوکسور وکله ایکی بوکلوم اولیوردی . شیمدی آرتق اوکسور مکه ده ط



یوقدی . بر آرهلوق هیچتیره جق اولدی ، آغزندن قان کلرک دوداقلرینک اوجندن چکه سنه طوغرو دوکولدی .

— نه یاپیم ، کوچلی قوتلی دکلدی قباحه بنده؟ دمن سوروکلنه سوروکلنه اوطه یی تمیزله یه بیلدم . او قدر کیر یوق دکلی؟ جاملری ده سیلمک ایسته یوردم فقط باجاقلرمده درمان بوله مادم . باقدم که فضله سنی یاپه مایه جنم ، چار ناچار یاتاغه کیردم . بر آرهلوق صوصدی ، صوکره ینه باشلا یه رق :

— قوزوم مادام قوپو ، دیدی ، باقکز چوجوقلر مقاصله اوینارکن پارمقلرینی کسمه سونلر ! ...

تکرار صوصدی ، شیمدی وجودینه بر رعشه کلشدی . مر دیوندن آغیر بر آیاق سسی ایشتیمشدی . او آرهلوق بابا بیژار حیزلی حیزلی قاپویی آچدی . هر وقتکی کبی ایچمشدی . راقینک ویردیکی جنتله کوزلری پاریل پاریل پارلیوردی . لالی یی یاتاقدہ کورونجه آنی دیزینه اورارق مستهز یانه بر طور ایله دیوارده کی قامچی یی آلدی :

— اللهم بلاسی ، شیمدی ده یاتدکی؟ آرتق بو قدری فضله اولدی ، باق ن سکا اینکلر کبی کوپه کوندوز یاتغی کوستیرم ... بنمله آلایه می چیقداک ملعون حیلار ! هایدی باقه لم هوپ ! چیق اورادن !

قامچی یی یاتاغک اوستنده شاقلا تیوردی . لالی یاوارمغه باشلادی :

-- رجا ایدهرم بابا ، اورما ! عین ایدرمکه صوکره پشیمان اولاجقسک ، آجیه جقسک ، اورما بابا !

بیژار حایقیردی :

قاله جقمیسک یوقسه قامچی یی ایندیره می می ؟ قالق مسکین حیلار :

او وقت لالی سکونتلی بر سسله ایضاحات ویرمکه قویولدی :

— قوتم یوق بابا ، آ کلامیورمیسک ؟ حاله باق ، اولیورم ...

ژروهز بژارک اوستنه آتیلش ، قیرباجی آلدن آلمغه چالیشیوردی . او ، اشقین شاشقین ، یاتاغک اوکنده طورمش باقیوردی . نه دیور بوقیز ؟ بویاشده بیچ انسان اولورمی ؟ خسته لانه دن اولوم نروده کورولش ؟ هیچ شبهه یوق مدینی نازلانه دن عبارتدر . البته آ کلاشیله جق ، طوغرومی یالانی سویلیور ی اوله جق لالی ایضاحاتنه دوام ایدیوردی :

— یاقینده کورورسک بابا ، طوغرومی یالانی ؟ وجودمده قوت اولدجه ن زحمت چکمه یه سک دیه آلمده کلنی یاپدم ... فقط آرتق اولیورم ، پاربی شو



ساعتده اولسون طاتلی بر معامله ایت ، بکا الواعدی بابا !  
 بابا حالا اینانه میور ، عجباً بوقیز کند یسینه آلا می ایدیور دوشونیوردی .  
 واقعا یوزندن طوغری اولدینی آ کلاشیلییوردی . چونکه سیاسنه بر تخف حال  
 کلش ، اوزامش ، بر بویوک آدم جدیتی عارض اولمشدی . اوطه نك ایچنده اولومك  
 نفسی طولاشدیغنی حس ایدیوردی . بردن سرخوشانی زائل اولدی . درین  
 براویقودن اویانمش بر آدم طور یله اطرافنه باقیندی ، اوطه ده کی انتظامی ، اوته ده  
 کولوب اوینا یه رق مقاصله رسملری کسوب طوران چوجوقلرک قیافتلرنده کی تمیزاکی  
 کوردی . دیرکن براسکمله اوستنه ییقیلویردی . دوداقلرندن شوسوزلردو کولدی :  
 — زواللی آننه جکمز ، زواللی آننه جکمز ! عمرنده هیچ نوازش کورمه یین  
 بوندن باشقه سویله جک سوز بوله ما مشدی ، فقط لالی ایچون بو قدری ده کافی بر  
 شفقت ایدی . قیزجغز باباسنی متسلی ایتکه قویولدی : واقعا چوجوقلری آدم عقللی  
 بویوتکه وقت قالمه دن دنیایی ترک ایتک اونک ده جانی صیقیوردی . فقط چاره  
 یوقدی . آرتق بوندن صوکره چوجوقلره او باقه جقدی . لالی باباسندن بونک ایچون  
 سوز آلفه چالیشیور ، چوجوقلر ناصل تمیز طوتوله جغنی محضر بر سسله باباسنه  
 آ کلاتیوردی . بیزار ، تکرار سرخوشلغک بخاری ایچنه دوشمشدی . یووارلاق  
 کوزلرینی دوندوره دوندوره قیزینک اولومنی سیر ایدیوردی . باشنک ایچنده  
 برچوق شیلر طولا شیوردی ، فقط بونلری بردرلو ضبط ایدوب افاده ایده میوردی .  
 یوزینک دریمی او قدر یانمشدی کی اغلایه میوردی .

بر مدت سکوتدن صوکره لالی تکرار سوزه باشلادی :

— بنی دیکله بابا ، ا ککچی یه درت فرانق یدی سو بورجز وار ، بونی  
 همه حال ویرملیسک... اوتومن مادام غودرونده قالدی اونی ده اورادن آلدیرمایسک ،  
 بو آقشام یمک پیشیره مدم ، فقط دوندن قالمش ا ککمز وار ، بر پارچه پاناتسی  
 قیزارت ، اولور بیتر ...

زواللی قیزجغز صو ک نفسنی ویرنجه یه قدر اوك آننه لکنی یاپیوردی . ایشه قولای  
 قولای یرینه قونیه مایه جقلردن بری ده بوایدی ! اونی کوچوک یاشنده ایکی چوجوغه آننه لک  
 ایتک آرزوسیه قاتلان دینی مختلر اولدیریوردی . مینی مینی کوکسی بو آننه لک  
 یوکنی قالدیره مایه جق قدر ضعیف و طار ایدی . اونی او قدر سودیکی بو آننه لکدن  
 محروم ایدن ینه باباسی ، ینه بو وحشی و حیوان حریف اولمشدی . آننه سنی بر  
 تکمه ضربه سیله اولدوردکن صوکره شیمدی ده قیزینک قاتلی اولمشدی . ملک کی  
 ایکی وجودی هزار مدیوالا نیجه اونک ایچون بر کوشه ده کوکک کیم کروب کتیمکدن



باشقه بر شی قالمزادی .

ژروەز هیچقرە هیچقرە آغلاماق ایچوم جبر نفس ایدیوردی . چوچوغی  
متسلی ایتک آرزو سیه آنی اوزاتدی . او آرەلق اوستندن بورغان قایوب دوشمشدی  
ژروەز بوندن استفادە ایدەرك یاتاغی دوزەلتمک ایستەدی ، بو مناسبتلە زواللی  
قیزجغزک اولوم حائندە اولان وجودی کوروندی . ریم او نه سغالت ، اونە آجیقلی  
منظرە ایدی ! اوپله بیچارە بر وجودکە ، طاشلری بیله آغلاتمغە کافی ایدی .  
لالی چیرچیپلاق ایدی ، یالکز اوموزلرنده کوملکی آکدیران بر بز پارچەسی  
واردی . اوت چیرچیپلاقدی بو چیپلاقلقدە طمینی اشکنجه قربانلرینک قانلی واضطرابی  
حالی آکدیران بر منظرە واردی . وجودندە ات نامنە بر شی قالمامشدی .  
کمیکلری دریسنی دلەجک کبی ایدی . قامچی ضربەلری تا قالچەلرینە قدر یان طرفندە  
منویشلر یامامشدی . ایریجە بر کبریت چوپندن پک فرغلی اولمایان صول فواندە صانکە  
یر منکبنەلک آغزینە قیصدیرمش کبی مور بر لکە واردی . صاغ باجاغندە هنوز  
قاپانممش بر یارە اثری کورونیوردی . بللی کە هر صباح اؤک ایشنە قوشمقدن  
بو یارە بر درلو قاپانەمیوردی . خلاصە زواللینک وجودی تپەدن طیرناغە قدر  
موص مور ایدی . بو چوجوق ، قوجه مان بر ارکاک اُلنک قتل ایتدیکی ضعیف ، نارین  
بروجود ایدی . کلیمسالردە قامچیلانان بعض اعزە تصویرلری واردر ، بو تصویرلر  
قارشیدسندە دیندارلر عبادت ایدرلر ، اوتصویرلردە کی عزیزەلرک چیپلاقلی بو زواللی  
چوجوجغزک عریانلی قدر تمیز دکلدرد . ژروەز اولدینی بریردە اویوشمش قالمشدی .  
یاتاغک ایچندە کومولی طوران لالینک قلبە صیزی ویرن بو بیچارە منظرەسی اونی  
شاشیرتمشدی . تترەین دوداقلریلە دعالر ککە لیوردی . بر آرەلق لالی میریلدانان  
بر سسلە :

— رجا ایدرم مادام قوپو —

دیدی . باباسنک اوکنندە چپلاق وجودینی کوسترمکدن اوتانەرق قیسە قوللری  
اورتویی آراشدیریوردی . بیژار ، کندی یوزندن بویله نەش حالە کلن لالی یە  
کوزلرینی دیکمش ، طبق سرسملشمش بر حیوان کبی شاشقین شاشقین ، باشنی  
صالایوردی .

ژروەز لالینک اوستنی اورتدکن صوکرە آرتق فضله اوطورەمادی . قیزجغزک  
شعائە حیاتی کیتدکجە آزالیوردی . آرتقی سوز سویلە یەمیوردی . آرە صیرە صالغین  
وہتوکل نظرلرلە اوطەنک بر اوجندە تصویرلری کسوب طوران ایکی چوجوغە  
اترەنک اوتانەلرک ککەل ککەلکە باشلامشدی . بیژار ، بو اختصارک



ویردیکی شاشقینقله سرخوشاغندن آیلامشیدی . اوف یاربی ، حیات نه قورقونج ،  
نه ایگرمج شیدی ! ژرودزه نریمه کیتدیکنی بیلمکسزین ، چیلغین کی سر دیولاردن  
ایندی . کوردیکی منظره دن قلبنه اوقدر یأس چوکمشدی که هان یولاک اوستنه  
اوزانوب بر اومینوس آلتنده ازیلاکی ایستهردی .

طالعنه کفرلر ایده ایده برمدت سوقاقده قوشدی و قوپونک چالیشدینی دکانک  
قایسی اوکنه قدر کیتدی . باجالرینک غیرارادی حرکاترله یوزایه کانجه معدده سنده  
بوشانی بوتون اضطراریله کندینی حس ایتدی . بو قاپو اوکنده قوجا سنی بکلایه جک ،  
اوچیقار چیقماز آلندن پاره یی آلهرق ییه جک اوته بری تدارک ایده جکدی . بوانتظار  
سورسه سورسه نهایت بر ساعت سورده بیلیردی ، دوندن بری آجاغه تحمل ایتمشدی ،  
دها بر ساعت بکلایه بیلیردی .

بوراسی شارتر سوقاغنک کوشه باشنه تصادف ایدن شاربونیر سوقاغنده  
برباد بریر ایدی ، درت طرفندن روز کارلر ایشلر طوروردی . قالدیریم اوستنده  
طولاشمقلا ده اسان بوراده کندینی ایصیت میوردی . آرقه یه کیله جک بر کورک  
اویسه ینه نه ایسه ! کوک یوزی مه دار بر قورشون رنکنده ایدی . یاغان قارلرله  
اولرک تپه سی یوزدن بر کلاه کییمش کی ایدی . شپیدی قار یاغمیوردی ، فقط  
اوقدد درین بر سکون واردی که بونک صوکی بر قار اوله جنی بللی ایدی . چوق  
کیمه دن بوتون پارس بیاض و یکی بر کسویه بورونه جکدی . ژرودزه ، باشی کوک  
یوزینه قالدیرهرق دها بر مدت قار یاغدیرمامسی ایچون اللهه دعا اپدی یوردی .  
ایقاریلرله بره اوزیور ، بعضاً طورهرق قارش قالدیریمده کی یقال دکانه باقیور ،  
اوندن صوکره انتظار ایچنده آجلی آرماسون دییه تکرار دونه رک کزیمکه  
باشلیوردی . بوراسی ذوقسز بر محله ایدی . آره صیره تک توك انسانلر بو یون  
آتقیلرینک ایچنه بورونش اولدقلری حالمه حیرلی حیرلی کچیورلردی ، صوغوق  
اسانک درت طرفی طوکیدر برکن قالدیریم اوستنده کزیملردی یا ! بر آره لاق کندیس  
کی درت بش قادینک عینی قاپو اوکنده طولاشمقلا اولدقلرینی کوردی . هیچ  
شبه یوق بونلرده کندیس کی قوجه لرینک هفته لغنی میخایه یه کیتمکدن قورتارمق ایچون  
اورایه کلشیلردی . ایچلرندن بری « ژاندارمه صورانی ، ایری بوبلی وضعیف بر  
قادیندی . دیواره آرقه سنی طایایهرق اوپله بر ملوروشی واردی که قوجه سیله  
قارشیلانجه اوستنه صالدیرهرق ظن اولونیوردی . بر دانه سی ده مسکین ونازک  
طورلی ، یوزی سیم سیاه ، اوفاجق نه جک بر قادیندی . بوده قالدیریمک اوته



طرفنده طولاش-يوردی . بر او چنجیسی ده ایکی چوجوغنی برلکده کتیرمشدی .  
برر ایلله طوتدینی بو چوجوقلر صوغوقدن تتره شەرك آغلیورلردی . عینی سفالت  
یولنك آرقداشی اولان بو قادینلر ژروەزلە برلکده بر آشاغی بر یوقاری طولاشیورلر  
بعضاً یان کوزلە بر برینه باقیورلردی . آرەلرنده بر کله بیله تعاطی ایتیورلردی .  
اوح نه اعلی تصادف ! طانیشمەغه هیچ احتیاج یوقدی ، هپسی بر برینك نه اولدیغنی  
بیلیورلردی . هپسـنك مسكنی سفالت ایدی . کانون ثانینك بو مدهش صوغوغنی  
ایچنده ، اونلرك قالدیریملری آرشینلاملری وایکیدە برسا کتانه قارشیلایمیلری انسانی  
بوسبوتون اوشوتن بر شیدی .

قاپوسی اوکنده بکله شدکلی دکاندن چیقان یوقدی . دیرکن یر آدم چیقدی  
و بر آز صوکره بونی ایکی اوچ عملە دها تعقیب ایتدی . آنجق بونلر قازاندقلمی  
پارەیی طوغروجه اولرینه کوتورەن اینی آدملر اولق لازم کله جك که دکانك اوکنده  
طولاشان بو قادین کولکەلرینی کوردکجه باشلرینی صالایورلردی . ایری بویلی ضعیف  
قادین دیواره دها فضله یاپیشیورلردی . بر آرەلق دکاندن قیصه بویلی ، قابا یاپیلی بر  
آدم چیقەرق اطرافنی آراشـدیررجەسنه احتیاطکار بر طور ایله باشنی اوزاتەجق  
اولدی . ضعیف قادین بونی کورور کورمن اوستمنه آتیلدی وکوز آچغە وقت  
براقادن اوستنی باشنی آرایه رق جیبنده بولدیغنی پارەیی آلدی . حریف یاقەیی آلە  
ویرمشدی . آرتق پارە نامنه اوستننده بر شی قالمامشدی ، کیدوب بر قطره بیله  
ایچمیە امکان یوقدی . یاپه جق بر شی اولمادیغنی کورن آدم مایوسانه قاریسنی تعقیب  
ایتدی . هم یوریور ، هم ده چوجوق کبی آغلیورلردی . شیمدی آتلیه دن طاقم  
طاقم عملەلر چیقیورلردی . بر آرەلق صارپشین رنگلی ، قورناز طورلی بر عملە  
قالدیریم اوستننده ایکی چوجوغیله برابر بکله یین قادینی کورونجه همان کری دونەرك  
قادینك قوجهسنه خبر ویردی ، اوده آتلیه نك ایچنده ایکن هفته لنی اولان بشر  
فرانلق ایکی پارلاق سـکەیی قوندوره سنك آلتنه صاقلادی . طیشاری چیقنجه  
چوجوقلردن برینی قوجاغنه آلدی . شیمدی هم یوریور ، هم ده یالانلر اویدوروب  
سویلیورلردی . قاریسی ایسه غوغا ایدیورلردی . آتلیه دن چشیدچشید عملە چیقیورلردی .  
کیمی ایشندن چیقار چیقماز آلدینی پارەیی احبابلرله برلکده میخانه ده یمك اوزره  
حیزلی حیزلی ، عادتا صیچرایه صیچرایه یوریور ، کیمی اون بش کونده طوی  
طوی اوچ درت کونده لکه استحقاق کسب ایتمش اولدینی ایچـون بواوچ درت  
کونك کونده لکنی آووجنك ایچنده صیقه رق مغموم بر سیما ایله هم کندی تنبالکـنه  
کفر صاووریور ، هم ده بر دها ایشنه منتظماً دوام ایده جکنه دائر سرخوش



یمنلری ایدیوردی . بونلرک ایچنده اک آجیقلی منظره او نازک ، یتم طورلی قاره رنکلی قادینک اضطرابی ایدی . بونک قوجه سی یاقیشیقلی بر دلیقانی ایدی . آتلیه دن چیقار چقماز زوالینک برونک دیندن او یله بر قاجیش قاجشدی که آز قالدی قادینی چارپوب یره ده ویره جکدی . شیمدی قادینجمز دکانلره چارپه چارپه ، موجودیتنک بوتون حزن و آلمیله آغلایه رق تک باشنه اویینه دونیوردی .

نهایت قافله نك آردی کسیدلی . ژروه ز ، جاده نك اورته سنده دیم دیک طورمش قاپویه باقیوردی . ایچنده شبهه لر اویانمغه باشلامشدی . او آره اق اک کری به قالمش اولان ایکی عمله ده آتلیه دن چیقیدیلر ، حالا قوپودن سس صدا یوقدی . ژروه ز بونلره یاقلاشه رق قوپونک نه وقت چیقه جغنی صورتی . حریفلر کوله رک قوپونک لانتیمه ش اسمنده بر آرقداشله شیمدی آرقه قپودن چیقوب کیتدیکنی سویله دیلر . ژروه ز درحال آکلادی : قوجه سی ینه بر یالان آتمشدی . بونک اوزرینه ده ایک قوندوره لری ایچنده آیاق . ینی سورویه سورویه شاربونیهر سواقاغنه طوغرو اینمکه یاشلادی . او ، قوجه سندن کتیره جکی پاره ایله بر آقشام یئکی ییمک امیدنی بسلرکن بو پاره شیمدی اوکی صیره ، کیم بیلیر نره لره صرف ایدمک اوزره قاجوب کیدیوردی . بو سفر آرتق هر شی بیتمش ، بوتون امید منقطع اولمشدی . شیمدی طرفنده سیاه بر کیجه وانصافسز بر آچلقدن باشقه بر شی یوقدی . اوموزلرینک اوستنه کیرلی بر یوک کبی چوکن بو کیجه نك آلتنده آچلقدن کبرمک ایشته شیمدی کندیسنه قالان شی بو ایدی !

پوواسسونیه جاده سنی آغیر آغیر طیرمانیرکن ( پوتیت سیوه ر ) میخانه سنده قوپونک سسنی ایشیتدی . قوپو اوراده مه بو طله برلکده ایچیوردی . بو زوزک مه بو ط یازصو کلرینه طوغروخیلی کچکین ، فقط انتقاضنک بعض اقسامی حالا کوزالکنی محافظه ایتش بر قادیله اوله نمشدی . طالعلی حریف ، شیمدی قیلیق قیافت یرنده ، قارنی طوق ، آلاری جیبنده او یله کیفلی ، او قدر سمیرمشدی که طانیمق ممکن دکلدی ، آرقداشلرک دیدکلرینه باقیلیرسه قاریسی ، برچوق ارککلری طانیورمش ، بونلردن ایسته دیکی قدر ایش بوله رق پاره قازانه بیلیورمش . انسانک بویله بر قاریسی ، برده صیفیه سی اولورسه آرتق حیات اونک ایچون کوزلالشمش دیمکدر ، فضله بر آرزوسی اوله مازدی .

اساساً قوپونک اوکا حیرتله باقیشی ده بوندن ایلری کلیوردی . کوچوک پارمغنده آلتون یوزوکی قدر گفته خوارک هیشی واریدی .



قوپو مینخانه دن چیقہ جنی صیرہ ده ژروہز ، ایلہ اوموزینہ طوقونہرق :  
— ہی بکا باق ، دیدی ، قارنم آچ ، سن بویلہ می پاره کتیریرسک ؟  
قوپو یان چیزدی :

— قارنک آچ ایسه بواقشام آووچلر کدن برینی یالا . اوتہ کنی ده یارینہ صافلا !  
هرکسک اوکنہ کلوب ده بویلہ آجیقلی صورت کوسترمک ، اما تخف شی ها !  
پارہ می بردن بولہ حق ؟ چالیشمادی کہ پارہ کتیرسون ! فروالرده اکک می یوق ؟  
ژروہز بونک اوزرینہ بوغوق برسسلاہ :  
— کیدوب خرسزلق می ایدہ می ؟

دیدی . مہ بوط قاری ایلہ قوجہنک آره سنی بولمی چارہ سنی آرایان بر آدم  
طوریلہ چکہ سنی قاشیوردی :

— آباق او یاساق ! برقادین دوشدیکی بردن قالمی بیلہ جک اولورسہ ...  
قوپو اکمالہ وقت برامادی ، براور دیبہرک آفیدشلادی . اویلہ یا ، قادین  
دیدیکک دوشدیکی بردن قالمی بیللمیدر . حالبوکہ کندیسسککی چکی طاشی کی ،  
بردفعہ دوشدی می بردها قالماز . کونک برندہ ایکدسی ده قوری نختہ اوستندہ  
کبرہ جک اولورلرسہ قباحث ہپ اونکدر . قوپو بویلہ جا ، فکرینی سویلہ دکن  
صوکرہ دونہرک تکرار حیران حیران مہ بوطک یوزینہ باقغہ باشلادی . خنزیر حریف ،  
امادہ یاغلی ها ! تام ، عناسیلہ بر عقار صاحبی کی ! بیاض کوملک ، اسقارپین ،  
هرشی مکمل ! قادین دیدیکک بونککی کی اولمی ، اوینی طوغرو درست اداره  
ایتمی بیللمی !

قوپو ومہ بوط ، قول قوله ، بولواردن اشاغی اینیورلردی . ژروہز اونلری  
تعقیب اینیوردی . برمدن سکوت ایلہ یورودکن صوکرہ آرقہ دن سسلہندی :  
— اکلایورمیسک آچ ! سن پارہ کتیرہ جکسک دیبہ بکلہ مشدم ... بکا قارنمی  
طویورہ حق برشی بولمی .

قوپو جواب ویرمہ دی . ژروہز محضر برسسلاہ تکرار ایتدی :

— دیمک برشی ویرمہ یہ جکسک اویلہ می ؟

قوپو حدتله دونہرک حایقیردی :

— اللہک بلاسی ، یوق دیدک آ ! یاقہ می بیراق ، یوقسہ شیمدی چارپارم ها !  
بونى سویلرکن یومہو غنی قالدیرمشدی . ژروہز برقچ آدیم کری چکیلدی :  
— یا اویلہ می ، پکی ، یاقہ کی براتیورم . بندہ کیدر باشقہ ارکاک بولورم !



قوپو الايلي برقهقهه قوياردى . ژروەزك سويلەدىكى لطيفە يە جەل ايدەرك ،  
 كندىسى دە مەدەلك اولسون دىيە اونی قىزدىرەجى شيلر سويلەمكە باشلادی :  
 — باشقە ارکك بولق ها ، طوغروسی بو . غایت يارلاق بر فکردر ا  
 کيچەلری ، لامبالرک ضیاسی آلتندە کیم بیلیر نەقدراي بر تائیر ياپەجندەر . شاید  
 بر ارکك بولاجى اولورسە قوپوسى بولوارندەكى لوقنطە يە کوتورسون ، اورادە  
 خصوصى اوطەلر وار ، يەکلری دە غایت ايیدر . قوپو بو لطیفەلری صرف ایدرکن  
 ژروەز حدتدن صاب صاری کسین سېاسەندە مغموم بولوطار طولاشەرق بولوارە  
 طوغرو اوزاقلاشوب کیدیوردی . قوپو آرقە ندن سەسلەندى :  
 — عودتدە بکا یش کتیرمکی اونوتمە ها ! بیلیرسک یا ، پاستە يە بابیلیرم .  
 یردە خاطر کدە اولسون ، بولەجەك موسیو زنکینجە برشی ایسە نەم ایچون قوللانیش  
 بر پالطو ایستەمکی اونوتمە !

ژروەز ، بویافیجی لطیفە یی ایشیتەمک ایچون حیزلی حیزلی یوریوردی . بر آرەلق  
 غلبەلەك آرەسندە کەندى ياپ يالکز بولونجە آدیملری آغیرلاشدیردی . بر آرتق  
 قرارى وبرمشدی . خرسزلق اتمکە کەندى صامق آرەسندە ایکنجی یی ترجیح  
 ایشیدى . چونکە کەندى صامقلە باشقە سەنە ضرر کتیرمش اولمايەحقدى ، اولسە  
 اولسە کەندىنە عائد برمالی قوللانیش اولەحقدى . واقعاً دە تەیز بر ایش دکادى .  
 آنجى شو دقیقه دە قفاسنک ایچى اوحالە ایدی کە تەیز کیرلی بر برینە قاریشمشدى .  
 انسان آچاغندن اولوم حالنە کلدیكى زمان فلفە ياپەنى دوشونمز ، ألنە نرەدە کەك  
 کچرسە باقەلاردی . بو ملاحظەلرلە قلنیانقور جادە سەنە قدر چیقەمشدی . بر درلو  
 کيچە اولمايوردی . کيچەنک قارا کلەلرینە انتظاراً بولوارلردە کزیمکە باشلادی .  
 بو حاللە طبق آقشام يەکنەدن اول بر تەزە ياپان او قادینلرینە بکزیوردی .  
 کیتدکچە کوزلاشەن منظرەسى ژروەزك عادتا اوتانەرق طولاشدینى بومحله شمدى  
 دوت طرفندن آچیلەرق فرخلامشدى . پارسک تا کو بکەندن چیقوب کلن ماژەنتا  
 بولواریلە قیرلرە طوغرو اوزانان دورنانو بولوارى بومحله يی اسکی استبحاکاملرک  
 بولوندىنى نقطەدن قطع ایش ، ایکی طرفنە ایکی صیرە اولر ياپیلەش ، بیاض آلچیدن  
 بنالربلە ایکی واسع بولوارە یر وبرمشدى . بو ایکی بولوارک ایکی طرفندە فوبورغ  
 پوواسسونیەر . جادە سیلە پوواسسونیە جادەسى واردر . بو ایکی جادە اوتەسندە  
 بریسندە انقطاع ارغیرەرق ، بعض نقطەلرندە بورغوپوب قیریلەرق اوزانیوردی .  
 اوقتر ووا دیوارلری ییقیلەلى برى پارس خارجندەكى بولوارلر کەندىلەش ، هەر برینک  
 يانلرینە يایا قالدیریملری ياپیلەش ، اورتەدە يە يایا یورویەجکلر ایچون دوت صرە  
 آغاچلی یوللر آچیلەشدر . پارسک بو محلهسى ، محشر کبی انسان غلبەلە يیتەز



توکنمز یوللریله ، هر طرفده دوام ایدن انشا آتیله تا افقه قدر اوزانان بر عالم ایدی . مع مافیه یکی یاییلمقده اولان بو یوکسک بنالر آره سنده طور دقلری یرده سالانان کهنه اولرده باردی . جبهه لری اویمالی بنالرك یانی باشنده پنجره لرینک سفیل مظهره لیتی عرض ایدن مظلوم سیمالی اولرده کوزه چارپیوردی . پارسک کیتدکجه یوکسلوب آرتان احتشامی آلتنده محله نك سفالتی بو یکی معموره نك فعالیت عمرانه عادتاً برلکه قوندوریوردی .

ژرودز کنیش قالدیریمك ازدحامی آره سنده غائب اولمشدی . هنوز بویومکه وقت بوله مامش اولان چنار اغاجلرینی تعقیب ایدهرک یوریور ، بو ازدحام ایچنده کنیشی بوسبوتون یالکز ، بوسبوتون متروک بولیوردی . بو جاده لرك بربرینه قاووشدقلری میدانلقلره کلدکجه معدده سنك بوشلفنی دها چوق حس ایدیوردی . هیچ شبهه یوق که بوانسان طائفه سی ایچنده پک چوق کیمسه لر رفاه حال صاحبیدرلر؛ بویله اولقله بر بر بونترك ایچندن هیچ بری کنیش سنك نه حالده اولدیغنی کشف ایده میور . کیمسه چیقاروبده اونك آله یاریم فرانق اولسون و برمیوردی . اوت بومظره تحمل اولونامایه جق قدر بویوک ، لزومندن چوق فضله کوزلدی . بوکنیش ساحه تك اوستنده بی پایان برقسمتله اوزانوب کیدن کویوزینه بقدجه باشی دونیور ، باجاقلری بلا اختیار حرکت ایدیوردی . پارسه مخصوص کیرلی صاری رنکلی برالاجه قارا کلک جوکه که باشلامشدی . بویله زمانلرده سوقاقلرك منظره سی اوقدر چیرکین اولورکه انسانده اولمك ارزولری اویاندریر . هوا بولانیق ایدی ، محیط چامور رنکته بویانمش کبی ایدی . ژرودز فنا حالده یورولمشدی . ایشجی طاقی بوساعتده اولرینه دونیوردی . یکی اولرده اوطوران شایقه لی قادینلر ، تمیز کینیمش ارککلر بو ازدحامك آره سینه قاریشمشلر ، ماژنت بولواریلله فوبورغ پوواسسونیه اوزونلغنجه آقین آقین کیدیورلردی . اومنیذ بوسلرك ، بینك آرابه لرینک ، آتلینی قوشدیره رق آخیرلرینه بوش دونن یوک آرابه لرینک چیقاردقلری اعصابخراش کورولتو آره سنده بوتون جاده عمله بلوزیلله ایشجی جا کتندن مرکب برمنظره ایله طولمشدی . یوک چنکالترینی اوموزلرینه آتمش حامللر ، یان یانه یورویه رك بربرینک یوزینه باققسزین ساده جه اللریله اشارتلر یاپه یاپه حیزلی حیزلی قونوشان عمله لر ، دها اوتوده باشلرینی اوکلرینه آکهرک قفالرینه برر قاسکته ، آرقه لرینه برر پالطو طاقش ، تک باشنه یورون ایشجیلر ، نهایت بشی التیسی برغروب تشکیلی ایتش ، اللری جیبلرنده ، صولفون باقیشلی ، سسسز صداسز ایلریله یانسانلر .... ایچلرندن بعضیلری سونمش پیولرینی آغزلرنده طاشیورلردی . درت دیوارجی عمله سی ، کرا



ایله طوتدقلری بر آرابه نك ایچنده کوبك آتهرق ، قاپوجی قادینلره باقهرق کچورلردی .  
 قالدکارلر آلارنده بویا قاونوزلریله ایلریله یورلر . بر قلاچی عمله سی اوموزنده طاشیدیغی  
 اوزون بر هر دیونله بولدن کلوب کچنلره چارپیور ، کچ قالمش بر چشمه تعمیر جیسی ،  
 آرقه سنده آلتلرینی قویدیغی قوطو ایله ملول بر شرقی طوتدیرمش ، الچه قارا کلغنگ  
 حزنی ایچنده یورویوب کیدیورلدی . بوتون بوانسانلر ، بویورغون آرغین سورو ،  
 قوجه مان بر روزه مساعینك آغیراغنی طاشیورلدی . ایشته بر کوندها خنامه ایرمشدی !  
 فقط نه اوزون ، نه بیتمك توکنمك بیامه یں بر کون ! صوکره نه قدر قیصه بر فاصله  
 ایله بر برینی تعقیب ایدیورلردی ! آقشام اولوبده یئکی ییدیلر می ، دهها بونی هضمه  
 وقت قالدن صباح اولیور . هایدی ینه ایش ! مع مافیہ ینه شن شاطر ایدیلر ،  
 ایصلق چالهرق ، ایاقلریله یرلره اورهرق ، برونریله اولرنده کی یمکك قوقوسنی  
 آلیوره شجه سنه یوریوب کیدیورلردی . ژروهمز گاه صاغنندن گاه صولندن چارپوب  
 کچن بوازدهامك آره سنده ، بر طالغهنك ایچنده یووارلانان بر چوپ پارچه سی کی  
 لاقید و اراده سز ، یورو مکده دوام ایدیورلدی . اوپله یا ، صباحدن افشامه قدر  
 چالشمش ، آقشام اولنجه قارنی آجیقمش بر آدمدن نه نزاکت بکله نه بیلیر ؟

بردن ژرودز کوزلرینی قالدیرنجه ، بر زمان او طورمش اولدینی بون کور  
 اوتلنك اوکنه کلدیکنی کوردی . بو آرهلق شهبه لی برغازینو طرزنده اداره ایدلمک  
 باشلانلدیغنی ایچون ضابطه طرفندن سدایدلمش اولان بو کوچوک اوشیمدی متروک ،  
 پانجورلری اعلان کاغدی ایله اورتولو ، قنادی پارچه لاشمش ، یاغمورلرک تأثیریه  
 باشند اشاغی چویروب دوکولیور ، شراب طورطوسی ونکننده کی بویاسی یریر  
 کوفلی بر منظره عرض ایدیورلدی . اؤک جوارى هیچ ده کیشمه مش کبیدی .  
 کاغدی و توتونجی اسکی یرلرنده ایدی . آرقه سندن بش قاتلی اولرک بیقیق ،  
 خراب جبهه لری کو برنیورلدی . یالکز (غان بالون) بالوزی یوقدی . وقتیه  
 بالو کیجه لری اون پنجره سنده ضیالر پارلایان بوبنانك یرنده شیمدی شکرلری قالب  
 حالنده کسن بر فابریقه یاپیلمش . صباحدن افشامه قدر بونك ما کنه لرندن چیقان  
 کورولتو ایشیدیلیورلدی .

ایشته بوکون سورو کلدیکی حیات وقتیه بواوتلک پیس بر او طه سنده  
 باشلامشدی . شیمدی ایافده ، بوبنانك برنجی قاتنده بر قنادی صارقان پنجره سنه  
 باقهرق لانتیه ایله برانکده کچن کنجاسکینی ، ایلمک چاتیشمه لرینی ، کندیسنی نه ایکره نج  
 یر طرزده براقوب کیتدیکنی خاطر لیورلدی . اوت اما ، او وقت بوندن پک ضرر  
 کورمه مشدی . چونکه کنج ایدی ، حیات اوکا باشند اشاغی قدر شن کورونیورلدی .



دها يکرمی ياشنده ايکن قالديریم اوستنه دوشمک ! اوف ياری ! اوتلاک منظره سه بولر بعضاً کندیلرندن کچیورلر ، قوجامان اکک صومونه یانانلری طایایه رق دکانلرک جامکانلرندە کی رسملری بش دقیقه قدر سیره طالیورلردی . بر مدت صوکره ازدحام بوسبوتون سیرکلهشمش ، او انسان طالعہ سی کیلشمش ، بوتون ایتهجیلر اولرینه دوغمشدی . آرتق نہایت بولان روزہ مساعیدن صوکره غاز ینک نثر ایتدکاری ایشیق آلتندە تذبذب بر حیات ، بر جنبش عالمی صانکه کونک یورغونلغندن انتقام آلیورکی باشلامشدی .

أوت ژرودز ایچوندە کون نہایت بولمشدی وبونہایت بولان کون اوکادمین چارپه رق یانندن کچن بوتون بو عملہ ناک طویدینی یورغونلقدن دها افضلہ بر یورغونلاق ویرمشدی . او قدر یورغوندی کہ هان اوراجغه یغیلہ رق کبرہ بیلیردی . هم کبرمسونده نہ یاپسون ؟ ایشته کورولیورکہ بوتون ایش قاپولرینک یوزی اوکا قاپامشدی ، شودقیلہ دہ هرکس ممکنی یوردی . کون ختامہ ایرمش ، افتدہ کونش قندیانی سورہ رک چکیلمشدی . بللی کہ کیچه اوزون اولہ جقدی ، اوزانلق ، یاتدینی یردن هیچ قالفماق ، ایشہ ابدیاً وداع ایتک ، یکرمی سنہای محنت ومشتدن صوکره بونہ ای اولاجقدی . معدہ سی آچلقدن بورقولارکن ژرودز بلا اختیار اسکی جنبش کونلری ، اسکی ضیافتلری ، حیانتک اسکی لشتہ وشطارتی دوشونیردی . هله هیچ اونوتمازدی : برقیش کونی ، دهشتلی برسوغوق واردی ، اوکون او قدر اکتہ نمش ، اولہ صفالی برکیچه کچیرمشدی کہ ... اوزمانلر سوعلی ، صاریشین تروتازہ برقادیندی . نوو سوقاغندە کی چاشیر خانہ نک قادینلری طوپالانغہ رغماً اونی قرالیجه اعلان ایتشلردی . اوکون آقشامہ قدر بولوارلردە ، یشیللککلرله مزین آرابہ لر ایچندە ، کندیسنه کوز اوجیلہ باقان خنک آردسندە کزینوب طورہ شلردی ، ارککلر صانکه بر حقیق قرالیجه کچیورمش کی که زاکلری طاقه رق اوکا باقتشلردی . اوندن صوکره مکلف بر آقشام یکی بچشیر ، ممکن صکره ده صباحہ قدر دانس ایتشلردی .

اون یاشندە بر تاج ، بوینندە بر حائل ایله یکرمی درت ساعت حقیقہ قرالیجه اولمشدی . آچلغک اضطرارندن متولد بر اویوشوقلق ایچندە شیمدی کوزلری یرہ ایندیرمش ، اسکی احتشامنک ایزلری آرایور کی ایدی . بر آاز صوکره تکرار کوزلری قالدیردی . بلدیہ نک بیقدیرمقدہ اولدینی مذبحہ لر اوکنہ کلشدی . یقیلان جبهہ نک آچیقلغندن حالا تارہ قان قوقان قراکلق اولولر کورولیوردی . بولواردن اشاغی اینرکن لاریبوازیه خستہ خانہ سنی کوردی .



خسته خانه نك كول رنگلی يوكسك ديوارينك اوستنده ، يلازه بچمنده انشا ايدلش جناحلى منتظم پنجره ليله كوزه چارپيوردى . ديوارك ايچنه كومولش ، لىكسز وچز كىسز بريمشه تحته سندن معمول قاپو برمنزار طاشى سكون وجدى ايله بوتون محله يه دهشت ويريوردى . بو منظره يى كورمه مك ايچون دها اوزاغه كيدهرك شمندوفر كوپريسنه قدر كلدى . كوپرونك قالين ساچدن معمول قورقولقلى بولنى قاپايوردى . بورادن باقنجه پارسك منور افق اوزرنده استاسيون بناسنك كنش بر ضلعى ، كومور توزندن قارارمش واسع چاتىنى كوره بيلوردى . بو كنش وپارلاق مسافه ايچنده لوقوموتيفلر ك دودوك سسلرني، تره نلره يول ويرن ماكنه لرك موزون و آهنكدار صارصنتيلرني ، خلاصه كوز ايله كورولمه ين مدهش بر فعاليتك كور لتولرني ايشيديوردى . بر آره لق پارسدن طوغرو كلن بر تره ن صولويه صولويه كچدى . بو تره ندن بوتون كوره بيله يكي شى باجانك اوستنده بياص برسورغوچ كى طوران دومان ستونى ايله كوپرونك قورقولغند . طاشه رق طاغيلان بر بخارايدى . تره ن كچركن كوپرو صارصلمشدى ، كنديسى ده بوتون سرعتيله كچن تره نك ويردىكى صارصنتى يى طويمشدى . خومور تيسى كيتدكه اوزاقلاشوب سون لوقوموتىنى كوره مه مكله برابر نظر ليله تعقيب ايچون باشنى چويردى . بر طرفه قيرلر، صاغده صولده اوتيه برى يه قارمه قارشىق صورتده انشا ايدلش اولريله بر آچىقاق باشلايدىنى حس ايدىوردى . بو اولرك ديوارلرینه قوجه مان اعلانلر يازلمشدى ، بوديوارلرده ماكنه لرك ايسندن صارارمش، كيرلى بررنك آلمشدى . آهه اولوردى اوده بو تره نله كيده بيلسه ، سفالت واضطراب يوواى اولان بو اولردن قورتوله رق اوزاقلره ، تا اوزاقلره كيده بيلسه ! كيم بيلير بلكه اووقت حياته تكرر اعدت ايد بيليردى . بر آز صوكره كوپرونك قورقولقلى اوستنه ياپشديرلش اعلانلرى اوقويه اوقويه كرى دوندى . بورادن هررنكدن اعلان واردى . بر دانه سى مائى صركبله يازلمش اوفه چق بر اعلاندى . غائب اولق بر كوپكى بولانه اللى فرائق مكافاة وعد ايدىوردى . بو حيوان كيم بيلير نه قدر سو كىلى بر شيدر كه صاحبي اونك ايچون بو فدا كارلنى ياپيوردى .

ژروه ز تكرر يوله قويولدى . و آغير آغير يورومكه باشلادى . طالغه طالغه اينن سيس طبقه لرى آره سنده هوا غازلى برربرر يانيورلردى . دمين سياهلقلره بوغولان جاده لر شيمدى ايشيقلر ايچنده ، كيجه نك قارا كلقلرني قطع ايدهرك افقك نامتناهى ظلمتلىرینه طوغرو اوزانيورلردى .



هوای محیطدن کنیش بر نفس کپیور ، مهتابسز وواسع سما آلتنده بو کنیش  
 محله صیره صیره لامبه لریله اوزایوب کیدیوردی . بو ساعتده بولوارلرک بوتون  
 میخانه لری ، بوتون لو قنطه لری ایلاک قدح لریک و ایلاک کورولتولرک نشئه سیله باشند  
 اشاغی مست ایدی . اون بش کونلک حقلرینی آلمش اولان عمله ایله قالدیریملر  
 خنجا خنج طولو ایدی . اورته لقه بر جنبش هواسی جاقانیوردی ، فقط هنوز  
 بو جنبش سویملی و طاتلی ایدی . قدح لریکی پارلامغه باشلامشیدی ، هنوز میدانده  
 بر طاشقینلق یوقدی . میخانه لریک ایچرلرند ، بر قسم خلق معدده سنی طولدیرمقله مشغول  
 ایدی . سوقاغه ناظر جامکانلردن بو خلقک آغز طولوسی یمکلرینی یمکلری ، دها  
 لقمه لر آغزلر ه ایکن قهقهه لره کولدکلری کورولیوردی . عیاشلر برر برر  
 میخانه لره کلرک ماصه باشلرینه اوطوریورلر ، قابا قابا سویلیه رک ال شاقالری  
 یاپیورلردی . بر طرفدن ده سوقاغک قالدیریملرینی چیکنه یین انسانلرک حاولیور کی  
 سسلری ایشیدیلیوردی : « هی بکاباق ، کلزمیسک بر قاچ قدح آته لم ؛ آی ( پولیس ) ده بوراده !  
 اوح نه اعلی بو آقشام ایی بر وقت کچیره جکز ! » میخانه لریک قاپولری آچیلوب  
 قاپاندجه ایچریدن شراب قوقولریله قاریشیق پیستونلی بوروسسلری کلیوردی . بابا  
 قولومپک آسسوموار میخانه سی بر آیین زماننده بوتون موملری یاقیلیمش کلیسایه  
 بکزیوردی ، مشتریلر تزکاهک اوکنده صیره صیره طورییورلردی . صانکه  
 ایچریده حقیقه بر آیین یاپیلیه ریمش کی ایدی بوتون خلق طاووا کی یووارلاق  
 صوراتلرنده یاناقلرینی شیشیره رک کلیسا خواننده لرینی آکدیران بر طور ایله شرق  
 سویلیورلردی . ( مست نوش ) دنیلن غریره نک کوننی تسعید ایدیورلردی .  
 بوجنبشک دها باشلانغجی بیله فوق العاده حرارتلی ایدی . قوللرینه قاریلرینی طاقه رق  
 کز مکه چیقان ایراد صاحب لری بو کیجه پارسده سرخوش اولماق کیمسه قالمایه جغنی  
 آ کلاتیورلردی . کلیسه نک منظره سی قاپ قارا کلقدی و بو طوکمش ، اولو کیجه نک  
 اوستنده بولوارلرک صیره صیره ضیالردن باشقه هیچ بر آیدینلق یوقدی .  
 ژروه ز ، آسسوموار میخانه سنک اوکنده دیکیلیمش ، دوشونیوردی جیبنده  
 ایکی صو اولسه یدی اوده کیروب بر قدح ایچه جکدی . بلکه بر قدح ایچکی ایله  
 آچلنی اونوتوردی . آه قابل اولسه ده ایچه بیله یدی ! هر حالده بونک ایی بر شی  
 اوله جغنی ظن ایدیوردی . اوزاقدن میخانه نک ایچریلرینه تمید ایتدیکی نظرلره  
 اینجه ما کنه سنی کوربیور ، بوتون فلاکتلرینه سبب بو ما کنه اولدیغنی حس ایدیور ،  
 و بر کون آنه پاره کچه جک اولورسه کنده سنک بو ما کنه یوزندن کیروب کیده جکنی  
 دوشونیوردی . بر آره لق کیجه نک قارا کاغنه باقه رق وجودندن بر رعشه کچدی .



آرتق وقت کلیوردی . اکر بو عمومی ذوق و سفاقت ایچنده آچلقدن کبرمک ایسته مزسه کندینی طویللاملی ، سویعلی دابر کورونمکه جالیشملی ، خلاصه بر مشتری ایدنلی ایدی .

باشقه لرینی یمک بیرکن کورمک قارن طویورمازدی . بونک اوزرینه آدیملرینی آغیرلاته رق اطرافنه باقینه باقینه کزنمکه باشلادی . اغاچلر آلتنده کشیف برغلبه لق طولاشوب طورییوردی . سوقاقدن پک آز آدم کچیوردی . یالکیز کچ قالمش بعض انسانلر جاده دن خیزلی خیزلی کیدیورلردی . جوار جاده لریک شن وشاطر عکسلری چارپوب سونن بوکنیش وسسز قالدیرمک قارا کلقلرنده بر طاقم قادینلر ، آیاقده ، بکله شیورلردی . هپ بوقالدیریم اوستنده طبق نارین ، اوافق آغاچلر کبی دیم دیک ، متوکل وحرکتسز طورییورلردی . صوکره بر آره لق آغیر آغیر حرکتیه کلیورلر ، بوز طوتمش قالدیریملر اوستنده قوندوره لرینی سورویهرک اون آدیم قدر کیدیورلر ، اوندن صوکره ینه یره یاپیشیق کبی طورییورلردی . ایچلرندن بردانه سی ایری کوکده لی ، چوب کبی اوافق قول و باجاقلی بر قادیندی یورورکن یووارلانیور کبی طاشقین برحالی واردی . آرقه سنه سیاه ایپکدن یامه لی ویرتیق بر اثواب کییمش ، اوموزینه صاری قولاردن بر آتی آتمشدی . بردیکری ایری بویلی ، قوپ قوری بر قادیندی . بونک باشنده شاپقه یوقدی ، یالکیز اوکنده بر خدمتچی اوکاککی واردی . اوندن صوکره یوزینه دوزگون سورمش اختیار قادینلره ، بر سوپروتی تنکه سنه بیله آتبله مایه جق قدر کیرلی کنجلره تصادف اولونوردی . ژروه ز بو صنعتدن اکلامادینی ایچون اونلری تقلیده چالیشیوردی . طبق برکنج قیز کبی بوغازی خلجاندن طیقانیوردی . اوتانق دنیلن شیئی حس ایتیوردی ، صانکه رؤیاده ایمش کبی حرکت ایدیوردی . بر چاریک ساعت قدر ، دیم دیک طوردی . ارککلر دونوب باققسزین یانندن کچیورلردی . بونک اوزرینه اوده اوته کی قادینلر کبی حرکتیه کلدی و او آره لق آلاری جیبنده ، ایصلق چالهرق یورومکده اولان بر آدمه یاقلاشدی ، میریلدانه نوعندن برسسله : — مرسبو ، بکا باقکیز ...

دیدی . خطاب ایتدیکی آدم فی الحقیقه دونوب باقدی . فقط ایصلانی دهـا قوتله چالهرق اوزاقلاشدی کیتدی .

ژروه ز بوندن جسارت آلمشدی . برطرفدن معده سنک بوشلغی ، دیگر طرفدن حالا آله ایتکه موفق اوله مادینی آقشام یمکی اوکا هرشیئی اونوتدیرمشدی . نره یه کیتدیکنی ، ساعتک قاچ اولدیغنی بیلمه یهرک اوزون مدت بوقالدیریم اوستنده



یورودی طور دی. اطرافنده اوتەکی قادینلر طبق قفسلرینک ایچنده طولاشان حیوانلر کی طولاشیورلر، آغاچلر آلتنده مظلم و ساکت طورلریله بر اشاغی بر یوقاری منتظماً کزنیورلردی. بعضاً بو قارا کلقلردن قورتوله رق بردن هوا غازی لامبەلرینک تنویرایتدکاری ساحه یه صولغون سیمالریله چیتیویریورلردی. بر آن صکره تکرار طابەلرک آغوشنه کیریورلر. فیستانلرینک بیاض بولارینی صاوورەرق ینە بر ذوق رعشه دار ایله قالدیرمک قارا کلقلرینە قاریشیورلردی. بمض ارککلر بونلرله قارشیللا- شنبه طورییـورلر. الای مقامنده قونوشیورلردی، بعضلری طوتولماق ایچون اونلرک اون آدم کریسندن قاچوب کیدیورلردی. بعضاً یوکسک سسله میریلتیلر، بوغوق بوغوق منازعه لار، حدتلی حدتلی بازاراقلر ایشیدیلیور چوق کچمه دن بو کورولتولر درین بر سکوته منقلب اولیورلردی. ژرەز متصل یوریور، یورودکجه طبق بولوارک براوجندن او بر اوچنه قدر اکیلمش آغاچلر کی بوقادینلرک صیره صیره طور دقلرینی کوریورلردی. هر یکرمی آدیم باشنده برقادینه تصادف ایدیورلردی. اوکا او یله کلیورلردی که بوتون پارسده بوقادینلر قرەغول بکلیورلردی. ارککارک کندیسنی استخفاف ایتمسندن صوک درجه یه قدر کلن ژروەز قلینان قورجاءه سندن شایل سوقاغنه صامشدی،

— موسیو بکا باقیکنز ...

فقط موسیولر باقمەدن کچیورلردی. اطرافه تازه بر قان قوقوسی نشر ایدن سلخخانه لرک اوکندن کچدی، قاپالی پنجره لریله مظلم بر منظره عرض ایدن اتلر (بون کور) اوتلنه بر نظر عطف ایتدی. لاریبوازیه یه خسته خانه سنک اوکندن کچرکن، ایچرلرنده صاری وخفیف ضیالرک محضر اهتزازلری کورونن آیدینلق پنجره لری بلا اختیار صایمغه باشلادی. اورادن شمندوفر کوپروسنه کلدی، کوپرو نومید بر فریاد کی هوای نسیمی پی پیرتان دودوک سسلریله خوردایه رق کچن ترەنلرک صارصینتییسی ایچنده حالا صالانیورلردی. ژروەز بونی ده کچدی. کیسه نک حالی بوتون بومناظره اوقدر غمی بر سیمایریورلردی که ... نهایت کلدیکی یولدن دوندی، عینی اولری تماشا ایده رک اسکی یرینه کلدی و بونی بر دقیقه بیله طوروب دیکله نمکسزین بلا فاصله اون دفعه، یکرمی دفعه تکرار ایتدی. خایر، اوکا رغبت ایتیورلردی و بواسطه تخفاف قارشیدسندە طویدیغی حجاب کیتدکجه آرتیورلردی. شیمدی خسته خانه یولدن سلخخانه لره طوغرو چیتیورلردی.

— موسیو، بکا باقیکنز ...

بردن بره کولکەسنی کوردی. هوا غازی لامبە سنه یا قلاشدکجه بو کولکە طوبلانیور بوتون



خطوطيله ميدانه چيقيور ، يوص يوارلاق برشي اوليوردي . صوكره دها ياقلاشنجه قارني ، بوغازي ، بالديرلري هپ بردن آقوب كيدن بر مابيع كبي آچييوردي . او قدر فضله طويلايوردي كه هر آديم باشنده كواكه سي عادتاً تا قلا آتيوردي . طبق خيال پرده لرنده كي قره كوزه بگزييوردي . نهايت هوا غازي لامبه سندن اوزاقلاشنجه كواكه بويويور ، ديو كبي برشي اويور . بو كواكه نك يوزي كوزي اغاچلره اولره چاربه رق قيريله جقمش كبي بولوار بويجه اوزانيوردي . بو ، هم تحف هم ده قورقوج برشيدى . وجودينك بچمسزلكنى هيچ بر زمان شو دقيقه ده كي قدر لايقيه اكلایامامشدى . بو چيركين حاليه ار ككلري كئدينه جذب ايده جكميدى ؟ كواكه ده كنديني كورد كدن صوكره سسي قيصيلمشدى ، شمدي ككلر كبي بر طور ايله ار ككلرك آرقه سنده هر يلا انيوردي :

— موسيو ، بكا باقارميسكز...

وقت اپي كچيكمش اوله جقدى . محله نك بر آز اولكي نشئلى منظره سي بوزو لمشدى . لوقنطه ار قاپامش ، ايجرلرلرندن سرخوش سسلري ايشيديلن ميخانه لرده هوا غازلري قيزارمغه باشلامشدى . اكلنجه غوغايه ، دو كوشه منقلب اولمشدى . يرتيق اثوابلى ، ايري بويلي بر آدم بر باشقه سنه حايقرييور . « كيكلكر كي قيراجم ؛ كونكه حاضر اول ؟ » دييور . ميخانه نك قاپوي او كنده بر قادين عاشقه يله غوغايه طوتولش ، احق ، خنزير ديه باغير بر كن عاشق وي ره جك جواب بوله مايه رق ساده جه شو سوزي تكرار ايد ييوردي : « صوصه جقميسك قاري ؟ .. سرخوشاق شيمدي مفترس ، وحشي بر رنك آلمشدى . هر كس بر برينك اوستنه آتيلوب بوغارلايه جق كبي ايدى . يولدن نادر كچنلرك سيماسي صاپ صاري مختلج ايدى . بر آراق ايكي سرخوش آره سنده جدى بر غرغا چيقدى و چوق كچمه دن بريسي يره ييغيلويوردي . اوتنه كيسي آرقداشك حقندن كلديكني كورونجه طابانلري قالد يره رق قوشمغه باشلادى : بعضاً هپ بر اغزدن شرقى سويله يهرك طاقم طاقم انسانلر كجيور . براز صوكره شرقى سسلري طوره رق اورتيله بر سكون عارض اويور ، سكوت ايچنده هيچقرمه لر ، قالد يريمه دوشن سرخوشلرك سقوطلرندن چيقان سسلر ايشيد ييوردي . اساساً هراون بش كونده بر كره ياپيلان جنبش لر هپ بويله نتيجه له نيردي . او كيجه او قدر آلتى ساعت بلا فاصله چوق شراب ايجرلردى كه كنديلريني سواقاغه آتمق بر اختياج اولوردي . قالد يريمك اوستي يرير قوصونتي لرله طولار ، اولرينه دونمكه كچ قالمش رابطه لي انسانلر بو پسلكلره باطامق ايچون اوزرلرندن آتلامغه مجبور اولورلردى . طوغرويي بوتون محله باشدن اشاغى ماوث بر منظره آليردى . تنظيفات مأمورلري



اورتهانی سوپورمه دن اول بریابانجی کلوب بو حالی کورسه محله حقنده الله بیلیر  
به برباد برفکر ایدینه جکدی ! فقط شودقیقه ده بو محیط سرخوشلرک محیطی یدی،  
کندیله رینی حقیقی محیطلرنده بولان سرخوشلر اجنبیلرک بو پیس منظره دن نه فکر  
ایدینه جکلرینی دوشونموردلردی بيله ... شیمدی جیبلرده صاقلی طوران بجاقلر  
پارلامش، جنبش قانه بویامشدی. قادیلر خیزلی خیزلی یوریورلر، ارککلر قورت  
باقیشلریله طولاشیورلر، بوتون بو غلظتله حال اشپاعه کلن کیجه کیت کیده ظلمتله  
بوغولیوردی.

ژروهز، طولاشمقدن باشقه هیچ برفکر و مقصدی اولمفسزین متصل بر اشاغی  
بریوقاری کزینیوردی. بعضاً یورورکن اویقو باصدیریور، باجقلری اوستنده  
صاللانه رق اویویوردی. صوکره بردن ایرکیله رک کوزلرینی آچیور، اطرافنه  
باقنبور، اویقو ایچنده یوز آدیم ایلر بله مش اولدینی کورینیوردی. ده لیک دشیک  
قوندوره لری ایچنده آیقلری بویومش، کنیشله مشدی. او قدر یورغون، معده سی  
او قدر بوشدی که کنینه مالک دکادی. شودقیقه ده اونی مشغول ایدن یکانه دوشونجه  
شو ایدی: کنیدیسی بو حالد طولاشیرکن احتمال که قیزی اوله جق او چاقین نانا  
لوقنطه نك برنده استریدیه ایله قارنی طویوریوردی. یکانه دوشوندیکی شی بوایدی  
ویکانه طویدینی شی ده شیمدی به قدر هیچ کورمیدی مه لک بر شدتله صالديران  
کسکین بر صوغوق ایدی. اوح اولولر طویراق آلتنده نه راحتدرلر! اولر محقق  
بو قدر اوشوشلر! بودوشونجه ایله باشنی آغیر آغیر قالدیری، یوزی هوایه تماس  
ایدنجه بوزکی کسکین برشيله قارشیلانندی.

قار یاغیوردی. خفیف بر روزگارک اوکنده قاصیرغه کی دونن اینجه، کسکین  
بر قار کوک یوزینک دومانلی قوللری آره سندن اشاغی به دوکولدی. ذاتاً اوچ  
کوندن بری بوکا انتصار ایدیلیوردی. یاغمق ایچون تام زمانی بولمشدی.  
ژروهز بو ایلک بورانک تأثیریه کنیدیسی طویلایه رق خیزلی خیزلی یوروکه  
باشلادی. ارککلر قوشه رق اولره دونیورلردی هپسینک اوموزلرنده قاردن بیاض  
بر طبقه حاصل اولمشدی. بونلردن برینک اغاجلق آلتنه طوغری کلکده اولدینی  
کورونجه ژروهز یانه یاقلاشهرق:

— موسیو، بکا باقار میسکز...

دیدي. ارکک طوردی، ژرودزک نه دیدیکنی ایشتمه مشدر. یالکز آلی

اوزاته رق ژروهز دن صدقه ایسته دی.

— لطفاً بر صدقه ...



بر مدت باقیشدیلر . ژر وەز در حال طانییدی . کندیسندن صدقه دیله ن بوادم  
بابا برو ایدی .

بابا برو دیله نیور ، مادام قوپوده قالدیریلده سورونیوردی ! بر مدت قارش  
ارشی به ، متحیر ، طوردیلر . شو دقیقه ده ایکسی ده بر برینه آل اوزاته حق حاله  
کمشلردی . اختیار آدم بوتون کیجه سوقاقلری طولاشمش ، فقط کیمسه به یافلاشوب  
مرشی ایسته مکه جسارت ایده مه مشدی . ایلک طوردیروب صدقه ایسته دیکی انسان  
کندیسی کی آخلقدن کبرمک درجه سنه کیش بر پچاره ایدی . ریم بونه آحیقل  
شیدی ! الی سنه چانیشدقدن صوکره دیله نمکه محکوم اولمق ! محله مک اک صرفه  
چاشیرجیلرندن بری اولدینی حالده نهر کنارنده آچاغک کتیره جکی اولومی بکلمک !  
حالا باقیشیورلردی . بر مدت صوکره آیرلدیلر و هیچ بر کله تعاطی ایتمکسزین  
وزلرینی قامچیلایان قارک آلتنده هربری کندی یولندن اوز فلاشوب کیتدیلر .  
حقیقی بر قار فیرطنه سی باشلامشدی .

پارسک بومرتفع نقطه سنده . کنیش ساحه لردن ترکبایدن بو آحیقلق اراضیده  
نار صانکه سمانک درت گوشه سندن اوفوروله رک صاوورلمشجه سنه دونه دونه ،  
نجه برتوز حالنده دوشیوردی . او قدرکه اون آدیم ایلرینی کورمک ممکن دکلدی .  
محله اورته دن سیلینمشدی ، جاده کویا صوک سرخوشلرک ککیرتیلری اوستنه سکونک  
ییاض اورتوسی چکیلمش کی اولو بر حالده ایدی . ژر وەز حالا طورمه دن  
توریوردی . قط مشکلاته آدیم آتیوردی . کوزلری اوکنی کورمیوردی ، آدملری  
مادتا غائب اولمش ایدی . بولوندینی موقعی اکلایمق ایچون آلرله اغاچلری آراشدیریوردی .  
یلرله دجه هوا غازی لامبه لرینی هوانک صولغون رنگی ایچنده سچه بیلیردی .  
بولامبه لر قار فیرطینه سی آره سنده سونوک برر مشعله یی آ کدیریورلردی . بر مدت  
بویله یورودکن صوکره یولی بر بوش محله به چیقنجه لامبه لر کورونمز اولیور ،  
ووقت بولوندینی موقعی تعیین ایده جک بر اشارتدن ده محروم قاله رق قار قاصیرغه سی  
یچنده یوارلانوب کیدیوردی . ایاقلرینک آلتندن طوپراق قچیور کی ایدی .  
کول رنگلی دیوارلر آره سنده قایامش کی ایدی . بعضاً متردد بروضعینله طوره رق  
آرقه سنه دونیور ، بوقار و بوز طبقه سی آرقه سنده جاده لرینک بی پایان کنیشلکنی ،  
هوا غازی لامبه لرینک صیره صیره امتدادینی ، شیمدی درین اویقوسنده اویویان  
پارس شهرینک سیاه و بی نه یاه بوشلغنی کوریور ایدی .

ماژنتا و اورناتو بولوارلرینک شهر خارجه یدن بولوار ایله تلاق ایتدکلری  
نقطه به کلمشدی . بر آره لق یره اوزانوب یاتمنی دوشوندی . تام بو اثناده برایاق



سسی ایشیتدی. قوشمه باشلادی، فقط قار طوفانیدن اوکنی کوره میور، ایشتدیکی  
ایاق سسلری اوزاقلاشیور، بونک صاغدن می صولدن می کلدیکنی فرق ایدمه میوردی.  
نهایت سیس ایچنده مظلم و رقصان برکولکه کبی برار ککک کنیش اومورلرینی  
کوردی. آرتق بونی ممکن دکل براقایه جقدی، بهمه حال بو ارکیکی آله ایتکی  
ایسته یوردی. قوشه رق یتشدی و بلوزندن یاقه لایه رق؟

— موسیو، بکا باقارمیسکنز...

دیدى. ارکک دوندى. بو، غوژه ایدی.

امان یاربی؟ بونه طالعزلکدی! ژروه ز نه کنه ایشله مشدی که صوکنه قدر  
هپ بویله اشکنجه چکییوردی: غوژه نک آیاقلری آلتنه آتیلماق، اونک قارشیننه  
متفسخ بر ماده کبی چیقماق، بوصاپ صاری و نیازکار سیما یله اوکا آووچ آچق،  
اوف ایشته بوصوک ضربه اولمشدی! بوتصادف بر هوا غازی لامبه سنک آلتند.  
اولیور، قار اوستنه عکس ایدن عجیب الشکل کولکه سنک بر قاربقاتور حالنی آلدیغنی  
کورییوردی. غوژه مطلقا اونک سرخوش اولدیغنه حکم ایده جکدی. معده سنده  
نه بر لقمه اکمک، نه ده بر طاتلی شراب اولمادیغنی حالدده سرخوش تلقی ایدمک،  
یاربی بونه فنا طالعدی! مع مانیه قباحه کندیسنده دکلیدی؟ انه پاره کچدیکی  
زمانلر ایچوب سرخوش اولیورمیدی؟ طبیعیدیر که اونى بو حالدده کورهن غوژه  
عیش و نوش عالنده کیجه یی کچیردیکنه، سرخوش اولدیغنه حکم ایده جکدی.  
قارلر قرال صقالنه پارچه پارچه دوشرکن غوژه ژروه زک یوزینه باقییوردی.  
ژروه ز باشنی اکیلمش، کری کری چکیلمکه حاضر لانیوردی. غوژه طور دیره رق  
— کلکز!

دیدى و اوکده کندیسی یورودی. ژروه ز آرقه دن تعقیبه قویولدی. هیچ  
برکله تعاظمی ایتکسزین محله یی کچدیله. دیوارلرک کنارندن سسز صداسز  
یورییورلردی. غوژه ینه اسکی اوده تک باشنه اوطورییور، مخجوب و کدرلی  
برحیات سورییوردی.

شود دقیقه ده مجروح آرقداشک یانندن دونیوردی. اوه کلنجه قاپوی آچدی،  
برلامبه یاقدی، اوبونلری یاپارکن ژروه ز صدیونک صخلغنده بکییوردی. سانکه  
والده سی صاغ ایمش ده ایشتمسندن قورقیورمش کبی آلچاق برسسه:  
— کیریکنز!

دیدى. ایلک اوطه مادام غوژه نک اوطه سی ایدی. اوغلی والده سنه قارشى  
طویدیغنی حرمت ایجابنجه بو اوطه یه هیچ طوقونماش، قادین اولدیکی زمان نه حالدده



براقدی ایسه او یله جه محافظه ایتشدی . پنجره یاننده کی اسکمله نك اوستنده قادینك  
 کرکفی طور ییور ، بونك یاننده کی بویوک قولتوق اختیار دانتله جینك کلوب اوطورمسنی  
 بکله یورمش کی بر حس ویریوردی . یاتاق منتظم ایدی . او قدر که شیمدی صوک  
 ویقوسنی او یودینم مزاردن قالفوب کیجه یی چوجوغیله برانکده کچیرمک ایچون بورایه  
 لکسی قابل اولسه یاتاغنه کیروب پاته بیلیردی . اوطه نك ایچنده بر طوپلوق ، ای  
 ناموسکار بر رایحه واردی . غوژه دها یوکسك سسله بردها تکرار ایتدی :  
 — کیریکنز !

ژروهز ، مقدس بریره صوقولان بر کوچوک قیز طور یله ، قورقه رق کیردی .  
 بوژهنك یوزی صاپ صاری ایدی . اولمش آنه سنك اوطه سنه برقادین کتیردیکندن  
 بولایی بوتون وجودی تیره یوردی . ایاق سسلری ایشیدبله جکمش کی بر حجاب  
 یله پارمق لرینك اوجنه باصه رق اوطه یی کچدیله . غوژه ژروهزی کندی اوطه سنه  
 آنجه آرقه دن قاپوی کلیدله دی . بوراسی کندی اوطه سی ، کندی آوی ایدی .  
 روهز پنجره لرینه بیاض پرده لر آصیلمش ، بر گوشه سنه اوقاق بر دمیر قاربوله  
 ونلش اولان بو اوطه یی کورونجه طانییدی . یالکیز غوژه نك بر زمانلر مقاصله کسدیکی  
 سملر دیوارلره یاپیشدیرلمشدی . تا طاوانه قدر هر طرف رسمله طولو ایدی . ژروهز  
 تمیزلاک ایچنده یورومکه جسارت ایدمه بهرک لامبه نك اولدینی یردن اوزاقلاشمغه  
 غراشیوردی . غوژه بر آره اق حدتدن اونی یاقه لایه رق قوللری آره سنده پارچه لامق  
 سته دی . فقط ژروهز بی تاب وتوان ، میربلدانه نوعندن برسسه :

— اللهم ، امان اللهم !

دیئوردی . قوق کمورینك کوللریله طولو اولان صوبا حالا صیجاقدی . غوژه  
 رکن دونمک امید یله صوبانك اوکنه بر صحنه آیله یمکی قویمشدی . بومک حالا  
 براده طور ییوردی . صیجاغك تأثیر یله اعصابی کهوشه یی ژروهز هان یمکک اوستنه  
 تیله رق ایکی آیله قاپیشه قاییشه یمک ایسته یوردی . نه یاپسون ، مقاومت ایدمه یوردی .  
 بده سی پارچه لانیوردی . نهایت ایچنی چکهرک یمکه طوغرو اوزاندی . غوژه  
 کلامشدی . ات یمکنی سفره مک ارستنه قویدی ، بر دیلم اکمک کسدی ، بر قدحه  
 راب قویدی . ژروهز :

— مرسی ، مرسی دیئوردی ، اوح نه ایسکیز موسیو غوژه نه ای !  
 مکر ایدرم !

کله لر آغزندن دوکولیوردی . چتالی یاقه لادینی زمان پارمق لری اوقدر



تره یوردی که چتال آلدن دوشمشی . آچلقدن بوغولور، باشی اختیار انسانلر کی تره یوردی . چارناچار پارمق لریله یمکه مجبور اولدی . ایلک لقمه بی آغزینده آتار آتماز هیچ قیرمغه باشلادی . ایری یاش دامله لری یاناقلرندن آشغی آقهرق ا ککینی ایصلا تیوردی . برطرفدن ده یمکینی ییور ، کوز یاشلریله ایصلانان ا ککینی آچ کوزایلر کی تلاش ایله یوتیور ، چکه سنک اختلاجلری ایله قوتلی قوتلی نفس آلیوردی . یمک بوغازنده طور ماسون دییه غوژه اوکا زورله برقدح شراب ایچیردی . قدحی آغزینده کوتوردیکی زمان دیشلری غچیردیوردی .

برآره اق غوژه خفیف برسسه صورتی :

— ده ا کک ایسته ریمسکز ؟

ژروه ز آغلیور، گاه اوت دیور، گاه خایر دیور، نه ایسته دیکنی بیلمیوردی آچلقدن اولوم حالنه کلش برانسانک یمکه قاووشمسی نه قدر ایی ، فقط عینی زمانده نه قدر آجیقلی برشیدی !

غوژه ، اونک قارشیدنه کچمش ، آیاقده ، اونی تماشا ایدیوردی . لامبه در دوکولن ضیانک یاردیمیه شیمدی اونی لایقیله کوره بیلیوردی . زوالی قادیر نه قدر اختیارلامش ، نه قدر بوزولمشدی ! صیجاغک تأثیرله صاحبنده والسه سنده قارلر اریهرک آقیوردی . تترک باشنک اوستنده کی صاحبلر تمامیه آغارمش روزگار دن طارمه طاغنیق برحاله کلشدی . بونی اوموزلرینک ایچنه کومولش چوکوک چیرکین ، قابا ، حانطال ، خلاصه اغلانہ حق برحاله ایدی . غوژه او باقارکن اسکی زمانلری ، اونکله معاشقه لرینی ، اونک پنجه رنکته ، زنده وجودی بویننک اطرافنده ، کردانلق کی طوران طومبول اتلرینی خاطرلیوردی . اووقه غوژه ژروه زک قارشیدنه ساعتلرجه اوطورمقدن ذوق طویار ، اوکا کوز اوجیه متصل باقاردی . ده ها صوکره لری ژروه ز دمیرخانه ده غوژه بی زیارته کلیر ، غوژه اوجاغنک باشنده چکیجی اورسک اوستنه اورورکن ژروه ز اونی سیر ایدر بوراده ایکیمسی ده بی پایان برذوق طویارلردی ژروه زی شو دقیقه ده اولدینی او طه سنه کتیره بیلمک اشتیاقیه قاج کیجه لر یاصدیغنی ایصیرمش طورمشی ! او قارشى قلبنده او قدر قوتلی برارزو ، او یله شدید براحتراضی واردی که قولار آره سنه آله بیله مطلقا صیقه رق برطرفنی قیره جقدی . غوژه بوخیالات ایله مشغول ایکن ژروه ز ا ککینی بیترمشی . کوزلرندن ایری یاشلر آقهرق تهره ایچنده کی یمکه دوکولیوردی .

نهایت یمکینی بیترنجه آیاغه قالقدی . برمدت باشی اوکنه ا کیلمش ، نه یانه ج



ونه ایسته یه جگنی بیلمه یه رك او یله جه طور دی . صو کره غوژه نك كوزلرنده برلمه  
احتراض پارلادیغنی کورو نجه آانی کوملکنه کوتوره رك ایلک دوکمه یی چوزدی .  
فقط غوژه دیز چو کمش ، اونك آلارینی آلری ایچنه آلهرق طاتلی برسسله :

— بیلسه کز مادام قوپو ، دییوردی ، سزی نه قدر سویورم ! اوح اوت  
سویورم ، یمن ایدرم که حالا وهرشیته رغماً سویورم !

ژروه ز غوژه یی بویله دیز چو کمش کورنجه عقلنی غائب ایتدی :

— امان بونی سویله مه یك موسیو غوژه ! خایر بوسوزی سویله مه یك ، چونکه  
بوسوز بنی چوق مضطرب ایدیور .

غوژه بوندن صو کره حیاته کندیسی ایچون حس نامنه برشی قالدیغنی تکرار  
ایدیوردی . ژروه ز یأسندن نه یاپه جغنی بیله میوردی .

— خایر خایر ایسته مم . بوقدر محبوبیته تحمل ایده مه یه جگم . رجا ایدرم  
موسیو غوژه قالدکیز ، الله عشقنه قالدکیز !

غوژه قالدی . بوتون وجودی تتره یوردی . مهتر برسسله :

— مساعده ایدرمیسکیز ، دیدی ، سزی بر کره اوپه یم ؟

ژروه ز هیجان وحیرتدن او یله برحاله کلشیدی که سویله یه جک سوز بوله میوردی .  
باشی ایله اشارت ایدرمك اوت دیدی . او پك نه دیمك ؟ شو دقیقه ده بوس بوتون  
اونك ایدی . غوژه کندیسنه نه ایسته سه یاپه ییلیدی . حالبوکه غوژه ساده جه  
دودالارینی اوزاتقله اکتفا ایتدی .

— بوقدری الویریر مادام ژروه ز . بو بوسه ده بوتون دوستلغمز یاشایور ،

او یله دکلی ؟

آلنك اوستنده طوران برتل صاچی اوپدی . والده سی اوله لی بری کیمسه یی  
اوپه مشدی . اساساً حیاته دوست نامنه ژروه زدن باشقه کیمسه سی یوقدی .  
ژروه زی بویله جه حرمتله آلنددن او نجه کری کری چکیلهرك یاتاغنك اولدیغنی یره  
قدر کیتدی واوراده یاتاغنك اوستنه ییغیلهرك هیچقره اغلامغه باشلادی .  
ژروه ز بو منظره قارشیسندنده ده افضله طوره مایه جغنی اکلامشدی . ایکی وجود  
بربرینی سورکن بو شرائط داخلنده قارشیلانمق چوق آلم ، چوق تحمل فرسا برشیدی .  
— بنده سزی سویورم موسیو غوژه ! فقط اکلایورم که ممکن دکلدیر ،

آدیو موسیو غوژه آدیو ! بزم ایچون وداعدن باشقه یاپه جق برشی یوقدر ،  
بو حال بر آرز ده ا دوام ایدرسه ا یکیمزده بو غولورز ...

ژروه ز بوسوزلری حایقیریرجه سنه سویله یه رك قوشه قوشه مادام غوژه نك



اوپه سندن كچدى . بر آز صوكره سوقاقده بولونيوردى . كندينه كلديكى زمان  
 اوك قاپوسنه كيدەرك چنغراغك اپنى چكدى . قاپو آچىلدى . اوك ايچى قاب  
 قارا كلقدى . سانكه ماتمك ايچنه طالپورمش كى ايچرى كىردى . كيجه نك بوساعتنده  
 قاپو ، آچىق بر آغزى آ كدير يوردى . قيشله يه بكنزه ين بو كهنه بناده بر كوشه چكى  
 اولق وقتيله يكانه املى ايدى . اوزمانلر قولاقلىرى او قدر طيقالى ايدى كه بوديوارلرك  
 آرقه سنده خوردايان سفالتك ملعون موسيقيدىنى ايشيده ميوردى . بو بنايه كىردىكى  
 كوندن برى كندىنى طويلايه مامش ، هر كون بر پارچه دها سقوط ايتمىدى . بللى كه  
 بو عمله ياتاغى اولان اولرده ، بربرى اوستنه استيف ايدلمش كى او طور مق او غور سر  
 برشيدر . بواز دحام انسانى سفالت قولراسنه او غراتيور . بو كيجه ژروەز اويله ظن  
 ايدى يوردى كه بنانك ايچنده او طور انلر هپ كبر مشلردى . يالكر صاغ طرفدن قاپوچى  
 بوش ايله قارىسك خورواتولرىنى ايشيدى يوردى . صول طرفده لانتيه ايله ويرژىنى  
 صيچاقدن او يوشه رق كوزلى قابالى اويويان كدبلر كى بر سس چيقار يورلردى .  
 بنانك اولوسنه كلنجه كندىنى بر مزارلق ايچنه دوشمش صاندى ياغان قارلردن  
 اولونك اورته سنده بر مزلله حاصل اولمىدى . بنانك يوكسك جبهه لرى صولغون  
 براسه رايكه سمايه طوغرو يوكسليوردى . هيچ بر طرفده ايشيق يوقدى .  
 بوراسى طبقى قارا كلق بر سوقاغك اوجنى آ كدير مقده ايدى ، بنانك ايچندن برتك  
 نفس بيله ايشيدى يوردى . صوغوقدن و آچلقدن قاص قاتى قاهر ق قارلر آلتنه  
 كومولش بر كوى حسى وير يوردى . بوياجينك دكانندن چيقان صولرك حاصل  
 ايتدىكى قاره بر بريكنتى قارلرك بياضلىنى ايچنده چامورلى برياتاق منظره سى عرض  
 ايدى يوردى . ژروەز بونك اوستندن آتلامغه مجبور اولدى يوصو طبقى ذهنندن  
 كچن انديشه لر كى كىرلى و چامورلى ايدى . وقتيله بودوشه مه لر آچىق ماوى ، آچىق  
 پنبه رنكده ايدىلر !

قارا كلقدە آلتى قات مرديونى چيقاركن كولمكدن كندىنى آله ميوردى .  
 فقط بواويله چيركىن برقهقهه ايدى كه وجودينه اذا وير يوردى . بر زمانلر غايه  
 خيالى نه ايدى ، سكون ايچنده چالشمق ، دائما ييه جك برا كى بولونمق ،  
 فيوريلوب اويويه جنى تميز بر كوشه يه مالك اولق ، چوجوقلىرىنى اى بويوتك ،  
 طياق ييه مك و ياتاغنده اولك ! شيمدى بوخيا لك ساحه حقيقتده آلدىنى شكه  
 كوليوردى . نتيجه ، باق ، نه اولمىدى : چالشميور ، ييه جك شى بوله ميور ، پيسلك ايچنده  
 ياتيور ، قىزى سوقاقلرده طولاشيور ، قوجه سى بوتون كون او كا طياق آتيوردى . شيمدى  
 اونك ايچون كبروب كىتمكدن باشقه ياپه جق برشى قالمىدى . اوپه سنه كىر



کیرمن کنديسنى قالدیروب پنجره دن سوقاغه آتە بیلسه بوده اولوب بیتە جکدی .  
 اللهدن بوتون ایستدیکی طوپی طوپی سنه ده اوتوز بیک فرانق ایراد صاحبی اولق  
 و اطرافنده کیلردن حرمت و رعایت کورمکدی . حیاتده ایستە دیککز قدر متواضع  
 املار بیلە یککز ، عاقبتینه محرومیتدر . براقمه اکهک ، باشکزی صوقه جق برده لیک بیلە  
 بوله ماز سکز . بوتون انسانلره مقدر اولان عاقبت بودر . ژروه زبونلری دوشوندکجه ،  
 یکرمی سنه چالیشدق دن صوکره قیرده بر صیفیه یه چکیلوب سا کن بر حیات سورمک ایچون  
 بسله دیکی امللری خاطر لادکجه دها فضله کوله جکی طوتیوردی ، اوت قیرلره طوغرو  
 کیدیوردی ؛ فقط تخیل ایستدیکی یشیللا کلری پەرلاشه ز مزارلنک آغاجلرنده بوله جقدی .  
 اوطه سنه کیدن قوریدوره کیرنجه چیلغین کبی اولمشدی . باشی دونیوردی .  
 غوژیه ابدیاً وداع ایتمش اولمقدن متولد بر عذاب ایچنده قلبی ازیلیوردی . آرتق  
 هرشی بیتمشدی . بردها کوروشه میه جکلردی . بونی کوز اوکنه کتیرنجه نه قدر  
 فلاکتلی دوشونجه لری وارسه هپ بردن قفاسنه هجومه باشلادیلر . بیژارک اوطه سی  
 اوکندن کچرکن باشنی اوزاته رق ایچری باقدی . لالی اولمشدی . سہاسنده ایدی  
 براویقونک آغوش نازینه اوزانمش اولمقدن متولد بر بشارت واردی . مکرچو جوقلر  
 بویوکلردن دها طالعی ایمشله ؟ او آره لق مزارجی بابا بازوغک قاپو آره لغندن برضیا  
 کوروندی . ژروه ز لالی کبی اولومه قاووشمق آرزوسی ایله دیشلرینی غجیرداته رق  
 طوغروجه مزارجینک اوطه سنه کیردی .

اوکیجه بابا بازوغک حائنده فوق العاده بر شطارت واردی . او قدر ایچمشدی که  
 هوانک صوغوقلغنه رغماً یره اوزانمش ، خورلیوردی . بونکله برابر اویقوسنده  
 خوشجه بررؤیا کوریو اوللی ایدی که قارنک فیقرتیلرله کولیوردی . سوندیرمکی  
 اونوتدینی یاغ مومندن چیقان ضیا اسکی اثوابلرینی ، برکوشه ده یام یاصصی طوران  
 سیاه شاپقه سنی ، دیزلرینک اوستنه بر بورغان کبی اورتدیکی سیاه مانطوسنی تنویر  
 ایدیوردی .

ژروه ز اونک بو حانی کورنجه اویله برایکاتی قوپاردی که بابا بازوغ اویاندی :  
 — قاپوی قاپایک به ! اماده صوغوق کلور ها ! وای سزمیدسکز ؟ خیر  
 اوله نه وار ؟ برشی می ایستیورسکز ؟

بونک اوزرینه اللرینی اوزاته رق نه سویله دیکنک فرقنده اولقسزین ککه لهین  
 برسسله :

— اوف آرتق بیقدم ، دیدی ، بنی ده اوته کیلر کبی قالدیرک کوتورک !  
 اولک ایسته یورم ! سز بکا طارغیندیکز اما ، اونوتکز رجا ایدرم . اووقت بن



دنيادن بی خبردم . انسان اولومه حاضر اولمايچه بيله ميورکه ... اوت حقکيز وار ، برکون کلیورکه انسان اولومی سوه سوه ارزو ايديور . شو دقیقه ده بی اولومه قاووشدیریرسه کز سزه بيله کز نه قدر تشکر ایده جکم !...

بو اولوم ارزو سنک سمانه ویردیکی بر صارار تی ایله دیز چوکمش ، یالواری یوردی . عمرنده بر ارککک اوکنه بویه دیز چوکدیکنی بیل میوردی . بوزوق آغز بيله ، مزارلک طوپراقلرندن کیرله نمش دریسيله بابا بازوغک شیشکین چهره سی اوکا کونش کبی پارلاق و کوزل کورونیوردی . مع مافیه حالا اوزرندن اویقو سر سملکنی آته میان بابا بازوغ بونی لطیفه یه حمل ایديوردی .

— براق الله عشقنه ، الایک صیره سی دکل !

ژروه زدها حرارتلی بر افاده ایله یالواریمغه باشلادی :

— جدی س ویلیورم ، بی اولومه کوتوریکز . خاطر کزده می ، بر آقشام دیواری اورم شدم ده صوکره سزکلنجه بن اورمادم دیمشدم . اووقت نه قدر ابداللق ایتمشم ! فقط شیمدی هیچ ده ایله دکل . ایسته رسه کز الکزی اوزاتکنز ، باقکیز قورقارمییم ؟ بی ده طوپراق آلتنده کی اویقومه کوتورمک ایچون شو ایله بر یاقه لاییکز ، ایسته مه مک شو ایله طورسون قیلمه انمام بيله ... آه شیمدی یکانه املم بودر ، هم بونی بکا یاپارسه کز سزی اوقدر سوه جکم ، اوقدر سره جکم که .. بابا بازوق قادی نلره قارشی ملتفت بر آدمدی . کندیسنه بودرجه محبت کوسترن بر قادینی ایتوب قاققدن خوشلانمزدی . واقعا شیمدی اسکی کوزلاکی قالمامشدی ، مع مافیه قیزدینی زمانینه بعض طرفلری کوزل ایدی .

— حقکیز وار مادام قوپو ، دها بوکون او قادینی یرلرینه کوتوردم . بو اونلر ایچون ایله قورتولوشدی که اگر آلریندن کلسه یدی بکا بو یاپدیغم خدمتدن طولایی آدم عقللی بر بخشیش ویریرلردی . آتجق بوسنک دیدیکک شی ایله قولای قولای اولماز ...

ژروه ز متصل باغیر یوردی :

— خایر ، خایر ، بی کوتورک ؛ بن کیتک ، اولمک ایسته یورم .

— ایله اما ، کوتورمک ایچون اوفاجق بر عملیانه احتیاج وار . اولا

اولمک لازم !

دیلمی یوته جقمش کبی کندینی زورلادی . صوکره بوشابقینی خوش بوله رق اوده کولمکه باشلادی .

ژروه ز آغیر آغیر یردن قالقدی . مزارجی بيله اونک ایچون بر چاره



بوله میوردی. شاشقین شاشقین، اوطه سنه کیردی وقارتنی طویوردیغنه متأسف اوله رق صمان بیغتنک اوستنه آتیلدی. سفالت انسانی ظن اولوندیغنی قدر چابوق اولدوره میوردی،

### ۱۳

قوپو دهشتلی ایچمشدی. ایرتسی کون ژروہز، برشمندوفر اداره سنده ما کینستلک ایدن اوغلی آتیہنک کوندردیکی اون فراننی آلمشدی. آتیہن آنه سنک پاره سی اولمادیغنی بیلدیکی ایچون آره صره بشر فرائق کوندیریدی. ژروہز بونکله بر صمان یئک پشیره رک تک باشنه ییدی. ایرتسی کون بازار ایرتسی ایدی، ینه قوپو یوقدی. صالی کونی ده کله دی خلاصه بوتون هفته بویله کچدی. یابرقادین اوننی آلوب کوتوردی ایسه؟ طالع بو، اوله بیلیر آ!.. نهایت بازار کونی ژروہز مطبوع بر کاغد کتیردی. ژروہز بونی پولیسدن کلیور ظنیله ایلک اوکجه قورقدی، فقط صوکره قوجه سنک فنا لاشدیغنه دائر خسته خانه دن کوندیرلش براخبار ورقه سی اولدیننی آ کلائیجه تلاشی زائل اولدی. واقعا کاغده نازکانه بر لسان قوللانلشدی. آنجق نتیجه بو ایدی.

طوغروسی، ژروہز بو کاغد اوزرینه یرندن بیله قیلداغیادی. قوپو یولی بیلیمور دکل آ، کندی کندینه کله بیلیدی. خسته خانه ده اوننی قاچ دفعه بویله ای ایتمشلردی! ایشته بو سفرده قورتاریرلر، ایاق اوستنه قالدیریرلردی. ذاتا دها او صباح اکلاتدقلرینه باقیلیرسه قوپو سکز کون کیجه لی کوندوزلی ایچمش، مه بوطله برلکده محله نك نه قدر میخانه لری وارسه هپسینه کیروب چیقمشدی. بوتون بوجنبش لک، صرفی ده مه بوطا وده مشدی. اکلاشیلان اوده قاریسنک پاره سنه قانجه یی آتمشدی ژروہز بوا یکی حیلاز حریفک بر دقیقه حق اولسون کندیسنی خاطر لامادقلرینی، کوتوروب اوکا برقدجک اگرام ایلمدکلرینه آتش پوسکوریوردی. سکز کون کیجه لی کوندوزلی اکله نسونبرده اوتده برقادین بولوندیغنی خاطر لرینه کتیرمسونلر، بوهیچ کورلش شی میدر؟ مادام که تک باشنه ایچمشدی، شیمدی ده تک باشنه کبرسون، اومورنده دکلدی!

بازار ایرتسی افشامی، صباح دن قالمش بر پارچه فصولیله یئکی ایله بر مقدار شرابی واردی. ژروہز اشتها سنی کسکینله مک ایچون بر پارچه کزیمکله قرار ویردی. خسته خانه دن کلان اخبار ورقه سی قونصولک اوزرنده طور بیوردی، ژروہز بونی کوردکجه برجان



صیقندیسې طویووردی . قارلر اریمشدی . هوا طوکوک ، فقط لطیف ایدی .  
اورتهلده انسانه نشئه ویرن برحال واردی . ژروهز اوکلهیه طوغرو اودن چیقدی .  
چونکه خیلی دولاشه جقدی . پارسى باشند اشاغی قطع ایتک لازمدی . باجاغنگ  
حالی معلومدی ، انجق یتیشه بیلیردی . سوقاقلر غلبه لقدی . خسته خانه یه بشوش برسم  
ایله کیردی . اسمنی ویرنجه وقعیه یی اکلادیلر : قوپونی سن نهرندن چیقارمشلردی .  
کوپرونک قورقولغنی صاقاللی برآدم ظن ایتمش ، بوآدم اونک یولنی قاپاتیور صاعمش ،  
اوستنه آتیلمش ، نهره دوشمش ، پکی اما پون نوفده نه ایشی واردی ؟ پونی  
قوپویه صورمشلر ، اوده بیلمیوردی .

بر غاردیان ژروهزک اوکنه دوشدی ، خسته نک یاننه کوتوردی . مردیونی  
چیقارلرکن ژروهز قغوشک برندن ایشیتدیکی برفریاد ایله تترهدی . غاردیان :

— اماده موسیقه یاپیور ها !

دیدى . ژروهز صورتی :

— کیم ؟

— کیم اوله جق ؟ قوجه کز ... ایکی کوندن بری باغیروب طورییور .  
اوندن صوکره قالقپور دانس ایدیور ، کوره جکسکز یا !

حقیقه<sup>۱</sup> اونه منظره ایدی یاربى ! ژروهز حیرتدن طوکه قالدی . قوپونک  
بولوندیغی حجره نک دیوارلری باشند اشاغی قدرشیلته قاپلی ایدی . یرده بربری اوستنه  
قونلش ایکی وت مندر واردی . حجره نک برکوشه سنده برمندرله بر یاصدق  
طورییوردی . قوپو بوراده هم حایقیریور ، هم اوینایوردی . پارچه پارچه اولمش  
بلوزیله ، هواده صالایوب طوردینی اعضای وجودیله اوپله برحال کسب ایتشدی که  
باقنجه انسانک توپلری اورپیریور . بردانس که قادین یوقدی ، یالکز یاشنه بر  
قاوه لیه کندینی پنجره یه چارپیور ، اورادن کری دونیور ، قولارپله طوتیور ،  
آلرینی صانکه قیروب هرکسک صوراته فیلاته جقمش کبی صالییوردی . میخانه لرده  
بعض تحف انسانلره تصادف ایدیلر ، اونلر خلقی کولدورمک بونک تقلیدینی یاپارلر .  
انجق اونلرک یاپدینی فنا برتقلیدی ایدی . بونک جدیسی نه قدر شیق برشی اولدیغنی  
اکلامق ایچون شودقیقه ده قوپونک دانسنی کورملی ایدی .

قوپونک سویله دیکی شرقی ده کندینه مخصوص برشیدی . آغزینی آچهرق سسی  
قیصبق بر ترومبون کبی ساعتلرجه مدت قارناوال شرقیلرینی آ کدیران شیلر سویلر  
طوروردی . باغیرمسی طبق آیاغنه باصلمش برکوپکک حایقیرمسنی آ کدیریودى .  
ژروهزک وجودینی برقورقو قایللامشدی .



— امان یاربی ! نہ اولدی ، نہ سی وار ؟ ماضہ باشنہ بیاض اوکلکلی ،  
پنبہ یوزلی ؛ صاریشین صاجلی برکج دوقتور اطورمش ، نوط آلیوردی .  
قوپونک خستہ لنی نادر تصادف ایدیلنی نועدن ایدی . اونک ایچون دوقتور هیچ  
خستہ نک یانندن آیرلیوردی  
ژروہزک سؤالہ جواباً :

— آ کلامق ایستہ رسہ کز بر پارچہ اطوریکز ، دیدی ، یالکیز کورولتو  
ایتمہ ییکز . بر تجربہ ایدوب قونوشکز ، سزی طایاز .  
فی الحقیقہ قوپو قاریسنک فرقندہ دکلدی اوقدر پنیوردی کہ ژروہزک اوطہ یہ  
کیردیکنی بیلہ پک کورمہ مشدی . ژروہز تایانہ قدر یاقلاشوب یوزینہ باقنجه قوپو  
ہوادہ صاللانان قولارینی اشاغی ایندیردی . کوزلری قار چاماغی کی ایدی .  
دوداقری ہپ قابوق باغلامشدی . رجم ہونہ چہرہ ایدی : باشقہ بریردہ کورسہ یدی .  
طانیہ مازدی . ہودفعہ یوزینی چوق بوروشد بریوردی . فقط نہ دن بویلہ یادیفی  
بللی دکلدی . آغزی چارپیلش ، بورنی چوکمش ، یاناقلری چکیک ، خلاصہ  
بر حیوان یوزینہ بکزیوردی . درسی اوقدر صیجافدی کہ عادتاً دومان چبقیوردی .  
خلا سـورولش کی پارلایان یوزندن طاملہ طاملہ ایری تر دانہ لری آقیوردی .  
زحمتلہ دانس ایتدیکی ، باشنک قورشون کی آغیر اولدینی ، بوتون وجودندہ آغریلر  
طولاشدینی کور لیوردی ژروہز ، پارمغیلہ اسکملہ سنک آرقہ سنہ ارہرق  
بر شرقینک تمپوسنی طوتان دوقتورہ یافلاشدی .

— رجا ایدرم موسیو ، خستہ یی ناصل بولیورسکز ؟ یوقسہ بوسفر کی خستہ لاق  
جدی می ؟

دوقتور برشی سوبلہ مہرک سادہ جہ باشنی صاللامقلہ اکتفا ایتدی .

— ہپ بویلہ یوکسک پردہ دزمی باغیرر ؟ هیچ یاواش قونوشدینی اولمازمی ؟  
ایشیدییورمیسکز ، برشیلر سویلیور ، نہ دیور عجبا ؟  
کنج دوقتور میرلدانہ نوعندن برسسلہ :

— کوزینہ کوزونن شیلری سویلیور ... صوصکزدہ ایشیدہیم

دیدی ، قوپو غیر منتظم برسسلہ قونوشیوردی . معافیہ کوزلرندن نشئہ لی  
برلمہ پارلیوردی . گاہیرہ ، گاہ صاغہ ، بعضاً صولہ باقیور ، یورورکن طبق بر اورماندہ تنزہ



ایدنلر کبی بردن دونیور ، کندی کندینه سویله سویله نیوردی :

— باق بوراسی اعلا ! بو طرفده مینی مینی کوشکر وار ، عادتا برپنایری کبی ... موسیقه او قدر ایی دکل اما ... آی آی صاقصیلری قیریورلر ... آ باق لامبه لر یاندی ، هر طرف شنگل ایچنده ؛ هواده قیرمزی بالونلر وار ، کیمی صیچرایور ، کیمی قاچوب کیدیور ! امان اغاچلره نه قدرده چوق فنار آصیلیمش ، طوغروسی چوق کوزل شی ! چشمه لردن ، شلاله لردن ، هر طرفن صولر آقیور ... صویک زمزمه سی ، طبق برچوجو غک شرقی سویله مسی کبی ، او قدر لطیف ! هله شلاله لر ، بایله حق شی ! ...

دیرکن یاتا غنک اوستنده طوغرو لیور ، صانکه صولرک لطیف زمزمه لرینی دها ایی ایشیتمک ایسته یورمش کبی قولاق قاباتیور ، چشمه لردن آقان صولری ایچیورمش ظنیه هوایی قوقلیوردی چوق کچمه دن سیماسنه بر افاده غصه و الم کلدی . او وقت اکیلرک بوغوق وتهیدکار برسسله باغیرمغه ، حجره نك دیوارلری دپنده قوشدیرمغه باشلادی .

— ینه او خائیلر کلدی ! ذاتاً بن بیل یورددم یا ! صوصکنز آچاقلر ! اکلادم ، بنی صایم یورسکنز ... بنله آلا ی ایتک ایچون بویله ایچیور ، باغیروب چاغیریریورسکنز ... باق ب سزک کوشککزی باشکزه کچیره یمده آ کلایکنز ! ... اللهک بلالری ! صوصه جقمیسکنز یوقسه ...

یومروقلرینی صیقیوردی . بر آرهلوق بوغوق بر صیحه قوپاردی و قوشارکن یوز اوستی یاتیوردی . دهشتدن دیشلرینی غجیرداتهرق :

— هپ بونلری کندیمی اولدوریم دییه یاپیورسکنز ، دکلای ؟ خایر اولدورمه یه جکم ، کندیمی صویه آتمایه جنم ... بوصو بنم قلبسز لکمی کوستریور . خایر خایر ، نافله اوممایکنز کندیمی صویه آتمایه جنم ...

او قووالادینی زمان او کندن قاچان شلاله لر او کری کری چکیلنجه اوستنه طوغری کالییورلردی . بر آرهلوق طورهرق شاشقین شاشقین اطرافنه باقندی و پک ایی آ کلاشیله میان برسسله :

— ممکن دکل ، دیدی ، بوتون حکمت شناسلرینی بنم علیهمه قیشقیرتمشله .

ژروهز دو قتوره خطاباً :

— اللهه ایصارلادق دو قتور ، دیدی ، بن کیدیورم . ایچمه فنالق چو کیور ،

صوکره کایرم .

ژروهزک یوزی بم بیاض اولمشدی . قوپو حالاتک باشنه پنجره دن شیاته یه ،



شیلته دن پنجره یه دانس ایدیور ، تر دوکیور ، یوروایور ، قولارله هپ هواده تمپو طوتیوردی . ژروه ز اوطه دن طیشاری چیتدی . مرادیونک آلت باشنه قدر ایندیکی حالد قوجه سنک کورولتوسی قولالرن دن کیتمیوردی . سوقاغه چیقنجه کنیش برنفس آلدی ، اوح دنیا وار ایش !

او آقشام بناده هرکس قوپونک خسته لغنده کی غرابتن بحث ایدیوردی . او گونه قدر ژروه ز ایله آره لری هیچ ایی اولمایان قاپوجی بوش ایله قاریسی اونو سویله تهرک خسته لاق حقنده معلومات آلق ایچون او آقشام ژروه زی اوطه ینه دعوت ایتشلر . برقدح ایچکی ایچیرمشلردی . دیرکن مادام لوریو ، اونک آرقه سنده مادام پواسسون کلایلر . آرتق اوجانی بوجانی کلز بر دیدی قودی باشلادی . بوش وقتیه طانیدینی بر صرانغوزک حکایه سنی آکلادی . بو آدم آپسنت مراقیلیسی ایدی . کونک برنده سن مارتن جاده سنه چیرچیلاق فیلامش و پولقا اوینارکن ییقیلوب اولمادی . حکایه آجیقلی اولمقله برابر قادینلر بونی اوقدر تحف بولمشلردی که قهقهه دن قیریلیورلردی . معافیله خسته لگ نه اولدینی بر درلو آکلایه میورلردی . بونک اوزینه ژروه ز آتیه رق قوجه سنک ناصل صیچرادینی ناصل دانس ایتدیکنی ، یوزنده ناصل قورقونج اشمئزازلرپیدا اولدینی حکایه ایتدی . عین ایدیوردی که قوجه سی طبقی بویه یاپیوردی . بو حکایه حاضرونی حیرتله ایچنده براقدی . بردرلو اینانه میورلردی ؛ بر آدم بو دیدیکی طرزده حرکتله اوچ ساعتدن فضله طایانه مازدی . ژروه ز بوتون مقدساتنه عین ایده رک تأمین ایدیوردی که قوپو اوتوز آلتی ساعتدن بری بو حالد دوام ایدیور . اگر اینانمازلرسه کیدوب کوره بیلیرلردی . مادام لوریو تیمارخانه دن دها یکی دونمشدی ، برده های اورایه کیتمک ؟ الله کوسترمسون ... کندیسسی شویله طورسون ، قوجه سنی بیله کوندرمه یه جکدی . ایشلری کیتدجه بوزولمقله اولان ویرژینی حیاتک دائما شن برشی اولمادیغنی سویله یوردی . نهایت ایچکیلر ایچیلدی ، ژروه ز کیجه کز خیر اولسون دییه رک چکیلدی کیتدی . سوز سویله مدیکی زمانلر سیاسنه بر شاشقینلق کلیور ، کوزلرینی آچه رق باقیوردی . بویه دقیقه لرده خیالاً قوجه سنک دانس ایتدیکنی تماشا ایدردی . ایرتسی کون او یانجه خسته خانه یه کیتمه مکه قرار ویردی . هم کیتمکدن نه فائده واردی ؟ طوروب طوردینی یرده کندیسسی ده عقلنی غائب ایتک ایسته مزدی . بو قراری ویرمکه برابر هر اون دقیقه ده بر کره دوشونجه یه طالیور ، کندندن کچپوردی . اوکله اولنجه کندینی ضبط ایده مه دی . کندیسسی خسته خانه ده بکلین



آدمه قارشى قىلىنمىش قورقۇ ايلە قارىشىق ايلە بىر قورقۇ باردى كە يولك اوزونلغىنە باقمىيەرق چىقىدى .

خستە خانەيە كانجە قوجە سىنك نە حالە اولدىغىنى صورمەدن دىھا مىردىيۇن باشىندە قوپۇنك شىرقى سويلەين سىنى ايشىتىدى . يىنە اوھوا ، يىنە اوراقىس : كىندىنى سانىكە دون دىكل ، دىمىن ياندىن آيرىلىش دە تىكرار دونيورمىش ساندى . قورىدوردە اخلامور فىنجانلىرىنى طاشيان كىچە نوبتىجىسى ژروەزى كورونجە مەتبەسم بىر سىما ايلە كوز قىرپىدى . ژروەز صوردى :

— حالا اوحالەمى ؟

— غاردىان يولنە دوام ايدەرك ؛

— اوت ، او حالە !

دىدى . جىرەدن اىچرى كىرنجە قاپۇنك كىنارندە طوردى چۈنكىكە اوطە سىنك اىچىندە شىقەلىرى باردى . سارىشىن ساجلى ، پىنە يوزلى دوقتور اسكىمەسىنى دوكمە ايلەكنە نشان روزەتى طاغىلى ، سانسار صوراتلى . ساجسىز ، اختیار بىر آدمە ترك ايتىمىدى . بو آدم خستە خانەنك سىر طىببى ايدى . نظىرلى بۇرغۇ كى انسانە نفۇز ايدىيوردى . اساساً اولو تاجرلىرىنك ھېسەندە بوبائىش باردى .

مەمەفە ژروەز بوموسىيۇنى كورمىك اىچون كىلەمشدى ، اونك مقصدى قوپۇنى كورمىكىدى ، اونك اىچون سىر طىببىك اوموزلىرى اوستىندىن قوپۇيە يىە جىك كى باقىيوردى . بوقودوز خستە شىمىدى دونكىندىن دىھافىلە باغىرىيور ؛ دىھا خىزلى دانس ايدىيوردى . قوپۇ بىر زمانلر بالودە چاشىرخانە غارصونلىرىنك سىباحە قدر دانس ايتىدكلىرىنى كور- مىشى . فقط بىر آدمك بو قدر اوزون مدت سىچىرامقەدن ذوق طويە جىغى خاطرە كىتىرمە مىشى . سوز تەئىلى ، ذوق طويەق دىيوردى . يوقسە بىر باروت دەپوسى بۇتمىش كى سىچىرامقەدە اساساً ھىيىچ بىر ذوق اولامازدى . قوپۇ قان تىر اىچىندە ، وجودىدن دىھانلر چىقەرق دوام ايدىيوردى . باغىروب چاغىرمقەدن آغزى دىھا فىلە بويۇمش كى ايدى . شىلەتەدن پىجرەيە كىدە كىلە دوشمەنك اوزىرنەدە بىر يامىشىدى . اوت مىندىرك اوستى قوندىرەلرىنك سىر بەلەلە پارام پارچە اولمىشىدى .

حقىقەتەن بۇندە كورۇلمىكە لايىق ھىيىچ بىر كوزلك يوقدى . ژروەز قورقۇدون نىرەيور ، نەدن قالىقوب دە بۇرايە قدر كىلدىكىنى دوشونىيوردى . دون كىچە قاپۇجى بوشك اوطە سەندە آ كلاتىركىن كىندىسەنە « مبالغە ايدىيورسىك ! » دىمىشلىرىدى . خالبۇكە آ كلاتىلەلرى آنجىق حقىقەتكە يارىسى اولە بىلىردى . شىمىدى قوپۇنك اطوارىنى آدم عقللى كورە بىلىيوردى . آرتىق بۇ منظرە ھىيىچ عقلدىن چىقمىيە جىقدى . آرقىدە



بر کره سرطیبله دوقتور آره سنده کی محاوره نك بعض کله لری ایشید یوردی .  
خسته خانه دوقتوری قوپونك کیجه یی ناصل کچر دیکنی آ کلاتیوردی . ژروه ز  
بوراده قوللانیلان کله لرك معنا سندن بی خبردی خلاصه اوله رق شونی آ کلابه بیلمشدی که  
قوپو بوتون کیجه سویله نمش متصل طولاشمش طور مشدی . بر آره اق سرطیب  
کندیسنك اوراده بولوندیغنی کوروب ده خسته نك زوجہ سی اولدیغنی آ کلابه  
بر پولیس قومیسری طور یله استنطاقه باشلادی :

— بو آدمك باباسی ده ایچرمیدی ؟

— اوت ، هرکس کی اوده بر پارچه ایچردی . سرخوش بر کوننده طامدن  
بوو ارلانهرق اولمشدی .

— آنه سی ایچرمیدی ؟

— اوت اما ، هرکس قدر ، آره صیره برر قدح ... عائله سی پك ایی  
انسانلردی . برقار دونوشی کنج یاشنده حواله دن اولدی .

دوقتور نافذ نظر لرله ژروه زه باقیوردی . خشین سسیله بردها صوردی :

— سزده ایچرمیسکز ؟

ژروه ز کیکله مکله باشلادی ، ایچم دیکنی سویله دی ، آلی قلبنك اوستنه  
قویه رق تأمینات ویرمکه چالیشدی . دوقتور دوام ایتدی :

— ایچیورسکز ، ایچیورسکز .. کوزکزی آجکز ، باقکز ایچکی انسانی نه  
حاله قویور . کونك برنده سزده بویله اولور ، اوته کی دنیا یه کیدرسکز ...

بو سوز اوزرینه دیواره یایشمش کی قالدی . دوقتور آرقه سنی چو برمشدی .  
بر آره لق ، ردینغوتنك اتکلری اوت مندرک توزلریله کیرله نه جکنه دقت بیله  
ایتمه بهرک یره چومه لدی ، قوپو اولك یانندن کچدکجه وجودنده کی رعشه لری اوزون  
اوزادی به تدقیق ایدیور ، صوکره اوته یه کیدنجه آرقه سندن اوزون اوزادی به  
باقیوردی . اوکون قوپونك باجاقلری تتره یوردی . رعشه الارندن آیافلرینه اینمشدی  
وجودینك اوست طرفی طابق بر آغاچ کوکده سی کی دیم دیک طور ورکن آلر یله  
قوللری . ایپلری چکیلن بر قوقله کی اوینایوردی . علت یاواش یاواش هر طرفه  
سرایت ایتکه باشلامشدی . صانکه دریسنك آلتنده بر موسیق واردی . هراوچ  
درت دقیقه ده بر کره بو موسیق باشلایور ، بر مدت دوام ایدیور ، اوندن صکره  
طوریور ، ده صوکره قیشین قاپودیلر نده تیره شن کیسه سز کوپکلر کی قیسه رعشه لرله  
ینه باشلایوردی . شو دقیقه ده قارنی ایله اوموزلری برقاب ایچنده قاینامق اوزره اولان صر کی



اوينايوب طور يوردى . بو ، جداً تحف برانقراض ايدى ، غيديقلانان برقىز كې  
كوله كوله ، فيقردايه فيقردايه سونوب كيديوردى .

خسته بر طرفدن ده بوغوق بر سسله ايكله يوردى . بوكون دونه نسلته دها  
چوق مضطرب اولدنى اكلاش يوردى . فاصله لى ايكلتيلرندن چكديكى اضطرابى  
اكلامق ممكن ايدى . صانكه بيكلرجه ايكنه هر طرفنه باطيرور كې ايدى . وجودينك  
اوستندن آغير جسملر كچديكنى حس ايدى يوردى . عادتاً صوغوق و ايضلاق  
بر حيوان وجودنده طولاشه رق ديشلرني دريسنك ايچنه باطيرور ايدى . ديركن  
باشقه حيوانلر ، بوسفر اوموزلرينه ياپيشه رق اونى ايصير يورلردى .

بر آرهلق حايقيرمغه باشلادى :

— صو ، صو ! صوصادم ، صو ويريكز !

خسته خانهك دوقتورى ماصه اوستنده طوران ليوناطه چناغنى آلهرق خسته يه  
اوزاتدى . قوپو چناغنى ايكي آيله ياقه لادى ، بر يودوم ايچدى ، آغزينه كيرهن  
ليوناطهك ياريسى اوستنه دو كولدى ، اوتكه كى ياريسى حدتلى برطور ايله آغزندن  
چيقاره رق تو كوردى :

— اللهك بلاسى ، بوصو دكل ، راقى !

اووقت دوقتور ، سر طيبك بر اشارتى اوزرينه صراحيدن صو آلهرق خسته يه  
ايچيردى . خسته صوينى يوتدقدن صو كره صانكه آتش يوتمشجه سنه باغيرمغه باشلادى :

— بوده راقى ، بوده راقى !

دوندن برى هر ايچديكنى راقى ظن ايدى يوردى . بو وهم ايله صو احتياجى  
برقات دها آرتيور ، فقط بوغازندن كچن هر طامله اونى آتش كې ياقدينى ايچون  
برشى ايچه ميوردى . بر آرهلق چوربا كتيرديلر . بونى ده زاپ ياغى صاندى و كنديسى  
زهرا له مك ايسته دكلرينه ذاهب اولدى . اككى اكشى وبوزوق بوليور ، هر شيده  
زهرا كور يوردى . ياتدينى حجره اونك يوزينه هپ كو كرت قوق يوردى . كنديسى  
زهرا له مك ايچون بورنك ديبنده بر چوق كبريتلر ياقيورلر ظننه دوشمىدى .

يره چومه لش اولان دوقتور آياغه قالدى ؛ كوپه كوندوز خيالتر كورمكه  
باشلامش اولان قوپونك سويله دكلرينى ديكه يوردى . قوپونك كوزينه ديوارلرده  
واپور يلكنلرى قدر بويوك اورومجكلر كورونيوردى . بو اورومجكلر ياواش ياواش  
برر آغ اوليور ، تحف بر اويونچاق كې كاه اوزانيور ، كاه قيصال يوردى . بو  
آذك اوركولرى ايچنده حقه باز طوپارلاقلىر جمنده سياه يوارلاقلىر دولاشيوردى  
بو يوارلاقلىر ايلك او كجه چوجوقلر كى زيب زيب طاشلرلى قدر اوراق ، صو كره



گولله قدر بويوك ابدى . گاه شيشوب بويويورلر ، گاه ضعيفله يوب اوفاليورلردى .  
هپ بونلراونى قيزديرمقايچون اوليوردى .  
بر آردلق حايقيردى :

— آى شيمدى ده فاره لر چيقدى ! بو ساعته اولورمى جانم ؟  
يوارلاقلر فاره اولمشدى . بو مردار حيوانلر بويويور ، آغك اوركولرى  
آره سنان كچيور ، مندرك اوستندن آتلايور ، اوراده بخاره منقلب اوله رق  
اوچيوردى . عيني زمانده ديواردن بر مایمون چيقدیغنى ، بو مایمونك بر دفعه  
كنديسنه ياقلاشدقن صوكره تكرار ديواره كيره رك غائب اولديغنى كورييوردى .  
مايمون اوكا او قدر ياقلاشيوردى كه بورتنى ايصيرماسون ديه يوزى چككه مجبور  
وليووردى . چوق كچه دن بو خيالت ده ده كيشدى . شيمدى ديوارلر يرندن اوينامغه  
باشلامشدى . بونى كورونجه قوپو خوف ودهشتدن بوغولوركى اولمشدى :

— آى آى ، اوستمه ييقيليور ! امان بونلرى اوزرمدن آلكر . اوطه  
باشمه كچيور ! چاكلر چالينسون ! ارغنونلر باشلاسون ، يوقسه عيكري امداده  
چاغيره جغم ! ملعون حريفلر ، ديوارك آرقه سنه بر ماكنه قويملر ، اوستمه  
ييقيورلر ! ناه اشته ، ايشيديورم ؛ نرده ايسه ماكنه ايشله يه جك ، هپ بردن  
هوايه اوچه جغز ! يانغين وار ! يانغين وار هر كس يانغين ديه باغيريور ! اشته  
اورته لق آيدىنلاندى ! كوك يوزى طوتوشيور ، باق قرمزى ، بشيل ، صارى آتشلر !  
امداد ، امداد ! يانغين وار !

بو فريادلر كيت كیده بر خريلقى به منقلب اولمشدى . شيمدى دوداقلرندن صوكى  
كله ين تك توك كله لر چيقيور ، آغزى كوپورييور ، چكه سنه صاليه لر آقييوردى .  
سر طبيب بوخيم حادثه قارشيسنده ، غالبا اسكى براعتياده تبعاً ، پارمغيله بورتنى  
قاشيوردى . بر آره لق خسته خانه لك دوقتورينه دونه رك حفيف برسسه صوردى :

— نحرارت حالا قرقمى ؟

— اوت افندم !

سر طبيب يوزى بوروشديردى وكوزلرني قوپويه ديكره ك بو وضعيته اون  
دقيقه قدر قالدى . صوكره اوموزلرني قالديره رق تعليمات ويردى :

— عيني علاجلره دوام ؛ ات صويى ، سوت ، ليوناظه ، قينه قينه خلاصه ...  
يانندن آيرلمايكر ، ايجاب ايدرسه بنى چاغيريكر .

چيقدى ، ژروهمزده آرقه سندن تعقيب ايتدى . مقصدي خسته ده براميد اولوب  
اولماديغنى صورمقدى . ففط دوقتور قوريدورده اويله سرت وديك يورييوردي كه



ياڭنە ياقلاشمىغە جىسارت ايدەمدى . طوردى ، قوپونك اولدىنى جىرەيە كىروب  
كىرمە مكدە تردد ايدىيوردى . دىمدن برى كوردكلرى اونى فنا حالە اور كوتەشدى .  
او آرەلق تىكرار قوپونك سىنى ايشىتىدى : دوقتورك وىردىكى لىوناپەي راقى دىيە  
ايچىيوردى . ژرودىز بومنظرەي تىكرار كورمكە قاتلانە مابە جقدى ، اوطەيە كىرمەدن  
چىقدى كىتدى . سوقاقدە حيوانلرك قوشملىرىنى ، آرابەلرك كورولتوسنى ايشىتىدكە  
سانكە بوتون خستە خانە آرقەلردن اونى تعقيب ايدىيورمىش ظن ايدىيوردى . يا او  
دوقتورك سورلرى ؟ بوندن بوسبوتون قورقمىشدى ! دوقتورك حقى واردى ، كىندىسى دە  
وجودندە برخستەلق طويغە باشلامىشدى .

اۋە كەلدىكى زماڭ قاپوجى بوش ، قارىسى ، سوكرە اوتە كىلر . ھې  
كىندىسى بىچە ئورلردى . قاپودى كوروچە چاغىردىر نە وارە بوق ؟ قوپو حالا  
ياشايورمى دىيە صوردىلر . ژرودىز جواب وىردى : اوت ياشايوردى . بوش  
بو جوابدىن خىرتىر ايچندە قەلدى . قوپو بو اوشامى چىقارماز دىيە برىتەر رقىيە  
بجشە ط توشمىشدى . دىمك حالا ياشايوردى ھا ؟ ھەكس آلارىيە يەنرىنە اورەرق  
اظھار خىرت ايدىيورلردى نەدە طيانقى شىيش ياھو ! مادام لورىو حساب  
اتمكە باشلادى . اوئوز اتى ساعىت يىكرمى دىرت دەھا ، ايتدى التمس ساعىت !  
آلتىش ساعىتدىن برى الى قولنى ساللايور ، آلتىش ساعىتدىن متصل بىغىروب طورىيورده  
حالا اوليور ھا ! بونك كىيسى كورولمىش شى دكەلدى . نىچى عائب ايتدىكەنە جانى  
صىقلان قاپوجى بوش شەھە ايچندە ايدى : ژرودىزى صىقىشدىر ييور ، صافىن سىز  
خستە خانەدىن چىدار چىقماز صوك نىسى وىرمىش اولماسون ، بوندن امىنىمىسكز  
دىيوردى ژرودىز تامين ايدىيوردى : او قدر صاغلام زىپلايوردى كە ھىچ  
اولەجكە بىكزەمىيوردى . بونك اوزرىنە بوش اصرار ايتدى ، خستەنك تىقلىدى  
ياپىنى ايسەتەدى . بو آرزويە اوتە كىلردە اشتراك ايتدىلر . ھايدى جام حاطر  
قىرمايكز دىدىلر . دون قوجە سىنك تىقلىدىنى ياپاركن بو منظرەنى كورمەين قومشولردن  
ايكى قادىن شىمدى بالخاصە بونى كورمك ايچون كەشلىردى . قاپوجى بوش ، اورادە  
حاضر بولونانلرە كىنارە چكىنملىرىنى تىبە ايتدى ، ھەكسى مىراق صارەشدى ، ايتىشە  
قائىشە يول چىدىلر ، اوطەنك اورنەسى برمىدان كې كىنىشلەدى . اونلر بو حاضرلىق ايلە  
مشغول ايكن ژرودىز باشنى او كىنە كەش ، دوشونىيوردى . شىمدى ايچە قورقوچو كەشدى ،  
كىندىسى خستە دوشمىكدن قورقىيوردى . مع مافىيە بوقدر اصرارە قارشى ناز ايدىيورمىش كې  
كورونەمك ايچون اوراق برقاچ صىچىرامە ايلە قوپونك تىقلىدىنى ياپىغە قويولدى .  
فقط چوق كچمەدن اوستىنە برفئالى كەلدى ، آرقەيە طوغرو كىلدى ، مەكەن دكل



ياپه مایه حقدی . حاضر و ن آره سنده خشنود سزانی کوسنن بر میرانی باشلادی :  
 یازیق دگلی ، او قدرانی تقلید ایدیوردی که ... فقط نه چاره ، مادام که یاپه میوردی ..  
 حاضر بولونانلردن ویرژنی دکانه دونمشدی . کریده قالانلر قوپوی او نوتهرق  
 ویرژنی موضوع بحث ایتکه قویلدیلر . آرتق اونکده ایشی برباد دیورلردی  
 دها دون مباشرلر جز ایچون کلشیلردی ، قوجه سی آئنده کی مأموریتی غائب ایتک  
 اوزره ایدی . لانتیه یه کلنجه ، او آرتق ویرژنی براقش ، یانده کی لوقنطه ده  
 چالیشان بر قیزک پشنده طولاشیوردی . قیز پارلاق برشیدی ، یاقینده بر اشکمه جی  
 دکانی آچه جغنی سویلیوردی . آلا ی ایدیورلر ، ویرژینک براقه جغنی دکانه شیمدی ده  
 بر اشکمه جی یرلشه جک دیورلردی . لانتیه ایچون شکرلده دن صوکره ، یاغلی  
 پارچه لره صیره کلشیدی .

یکی اما بو ویرژینک قوجوسی اوله جق حریف اؤینک ایچنده اولوب بیتن  
 شیلری کور میورمی ؟ طوغروسی حریفک حوصله سی چوق کنیش ! وظیفه سی ایجابی  
 بو قبیل ایشلری کورمه که آلیشیق اوللی ایدی ، حالبوکه کندی اؤینک ایچنده  
 احقلاشیور . بو دیدی قودی حرارتله دوام ایدوب طورورکن بر آره لق صوصدیله :  
 اوطه نک بر کوشه سند ژروه ز قوپونک تقلیدینی یاپیور ، آلا رخی آیانلرخی تیره تیوردی .  
 هپ بردن باغریشدیلر : براوو ، براوو ! هاه ایسته ایسته دکاری بو قدر حقدی .  
 تقلیدینی یاپوب بیتدکن صوکره ژروه ز اوطه دن - یقدی ، بلکه اویویه بیلیرم دییه  
 ایرتسی کونی قاپوجی بوش ایله قاریسی اونی خسته خانه یه کیتک اوزره قاپودن  
 چیقارکن توردیلر ، اوراده خوشجه بر وقت کچیرمسنی تخی ایتدیلر . فقط ژروه ز  
 خسته خانه ده قوپوی ینه باغیروب چاغیریر بولدی ، ینه اوکجه لرله دوشه مه لری دوکوب  
 طور ییوردی . اساساً هر دیونک اورته سندن اونک کورولتوسنی ایشیتمه شدی .  
 قوپو حایقیریوردی :

— آی شیمدی ده تحته قورولری چیقدی ! ملعون حیوانلر ، کلک ده کی کارکزی  
 قیرایم بللی ، مقصدکن اوزر مه هجوم ایدوب بی اولدورمکدر . ققط بن سزک  
 هیکزدن دها کوجلی قوتلیم بونی بیلیمور میسکنز ؟ هایدی دفع اولک بورادن ،  
 اللهک بلالری .

ژروه ز بر مدت قاپو اوکنده طوردی . یورغون یورغون نفس آلیوردی .  
 دیک قوجه سی ایچریده بر اردو ایله حرب ایدیوردی . ایچری کیردیکی زمان



مخيل تحته قورولريله غوغاسى قيزيشمىدى . خلاصه قوپو آزغين بردلى ، برتیارخانه قاچغنى اولمىدى . جره نك ايچنده چيرپينيور ، آلاريله ديوارلر ، دوشمه لرى ، كنديسى دوكيور ، طاقلاق آتيور ، بوشلغه يوسروق صاوورييوردى . بعضاً پنجره يى آچق ايسته يور ، صوكره چكيله رك مدافعه وضعيتى آليور ، سسله نيور ، جواب ويرييوردى . بر آره لق ژروه ز اونك اوضاعنه باقه رق قوپويى برزمانلر اولديني كېي طام كنارنده ، صو اولوقلرينى لهمله مكله مشغول صاندى .

في الحقيقه قوپو آغزيله صيچاق لهمك اوستنه اوفليور ، اوجاگك ايچنده دمير ماشه يى قاريشديرييور ، ديز چوكه رك طبقى برصو اولوغنى لهمله مه نك تقليدينى ياپه رق پارمغنى اوت مندرك كنارلرنده كزد ييوردى . اوت اسكى صنعتنى خاطرلييوردى ، حياته وداع ايتديكى شو صيره ده عقلى فكري او صنعتله مشغول ايدى . باغيروب چاغيرمسنه ، طام اوستنه صيم صيقي ياپيشوب طورمسنه سببده كنديسىنى ايشنده كوچنده راحت برقاملرى ايدى . جوارده كى طاملك هپسنده بر طاقم آدملىر اوني راحتسز ايدوب طورلييورلدى . ساده اورادن راحتسز ايتسه لر نه ايسه نه ، فضله اوله رق باجالرينك آره سنه برچوق فاره لر كونديرييورلدى . آه بومردار حيوانلر ، هيچ كوزينك اوكندن كيتميو لردى . اياقلىرينك بوتون قوتيله يره اوره رق بونلرى متصل آزوب اولدوردىكى حاليه ينه بيتوب توكنمك بيلمه يورلر ، طاملردن سورو سورو كليورلردى . يا اورومجكلر ؟ اونلرده پانطولونك ايچنه كيرمشلر ، طولاشيورلردى . بر آره لق بونلردن بردانه سنى اولدورمك ايچون پانطولونك قوشاغنى آدم عقللى صيقدى . هاى الله بلالرينى وىرسون ! زواللىنى بر دقيقه راحت برافييوردى كه ... ايشته قوجه كون هدر اولدى كيتمى ، دها ياپه جق بو قدر ايش وار ... ايسته ريمسكز اقشام اوستى اوسته سى اونك تبالاكنه قيزه رق يول وىرسون ! بوم الله ايله آلنى عجله طوتدى وقارنك ايچنده برتجار ما كنه سى وارمش قياس ايدهرك آغزىنى آچدى ، صولومغه باشلادى ، طبقى ما كنه لك باجالرندن چيقا دومانلر كېي آغزىنك ايچندن سياه بردومان چيقه رق جره نك ايچنى طولديردىغنى كورييوردى . بو دومان اوطه نك ايچنه صيغه مايه رق پنجره دن طيشارى چيقيور ، قيورانيور ، كوك بوزينه يوكسليور ، نهايت كوشى قاپاييوردى .

بر آره لق حايقيردى :

— آي باقكز ، جاده ده كى خلق اولمش ... برسورو آي سوقاقده طولاشوب

طورلييور ...

سوقاقده كچن بر آلايى بر طامك ته سندن سپر ايدن انسانلر كېي پنجره نك



اوگنده اويوشمش قالمشدى .

— آي آي آرسلانلار بافك ! آمان صيرتلانلارده وار ، باق باق صوراتلرني بوروشدير يورلر ! نه او اويله ، كدى كوپك قىلغنه كيرمش شيلر ؟ (فله مانس) ي كورييورميسكز ؟ شاپقه سنده بر قوجاق توي وار . واي شيطان قيز واي ، طاقلاق آنيور ، بوتون باجاقلري بالديرلري كورونيور ... هي حريفلر ! صاقين اوكا آل سورهم ديمه يكلر ها ، نه چكيورسكز اويله ؟ چكمه يك به !

سسى كيتدكجه يوكسليور ، كيتدكجه بوغوق و مدهش بر طور آليوردى . بر آرهلق بو سس آلچاليور ، سوقاقده قيرمزي پانطولونلى بر طاقم آدملىك كنديسنه نفنكلريني توجيه ايدهرك نشان آلدقلىني سويلييور ، ديواردن بر طبانجه نك ناماوسى كو كسسه متوجه اولديغنى كورييور ، بوتون خلق كنديسنك آلندن قله مانسى آلفه كليور ظن ايديوردى .

چكمه تتيكي ! آتما !

ديركن اولرك ييتلديغنى كورييور ، بوتون بر محله نك چوكديكنى آكلتان سسلر چيقاريوردى . نهايت بوتون بونلر بر آنده بخاره منقلب اوله رق اورته دن غائب اوليوردى . نفس آلفه وقت قالمه دن بونلري باشقه منظره لر تعقيب ايدييور ، بوتون بو مناظر خارق العاده بر سرعتله او كندن كچيوردى . قونوشمق ، سويله مك ايسته يور ، كله لر بواحتياجك تضيق آغزينك ايچنى طوليدييور وبوغازنده بربرينه قارشه رق پريشان برحاله دوداقلرندن دو كوليوردى كيتدكجه سسى يوكسليوردى : — آي سنميسك ؟ بو نثور ! براق الله عشقنه لطيفه نك صيره سى دكل ، بكا صاحبلكي يديرمكدن صانكه نه چيقار ؟

آيله يوزيني اورتيور ، آغزينك ايچنه قيل كيرمسون ديه اوفليوردى . او آرهلق خسته خانه نك دوكتورى صوردى :

— كيمي كورييورسكز ؟

— كيمي اوله جق ؟ قاريمى !

آرقه سنى ژروهه چويرمش ، ديواره باقيوردى . ژروهه برقرر قويه طوتوله رق اوده عجا كنديمى كورورمى يم ديه ديواره باقدى . قوپو متصل سويله نيوردى :

— بني قانديرمغه قانديشه يم ديه ! ... باغلانمى هيچ ايسته مم ... لكن بوك ن نه ده كوزلا لك وار ! او قدر شيق كينمشسك كه ... اينك قارى ، بونلري نردن قازاندك ، شاپقه ديه بكا ته ك ... ك ... ك ...



آرقه کده صاقلاما ! باقمه کیمدر او ؟ اکیل آزیجقده کورهیم ! ها شویله ، آی  
ینه اومی ؟

ومدهش بر حمله ایله صیچرایهرق قفاسنی شدتله دیواره چارپدی . آنجق  
دیوار شیلته قاپلی اولدینی ایچون صدمه نك سسی ایشیدله دی .  
بو حمله او قدر شدتلی اولمادی که عکس العملیه کری کله نك اوت مندرک اوستنه  
یووارلاندی .

دوقتور تکرار صورتی :

— کیمی کوریورسکز ؟

— کیمی اولاجق ؟ لانتیه یی !

بو سفر دوقتور ژروه زه لانتیه کیم اولدینی صورتی . ژروه ز ویره جک بر  
جواب بوله میوردی ، چونکه بو صوک صحنه اونده ماضیستک بوتون ألم خاطره لرینی  
ایاقلاندرمشدی . ککه له مکه باشلادی . قوپو یومروقلرینی صیقمش ، هجوم وضعیتنه  
طور یوردی .

— هایدی باقمه لانتیه ، سنکله باش باشه قالدق ، سنک وجودکی قالدیرملی ...  
آرتق بنی هیچ صایمورسک ، قولکه او قاری یی طاقش کلیورسک اویله می ؟ باق  
بن سنک غیرتلاغکی صیقه می ده او وقت آ کلارسک ! ...

یومروقلرینی هواده صالیوردی . دیرکن بردن بره فنا لاشدی ، کری کری  
چکیلدیکی صیره ده آرقه سی دیواره چارپدینی ایچون اتکلرندن بریسی چکیور صاندی ،  
دوندی ، دیوارده کی شیلته به صالدیردی . صیچرایور ، برکوشدن اوته کنه آتلیور ،  
قارتی دوکیور ، یانلرینه اوریور ، اوموزلرینه چارپیور ، یره یووارلانیور ،  
تکرار ایاغه قالیور ، کیمکاری یوموشایور ، اتلرندن ایصلاق بر قیتیق ییغینی کبی  
سسار چیقیوردی . برطرفدن بویله آلر یله ، بوتون وجودیله خصمنه هجوم ایدیور  
کبی وضعیتلر آلیرکن دیگر طرفدن غیرتلاغندن وحشی سسلر چیقاریوردی . چونکه  
نفسی قیصالیور ، کوزلری چشم خانه لرندن طیشاری فیرووردی . کیت کیده اوستنه  
برچوجوق درمانسزانی کلمک اوزره ایدی :

— قاتل وار ، قاتل وار ! دفع اولک بورادن جانلیر ! ایکی کزده دفع اولک  
کیدک ! سردارلره باقک ، قارشیمده طورمش آلا ی ایدیورلر ! هله او قاری  
یوق می ، اشته او مطلقا کبرملی ، باشقه چاره یوق ... حیدود حریف ، شیمدی ده  
قادیخی می بوغازلیورسک ؟ آی آی ، بیچاقله قادینک قابورغه سنی کس-یور ! آی



آی قارنى ايکى يه آيىردى ، باق هر طرف قانايچىنده ! امان اللهه ، امان امان اللهه !...

يوزى كوزى قان تر ايچىنده ، صاچلىرى هوايه قانمش ، مخوف ومتهش ، خيالاً كوردىكى قورقونچ صحنه يى سىر ايتك ايسته يورجه سنه قولارنى خيزلى خيزلى صالايهرق كرى كرى چكىليوردى . بر آره لق ايکى كسكىن فرياد قوپاره رق مندره يوز اوستى دوشىويردى ژروەز آلارنى قاووشد يره رق دوقتوره سسلاىندى :

— أفندى ، أفندى ، اولدى !

دوقتور ياتلاشه رق قوپوي شيلته نك اوستنه ياتيردى . خاير ، اولمه مشدى . قوندوره لىنى چيقاردىلر ، آياقلىرى شيلته دن طيشارى طاشمشدى . شيمدى چيلاق آياقلىرى قيصة ، منتظم وسريع حركىتلرله رقص ايدىيورلردى .

تام بو ائشاده سر طيب كيردى . ياننده ، كنديسى كى كوكسلرنده نشان روزه تى بولونان ايکى دوقتور دها كيرمشدى . بونلرك برى ضعيف ، ديكرى شيشماندى . اوچى ده خسته نك اوستنه ا كيلمشلر ، هيچ برشى سويله مكسزىن معاييه ايدىيورلردى . بر آرز صوكره آلچاق سسلا خيزلى خيزلى قونوشمغه باشلادىلر . قوپوي باشندن بالديرلرینه قدر صويمشلردى . ژروەز ، اولدىنى يردن پارمقلىرىنك اوجنه باصوب يوكسله رك قوجه سىنك چيلاق وجودىنى سىر ايدىيوردى . رعشه قوللردن اشاغى اينمش ، باجاقلىرىدن يوقارى چيقمش ، شيمدى كوكده تتره يوردى . قوقله نك ساده قارنى اوينا يوردى . صانكه كولسكدن قيريليور مشجه سنه ياللىرى فيقىر فيقىر قاينا يوردى . بوراده هيچ بر نقطه يوقدى كه حركت ايتمه سون ! عضلات قارشىلقلى رقص ايدىيور ، وجودى طوقاقله اورولان بو ترامپته كى تتره يوردى . وجودك بوتون قلبلىرى يكديكرلىرى سلاملامق ايچون ا كيله رك والس ايدىيورلردى . هانى بالولرده صوكره طوغرو بوتون چيفتلر آياقلانير ، وار قوتلىله دوشمه لرى دو كرك صيچرار طورورلر ، ايشته قوپونك حالى ده او كا بكزي يوردى .

سر طيب ، برلكده كتيردىكى ايکى دوقتوره خسته يى اشارت ايدىرك :

— اويويور ،

ديدى . قوپونك كوز قاپاقلىرى قانمشدى . يوزنده اوراق ، عصبي رعشه لر طولاشيوردى . خراب وبى تاب ، چكه سى چيقيق ، سىماسى كابوس كيرمش برأولو حالنده ، بوسبوتون ايكرنج اولمشدى . دوقتوزلرك اك زياده نظر دقتلىرىنى جلب ايدىن شى خسته نك آياقلىرى اولمشدى .

قوپو نه قدر درين اويقويه طالمش اولورسه اولسون ينه آياقلىرى اوينا يوردى .



کوکده ساکن ، حرکتسز طور یورمیش ، اونلره بوندن نه ؟ اونلر نه اکسیک نه فضله ، طبق دمیئکی کبی رقصلرینه درام ایدیورلردی . صانکه بر ماکنه اونلری اویناتیورمیش کبیدی . جانلری اویله ایسته یوردی ، اونک ایچون اوینایوب طور یورلردی .

بر آرهلق ژروهمز ، دوقتورلرک آلاريله قوپونک کوکده سنه طوقوندقلى کوردیکی ایچون اوده اونلر کبی یامق ایسته دی ویاواش یاواش یاقلاشهرق ایلله اوموزینه طوقوندی . امان یاربی ! بو کوکده نك ایچنده نلر اولیوردی ؟ درینک آلتنده نه وار نه یوق هپ اوینایور ، میکک بيله طیشاری فیرلایه جق کبی صیچرا یورلردی . ژروهمز بر آز شدتلی باصه جق اواسه ایچریدن آجینک ویردیکی فیراده مشابه بر سس چیقدیغنی حس ایدیوردی . ظاهرأ کوره بیلدیکی شی بر قاصیرغه نك سطحنده اولدیغنی کبی اونکده وجودنده اوفاق طالغولرله بر طاقم چقورجقارک حاصل اولدیغنی ایدی . آنجق ایچ طرفده ، بللی که ، مدهش تخریبات واردی . کوستیک یرک آلتی ناعمل اویارسه آسسوموار راقیسی ده قوپونک ایچنی اویله بالطه لیوردی . بوتون وجود بو راق ایلله ملمع ایدی . بو بالطه لامه عملیه سی نهایت اونک وجودینی اوفالایه اوفالایه بر زمان کله جک که بوتون کوکده عمومی وداغی بر زلزله ایچنده محو اولوب کیده جکدی .

دوقتورلر چکیلوب کیمه شلردی . ژروهمز دهها بر ساعت قدر اوراده نوتجی طبیی ایلله قالدی . بر آرهلق خفیف بر سسله :

— افندی ، افندی ، اولدی !

دیدى . حالا خسته نك آياقلىرى تماشا ايله مشغول اولان دوقتور باشيله : خایر ! . . . اشارتی یاپدی . قوپونک یاتاقدن طیشاری چیقان آياقلىرى حالا اوینایوردی . پارمقلىرىنک اوجنده طیرناقلر اوزامش ، صوك درجه کیرلی ایدیلر . آرهدن بر قاچ ساعت کچدی . بر آرهلق آياقلىرى حرکندن طوردیلر ، قاص قاتی کسیدیلر ، اووقت دوقتور ژروهمزه دونه رک :

— شیمدی اولدی

دیدى . آنجق اولوم آياقلىرى رقصنى طوردیره بيلمشدی . ژروهمز اوه دوندیکی زمان قاپوجینک اوطه سی محله قاریلرله طولو ایدی ، حرارتلی حرارتلی قونوشیورلردی . اوطن ایدیوردی که هرکونکی کبی بوکونده خسته حقنده حوادث آلمق ایچون اونى بکلیورلردی . قاپوی آچهرق کیردی ، یورغون و سرسم بر سیا ایلله :



دیدي . بوسوزینه قولاق آسان اولمادی . بوتون او آلت ارست اولمادی : چونکه پواسسون قاریسیله لانتیه یی جرم مشهور حالنده یاقه لامشدی . واقعا ایشک تام حقیقتی بیلن یوقدی . انجق شوراسنی بیلیورلردی که پواسسون ، هیچ بکلمه مدکلری برزمانده قاریسیله لانتیه نك اوستنه وارمشدی . ، قادینلر بوکا عائد بعض تفصیلاتی ده اوراده بوکه رک بر برینی تودیع ایدیورلردی . هر نه ایسه پواسسون قاریسی عاشقیله بویله یاقه لایحه کندیسنی غائب ایتمش ، او هیچ سسی صداسی حیقمایان آدم بردن قاپلان کسيلمش ، باغیروب چاغیرمه ، صیچرامغه باشلامش ، فقط بوندن صوکره سی نه اولمش اونی کیمسه بیلمیوردی . احتمال که لانتیه مسئله یی ایضاح ایتمش ذاتاً ویرژی ایله مناسبتلری پک ایلری کیده مه یه جک کی کورونیوردی . بواشاده قاپی جی بوش جوارده کی لوقنطه ده چالیشان قیزک ویرژینینک قاله جق دکانی طانتدیغنی ، اورایه بر اشکنبه جی دکانی آچه جغنی سویله مشدی . قورنازلانتیه اشکنبه یه اوقدر بایلیرمش که ... او اراقی ژروه ز مادام لوریوانیله مادام لورانک اوطویه کیردکلرینی کوره رک خفیف بر سسله :

— درت کون درت کیچه صیچرایوب طور دقدن ، باغیروب چاغیردقدن صوکره نهایت اولدی ...

ایکی همشیره چارناچار مندیللارینی چیقارهرق کوزلرینی سیلایلر . واقعا فاردده شلرینک اپی قباحتی واردی ، فقط نه اولسه ینه قارده شلری ایدی . قاپوجی بوش اوموزلرینی سیلکه رک هرکسه ایشتدیره جک قدر یوکسک سسله :

— یر یوزندن بر سرخوش دها ا کسیلدی .

دیدي . او کوندن بری ژروه ز صیق صیق کندندن کچهرک قوپونک تقلیدینی یاپاردی . بوتون او خلقی ایچون بو ، برا کلنجه اولمادی . آرتق رجا ایتکه حاجت یوقدی . او کندیلکندن یاییور ، غیر احتیاری صیحه لرله باغیره رق ، آلارینی آیاقلرینی تیره تهرک قوپوی تقلید ایدیوردی . شبهه سز بواعتیاد اوکا قوجه سنه باقه باقه کلشدی . فقط طالعی یوقدی که کبره میوردی . او ساده جه قفسدن قاچش کی مایمونلر کی یوزینی کوزینی بوروشدیره رق آلارینی قولارینی صاللیور ، محله نك چوجوقلری اونکله اکله نهرک صورانه لاحنه صاپلری آتیورلردی .

بو حال آیلرجه مدت دوام ایتدی . ژروه ز کیتدکجه دها فضله سقوط ایدیور ، هردلو حقارتلره قاتلانیور ، هن کون آچلق یوزندن بر پارچه دها اولومه یافلاشیوردی . آلنه برقاق یاره کچنجه راقیه ویریور ، ایچیور ، دیوارلری دوکیوردی . محله نك نه قدر صمدار ایشلری وارسه اوکا کوردیریلیوردی . براقشام عجباً پدسلک یرمی یمز می دیه بحثه طوتومشلردی . اون سو قازانق ایچون ژروه ز پدسلکدن ده یمشدی . بنا صاحبی موسیو ماره سقو اونی اوطوردینی آلتنجی قاتندن قوغمه قرار ویرمشدی .



فقط بر کون بابا برو ، هر دیون آلتیده کی دلیکده اولو بولونمیشدی . مال صاحبی ژروهمزه بوده لیکی ویرمه که راضی اولدی . شیمیدی ژروهمز بابا برونک بر اقدینی ده لیکده اوطوریوردی . آلتیده اسکی بر اوت مندر ، بوتون کون آج ، صوغوقدن تتره یوب طور ییوردی .

آ کلاشیلان ، قاره طوپراق اونی آلمغه بر درلو راضی اوله میوردی . اوقدر سر سملشمیشدی که کندینی آلتنجی قاتدن آشاغی آتوب اولمکی بیه دوشونه میوردی . اولوم اونی پارچه پارچه ، دیلم دیلم ییه رک بو ملعون حیاتک صوکنه کتیرمه که قرار ویرمیشدی . حق اولد کدن صوکره سبب وفاتونک نه اولدینی بیه آ کلاشیله مامیشدی کیمی صوغوقدن اولدی دیدی ، کیمی حرارتدن اولدی دیدی . حالبوکه ایشک طوغروسی سفالتدن ، پیسلکدن ، حیاتک یورغونلقلرندن اولمیشدی . لوریولرک تعبیری وجهله که وشه یه که وشه یه اولمیشدی . بر صباح قوریدر دن کادیکنی طویان کیراجیلر ایکی کوندن بری ژروهمزی کورمه دکارینی خاطر لایه رق اونک اوطوردینی ده لیکه باقدیلر : ژروهمزی اوراده یم یشیل بولدیله .

اونی مزاره کوتورمک وظیفه سنی بابا بازوغ درعه ده ایتدی . اختیار مزارجی اوکون آدم عقلی سرخوشدی . فقیرله مخصوص تابوتی قولک آلتیه آله رق کلدی . کوتوروله جک اولو ژروهمز اولدینی کورو بجه بر طرفدن لازم اولان حاضر اقلری یاپارکن دیگر طرفدن فلسفی ملاحظه لرینه گرمی ویردی . — هرکس بو یولک یولجیسیدر ، بربرکزی ایتوب قاقیشدیرمغه حاجت یوق ، طوپراغک آلتیده هرکسه کافی بر وار ... کچ قالدیم دییه عجله ایتک بدلالقدر ... بکا کوره هوا خوش ، بن هر وقت اصره حاضریم ... بعضیلری کیتک ایستهلر ، بعضیلری ده ایسته هلر ... ایسته مثلا بو قادیجغز بر درلو کیتک ایسته میوردی ، نهایت راضی اولدی ، کیدیور ... اوت کیدیور آما ، حق ده ایتدی ها ... شیمیدی آجینه صیره سی دکل ، شن شاطر کیده لم دکلی قادیجغزم ؟

ژروهمزک وجودینی یاقه لامق اوزره قوجه مان آلارینی اوزاندینی زمان بردن قلبه رقت چوکدی و بر زمانلر کندیسنه قارشو اوزون بر صربوطت و استیلا طاشیمش اولان بو قادینی بردن یاواش یاواش قالدیریوردی ، بر بابا شفقت واعتاسیله اونی تابوتک ایچنه اوزاته رق !

— بیلورمیسک ، دیدی ، بن بیی لاغته ، مزارجی بابا بازوغ ، قادیلرک آلمنه تسللی ویرهن ، ایشته سکاده بندن تسللی کلدی ، هایدی کوزلم کیت ، اویو و بختیار اول !







# DATE DUE

OCT 18 1989

7/24/92







stx  
PQ2496  
A68  
1923